

DE SACRAMENTIS IN GENERE
DE SACRAM^AMENTALIBUS^C

NEC NON

De Sacramentis Baptismi, Confirmationis,
atque Extremæ Unctionis

DECISIONES

AUCTORE

JOANNE CLERICATO

PRÆPOSITO PATAVINO

Juris Utriusque Doctore, olim in Curia Episcopali Patavina Advocato, &
Promotore Fiscali; deinde Auditore, ac demùm Vicario Generali.

IN QUIBUS

Ex studio, & Responsis Cleri Patavini ad Casus Conscientiæ, ipsi per eum
propositos Annis 1687. 1688. & 1692.

Explicatur tota doctrina concernens eadem Sacramenta, adornata non solum argumentis,
& Summaris; sed etiam variis, & proficuis Eruditionibus, Historiis, Ritibus,
Exemplis, ac curiosis Quæstionibus ex Theologia, Philosophia,
Medicina, ac utroque Jure collectis.

OPUS

Utile, ac jucundum Episcopis, Prælatiis, Vicariis, Animarum Rectoris, ac
Confessariis tam sæcularibus, quàm Regularibus, aliisque
bonarum Litterarum Studiis

EDITIO QUARTA.



VENETIIS, MDCCXXV.

Apud Andream Poleti, sub Signo Italiæ.
SUPERIORUM PERMISSU, ac PRIVILEGIO.

THE UNIVERSITY OF CHICAGO

LIBRARY

1900

1901

1902

1903

1904

1905

1906

1907

1908

1909

1910

1911

1912

1913

1914


1915

Eminentissimo, ac Reverendiss.

D. D.

JOANNI FRANCISCO
SANCTÆ ROMANÆ ECCLESIAE
CARDINALI
NIGRONO

Joannes Clericatus Præpositus Patavinus
FELICITATEM.



Nter cætera Astrono-
morum signa, ad præfagiendam in na-

* 2

talibus

talibus hominum prosperitatem , illud est præcipuum , si aliquod è majoribus Luminaribus Cœli sit benè affectum cum Horoscopo illius , qui nascitur ; ea ratione , quia , cum Sol sit caloris vitalis largitor , & Luna humidi radicalis conservatrix , vitæque humana ex conservatione ejusdem caloris , & humidi pendeat , ut in his Decisionibus demonstratur *Decis. LXXVI. num. 5.* ubi unus , vel alter eorundem Planetarum benignè respiciat nascentis initium , copiosè influit in ipsum partum vitales qualitates prædictas , ob realem habitudinem , & respectum ad locum , unde cœpit vires suas exferere . Hujusmodi observationes , nascentibus hominibus , non me latet à pluribus doctis viris tanquam nugaces parvipendi : At ego pro certo scio , & compertum habeo , in harum Decisionum ortum , decem ab hinc annis , **EMINENTIAM VESTRAM** , hîc Patavii in eclyptica Episcopii hospitantem , uti **SOLEM** Catholicæ

Eccle.

Ecclesiæ splendidissimum humaniter
influxisse; illas enim tunc è typogra-
phia Seminarii editas, & ad lucem
egressas **VESTRA EMINENTIA**
in manus placidè excepit, comiter le-
git, benignè laudavit, ac benedixit,
& unâ cum aliis heroicis operibus Emi-
nentissimi, ac Reverendissimi **D. D.**
GREGORII CARDINALIS
BARBADICI Antistitis vigilan-
tissimi, ac Heri mei Venerabilis, hæc
studia ejus Cleri, humilitati meæ com-
mendata, sereno vultu suspexit, ap-
probando fecit vividas, vivificando
felicitavit. Tanti Ascendentis non fe-
fellit principium; nam ubique hi litte-
rarii labores Studiosis grati extitere,
& tanta aviditate petiti, & coempti,
ut ad secundam hanc eorum editionem
necesse fuerit devenire, adaucto ope-
re, non solum argumentis, summariis,
& doctrinis; sed etiam novo tractatu de
Sacramento Extremæ Unctionis; cui,
extremis annis prælibati sui Antistitis,
Clerus Patavinus studuit.

Quem-

Quemadmodum, igitur, EMINENTIA VESTRA radiis humanissimæ benignitatis suæ Horoscopum Decisionum harum ab initio fovit, & aluit, ita secundum earum partum splendoribus suæ eximiæ Pietatis, ac Auctoritatis ne dedignetur qualificare, & tueri; unâque cum ipsis obsequium, ac reverentiam meam; quibus Celsitudinem animi, & Latitudinem cordis EMINENTIÆ VESTRÆ veneror, & Sacræ Purpuræ deosculor extremitatem.

Patavii Cal. Junii MDCCIII.

AUCTOR

170 AUCTOR

Ad Ven.

CLERUM PATAVINUM, Et Studiosos Lectores.



*L*iterarii labores Vestri, quibus praesentes Decisiones fulciuntur, adeo grati, & proficui facti sunt aliarum Decisionum, etsi valde distantium, Studiis, ut, ad eorum enixis petitionibus satisfaciendum, necesse fuerit ad novam hanc impressionem procedere, & Decisionibus ann. 1687. & 1688. editis; addere tractatum Extremae Unctionis, cui anno 1692. Vos studuistis. At circa praesentem librum de tribus Vos monitos facio. Unum est, quod ipsum reperietis ornatum Argumentis, ac Summariis praeviis ad quamlibet Decisionem, nec non Indice generali in fine, ut facilius quae ex abrupto requiruntur, reperiantur. Alterum concernit additiones, quibus Casus de Sacramentis in genere, de Sacramentalibus, de Baptismo, ac de Confirmatione adaucti sunt, tum quod ad doctrinam; tum quod ad formam; siquidem sub distinctis Decisionibus redditi sunt ornatiores. Tertium versatur circa unionem horum trium Sacramentorum Baptismi, Confirmationis, ac Extremae Unctionis; de facili enim aliquis Vestrum mirabitur, & forsan lamentabitur, quod post Confirmationem agatur de Extrema Unctione, cum juxta praxim Parochorum, prius Poenitentiae, deinde Eucharistiae, demum Unctionis Extremae Sacramentum ministretur? Porro rationabilem esse explicationem unitim factam Baptismi, Chrismatis, ac Olei Sancti, contendendo, ex Ritu Sanctae Matris Ecclesiae, quae simul, eodem die, ac actione consecrando preparat, & preparando consecrat materiam horum trium Sacramentorum; videlicet in Missa Solemni Ferie Quintae in Cena Domini, in qua Episcopus Olea Sacra sanctificat, tum pro iungendis scapulis, & vertice puerorum in Baptismo, tum pro eorum fronte in Confirmatione signando, tum etiam pro sensibus Infirmorum periculose decumbentium unguendis. Quod si haec explicatio de Extrema Unctione visa vobis fuerit incongrua, eo quia ameponatur Decisionibus de Venerabili Eucharistiae Sacramento, (quae prodierunt in lucem anno 1697.) legite Decisionem LXXXI. & scietis, olim fuisse in usu, apud fideles, prius recipere Extremam Unctionem, deinde Viaticum Sacrum. Igitur consueta comitate Vestra librum hunc cum aliis nostris excipite, & diu, feliciterque valete.

NOI REFORMATORI

Dello Studio di Padova.

H Avendo veduto per la Fede di revisione, & approbatione del P. F. Raimondo Asperti Inquisitore nel Libro intitolato : *De Sacramentis in genere, & de Sacramentalibus*, nec non *de Baptismo, de Confirmatione &c. Decisiones Auctore Jo: Clericato Præposito Patavino*, non v'esser cosa alcuna contro la Santa Fede Cattolica, & parimente per Attestato del Segretario Nostro, niente contro Principi, & buoni costumi, concedemo licenza ad Andrea Poletti Stampatore, che possi esser stampato, osservando gl'ordini in materia di Stampe, & presentando le solite copie alle Publiche Librerie di Venetia, e di Padova.

Dat. 13. Maggio 1703.

- { Ferigo Marcello Proc. Ref.
- { Sebastian Foscarini Kav. Proc. Ref.
- { Marin Zorzi Ref.

Agostino Gadaldini Segr.

I N D E X

A R G U M E N T O R U M

D E S A C R A M E N T I S

I N G E N E R E.

DECISIO I.

ARGUMENTUM.

Referuntur variae significationes hujus vocis Sacramenti. Item diversae definitiones, ac divisiones. Sacramenta constare Materia, Forma, ac intentione demonstratur. pag. I

DECISIO II.

ARGUMENTUM.

Agitur de nullitate, & invaliditate Sacramentorum, quæ laicus fingens se Sacerdotem administravit. Quot, & qualia peccata ipse commiserit? Et quibus poenis sit ipse plectendus? Quid agere debeant illi, qui ab eodem Sacramenta susceperunt? 4

DECISIO III.

ARGUMENTUM.

Explicatur quid, & quotuplex sit Interdictum Ecclesiasticum? & quæ Sacramenta, eo durante, possint ministrari? 7

DECISIO IV.

ARGUMENTUM.

Inquiritur, an fuerint Sacramen-

ta in Lege Naturæ, & Mosæica; & quæ? Adam qua die, & hora sit creatus? ac quando lapsus sit in peccatum? pag. 9

DECISIO V.

ARGUMENTUM.

Demonstratur, An Parochi debeant esse assidui in administratione Sacramentorum? Quando peccent ob desidiam? Et an tempore Pestis debeant ea propriis manibus ministrare? II

DECISIO VI.

ARGUMENTUM.

Explicatur in hac Decisione, quæ materia sit apta? quæ inepta? & quæ dubia in quocunque Sacramento? Et docetur, quomodo Materia, & Forma debeant simul coexistere? 13

DECISIO VII.

ARGUMENTUM.

Dilatio quanta esse possit absolutionis in confessione? Nec non Unctionum intra se Extremæ Unctionis Sacramento? 18

**

DE-

Index Argumentorum de Sacramentis in genere .

DECISIO VIII.

ARGUMENTUM.

Breviter, sed clarè docetur, variari posse formam Sacramentorum octo modis; & quæ variatio oblit valori Sacramenti? Verba formæ corde, seu mente tantum prolata, non faciunt Sacramentum. pag. 21

DECISIO IX.

ARGUMENTUM.

Refertur nullitas Baptismi puero moribundo dati ob defectum Verborum formæ. Quem puerum Ecclesiasticæ sepulturæ non esse tradendum ostenditur. 23

DECISIO X.

ARGUMENTUM.

An interrompere formam Sacramentorum, inferendo per medium ejus alia verba, vel anteponendo aliquod ex verbis ejusdem formæ noceat validitati Sacramenti, declarat hæc Decisio? Item an ly *Et* in forma Baptismi sit de ejus essentia. 24

DECISIO XI.

ARGUMENTUM.

Agitur de necessaria intentione Ministri in conficiendo Sacramento; & explicatur quæ, & qualis debeat esse dicta Intentio. Resolvuntur duo casus curiosi circa eandem Intentionem. pag. 26.

DECISIO XII.

ARGUMENTUM.

Ostenditur quis sit Minister ordinarius Sacramentorum? Dissertitur, An Angeli boni possint ministrare Sacramenta? nec non Animæ Beatæ, ac ipsa Beatissima Virgo Mater Dei? Exempla plurima de iisdem. pag. 30

DECISIO XIII.

ARGUMENTUM.

Resolvuntur duo casus circa validitatem Sacramenti ob errorem Ministri, unius in sensu verborum, alterius in recta prolatione eorumdem. 31

DECISIO XIV.

ARGUMENTUM.

Inquiritur, an suscipiens Sacramentum debeat esse alius à Ministro? Et quæ intentio in suscipiente requiratur? Sacerdotes extra Missam, Diaconi, Laiici, ac mulieres an possint sibi ministrare Eucharistiam? 33

DECISIO XV.

ARGUMENTUM.

Edocet præsens Decisio, quando liceat petere Sacramenta à Ministris indignis; Et quando indignis petentibus ea possint à Sacerdote ministrari? 36

Index Argumentorum de Sacramentis in genere.

DECISIO XVI.

ARGUMENTUM.

Duo præcipui casus resolvuntur, An liceat recipere Eucharistiam à Sacerdote Concubinario illam publicè ministrante? Et an danda sit Concubinis se ad eam sumendam cum aliis ad Sacramentam præsentantibus? p. 40

DECISIO XVII.

ARGUMENTUM.

Declarat hæc Decisio quot sint effectus Sacramentorum? & doctè explicat effectum primum cujuscunque Sacramenti, scilicet Gratiam. 42

DECISIO XVIII.

ARGUMENTUM.

Enucleantur duo casus famosi, de modo, & tempore, quibus recipiat gratiam, tum qui communicat cum mortali ignorato, tum qui adultus baptizatur non dolens de actualibus peccatis. 45

DECISIO XIX.

ARGUMENTUM.

Character, qui est secundus effectus trium Sacramentorum, quid sit? & in qua Animæ potentia imprimatur? in præsentia Decisione discutitur. Respektus debitus Characteri, ne quis peccet ministrando Sacramenta in mortali, vel ea suscipiendo cum venialibus. Ornatus Animæ Tertius effectus Sacramentorum remissivè explicatus. pag. 47

DECISIO XX.

ARGUMENTUM.

Sacramentalia Ecclesiæ exponuntur quoad eorum numerum, & quoad effectum, qui præcipuus est in delendis culpis venialibus. Sed utrum eas debeat ex opere operato, vel ex opere operantis discutitur? cum aliis dubiis Sacramentalia concernentibus. 50

I N D E X

A R G U M E N T O R U M

D E S A C R A M E N T O

B A P T I S M I.

DECISIO XXI.

A R G U M E N T U M.

Declarat præsens Decisio, quid significet hæc Vox Baptismus? Eam non esse in usu apud omnes nationes demonstrat. Duas definitiones Baptismi refert, Unam Magistri Sententiarum; alteram Scoti.

pag. 55

DECISIO XXII.

A R G U M E N T U M.

Differitur de Baptismo S. Joannis Baptista? Quo anno natus, & ingressus desertum? Quid essent locustæ, & mel sylvestræ, quibus vesceretur? Quo anno cœperit prædicare? Et qui tunc principabantur in Judæa? tandem referuntur duodecim diffinitiones inter Baptismum S. Joannis Baptista, & nostrum.

57

DECISIO XXIII.

A R G U M E N T U M.

Examinatur, & resolvitur, quanto tempore possit differri Baptismus tum infantium, tum adultorum? Eruditiones variae de tempore baptizandi infantes, nec-

non variae Synodales Constitutiones de eadem obligatione . . .
pag. 60

DECISIO XXIV.

A R G U M E N T U M.

Relatis octo speciebus Baptismi generaliter sumpti; tribus autem propriis Sacramenti Baptismi, & quarta Baptismi Campanarum; traduntur curiosæ, & utiles doctrinæ de Campanis, & earum sex officiis.

64

DECISIO XXV.

A R G U M E N T U M.

Differitur de Baptismo Fluminis, idest de eo, qui datur per Aquam, vel solemniter, vel privatè. Diffinitiones inter utrumque modum. Deipara, S. Jo: Baptista, & Apostoli, à quo sint baptizati? & quando? Tripliciter dari potest Baptismus Aquæ, & cur immersio non sit in usu?

69

DECISIO XXVI.

A R G U M E N T U M.

Declaratur Baptismus Fluminis; & de eo refertur, an sit necessarium Votum explicitum, vel suffi-

Index Argumentorum de Sacramento Baptismi.

sufficiat impliciti? Item utrùm cum eo sufficiat Attritio, vel requiratur Contritio ad salvandam Animam? pag. 71

DECISIO XXVII.

ARGUMENTUM.

Exponitur Baptismus Sanguinis consistens in Martyrio. Quid, & quoruplex sit Martyrium declaratur; & quot ejus gradus? Conditiones septem necessariæ ad verum Martyrium. Ejus sex effectus cum exemplis, ac variis eruditionibus sacris. 74

DECISIO XXVIII.

ARGUMENTUM.

Ostenditur, quando Diaconus possit solemniter baptizare? necnon Parochus suspensus à Divinis? 80

DECISIO XXIX.

ARGUMENTUM.

Quænam sit materia Baptismi declaratur in hac Decisione. Referuntur errores hæreticorum circa ipsam materiam; & resolvuntur octo dubia à nemine ignoranda circa collationem Sacramenti Baptismi. 83

DECISIO XXX.

ARGUMENTUM.

Formam Sacramenti Baptismi explicat hæc Decisio, referens errores hæreticorum circa illam, & docens quæ verba sint in ipsa forma de Præcepto tantum, &

quæ de ejus essentia? Plures quæstiones scitu necessariæ, ac curiosæ deciduntur attinentes ad ipsam formam. Baptizare extra Ecclesiam non licet, duobus casibus exceptis; nempe necessitatis, & Filiorum Principum. pag. 87

DECISIO XXXI.

ARGUMENTUM.

Disquiritur an duo Ministri esse possint in baptizando simul unicum infantem? Proponuntur, & resolvuntur duo casus satis curiosi, sed præctici, de duplici Ministro in uno, ac eodem Baptismate. 90

DECISIO XXXII.

ARGUMENTUM.

Comprobatur necessitas Baptismi ad æternam salutem consequendam. Distinctio Necessitatis, ut alia dicatur simpliciter, seu medii; alia secundum Quid, seu Præcepti. Infantes an sine Baptismo possint salvari? Item an adulti? Errores hæreticorum circa necessitatem Baptismi? 92

DECISIO XXXIII.

ARGUMENTUM.

Recensentur effectus duodecim, quos producit in baptizatis Sacrum lavacrum Baptismi. Inter eosdem numeratur sanitas miraculosa à desperatis corporis infirmitatibus. Circa easdem varia exempla afferuntur. 94

DE-

Index Argumentorum de Sacramento Baptismi.

DECISIO XXXIV.

ARGUMENTUM.

Disputatur, an liceat baptizare plures infantes unica vice, & actione? Prout etiam an peccet mortaliter ille, qui baptizat existens in peccato mortali. pag. 97

DECISIO XXXV.

ARGUMENTUM.

Ostenditur, Ministros ordinarios Baptismi esse Papam in toto orbe, Episcopum in sua Diœcesi, & Parochum in sua Parochia. At in casu necessitatis, quilibet potest baptizare, servata tamen prerogativa personarum hic notata. Utrum Angeli possint ministrare Baptismum? & an etiam Dæmones. 99

DECISIO XXXVI.

ARGUMENTUM.

In duobus sequentibus casibus duæ quærentur, An quis possit baptizare seipsum? & an Patrinus non baptizatus contrahat cognationem spiritualem? Infidelis baptizans eam non contrahit. Sed utique carnalem, si coe at cum fidei. 101

DECISIO XXXVII.

ARGUMENTUM.

An in Baptismo privato sit adhibendus Patrinus? & Patrinorum varia nomina, ac conditiones

demonstrantur. Unus tantum, vel unus, & una solummodo admittendi. Si plures? peccant, at contrahunt cognationem. De necessitate Patrini; & quando conjuges inter se ex hoc priventur jure petendi debiti? pag. 103

DECISIO XXXVIII.

ARGUMENTUM.

Patrini quando sint obligati instruere filios suos spirituales in rebus fidei, & in Doctrina Christiana? Nec non quando teneantur eisdem in egestate positos alere? præsens Decisio demonstrat. 107

DECISIO XXXIX.

ARGUMENTUM.

Disquiritur an licitus sit Baptismus datus à Parocho per immersionem? Et an validus factus sub Stillicidio? in Casu necessitatis Baptismus est dandus cum Aqua benedicta. Hinc Aquæ benedictæ quatuor præcipui effectus recentientur. 109

DECISIO XL.

ARGUMENTUM.

Resolvitur famosa Quæstio, An contrahat cognationem spiritualem in Baptismo Procurator tenens nomine alterius infantem? An ille, qui misit ipsum Procuratorem? Item docetur, quinam prohibeantur esse Patrimi in Baptismo. 114

Index Argumentorum de Sacramento Baptismi.

DECISIO XLI.

ARGUMENTUM.

Discussio dubio, an madefactis aqua digitis satis sit tangere caput baptizandi? disputatur famosa Quæstio, an licita sit sectio ventris matris non valentis parturire? Et an ipsa Mater teneatur pati incisionem, ut fœtus possit baptizari? pag. 115

DECISIO XLII.

ARGUMENTUM.

Quæstio famosa disputatur, An Infantes infidelium invitis Parentibus sint baptizandi? & fœdere distinctionis juridicè resolvitur. 119

DECISIO XLIII.

ARGUMENTUM.

Ad quem Parochum spectet baptizare filium natum ex accidenti extra Parochiam genitorum ejus? resolvit hæc Decisio. Item quid agere debeat Sacerdos vocatus ad obstetricandum in necessitatis Casu? Et an baptizanda Catechumena phrenetica moribunda? 122

DECISIO XLIV.

ARGUMENTUM.

Agitur de nomine imponendo filiis, dum è Sacro Fonte levantur. Quænam essent Regulæ antiquorum in imponendis nomi-

nibus filiis suis? Exempla Romanorum, Græcorum, ac Germanorum. Christianis vel imponenda nomina Sanctorum, vel quæ non sint Deorum inanium. Aliæ eruditiones multæ circa nominis impositionem. pag. 124

DECISIO XLV.

ARGUMENTUM.

Explicantur Mysteria omnium, & singularum Cæremoniarum, quæ sunt statutz ab Ecclesia in administratione Sacramenti Baptismi. Item recensentur aliæ, dignæ scitu, quæ olim adhibebantur. 126

DECISIO XLVI.

ARGUMENTUM.

Quia frequenter scribunt Historici ex Mulieribus monstra nasci, quæ an baptizanda sint, multi dubitant? ideo in præsentî Decisione referuntur octo genera Monstrorum, de quibus in Summario, & docetur, quæ sint capacia Baptismi? 130

DECISIO XLVII.

ARGUMENTUM.

Declarantur aliæ plures species Monstrorum in Summario nominatorum. Quæritur an Diabolus possit mutare homines in bestias, & quot, ac quibus modis? Disseritur de Nabuchodonosore transmutato in bestiam. Referuntur partus numerosi variarum Mulierum. 136

DE-

Index Argumentorum de Sacramento Baptismi.

DECISIO XLVIII.

ARGUMENTUM.

Sciscitantur causæ, ex quibus gignuntur Monstra, & docetur alias esse naturales, alias supra, alias infra naturam: Historiis, & exemplis eadem declarantur. pag. 139

DECISIO XLIX.

ARGUMENTUM.

Disputatur famosa Quæstio, an dentur Dæmones Incubi, vel Succubi? & an hi possint generare Monstra vel cubando cum mulieribus, vel succumbendo cum Viris. 143

DECISIO L.

ARGUMENTUM.

Tria curiosa dubia resolvuntur: An Pater bellua, & Mater mulier simul generent? E contra, An Vir Pater cum Matre bellua? Et an feræ diversarum spe-

cierum simul coeuntes? Ulterius an defectus parentum transmittantur in filios? pag. 145

DECISIO LI.

ARGUMENTUM.

Proponit præsens Decisio, quasi Monstra, diversarum Mulierum monstrosa exempla: at præcipue plurium, quæ Virtute, ac Sapientia coruscarunt. Et aliarum, quæ vitiosæ, vafraque fuerunt. Tandem dat decem Regulas observandas pro Baptismis-monstrorum. 149

DECISIO LII.

ARGUMENTUM.

Discutitur curiosus casus, An mulier Hebræa gravida fugiens è stabulo Judæorum ob desiderium fidei Christianæ, & interempta à Judæo eam insequente, salva sit unà cum prole, & tradenda Ecclesiasticæ Sepulturæ? Historiæ, & exempla de odio Judæorum in Christianos. 151

I N D E X

A R G U M E N T O R U M

D E S A C R A M E N T O

C O N F I R M A T I O N I S .

DECISIO LIII.

A R G U M E N T U M .

Referuntur diversa nomina, quibus nuncupatur Sacramentum Confirmationis. Traditur ejus existentia, institutio, & definitio. Notantur variaz manuum impositiones, ac Unctiones Sacrae in Ecclesia. pag. 153

DECISIO LIV.

A R G U M E N T U M .

Tam de Sacramenti Confirmationis materia remota, quam de proxima plenè, ac doctè differt præsens Decisio: & circa utramque materiam plura Dubia, scitu unicuique Ecclesiastico necessaria, proponit, pro utraque opinione examinat, & resolvit. 156

DECISIO LV.

A R G U M E N T U M .

Traditur Forma Sacramenti Confirmationis. Inquiritur an illius Verba sint omnia essentialia ad validitatem Sacramenti? Et quomodo sustineri possit forma brevis, qua Græci utuntur? 162

DECISIO LVI.

A R G U M E N T U M .

Resolvitur præsens Decisio, an valeat Confirmationis Sacramentum, si ungatur maxilla confirmandi, non autem Frons? Et quid si unctio fiat ab Episcopo non cum pollice, sed cum indice digito? vel pollice manus sinistrae? aut cum pennicillo? pag. 164

DECISIO LVII.

A R G U M E N T U M .

Agitur de Ministro Sacramenti Confirmationis, & docetur, quod ejus Minister ordinarius est Episcopus. Extraordinarius etiam simplex Sacerdos ex delegatione Papæ. Tempus, locus, & habitus declarantur, quibus Episcopus debet hoc Sacramentum ministrare. 166

DECISIO LVIII.

A R G U M E N T U M .

Referuntur tres effectus Sacramenti Confirmationis: Character, Gratia, & Cognatio spiritalis; ad quos consequendos
*** do-

Index Argumentor. de Sacramento Confirmat.

docetur requiri tres dispositiones in suscipiente: Baptismum, Intentionem, & Statum gratiæ. pag. 168

DECISIO LIX.

ARGUMENTUM.

Propositis pluribus generibus personarum, quæ non possunt esse Patrini in Confirmatione; ostenditur ab his Patrinatus officium suscipientibus, si quis non sit baptizatus, vel non confirma-

tus, nullam contrahi spiritua-
lem cognationem. pag. 171

DECISIO LX.

ARGUMENTUM.

Examinatur, & deciditur famôsa Controversia, si plures Patrini suscipiant eundem Confirmandum, an omnes contrahant spiritualem cognationem? Tandem demonstratur, an Sacramentum Confirmationis sit de necessitate salutis? 173

I N D E X

A R G U M E N T O R U M

D E S A C R A M E N T O

E X T R E M Æ U N C T I O N I S .

D E C I S I O L X I .

A R G U M E N T U M .

Referuntur diversa nomina, quibus nuncupatur Sacramentum Extremæ Uñctionis. De Oñto Uñctionibus Sacris, quæ prædicantur ab Ecclesia Catholica, ac de earum mystica significatione: Quòd cadavera Sacerdotum à Græcis unguntur Oleo Sancto, antequàm sepe-
liantur. pag. 178

D E C I S I O L X I I .

A R G U M E N T U M .

Probatur Existentia Sacramenti Extremæ Uñctionis, ejusque Institutio facta à Christo Domino. Adducuntur rationes, ac auctoritates pro hac veritate desumptæ à Conciliis, à SS. Patribus. & à Traditione Ecclesiæ. Confutantur Lutherani, ac Calvinistæ hoc Sacramentum negantes; & eorum argumenta resolvuntur. Ostenditur triplicem esse Traditionem, Divinam, Apostolicam, & Ecclesiasticam. Compendiosa relatio natiuitatis, vitæ, ac mortis Martini Lutheri. De origine, & causâ Epistolæ D. Jacobi Apostoli. 180

D E C I S I O L X I I I .

A R G U M E N T U M .

Disputatur Ubi, & Quando Sacramentum Extremæ Uñctionis sit à Christo Domino institutum? Referuntur duæ opiniones. Inquiritur, An Uñctio, quam faciebant Apostoli *Marc.* 6. 13. fuerit solum miraculosa, an etiam Sacramentalis? Rationes pro, & contra. Concluditur, hoc Sacramentum fuisse institutum à Christo post ejus Resurrectionem. Docetur, cur SS. Evangelistæ de eo expressè non scripserint? pag. 186

D E C I S I O L X I V .

A R G U M E N T U M .

Traditur definitio Sacramenti Extremæ Uñctionis, cujus materia est Oleum olivarum ab Episcopo consecratum. Explicantur sex genera Oleorum, & ostenditur, aliud esse Oleum Nominale: aliud Naturale: aliud Artificiale: aliud Supernaturale: aliud Infernale: aliud Sacramentale. Circa omnia prædicta variæ eruditiones habentur, præcipuè de bonitate, & usu Olei naturalis; de obligatione solvendi Decimam de ipso.

Index Argumentor. de Sacram. Extremæ Unct.

De Lucernis perpetuis antiquorum. De Oleo, quo Reges Francorum inaugurantur. Et de aliis miraculosis multis. pag. 190

DECISIO LXV.

ARGUMENTUM.

Offenditur, Materiam remotam Sacramenti Extremæ Unctionis esse Oleum olivarium benedictum ab Episcopo. Circa quam proponuntur, & elucidantur sex difficultates, videlicet: An prædicta Episcopalis benedictio sit de essentia Sacramenti, vel tantum de præcepto Ecclesiæ? An ea fieri possit à simplici Sacerdote? An confici alia die, quam Feria quinta Cœnæ Domini? An Oleo consecrato licitum sit addere aliud non consecratum? An Oleum Chrismatis possit adhiberi in Extrema Unctione? Et an Oleum vetus benedictum præteritis annis? Eruditiones variæ de Calvinii nequitia, de Ritibus Græcorum circa hoc Sacramentum. Responsa SS. Congregationum circa prædictum Oleum. 196

DECISIO LXVI.

ARGUMENTUM.

Explicatur Materia proxima Sacramenti Extremæ Unctionis? Et quot Unctiones de ejus essentia sint faciendæ? Referuntur varii usus antiqui ungendi alias partes corporis. præter quinque sensus. Ritus Ecclesiæ in Sacramenti immutari non debent. Extrema Unctio quomodo sit Sacramenti Unum, si ad quamcunque Unctionem sit repetitio,

formæ? Unctiones ipsæ an sint faciendæ sub Signo Crucis de necessitate Sacramenti? vel de Præcepto Ecclesiæ? Eruditiones plures de virtute Signi S. Crucis contra Diabolum. Rituale Romanum habet vim legis. p. 205.

DECISIO LXVII.

ARGUMENTUM.

Enucleantur aliæ tres difficultates circa materiam proximam Sacramenti Extremæ Unctionis: videlicet An, & Ubi sint ungendi infirmi carentes organo alicujus sensus, ut cæci, surdi, ac muti à nativitate; vel non habentes brachia, aut manus? Item an in Unctionibus servandus sit ordo præscriptus à Rituali Romano? Et an faciendæ sint Unctiones pollice Sacerdotis, vel etiam virgula oblonga: saltem tempore Pestis? Eruditiones, & Historia de cæcis, & de non habentibus brachia, aut manus, sed facientibus operationes mirabiles. 213.

DECISIO LXVIII.

ARGUMENTUM.

Traditur Forma hujus Sacramenti Extremæ Unctionis; & disputatur, an ad valorem Sacramenti debeat esse deprecatória? vel sufficiat Indicativa, aut Imperativa? Argumenta pro utraque opinione, quarum tutior, quod debeat esse deprecatória. Formæ Ambrosiana, Veneta, & aliæ hujusmodi perverstitæ cæsi viderentur indicativæ, probatur eas fuisse deprecativas. Quæ verba in forma Extremæ Unctionis sint.

Index Argumentor. de Sacram. Extremæ Unct.

sint de essentia Sacramenti? Curiosi casus de duobus Presbyteris ignorantibus verba Extremæ Unctionis; & absolutionis Sacramentalis.. pag. 217

DECISIO LXIX.

ARGUMENTUM.

Disputatur satis difficilis Quæstio, An Laici, saltem in casu necessitatis, possint ministrare infirmis Sacramentum Extremæ Unctionis? Proponuntur septem argumenta, cum exemplis ex vitis Sanctorum desumptis, quæ videntur favere opinioni affirmativæ; sed ea fortiter enervantur, & doctissimis eruditionibus resolvuntur. Concluditur, neminem inferiorem Episcopo, vel Sacerdote posse esse Ministrum hujus Sacramenti. 224

DECISIO LXX.

ARGUMENTUM.

Discutitur famosa Quæstio, an Extrema Unctio licitè, & valide dari possit uni, & eidem infirmo à pluribus Sacerdotibus simul, & eodem tempore? Referuntur septem argumenta pro affirmativa opinione, desumpta præcipuè ex libro Sacramentorum S. Gregorii Papæ, & aliorum antiquorum Ritualium, nec non ex usu Ecclesiæ Græcæ. Ostenditur, licitam non esse prædictam administrationem in Ecclesia Latina, nisi in duobus casibus necessitatis. Et quo ad validitatem Sacramenti distinguuntur quatuor Casus; ac probatur prædictum librum S. Gregorii, & alios Codices antiquos, vel fuisse altera-

tos, vel esse intelligendos de simplici Unctione curativa, quæ olim erat in usu; non autem de Sacramento Extremæ Unctionis.. pag. 231

DECISIO LXXI.

ARGUMENTUM.

Differitur de propriis Ministris Sacramenti Extremæ Unctionis, videlicet de Episcopis erga omnes de eorum Diocesi. De prima Dignitate Ecclesiæ Cathedralis versus suum Episcopum. De Parochis erga suos Parochianos. Et de Regularibus tum Prælati respectu suorum subditorum, tum Deputatis ad Sacramenta ministranda degentibus in Monasterio; tum etiam de aliis Regularibus, qui vocati essent ab infirmis extra claustra. Disputatur celeberrima Quæstio, an Parochi tempore Pestis teneantur ungere infirmos Oleo Sancto cum propriæ vitæ periculo? Nec non quibus Laicis Regulares possint dare Extremam Unctionem virtute suorum Privilegorum.. 244.

DECISIO LXXII.

ARGUMENTUM.

Demonstratur, quando simplices Sacerdotes licitè possint ministrare Extremam Unctionem; & quod ad eam dandam prohibiti sunt Sacerdotes excommunicati publicè denunciati, & ab officio suspensi. Examinatur ardua Quæstio, An simplices Sacerdotes, absente Parocho, obligati sint sub mortali, cum periculo propriæ vitæ, inungere infirmos.

Index Argumentor. de Sacram. Extremæ Unct.

firmum Oleo Sancto? Explicatur Præceptum Charitatis, & ordo servandus in diligendo proximo, ac deciditur Quæstio affirmativè cum conditionibus, de quibus in ea. Refellitur opinio contraria Joannis Sancio, & P. Thomæ Tamburini, eorumque sinistra interpretatio doctrinæ S. Thomæ, circa obligationem dandi vitam corporalem pro salute spirituali nostri proximi. Ultimò traditur, an Medicus tempore Pestis obligatus sit mederi infirmis? pag. 253

DECISIO LXXIII.

ARGUMENTUM.

Duo sunt cardines, super quibus volvitur hæc Decisio: Causæ scilicet, ex quibus oritur Pests: & remedia ad ipsam vel evitandam, vel fugandam. Causæ aliæ sunt naturales, aliæ supernaturales. Illæ, corruptio aeris, & contactus rerum peste infectarum. Hæ, hominum flagitia. Aer corrumpitur novem secundariis causis hic relatis. Contactus inficit irreparabiliter, ut ex adductis exemplis. Pestilentiam mitti à Deo ob peccata hominum probatur Scriptura Sacra, & Historiis. Remedia vel sunt humana tum ad medendum, tum ad præservandum à Peste, quorum plura notantur, præcipuè in administrandis Sacramentis peste infectis; vel sunt remedia cælestia, nempe intercessio Deiparæ, S. Sebastiani, S. Rochi, & aliorum Sanctorum, de quibus eruditiones variæ, & jucundæ. Historia Templi San-

ctæ Mariæ Salutis Venetiarum, & translationis Imaginis Deiparæ in Ecclesiam P. Carmelitarum Civitatis Paduæ. pag. 263

DECISIO LXXIV.

ARGUMENTUM.

Quatuor circumstantiæ servandæ à Parocho, dum ministrat Extremæ Unctionis Sacramentum: scilicet ut ipse sit in gratia, & censuris non irretitus. Sit indutus Cotta, & Stola. Recitet Orationes à Rituali Romano præscriptas ante, & post Unctionem infirmi, cui agonizanti assistere debet, donec expiret. In dando Oleo Sancto non sit nimis properus, nec nimis tardus. Circa prædicta omnia variæ, ac utiles eruditiones, doctrinæ, Historiæ, atque Exemplæ. 274

DECISIO LXXV.

ARGUMENTUM.

Utrum Parochus moribundus, deficiente quocunque alio Presbytero, possit sibi ipsi ministrare Sacramentum Extreme Unctionis? disputatur in hac Decisione. Tres rationes Dianæ pro negativa opinione. At pro affirmativa, quæ amplectitur, rationes decem ex Theologia, Jure Canonico, Scriptura Sacra, ac Medicina desumptæ. 287

DECISIO LXXVI.

ARGUMENTUM.

Firmatur, quod Oleum Sanctum non est ministrandum homini mortuo, sed tantum Viatori,
ac

Index Argumentor. de Sacram. Extremæ Unct.

ac viventi. Præmittitur definitio, ac divisio Mortis, nec non causa ejus intrinseca, nempe extinctio caloris naturalis, & humidi radicalis. Si Adam non peccasset, homines non morentur, quia edentes de fructu Ligni Vitæ positi à Deo in Paradiso terrestri, se semper sanos, ac felices servassent. Quæ sita plura, ac curiosa de eodem Ligno Vitæ. Explicatio septem ætatum hominum. Rationes sex, ob quas Mortui sunt incapaces Extremæ Unctionis. Objecta duo, & eorum resolutio, quod olim mortui Oleo Sancto liniuntur.

pag. 295

DECISIO LXXVII.

ARGUMENTUM.

Quia homo Viator, ut sit capax Extremæ Unctionis, debet esse baptizatus, disputatur, An Catechumena incognita linita Oleo Sancto in articulo mortis, validè receperit illud Sacramentum? Hac occasione varia, atque curiosa dubia deciduntur: videlicet, quo tempore sit institutus Baptismus à Christo Domino? An Apostoli baptizati fuerint ante, vel post Dominicam Passionem? Cornelius Centurio, cur receperit Spiritum Sanctum visibiliter, antequàm baptizaretur? Deipara, S. Petrus, & alii Apostoli à quo sint baptizati? An validè contrahant Matrimonium Catechumeni? Hi an possint excommunicari? In loco sacro sepeliri? Et accipere Indulgentias?

302

DECISIO LXXVIII.

ARGUMENTUM.

Discutitur pulchra Quæstio, An infantes, & pueri ante usum rationis validè recipiant Sacramentum Extremæ Unctionis? Argumenta tria pro opinione affirmativa, quæ rejicitur; & redduntur rationes pro negativa. An DEIPARA receperit Extremam Unctionem? Motiva, ac Doctores hinc inde. Usus rationis in pueris quo anno præsumendus ad effectum, eos ungendi Oleo Sancto? Morientibus eodem tempore Adulto, ac Pueri septenni, cui prius sit ministranda Extrema Unctio. 311

DECISIO LXXIX.

ARGUMENTUM.

Quia Extrema Unctio ministranda est tantummodò infirmis gravi morbo, non autem levi laborantibus, proponuntur, ac resolvuntur objecta de S. Hiduvige, de S. Malachia, & de Græcis, qui etiam sanos, aut levi dolore afflictos Oleo Sancto inungunt. Ostenditur, Unctiones illas Græcorum non esse Sacramentum, sed Sacramentalia. Referuntur plures casus, in quibus ob improvisa accidentia danda est Extrema Unctio, nempe in fluxu sanguinis è naribus, in puerperio, morsu viperæ, deliquio, timore apoplexiæ. Docetur, quando eadem sit ministranda Ebriosis, Phthisicis, Hydropicis, pestiferatis, ac senibus? Tandem notantur duo Casus, in quibus etiam Rei dam-

nati

Index Argumentor. de Sacram. Extremæ Unct.

nati ad mortem Oleo Sancto
possunt liniri. pag. 316

DECISIO LXXX.

ARGUMENTUM.

Ostenditur, quod infirmus priusquam ungatur Oleo Sancto debet Sacramentaliter confiteri peccata sua, discutitur utilis Quæstio, quid agendum à Parrocho, si infirmus sensibus sit destitutus? vel in amentiam prolapsus, ita ut non possit confiteri? Refertur duplex stultitia: Una spiritualis, & meritoria, quam Servi Dei affectarunt, inter quos B. Simon Salo, B. Jacoponus, & S. Philippus Neri: altera naturalis, & miserrima, cujus septemdecim species dignæ scitu numerantur. Tandem resolvitur, Extremam Unctionem esse dandam infirmis amentibus, qui antea habuerunt usum rationis; non etiam stultis à nativitate, nisi sub conditione: *si aliquo modo deliquisti.*

324

DECISIO LXXXI.

ARGUMENTUM.

Disputatur, quomodo contingat infirmos peccare, vel ex nimia

negligentia, vel ex magna devotione erga Oleum Sanctum? Duo contraria Quæsitæ examinantur: Unum, an extet Præceptum obligans sub mortali recipere Extremam Unctionem in periculosa infirmitate? Alterum, an sit licitum in eadem infirmitate pluries reiterare ipsam Unctionem Extremam? Primum Quæsitum resolvitur negativè, tribus casibus exceptis. Secundum, perpenso prius Antiquorum usu, quatuor conclusionibus declaratur. pag. 333

DECISIO LXXXII.

ARGUMENTUM.

Effectus quinque, quos operatur Extrema Unctio, declarat præfatus Decisio. Hi sunt gratiæ augmentum, & aliquando gratia prima. Venialium remissio quo ad culpam, & quo ad partem penæ. Deletio reliquiarum peccatorum. Levamen conscientiæ. Robur contra tentationes Dæmonis: & sanitas corporis, si expediat animæ salutem. Innuuntur tres Theologicæ Quæstiones de præcellentia dictorum effectuum. De tempore, quo producuntur; & de eorum influxu post sublatum obicem, cum quo fuerat collatum Sacramentum. 341



DE SACRAMENTIS IN GENERE.

DECISIO I.

ARGUMENTUM.

Referuntur variae significationes hujus vocis Sacramenti. Item diversae definitiones, ac divisiones. Sacramenta constare Materia, Forma, ac Intentione demonstratur.

SUMMARIUM.

- 1 Vocis Sacramenti significationes variae.
- 2 Signa rei Sacrae, quae non sunt Sacramenta.
- 3 Sacramenti definitiones variae.
- 4 Signorum genera tria.
- 5 Differentia inter Sacramenta legis novae, & veteris.
- 6 Sacramenta quot sint?
- 7 Sacramentorum divisio multiplex.
- 8 Sacramenta ex quibus constent?



De majorem hujus materiae Sacramentorum in genere intelligentiam praenotare oportet sequentes hujus nominis Sacramenti significationes. Itaque sciendum, Sacramentum significare 1. Secretum humanum. Tob. 12. Sacramentum Regis abscondere bonum est, &

Apoc. 17. Dicam tibi Sacramentum mulieris, idest Secretum. 2. Jusjurandum. Baruch 5. Semel pejeratus, nec testis sit, nec accedat ad Sacramentum, idest ad jurandum. 3. Mysteria divina intellectui humano abscondita, puta Sacramentum Trinitatis, seu Incarnationis Dei. Matth. 13. Vobis datum est nosse mysteria Regni Dei, nempe Sacramenta, arcana, & res latentes. 4. Pignus à litigantibus in loco Sacro depositum. Ita Varro lib. 4. de ling. lat. Gonzal. in c. Omnes dies, de Feriis num. 12. ubi plures DD. allegat. 5. Tandem innuere Rem Sacram pertinentem ad Dei cultum, vel ad animae sanctitatem, cujus signum est Sacramentum; advertendo tamen, quod non omne signum rei Sacrae est Sacramentum, nam Manna signum erat Eucharistiae; aquaeducta per Moysen à silice significabat gratiam dandam per Christum; linguarum igneae, super capita Apostolorum in die Pentecostes apparentes, innuebant gratiam confirmationis, & dona linguarum, & omnes aliae figurae veteris testamenti, vel etiam legis naturae significabant omnia Sacra peragenda in lege gratiae, & tamen Sacramenta non sunt, ut subtiliter explicat Eminentiſſ. Card. de Lauræa in 4. lib. Sentent. tom. 1. De Sacramentis in genere disp. 1. art. 1. ubi contra Lutherum, Zuinglium, Melanctonem, & ceteros haereticos Sacra-

2 De Sacramentis in genere. Decif. I.

cramentarios firmat, Sacramenti nomen importare signum rei sacræ latentis, non autem ipsam rem latentem.

His præmissis, varæ definitiones Sacramenti à DD. referuntur. Prima: **3 Sacramentum est signum rei sacræ.** Mag. Sent. in 4. dist. 1. Sed hæc est potius Erymologia, quàm definitio; quia non convertitur cum definito; non enim omne signum rei sacræ est Sacramentum, ut supra notatum est. Secunda: *Sacramentum est invisibilis gratiæ visibilis forma.* Hugo Victor. lib. 1. de Sacram. p. 9. Vasquez cap. 4. num. 26. Sed neque hæc subsistit, nam ly *Visibilis* non est commune omni Sacramento; verba enim in omni Sacramento requisita non videntur, & tamen essentialiter requiruntur. Tertia: *Sacramentum est sacra, ac sensibilis cæremonia, homines aliquo modo sanctificans; & veram animæ sanctitatem ex institutione significans.* Suarez in 3. p. q. 60. art. 3. Sed & hæc redarguitur; nam dari possunt plura vera Sacramenta, quæ tamen hominem non sanctificant, ut de contrahente Matrimonio cum obice, vel de suscipientibus alia Sacramenta in peccato. Quarta: *Sacramentum est cæremonia sensibilis, quæ suo usu sanctificando subiectum, significat gratiam internam, cuius est causa.* Card. de Lugo de Sacram. disp. 1. sect. 2. num. 23. Sed impugnat, eo quia Eucharistiæ sumptio est cæremonia sensibilis, quæ suo usu sanctificando subiectum significet gratiam internam; & tamen Sacramentum non est ipsa sumptio, siquidem Eucharistia est Sacramentum absque sumptione. Ulterius allata definitio convenit Martyrio, quod ex opere operato gratiam confert ex multorum sententia; & tamen Sacramentum non est. Eminen. Cardin. de Lauræa d. 10m. 1. de Sacram. in genere disp. 1. art. 4. num. 55. Quinta: *Sacramentum est signum sensibile, gratiam Dei, vel effectum ejus gratuitum efficaciter significans, ex institutione divina,*

ordinatum ad salutem hominis viatoris. Scotus in 4. dist. 1. q. 2. M. Hæc videtur perfecta definitio, continens genus, & differentias, quibus Sacramenta novæ legis demonstrantur, & ab aliis tum naturæ, tum veteris legis Sacramentis, cæterisque cæremoniis sacris distinguuntur, ut plenè comprobatur Emin. Card. de Lauræa d. disp. 1. art. 4. à num. 59. Et cum serè quilibet Doctor suam propriam alleget definitionem, cæteris omissis, non est omitenda illa Card. Toleti lib. 2. cap. 15. num. 1. videlicet, *Sacramentum est signum sensibile spiritualis animæ sanctificationis, ad cultum veri Dei, à Christo Domino institutum.* In qua definitione *Signum* est genus; tria autem sunt genera signorum. *Rememorativum*, ut filum ligatum in digito. **4 Demonstrativum**, ut ramus ante tabernaculum. Et *Prognosticum*, ut Iris indicans pluviam futuram. Sacramentum est signum Rememorativum passionis Dominicæ, Demonstrativum gratiæ sanctificantis animas fidelium, & Prognosticum futuræ gloriæ. Dicitur in definitione *signum sensibile*, quia constituta sunt Sacramenta in rebus, quæ cadunt sub sensu. Dicitur: *Spiritualis animæ sanctificationis*; idest donorum spiritualium, virtutum, & gratiæ, quæ infunduntur in animam suscipientium Sacramenta; & cum sint spiritualia, & imperceptibilia, demonstrantur per illa signa sensibilia. Dicitur: *Ad cultum veri Dei*, quia non solum Sacramenta sunt medicinæ spirituales animarum à Christo Redemptore præparatæ; sed etiam ritus, & cæremoniæ sacræ ab eodem tanquam Magistro nobis propositæ, quibus Deum veneremur. Tandem dicitur: *A Christo Domino institutum*; quia Sacramentorum novæ legis auctor est Christus Dominus; & in hoc differunt à Sacramentis legis veteris, tum quia illa non fuerunt à Christo instituta, tum etiam quia non efficiebant gratiam, prout efficiunt Sacramenta nostra. Concil. Trident. sess. 7. can. 6. de Sa-

de Sacram. Adden. ad Tolet. d. lib. 2. cap. 15. ubi DD.

Quod si queramus quot sint Sacramenta? Neminem latet, ea esse septem, prout de fide statutum est in Concilio Florentino in Decreto de Sacram. & in Concilio Tridentino sess. 7. can. 1. de Sacramentis. Sunt autem Baptismus; de quo Jo. 3. 5. *Nisi quis renatus fuerit ex aqua, & Spiritu Sancto, non potest introire in regnum Dei.* Et Matth. 28. 19. *Euntes ergo docete omnes gentes, baptizantes eos, in nomine Patris, & Filii, & Spiritus Sancti.* Confirmatio, de qua Act. 8. 17. *Tunc imponebant manus super illos, & accipiebant Spiritum Sanctum.* Et Act. 19. 6. *Et cum imposuisset illis manus Paulus, venit Spiritus Sanctus super eos.* Eucharistia, de qua Matt. 26. 26. *Accipite, & comedite. Hoc est corpus meum.* Et *Bibite ex hoc omnes. Hic est enim sanguis meus novi testamenti.* Pœnitentia, de qua Joan. 20. 23. *Accipite Spiritum Sanctum: quorum remiseritis peccata, remittuntur eis; & quorum retinueritis, retenta sunt.* Extrema Unctio, de qua Jacob. 5. 14. *Infirmatur quis in vobis? inducat Presbyteros Ecclesie, & orent super eum; ungentes eum oleo in nomine Domini.* Ordo facer, de quo Luc. 22. 19. *Et accipite pane gratias egit, & fregit, & dedit eis, dicens: Hoc est corpus meum, quod pro vobis datur; hoc facite in meam commemorationem.* Et Matrimonium, de quo Ephes. 5. 31. *Propter hoc relinquit homo patrem, & matrem suam, & adhærebit uxori suæ, & erunt duo in carne una; Sacramentum hoc magnum est; Ego autem dico, in Christo & in Ecclesia.* Qui septenarius numerus congruit humanæ vitæ per analogiam; nam per Baptismum spiritualiter nascimur; per Confirmationem solidamur, & augemur; per Eucharistiam nutrimur; per Pœnitentiam recuperamus sanitatem peccatis amissam; per Unctionem extremam absterгимur à reliquiis peccatorum, quibus anima debilitabatur. Per Ordinem

potestatem regendi populum fidelem in spiritualibus accipimus; & per Matrimonium Ecclesiam propagamus. Card. Tolet. d. lib. 2. cap. 17. & Coton. *Controuers. celebr. lib. 2. cap. 1. num. 10.*

Horum autem Sacramentorum quædam dicuntur Mortuorum, nempe Baptismus, & Pœnitentia; quia dantur mortuis spiritualiter per peccatum originale, & actuale: alia Vivorum, idest reliqua, quæ solis vivis membris Christi, & existentibus in statu gratiæ conferuntur. Quamvis ignorantem se maculatum esse peccato mortali, & accipientem Sacramentum aliquod vivorum absque contritione, obtinere primam gratiam, & remissionem mortalis culpæ ex S. Thomæ auctoritate, & aliorum gravium Doctorum tenent Georg. Gobat. in *Experiment. Theolog. tract. 1. n. 18.* Diana part. 5. tract. 13. resol. 31. Quæ in Coordinato est tom. 1. tract. 1. resol. 23. Gonet in *Clypeo Theolog. Thomist. tom. 3. tract. 1. de Gratia Sacramentali disp. 3. §. 5. num. 181.* ubi respondet Cardinali de Lugo contrarium sentienti. Et doctissimè Eminentiss. Card. de Lauræa d. tom. 1. disput. 8. art. 12. à num. 188. & seq. ubi supradictam opinionem amplectitur, eamque fortissimis roborat argumentis, & Lugonis purpurati lucidiùs solvit motiva.

Tandem alia Sacramenta sunt initerabilia, scilicet Baptismus, Confirmatio, & Ordo, nam imprimunt characterem; cætera verò possunt iterari. Item Baptismus est necessarius ad salutem omnibus omnino hominibus. Pœnitentia omnibus, & solis reis peccati mortalis, contracti post Baptismum. Eucharistia omnibus adultis. Confirmatio autem, & Extrema Unctio non est sub gravi præcepto. Ad Ordinem suscipiendum nullus homo obligatur, nisi ratione suscepti beneficii; neque ad Matrimonium ineundum, nisi qui voto castitatis liber nequit servare castitatem. Gobat d. tract. 1. num. 19. 20.

Tandem, si quis petat, Sacramen-

4 De Sacramentis in genere . Decif. I.

ta ex quibus constent ? Respondetur , Sacramenta constare ex Materia , ex Forma , & ex Intentione tum ministrantis , tum suscipientis , tum ex Concil. Florent. in decreto Sacramentorum . Porro materia est duplex , remota , ut aqua in Baptismo , oleum in Confirmatione . Et proxima , idest ipsius materiae usus , & applicatio , de qua agitur in singulis Sacramentis singillatim . Item forma , nempe Verba , quibus conficitur Sacramentum , debent exprimi moraliter simul cum applicatur materia ; excepta Poenitentia , in qua post completam materiam , idest omnium peccatorum accusationem , adhibetur forma : Gobat d. tract. 1. à num. 22. & seqq. Cardin. Tolet. d. lib. 2. cap. 16. Laym. lib. 5. tract. 1. cap. 4. num. 2. Cotonius d. lib. 2. controuv. 1. cap. 1. num. 16. & Eminentiſs. Card. de Lauræa , abundanti , & erudito calamo , d. tom. 1. disp. 2. per totam .

DECISIO II.

ARGUMENTUM.

Agitur de nullitate , & invaliditate Sacramentorum , quæ laicus fingens se Sacerdotem administravit . Quot , & qualia peccata ipse commiserit ? Et quibus pœnis sit ipse plectendus ? Quid agere debeant illi , qui ab eodem Sacramenta susceperunt ?

SUMMARIUM.

1. Laicus administrans Sacramenta quot peccata committat ?
2. Et quorum specterum sint dicta peccata ?
3. Quas pœnas incurrat ?
4. Sacramentati à Laico quid agere debeant ?
5. Laico an constenda peccata , si deficiat Sacerdos ?

6. Maria Regina Scotiae seipsam communicavit .

7. Error communis quando det Jurisdictionem .

F Amulus Parochi , Hero absente , indutus veste talari (quamvis laicus) solemniter baptizavit , confessiones audivit , & absolutionem Sacramentalem dedit ; Eucharistiam , ac Extremam Unctionem administravit ; & Matrimonio Parochianorum heri sit adstitit : quippe credebatur ab omnibus Sacerdos , & Capellanus curatus . Queritur , Quot , & quæ peccata dictus famulus commiserit ? Quas pœnas incurrerit ? Et quid Hero Parochus sit faciendum ?

Pro resolutione advertendum ; Quatuor esse in hoc casu Quæsitæ , singillatim resolvenda .

Primum . Quot peccata commiserit famulus iste laicus , qui supradicta Sacramenta præsumpsit administrare ? & ad hoc respondetur ; tot peccata commississe , quot Sacramenta administravit , & vel administrare tentavit ; siquidem tractare indignè Sacramenta , vel ea administrare sine legitima facultate , lethale peccatum est . Bonac. de Sacram. in gen. disp. 1. q. 3. punct. 2. §. 1. n. 15. Reginald. lib. 26. cap. 8. n. 53. Emin. Card. de Lugo de Sacram. in gen. disp. 8. num. 150. ubi loquitur de Ministro non consecrato . Et Eminen. Card. de Lauræa d. tom. 1. disp. 10. art. 4. per totum .

Secundum . Quæ sint , seu cujus qualitatis peccata istius famuli ? Et 2. ad hoc responsum fuit ; esse peccatum Sacrilegii , tum Hæreseos . Sacrilegii , quia sacrilegè peccat , qui indignè tractat , vel tractare intendit Sacramenta . Layman lib. 4. tract. 10. cap. 7. num. 13. Reginald. d. lib. 26. c. 8. num. 53. Cotonius lib. 2. cap. 1. num. 46. Hæreseos , quia contra fidem est asserere , etiam laicos posse omnia Sacramenta administrare , & ita asserentes tanquam hæretici anathemate feriuntur à Concil. Trid. sess. 7. de Sacramen. in gen. Can. 10. & sess. 14. Can. 6. Ideoque

que laici Sacramenta administrantes in Sancto officio Inquisitionis coguntur abjurare de vehementi. *Salleles de S. Inquisit. lib. 4. cap. 4. Regul. 346. num. 163. Chartar. in decis. Criminal. decis. 13. num. 10.*

3 *Tertium*. Quas poenas incurrerit prædictus famulus? Et ad hoc pariter responderetur, incurrisse. 1. Pœnam irregularitatis ex cap. 1. *De Clerico non ord. ministr.* quod habet locum etiam in laico Sacramenta ministrante ex probabiliiori Doctorum sententia. *Diana par. 4. tract. 2. resol. 56. quæ in Coordinato est tom. 5. tract. 5. resol. 29. Bordon. tom. 1. de sacro Tribunali cap. 22. q. 20. num. 35. Thesaur. de Pœnis Ecclesiasticis par. 2. Verb. Baptismum cap. 3. Sylvest. in Verb. Irregularitas post n. 14. Ugolin. de Irregularit. cap. 37. & Chartar. decis. 14. ubi concordantes allegat.* 2. Pœnam excommunicationis, quia cùm peccaverit contra fidem, & sit suspectus vehementer de hæresi, ac tanquam hæreticus debeat abjurare de vehementi; inodatus remansit etiam excommunicatione; nam omnis hæreticus est excommunicatus. *Cap. Excommunicamus. 1. & 2. de Heret. & cap. Ad abolend. in princ. cod. tit. Chart. d. decis. 14. n. 3. ubi notat, semper vidisse in foro Archiepiscopali, & in Sanctæ Inquisitionis Tribunali Mediolani, reos de hæresi vehementer suspectos, qui hæresim de vehementi abjurare coguntur, etiam absolvi ab excommunicatione.* 3. Famulum prædictum esse reum mortis, quia laici administrantes Sacramenta & præcipuè Missam celebrantes, & Sacramentales confessiones audientes, atque à peccatis absolventes, traduntur brachio sæculari, ut ultimo supplicio afficiantur. *Carena de S. Officio part. 2. tit. 12. §. 7. Salleles lib. 5. cap. 5. reg. 395. num. 392. Chartar. d. decis. 13. num. 9. & decis. 15. num. 3. & Bordon. d. tom. 1. cap. 22. quæst. 18. Nisi eos excuset vel levitas mentis, aut ætus non completus, aut minoritas ætatis, annorum scilicet viginti; vel spontanea*

comparitio coram Inquisitore, cum humili, ac fidei confessione horum facinorum, antequam nulla denunciatio, vel indicia haberentur in Sacro Tribunali; in his enim casibus mitius procedendo, vel tales rei puniuntur pœna extraordinaria carceris, fustigationis, vel exilii, aut poenitentis salutaribus tantum, ut de quodam Regulari, qui non ordinatus celebraverat Missam, & confessiones audiverat decem continuis annis, & tandem spontè comparuit in Tribunali S. Officii Mediolani suis temporibus refert *Chartar. dd. decisionib. 13. 14. & 15.*

Quartum tandem Quæsitum in hoc casu est, *Quid Hero Parocho sit faciendum?* Et ad hoc communi calamo responsum fuit, notificare debere, omnibus, qui receperunt Sacramenta ab illo iniquo famulo, ut accedant iterum ea ab ipso Parocho recepturi. Nam, quoad Baptismum, cæremoniæ sacræ, benedictiones, & unctiones nulliter, & invalidè factæ fuerunt, earatione, quia à solo Sacerdote fieri valide possunt. *Layman. lib. 5. de Sacram. ord. tract. 9. cap. 13. num. 7. & sequentib. & Thesaur. de pœnis Eccl. d. p. 2. Verb. Baptismum cap. 3. Vers. Nota quod.* Substantia verò baptismatum, consistens in ablutione cum aqua lustrali, forma debita, & intentione recta, quamvis vigeat, etsi à ministro laico, & facinoroso procedat; tamen quia de ejus recta intentione, & formæ integra prolatione iussit est dubitandum; tutius est, baptismata à Parocho sub conditione reiterari; non enim est admittenda illa propositio, defectus materiæ, formæ, aut intentionis ministri in baptismo suppleri à Summo Sacerdote Christo Domino, ut contra Sylvestr. & Amadæum Guinemium notat *Gohat de Sacram. Theol. tract. 1. num. 96. Quo verò ad confessiones auditas, & absolutionem Sacramentalem datam ab ipso laico famulo, certum est nullius valoris fuisse; siquidem fides docet, solum verum Sacerdotem esse idoneum ministrum Sacramen-*

6 De Sacramentis in genere. Decif. II.

menti Pœnitentiæ. Concil. Trident.
 5 d. sess. 14. de Sac. Pœnit. Can. 10. ideoque nullum extat præceptum, quo quis non habens copiam confessorii teneatur aperire laico peccata sua. Gobat de Confess. tract. 7. num. 17. & 18. ubi advertit, *textum in cap. 1. de Pœnit. dist. 6. dicentem: Tanta vis confessionis est, ut, si deest Sacerdos, confiteatur proxima, vel esse intelligendum de consilio, ad meritum humilitatis eliciendum, vel tanquam fictitium ultra columnas Herculis esse rejiciendum, & ideo ibidem num. 21. refutat factum Henrici Regis Angliæ anno Christi 1415. militantis in Gallia, qui iussit exercitui suo, ut quilibet alter alteri confiteretur peccata sua, & pusillum terræ alter alteri loco communionis porrigeret, ad Dei auxilium impetrandum in illo bello, ut scripsit Aeneas Sylvius, postea Pius Papa Secundus, relatus à Nauclero in sua Chronol. gener. 48. ad annum Christi 1415. & à me in meis Decisionibus de Pœnitentia decif. 18. num. 7. Quandoquidem neque expedit, ut quis laico dicat sua peccata, ob periculum diffamationis, & non observantiæ sigilli. Reginald. l. 1. cap. 1. num. 8. Gobat tract. 7. num. 19. Quoad Eucharistiæ administrationem, quamvis de præterito nullum sit remedium, fuit tamen sacrilega, ex eo, quod solus Sacerdos est ejus Minister. Conc. Trid. sess. 13. de Eucb. cap. 8. D. Thom. part. 3. q. 82. art. 1. & 3. in corp. Anton. Volpi in Resol. Moral. Verb. Eucharistia resol. 59. num. 1. qui num. 4. & 5. excipit, nisi ex Privilegio Apostolico aliter fuisset concessum, ut de Maria Regina Scotiæ, quæ martyrium subitura, prius Sacramentum, quod apud se habebat, propriis manibus sumpsit. Et idem dicendum de Extrema Unctione, quæ invalidè fuit collata à dicto famulo laico, nam minister hujus Sacramenti est solus Sacerdos. Concil. Trid. sess. 14. de Extr. Unct. c. 3. Cardin. Tolet. lib. 7. cap. 2. num. 1. Volp. Resol. 78. num. 1. Et ego in Decisioni-*

bus de Extrema Unct. decif. 9. Idemque de Matrimonii, ad fictitii Capellani, & veri laici prædicti præsentiam celebratis; quæ ob defectum veri Parochi nulla fuerunt. Concil. Trid. sess. 24. de ref. Matrim. cap. 1.

Neque à reiteratione Sacramentorum, præcipuè Confessionum, & Matrimoniorum excusare potest illud axioma, quod Error communis dat Jurisdictionem; siquidem, cum laicus famulus communiter crederetur sacerdos, & capellanus Curatus, videntur validdè absoluti coram Deo pœnitentes, qui bona fide apud eum sunt confessi, & valida fuisse Matrimonia cum ejus præsentia celebrata. Nam hujus axiomatis magna est controversia apud Doctores, quos referunt Sanchez de Matrim. lib. 3. disp. 22. num. 46. Fagnan. in cap. Ne innitaris num. 380. de Constitutionib. & Passerin. de Statu hominum tom. 2. quæst. 187. num. 347. & licet aliqui velint, gesta sub hoc communi errore esse valida, quando aderat titulus coloratus proveniens à legitimo Superiore, ut notant DD. suprâ citati; tamen deficientè dicto titulo, prout in casu nostro, & multò magis deficientè caractere Sacerdotali in prædicto famulo laico, tenendum est, absolutiones sacramentales, & Matrimonia nullitatis vitio laborare; & hæc, atque illas esse omninò repetendas, ut pluribus citatis concludunt Passer. d. quæst. 187. num. 347. Volp. resol. 163. num. 21. ubi Decretum Sacræ Congregationis refert de reiterandis confessionibus errore detecto; quod docet etiam Barbof. in collect. DD. ad Concil. Trident. sess. 23. de ref. cap. 15. num. 5. Molphes. tract. 7. cap. 13. num. 20. & Diana part. 11. tract. 4. resol. 16. quæ in Coordinato residet tom. 1. tract. 3. resol. 26. & habet consimiles resolutiones ante, & post.

DECISIO III.

ARGUMENTUM.

Explicatur Quid, & Quotuplex sit Interdictum Ecclesiasticum, & Quæ Sacramenta, eo durante, possint ministrari.

SUMMARIUM.

1. *Interdictum Ecclesiasticum quid sit? Et quot ejus causæ?*
2. *Quotuplex sit?*
3. *Interdicti tempore quæ permissa sint, & quæ non?*
4. *Martini V. Extravagans quid permittat circa excommunicatos, & interdictos?*

Quia in jure statutum est, tempore Interdicti nonnulla Sacramenta posse administrari, & nonnulla administrari non posse. Quæritur, quæ eo tempore sint concessa? & quæ sint prohibita?

Pro clariori casus intelligentia præmittere oportet

Primum; Quodd Interdictum est Ecclesiastica Censura, aliquorum Sacramentorum usum, Ecclesiasticam sepulturam, & omnia divina officia activè, & passivè prohibens. Navar. in *Man. cap. 27. num. 164.* Cardin. Toletus lib. 1. cap. 51. Anton. Volpi *resol. 92. in Introduct. num. 2.* Nicolius *Canonicar. lucubrat. tom. 2. lib. 5. tit. 39. num. 219.* & Thom. Tamburin. *de Triplici Jure lib. 10. tract. 3. cap. 1. §. 1.* Hujus autem censuræ quatuor sunt causæ. *Efficiens*, nempe Summus Pontifex. *cap. Cuncta per mundum. 9. q. 3.* Judex Apostolicus delegatus *cap. 1. de offic. & pot. Jud. deleg. cap. 2. de offic. leg. Archiepiscopus, & Episcopus in locis sibi subiectis c. 1. & tot. tit. de offic. & pot. Judicis ordin. Materialis remota, & est culpa gravis: & proxima, nempe loca, vel personæ, quæ interdicto subji-*

ciuntur. *Formalis*, quæ consistit in sententiæ verbis, quibus imponitur hæc censura; cui, cum est ab homine, monitio debet præcedere; & debet pronunciari in scriptis cum causæ expressione; & *Finalis*, idest correctio inobedientium. *cap. fin. §. In festivitibus. De Sent. excom. in 6. Cardin. Tolet. dist. lib. 1. cap. 32. Volpi d. resol. 92. à num. 1. & seqq.*

Secundum. Quodd Interdictum est Triplex. *Personale*, quando personæ 2 interdicuntur. *Locale*, quando loca, nempe Ecclesiæ unius urbis, Regni, vel Parochiæ interdicto subjiuntur. Et *Mixtum*, quando tum personæ, tum loca; & in hoc casu personæ illius loci, etiam extra illum locum sunt affectæ interdicto. Porro omne interdictum vel est *generale*, cum tota Civitas, vel Regnum, vel omnis populus interdicatur, vel est *particulare*; cum aliqua particularis Ecclesiæ, vel familia tantum interdicto subjiuntur. Tamburin. *d. lib. 10. tr. 3. cap. 1. §. 2.* Volpi *d. resol. 92. in Introduct. à num. 4. & seqq.* Cardin. Tolet. *d. lib. 1. cap. 51.*

His præmissis pro resolutione casus dicendum est, tres haberi dispositiones juridicas in hac materia, nempe Juris antiqui, Juris novi, & Juris novissimi.

De Jure antiquo tempore interdicti conceditur. 1. Baptizare, & confirmare baptizatos. 2. Celebrare Missam semel in hebdomada ad renovandam Eucharistiam, quæ servatur pro infirmis. 3. Recitare horas canonicas sine cantu, à tribus tantum simul. 4. Administrare Pœnitentiam, & Viaticum morituris. 5. Sepelire clericos obedientes interdicto generali in cœmæterio. *cap. Non est de sponsal. cap. Responsio 43. Vers. Præterea. & cap. quantam de Sent. excom. in 6. cap. Permittimus eod. tit. cap. Quod in re. de Pœnit. & remis. Thom. Tamburin. d. cap. 1. §. 3. Suarez de Censur. tom. 5. disp. 34. sect. 3. num. 12. & Nicolius d. lib. 5. tit. 39. num. 229. Barbosa de offic.*

8 De Sacramentis in genere. Decis. III.

offic. & pot. Episc. alleg. 38. num. 13. Antonell. de Reginine Eccles. militantis lib. 2. cap. ult. num. 5. Volpi dist. resolut. 92. num. 13. & resolut. 93.

De Jure novo Bonifacius Papa VIII. in cap. Alma Mater. De Sent. excom. in 6. ulterius concessit, tempore Interdicti localis generalis (non etiam in speciali sive locali, sive personali.) 1. Ut ministri Ecclesiarum non interdicti personaliter possint quotidie in Ecclesiis (non autem in Oratoriis privatis) celebrare Missas januis clausis, submissa voce, sine pulsatione campanarum, exclusis semper populis subiectis interdicto; & præcipue illis, qui causam dederunt interdicto. Hurtad. de Interdict. diff. 7. num. 11. Tamburin. d. lib. 10. tract. 3. cap. 1. §. 3. num. 5. In fine, & Antonell. d. lib. 2. cap. ult. num. 7. Concessit 2. ut divina officia publice celebrentur in diebus festis Natalis Domini, Resurrectionis, & Pentecostes, Assumptionis Sanctissimæ Virginis, & Corporis Christi, ejusque octavæ (ex concessione Martini V. & Eugenii IV.) nec non Conceptionis Deiparæ (ex Leonis X.) exclusis tantum illis, qui causam interdicto dederunt. Tambur. d. §. 3. num. 7. & seq. Volpi d. resolut. 93. Antonell. d. lib. 2. cap. ult. num. 6. Qui advertunt, alterari Doctores, num prædictis festis diebus laici sani communicari possint? Nam alii asserunt, alii negant; ut videre est etiam apud Dianam part. 5. tract. 10. resolut. 83. Quæ in Coordinato legitur tom. 5. tract. 4. resolut. 9. Porro infirmis nunquam denegatur Sacra Synaxis, quam consuetudo comitatu esse deferendam adeoslem probat Tamburin. in opusculo de Commun. cap. 6. §. 7. num. 34. & Bonacina de Interdict. disp. 5. p. 3. §. 2. num. 1. Non tamen à Sacerdotibus, qui causam dederunt Interdicto, secluso necessitatis casu. Layman lib. 1. tract. 5. part. 5. cap. 2. n. 9. Concessit 3. ut tempore generalis interdicti localis Pœnitentia administrari possit tam sanis, quam infirmis, non autem illis, qui sunt specialiter inter-

dicti, vel causam dederunt interdicto, nisi in articulo mortis, cum promissione, & cautione satisfaciendi Ecclesiæ; sed non à Sacerdotibus personaliter interdictis, præterquam in extremæ necessitatis casu. Tambur. d. lib. 10. tract. 3. cap. 1. §. 3. num. 13. & Antonell. d. lib. 2. cap. ult. num. 8. & 9. ubi concludendo inferunt, tempore Interdicti generalis censei prohibita Sacramenta Extremæ Unctionis, Ordinis, & Matrimonii; nec non solemniter executiarum in danda sepultura: sed quia in his Doctores non sunt concordēs, consulantur Navar. cap. 27. n. 179. Barbosa allegat. 32. num. 197. & seqq. Avila de censur. part. 5. disput. 4. sect. 1. dub. 6. & alii, quos allegat ipse Antonell. d. c. ult. num. 9. & 10. & Nicolius d. lib. 5. tit. 39. num. 229. & seqq. ac novissime Fagnan. in cap. Responso à num. 23. & seqq. De Sent. Excommun. tom. 7. pag. 188. Pignatellus tom. 2. consult. 59. Volpi d. resolut. 93. num. 8. ubi tractant plenè de prohibitione Ecclesiasticæ Sepulturæ, quæ durante interdicto non permittitur in loco Sacro, nisi Clericis in sacris, qui servaverunt interdictum, & ei causam non dederunt.

De Jure tandem novissimo ex Decreto Martini Papæ QUINTI in Concilio Constantiæ emanato; quo permittit communicare cum fidelibus quacunquæ censura ligatis, tam in divinis, quàm in humanis, dummodo non fuerint publice denunciati, vel Clericorum publici percussores. Extravag. Ad Evitanda: quum ad litteram refert S. Antonin. in 3. part. tit. 25. c. 2. Sylvest. in Verb. Excommunicatio 5. num. 7. Vers. Sciendum est quatio. Et: Satus in 4. dist. 22. q. 1. art. 4. ubi quis non sit specialiter suppositus Interdicto, & publice denunciatus sive locus, sive persona, omnia divina officia, Sacramenta, ac Ecclesiastica sepultura erunt concessa. Tamburin. d. lib. 10. tract. 3. cap. 2. Sà Verb. Interdictum. Porro quia supradicta Extravagans Martini V. patitur nonnullas exceptiones circa Excommunicatos, qui si

fini

sint notorii, licet non denunciati, evitari debent ex subsequenti Decreto Concilii Lateranensi sub Leone X. idem pro ejus intelligentia videatur Fagnanus in cap. Quod à Prædecessore. De Schismaticis à num. 39. & seq. tom. 6. pag. 251.

DECISIO IV.

ARGUMENTUM.

Inquiritur, an fuerint Sacramenta in lege Naturæ, & Mosayca? & Quæ? Adam qua die, & hora sit creatus? Ac quando lapsus sit in peccatum?

SUMMARIUM.

1. Status tres hominum ante legem Evangelicam.
2. Adam qua hora creatus sit? & qua hora peccaverit?
3. Adæ durante innocentia an fuerint Sacramenta?
4. Adam si non peccasset, an data essent Sacramenta? Quod non.
5. Argumenta pro affirmativa.
6. Sacramenta an fuerint in lege naturæ? & quæ?
7. An in lege Mosayca, & quæ fuerint?

Uterius quæritur an in statu Innocentiæ fuerint Sacramenta? prout etiam in lege Naturæ, & in lege Mosayca, & quæ, & qualia fuerint? Pro resolutione hujus quæsitæ, duo sunt facienda præmissa. Unum, quod ante legem Evangelicam fuerint tres status, scilicet Innocentiæ, Naturæ, & Legis scriptæ. Bonacina de Sacram. in genere disput. 1. quest. 1. punct. 3. num. 1. Status Innocentiæ fuit ille, in quo Adam creatus extitit cum iustitia originali; de cujus status duratione non sunt concordantes Ecclesiastici Scriptores; nam alii volunt, Adam fuisse

creatum hora prima diei sextæ, translatum in terrestrem Paradisum hora tertia, gustasse de ligno vetito hora sexta; & ejectionem de Paradiso hora nona; Ideoque Redemptorem nostrum, Christum Dominum voluisse hora prima flagellari, hora tertia sententiarum, hora sexta Cruci affigi, & hora nona spiritum emittere. Torniell. in Annalib. Sacris Anno Mundi Primo num. 21. Alii scribunt, Adam creatum sexta die, ejectionem fuisse de Paradiso die septima. Abulens. super Gen. cap. 13. Alii tenent, Adam permansisse Innocentem sex diebus, (& hæc est magis communis opinio. Sallian. ad Annal. Mundi. die septimo num. 6.) Alii tandem, quod duraverit absque peccato diebus quadraginta, & hac de causa Salvatorem voluisse jejunare quadraginta diebus ad delendum Adæ peccatum; ut notant præter citatos Torniell. Sallian. & Abulens. Perarius lib. 6. num. 184. & Cornelius à Lapide Vers. 23. tertii capitis Genesios. Secundus status fuit legis naturæ, in quo vixerunt homines post lapsum Adæ usque ad tempus Moysis, cui data fuit lex scripta, anno videlicet à creatione Mundi 2458. ut observat Sotus de Justitia, & Jure lib. 2. quest. 1. art. 4. in princ. Tertius autem status fuit ipsius legis Mosaycæ, qui duravit usque ad Salvatoris adventum, qui natus est de MARIA VIRGINE anno Mundi 5199. ut in Martyrologio Romano die 25. Decembris. At secundum DD. Ann. 1451.

Secundum Præmissum fuit, quod prepositum quæsitum potest intelligi dupliciter: primo, An de facto durante innocentia Adæ, fuerint Sacramenta? Secundo, an fuissent Sacramenta, si Adam, & ejus posteris steterint in innocentia? Quibus sic notatis; responderetur ad quæsitum (quoad primum intellectum) negativè; quod scilicet per illud parvum tempus, quo Adam duravit in innocentia, nullum fuit institutum Sacramentum ex communi pacto Theologorum, & Casistarum,

starum, quos citat Bonacina *d. disp. 1. de Sacram. in gen. q. 1. punct. 3. num. 2.* Layman *lib. 5. tract. 1. cap. 3. num. 2.* Ant. Volpi *Resolut. Moral. 165. num. 4.* & Emin. Card. de Lugo *de Sacram. in gen. disp. 3. num. 5.* Quo verò ad secundum intellectum negarunt Thomistæ; affirmarunt Scotistæ.

Qui negant Sacramenta futura fuisse, etiamsi Adam perstitisset in Innocentia unà cum posteris suis, movetur hisce rationibus: 1. Quia Sacramenta ordinantur ad sanctificandos homines, eosque erudiendo de rebus supernaturalibus. Sed posteri omnes Adami, eo non peccante, accepissent per modum naturæ gratiam, & scientiam necessariam ad eos dirigendos in operibus iustitiæ supernaturalis. Ergo superflua fuissent Sacramenta. 2. Sacramenta sunt necessaria vel ad recipiendam gratiam, vel ad eam conservandam, vel ad eam augendam. Sed ex his tribus ad nullum indiguisse homines Sacramentis in statu innocentiae, quia creati fuissent, & nati in gratia; nulla fuisset rebellio inferioris appetitus contra superiorem; ex qua impugnaretur conservatio gratiæ, quæ crevisset in hominibus, sicut & in Angelis per actus virtutis absque applicatione Sacramentorum. 3. Ubi nulla est infirmitas, ibi non est opus medicina. *Matt. 9.* sed in statu innocentiae non fuisset infirmitas culparum; ergo neque Sacramenta, quæ sunt medicina ad curandum peccatum originale, & actuale. 4. Omnia Sacramenta habent vim, & efficaciam ex passione, & morte Christi: sed si Adam non peccasset, Christus non esset passus, neque mortuus; ergo non fuissent Sacramenta. Ita ex S. Thom. *3. part. q. 61. art. 2. & in 4. dist. 1. q. 2. art. 2.* Gonet in *Clypeo Theolog. Thomist. tom. 5. disp. 2. art. 1. §. 2. num. 10. & segg.* ubi Sotus, Ledesma, Suarez, & alii allegantur.

E contra Scotistæ affirmarunt, futura Sacramenta, etiamsi Adam perseverasset unà cum posteritate in statu innocentiae. Horum rationes præcipuæ sunt.

1. In statu innocentiae conveniens fuisset exercere actus externos Religionis pro Dei cultu. Sed hi constitunt præcipuè in Sacramentis. Ergo Sacramenta fuissent instituta. 2. Filii Adam etsi nati fuissent in gratia, tamen non statim essent in ea confirmati; & interim peccare potuissent. Igitur indiguisse Sacramentis, ut munirentur, ne peccarent; vel ut resurgerent à culpa, si peccassent. 3. Motiva Sacramentorum desumuntur vel ex parte facientis, nempe ex Dei misericordia, & liberalitate; & non minus Deus tunc fuisset liberalis, quàm in præsentis: vel ex parte indigentis, idest hominis ad Deum diligendum, peccatum odio habendum, charitatem inter familias servandam, & superioritatem cum dignitate exercendam; & ex parte lapsorum ad resurgendum. Sed pro his omnibus valde profuissent Sacramenta. Ergo. 4. Efficacia Sacramentorum provenit ex meritis Christi. Sed licet Christus passus non esset, si Adam peccatum non commisisset, tamen incarnatus esset, & summè meruisset ex virtute summæ gloriæ, & summæ gratiæ. Ergo. 5. Non omnia Sacramenta data sunt præcisè ob respectum peccati, sed ut magis homo uniretur Deo, ut in Eucharistia; & corroboraretur in ejus amore, ut in Confirmatione. Ergo etiam in statu Innocentiæ fuissent Sacramenta. Hanc opinionem tenet, & pluribus argumentis, ac motivis confirmat Emin. Cardin. de Lauræa *tom. 1. de Sacrament. in gen. disp. 4. art. 2.* ubi objectis occurrit; & subtiliter ea solvit; firmando hanc opinionem habere majorem congruentiam tum respectu divinæ Munificentiæ, tum humanæ conditionis in exercitio Theologicarum Virtutum, quod resultat ex existentia Sacramentorum.

Quòd si quæramus, an fuerint Sacramenta in lege Naturæ? Omnes Theologi concorditer dicunt, ea fuisse. 6. Unum pro parvulis in remedium originalis peccati, & erat protestatio fidei de futuro Messia, per quem salvandi erant, facta à Parentibus. Altera pro adul-

adultis in remissionem peccatorum actualium, & erant actus Virtutis poenitentiae, Sacrificia, Oblationes, & Decimæ: ut Theologi disputant, & docent non solum Morales, Layman d. lib. 5. tract. 1. cap. 3. num. 2. & 3. Bonacina d. tom. 1. de Sacram. in gen. disp. 1. punct. 3. n. 7. Volpi resol. 165. num. 6. & 7. sed etiam Scholastici Emin. Card. de Lugo de Sacramentis disp. 3. sect. 2. Gonet, pluribus citatis, d. tom. 5. disp. 2. art. 2. §. 1. 2. & 3. & novissimè cæteris profundius, & plenius Emin. Cardinalis de Lauræa dicit. tom. 1. de Sacram. disp. 4. art. 3. 4. 5. & 6.

Quo verò ad illud, An in Lege Moysayca fuerint Sacramenta, & quæ? pariter omnes Scholastici affirmant, fuisse; sed non concordant in iis nominandis, nisi in Circumcisione, quæ communi voto Doctorum censetur Sacramentum Legis Veteris. Porro præter eam alia fuerunt Sacramenta, videlicet Eûs agni Paschalis, Sacerdotum ordinationes, panes propositionis, purificationes ab immunditiis, expiationes pro peccatis, manuum, ac pedum ablutiones, & pilorum rationes; de quibus supracitati DD. Layman, Bonacina, Volpi, Gonet, & Eminentiss. de Lugo, & de Lauræa locis citatis.

DECISIO V.

ARGUMENTUM.

Demonstratur, An Parochi, debeant esse assidui in administratione Sacramentorum? Quando peccent ob desidiam? Et An tempore Pestis debeant ea propriis manibus ministrare?

SUMMARIUM.

1 Parochi quàm frequentes esse debeant in administrandis Sacramentis Confessionis, & Communionis?

2 Parochi non assidui in ministrandis Sacramentis peccant mortaliter.

3 Pestis tempore an Parochi teneantur residere? Et Sacramenta suis manibus ministrare?

Quidam Parochus protestatur suis ovibus, se ad Sacramenta Confessionis, & Communionis semel in mense administranda paratum fore; sæpius autem nequaquam. Quæritur, an gravis culpæ se reum constituat? Circa hoc quæsitum reperiuntur duæ opiniones diversæ: Una, quæ distinguit, vel iste Parochus est in Civitate, ubi plurimi sunt Confessarii Sæculares, & Regulares expositi ad excipiendas confessiones fidelium, & iisdem exhibent Sacram Synaxim? Et hic non est reus gravis culpæ, ea ratione, quia oves sibi creditæ nullum patiuntur detrimentum, cùm habeant alios confessarios, à quibus sine magno incommodo recipere possunt Sacramenta. Vel Parochus est in loco campestris, vel montibus, ubi desunt alii Confessarii, qui satisfaciant necessitati, seu devotioni petentium Parochianorum suorum Sacramenta? & in hoc casu mortalis culpæ reus erit. Ita Possévinus de Offic. Curati cap. 5. §. 7. Diana, qui eum refert, & ejus opinionem dicit probabilem part. 2. tract. 16. ref. 2. in fine, quæ collocata est in Coordinato tom. 1. tract. 6. resol. 42. & Reginald. in Praxi fori Poenitent. lib. 29. num. 96.

Altera est opinio, quæ facit hunc Parochum reum omnino culpæ mortalis, sive sit in Urbe, sive in Villis, ob sequentes rationes, 1. Quia Parochus tenetur ex officio, & ex justitia administrare Sacramenta non solum in casu necessitatis, & in Paschate, sed etiam quotiescumque sui Parochiani illa rationabiliter petunt. Bonacina de Sacram. Poenit. disp. 5. §. 7. punct. 4. §. 2. num. 23. Sed qui vult confiteri peccata sua, & Eucharistiam sumere omnibus Dominicis diebus;

B 2 lau-

laudabiliter facit secundum exhortationem Divi Augustini in cap. Quotidie. de Consecrat. dist. 2. Ergo ille Parochus qui protestatur nolle administrare Sacramenta, nisi semel in mense, deest officio suo, cui tenetur ex iustitia, & sic mortaliter peccat. 2. Quia juxta Concil. Trident. sess. 23. de ref. cap. 1. Præcepto Divino mandatum est omnibus, quibus animarum cura commissæ est, oves suas agnoscere, pro his Sacrificium offerre, verbique divini prædicatione, Sacramentorum administratione, ac bonorum omnium operum exemplo pascere. Sed non diceretur pascere oves sibi creditas ille Parochus, qui nollit in festivis diebus intra mensem occurrentibus, præcipue magnæ devotionis, Sacramenta administrare. Ergo reus culpæ gravis est censendus. Gobat in Experiment. Theol. tract. 1. num. 205. & tract. 4. num. 401. 3. Siquidem Parochus est Medicus spiritualis animarum Isa. cap. 1. Mosconius de Majestate Militan. Eccl. lib. 1. part. 1. cap. 20. pag. 346. Sed male fungeretur officio suo, tardando per mensem mederi infirmo, plagam mortalem habenti, idest mortale peccatum, ubi peteret confitori. Coton. Illustr. controuv. lib. 3. controuv. 6. num. 10. Bissus in Hierurgia litt. P. num. 162. §. 18. Ergo. 4. Nam Parochus tenetur ex officio consulere spirituali profectui suorum populorum; qui præcipue pender ex frequentia Confessionis, & Communionis. Layman lib. 5. tract. 6. cap. 13. num. 2. Quæ quidem frequentia in hac Diœcesi habetur singulis diebus festivis, & præcipue in solemnitatibus Apostolorum, ac Deiparæ; & de Jure consuetudo Diœcesis est attendenda. 5. Quia extat Præceptum Eminentissimi, ac Reverendissimi Nostri Præfultis, ut Parochi singulis diebus festivis sedeat in Confessionalibus, commodum exhibentes Parochianis ad frequenter confitendum, & communicandum; ut in Decretis Congregationis Generalis habitæ coram Eminentia sua die 26. Septembris 1684. in quibus ad tertium, ita leg-

gitur. 3. Et quoniam Sanctissima Sacramenta sunt Divina medicamina, quibus animarum spiritualibus languoribus est medendum: iisdem Parochis cordi sit, juxta laudabilem eorum consuetudinem, ut singulis festivis diebus, in eorum Ecclesiis Sacramentorum uberrima dispensatio tum Pœnitentiæ, tum Sacræ Synaxis habeatur. Sed transgredi Præceptum Episcopi est mortale peccatum. Cap. 2. de major. & obediens Nicol. Canon. lucubr. lib. 1. tit. 33. num. 5. Ampl. 2. Ergo prædictus Parochus reus erit mortalis peccati. Et hanc opinionem amplexa est Curia nostra Episcopalis, tum ex rationibus allatis, tum ex auctoritate Navarri, Soti, Suarezii, Filiucii, & aliorum DD. quos citat, & sequitur Bonacina de Pœnit. Sacram. d. disput. 5. q. 7. punct. 4. §. 2. num. 23. nec non Azoriz, Coninchi, & Mollesii, quos allegat Diana in resol. 42. supradicta §. 1.

Sed non minus dignum scitu est sequens Quæsitum. videlicet: Tempore Pestis Parochus residentiam vult relinquere, ut securitati vitæ sue consulet. Quæritur, an absque lethali culpa id facere valeat?

Plures plura dicunt pro hujus casus resolutione: sed quia propositus fuit olim Sacræ Congregationi Concilii per Sanctum Carolum Borromæum Anno 1576: satis sit ejusdem Sacræ Congregationis, (quæ prius egerat de hoc cum Summo Pontifice) responsum referre; quo significavit eidem Sancto Archiepiscopo, Parochos tempore Pestis teneri omnino residere in suis Ecclesiis Parochialibus, posse tamen per alium idoneum ministrare Parochianis suis peste infestis Sacramenta Baptismi, & Pœnitentiæ; & si non residerint contra eos procedendum esse servata forma cap. 1. sess. 23. de ref. in Conc. Trid. Ita notat Fagnan. in cap. Clericos. num. 45. de Cleric. non residen. tom. 4. pag. 80. & Nicolius Canon. lucubr. lib. 3. tit. 4. num. 9. Quibus ad stipulantur. Coton. dict. lib. 3. controuv. 6. num. 11. Diana part. 5. tract. 3. resol. 53.

Quæ

Quæ sedem obtinet in Coordin. tom. 2. tract. 2. ref. 58. & Gobat d. tract. 1. num. 116. ubi subdit monita pro Parochis tempore Pestis, ut refiderent, & Sacramenta tutò administrare valeant.

D E C I S I O . VI.

A R G U M E N T U M .

Explicatur in hac Decisione, quæ materia sit apta? quæ inepta? & quæ dubia in quocunque Sacramento? Et docetur, quomodo Materia, & Forma debeant simul coexistere.

S U M M A R I U M .

- 1 Mutatio materia quæ noceat valori Sacramentorum?
- 2 Materia Sacramentorum alia remota, alia proxima.
- 3 Baptismi materia quæ apta, quæ inepta, quæ dubia.
- 4 Confirmationis materia apta, inepta, dubia.
- 5 Eucharistiæ materia triplex prædicta.
- 6 Pœnitentiæ materia, ut supra, triplex.
- 7 Extræ quoque Unctionis.
- 8 Ordinis materias an Christus Dominus instituerit in specie infima? Et quæ sint aptæ in quocunque ordine?
- 9 Matrimonii quæ sit materia?
- 10 Materia, & forma Sacramentorum an debeant simul coexistere?

Sed in primis, & ante omnia examinare oportet, & bene intelligere, Quæ mutatio materiæ noceat valori Sacramentorum? Et quidem respondetur, nocere Sacramentorum valori omnem mutationem substantialem; illam scilicet, quæ habeat vim mutandi materiam aptam in materiam ineptam: quòd si mutatio sit tantum se-

cundum qualitatem, itaut reddat tantummodò materiam dubiam; etsi subsistere possit valor Sacramentorum; nihilominus utens dubia materia peccaret mortaliter, nisi excusaretur ob magnam necessitatem, & faceret Sacramentum sub conditione, si materia est apta. cap. si nulla. de Consecrat. dist. 4. Gobat in Experim. Theolog. tract. 2. à num. 36. & seqq. Diana par. 5. tract. 3. ref. 1. quam in Coordinato reperiet lector tom. 1. tract. 1. ref. 52. & Emin. Cardin. de Lauræa dict. tom. 1. disp. 2. art. 4.

Cæterum, quia plurimi d. Clero nostro collegerunt in specie materias remotas omnium Sacramentorum; (nam proximam esse applicationem remotæ, neminem latet, ut in singulis Sacramentis explicabitur) nolui me pigeat earumdem materialium transcriptionis, pro majori Quæsti hujus intelligentia, & in obsequium studentium; quibus unico intuitu facili erit cognoscere, quænam sit materia apta, quænam inepta, & quænam dubia cujuscunque Sacramenti.

Baptismi materia apta.

Aqua Naturalis, idest elementaris, benedicta, tam calida, quàm frigida, Fluminis, Maris, Pluvialis, Putei, Fontis, Paludis, aut Balnearum sulphureorum.

Aqua resoluta ex Nive, ex Gelu, ex Grandine, seu Glacie.

Aqua transfusa per venas metallicas, acetosæ, salas.

Aqua collecta ex vaporibus densatis evaporatis ex olla; & repertis in operculo testaceo.

Aqua adunata ex parietibus, & lapidibus desudantibus.

Aqua cadens ex foliis arborum.

Aqua mixta cum modico vino, aut alio liquore.

Aqua, in qua sunt leviter costæ carnes, vel pîsces, ita ut liquor plus habeat de natura aquæ, quàm de substantia corporum lixatorum in eo.

Baptis.

Baptismi materia inepta.

Aqua ebullita cum Vino, seu Ace-
to.

Cervisia crassa, & multum cocta.
Sanguis tam humanus, quam be-
stiarum.

Brodium, seu Jus valde inspissatum.

Lixivium valde decoctum cum cine-
ribus.

Succus pomorum, pyrorum, cera-
rum.

Lac, Urina, Saliva, Lacrymæ,
Pituita, Sudor.

Aqua supernatans cruori, seu sangui-
ni extracto.

Aqua emanans à corpore hydropici.

Aqua non valens abluere ob mixtu-
ram aliarum rerum.

Aqua mixta coloribus ad pingendum.
Pulmentum, & Offa hordeacea bene
cocta.

Atramentum, seu Aqua bullita cum
aloë, galla, vel mixta cum Vitriolo,
aut gummis.

Nix, Grando, Glacies, & Pruina,
antequam resolvantur.

Baptismi materia dubia.

Aqua rosacea.

Cervisia tenuis, & parum cocta.
Succus expressus ex herbis, ut aqua
ex cicorea.

Aqua turbida expressa ex luto.
Brodium carnis, seu Jus non satis
coctum.

Lixivium mediocriter bullitum.
Liquores per alchimiam educti ex
floribus, seu plantis.

Aqua soluta è sale.

Aqua tintoria, & nigra; si nihil,
aut parum sit ebullita cum ingredientibus
foliis, seu lignis.

Hæc omnia affirmantur à Doctoribus
infra scriptis, videlicet à S. Thom. 3. p.
q. 66. art. 4. Suarez tom. 3. disp. 3. q. 1.
sect. 3. Diana Coordinato tom. 1. tract. 1.
à ref. 50. usque 55. Sylvest. Verb. Ba-

pismus 2. §. 4. Bonacina tom. 1. de Sa-
cram. Bapt. q. 2. punct. 3. num. 2. Lay-
mano lib. 5. tract. 2. cap. 3. Gobato in
Experim. Theol. tract. 2. sect. 1. per to-
tam. Cotonio in Sum. Dianæ Verb.
Baptismi materia. Et in suis Contro-
vers. lib. 2. Contr. 2. Tamburino de
Triplici Jure lib. 2. de Sacram. Bapt.
cap. 1. §. 1. Goneto tom. 5. tract. 3.
disp. 1. art. 2. Ant. Volpio resol. 6. Ma-
strio in 4. sentent. disp. 2. num. 33. Et
Eminentis Card. de Lauræa in 4. sent.
tom. 1. disp. 12. art. 2.

Confirmationis materia apta.

Chrisma confectum ex oleo oliva-
rum, & balsamo, ab Episcopo
solemniter benedictum anno illo.

Confirmationis materia inepta.

Oleum simplex, de per se, seu se-
paratum.

Balsamum de per se solum, seu sepa-
ratum.

Chrisma non benedictum ab Episco-
po confectum.

Balsamum mixtum cum Oleo Nu-
cum, vel Piscium, vel ex semine lini,
vel Amygdalino, vel roseo.

Quodvis Unguentum ex aliis mixtu-
ris confectum.

Confirmationis materia dubia.

Oleum benedictum ab Episcopo,
sed sine balsamo, ut est oleum
infirmorum, seu parvulorum.

Ita ex S. Thom. 3. p. q. 72. art. 3.
Pace Jordano tom. 1. lib. 3. tit. 2. n. 33.
& ex P. Eusebio Jordano ejus fratre in
Schedula Sacrament. impressa in d. tom.
1. dicit. lib. 3. post tit. 7. Gobato d. tract.
2. casu 21. à num. 743. & seqq. Lay-
mano d. lib. 5. tract. 2. cap. 2. Quinta-
nadvena de Confirm. fing. 3. Tambur.
de Tripl. Jur. lib. 3. cap. 1. §. 1. Diana
Coord. tom. 1. tract. 2. resol. 1. & 2.
Goneto tom. 5. tr. 3. disp. 6. art. 2. Co-
tonio Controv. 3. cap. 1. à n. 2. Bonac.
tom. 1.

De Sacramentis in genere. Decif. VI. 15

rom. 1. de Confirm. disp. 3. qu. Unic. puncti. 3. Volpio resol. 35. Maftrio in 4. Sent. d. disp. 2. q. 8. art. 1. & in Theolog. mor. disp. 17. num. 67.

Euchariftie materia apta.

Panis triticeus, azymus, coctus igne, per modum affationis, factus cum aqua naturali.

Vinum ex vitibus defæctatum; cui aut nulla, aut pauca, aut minor pars aquæ sit immiffa ad ebulliendum fimul.

Multum in cafu neceffitatis exprefsum ex Uvis.

Euchariftie materia inepta.

Panisex Avena, hordeo, rido, feu caftaneis.

Panisex Mellica, Surgo, feu Frumentono.

Panisex farina Amydi.

Panisex factus ex aqua rofacea, vel alio liquore etfi triticeus.

Panisex multo butyro, pipere, vel pinguedine; aut melle, ut vulgò *buzzoladi*, vel *fogacciette*.

Panisex pasta cruda, elixus, lagana, pultis.

Pastilli farinacei, vulgò *Maccheroni*.

Vinum cum æquali, aut majori aquæ admixtione.

Vineta, vulgò *Grafia*.

Succus Agrestæ, & Acetum.

Vinum in offa panis imbibitum, vulgò *zuppa*.

Vinum malorum granatorum, aut mororum, vel aliorum fructuum.

Uva, quæ non fit exprefsa.

Euchariftie materia dubia.

Panisex spelta, Siligine, feu Secala, vel Farre.

Panisex in quo fit mediocriter mixtum butyrum, mel, piper, vel pinguedo, aut oleum.

Panisex factus cum aqua maris.

Hostiæ rubeæ, quibus utimur ad fi-

gillandas litteras; idest mixtæ cum cinabrio.

Vinum acidum.

Vinum mixtum cum magna aquæ quantitate.

Vinum congelatum.

Vinum exprefsum ex Uvis passis.

Ita ex S. Thom. 3. p. q. 74. art. 3. Gobato d. tract. 3. a num. 26. & segg. Bonacin. de Sacram. Euchar. tom. 1. disp. 2. q. 3. puncti. 1. Volpio resol. 51. Cotonio lib. 2. Controv. 4. cap. 1. Goneto tom. 5. tract. 4. disp. 3. art. 1. & 2. Tambur. de triplici Jur. lib. 4. cap. 1. §. 2. Laymano lib. 5. tract. 4. cap. 2. & Summa Dianæ Verb. Euchar. Materia. Maftrio in 4. Sent. disp. 3. q. 3. art. 1. Emin. Card. de Lauræa de Euchar. disp. 18. art. 1. 2. 3.

Pœnitentiæ materia apta.

Peccata actualia commiffa post Baptifmum.

Peccata fictionis, de quibus adulter, dum baptizatur, non dolet, seu habet voluntatem illam committendi.

Pœnitentiæ materia inepta.

Peccatum originale.

Imperfektionen naturales propriæ dictæ.

Peccatum, quod falsò existimatur commissum.

Peccatum, de cuius commissione Pœnitens est dubius.

Pœnitentiæ materia sufficiens.

Peccata actualia commiffa post baptifmum, quamvis sola Venialia, vel peccata jam confessa, & aliàs absoluta.

Ita ex Conc. Trid. sess. 14. cap. 7. ex S. Thom. 3. p. q. 84. art. 2. Gobato tr. 6. n. 7. & 8. Tambur. de triplici Jur. lib. 5. cap. 1. Goneto tom. 5. tract. 5. disp. 1. art. 3. Volpio ante resol. 143. num. 8. Bonacina de Sacram. Pœnit. disp. 5. q. 3. puncti. 1. Eusebio Jordano d. tom. 1.

16 De Sacramentis in genere. Decis. VI.

d. tom. 1. Episc. Tragurien. fratris sui lib. 3. tit. 7. Cardin. Toletus lib. 2. cap. 3. Massrio d. tom. 4. Sent. disp. 5. q. 12. num. 339. & Eminen. Cardin. de Lauræa tom. 2. de Sacram. Pœnit. disp. 17. art. 1. 2. 3.

Extrema Unctionis materia apta.

7 **O**leum olivarum ab Episcopo benedictum eo anno.

Oleum non benedictum additum in parva quantitate oleo benedicto.

Chrisma, idest oleum olivarum benedictum ab Episcopo cum mixtione balsami.

Materia inepta.

Oleum, quod non fit ex olivis.

Materia dubia.

Oleum olivarum non benedictum. Oleum olivarum benedictum, cui additum sit in majori quantitate oleum non benedictum.

Ita ex Tamburino lib. 6. cap. 1. §. 1. Toletus lib. 7. cap. 1. Sum. Diana Verbo. Extr. Unct. Materia num. 7. Gobato tract. 8. casu 21. à num. 783. Quintanad. tract. 5. singul. 1. & 2. Goneto tom. 5. tract. 6. disp. 1. art. 2. Laymano lib. 5. tract. 8. cap. 2. Cotonio lib. 2. contro. 15. num. 4. Eminen. Cardin. de Lauræa tom. 2. de Sacram. Extr. Unct. disp. 11. art. 3. num. 30.

Ordinum materia.

8 **N**otarunt in primis, Christum Dominum non determinasse in specie infima materias, & formas omnium ordinum, sed aliquorum in subalterna tantum; docendo Apostolos, ut ordines aliqui conferrentur per instrumentum, quo significaretur eorum potestas. Cardin. Bellarmin. Suarez, Tanner. & alii apud Gobatum tract. 2. num. 7. & Layman lib. 5. tract. 11. cap. 5. num. 2. in fin.

Prima Tonsuræ materia propria non est, quia non est proprius ordo: sed quasi materia est abscissio capillorum.

Officiarius materia sunt claves Ecclesiæ; ceremonia verò est aperire, & claudere fores ejus, & pulsare campanulam, ad denotandum officium hujus ordinis.

Lectoratus materia est liber continens sacras lectiones, idest epistolas, & prophetias.

Exorcismus materia est liber exorcismorum, qui apud nos est Rituale Romanum, in quo sunt exorcismi.

Acolytatus materia est duplex: Candelabrum cum cereo extincto. Et Urceoli vacui. An autem utraque sit de essentia, vel una sufficiat; sunt opiniones DD. diversæ, & omnes probabiles.

Subdiaconatus materia est duplex. Calix, & Patena sine vino, & sine hostia: & liber Epistolarum. Quod si porrigeretur Calix sine patena, vel patena sine Calice, vel si Calix, & patena non essent consecrati, esset materia dubia; prout si liber deficeret.

Diaconatus materia duplex est. Liber Evangelicium: & Et impositio manus dexteræ facta ab Episcopo super caput ordinandi. Utrum verò una tantum materia sufficiat, altercantur Doctores; & ideo una tantum esset materia dubia. Item si traderetur liber Actuum Apostolorum, Epistolarum Pauli, & Apocalypsis. At apta esset materia Testamentum novum, ac tota Scriptura Sacra. Non autem solum testamentum vetus.

Sacerdotii materia duplex est. Una Calix cum vino, & Patena cum hostia. Altera est ultima impositio manuum ab ipso solo Episcopo facta ipsi Sacerdoti. Si una sola adhiberetur ex his materiis, esset imperfecta ordinatio; quia per primam materiam confertur potestas consecrandi Corpus Christi; per secundam verò absolvendi à peccatis; & hæc duæ potestates sunt inter se distinctæ. Si deficeret hostia in Patena, vel vinum in calice, esset materia dubia. Si hostia, & simul vinum deficeret, materia foret inepta.

Epi-

Episcopalis ordinis materia est impositio manuum facta à tribus Episcopis super caput consecrandi. At impositio libri Evangeliorum supra cervicem, & scapulas electi, Unctio sacra in capite & in manibus, non censentur de essentia consecrationis Episcopi; quamvis multi contradicant.

Ita ex Vasquez *tom. 3. disp. 240 cap. 3. Dicalillo tract. 6. de Ordin. disp. 1. num. 126. Gobato tract. 8. num. 137. Laymano l. 5. tract. 12 cap. 3. Volpio resol. 137. Bonacina tom. 1. de Sacr. Ord. disp. 8. punct. 3. Tamburino de Tripl. Jur. lib. 7. cap. 2. 3. 4. & 5. Pace Jordano tom. 1. Prælu. 4. Cotonio lib. 3. controv. 1. cap. 2. num. 22. & 23. Diana Coord. tom. 4. tract. 8. per plures resolut. Fagnano in cap. cum venisset num. 72. de Sacr. Unct. tom. 2. pag. 298. & Emin. Cardin. de Lauræa tom. 3. de Sacr. Ord. disp. 7. art. 6. ubi tamen tenet etiam impositionem libri Evangeliorum super caput ordinati esse materiam ordinis Episcopalis.*

Matrimonii materia apta.

Sunt ipsi contrahentes, qui sint immunes, & liberi à quocunque impedimento dirimente: nam si afficiantur aliquo impedimento dirimente, efficiuntur materia inepta.

Ita ex DD. per me cumulatis in *Decisionibus anni 1684. Mense Januario ad Primum Quæstum*, & præcipue ex Eminen. Cardin. de Lauræa in 4. sent. tom. 3. *De Sacram. Matrim. disp. 13. art. 3. & 4.*

Tandem dubitatur, An materia, & forma debeant simul coexistere?

10 Circa quod oportet distinguere Sacramentum Pœnitentiæ, & Matrimonii ab aliis quinque Sacramentis. Nam in illis duobus, Pœnitentia scilicet, & Matrimonio, formam non posse coexistere cum materia dicunt Doctores, siquidem accusatio peccatorum, quæ est Materia proxima pœnitentiæ debet præcedere; absolutio verò, quæ est forma, ut subsequatur est necesse. Similiter in

Matrimonio traditio corporum, quam faciunt contrahentes; & quæ est materia proxima, debet præcedere formam, videlicet verba, quibus ipsi acceptant eam traditionem. Gobat in *Experiment. Theolog. tract. 1. num. 25. & 26.* Et licet notabilis distantia interveniat inter Materiam, & Formam, in his duobus Sacramentis, nihil obstat eorum validitati. Suarez *tom. 4. de Pœnit. disp. 18. sect. 4. num. 2. Volpi resol. 168. num. 1.*

At in aliis quinque Sacramentis materia, & forma debent simul coexistere, non tamen physice, sed moraliter; ita ut simulitas materiæ, & formæ, nisi sit in omnibus suis partibus, saltem in aliqua parte physice jungatur; & quando contingat, materiam totam applicari ante prolationem formæ, vel formam totam proferri ante applicationem materiæ; statim, & post brevem morulam efficiatur ipsa simulitas, ut coexistere dicantur Materia, & Forma saltem moraliter. Ratio est; quia Sacramentum est morale quoddam compositum ex re sensibili, & verbis, quæ illam determinant ad significandam gratiam. Ergo sufficit moralis conjunctio rei, & verborum. Diana Coord. *tom. 1. tract. 1. resol. 5. & resol. 62. Bonacina De Sacr. in gen. tom. 1. disp. 1. qu. 2. punct. 2. Layman. lib. 5. tract. 2. cap. 7. quæst. 3. Sà Verb. Extrema Unctio num. 14. Gobat d. tract. 1. num. 27. Coton. Contravers. illustr. lib. 2. controv. 2. cap. 1. num. 12. Volpi res. 6. num. 9. resol. 147. num. 1. & 168. n. 1. & Emin. Cardin. de Lauræa d. tom. 1. disp. 18. artic. 5. num. 122. ubi mirabiliter notat, quod in consecratione Eucharistiæ materia, & forma debent physice coexistere, quia Verba consecrationis diriguntur ad materiam præsentem; & ideo nulla mora est permixibilis inter materiam, & formam.*

DECISIO VII.

ARGUMENTUM.

Dilatatio quanta esse possit absolutionis in confessione? Nec non Unctionum inter se in Extrema Unctionis Sacramento?

SUMMARIUM.

- 1 Dilatio inter confessionem, & absolutionem quanta possit esse?
- 2 Pœnitentiæ Sacramentum datur per modum iudicii.
- 3 Extrema Unctio an interrupti possit ob constituendum ab infirmo aliquod peccatum?
- 4 Confessiones aliquorum cur sint prolatae?
- 5 Extrema Unctione non completa, quando repetendæ Unctiones jam factæ?
- 6 Extrema Unctionis quot unctiones sint de essentia Sacramenti?
- 7 Unctiones omnium sensuum an sint de essentia Sacramenti?
- 8 Unctiones omisse quando supplendæ in Extrema Unctione?
- 9 Statim significat modicum interval- lum temporis.
- 10 Si dictio est conditionalis.

Parochus, audita prolata confessione Lucii in Ecclesia, quia centena persona Sacram Communionem opperiebantur, rogat Lucium expectare aliquantulum, statimque vadit, populum communicat, & successivè Missam celebrat. Dein reversus ad sedem confessionalem Lucio murmuranti ob moram, Pœnitentiam illicè injungit, & Sacramentalem absolutionem impendit. *Queritur, an validè?*

Resolutio superioris Quæsti fuit mater decisionis huius casus: quilibet enim ex DD. infracitandis respondit, validè fuisse Lucium absolutum à Parocho ea ratione, quia Sacramentum Pœni-

tentia administratur ad instar Iudiciorum, in quibus inter accusationem delicti, & sententiam fuit non breve tempus. Idcirco potuit Parochus absolvere Lucium, cuius confessionem audiverat ante communionem populi, & celebrationem Missæ; supposito tamen, quòd integrè fuerit confessus, & sufficienter dispositus per dolorem, & propositum emendandi; ut in puncto scribunt Layman d. lib. 5. tract. 2. cap. 7. num. 8. *Vers. Quamobrem.* Busembaum lib. 6. de Sacram. in gen. cap. 1. tract. 1. dub. 2. resol. 3. Possévinus de Pœnitent. cap. 7. qu. 46. Volpi d. resol. 147. & resol. 168. Gobat d. tract. 1. num. 33. & 34. & Tathburin. de Triplici Jure lib. 1. de Sacram. in gen. cap. 1. §. 1. num. 5. & 6. At non idem dicendum venit in sequenti Casu.

Moribundus dum extrema unctione roboratur à Parocho, oculis, naribus, & ore inunctis, rogat Parochum, ut duo peccata mortalia, de quibus tunc recordatur, auscultet, & absolvat. Morem gerit Pastor; subinde prosequitur reliquas membrorum unctiones. *Queritur, an ritè, & rectè agat?*

Ad huius casus resolutionem reperi Theologos Morales concordés, ac discordes simul. Concordant in eo, quòd si brevis morula intercesserit in audiendis, ac absolvendis illis duobus peccatis, Parochus egit ritè, ac rectè prosequendo reliquas unctiones membrorum, quia illud tantillum temporis, & tam brevis interruptio non videtur officere morali continuationi illius sacræ functionis. At discordes sunt: estò quòd ille infirmus accusando se de duobus illis peccatis protraxisset tempus in unam, vel plures horas, ut sæpè sæpiùs occurrere solet, & restes sunt, quos audire confessiones pœnitentium non piget; siquidem vel ex multiplicitate circumstantiarum, vel ex difficili materia contractuum, negotiorum; vel ex scrupulositate conscientis, aut ex difficultate in se explicando; duo peccata, quæ duo-

duobus verbis possent manifestari, apta sunt, duas, & tres horas absorbere, anrequam Confessarius intelligat, an sit obligatio restituendi, vel pecuniam, vel famam, vel aliquid grave injungendum ante absolutionem. Igitur supposita hac prolixitate, & diuturnitate temporis, & unus, aut plurium horarum post collatas præcedentes unctiones, sunt discordes in reliquis unctionibus conferendis Doctores tripliciter; liquidem

Prima eorum opinio est, ut Parochus debeat iterum repetere præcedentes unctiones cum suis formis, & prosequendo conferre post illas, etiam alias nondum datas, juxta doctrinam Tamburini, de triplici Jure lib. 1. cap. 1. §. 1. num. 7. & 8. quem citat, & prosequitur Gobat tract. 8. num. 878. ea ratione, quia hoc Sacramentum ex communiori sententia perficitur solum in ultima unctione; ac proinde nimum disparent a se invicem partes ejusdem Sacramenti. Hæc sunt Verba Gobati.

Secunda est opinio, quòd iste Parochus, etiam post longam interpositam moram, non debeat repetere primas Unctiones, sed tantummodò addere illas, quas priùs non fecerat; & hoc auctoritate Bonacinæ scribentis, si Parochus morte, aut morbo, aliove impedimento corripiatur, dum ungit, ita ut nequeat Sacramentum inchoatum perficere, reliquas partes inungendas esse ab alio Sacerdote præsentè, aut aliundè vocato; partes verò unctas non esse iterum ungendas. Hæc sunt verba Bonacinæ tom. 1. de Sacram. Extr. Unct. disp. 7. quæst. ulio. punct. 4. num. 9. ubi citat Acta Mediolanensis Ecclesiæ tom. 1. par. 4. De Sacram. Extremæ Unctionis pag. 542. Vers. Si æger. Possiven. de offic. cur. cap. 9. num. 9. S. Thom. in 4. dist. 23. qu. 1. art. 1. quæstunc. 2. ad 3. & ibi Sotus. Et idem docuit Angelicus Doctor in supplem. qu. 29. art. 2. ad 3. Sylvest. Verb. Unctio extrema num. 4. in fin. Reginaldus lib. 28. cap. 18. num. 62. & Barbosa de Parocho cap. 32. num. 8.

Tertia verò est opinio, Parochum istum, post longam moram, non debere prosequi reliquis membrorum unctiones; siquidem in prioribus antea factis fuit completum Sacramentum Extremæ unctionis, quod subsistit in unctione unius sensus tantum; ut tenent plures DD. apud Suarez *tom. 4. in 3. part. disp. 40. sect. 2.* & Bellarm. *libr. de Extr. unction. cap. 10.* quos citat Tamburinus *de tripl. jure libr. 6. cap. 1. §. 2. num. 1.* & pluribus probat Gobatus *d. tract. 8. num. 79.* ac Diana allegans plurimos *part. 8. tract. 1. res. 21.* Quæ reperiitur in Coordinato *tom. 1. tr. 1. ref. 60.*

Igitur ex his tribus opinionibus, quæ verior ? quæ eligenda ? Non videtur ita facilis resolutio . Ideo sciendum, maximam esse altercationem inter Thomistas, & inter Scotistas, circa essentiam Sacramenti Extremæ Unctionis, in quot Unctionibus consistat ? Nam sequaces doctrinæ S. Thomæ volunt, unctiones omnium quinque sensuum, visus, auditus, gustus, odoratus, & tactus esse de essentia Sacramenti, ut probare conatur Gonet *d. tom. 5. tract. 6. disp. r. num. 30. Volpi resol. 77. num. 5. & 6. & aliis Moralistis* omisiss, Candidus in *Specul. Moral. disquisit. 51. art. 7. à num. 5. & seqq.* qui omnes aurumant, gratiam per hoc Sacramentum non conferri, nisi in ultima, & quinta unctione . E contra Scoti doctrinæ adherentes in *4. Sent. diff. 23. quæst. Unic. sub D. firmiter tenent, non esse de necessitate Sacramenti supradictas omnes quinque sensuum unctiones; sed tantum de necessitate præcepti : ac propterea legitimo subsistente impedimento, minores numero, ac etiam unam tantum sufficere ad gratiam obtinendam, & in una sola posse compleri Sacramentum; ut tenet Becan. de Sacram. cap. 25. qu. 7. n. 6. quem citat, & sequitur Cottonius in *suis Controver. illustr. lib. 2. controver. 15. à num. 18. & seqq.* Plurimi apud Diana *d. part. 8. tract. 1. resol. 21. & part. 10. tract. 12. resol. 31. & novissimè**

20 De Sacramentis in genere. Decis. VII.

Emin. Cardinalis de Lauræa in 4. *Sent. d. tom. 3. disp. 11. art. 4. num. 40. & art. 9. num. 129.* ubi sic loquitur: *Omnes Unctiones, quæ applicandæ erunt alicui infirmo indeterminatè, sive una, sive plures, vel septem, vel duodecim, sufficient ad completum Sacramentum; iisque in re positis causatur ejus effectus. Ac protindè undecunque oriatur diminutio numeri, seu complementi unctionum, sive ex deficientia infirmi, sive ex libito Ministri nolentis omnes perficere, sive ex alio impedimento, Unctiones, quæ præcedunt, sunt Sacramentum. Ita quod, ut uno verbo dicam, non duæ, tres, quinque, aut duodecim numeræ unctiones sunt à Deo institutæ in Sacramentum; sed illa, vel ille, quæ in una infirmitate eidem homini fient. Quocirca ergo adveniente casu, & impedimento, ut omnes fiant, intelligitur completum Sacramentum per præcedentes.*

Attenta igitur doctrina præclarissimi hujus luminaris Catholicæ Ecclesiæ; prævalere debet tertia ex relatis opinionibus, & resolvendum, non debuisse Parochum post longam (ut ex-supposito) moram, ad alias unctiones manum admovere; quippè ob legitimum impedimentum audiendi confessionem peccatorum illius infirmi, completum censetur Sacramentum Extremæ Unctionis in præcedentibus Unctionibus.

Neque obstant auctoritates, aut rationes primæ, & secundæ opinionis.

Non primæ, quia, ut dictum est, verius est, hoc Sacramentum Extremæ Unctionis non habere determinatum numerum unctionum pro sui validitate; sed omnes Unctiones sunt de integritate; & si deficient aliquæ ob aliquod impedimentum, essentia Sacramenti subsistit in illis Unctionibus, sive pluribus, sive una, quæ cum suis formis datæ sunt; non enim admittunt Scotistæ, quod fructus, & effectus hujus Sacramenti esset in pendentibus usque ad ultimam ex quinque Unctionibus, ut doctissimè disputat, & concludit

Emin. Cardin. de Lauræa d. tom. 3. *disput. 11. art. 9. per tot.*

Non secundæ opinionis Auctoritates movent, quia intelligendæ sunt de supplemento unctionum dando ab alio Sacerdote, si primus moriatur, aut morbo corripiatur in actu ministrandi hoc Sacramentum, quando ibi alius Sacerdos adest, vel parva interposita mora potest accurrere; secus autem si post longum tempus; & ideo benignus lector observet verba Actorum Mediolanensium à Divo Carolo Borromæo Præsule enarrata; quæ supponunt, reliquis Unctionibus absque mora dari posse per alium Sacerdotem; sunt enim ista: *Ad. Mediol. par. 4. Instr. Extr. Unct. pag. 542. col. 2. Rursus, si aliquando acciderit, ipsum Parochum, dum ungit, præ virtutis imbecillitate, aliove casu deficere; atque Sacerdos, si præsens aderit, aut aliundè statim evocatus, reliquas partes, quas ille non unxit, ungere ritè perget: undas autem denuò non unget. Igitur vice versa: si alius Sacerdos præsens non aderit, aut aliundè non statim evocatus, minimè debeat ungere reliquas partes; ly enim statim significat modicum temporis intervallum. Fagnan. in cap. Qualiter. 9. num. 45. de Cleric. non resid. Barbosa de Dictionib. d. Verb. dict. 384. num. 1. Et non sine magna advertentia loquuntur Acta Mediolanensia per dictionem illam SI, dicendo alius Sacerdos si præsens aderit, siquidem dictio SI est conditionalis. l. Qui promisit ff. de Cond. indeb. Rota part. 7. rec. decis. 77. num. 3. qua deficiente non est procedendum ad disposita: & ideo sensus est Actorum Mediolanensium, non esse amplius dandas reliquas Unctiones, si statim dari non potuerint; ea ratione, quia, ubi morula intervenit, est una, & eadem moralis administratio Sacramenti; sed ubi intrat unius horæ, vel plurium distantia, non potest amplius dici una, & eadem administratio, & cùm priores Unctiones cum suis formis ritè & rectè datæ non sint*
illare

stare in pendenti, & sine effectu, operantur virtutem Sacramenti tanquam essentialiter in ipsis completi; & sic non est ulterius inungendus infirmus. Quare si Parochus de quo in casu, brevi morula, audivit ea duo peccata, & absolvit, bene fecit dando reliquas unctiones; at si moratus fuerit per horam circiter, vel ultra, malè egit, prosequendo unctiones, quia in primis Sacramentum obtinuerat suum complementum. Illud tamen non omittendum pro praxi, quòd in tali casu, (nisi infirmus esset in extremis, & nullum vitæ spatium de eo promitti posset) deberet Parochus eidem infirmo actum contritionis suggerere; & administrationem Sacramenti Extremæ Unctionis jam cæptæ continuare, ac perficere per omnes Unctiones, à quibus citò se expediet; & deinde peccatorum oblatorum confessionem audire.

DECISIO VIII.

ARGUMENTUM.

Breviter, sed clarè docetur, variari posse formam Sacramentorum octo modis; & quæ variatio oblit valori Sacramenti? Verba formæ corde, seu mente tantum prolata, non faciunt Sacramentum.

SUMMARIUM.

1. Formæ variatio quando destruat Sacramentum?
2. Formæ Variatio octo modis fieri potest. Et quibus?
3. Formæ Verba solo corde prolata an faciant Sacramentum?

SUCCESSIVÈ fas est declarare, quæ Variatio formæ noceat valori Sacramentorum. Circa quod Quæsitum plurimos Doctores reperio respondisse, illam formæ variationem nocere Sacramentorum valori, quæ mutat sensum,

quem Christus voluit exprimi per verba formæ. S. Thom. 3. part. qu. 60. art. 8. in corp. Gobat tract. 2. num. 75. Bonac. tom. 1. de Sacram. in gen. disp. 1. q. 2. punct. 1. num. 17. Coton. lib. 2. controuv. prima cap. 1. num. 25. & Eminen. Card. de Lauræa in 4. sent. tom. 1. disp. 2. n. 58. & 60.


Alii verò diffusius explicant, Variationem formæ posse contingere octo modis; videlicet 1. Additione. 2. Detractione. 3. Depravatione. 4. Transpositione. 5. Interruptione. 6. Substitutione æquipollentium. 7. Corruptione balbutiendo. 8. Repetitione verborum.

1. Additione; ut *Ego te baptizo in Nomine Patris, & Filii, & Spiritus Sancti, & Beatæ Mariæ Virginis, ac omnium Sanctorum*, & hanc non officere valori Sacramenti, si minister additionem ponat ex devotione tantum; officere verò, si credat eam necessariam, docent S. Thom. d. p. 3. q. 60. art. 8. Marchant. in resol. Pastor. de Sacrament. tr. 1. cap. 2. Vers. alia 2. Et Gobatus alios referens d. tract. 2. n. 94.

2. Detractione; Ut *ego te baptizo in Nomine Patris, Filii, Spiritus Sancti*. Nam detractio conjunctivæ ET, non immutat sensum substantialem formæ, & sic non nocet valori baptismi, ut foriter tenet Comitulus lib. 1. resp. Moral. quæst. 9. Toletus de Sacram. Baptism. lib. 2. cap. 19. n. 2. quamvis aliqui contrarium sentiant apud Dianam part. 2. tract. 15. resol. 47. residente in Coord. tom. 1. tract. 1. resol. 57.

3. Depravatione. Ut *Ego te baptizo in nomine Patria, & Filia, & Spiritus Sancta*. Et hanc formam esse validam, quia non destruit sensum, decidit Sum. Pontifex in cap. Retulerunt. De Baptism.

4. Transpositione. Ut si dicas *Ego te baptizo in nomine Spiritus Sancti, & Filii, & Patris*. Et hanc valere volunt, quia non mutatur sensus, Toletus lib. 2. cap. 19. n. 4. Tambur. lib. 1. de Sacram. cap. 1. §. 1. Et Gobat. tract. 1. num. 49. ubi notat, non etiam valere sequen-



22 De Sacramentis in genere. Decif. VIII.

sequentem. *Meum est hoc corpus*, quia facit hunc sensum, *Hoc corpus pertinet ad me*. Summa Diana Verb. Eucharistia num. 17.

5. Interruptione. Ut *Ego te baptizo. In Nomine Patris*, & corrigendo garrientes, pueros, subdat, *Tacete mali pueri*, & prosequatur, *& Filii, & Spiritus Sancti*. Valide hunc baptizare docet Gobat d. tract. 1. num. 38. Summa Diana Verb. Sacramentum n. 5. Toletus d. lib. 2. cap. 19. num. 5. quia brevia sunt verba, breve interruptionis spatium, & sensus non perdit formæ intellectum. Secus esset, si per plura verba, aut longius spatium temporis formam Sacramentalem interrupisset; ut dicemus infra in Decif. seq.

6. Substitutione æquipollentium. Ut *Ego te ablavo in nomine &c. Ego te Cbristianizo in nomine &c.* Et esse formam validam testantur Doctores, quos citat, & sequitur Gobat tract. 2. n. 73. & 93. Card. de Lugo in respons. Moral. lib. 1. dub. 2. (Et respondit in suo examine pro Cathedrali Ecclesia Ceneten. coram Summo Pontifice Clemente Nono Anno 1667. Illustrissimus, ac Reverendissimus Dominus Petrus Leonius, ejusdem Ecclesiæ Antistes, & Princeps, Nobilitate, Prudentia, ac omnium Virtutum fulgoribus ornatissimus; cui tunc tanquam Domino meo Colendissimo in studio obsequabar.) Ea ratione, quia verba *Ablavo & Christianizo* æquipollent verbo *Baptizo*. At non esse formam validam verbis *Patris, & Filii, & Spiritus Sancti* substituere ista *Genitoris, Geniti, ac Spiritus*, quia non licet recedere à verbis assumptis per Redemptorem in formæ baptismalis constitutione, siquidem in tantum verba sunt Sacramentalia, in quantum sunt assumpta à Deo in Sacramentum, opinantur gravissimi Doctores, inter quos S. Thom. d. 3. p. 1. q. 66. art. 5. ad 2. Scotus in 4. dist. 3. quest. 2. H. ibid. S. Bonaven. art. 2. q. 3. Et pluribus rationibus probat Emin. Cardin. de Lauræa d. tom. 1. disput. 2. num. 60. & seqq.

7. Corruptione balbutiendo. Ut *Hoc*

est colpus meus. Hic est calis, &c. *Ego te baptizo in nomine Patris, &c.* & ex auctoritate Scoti, ac Marcantii has esse formas validas docet Gobat d. tract. 2. n. 95. & 96. Summa Diana Verb. Eucharistia forma, n. 14. Tambur. de Triplic. Jur. lib. 4. cap. 2. n. 22. & Cotton. lib. 2. Controv. 4. n. 37. & 40.

8. Repetitione verborum. Pluribus ab hinc annis cognovi Sacerdotem, qui dicebatur scrupulis inquietari, & dum consecrabat, ita dicebat. *Hoc, hoc, hoc, est, est, est, corpus, corpus, corpus, meum, meum, meum*. Idem faciebat in consecratione calicis, repetendo quaecunque voculam formæ ter, quater, & quinques; Etenim sibi videbatur eam voculam non protulisse, seu non bene, non integrè enunciasse; & quia audiebatur ab audientibus Missam, & scandalum faciebat, tædiumque satis grave; solebat alter Sacerdos ei assistere cum hoc pacto, ut statim prolato uno Verbo Consecrationis, quod intuebatur in Missali, illud digito cooperiret, & cum videret coopertum, sciret, illud pronunciasse; ideòque procederetur in prolatione formæ; & recipiebat ex hac assistentia non leve juvamen. Modò dubitatum fuit eo tempore; an pluries repetendo singulas voces formæ consecrationis hostiæ, & calicis, validè consecraret? Plurimi dubitabant. Sed sapientiores nullum de validitate consecrationis dubium habebant, quia illa repetitio singularum vocularum non auferebat sensum formæ; & ita sentire reperio. Gobat tract. 3. in Alphabet. Sacrificantium, num. 94. & 95.

Sit igitur resolutio quæsitæ, illam variationem formæ officere validitati Sacramenti, quæ sensum mutat. Quòd si quis petat, an sufficiat recitare formam cum corde, seu Mentaliter? Negativa responsio est concorder data; quia Sacramenta novæ legis debent habere claram significationem gratiæ sanctificantis; & hanc consequuntur per verba, quæ sunt instituta ad significandum; ignora. Ideò in Concil. Florentin. in decreto Eugenii decimum est,

est, quod Omnia Sacramenta tribus perficiuntur, videlicet rebus tanquam materia, verbis tanquam forma, & persona ministri. Et additum est: Horum si aliquod desit, non efficitur Sacramentum. Et idcirco non sufficere, si verba mentaliter proferantur, sed esse clara voce promenda docent Layman lib. 3. tract. 1. cap. 4. num. 2. assert. 3. Grassius part. 2. lib. 1. cap. 3. num. 20. Gobat tract. 1. num. 4. & Emin. Card. de Lauræa, id Theolog. rationibus comprobans d. tom. 4. disp. 2. art. 2. num. 6. & seqq.

DECISIO IX.

ARGUMENTUM.

Refertur nullitas baptismi puero moribundo dati ob defectum Verborum formæ. Quem puerum Ecclesiasticæ sepulturæ non esse tradendum ostenditur.

SUMMARIUM.

- 1 Baptismi Verba quæ sint de essentia ejus formæ?
- 2 Sepultura Ecclesiastica non datur non baptizatis.
- 3 Fœtus in Ventre Matris mortuus cum ea an sepeliatur in loco Sacro?
- 4 Ecclesia an polluat per sepulturam filii non baptizati.

Occasione autem Variationis Verborum formæ in Sacramentis enucleandus venit sequens Casus.

Existit puerpera puerum, quem morti proximum videns obstricit, anxia de ejus æterna salute, aquam flagitat, ut eum baptizet. Intendens igitur eum baptizare, aquam benedictam effundit super caput pueri, hæc tantummodo verba dicens: In nomine Patris, & Filii, & Spiritus Sancti. Paulò post moritur puer. Queritur, An validè baptizatus?

Respondendum est negativè; juxta decisionem Summi Pontificis Alexandri Tertii in cap. 1. de Baptismo. ubi omnes Canonistæ. Ratio autem invaliditatis hujus Baptismi est, quia pari jure sunt de essentia formæ verba illa *In nomine Patris, & Filii, & Spiritus Sancti*; ac illa Verba *Baptizo te*; & idèd cùm fuerint omissa, irritus fuit Baptismus. Sunt autem de forma hæc verba *Baptizote*; siquidem forma debet talibus concipi verbis, quibus significetur tum actus agentis, tum persona baptizantis, & fuscipientis. Layman lib. 3. tract. 2. cap. 4. num. 2. Grassius part. 2. lib. 1. cap. 3. num. 21. Marchantius resol. Pastor. cap. 2. casu 4. Toletus lib. 2. cap. 19. n. 5. Comitoli. in resp. Moral. lib. 1. quæst. 46. num. 1. Bonacina de Sacrament. in gen. tom. 1. disp. 1. q. 2. punct. 4. & Eminen. Card. de Lauræa tom. 1. de Baptis. disp. 12. art. 4. n. 41.

Quod si quis petat, an prædictus puer sepeliendus sit in loco sacro? Pariter respondendum est negativè; ea ratione, quia Ecclesiastica sepultura non conceditur non baptizatis. Rituale Roman. de Exequiis Verb. Quibus non licet dare Eccl. sepult. propè finem. Glossa in cap. Ecclesiam. De Consecrat. dist. 1. Verb. celebrare. Samuelius de Sepultura. tract. 2. contr. 4. n. 7. Sperellus dec. 88. n. 19. Tolerus lib. 5. cap. 8. n. 11. Mendo verb. sepultura num. 2. Summa Diana cod. verb. n. 1. & Bassæus tom. 1. verb. sepultura. n. 5.

Neque obstat, quod si mater moriatur antequam pariat fœtum, & iste pariter decedat in ventre matris absque Baptismo, nihilominus unà cum matre obtinet Ecclesiasticam sepulturam. Bordon. Variar. resol. part. 2. resol. 89. num. 23. & Passerin. de pollut. Ecclesie disput. 8. cap. 21. Quia eo casu ita conceditur, non de per se ipsi fœtui non baptizato, sed in consequentiam, & tanquam membro ipsius matris, in cujus visceribus adhuc retinetur. Quod si de factò puer nostri casus absque Baptismo mortuus sepeliretur in Ecclesia, multi volunt, eamdem remane-

24 De Sacramentis in genere. Decis. X.

manere pollutam; attamen contrarium tenent gravissimi Doctores, eo quia prohibitio cadit in pueris non baptizatis, ortis ex Patre; & Matre infidelibus. Sayrus de censur. lib. 5. cap. 16. num. 26. Ugolin. de offic. & pot. Episc. par. 2. cap. 29. §. 5. Barbosa allegat. 28. num. 53. Pax Jordan. tom. 1. lib. 4. tit. 12. num. 117. & Passerinus d. disp. 8. cap. 21. num. 4.

Ex his tandem admoniti esse debent omnes Parochi, & omnes animarum Rectores, ut nunquam cessent docere tum Obstetrices, tum Parochianos suos formam Baptismi juxta Synodale Præceptum part. 2. cap. 12. de Baptismi administratione in fine; ne eadem contingat errare baptizando, cum irreparabili dispendio æternæ salutis puerorum, ad quos Parochus convolare non potest, ut eos baptizet.

DECISIO X.

ARGUMENTUM.

An interrompere formam Sacramentorum, inferendo per medium ejus alia Verba, vel anteposendo aliquod ex verbis ejusdem formæ noceat validitati Sacramenti. declarat hæc Decisio. Item an ly *Et in forma Baptismi* sit de ejus essentia.

SUMMARIUM.

- 1 Interruptio Verborum formæ quando noceat Sacramento?
- 2 Antepositio Verborum an obstat validitati formæ?
- 3 Baptismus an sit validus, interrupta forma per alia Verba?
- 4 Stipulatio interrupta an valeat?
- 5 Testamentum interruptum an sustineatur?
- 6 Exempla interruptionis Formæ in baptismo.
- 7 Antepositio alicujus Verbi in forma baptismi an irritet illud?

8. Et in baptismi forma an sit de essentia?

Sed hic circa defectus formæ alia duo Quæsitæ sunt resolvenda. Unum est, an interruptio formæ, ut alteri respondeatur, destruat Sacramentum? Ad hoc Quæsitum respondendum est cum distinctione: vel illa interruptio, & responsio est ita modica, ut secundum regulas dialecticas, verba formæ sacramentalis faciant unam propositionem; & talis interruptio, ac responsio non destruit Sacramentum.

Quod è contra si interrumpatur forma, vel alteri respondeatur tanta prolixitate, & tanto defluxu temporis, ut verba formæ inceptæ cum aliis, quæ deinde connectuntur, minimè valeant constituere unicam propositionem, erit invalidum Sacramentum. Nugnus tom. 1. in 3. p. D. Thom. quæst. 60. art. 8. & Marcanthus in qq. Regul. tract. 1. cap. 2. quæst. 2. cas. 3. quos citat, & sequitur Diana Coordinatus tom. 1. tract. 1. resol. 6. Quæ in Seniori inordinato legitur part. 5. tract. 5. res. 41. & his adimplantur, Cotonius lib. 2. contro. 1. cap. 1. num. 28. Bonac. tom. 1. De Sacram. in gen. disp. 1. q. 2. punct. 1. n. 23. & Laym. de Sacram. Baptism. lib. 3. tract. 2. cap. 4. num. 6. vers. 4. Si Verborum modica interruptio.

Aliud Quæsitum est: An antepositio aliquorum verborum formæ destruat Sacramentum? & ad hoc est dicendum; destrui Sacramentum, si ex antepositione aliquorum verborum formæ, eorumve variatione secundum Ubi ipsius formæ sensus mutetur: secus autem si sensus illæsus remaneat, & minister non intendat inducere aliquem errorem circa terminos substantiales ejusdem formæ. Layman. d. lib. 5. tract. 2. cap. 4. n. 6. vers. 3. Cardin. Toletus lib. 2. cap. 19. n. 3. Bonac. d. tom. 1. disp. 1. de Sacramen. in gen. quæst. 2. punct. 1. n. 21. & 22. & Emin. Cardin. de Lauræa tom. 1. in 4. lib. sent. disp. 2. art. 8. n. 98. Ex quibus venit decidendus sequens Casus.

Parecibus baptizans puerum, sacramentum ablutionem incepit, & dixit: Ego te baptizo: quando obstricti flagitanti, ut misceret aquam calidam cum frigida, quia hiems erat, respondens ait; O via buttate quâ l'aqua calda: scilicet in scutellam baptismalem; & statim proseguendo Baptismi formam, & aquam ter effundendo de more super caput infantis, dixit: In nomine Patris, & Filii, & Spiritus Sancti: Amen. *Queritur an Sacramentum valeat?*

Valere Sacramentum omnes respondere, ea ratione, quia illa verba *O via buttate quâ l'aqua calda*, modica sunt, & ita citò prolata, ut non videantur habere vim discontinuandi inceptam formæ orationem; & quia ex studiosis nostris plurimi sunt juris utriusque laurea insigniti, & legali scientia pollent; ac etiam plurimi Theologici ferto redimti; idè hi allegarunt auctoritatem Divi Thomæ in 4. diff. 3. qu. 1. art. 2. questunc. 4. ad 1. & Scoti in 4. diff. 3. qu. 2. M. & N. Illi verò probarunt responsum ratione legali desumpta ex l. Continuis. De verb. oblig. in qua habetur, quòd in stipulatione si inter interrogationem, & promissionem longus actus extraneus interveniat, inutilis est stipulatio; ipsa verò valet, si actus sit brevis, ut putà si stipulator dixerit, promittis mihi centum? & promissor respondeat: arma, virumque cano, spondeo: L. Quæ extrinsecus 65. ff. eod. tit. Item adduxerunt text. in l. Cum antiquitas. §. & siquidem C. de testam. ubi habetur, valere testamentum, etsi testator vocatis testibus, & incepta testamenti factione, cogatur eam intermittere ob aliquod necessarium naturæ, si paulisper exeant testes à conspectu testatoris; secùs autem si longiore spatio separentur ab ipso. Idcirco verba prolata à baptizante casus nostri, quamvis cavenda sint, ob reverentiam Sacramenti; tamen validitati Sacramenti non officere ob eorum brevitatē docent Volpi resolut. moral. 67. num. 15. Card. Tolet. d. lib. 2. cap. 19. num. 5. Gobat

in experim. Theol. tract. 2. num. 99. Qui dat exemplum de baptizante dicente: Ego te baptizo in nomine Patris, (tacet mali pueri) vel (admoveat propius infantem.) & Filii, & Spiritus Sancti. Bonacin. d. tom. 1. de Sacram. in gen. disp. 1. quest. 2. punct. 1. n. 22. Qui exemplificat de baptizante dicente: Ego te baptizo (suge hinc, aut veni huc, aut ista aqua est nimis frigida) in nomine Patris, & Filii, & Spiritus Sancti, Tamburin. de Tripl. Jur. lib. 1. de Sacram. in gen. cap. 1. §. 1. num. 10. Layman. d. lib. 3. tract. 2. cap. 4. n. 6. vers. 4. Diana Coordinatus d. tom. 1. tract. 1. resol. 6. Quæ sedet in veteri par. 5. tract. 5. resol. 41. & Eminen. Card. de Lauræa in 4. sent. d. tom. 1. disp. 2. art. 6. num. 69.

Sed non levis est dubitatio, An valeat baptismus, si aliquod Verbum formæ anteponatur. E. G. Quidam baptizando dixit, Ego Patris te baptizo in nomine, Filii, & Spiritus Sancti. Queritur, an validè?

Digladiantur decidores; nam alii asserunt valere baptismum supradicta forma collatum, ea ratione, quia anteposito ly *Patris* statim post ly *Ego*, non mutat sensum, & intellectum formæ, & reputatur quid accidentale tantum, ut fatebitur quilibet rectans eadem verba; & faciens pausam statim post ly *Nomine*, & statim proseguatur nominare alias duas personas Sanctissimæ Trinitatis: siquidem apud Grammaticos, & Poetas licitum est antepnere dictiones, seu nomina ad placitum intra limites unius periodi; ut dicit, & tenet in hac facti specie Emin. Card. de Lugo de Sacramentis in gen. disp. 2. sect. 6. num. 112.

Porro alii negativæ adhærent opinionioni, defendentes prædictam antepositionem ly *Patris* esse essentialē, & pervertere sensum, ac intellectum; & propterea destruere validitatem Sacramenti; neque concedendum, eam antepositionem esse canonizabilem per regulas Grammaticorum, vel Poetarum; siquidem nunquam apud eosdem

26 De Sacramentis in genere. Decif. XI.

dem reperitur permiffum adnectere genitivum *Patris* illi nominativo *Ego*, à quo neque pendet, neque regipoteft; cùm debeat inniti ablativo ly *Nomine*; & ideo hanc negativam opinionem amplectitur Eminentiffimus Cardinalis de Lauræa d. tom. 1. difput. 2. art. 8. num. 99. quæ practicè à quocunque eft tenenda; efiſi ſpeculative non defint utrinque argumenta pro validitate; nunquam tamen pro permiffione prioris.

8 Alius Cafus hic eft ponendus. An ly *ET* in Sacramento Baptifmi fit de eſſentia formæ; itaut dici poſſit ſine illo, *Ego te baptizo in Nomine Patris, Filii, Spiritus Sancti*? D. Ber. Biſſus tom. 1. liſt. Et pag. 398. num. 121. in *Hierurgia Sacra* ait ly *ET* eſſe de eſſentia formæ Baptifmi, quia dicere in *Nomine Patris Filii* ſignificatur non Pater, & Filius; ſed *Pater ſui Filii*; ſicut qui vocaret Patrem Antonii, non nominaret Patrem, & Antonium; ſed ſolummodò illum, qui eſt Pater Antonii. Ergo ut nominetur perſona Filii oportet dicere in *Nomine Patris, & Filii*. Porro DD. multi, quos citat, & ſequitur Caramuel in *Theol. Fundam. lib. 3. num. 3063.* tenent ly *ET* non eſſe de eſſentia formæ baptifmi, quia etiam eo omiſſo adest invocatio totius Sanctiſſimæ Trinitatis. Debent nihilominùs Parochi in proferenda forma loqui attentè, & diſtinctè, non lingua præcipiti, ſed cuſtodita, ac devota.

DECISIO XI.

ARGUMENTUM.

Agitur de neceſſaria Intentione Miniſtri in confeſcindo Sacramento; & explicatur quæ, & qualis debeat eſſe dicta Intentio. Reſolvuntur duo caſus curioſi circa eandem Intentionem.

SUMMARIUM.

- 1 *Intentio Miniſtri eſt neceſſaria ad validitatem Sacramenti.*
- 2 *Intentio prædicta quæ, & qualis eſſe debeat?*
- 3 *Intentio Triplex Actualis, Virtualis, Habitualis.*
- 4 *Monialis in confeſſione fingens ſe puellam laicam an validè abſolvatur?*
- 5 *Benedictio data Jacobo ab Isaaco an fuerit valida?*
- 6 *Sacerdos an confeſcet Vinum, quod aliàs decreverat nolle confeſcare.*

ESt autem valdè neceſſarium in cernentibus doctrinam Sacramentorum in genere ſcire, ad valorem Sacramenti an requiratur Intentio Miniſtri. Et circa hoc quaſitum Regula generalis eſt, & omni exceptiope major, Intentionem Miniſtri requiri, & eſſe neceſſariam ad validitatem Sacramenti; ſic enim definitum eſt in Conciliis Florentino, & Tridentino. Primum enim in Decreto de Sacramentis ad Armenos ſ. Quinto Eccleſiaſticorum: Sic loquitur: *Hæc omnia Sacramenta tribus perficiuntur, videlicet rebus, tanquam materia; verbis tanquam forma; & perſona Miniſtri confeſcantis Sacramentum cum intentione faciendi, quod facit Eccleſia.* Concilium verò Tridentinum, Seſſ. 7. de Sacram. Can. 11. ita ait: *Si quis dixerit, in Miniſtris, dum Sacramenta confeſciunt, & conferunt, non requiritur intentionem ſaltem faciendi, quod facit Eccleſia; anathema ſit.* Et his auctoritatibus additur ratio, ſcilicet, quia operatio Sacramentorum eſt actus humanus, ſivè liber. At in omni actu humano, ſeu libero eſt intentio agentis, quia omne agens agit ſuo modo propter finem. Ergo neceſſaria eſt intentio Miniſtri agentis, & confeſcantis Sacramentum. Card. Tolet. lib. 2. cap. 16. num. 1. & 2. Card. de Lugo de Sacramentis

mentis disp. 8. num. 13. 14. & 15. Gobat de Sacram. tract. 1. num. 59. Cotton. libr. 2. de Sacram in gen. c. 2. n. 32. & novissimè Eminentissimus Cardin. de Lauræa in 4. sent. tom. 1. disp. 3. art. 1.

Sed ulterius cognoscere oportet Quæ, & Qualis esse debeat Ministri intentio?

2. Et pro hujus quæsti intelligentia, juxta recentiorum Theologorum doctrinam est advertendum, duas esse partes hujus quæsti: Unam, Quæ debeat esse intentio Ministri? Alteram Qualis?

Quo ad primam quæsti partem. Ex supradictis constat, intentionem eam esse debere, qua minister Sacramenti intendat facere, quod Ecclesiæ ipsa facere intendit. Verùm quia adhuc obscurum remanet, quænam sit intentio Ecclesiæ, seu quodnam sit objectum intentionis ipsius Ecclesiæ in actu conficiendi Sacramenta; Doctores hujus Cleri notant, Objectum intentionis Ecclesiæ, quod est idem objectum intentionis Ministri, non esse salutem suscipientis, vel ministrantis Sacramentum, neque religiosam quamdam cærimoniam, neque ipsam actionem externam, etsi factam, vel acceptatam, seu acceptandam nomine Christi; sed esse rationem formalem Sacramenti; videlicet facere id, quod Christus Dominus instituit: hæc enim est intentio Ecclesiæ; & hanc intentionem, quam habet Ecclesiæ, debet etiam habere minister, qui Sacramentum conficit; & ratio est, quia minister in Sacramentis operatur ut minister Christi; non potest autem minister operari ut minister alterius, nisi habeat animum operandi nomine illius; ut fuse explicavit Bonacina tom. 1. de Sacram. in genere disput. 1. quæst. 2. punct. 2. §. 3. per tot. Cardin. de Lugo. De Sacram. d. disput. 8. sect. 2. 3. & 4. Cotton. d. lib. 2. controuv. 1. num. 33. & 34. Gobat. de Sacramentis tr. 1. num. 72. & subtilius Eminentiss. Cardin. de Lauræa de Sacram. d. disput. 3. art. 2. per totum. ubi sub num. 27. id ulterius probat inductione omnium generationum,

sive naturalium, sive artificialium; in quibus, quod proximè intenditur, est forma in toto, seu totum; forma enim est finis generationis: sed confectio Sacramenti est generatio quædam, seu productio; ergo quod proximè intenditur est forma Sacramenti, seu essentia, & quidditas Sacramenti. Neque potest assignari disparitas, cur in effectione hujus artificialis non intendatur bonitas, seu forma totius, in aliis verò sic. Volens ergo efficere Sacramentum, si explicitè intendit, ut Ecclesiæ; intendit cum illa actione externa signum à Deo institutum; quia hæc est forma, & bonitas Sacramenti, per quam distinguitur ab ipsa actione.

Quo verò ad secundam partem quæsti, scilicet, Qualis debeat esse intentio Ministri? Omnes adduxerunt triplicem, communemque divisionem intentionis, prout alia est Actualis, qua quis actu vult facere aliquid, elicitò voluntatis actu tendente in illud, quod facit. Alia est Virtualis, quæ remanet abeunte actuali, vel ea debilitata ob mentis evagationem; at ex præexistentia actualis habet vim, & energiam faciendi quidpiam, quod alioqui non fieret. Atque alia est Habitualis resultans non ex præcedenti actu voluntatis aliquid agendi, sed ex frequentatis actibus, ex quibus remanet habitus agendi. Ex his intentionibus omnes pariter dixere, ad valorem Sacramenti, non esse necessariam intentionem actualem; habitualement verò non esse sufficientem; intentionem autem Virtualement sufficere. Ratio horum omnium est circa actualem, quia Deus non obligat ad impossibile; sed impossibile est homini in actione aliqua manere semper attentum, juxta illud Psal. 38. 13. Cor meum dereliquit me. Circa habitualement; quia ille habitus non influit velle actionem ipsam; ut constat in dormientibus, & ebriis operantibus aliquid ex habitu absque voluntate. Circa Virtualement, quia illa intentio sufficit ad Sacramenti valorem, quæ sufficit ad actum hu-

28 De Sacramentis in genere. Decis XI.

manum, nam Deus nihil magis requirit. Sed in actibus humanis illa intentio sufficit, quæ est homini possibilis, & à qua actus humanus habet dependentiam; & talis est intentio Virtualis. Tambur. de Sacrif. Missæ lib. 2. cap. 1. §. 2. Gobat d. tract. 1. num. 81. Coton. d. lib. 2. Controv. 1. num. 39. Diana part. 2. tract. 17. resol. 32. Quæ in Coordinato sedet in tom. 1. tract. 1. resol. 1. Volpi resol. Moral. resol. 160. num. 12. 13. & 14. Card. de Lugo d. disput. 8. sect. 5. Maltius in Theol. Moral. disp. 16. num. 38. & in 4. sent. disp. 1. 6. 7. art. 1. & 2. & Emin. Cardin. de Laureæ d. tom. 1. disp. 3. art. 3. per totum.

Quibus tanquam fundamentis circa intentionem Ministri ita firmatis, duo sunt casus facis curiosi resolvendi. Primus talis est.

Monialis coram extraordinario Confessario sua peccata confitens; interrogata, an esset professa? ne ab ipso agnosceretur; ait, esse unam ex puellis, quæ in Monasterio educantur; sed ex devotione fecisse votum castitatis. Confessarius intendens, eam esse puellam sæcularem, ei tanquam tali poenitentiam dat, & absolutio- nem. Queritur, An error sue intentionis efficiat validitati absolutio- nis?

Officere nonnullis visum fuit. Primò quia absolutio involuntaria non valet. Sed in præfenti casu videtur esse involuntaria; nam, voluntarium non est, quod fertur in objectum incognitum. Arist. 3. Ethic. cap. 3. & D. August. 8. de Trinit. cap. 4. Et hæc Monialis professa, quæ se asserit sæcularem, remanet incognita. Ergo absolutio fuit invalida. Secundò Sacramentum consistens in fieri non habet esse Sacramenti, nisi alicui conferatur; nam sine subiecto non potest fieri. Ergo cum errore personæ Sacramentum non fit. Probatur consequentia. Persona, cui confertur Sacramentum, ingreditur objectum intentionis ministri; nam minister nedum intendit facere

Sacramentum; sed etiam intendit in ea persona, cui confert Sacramentum. Cum igitur erret in persona, deficit ejus intentio; nam intentiones distinguuntur ab objectis intentis. Tertiò Mendacium de re gravi in confessione reddit eam invalidam. Card. de Lugo de Pœnit. disp. 16. num. 123. Sed in hoc casu Monialis mentitur in re gravi, quia circumstantia Professionis aggravat peccata. Ergo absolutio reputanda est invalida. E contra

Non officere, plurimi judicant. Primò, quia Confessarius principaliter dirigit intentionem suam in personam sibi præsentem; non autem in qualitatem personæ. Ergo nullus est defectus intentionis Ministri; & sic valida erit absolutio. Secundò. Nam error personæ in solo Matrimonio irritat Sacramentum, quia tanquam in contractu deficit substantia, vult enim conjux dare potestatem sui corporis huic, & non alteri. Sed in aliis Sacramentis nulla est ratio magis unius personæ, quam alterius, quia non attenditur persona, sed merita personæ, id est ejus peccata, de quibus fit accusat. Ergo, (exceptis peccatis contra obedientiam, vel paupertatem, quibus non supponitur gravata hæc Monialis.) absolutio valide collata censetur. Tertiò quia Isaac cum benedixit Jacob, direxit suam benedictionem, & intentionem ad Esau. Gen. 26. & tamen valida fuit benedictio ipsi Jacob data. Benedixit ei (ait) etique benedictus. Ergo etiam absolutio directæ puellæ sæculari, sed data Moniali, valida erit.

Alii distinguunt, vel Confessarius ita restringit suam intentionem puellæ sæculari, ut excludat Monialem professam. Et in hoc casu invalida est absolutio, ob defectum intentionis Ministri absolventis. Vel intendit absolvere personam poenitentem, quæ coram se est? Et, valida est absolutio; & ratio est, quia præter particularem intentionem directam puellæ sæculari, adest etiam alia intentio, quam dirigit in ipsam personam, quam

non.

non fit ſecularis. Et cum hac diſtinctione tranſeunt in conſimili caſu Reginaldus in *praxi ſorti penitent.* lib. 26. num. 42. Suarez tom. 3. diſp. 13. ſect. 3. in fine. Sotus in 4. diſt. 1. q. 5. art. 8. Sylveſter in *Verb. Baptiſmus* 3. §. ult. Maroantius in *Hortio Paſſor. Verb. Reſolutiones Paſtorales de Sacram.* in gen. cap. 5. de *Intentione Miniſtri* q. 3. pag. 879. Gobat de *Sacram. d. tract. 1. à num. 210. uſque ad num. 222.* & 223. ubi tamen dubitat ob mendacium; ſed præſcindendo à peccatis contra obedientiam, & paupertatem, non videtur mendacium grave, & per conſequens non officere validitati abſolutionis; cùm non fit contra ſubſtantiam confeſſionis. Idem Gobat *tract. 6. num. 538.* Tamburin. in *Method. exped. confeſs.* lib. 2. cap. 10. §. 2. num. 322. & Reginald. lib. 6. num. 70. Et cum ſupradicta diſtinctione, validam eſſe Monialis confeſſionem deducitur ex his, quæ doctè, ac profunde diſputat noviffimè Eminentiff. Card. de Lauræa d. tom. 1. diſp. 3. art. ultim. ubi tamen num. 102. ex Scoto advertit, valuiſſe benedictionem Jacob, quia eam Pater confirmavit; ait enim *textus Gen. 27.* quod *Iſaac expavit ſupore vebementi*, qui ſupor fuit extaſis, in qua cognovit, Deo revelante, quod Jacob juſtè erat benedicendus; quod Jacob juſtè erat benedicendus, ut Jacob benediceret; propterea confirmavit benedictionem dicens, *Benedixit ei, etique benediſtus.* Porro Cornelius à Lapide in *Genef. 27. 34.* ait, Iſaacum habuiſſe duas intentiones, primariam, qua intendebat benedicere illum, quem ſibi Deus conſtituerat Primogenitum; & ſecundariam, qua volebat benedictionem dirigere in Eſau. In hac ſecunda intentione erravit, non autem in primaria; ideo valida fuit benedictio data Jacob, quia Jacob fuerat à Deo conſtitutus ejus Primogenitus.

Secundus Caſus non minùs curioſus eſt tenoris ſequentis.

Sacerdos averſatus vinum acerbum, quod à Sacriſta datur pro Miſſa, eo

*quia eſt dolorificum ſuo ſtomacho, ſtauit in corde ſuo, nolle ampliùs celebrare cum diſto Vino, & ſibi providet Vinum Creticum, vulgò Malvaſia, cum quo intendit Sacrum facere. Sacriſta clam ex urceolo auferit diſtum Vinum Creticum præparatum; & in eodem ponit ſolitum Vinum acerbum, quod Sacerdos, hujus mutationis ignarus, conſecrat in Miſſa. Queritur, an valide? Videtur prima facie pro hujus caſus reſolutione in hanc conveniendum ſententiam, quod ſi Sacerdos ita excluſit à ſua intentione materiam Vini acerbis in Miſſa conſecrandam, & ita determinavit conſecrare vinum Creticum, ut omninò noluerit ampliùs habere pro materia ipſum vinum acerbum jam à ſe excluſum, etiã ſi illud ſibi proponeretur conſecrandum; invalida eſſet conſecratio; quia deſicit intentio, & actio illa dicitur involuntaria; ſiquidem vinum acerbum non intentum ita ſe habet, ac ſi non eſſet materia apta, quantum eſt ex parte Miniſtri, qui illud non vult conſecrare. At è contra ſi cum intentione particulari conſecrandi vinum Creticum à ſe præparatum, retinet univerſalem intentionem conſecrandi omnialud vinum appoſitum in calice, apud conſecrari, & actualiter conſecrando vinum acerbum, quamvis ignotum ſibi, habuit intentionem conſecrandi id, quod erat in calice; ut omninò eſt ſupponendum, quia quilibet Sacerdos etiã mediocriſ pietatis, cùm conſecrat, intendit valide conſecrare; & tunc valide conſecravit; nam talis actio eſt voluntaria, & habet intentionem requiſitam ad validitatem Sacramenti. Suarez de *Euchar. diſp. 13. ſect. 3. in fine.* Card. de Lugo de *Sacramentis in genere diſp. 8. ſect. 7. per totam.* Et in puncto Eminent. Cardin. de Lauræa d. tom. 1. diſp. 3. art. ult. num. 94.*

30 De Sacramentis in genere. Decis. XII.

DECISIO XII.

ARGUMENTUM.

Ostenditur quis sit Minister ordinarius Sacramentorum? Dissertitur, An Angeli boni possint ministrare Sacramenta? nec non Animæ Beatæ, ac ipsa Beatissima Virgo Mater Dei? Exemplum plurimum de iisdem.

SUMMARIUM.

- 1 Quis sit Minister Sacramentorum?
- 2 Angeli an possint ministrare Sacramenta?
- 3 Sacramentorum à cœlestibus Spiritibus ministratorum exempla.
- 4 Deipara an ministraverit Extremam Unctionem B. Reginaldo?
- 5 Fœminæ quæ, & quot Sacramenta possint ministrare?
- 6 Mulier an possit ministrare Eucharistiam?

Moddò videamus, quis sit minister ordinarius Sacramentorum? Itaque DD. omnes docent; Ordinarium 1. Ministrum Sacramentorum esse hominem viatorem rationis usum habentem; ita tamen, ut fœmina, & laicus in Baptismo, & in Matrimonio tantum possit esse Minister; in cæteris autem Sacramentis non omnes homines viatores, sed qui sacris ordinibus sunt insigniti habendi sunt ministri, ut suis locis declarabitur; excepto casu necessitatis, vel pro impedienda magna irreverentia Eucharistiæ, quam etiam laicum, & fœminam posse sibi, & alteri ministrare, docent Theologi, ut infra ad tertium Quæsitum. Rationes responsi hujus plures fuerunt allatæ: videlicet, quia institutor Sacramentorum fuit Christus homo; ergo congruum fuit, ministros homines esse. Sacramenta constant ex sensibilibus; ergo con-

gruum fuit, à ministro utente sensibus ea ministrari. Hunc illud Apostoli ad Hebr. 5. *Omnis Pontifex ex hominibus assumptus pro hominibus constituitur.* Et ita communiter Theologi, & Summistæ. Cardin. de Lugo de *Sacram. in genere disp. 8. num. 1.* Bonacina tom. 1. *disp. 1. quæst. 3. punct. 1. num. 9.* Gobat de *Sacrament. tract. 1. num. 50.* Mairius in *Theolog. Moral. disp. 16. num. 35.* Et Emin. Cardin. de Lauræa de *Sacramentis disp. 8. n. 4.*

Sequitur secundum Quæsitum, an Angeli possint administrare Sacramenta? Circa quod affirmativè est respondendum, & non solum de Angelis bonis, sed etiam de malis, & de beatis in cœlo existentibus; & hoc ex Divina dispensatione; siquidem, ita liberum est Deo committere Angelis bonis, & malis, nec non Animabus Beatis ministerium Sacramentorum, sicut homini viatori; non enim Deus necessitatur ab homine, vel alio motivo, ut homini viatori tantum committat; & cum Angelis bonis, vel mali, ac Animæ beatorum possint corpora assumere, cum illis valent proferre verba sensibilia, & orationes sensibiles exercere; ut docent Bonac. *d. disp. 1. q. 3. punct. 1. num. 10.* Gobat *d. tract. 1. num. 50.* & numer. 158. Volpi *resol. 8. num. 8.* Card. de Lugo *d. disp. 8. sect. 1. n. 4.* ubi id negat ex ordinaria potestate; sed concedit ex speciali concessione Dei; & cæteris plenius, & doctius Eminentiissimus Cardinalis de Lauræa *d. tom. 1. De Sacramentis in genere disp. 10. art. 1. per totum.* Et quia plurimi ex Clero Patavino studiosi sunt antiquitatum, & Sacrarum Historiarum, sequentia retulerunt exempla; ex quibus constat, Sacramenta ab Angelis, à Beatis, imò & à Christo Domino aliquando fuisse administrata. Siquidem S. Amphilocheus fuit ab Angelis consecratus Episcopus. Nicephor. *lib. 11. hissar. cap. 20.* S. Philemonem Martyrem jam constitutum in arenâ carnificinæ, omnibus spectantibus Christianis, baptizavit ipse Christus. Ex Meta-

De Sacramentis in genere. Decis. XIII. 31

Metaphrasæ Surius *in Vita S. Thyrst. & Socior.* 14. Decemb. S. Onuphrius Anacoreta singulis Dominicis Christi corpore, & sanguine ab Angelis mirabiliter reficiebatur. Paphnutius Abb. *in ejus vita cap. 11.* Divo Joanni Chrysostomo morituro SS. Petrus, & Joannes Apostoli cibum cœlestem ministrarunt. Nicephor. *lib. 12. Hist. Eccl. cap. 37.* S. Raymundus Nonnatus, cùm morbus ingravesceret, & Sacerdos diutius tardaret, Angelorum ministerio sub specie Religiosorum sui ordinis apparebatur, salutari viatico refectus fuit. Brev. Rom. *lect. 6. die 31. Aug.* Idem de Sancto Ludano Scottorum Ducis filio refert Bollandus *in ejus Vita 12. Februar. tom. 2.* Et de Sancta Agnete Politiana, & de B. Angela Fulginate *in Actis ear. Vit.* Beatam Claram de Monte Falco Christus Dominus suis manibus communicavit. *In Chron. Minor. par. 2. lib. 3. cap. 41.* Et Beatam Coletam *in ejus Vita cap. 52.* Et B. Joannam Urbevetanam ordinis S. Dominici, Bzovius Anno 1306. n. 18. His autem similia, eaque plurima refert exempla Joann. Bonifac. Bagatta *in admirandis Orb. Christian. tom. 2. lib. 3. cap. 3. §. 4. per totum; & eod. lib. 3. cap. 3. §. Unico.* ubi Reginaldo discipulo S. Dominici Deipara Extremam Unctionem administravit, & B. Liduvinae Christus Salvator, quod notat etiam Surius *7. Aprilis.* Sed Unctio illa, quam Deipara ministravit servo suo Reginaldo non fuit Sacramentalis, sed tantùm curativa, ut constat tum ex materia supernaturali, tum ex Verbis non Sacramentalibus, quam, & quæ Sanctissima Virgo illum, inungendo adhibuit, ut à me demonstrabitur in meis Decisionibus *De Extrema Unctione Decis. 9. n. 21.*

Supradictis addendum est hoc Tertium. Quæsitum, *An Fœminæ possint Sacramenta administrare?* Et circa ipsum est asserendum circa Baptismum, in casu necessitatis, & circa Matrimonium; negandum autem in reliquis Sacramentis, quod impudenter docuerat

Lutherus *libr. de abrogan. Miss. priv.* ut notat Eminen. Cardin. de Lauræa *d. disp. 10. art. 1. num. 10.* Sed ulterius fœminam posse ministri officio fungi in fumenda Sacra Eucharistia absente Sacerdote, imminente periculo mortis, ut fecit Maria Regina Scotiæ; vel ad impediendam magnam Eucharistiæ irreverentiam advertit Layman *lib. 5. tract. 4. cap. 7. n. 4.* Imò posse communionem sacram etiam alteri præbere concedit ex Layman, Coninch. & Diana, Cotonius *in Summa Verb. Communionis Minister. num. 74.* sed hæc omnia negant duo doctissimi Ecclesiæ cardines, videlicet Eminen. Cardin. de Lugo *de Sacramen. Euchar. disp. 18. num. 24.* & Emin. Card. de Lauræa *de Euchar. disp. 24. num. 70.* & quidem jure; nam id vetitum fuit in *Can. Pervenit de consecr. dist. 2. nisi à Sede Apostolica id permittatur.*

DECISIO XIII.

A R G U M E N T U M.

Resolvuntur duo casus circa validitatem Sacramenti ob errorem Ministri, unius in sensu Verborum, alterius in recta prolatione eorumdem.

S U M M A R I U M.

- 1 *Exemplum Sacerdotis errantis in intelligentia Verborum consecrationis Eucharistiæ. Utrum validè consecret? & n. 2.*
- 3 *Baptismus an sit validus, si dicatur in Nomine Patria, Filia, & Spiritu Sancta?*

Sed antequam à Ministro Sacramentorum discedamus, placet hic addere alios duos casus. Primus est:

Sacerdos Theologiæ ignarus, consecrando hostiam, & dicendo: Hoc est corpus meum; intendebat de corpore sui ipsius: & consecrando calicem, dicen-

32 De Sacramentis in genere. Decis. XIII.

dicendo, Hic est enim Calix &c. *ly* Hic, intendebat esse adverbium, idest, in hoc loco. *Queritur*, an valide consecraret?

In responsis ad hunc casum duæ re-
pertæ sunt opiniones. Una plurium opi-
nantium valide Sacerdotem hunc non
consecrare, ut tenet Vasquez *de Sacra-*
ment. disp. 2. num. 102. etsi suppona-
tur in hoc Sacerdote generalis intentio
faciendi, quod facit Ecclesia; nam ver-
ba formæ sunt vera locutio, qua mini-
ster humano modo loquitur; loqui au-
tem est manifestare sensum internum: ergo
manifestant id, quod loquens habet in
mente. Si ergo in mente habet, quod
in illa hostia, per eum consecrata, sit
corpus ipsius consecrantis, non autem
corpus Christi; & *ly* Hic circa calicem
denotat solam præsentiam localem; se-
quitur, illum Sacerdotem nec loqui in
vero sensu, quem habuit Christus, nec
habere illam intentionem, quæ fuit ip-
sius Christi, & quæ est Ecclesiæ; &
ideò invalidè consecrare ex defectu in-
tentionis. Confirmatur, quia licet er-
ror privatus Ministri, dummodò in-
tendat facere, quod facit Ecclesia,
non obstat formæ, neque validitati Sa-
cramenti, tamen obest utrique, quan-
do ejus error mutat formam. Emin.
Card. de Lauræa *de Sacram. disp. 2.*
num. 88. Porro in casu proposito error
Sacerdotis mutat formam, quia inten-
dit corpus sui ipsius, & calicem loca-
liter adesse. Ergo validè non consecrat.
Idem docet P. Vinc. Candidus *in Com-*
pend. disquis. Moral. disquis. 41. art. 1.
num. 4.

Altera fuit opinio multorum affir-
mantium, validè consecrare, ut docet
a Card. de Lugo *de Sacramentis disp. 2.*
num. 122. ubi ei visum est, sufficere il-
lam intentionem generalem dicendi il-
las voces, & significandi per illas id,
quod Ecclesia intendit significare, nec
per errorem privatum, aut privatam
voluntatem minus efficacem retractari
illam priorem, aut impediri valorem
Sacramenti. Et dat exemplum de Sa-
cerdote intentionem habente in princi-

pio Missæ consecrandi etiam particu-
las in pyxide positas, qui postea tem-
pore consecrationis, illarum immem-
or, intentionem suam dirigit solum
ad hostiam, quam habet in manibus; &
tamen ex communi omnium opinione,
particulæ in pyxide existentes remanent
consecratæ vi prioris intentionis non re-
vocatæ.

Huic opinioni videtur adherere Go-
bat *de Sacramentis tract. 1. à num. 198.*
usque ad num. 204. ubi hæsitans non
subsistit, & insert, remanere dubiam
talis Sacerdotis consecrationem; itaut
si ultra suam hostiam alias particulas
consecrasset, melius foret, eas ab alio
Sacerdote sub conditione iterum conse-
crari; quia verè, & realiter non est
vera forma, cum intendat aliud cor-
pus, quam Christi in illa hostia re-
periri; siquidem vera forma est, quæ
efficit, quod significat; idest Christi
corpus in hostia ex vi ipsius formæ re-
periri. Videatur Mastrius *in 4. sent.*
disp. 3. q. 8. art. 1. ubi subtiliter, sed
doctè examinat intentionem Sacerdotis,
quam in consecrando debet habere cir-
ca corpus Christi.

Alter verò casus circa Ministrum
ministrantem Sacramentum est hujus-
modi:

Parochus montanus, grossioris lin-
guæ, baptizando dicebat: In nomine
Patriæ, & Filii, & Spiritus Sancti. Que-
ritur, an faciebat validum baptisma?

Omnes dixere, valida fuisse baptisma-
ta ex decisione Zachariæ Papæ *in cap.*
Retulerunt. de consecratione dist. 4.
ubi de hoc casu interrogatus respondit:
Si hoc fecit ex imperitia lingue lati-
næ, non intendens inducere errorem,
verè baptizavit. Quod ita intelligen-
dum est, non quod error privatus mi-
nistri, dummodò intendat facere, quod
facit Ecclesia, obstat Sacramenti for-
mæ; sed quia talis error mutat for-
mam: si enim teneret Minister, geni-
tum à Patre esse Fœminam, & sic Spi-
ritum Sanctum; forma ab ipso sic pro-
lata, non esset forma Christi. Si ve-
rò teneret, esse quidem Fœminini ge-
neris,

neris, tamen ipse sub præcis verbis Ecclesiæ formam proferret, verè faceret Sacramentum, ut subtiliter notat Eminentiſſ. Cardin. de Lauræa d. disp. 2. num. 88. & concordant DD. videlicet Cardin. de Lugo de Sacram. disput. 2. num. 108. Tamburin. libr. 1. de Sacramentis in genere cap. 1. §. 2. num. 2. Cardin. Toletus lib. 2. cap. 19. num. 9. qu. 2. punct. 1. num. 20. Vafquez tom. 2. Bonacina tom. 1. de Sacrament. in genere disp. 1. in 3. part. disput. 129. cap. 7. quem allegat Gobat d. tract. 1. num. 206. & 207.

DECISIO XIV.

A R G U M E N T U M.

Inquiritur an ſuſcipiens Sacramentum debeat eſſe alius à Miniſtro? Et quæ intentio in ſuſcipiente requiratur? Sacerdotes extra Miſſam, Diaconi, Laici, ac mulieres an poſſint ſibi miniſtrare Euchariftiam?

S U M M A R I U M.

- 1 Intentio an ſit neceſſaria in ſuſcipiente Sacramenta?
- 2 Suſcipiens Sacramenta an debeat eſſe alius à Miniſtro?
- 3 Sacerdotes extra Miſſam an poſſint ſibi Euchariftiam miniſtrare?
- 4 Diaconi an dare poſſint Euchariftiam?
- 5 Laici, ac Mulieres an, abſentibus Sacerdotibus, poſſint ſeipſos communicare?

POſtquam explicuerimus præcipua dubia circa Miniſtrum Sacramentorum, opus eſt tranſire ad illa quæ concernunt ſuſcipientes. Ideo Quæritur, Quæ, & qualis intentio requiratur in ſuſcipiente Sacramentum?

Reſpondentes diſtinguunt Infantes ab Adultis. Illi recipere poſſunt validè Sacramentum Baptiſmi, Confir-

mationis, Euchariftiæ, & Ordinis ſi mares ſint, abſque propria intentione, quæ ſuppletur ab Eccleſia: & ratio eſt, quia hæc quatuor Sacramenta requirunt tantummodò capacitatem ſubjecti; alia verò tria, nempe Pœnitentia, Extrema Unctio, & Matrimonium pendunt etiam ab intentione, & voluntate ſuſcipientium, quæ in infantibus eſſe non poteſt. Layman libr. 5. tract. 1. cap. 6. num. 4. Tamburin. de Triplici Jure libr. 1. cap. 3. §. 1. & Cardin. de Lugo de Sacramentis disp. 9. num. 112. Adulti verò, qui non utuntur ratione, & nunquam ſunt uſi, ut amentes à nativitate, abſque ulla intentione pariter recipiunt ſupradicta quatuor Sacramenta, quia æquiparantur infantibus. cap. Majores. De Baptiſmo. Quod ſi amentes aliquando habuerunt uſum rationis, in his oportet, ut ante amiſſionem uſus rationis habuerint voluntatem talis Sacramenti, quam non retractaverint voluntate contraria. d. cap. Majores. Vel Adulti habeat rationis uſum; & in eis requiritur voluntas Sacramenti, & quod intendant ipſum Sacramentum recipere. Porro cùm intentio ſit triplex Actualis, Virtualis, & Habitualis; ſufficit hæc habitualis, quæ eſt illa, cui præceſſit actualis, & nunquam fuit revocata; imò ſatis eſſet interpretativa intentio, quæ eſt quid minus habituali, cùm videlicet Cathecumenus voluit ſervare Legem Chriſtianam, & ſuſcipere omnia remedia ſuæ ſalutis. Sed hæc non ſunt intelligenda de Sacramento Matrimonii; hoc enim recipi non poteſt ſola intentione habituali; ut bene explicant Tamburin. d. lib. 1. cap. 3. §. 1. num. 5. Card. Toletus lib. 2. cap. 18. num. 2. Summa Diana in Verbo Sacramentum num. 7. Gobat tract. 1. à num. 226. uſque 231. Volpi reſol. 160. à num. 9. & ſeqq. Bonacina tom. 1. de Sacram. in genere disp. 1. q. 6. punct. 2. Cardin. de Lugo d. disput. 9. de Sacram. ſect. 7. per totam. Et Eminentiſſ. Cardin. de Lauræa d. tom. 1. de Sacrament. disput. 11. art. 2. per totum. Qui omnes ani-

34 De Sacramentis in genere. Decis. XIV.

animadvertunt in omnibus Sacramentis (excepto Matrimonio) sufficere voluntatem suscipientis etiam coactam; nam voluntas coacta voluntas est. *d. cap. Majores. De Baptismo*: dummodò tamen interius sit verus consensus in Sacramentum; non verò si solus sit consensus in actionem externam absque voluntate Sacramenti.

His succedit aliud quæsitum, quod examinant DD. circa suscipientem Sacramenta, videlicet, An suscipiens Sacramentum debeat esse alius à ministro?

3 Circa quod venit dicendum, aliud debere esse à ministro, exceptis Sacramentis Eucharistiæ, (de quo infra dicam num. 3.) & Matrimonii. In quo contrahentes sunt ministri, & susceptores; ut de singulis Sacramentis differunt Doctores, reddentes rationem, & præcipue S. Thom. 3. p. qu. 66. art. 5. ad 4. Scotus in 4. dist. 6. qu. 4. L. A. Sylvester Verb. Absolutio 6. num. 2. §. Quartum. Toletus libr. 2. cap. 20. num. 1. Bonacina, qui ubique concordantes allegat, *De Baptismo disput. 2. q. 2. punct. 4. num. 20. De Confirmat. disput. 3. qu. Unic. punct. 3. num. 7. & 9. De Eucharistia disput. 4. qu. 5. punct. 1. num. 13. De Penit. disput. 5. q. 4. punct. 2. num. 2. De Extrema Unct. disput. 8. qu. Unica punct. 3. num. 1. de Ordine disput. 8. qu. Unica punct. 4. num. 1. De Matrimon. q. 2. punct. 4. num. 5. Summa Diana Verb. Baptismus num. 11. Tamburin. de triplici jure libr. 2. de Baptismo cap. 1. §. 5. num. 32. & Mastrius in 4. sent. disp. 7. num. 62.*

Hinc resolvendi veniunt duo casus tanquam dependentes à supradicta doctrina. Primus casus est:

Episcopus in generali Sacri Christismatis administratione, cum confirmasset quandam mulierem, etiam infanti, quem in brachiis tenebat, ob suæ mentis distractionem, Sacrum Christisma more solito impertivit. Queritur, An valide? Ex studiofis hujus nostræ Dilectis

Affirmarunt aliqui; alii negarunt. Affirmantium rationes fuerunt; nam

in præsentī casu adest Materia, Forma, Minister, & subiectum Sacramenti Confirmationis habile, nempe infans; & quamvis Episcopus non habuerit attentionem in confirmatione peragenda, tamen dici non potest, quòd non habuerit sufficientem intentionem; quia intendebat sacrum Christisma administrare cunctis, qui capaces forent illud Sacramentum accipere; & nemo negabit, infantes esse capaces Sacramenti confirmationis, ut docent Leander, & Suarez, quos allegat, & sequitur Tamburin. *de Sacram. confirmationis cap. 3. §. 1. per tot.*

Negantium verò validitatem Sacramenti in proposito casu motivum fuit; quia in Episcopo, neque actualis, neque virtualis, neque habitualis fuit intentio; siquidem nunquam proposuit confirmare infantes, & sine Patrino, sed tantum annum discretionis attingentes, & Patrilinos habentes. Ergo absque ulla intentione inunxit hunc infantem actuali, vel virtuali. Ergo nulliter. Et quamvis infans sit capax Sacramenti, tamen ad essentiam Sacramenti requiritur in ministro intentio vel actualis, vel saltem virtualis confirmandi ipsum infantem; & virtualis esse non poterat, quia de ejus essentia est, ut prius actualiter fuerit in ministro, & deinde non fuerit revocata; sed in hoc Episcopo antea non fuerat, quia nunquam cogitavit, infantes confirmare; ideo ejus voluntas vix dici potest interpretativa; quæ non sufficit ad validitatem Sacramenti. Tambur. *de triplici. jur. libr. 1. cap. 2. §. 1. num. 1. & 2. & cap. 3. §. 1. num. 8. Gobat de Sacramentis tract. 1. num. 74. Cardin. de Lugo disput. 8. num. 90. & Eminentiis. Cardin. de Lauræa de Sacramentis in genere disput. 3. art. 4. ubi in terminis agit de intentione interpretativa, quam probat insufficientem esse ad validitatem Sacramenti. Et hæc opinio negativa fuit verior reputata, & verior reputanda. Alter casus est:*

*Sacerdos convalescentia præditi 3
tus, celebrare omittens, sua tamen
devo-*

devotioni satisfaciurus Sacram Synaxim decrevit sumere. Porro cum nullus alius Sacerdos adveniret, ipse suis manibus eam sibi ministravit.

Queritur, An licet? Parochi, & Confessarii respondentes huic casui omnes affirmarunt, ut contra Pasqualigum tenet Diana Coordinatus tom. 2. *resolut.* 39. *tract.* 2. Quæ desumpta est ex *part.* 11. *tract.* 7. *resol.* 42. ubi plures Theologos allegat idem sentientes, dummodò non sit scandalum periculum, & concordant Castropal. tom. 4. *tr.* 21. *punct.* 18. num. 10. Suarez in 3. *part.* tom. 3. *disp.* 72. *sect.* 3. Coronus *illustr. contr.* lib. 2. *contr.* 4. *cap.* 7. num. 157. qui id restringit ad solum casum necessitatis, vel magnæ solemnitatis, & deficiente alio Sacerdote. Gobat de *Sacramentis tract.* 4. num. 439. qui hoc concedit etiam extra necessitatis casum, absente alio Sacerdote. Eminentiss. Cardin. de Lugo de *Sacram. Euchar.* *disput.* 18. num. 35. & *seqq.* Et Eminentiss. Cardin. de Lauræa d. tom. 1. de *Sacramentis disput.* 24. *art.* 5. num. 67. & 68. ubi cum Lugo id licere affirmat etiam ex devotione; quod ulterius permittit censet pariter Diacono, si Sacerdos non adsit. De hoc plene dissero De *Eucharistia Sacramen. decis.* 19. *per totam.*

Et esto, quòd Sacerdos, & Diaconus sint simul; & uterque velit communicare; certum est, communionem esse Diacono præbendam à Sacerdote. An verò Sacerdoti à Diacono, vel à seipso, Doctores non concordant. Nam Eminentiss. Cardin. de Lauræa d. *disp.* 24. num. 68. à Diacono Sacerdotem recipere debere, tenet; ea ratione, quia tunc Sacerdos recipit communionem laicam, non Sacerdotalem, sicut quando sacrificat: ergo ab alio debet recipere sicut ipsi laici. Contrarium verò sustinet Diana *par.* 2. *tract.* 14. *resol.* 23. & d. *part.* 11. *tract.* 7. *resol.* 42. Quæ residet in Coordinato d. tom. 2. *tract.* 2. *resol.* 39. & *resol.* 40. Eò quia decencius videtur, ut Sacerdos propriis manibus consecratis Christi Corpus sumat; quàm permittat, illud sibi mini-

strari manibus Diaconi non consecratis. Potrò priori opinionioni videtur favere Magrius in *Hierolexic. Verb. Diaconus*; ubi plura refert Concilia, quibus commissa est Diaconis Sacre Eucharistia dispensatio; & eorundem Diaconorum dignitatem, & auctoritatem ex antiquorum SS. Patrum auctoritate demonstrat; sed eosdem porrigere Sacram Communionem Presbyteris Nicæna Synodus vetuit in *cap. Pervenit. de Consecr. dist.* 2.

Utrum autem in casu necessitatis laici, & mulieres (absentibus Sacerdote, & Diacono) possint sibi Sacram Eucharistiam ministrare? Respondendum est negativè: licet enim in primitiva Ecclesia id iisdem concederetur, præcipue persequutionum tempore; ut in d. *Hierolexic. Verb. Eucharistia*; & doctè, ac eruditè ex Conciliis, & SS. Patribus demonstrat Illustriss. & Reverendiss. Joannes Baptista Casalius De *Veterib. Christianor. Ritib.* *cap.* 14. & 15. Nihilominus hisce temporibus est omnino prohibitum ex d. *text. in cap. Pervenit. de consecrat. dist.* 2. siquidem reverentia, quæ debetur Venerabili Sacramento, præponderat cuicunque beneficio privatarum personarum, ut firmant prælaudati Eminentiss. Cardinales de Lugo d. *disp.* 18. num. 24. & de Lauræa d. *disp.* 24. num. 64. & num. 70. usque in finem. Qui respondent exemplo relato de Maria Regina Scotiæ martyrium passa sub Elisabeth Angliæ tyranna; videlicet ex Indulto Apostolico B. Pii Quinti habuisse secum Sacrosanctam Eucharistiam, propriis manibus sumendam. Quòd laici, ac mulieres non possint tangere Eucharistiam, & per consequens nec communicare seipso demonstravi in meis Decisionibus de *Venerab. Euchar. Sacram. decis.* 44. à num. 3. & *seqq.* Potrò an Parochus moribundus, absente alio Sacerdote, possit sibi ipsi Extremam Unionem dare, disputabitur in *Decis. XV. de Extr. Unctione*, ubi studiosus videat.

DECISIO XV.

ARGUMENTUM.

Edocet præfens Decifio, quando liceat petere Sacramenta à Ministris indignis? Et quando indignis petentibus ea, possint à Sacerdote ministrari?

SUMMARIUM.

- 1 Sacramenta an petenda à Ministris indignis?
- 2 Baptismus, & Pœnitentia quando recipi possit ab indignis? Et quando alia Sacramenta?
- 3 Ministris dignis existentibus non licet petere Sacramenta ab indignis.
- 4 Indignis quando liceat ministrare Sacramenta?
- 5 Eucharistia quando sit deneganda peccatori occulto.
- 6 Occultum dicitur dupliciter. Et quomodo?

SEd adhuc circa Ministrantes, ac recipientes Sacramenta nonnulla quæ sita satis curiosa, ac utilia sunt indaganda. Primum sit, An liceat Sacramenta petere ab indigno?

Alii affirmant, quia bonum, & licitum est quod petitur; & à ministro, si vult, licet solvi potest, prævia contritione. Alii negant; Quia est malum inducere proximum ad peccatum; peccat enim mortaliter Minister indignus, administrans Sacramenta. S. Thom. 3. par. 9. 64. art. 6. Varii varia dixerunt; prout varii, & discordes sunt in resolutione hujus quæsitæ tam Scholastici, quam Moralistæ Theologi, allegati à Diana part. 3. tract. 4. resol. 39. Item par. 4. tract. 4. resol. 21. Item part. 5. tract. 7. res. 4. & d. p. 5. tract. 9. resol. 133. Item par. 7. tract. 12. & Misc. 3. resol. 33. alias 31. Item part. 10. tract. 11. & misc. 1. resol. 63. & re-

sol. 64. Novissimè Mastrius in Theolog. Mor. disput. 16. num. 51.

Cæterum vera, & germana responsio desumenda est à sequentibus conclusionibus.

Prima Conclusio. Baptismus, & Pœnitentiam in casu extremæ necessitatis, idest in periculo mortis, petere, & recipere licet, si alius non adsit minister idoneus, à quocunque indigno, etiam præciso ab Ecclesia; videlicet excommunicato notoriè & degradato. Azor. tom. 2. libr. 12. cap. 17. quæst. 7. Sanchez de Matrim. lib. 7. disp. 9. n. 8. Diana d. part. 3. tract. 7. res. 4. Quæ in Coordinato legitur tom. 1. tr. 1. res. 18. & d. par. 10. tract. 11. & misc. 1. res. 64. Quæ collocata est in Coordinato tom. 1. tract. 1. resol. 19. Et ratio est, quia urgente præcepto Superioris, cessat obligatio inferioris. Sed præceptum Sacramentorum in periculo Vitæ est divinum, superans præceptum Ecclesiasticum, quo quis fuit præcisus, excommunicatus, seu degradatus. Ergo præferri debet. Ulterùs, ubi agitur de evitando periculo animæ, excommunicati conversatio non est prohibita; ut doctè demonstrat Eminen. Card. de Lauræa de Sacram. in genere disp. 11. art. 9. num. 114. Concordant Abelly in Medull. Theol. tom. 2. part. 2. tract. 1. de Sacram. in gen. cap. 1. lect. 8. Vers. Quæres. Utrum. Gobat de Sacram. tract. 1. n. 264. Diana par. 5. tract. 9. resol. 96. Quæ reperitur in Coordinato tom. 1. tract. 1. resol. 16. num. 3. Sayr. lib. 2. cap. 20. num. 26. Cardin. Tolet. lib. 1. cap. 15. Vers. Septimo. & ibi in addit. plurimi & d. lib. 1. cap. 92. num. 2. Mastrius disput. 16. num. 51. Porro Sacerdotem excommunicatum, ac publicè denunciatum, & eo minus degradatum non posse absolvere neque in articulo mortis docui in meis Decisionibus De Pœnitentia decif. 45. num. 2. ex doctrina Fagnani, & ex declaratione S. Congregationis ibi allegatis. Idem dicam de Extr. Unif. Decif. 12. num. 6.

Secunda conclusio: extra mortis articulum, gravemque necessitatem, vel si alius

si alius Sacerdos non excommunicatus haberi potest, non est licitum Sacramenta sive Baptismi, sive Pœnitentiæ ab excommunicato denunciato, vel publico Clerici percussore petere, & recipere; ut omnes supradicti Doctores advertunt.

Tertia conclusio. Omnia autem Sacramenta licite possunt peti à quocunque alio Sacerdote non præciso, quamvis indigno, tam in necessitate, quam sine; si dignus reperiri non possit, dummodo ipse indignus vel teneatur ex officio ea ministrare; vel paratus sit ad illa ministranda; & ratio est, quia quod petitur, bonum est; & ipse Minister potest se ab indignitate liberare per actum contritionis, ut ex Cajetano, Soto, Sà, & aliis scribit Diana d. part. 10. tract. 11. Mist. 1. resol. 63. Quæ legitur in Coordinato tom. 2. tract. 3. resol. 16. num. 3. Candidus in Compend. disquis. moral. disq. 47. art. 4. & Martius d. disput. 16. num. 15.

Quarta conclusio. Quotiescunque Minister dignus potest adiri, non est licitum petere Sacramenta à Ministro, quem quis certò scit esse indignum; sic enim requirit reverentia erga Sacramentum, & charitas erga proximum, ne scilicet detur ansa eidem indigno Ministro committendi Sacrilegium. Abelly d. part. 2. tract. 1. cap. 1. in fine. Cardin. Tolet. d. lib. 1. c. 92. num. 4. Sanchez lib. 1. in Decal. cap. 7. num. 15. Castropal. tom. 1. ref. 6. disp. 6. punct. 10. num. 5. Tamburin. lib. 5. in Decal. cap. 1. num. 68. & num. 72. in fine. Et novissime, pie, & doctè Eminent. Card. de Lauræa de Sacram. in genere disp. 11. art. 9. num. 119.

Alterum Quæsitum est, Quando licet, ministrare Sacramenta indignis?

Responsa habentur in duobus concordantia; dissonantia in tertio.

Primum, in quo omnes concordant, est: publicis peccatoribus non esse Sacramenta ministranda; siye ipsi publice, siye private petant. Ratio est, quia scriptum legitur *Mattb. 7. Noli-*

te sanctum dare canibus. Et *Mattb. 15. Non est bonum sumere panem filiorum, & dare canibus;* idest peccatoribus publicis, de quibus in *Psal. 58. famem patientur ut Canes.* Ulterius illicitum est Ministro Ecclesiæ operari contra Religionem; & contra charitatem. Sed contra Religionem est dare Sacramenta publicis peccatoribus, qui reddunt ea frustratoria, & sine effectu: & contra charitatem, quia iidem suscipientes indigni grave peccatum committunt. Item non est licitum Medico corporali dare medicinam, quam certò scit mortiferam fore infirmo. Ergo neque Medico spiritali. Item gravissimum irreverentiæ peccatum esset, projicere Eucharistiam in lutum, vel in sterquilinum; sed tale est os peccatoris, de quo *Sap. 9. Luto villior vita ipsius.* Et tandem, nulli Ministro licet operari contra fidelitatem Domino servandam in ministerio. Sed ministerium Sacramentorum exigit, ut dispensetur dignis, non autem indignis. Ergo. Et sic docent omnes Theologi. S. Thom. q. 68. art. 4. & q. 80. art. 6. Scotus in 4. dist. 9. qu. 1. Layman lib. 5. tract. 4. cap. 6. num. 8. Gobat de Sacramentis tract. 1. n. 267. & 268. ubi refert verba S. Joann. Chrysost. ad Sacerdotes, quæ leguntur in *Brev. ser. 2. infra Octavam Corporis Christi*, & num. 269. & 270. quo loci declarat, illum censerì indignum, qui scitur peccasse mortaliter; & de ejus emendatione nullatenus constat. Bonacina tom. 1. de Sacram. in genere disp. 1. q. 6. punct. 4. num. 2. ubi alios DD. allegat. Cotonius lib. 2. contro. 4. n. 168. & seqq. Thomas Tambur. in Method. SS. Commun. cap. 6. §. 2. num. 7. & 8. & plurimis relictis Eminentiss. Card. de Lugo de Sacram. disp. 8. sect. 10. num. 166. & Eminent. Card. de Lauræa eod. tract. disp. 10. art. ult. num. 67.

Alterum, in quo omnes, & singuli conveniunt, est, tunc ministrandum esse Sacramentum, ipsamque Eucharistiam peccatori occulto siye publice, siye private illam petenti, quan-

38 De Sacramentis in genere. Decis. XV.

quando Sacerdos habuit notitiam peccati illius, & suæ indignitatis in Sacramento. Pœnitentiæ, seu Confessione; & ratio est, quia nemo uti potest scientia, quam habuit in Confessione, ne reddat odiosum Pœnitentiæ Sacramentum, cuius sigillum non solum est de lege naturæ; sed de lege divina positiva, & Ecclesiastica; & idè Sacerdos extra Confessionem ita se habere debet, ac si nesciret delictum auditum in Confessione. Et hoc pariter docent omnes Doctores. Supracitati, Diana *part. 3. tract. 4. ref. 46.* Quam continet Coordinatus in *tom. 2. tract. 2. ref. 30.* ac etiam Emin. Card. de Lauræa *d. disp. 10. art. ult. num. 69.*

Tertium, (in quo dissonantia extitere Responsa Cleri nostri) est; quid agendum, quando publicè Eucharistiam petit peccator occultus, cuius indignitatem novit Sacerdos extra Confessionem? Nam communissima est Theologorum opinio, in tali casu non esse denegandam Eucharistiam ex pluribus rationibus, sed ea præcipuè, quia de lege naturæ tenetur homo non lædere famam proximi, cuius delictum occultum est; & pro hac opinione sunt duo textus favorabiles in *cap. Placuit. 6. q. 2. & in cap. Si Sacerdos. de offic. ordinari.* quos allegat Layman. *d. lib. 5. tract. 4. cap. 6. num. 10. Vers. dico tertio.* Tamburin. Bonacina, & alii pluri, quorum assensus copiosissimus est idem Emin. Card. de Lugo *d. disp. 8. & sect. 11.* & his Doctoribus, ac eorum auctoritati adhæsit magna studentium nostrorum cetera.

Cæterum alii amplexi sunt contrariam opinionem, videlicet, negandam esse omnino Communionem peccatori occulto publicè petenti, cuius indignitatem scit Sacerdos extra Confessionem, quam acerrimè tuetur Eminen. Cardinalis de Lauræa *d. disp. 10. art. ult. num. 68.* ubi eruditè probat, omnes rationes suprà allegatas, pro non communicando peccatore publico, militare etiam contra peccatorem occultum. Neque prævalet asserta ratio

tuendi famam proximi; nam ita eam confutat Eminentia sua: Quando urget majus præceptum, minus intelligitur pro tunc relaxatum; ita de Regulis Juris, & ratio naturalis dicitur. Majus autem, & superius, ac primum Præceptum est, Deum ne dum positivè colere, sed nunquam inhonorare, quacunque accedente occasione. Ergo posita occasione servandi famam proximi, & Dei honorem, hoc urget præceptum, & hoc est servandum. Cum autem quis petit aliquod Sacramentum in mortali, adest utrumque periculum lædendi honorem Deo debitum in ministrante fidei, & sancta in tractandis sanctis; & periculum lædendi honorem proximi. Ergo potius hic, quàm ille est lædendus (seu melius) magis ab ea quàm ab hac offensa abstinendum. Ita eruditè Alensis loco citato.

Secundò: à majori malo tam proprio, quàm proximi est semper abstinendum, potius quàm à minori, si in alterutrum incurrere sit necesse: sed minus malum infertur proximo occulto peccatori, si denegando Sacramentum sive in publico, sive in occulto, quàm ei ministrando. Ergo præceptum illud charitatis, seu famæ non impedit ad negandum, nec impellit ad dandum.

Tertiò: si tale præceptum charitatis, & famæ proximi in hoc casu urgeret, in omnibus urgeret, ut non servaretur divinum, seu naturale, vel Ecclesiasticum præceptum, ne fama proximi lædatur; & sic nullus teneretur ad denunciandum occultum hæreticum, aut abutentem Sacramentis, aut sollicitantem in Confessione; & sic de aliis, quæ secum afferunt obligationem denuntiationis, quia in his omnibus fama proximi læderetur.

Quarto: idem Auctor eodem numero (videlicet Card. de Lugo *de Sacramentis disput. 8. sect. 10. num. 176.*) docet, non posse Ministrum dare Eucharistiam ei, quem scit in occulto abutendum, esse illa, etiam si publicè peccat;

rat; ergo si in hoc casu non habetur respectus: samæ proximi (& merito) neque in aliis casibus occultæ notitiæ. Consequentia est evidens; nam utroque urgent duo, & eadem præcepta, scilicet Charitatis, & Religionis, ac fidelitatis erga Deum; & charitatis erga proximum. Igitur si in alterutro charitas proximi est præferenda, etiam in alio; vel si in alterutro religio, & fidelitas, atque charitas erga Deum, etiam in aliis; eodem enim modo læditur fama proximi, cui negatur Eucharistia; eò quia eam sit combusturus, ac dum ei negatur eò quia non sit capax; & eodem modo videtur fieri irreverentia Sacramento, dum in subjectum incapax immittitur, ac dum datur alicui, qui illud est combusturus.

Hucusque Cardinalis Eminentissimus, ac Sapientissimus de Lauræa, qui eodem art. ult. sub num. 78. subdit. Scio quidem, hanc meam Sententiam, Parochis præferim, asperam futuram; sed sciunt, me aliter sentire non posse tuta conscientia: licet enim ex rationibus, multisque libris mutuaverim conscientiam, an aliter sentire, & docere possem; at specialiter precibus à Deo id petierim; nullam tamen inveni rationem, quæ me convinceret; sed dictamine proprio, Dei honorem, ac mandata ipsum respicientia aliis omnibus præferenda, continuò stimulatus, propterea in conclusionem hanc deveni.

Porro hujus Eminentissimi Auctoris opinio corroborari etiam potest decreto Sacri Tridentini Concilii in cap. 1. de refor. sess. 14. in quo tribuitur Episcopo facultas interdicens clericis ascensus ad Sacros ordines etiam ob crimen occultum; Unde si argui potest: Valet argumentum à multo magis. Valet minor religionis offensa est dare ordines indigno, per quos habilitatur ad conficiendam Eucharistiam, quam tradere indigno Eucharistiam ipsam; sicut minor injuria est lacerare insignia Principis, quam Prin-

cipem ipsum. Jul. Clar. lib. 5. sent. Et nihilominus ad hanc Religionis offensam evitandam concessum est Episcopo denegare ordines indigno, etiam si delictum sit occultum. Ergo multò magis erit deneganda etiam peccatori occulto Sanctissima Eucharistia; cuius indigna sumptio relevat supremam Religionis offensam: nam *Omnis devotio in Ecclesia est in ordine ad hoc Sacramentum*. Scot. in 4. d. 8. qu. 1. Et ferè omnia Sacramenta in Eucharistia consumantur. S. Thom. *tertia par. quæst. 65. art. 3. & in Supplem. q. 37. art. 2.*

Hanc amplectendo opinionem, tantum magis piam, & religionis tutricem, oportet respondere, (non quidem rationibus opinionis contrariæ, quæ restringuntur in supposito præcepto charitatis de non lædenda fama proximi, quibus abundanter satisfacit Emin. de Lauræa *toto d. art. ult.*) sed citatis duobus textibus in cap. *Placuit 6. quæst. 2. & cap. Si Sacerdos. De Offic. Ordin.*

Sed non est difficilis responsio, si diligenter consideretur, quòd dupliciter intelligi potest delictum occultum. Uno modo simpliciter, & juxta 6 proprietatem vocabuli, videlicet illud quod nulla ratione probari potest; eò quia vel nullus scit, vel tantum unus scit. Altero modo, quando duo, vel tres notitiam habent delicti, quod nihilominus dicitur occultum, idest secretum, & penè occultum, ut notat Speculator in tit. *De Notor. Crimin. §. Penè occultum num. 1. & latè examinat Fagnan. tom. 4. in cap. Vestra à num. 48. & seqq. De Coabit. Cleric. & Muller. Et novissimè prosequitur Jacob Pignatell. rom. 6. consult. 99. Modò in citatis text. Placuit, & Si Sacerdos, delictum erat omninò occultum, quia unus tantum illud sciverat, & peccator ipsum negante, probari non poterat; & hac de causa decisum fuit, non licuisse denegare ei Communionem. Et in hoc sensu procedere potest prima opinio, quæ vult,*

40 De Sacramentis in genere. Decis. XVI.

vult, esse dandam Eucharistiam peccatori occulto, si eam publice petat. Sed stando in nostro quæsito, & amplectendo opinionem Alex. de Ales, & Eminentiss. de Lauræa, eam procedere dicimus in occulto probabili, quando saltem duo sint testes, qui habeant notitiam indignitatis, & peccati occulti illius, qui indignè petit Sacramentum; licet enim adhuc delictum sit occultum, hoc est secretum; debet Sacerdos denegare Eucharistiam huic indigno, quamvis petenti eam publice, præferendo præceptum Religionis, & reverentiæ erga Deum, præcepto charitatis de non lædenda fama, obdenegatam Communionem; siquidem si peccator ille occultus vocem tulerit, poterit Sacerdos iustificare zelum, & factum suum, probando delictum; sufficit enim de Jure dictum duorum testimonium *l. Ubi numerus, ff. de testib. cap. In omni negotio. De Testib. Deuter. 19. 15. Fagnan. incit. cap. Vestra. n. 128. & Carol. Felix de Matta de Canonizat. Sanctor. par. 4. cap. 17. n. 2.*

DECISIO XVI.

ARGUMENTUM.

Duo præcipui casus resolvuntur, An liceat recipere Eucharistiam à Sacerdote Concubinario illam publice ministrante? Et an danda sit Concubinis se ad eam sumendam cum aliis ad Sacramentum præsentantibus?

SUMMARIUM.

1. Communio Eucharistica an recipienda à Sacerdote concubinario eam ministrante?
2. Concubinariis, asserentes ab omni carnis peccato se abstinere, ad Sacram Eucharistiam an admittendi?
3. Concubini adinvicem non separati an absolvendi?

4. Concubinos posse absolvi, non facta separatione, est opinio damnata.
5. Confessarius absolvens à reservatis qua pena sit puniendus?

INhærendo doctrinæ antecedentis Decisionis circa petitionem licitam Sacramentorum à Ministris indignis; & circa ea administranda petentibus indignè, duo sequentes casus veniunt resolvendi. Primus Casus est:

Vir solitus singulis Dominicis diebus Sacram Eucharistiam recipere, & videt in Ecclesia Sacerdotem eam pluribus ministrantem, quem cerè scit, concubinarium fore. Quæritur, an licitè possit accedere cum aliis, & ex manibus illius Sacram Synaxim accipere?

Plurimi negant: quia administrare Sanctissimam Eucharistiam est actus per se pertinet ad ordinis Sacramentum, & ideo minister concurre per characterem ad talem actum, ut minister religionis, & ex officio. Item, quia hoc ministerium versatur immediatè circa Sacramentum omnium Sanctissimum, & ideo exigit Sanctitatem in ministro, qui si in peccato ministrat, peccat mortaliter. Et tandem cum hoc Sacramentum sit cæteris excellentius propter realem Christi præsentiam, si peccat mortaliter alia Sacramenta in mortali confrens, multò magis conferendo hoc Sacramentum, quod non nisi à ministro consecrato, & ex officio conferri potest, ut tenet S. Thom. in 4. dist. 5. art. 2. q. 4. ad 2. Paludan. d. 13. q. 1. art. 4. concl. 1. Richard. d. 13. art. 1. q. 3. Sorus q. 1. art. 4. Suarez disp. 46. sect. 4. & disp. 72. sect. 4. Valentia tom. 4. disp. 6. q. 10. punct. 1. Bonacina de Sacramen. disp. 4. q. 5. punct. 2. num. 3. & Coton. lib. 2. contrav. 4. cap. 8. num. 173. ubi allegat text. in cap. fin. 15. q. 8. Quæstante opinione, Vir, de quo in casu, non potest licitè accedere, & Sacram Eucharistiam à concubinario Presbytero recipere, quia præberet ei majorem occasionem peccandi ex S. Thom. 3. par. quæst. 64. art. 6. ut dictum est supra ad

ad primum quæsitum præteritæ Decisionis.

Cæterum & alii plurimi affirmant, licere huic Viro communionem à prædicto Sacerdote recipere; præcipue, quia ministrantem illam reperit; est enim communis Neotericorum opinio, quod non peccet mortaliter Minister indignus, alios communicans; quia tunc non conficit Sacramentum, sed illud distribuit, & non consideratur tanquam minister Dei ad justificationem proximi, sicut in aliis Sacramentis, sed est tantum velut applicans activa passivis, ut cum citatis Vasquez, Ledesma, Nugno, & aliis sustinet Diana *part. 2. tract. 14. resol. 23.* Quæ habetur in Coordinato ejus opere *tom. 2. tract. 2. resol. 25. & ibid. resol. 26. & 27.* ac pluribus aliis resolutionibus in margine annotatis; quibus adstipulatur Barbosa *de Off. Parochi cap. 20. num. 17.*

Alteram ex his opinionibus sequens reprehendi non potest, attenta Doctorum auctoritate; cui nihilominus prevalere debet Juris Canonici dispositio in *cap. Nullus, & cap. Præter. dist. 32.* ubi statuitur, ne quis audiat Missam Sacerdotis Concubinari. Quare prior opinio in praxi esset tenenda, præcipue si ad alium Sacerdotem foret facilis accessus, juxta notata in supracit. *Decis. XV. num. 3.* hujus tractatus de *Sacram. in genere.* Et in meis Decisionibus *De Venerabili Euchar. Sacram. Decis. 4.* per totam. Alter casus est:

Concubinum, & Concubinam. effe-
rentes se amplius carnaliter non tan-
gere, sed ratione guberni domus co-
habitare simul admonuit Parochus es-
se incapaces Sacramentorum, nisi ab
invicem separarentur, tum ob scanda-
lum, tum ob periculum occasionis pro-
xime; Editio hujus divicis præ-
cipue attento, quo Eminentissimus Præ-
sul hunc Casum posuit inter reservatos
sibi. Nihilominus ipsi replicant, re-
perisse alibi Confessarium (ex illis,
qui excusant excusationes in pecca-

tis; & dicunt bonum malum, & ma-
lum bonum, Isa. 5. 20.) à quo fuerunt
absoluti; ideoque strenuè se præsentant
Parocho prædicto, sacram Eucharis-
tiam ministranti, illam ab eo receptu-
ri. Queritur, quæ sint partes Para-
ochi prædicti?

Pro resolutione hujus Casus, non ficti, sed facti; sapientiores nostri Clerici, & in Sacra Theologia, simulque in Sacris Canonibus veratissimi præmiserunt

Primum; quod Concubinus, & Concubina, de quibus in casu, quamvis se amplius carnaliter non tangerent, nihilominus absolvi non possunt, nisi ab invicem separantur, tum ratione scandali respectu proximorum, à quibus sciri, credivè hæc asserta continentia haud potest; tum respectu periculi reincidenti in foveam carnalem ob occasionem proximam, vel opere, vel desiderio, aut morosa delectatione; non obstantibus frivolis argumentationibus Joannis Sancio *disput. 9. num. 6. & disp. 10. num. 20. Dianæ part. 5. tract. 14. resol. 107. resol. 108. & resol. 109.* Quæ leguntur in Coordinato *tom. 1. tract. 4. resol. 31. resol. 32. & resol. 33.* & aliorum modernorum; à quibus omnino discreparunt Sanctissimi, & doctissimi Patres in hoc puncto, qui omnino voluerunt, Concubinos non esse absolvendos nisi prius supradicta reciproca separatio fiat. S. Thom. in *4. dist. 15. q. 1. art. 1.* S. Antonin. *3. part. tit. 14. cap. 26.* Emin. Cardin. de Lugo de *Pœnit. disp. 14. cap. 10. num. 149.* Azor. *Instit. Moral. part. 3. lib. 3. cap. 6. in fin.* Tambur. de *Expedit. Confess. lib. 3. cap. 3. §. 1. n. 2. & num. 12.* Navar. in *Manuali cap. 16. num. 20.* & in *cap. Satisfactio de Pœnit. dist. 3.* Sylvest. *Verb. Confessio q. 23.* Et *Verb. Concubina num. 3.* Mosconius de *Majeſt. Militantis Ecclesiæ lib. 2. c. 10. in fine.* Summa Angel. *Verb. Concubina num. 1.* Ricciullus de *Personis, quæ in statu reprobo lib. 3. cap. 33. & Gobat de Sacram. tract. 7. num. 5. & 35. in fine.* Et hiæ temporibus non

F sunt

42 De Sacramentis in genere. Decis. XVI.

sunt ampliùs audiendi auctores contrarii, stantibus Decretis Pontificiis eorum
 4 opinionones, & doctrinas damnantibus sub anathemate, ut legitur in Decreto Alexandri Papæ Septimi die 2. *Septemb.* 1666. *Propos.* 41. & Innocentii Papæ Undecimi die 4. *Martii* 1679. *Propos.* 61. & 62. Quæ non solùm habet Bullarium Romanum; sed etiam mea Erotemata *edit.* 2. Bulembaum & Summa Diana in calce operis. Et de eis latè disserit Cardenas in *Cristi Theologica Dissert.* 40. *per tot.* Et ego egi de *Pœnitentia Decis.* 13. num. 16. nec non in *Decis.* 31. num. 7. & 8. Unde fit, nullam fuisse absolutionem Sacramentalem, eamque invalidam impertitam à Confessario, ex illis, qui vel ex ignorantia, vel ex laxiori conscientia ob temporale lucrum sæpè sæpiùs ad prævaricandum impellunt; cùm prædicti Concubini non forent dispositi, neque capaces, juxta tradita per me *d. Decis.* 31. num. 8. de *Sacram. Pœnit.*

Alterum: Et eò minùs attenta prohibitione, facta per Eminentissimum Præfulem Patavinum, Ediçto suo, Episcopali die 10. Aprilis 1683. absolvendi Concubinos, nisi priùs dimiserint mulieres è suis domibus, non ampliùs reverſuras; & ejusdem casus repositione inter reservatos Eminentie Suae vigore S. Concilii Tridentini *Sess.* 14. *cap.* 7. adeò ut Confessarius, qui præsumpsit absolvere antedictos Concubinos, sit graviter puniendus, etiam
 5 excommunicationis pœna; & quatenus Regularis fuisset, & prætextu Privilegiorum absolvere attentasset ipsos concubinos, incurrisset in excommunicationem Papæ reservatam ex Decreto Sacre Congregationis relato à *Quaran. in Verb. Casus reservati.* & à P. Ant. Volpi *resol.* 20. num. 29. & 30. à Diana *part.* 2. *tract.* 17. *resol.* 30. Quæ in Coordinato habetur *tom.* 7. *tract.* 1. *resol.* 273. & ab Antonello de *Regimine Milit. Ecclesie lib.* 8. *cap.* 1. num. 13. Et quòd Confessarii etiam Regulares possint absolvere à peccatis per Episcopum sibi reservatis, est opinio damnata

ab Alex. VII. *la* 12. ut scripsi de *Sacram. Pœnitent.* *Decis.* 46. num. 17.

Quibus præmissis, resolvendo Casum dico: Vel dicti concubini sunt notorii saltem ex duorum, vel trium testimonio? Et Parochi partes sunt, iisdem constanter denegare Sacram Communionem; rationibus, & auctoritatibus suprà deductis in Decisione præcedenti hujus tractatus, videlicet *Decis.* 15. num. 4. & latissimè in meis Decisionibus *De Ven. Eucharistie Sacram. Decis.* 28. *per totam*; & ex doctrina Eminentissimi Cardinalis de Lauræa de *Sacramentis disp.* 10. *art. ult.* à num. 68. Cui concordat alius Eminentissimus, & Sanctissimus simul, idest S. Carolus Borromæus in *Concil. Mediol.* 1. *part.* 2. *tit.* Quæ pertinent ad *Sacram. Euchar.* Vel prænarrati Concubini omninò sunt occulti, itaut se revelaverint esse tales parochi in Sacramento Pœnitentie; & tunc, eos communicare poterit juxta doctrinam relatum in supradicta præcedenti mea *Decis.* 15. num. 4.

DECISIO XVII.

ARGUMENTUM.

Declarat hæc Decisio quot sint effectus Sacramentorum; & doctè explicat effectum primum cujuscunque Sacramenti, scilicet Gratiam.

SUMMARIUM.

- 1 Effectus Sacramentorum qui, & quot sint?
- 2 Gratia divina quid sit? & Quotuplex?
- 3 Gratia Sanctificantis divisiones varie.
- 4 Gratia alia prima, alia secunda datur in Sacramentis.
- 5 Gratia vel ex opere operato, vel ex opere operantis, quæ sit?

Tandem

TAndem pro complemento eorum, quæ sunt scitu simpliciter necessaria circa hunc tractatum de Sacramentis in genere, investigare oportet, Qui, & quot sint effectus Sacramentorum? Et eadem ex omnium Theologorum, ac Canonistarum doctrina communis est responsio, eos esse tres. 1. Gratiâ sanctificantem, ex opere operato. 2. Characterem. Et 3. Ornatum animæ, & auxilia quædam ad obtinendum finem, in quem singula Sacramenta sunt à Christo Domino ordinata. Primus effectus, idest Gratiâ, est communis omnibus Sacramentis ex Concil. Trident. *sess. 7. can. 8.* Secundus nempe Character reperitur in tribus tantum, videlicet in Baptismo, in Confirmatione, & in Ordine. Tertius est proprius omnium Sacramentorum. S. Thom. 3. p. q. 62. *per totam*; Scotus in 4. d. 1. q. 7. l. K. Summa Dianæ *Verb. Sacramentum numer. 8.* Cardin. Tolet. *lib. 2. cap. 16. num. 3.* Gobat de Sacramentis *tract. 1. num. 279. 280. 281.* Eminentiss. Cardin. de Lugo *eod. tract. disp. 4. & disp. 6. & novissimè Eminentiss. Cardin. de Lauræa tom. 1. de Sacramentis, disp. 8. art. 2. & disp. 9. art. 1.*

Quod autem pertinet ad primum effectum, adhuc fas est explicare, 2. Quid, & Quotuplex sit Gratiâ Divina? Quare sciendum est, quod Gratiâ Divina in genere sumpta significat omne bonum, omneque donum tam naturale, quàm spirituale, quod Deus hominibus largitur. Eminent. Card. de Lauræa in *Opuscul. de Gratiâ num. 6.* Gratiâ autem est in duplici differentia. Una est, quæ vocatur Gratiâ gratis data. Altera, quæ dicitur Gratiâ Sanctificans, seu gratum faciens. Illa est liberalis Dei donatio donorum suorum ad utilitatem proximi, quæ quidem dona sunt novem, descripta ab Apostolo 1. Cor. 12. 10. Videlicet, *Sapientia, Scientia, Fides, Gratiâ sanitatum, Operatio Virtutum, Prophecia, Discretio spirituum, Genera linguarum, & In-*

terpretatio sermonum. Vocatur autem hæc gratiâ à S. Thom. 1. 2. q. 111. *art. 5.* inferior, & minus digna, tum quia potest haberi, & non haberi juxta Dei placitum; tum etiam quia reperitur aliquando in homine peccatore. Eminentiss. Card. de Lauræa *disp. 11. num. 62.* ut in Juda proditore, & in Balaam 2. Petr. 2. 15. quamvis raro id eveniat, ex Divæ Theresiæ testimonio relato à Volpi *resol. 70. num. 1.* Paulo Segner. in *Christiano Instr. par. 2. Rag. 8. num. 10.* Gratiæ verò Sanctificantis, seu gratum facientis plures datæ sunt definitiones. Nam ex S. Thom. q. 62. *art. 1.* Est quædam participata similitudo Divinæ naturæ. Ex Polyanthæa in *Verb. Gratiâ* est auxilium, quo indiget homo ad beatitudinem consequendam. Ex Caramuelo *Theol. fundam. lib. 2. fund. 59. num. 1375.* Est qualitas, qua Clementissimus Deus peccatorem justificat. Ex Reginaldo *lib. 26. num. 43.* Gratiâ gratum faciens est habitus supernaturalis, infusus animabus nostris, ex Dei dono, quo ei reconciliamur, & ad suam amicitiam admittimur; itaut inde formaliter sancti, & justî simus, ac secundum spem hæredes vitæ æternæ; vel qui jam justî sunt, & sancti, magis justî, & sancti efficiantur. Tandem ex Catechismo Rom. de Baptismi effectib. *sess. 50.* Est divina qualitas in anima inhærens, ac veluti splendor quidam, & lux, quæ animarum nostrarum maculas omnes delet; ipsasque animas pulchriores, & splendidiore reddit. Quam definitionem exornando declarat Volpi *d. resol. 70. num. 4. ubi num. 7.* subdit, Gratiâ hanc sanctificantem esse vitam animæ; sicut enim corpus mortuum est, cum sine anima est, & vivum cum illa; ita homo est vivus vita spirituali, cum habet hanc gratiâ; & mortuus, cum illa caret: & propterea est omnino necessaria ad salutem, quia sine ipsa impossibile est mereri vitam æternam. Concil. Trid. *sess. 6. can. 1. 2. & 3.* cum hac autem Gratiâ dantur in

44 De Sacramentis in genere. Decif. XVII.

anima supernaturales habitus virtutum inseparabiles ab ipsa gratia; tanquam quædam ejus proprietates; deinde alia peculiaria dona propria singulis Sacramentis. S. Thom. 3. p. 2. q. 62. art. 2. Gobat d. tract. 1. num. 280. & 281. Bonacina d. tom. 1. disp. 1. q. 4. Punz. 1. num. 6. Mastrius in 4. Sentent. d. 1. num. 337.

Porro Gratia gratum faciens variè dividitur. à Theologis Moralibus, & à Theologis Speculativis. Hi docent, 3 Gratiam esse vel Prævenientem, vel excitantem, vel adjuvantem, vel cooperantem, vel subsequenter, vel medicinale, & sanantem, vel sufficientem, vel efficacem, vel qua, & sine qua. S. Thom. in 1. 2. q. 111. art. 2. & 3. Cajetan. ibid. Volpi d. resol. 70. num. 11. Novissimè Eminentissimus Cardinalis de Lauræa in suis doctissimis opusculis d. opuscul. 3. de Gratia, & auxiliis, num. 13. & sequentibus; ubi sic declarat prædictas divisiones.

Gratia, seu auxilium præveniens est illa, qua Deus prævenit intellectum, & voluntatem humanam in ordine ad actus bonos, & sanctos, illuminando intellectum ad cogitandum hic, & nunc de illis; & inspirando voluntati, ut consentiat, & exequatur.

Gratia excitans est illa, quæ animam quasi sopitam, & de bono non cogitantem, excitat ad cogitandum, & cupiendum tale bonum.

Gratia adjuvans est illa, qua Deus hominem illuminatum, præventum, excitatum, ac experfectum adjuvat, ut exequi possit bonum illud, jam cognitum, & inspiratum, ut exequatur.

Gratia cooperans solo nomine differt ab excitante, seu adjuvante; quia non est aliqua species ab eis distincta.

Gratia subsequens est eadem cum adjuvante, & solum differt in modo, & duratione usque ad finem vitæ, ac operis.

Gratia medicinalis, seu sanans est eadem cum præveniente, & adjuvante, nec non cum efficace; sed sic appellatur

respectu diversi modi, & ab effectu medendi, seu sanandi.

Gratia sufficiens illa dicitur, per quam potest homo piis actionibus, & bonis operibus salutem suam procurare, & consequi; & quam Deus nulli habenti rationis usum denegat; sed ei gratiæ resistitur, & non sequitur effectus salutis.

Gratia efficax est illa, quæ opus bonum, sive præcepti, sive consilii à Deo inspiratum, connexum habet. Et hanc non omnes fideles ex iusto Dei judicio obtinent. Sciri autem non potest causa evidens, & convincens, cur Deus non det singulis hominibus hanc gratiam efficacem; sed certum est, ejus Divinam voluntatem esse iustissimam, & ab acceptione personarum, ac iniquitate alienissimam; idè exclamare oportet cum Apostolo ad Rom. 11. 34. O altitudo divitiarum sapientiæ, & scientiæ Dei; quàm incomprehensibilia sunt judicia ejus!

Gratia Qua, & sine Qua non, dicitur prout convenit, vel adversatur efficaci; & non differt specie, sed in modo, ut subtiliter explicat prælaudatus Eminentiss. Cardin. de Lauræa in ipso 3. opusc. de gratia cap. 6. & cap. 7. à cujus eminenti intellectus acumine supradictæ omnes species Gratiæ divinx explicantur, & comprobantur auctoritatibus Sacræ Scripturæ, & Sanctorum Patrum, & præcipuè S. Augustini, cujus doctrinam sequitur, & tuetur in dicto opusculo. Nonnulla declarat etiam Coninch. de Pœnitent. disp. 2. dub. 1. Volpi cit. resol. 170. num. 18. & Mastrius, in 1. Sent. disp. 5. num. 164. Theologi autem Morales dividunt Divinam Gratiam in relatione ad Sacramenta; in Primam, & Secundam.

Gratia prima est, quæ datur existenti in statu peccati Originalis, vel actualis mortalis per baptismum; quando vel puer, vel adultus baptizatur; vel peccatori baptizato attritionem tantum habenti, & contenti per Sacramentum Pœnitentiæ.

Gratia

Gratia secunda dicitur, quæ datur jam existenti in statu gratiæ, facta additione novi gradus ejusdem gratiæ ad priorem jam habitum. Reginald. d. lib. 26. num. 43. Volpi d. resol. 170. n. 19. Marcant. in Candelabr. Mystic. tract. 1. lect. 4. Summa Diana Verb. Sacramentum num. 8. Cardin. Tolet. d. lib. 2. cap. 16. num. 4. Eminent. Cardin. de Lauræa tom. 1. de Sacramentis disp. 8. art. 11. & art. 12.

Tandem eadem gratia Sacramentalis alia dicitur ex opere operato, quæ procedit ex virtute Sacramenti suscepti, & meritis operatis Christi; alia ex opere operantis, quæ metitur ex devotione, & dispositione suscipientis. Card. Tolet. d. lib. 2. cap. 16. num. 3. Reginaldus d. lib. 26. num. 46. Volpi resol. 171. num. 1. Bonacina tom. 1. de Sacram. in gen. disp. 1. q. 4. Punct. 1. Cardin. de Lugo de Sacram. disp. 4. num. 1. Mastrius in 4. Senten. disp. 1. num. 138. & Emin. Cardin. de Lauræa d. tom. 1. de Sacram. disp. 11. art. 8. per totum.

DECISIO XVIII.

ARGUMENTUM.

Enucleantur duo casus famosi; de modo, & tempore, quibus recipiat gratiam, tum qui communicat cum mortali ignorato, tum qui adultus baptizatur non dolens de actualibus peccatis.

SUMMARIUM.

1. Gratiam primam an recipiat, qui Eucharistiam recipit cum peccato mortali ignorato?
2. Adultus non dolens de peccatis in baptismo, an recipiat gratiam? & num. 5.
3. Fictio recedente an Sacramentum producat gratiam.
4. Fictio triplex in adulto suscipiente baptismum.

6 Ignorantia invincibilis de peccato removet obicem gratiæ.

Porro, quia peccatum mortale impedit affectionem gratiæ, & ea stare non potest simul cum peccato, resolvendus est sequens Casus. Petrus accedit ad Sacram Eucharistiam cum peccato mortali, cujus tamen non recordatur, & nunquam habuit contritionem. Queritur, an recipiat gratiam virtute Sacramenti Eucharistiæ? Ad hunc casum DD. affirmative respondent. Supposito, quod ipse Petrus diligentem suæ conscientiæ examinationem præmiserit. Quia etsi proprium sit solius Baptismi, & Pœnitentiæ causare primam gratiam; illa enim dicuntur Sacramenta mortuorum: & Eucharistiæ, aliorumque Sacramentorum, quæ vivorum appellantur, causare gratiam secundam, seu augmentum gratiæ primæ, nihilominus in proposito casu Eucharistia habet virtutem causandi etiam gratiam primam; ea ratione, quia Petrus suscipiens Eucharistiam cum peccato ignorato invincibiliter, non suscipit indignè; dignitas enim requisita ad Eucharistiam suscipiendam est dignitas humano modo cognoscibilis; alicquin deberet expectari revelatio divina de dignitate fumentis: ergo sic sumendo recipit gratiam Sacramenti, quæ semper datur non ponenti obicem, quem non ponit Petrus ob totalem oblivionem peccati. Ita ex S. Thom. 3. p. q. 79. art. 3. & ex Scoto in 4. diff. 9. quæst. Unic. C. Suarez de Euch. disp. 63. sect. 1. concl. 3. Bonacina d. disp. 1. q. 4. punct. 2. num. 4. & 5. Cardin. Tolet. lib. 6. cap. 14. num. 1. Summa Diana Verb. Communionem 28. & Verb. Sacramentum num. 8. Ipse Antonin. Diana part. 5. tract. 13. resol. 1. Quæ sibi sedem fecit in Coordinato opere tom. 1. tract. 1. resol. 23. Layman lib. 5. tract. 4. cap. 6. num. 5. Volpi resol. 57. à num. 3. & seqq. Gobat de Sacram. tract. 4. n. 469. Mastrius in 4. Sent. d. 1. num. 350. Fagnanus in cap. Cum

46 De Sacramentis in genere. Decis. XVIII.

Cum venisset sub num. 2. de Sacra Unionione. Vers. ad has difficultates tom. 2. p. 290. Novissimè Emin. Card. de Lauræa d. tom. 1. de Sacramento Eucharistie disp. 26. art. 1. num. 5. ubi hanc opinionem tutatur pluribus rationibus, quibus (attenta egregia pietate hujus, Eminentiæ, & ejus more non adhærendi peregrinis, sed solidis opinionibus) depellitur omnis hæsitatio, quæ ex contraria opinione Card. de Lugo de Sacram. Euchar. disp. 12. sect. 1. & ex aliorum DD. quos citat, & sequitur Cotonius Controvers. illustr. lib. 2. controvers. 4. num. 54. poterat remanere.

Hinc enucleandus venit alius casus difficillimus circa assecutionem gratiæ primæ ob obicem peccati. Casus est hujusmodi.

² Baptizatur adultus, qui neque contritionem, neque attritionem habet actualium peccatorum. antea commissorum. Queritur, quomodo, & quando gratiam recipiat, & dicta peccata deleantur? Respondent Theologi resolutionem hujus casus pendere ab illa insigni quæstione à Theologis agitata; An Sacramentum susceptum cum fitione, recedente fitione, producat gratiam, & peccata remittat: Circa ³ quam novem opiniones inter se diversas reperisse ait Them. Tamburin. de Sacram. in gen. lib. 1. cap. 3. §. 2. n. 9. & plures plurimi referunt, præcipuè Emin. Card. de Lugo eod. tract. disp. 9. sect. 3. Gobat tract. 1. n. 283. & tr. 2. num. 648. Reginaldus lib. 27. num. 69. Diana par. 3. tract. 4. resol. 14. Quæ sibi conduxit habitaculum in opere Coordinato tom. 1. tract. 1. resol. 26. Item par. 3. tr. 4. resol. 15. nec non par. 5. tract. 13. resol. 30. Quæ pariter sedent in eodem Coordinato d. tom. 1. tract. 1. resol. 24. & 15. Bonacina tom. 1. De Baptismo disp. 2. quæst. 2. punct. 7. num. 13. Cotonius lib. 2. contr. 2. num. 98. Volpi resol. 10. num. 5. Eminentiæ. Card. Capisucchi in suis Quæstionib. Theol. quæst. 3. & luculenter, ac profundè de more Emin. Cardin. de

Lauræa d. tom. 1. de Sacramentis in gen. disp. 11. art. 3. Et 4.

Paucis restringendo quæ profusis calamis, & per Doctores impressa, & per Decisores expressa inveni; duo sunt prænotanda. Unum, quòd triplex potest esse fictio in suscipiente Baptismum. Intentionis, si vi adigatur ad ipsum, nolens omninò baptizari: & in hoc casu Baptisma non solum est informe, idest non formatum gratia, sed invalidum. Fidei, quando non credit essentiam Baptismi, sed illum recipit, ut naturalem, & simplicem balneationem tantum, & in hoc pariter casu fictus nulum recipit effectum Sacramenti, neque characterem. Et voluntatis, quando non est bene dispositus, quia habens peccata, eorum ipsum non pœnitet. Alterum prænotandum est, quòd in tali fitione voluntatis peccata vel præcedunt Baptismum, vel committuntur in actu receptionis Baptismi, vel post susceptum Baptismum. Peccata in receptione Baptismi, vel post Baptismum commissa, non delentur, & per consequens non acquiritur gratia, nisi per contritionem veram cum proposito confitendi, vel cum attritione, & actuali Confessione Sacramentali simul. De peccatis ante Baptismum commissis, de quibus satis erat habere attritionem accedendo ad Baptismum, sed baptizatus non fuit neque contritus, neque attritus? Altercantur Theologi circa modum recipiendi gratiam; quæ non potuit haberi in Baptismo ob dictam voluntatis fitionem, & deficientiam attritionis: nam alii volunt, sufficere post Baptismum elicere actum attritionis. Ita Paludan. in 4. diff. 4. q. 5. Sylvest. Verb. Baptismus 4. circa finem. Suarez de Sacramentis disp. 28. sect. 5. concl. 1. & Ægid. Coninch. q. 62. art. 1. dub. 6. num. 92. Alii verò requirunt ultra attritionem, etiam Confessionem, cum accusatione illius fitionis. Ita Vasquez apud Card. de Lugo de Sacram. disp. 9. sect. 4. Cardin. Toletus lib. 2. cap. 21. num. 3. & Eminen. Cardin. de Lauræa d. tom. 1. disp. 11. art. 5. num. 65.

Cæte.

Ceterum hæ duæ opiniones diverfæ ad concordiam reducuntur fub hac diftinctione. Vel baptizandus adultus non habuit attritionem de peccatis fuis ex ignorantia invincibili, quia vel non fuit inſtructus, & monitus, vel credit fe efſe attritum, & non erat? Et in hoc caſu, quotieſcunq; poſt Baptiſmum elicuerit aſum attritionis, removebitur obex, & recipiet gratiam Sacramenti. Vel culpabiliter non fuit deſertatus peccata ſua, & tunc ad obtinendam gratiam, & removendum obicem neceſſaria eſt attritio cum actuali confeſſione, vel contritio cum propoſito confitendi. Ita Diana Coordin. d. tom. 1. tract. 1. reſol. 26. in fin. Cottonius d. lib. 2. contrav. 2. num. 103. ubi teſtatur hunc efſe ſenſum Angelici Doctōris p. 3. q. 69. art. 10. ad 2. Bonacina d. diſp. 2. q. 2. punct. 7. num. 14. & Volpi d. reſol. 10. num. 7.

Quare caſus noſter reſolvitur dicendo, gratiam recipi a adulto baptizato, qui non doluit de ſuis peccatis, tunc, & quando elicit actum attritionis, ſi abſque culpa non doluit in Baptiſmo. At neceſſariam efſe contritionem, vel attritionem cum confeſſione, ut gratiam recipiat, ſi culpabilis fuit omitendo actus attritionis neceſſariæ in Baptiſmo. Ita DD. ſupracit. quibus adſtipulantur Sotus in 4. diſt. 6. art. 8. Henriquez lib. 2. cap. 27. num. 3. Filiucius tract. 2. cap. 3. q. 10. Trullench. in praxi Sac. libr. 1. cap. 3. dub. 3. num. 5. & lib. 2. cap. 1. dub. 8. num. 11. & Maſtrius in 4. ſent. d. 2. num. 145.

DECISIO XIX.

ARGUMENTUM.

Character, qui eſt ſecundus effectus trium Sacramentorum, quid ſit? & in qua Animæ potentia imprimatur? in præſenti Deciſione diſcutitur. Reſpectus debitus Characteri, ne quis peccet miniſtrando Sacra-

menta in mortali, vel ea ſuſcipiendo cum Venialibus. Ornatus Animæ Terrius effectus Sacramentorum remiſſivè explicatus.

SUMMARIUM.

- 1 Character quid ſit? Et quid ſignificet?
- 2 Circumciſio an imprimeret Characterem in anima?
- 3 Character an imprimatur in intellectu, vel in voluntate?
- 4 Character à quibus Sacramentis imprimatur?
- 5 Characteris effectus qui, & quot ſint.
- 6 Ordinatus Sacerdos miniſtrans Sacramenta in mortali, quot mortalia committat.
- 7 Euchariftiam qui miniſtrat in peccato peccat mortaliter.
- 8 Venialia habens, & non dolens an peccet, ſi Sacramenta ſuſcipiat.
- 9 Ornatus animæ cauſatus à quolibet Sacramento, quid ſit.

POſt explicatum primum effectum Sacramentorum, qui eſt gratia, tranſeundum eſt ad ſequentem, qui eſt Character. Ideo in præſenti quaeritur, Quid ſit Character? Reſpondent tum Scholaſtici, tum Morales, tum Doctores Canoniſtæ, characterem efſe ſignum ſpirituale, & indelebile, in anima impreſſum. Conc. Trid. ſeſſ. 7. can. 9. Quod quidem nomen Character apud Græcos grammaticos importat Figuram: ideòque ubi ad Hebr. 1. 3. habetur figura ſubſtantiæ ejus, ponitur in Græco Character ſubſtantiæ ejus. Sic figuræ, quibus litteræ ſcribuntur, vocantur characteres. Et Apoc. 13. 14. 16. & 19. dicitur Character beſtiæ; ideſt figura beſtiæ, quam in fronte, vel manu habebunt ejus ſequaces. Hinc apud Mathematicos pro ſuo quique inſtituto habet proprios characteres ad aliquid ſignificandum, ut in Arithmetica numeri ſpecificantur per chara-

48 De Sacramentis in genere. Decif. XIX.

characteres, idest litteras Græcas, & Hebraicas, ut dixi de Pœnitentia Decif. 24. n. 5. Sic in Algebra, in Astronomia, & in Geometria habent proprios characteres ad denotanda certa signa, planetas, & aspectus eorum, prout etiam in Medicina ad innuendum Unciam, Drachma, Scrupulum, Libram, & alia, de quibus Lexic. Medic. & Lexic. Mathematic. in Verb. *Character* à studiosis legenda. At secundum translaticiam significationem character importat aliquod signum sensibile. Et secundum Theologos, *Character est forma quedam spiritualis impressa à Deo suscipienti Sacramentum non iterabile*. Ita Emin. Card. de Lauræa d. tom. 1. de Sacramentis in genere disp. 9. art. 1. num. 2. & seqq. ubi

2. num. 6. probat, quod etiam Circumcisio in lege veteri imprimebat characterem in suscipiente; quod negat Volpi resol. 173. num. 3. An autem character imprimatur in intellectu secundum S. Thom. p. 3. q. 63. art. 4. vel in voluntate secundum Scotum in 4. dist. 6. q. ult. disputant Suarez tom. 3. disp. 11. sect. 4. Vasquez p. 3. q. 63. art. 6. disp. 134. cap. 4. num. 81. Emin. Card. de Lugo disp. 6. sect. 4. Mastrius in 4. Sent. d. 1. num. 229. & Emin. Card. de Lauræa d. disp. 9. art. ult.

Præcipue verò oportet declarare pro instructione tironum, Quænam Sacramenta imprimant characterem; Quæ propter sciendum est, quod imprimunt characterem sola tria Sacramenta, scilicet Baptismus, Confirmatio, & Ordo, ex Conc. Trid. cit. sess. 7. can. 9. Et ideo illa Sacramenta reiterari non possunt: & characteres Confirmationis, & Ordinis habent necessariam connexionem cum characterem Baptismi; adeo ut si Confirmatio, vel Ordo conferatur non baptizato, invalide conferatur. cap. 2. §. *Quia verò. De Presbyter. non baptiz.* At character Ordinis non pendet à character Confirmationis; idcirco si ordo conferatur non confirmato, valide confertur; sed suscipiens peccat mortaliter secundum aliquos, & secundum

alios venialiter tantum. Henric. lib. 3. cap. 5. in fin. Navar. in Man. cap. 22. num. 9. Volpi d. resol. 73. num. 7. Diana part. 10. tract. 11. resol. 14. Quæ sibi constituit sedem in opere Coordinato tom. 2. tract. 5. resol. 100.

Quod si quis petat, qui sint effectus characteris? Huic respondetur, esse sex sequentes, Videlicet. 1. Potestatem quandam spirituales ad ea peragenda, quæ ad cultum Divinum spectant; passivam in Baptismo, per cuius characterem redditur homo idoneus ad alia Sacramenta licet, & valide suscipienda; & activam in Ordine ad Sacramenta aliis ministranda; & in Confirmatione ad fidem profitendam. 2. Configurationem cum Christo Domino, à quo tanquam Summo Sacerdote derivatur omnis potestas spiritualis. 3. Distinctionem ab aliis hominibus, & ideo in alia vita baptizati discernentur à non baptizatis, prout Confirmati, & Ordinati à non confirmatis, & à non ordinatis, respectu characteris Sacramentalis, ad instar Vestium cum fimbriis rubris, vel cæruleis, seu flavis, quæ distinguunt famulos-unius Baronis, & Comitum à famulis alterius. 4. Energiam permovendi Angelum Custodem, ut aspiciens characterem sollicitius obsecrat munus regendi, illuminandi, & protegendi suum clientem. 5. Testimonium, quasi Bullam auream, qua Deus testificatur jus, quod homo acquisivit per Sacramentum. 6. Tandem motivum speciale permovendi quoque Deum ipsum ad conferenda auxilia, & gratias in ordine ad actiones illas, ad quas per tale Sacramentum specialiter destinatur homo. Ita Gobat de Sacramen. tract. 1. à num. 291. Abelly de Sacramen. in genere par. 2. tract. 1. cap. 1. sect. 6. in fine. Cardin. Toletus lib. 2. cap. 16. num. 5. Marchant. in Candelabr. Myst. tractat. 1. lect. 6. Eminentiss. Card. de Lugo dict. disp. 6. sect. 4. & Emin. Card. de Lauræa disp. 9. art. 3.

Hinc ad cognoscendam reverentiam

6. etiam debitam Characteri, proponitur casus: *Sacerdos, existens in mortali peccato, laicum Sacramentaliter absoluit, communicat, Missamque celebrat, & puerum baptizat. Queritur: Quot peccata committat?* Pro resolutione huiusmodi casus varii varia dicunt. Alii numerant quatuor peccata mortalia: 1. Inabsolvendo. 2. Incommunicando. 3. In celebrando. 4. In baptizando.

Alii duo mortalia tantum; quia communicare in mortali non est mortale. Tambur. de Commun. cap. 1. §. 7. n. 59. & dictum est suprâ Decis. 16. num. 1. Vers. Ceterum. Neque baptizare in casu necessitatis. Layman lib. 5. tract. 1. cap. 5. num. 7. Volpi resol. 168. n. 10. ubi DD. plurimi.

Alii reppererunt sex mortalia; quia in celebratione Missæ Sacerdos in mortali existens tria mortalia committit, Unum in offerendo, Alterum in consecrando, & Tertium in sumendo sacrificium. DD. apud Azor. pars. 1. lib. 10. cap. 31. q. 11.

Alii quinque mortalia, nam Sacerdos grimosus celebrans duo peccata mortalia facit. Unum consecrando, Alterum se-communicando. Tambur. de Communionem d. cap. 1. §. 7. num. 57. Idem de Sacramentis in genere lib. 1. cap. 2. §. 3. num. 9.

Omnes supradictæ numerationes sunt probabiles. Curia nostra reperit in proposito casu quinque mortalia.

Primum in absolvendo, quia Sacerdos debet esse in gratia, ut licite administret Sacramenta ex multis rationibus allegatis per Bonacinam tom. 1. 7. de Sacram. in gen. disp. 1. qu. 3. punct. 2. §. 1. num. 2. Secundum in communicando; nam probabilior est opinio, quod Sacerdos in mortali existens, communicans laicum, peccet mortaliter; quia ultra irreverentiam magnam erga sanctissimam Eucharistiam, eam administrat solemniter, & ex officio. Sayr. Valentia, Suarez, Coninch, & Camerota apud Bonacin. d. §. 1. num. 13. Tertium Missam ce-

lebrando dum consecrat; & Quartum, dum seipsum communicat. Tamburin. d. §. 7. num. 57. in lib. de SS. Comm. & Cardin. de Lugo de Euchar. disp. 14. num. 134. Quintum tandem in baptizando puerum, non solum solemniter, sed etiam in necessitatis casu, more laico: semper enim peccat mortaliter, qui existens in peccato baptizat, ut pluribus rationibus eruditè probat Emin. Cardin. de Lauræa d. tom. 1. de Sacr. disp. 10. artic. 4. à num. 47. & seqq. & à num. 61. siquidem præceptum amandi Deum, & servandi quod præcipit, præponderat cuicunque necessitati proximorum.

Sed Utrum licitum sit peccata venialia habenti suscipere Sacramenta nullo præmisso dolore? deprehenditur ex resolutione casus sequentis: *Clericus sciens, se plura Venialia commisisse, absque confessione, contritione, vel attritione, suscipit Sacramentum Confirmationis, Ordinis, & Eucharistiæ. Queritur, Quæ? & Quot peccata committat?* In hoc casu est distinguendum: Vel iste Clericus suorum peccatorum venialium præteritorum vix recordatur, & ad ea non reflectit in susceptione Sacramentorum; & tunc si aliàs cum devotione, & reverentia suscipit, nullum peccatum committit; ea ratione, quia peccata Venialia præterita, solo habitu manentia, per se non impediunt effectum Sacramentorum, videlicet augmentum gratiæ sanctificantis; quin potius Sanctissima Eucharistia ex opere operato delet venialia, quibus voluntas suscipiens neque Actualiter, neque virtualiter inhæret. S. Thom. 3. p. q. 79. art. 4. Layman. lib. 5. tract. 4. cap. 6. num. 1. Reginald. lib. 29. num. 111. Thom. Tamburin. de Sacramentis in genere lib. 1. cap. 3. §. 2. num. 7. & in libr. de S. Commun. cap. 1. §. 4. Volpi resol. 57. num. 18. Bissus in Hierurgia liter. E. num. 169. §. 2. & Emin. Card. de Lauræa d. tom. 1. de Sacramentis disp. 25. num. 161. Vel præfatus clericus habet actualem affectum ad ipsa sua peccata venia-

venialia, & propositum perseverandi in ipsis; & advertit ad illa; & in nihilo ea detestatur; & in hoc casu in susceptione cujuslibet Sacramenti committit novum peccatum Veniale, ob irreverentiam, & indevotionem, quibus suscipit Sacramenta cum tali pondere in anima sua; & idem dicendum esset, si in actu susceptionis Sacramentorum detestaretur de aliquo objecto veniali. Henriquez in summ. par. 1. lib. 8. cap. 45. § 2. Reginald. d. lib. 29. num. 106. Layman. d. cap. 6. num. 3. & ibi Suarez de Euchar. disp. 66. sect. 1. Diana par. 3. tract. 4. resol. 31. Quæ in Coordinato opere residet tom. 2. tract. 2. resol. 44. Maltrius in Theolog. Mor. d. 2. n. 85. & Eminentiss. Card. de Lauræa d. disp. 25. n. 129. & n. 161.

De tertio effectu Sacramentorum, qui est ornatus animæ, & auxilia quædam ad obtinendum finem, in quem singula Sacramenta sunt à Christo Domino ordinata, in his Decisionibus non agimus, quia spectat ad Scholasticos, ad quos hæc non sunt directæ, sed ad Animarum Rectores, & Confessarios, qui egent doctrina practica, & plana, non autem doctrinæ speculative. Qui cupit de eodem effectu satis claram explanationem habere legat doctissimos Salmanticenses in tract. de Sacramentis in genere tract. 1. cap. 5. punct. 3. & 4. & reperiet, ipsum consistere in augmento virtutum, & donorum spiritualium, quod causat quodcunque Sacramentum in anima præter illud gratiæ sanctificantis.

DECISIO XX.

ARGUMENTUM.

Sacramentalia Ecclesiæ exponuntur quoad eorum numerum, & quoad effectum, qui præcipuus est in delendis culpis Venialibus. Sed Utrum eas debeat ex opere operato, vel ex opere operantis

discutitur, cum aliis dubiis Sacramentalia concernentibus.

SUMMARIUM.

- 1 Sacramentalia, quæ, & quot sint?
- 2 Sacramentalia an remittant venialia peccata?
- 3 Displicentia Venialium est necessaria ad eorum remissionem.
- 4 Venialium detestatio potest esse dimidiata.
- 5 Sacramentalia an deleant Venialia ex opere operato? vel ex opere operantis? & num. 6.
- 7 Venialia ex opere operantis quomodo remittantur à Sacramentalibus?
- 8 Venialia delentur sex altis remediis, & quæ hæc sint?
- 9 Venialia peccata an in inferno deleantur?
- 10 Sacramentalia constitutus in Mortali an mortaliter peccet?

Ultimo loco antequam concludamus præsentis Decisiones de Sacramentis in genere, convenit, ut aliqua dicamus de Sacramentalibus. Ideo Quæritur, Quæ, & Quot sint Sacramentalia? Omnes Theologi, & Canonistæ docent Sacramentalia esse sex, contenta hoc carmine: *Orans, Tinguens, Edens, Confessus, Dans, Benedicens*, quod refertur communiter à Doctoribus, & ab iisdem pariter declaratur; videlicet à Paludano in 4. diff. 16. qu. 1. art. 2. conclus. 4. à Reginaldo in Praxis. Pœnit. lib. 5. num. 43. à Bonacina tom. 1. De Pœnitentiæ Sacramento disp. 5. quæst. 6. sect. 2. punct. 2. à Volpi in Resolut. Moral. Verb. Veniale, Introductio, num. 4. à Jordano in Scheda Sacramentorum. tom. 1. lib. 3. tit. 7. pag. 272. col. 2. à Joan. Baptista Casalio De Veterib. Sacris Christianor. Ritibus cap. 4. in fin. Et ab Emin. Card. de Lauræa in 4. sent. tom. 2. disp. 15. art. 12. de Sacri. Pœnitentiæ.

Orans denotat Orationem Dominicalem, quæ præcipuum inter Sacramen-

mentalia obtinet locum, tanquam influita à Christo Domino Dei Filio, & Supremo Præceptore nostro; & de ea habemus textum in cap. *De quotidianis* 20. de *Pœnit. dist. 3.* Quamvis alii intra Sacramentalium numerum reponant quamcunque orationem Deo devotè factam; juxta illud *Prov. 15. Orationes iustorum exaudies.* Et *Matth. 7. Petite, & accipietis.* Et *Marc. 11. Quaecunque orantes petitis, accipietis;* cap. *Importuna,* de *Pœnit. dist. 1.* & præcipuè si oratio fiat in Ecclesia consecrata, & Deo dedicata. S. Thom. 3. p. q. 87. art. 3. in corp. Faciunt collectæ, in Missa de *Dedicat. Ecclesiæ.*

Tinctus significat eum, qui attingit aquam benedictam, vel ea aspersus se signat; ipsa enim benedicta aqua est inter Sacramentalia antiquitus relata, & ejus benedictio habetur ex Apostolica traditione, ut eruditè demonstrat ex SS. Patrum testimoniis Cafalius de *Veterib. Sac. Chr. Ritib. cap. 36. & est text. in cap. Aquam 20. de consecrat. dist. 3.* Quamvis alii intelligant sub Voce *Tinctus* etiam unctiones, quas adhibet Ecclesia in consecratione Episcoporum, Abbatum, Sacerdotum, & Regum, de quibus tamen nullum habemus textum apertum, prout extat de Aqua benedicta; ut doctè observat Eminentiſſ. Cardin. de Lauræa d. tom. 2. de *Sacram. Pœnit. disp. 15. art. 12. n. 331.* & S. Antonin in *sum. p. 3. tit. 12. cap. 10. §. 3.*

Edens complectitur comestionem eorum, quæ à Sacerdotibus sunt benedicta, juxta ritus, & orationes ab Ecclesia Romana præscriptas circa quaecunque comestibilia in Rituali Romano; & præcipuè tempore Paschali, videlicet Panem, Ova, Agnum, ac alios cibos; quos quidem Sacerdotali benedictione refertos antiqua traditio reposuit inter Sacramentalia; ex quibus, ut infra demonstrabimus, procedit remissio peccatorum Venialium, dum devotè comeduntur; siquidem orationes ferè omnes, quæ habentur in Rituali Romano sub

Rubr. Benedictiones esculentorum implorant à Deo tum corporis, tum animæ sanitatem sumentibus; & idèd Panis benedictionem incepisse ab Apostolorum Principe Divo Petro notat Abdia lib. 2. *Hist. Apostol.* quem allegat Bissus in *sua Hierurgia tom. 1. litt. B. num. 91. §. 10. pag. 116.* ubi subdit §. 11. quòd fruzum benedictio initium sumpsit à S. Clemente Papa, quamvis ab Eutichiano Papa scribat Emin. Cardin. Baronius ann. 283. Et equidem mos antiquissimus apud priſcos fideles fuit, ut singulis diebus Dominicis alterum ab Eucharistia panem Sacerdotes celebrantes benedicerent, & eum Cathecumenis, ac etiam baptizatis, corpus Christi non sumentibus, manducandum darent, quem Græci appellant *Eulogia*; & hunc inter Sacramentalia Doctores numerant. Cafalius, de *Veter. Sac. Chr. ritib. cap. 21. Vers. Communio per Eulogias.* & cap. 36. in fin. ubi eruditè materiam tractat, & antiquos scriptores cumulat. Duran. de *Ritib. Eccles. lib. 2. cap. 58.* & tangit Emin. Cardin. de Lauræa d. tom. 2. *disp. 15. art. 12. num. 332.*

Confessus parit quartum Sacramentale, scilicet Confessionem generalem, quæ fit ante Introitum Missæ, & in officio ad Primam, & ad Completorium; quæ habet virtutem delendi Venialia ob nimiam humiliationem, & pectoris tunctionem, quam facit Christianus in illius recitatione, ad exemplum Publicani, qui percutiendi pectus suum, & confitendo se peccatorem, reversus est justificatus in domum suam. *Luc. 18. 14.* Et de hac loquitur S. Thomas 3. p. d. q. 87. art. 2. Cafalius d. cap. 4. in fin. ac omnes DD. supra in principio relati, quamvis textum non habemus manifestum, à quo hoc Sacramentale signetur; ut bene notat Eminentiſſ. Cardin. de Lauræa d. *disp. 15. art. 12. num. 333.*

Dans insinuat elemosynam, quæ pariter reputatur unum ex Sacramentalibus cancellans peccata venialia. cap. *Quamobrem.* cap. *Medicina,* & cap.

52 De Sacramentis in genere. Decif. XX.

Medicamentum. de Pœnitent. diff. 1. Et exeat Veritatis oraculum Luc. 11. 41. Date eleemosynam, & ecce omnia munda sunt vobis.

Benedicens tandem assignat sextum Sacramentale valens ad dimissionem venialium culpæ; idest Benedictionem Episcopalem; in cuius receptione specialem religionis actum homines exercent; de qua tamen nullus reperitur textus in Jure Canonico, teste Eminentiss. Cardin. de Lauzæ d. disp. 15. artic. 12. num. 335. Quamvis Eminentiss. Cardin. Brancacius in suis *Dissertationib. De Benedictione Diaconali* pag. 270. ad probandum hunc effectum Episcopalis benedictionis delentis peccata Venialia, alleget *tex. in cap. Distum eff. 1. qu. 1. Et secundum alios comprehendit hoc nomen alias solemnes benedictiones institutas ab Ecclesia, puta Cinerum, Candelarum, & Palmarum; ad effectum, ut fideles devotè recipientes easdem palmas seu candelas, vel cineres tanquam quid Sacramentale, & ab Ecclesia benedictum, reportent remissionem venialium peccatorum, præter alia corporalia adjumenta; quod satis expriment orationes in Missali positæ, quas recitant Sacerdotes benedicturi prædicta Sacramentalia. Henriquez in sum. lib. 1. cap. 20. num. 4. & lib. 9. cap. 6. n. 2. Azor. Instit. Moral. lib. 4. cap. 11. per totum. Et Greg. de Valent. tom. 4. q. 4. de Pœnit.*

Quod si petamus, A quo sint instituta Sacramentalia? reperitur ab omnibus dictum, ab ipsa Ecclesia quocunque Sacramentale habuisse originem; & quidem ab initio ipsius Ecclesiæ Catholicæ; adeò ut plura Sacramentalia censeantur instituta à Sanctis Apostolis, ut suprà de benedictione Panis, cujus auctor refertur divus Petrus, innuimus; & hoc testantur absque ulla hæsitacione DD. omnes suprà relati numero primo in principio; quibus adscriptur Bissus in *Hierurgia litt. S. verb. Sacramentalia numer. 30. §. 4. P. Candidus in Compend. dis-*

quisit. moral. disp. 35. artic. 3. num. 6. Et Caramuel in Theol. Fundamentali num. 2047. & seqq. ubi eruditè ostendit, Ecclesiam tanti fieri à Sponso suo Christo, & tanto amore prolequi, ut ei permittat Sacramentalia instituire ad similitudinem Sacramentorum; ac eadem Sacramentalia ob orationes Ecclesiæ ita elevet, ut valeant venialia condonare. Nugnus, quem citat Gobat tract. 6. num. 240.

Hinc apud Scholasticos, ac Morales invenitur propositum hoc Quæsitum: *An prædicta Sacramentalia remittant peccata Venialia? Et an ipsa remissionem Venialium fiat ex opere operantis, vel ex opere operato?*

Circa primam partem hujus quæsitæ, omnes affirmant; Sacramentalia valere ad delenda peccata Venialia, ex universali Theologorum assertione, quæ probatur tum auctoritate Sacrorum Canonum suprà relatorum in expositione cujuslibet Sacramentalis, tum verbis Sacri Tridentini Concilii sess. 14. cap. 3. docentis, non esse necessarium venialia confiteri, quia ipsa possunt multis remediis expiari; quæ quidem præcipua sunt Sacramentalia, quorum antiquissimus usus est in Ecclesia; & quæ fuerunt ad hunc præcipuum effectum instituta; scilicet pro Venialium, & quotidianarum expiatione culpæ. Cæterum doctiores studiosissimi hujus Cleri adnotarunt, necessarium esse ad obtinendam remissionem venialium culpæ virtute Sacramentalium, ut de eis habeatur displicentia saltem virtualis, quia peccatum etsi veniale nunquam remittitur, quamdiu ipsum vel actu, vel virtute placet; manente enim causa manet effectus. S. Thom. 3. p. qu. 87. art. 3. ubi ait, requiri peccati venialis detestationem explicitam, vel implicitam, seu virtualem, quæ tunc contingit, cum fidelis homo sic affectu fertur in Deum, & res Divinæ, ut quidquid sibi in memoriam occurreret, quod ab eo motu ipsum retardaret, displiceret ei, ac doleat, scilicet

fe illud aliquo modo commiffiffe; & eliceret propofitum faltem virtuale caven- di in pofterum ab eodem veniali, & illud emendandi, & vitandi. Diana Coordinatus tom. 1. tracl. 3. refol. 100. num. 9. Extractus ex antiqua fede po- fita in part. 11. tracl. 5. refol. 22. Azor. d. libr. 4. cap. 11. Valentia d. tom. 4. qu. 4. de Pœnitent. & Sotus in 4. Sent. dift. 15.

Porro non eft neceffe, omnia ve- nialia detestari, & ab omnibus velle
4 abstinere; quia poffunt aliqua deleri, de quibus fcilicet dolemus, & propo- nimus abstinere faltem virtualiter; & alia non deleri; illa videlicet, quibus affectus nofter inhæret; & ratio eft, quia aliquod Veniale etfi placeat, non eft obex divinæ gratiæ in animam inducendæ, nec remiffionis concedendæ aliorum venialium, quorum extat de- testatio, & diiplicentia. Volpi ante re- fol. 189. Verb. Veniale in Introducl. num. 1. Gobat in Experim. Theol. d. tracl. 6. num. 239. Reginald. in Praxi fort. Pœ- nitent. lib. 5. num. 44. 45. 46. & 47. & Emi- nentiff. Cardin. de Lauræa d. tom. 2. dif- put. 15. num. 454.

Quo verò ad fecundam partem quæ- fiti; fuit in medium producta illa in-
5 ter Theologos graviffima quæftio; de modo fcilicet, quo Sacramentalia de- leant culpas veniales; in qua ferè om- nes Thomiftæ afferunt, remiffionem fieri ex opere operato; & e contra Sco- tiftæ fuffinent, dictam remiffionem pro- cedere ex opere operantis. Pro rudio- rum intelligentia notandum, remiffio- nem ex opere operato referri ad pro- priam virtutem, & efficaciam ipforum Sacramentalium; remiffionem verò ex opere operantis pendere à merito, fide, & interno motu ipfius hominis Sacra- mentalibus utentis.

Seftatores prioris opinionis, quòd fcilicet Sacramentalia deleant venia- lia ex opere operato, his præcipuè ni- tuntur rationibus; videlicet, quia illud Sacramentale elevatur à Deo, & tanta virtute roboratur, ut poffit pertingere ufque ad animam hominis fidelis, &

ex ea expellere veniales culpas, median- tibus meritis Chrifti, & orationibus Ec- clefiæ, cui Chriftus potestatem dedit ta- lia Sacramentalia inflituendi, ex pro- pria fua magnificentia. Et quamvis re- quiratur in fidele utente Sacramentali- bus pius affectus, qui detestetur venia- lia; tamen pereum non destruitur vjs, & efficacia propria operis operati: quia ut plurimùm ille affectus detestativus culparum ex fe effiet infufficiens ad eas delendas, fivè non ad omnes; Ita P. Can- didus d. difquif. 35. artic. 3. Gonet in Clypeo Theolog. Thomift. tom. 5. tracl. 5. difput. 4. num. 57. Filliuce, tom. 1. tracl. 6. cap. 5. num. 129. Fagund. Præcept. 2. lib. 2. cap. 1. num. 11. Henriquez libr. 1. de Pœnitent. cap. 15. num. 8. Bellarmin. tom. 3. de Sacramen. lib. 2. cap. 31. §. Ter- tia propofitio. Sotus in 4. dift. 15. qu. 2. art. 3. Canus de Locis Theolog. lib. 2. cap. 13. ad arg. 9. Gregor. de Valentia tom. 4. difput. 7. quæft. 4. punct. 1. Verf. Secundo afferimus. Nugnus in 3. part. tom. 2. quæft. 87. artic. 3. diff. 2. & Dia- na Coordinatus tom. 1. tracl. 3. refolut. 1. quæ in veteri eft part. 3. tracl. 4. reso- lut. 61. Et Summa ejus in Verb. Aqua be- nedicta. Eminentiff. Cardin. de Lu- go tom. de Pœnitent. difput. 9. fecl. 4. Mafftrius in 4. Sent. de Pœnit. Sacr. dif. 5. q. 9. art. 2. & in Theolog. Moral. d. d. 21. num. 86.

Contrariam opinionem tuentes di- cunt, Sacramentalia delere veniales culpas ex opere operantis; nam dele- tio ex opere operato fpectat ad fola Sacramenta, quæ funt inflituta à
6 Chrifto Domino, cujus folius eft in- flituere figna fenfibilia ad caufandam gratiam, & ad delenda peccata; & hanc potestatem nullibi legitur fuiffe datam Ecclefiæ ultra Sacramenta. Ul- teriùs in ufu Sacramentalium requi- ritur bonus motus voluntatis in uten- te; itaut vel eliciat actum pœnitent- iæ formalis, vel virtualis, aut ad fummum referat ipfum ufum Sacra- mentalium ad talem finem, ut fua peccata venialia deleantur. Ergo re- miffio fit ex opere operantis; alioquin
etiam

etiam dormienti possent deleri venialia per aspersionem aquæ benedictæ. S. Bonavent. in 4. diff. 21. artic. 1. quæst. 2. Suarez in 3. part. tom. 4. disput. 12. sect. 5. num. 5. Villalobos, & Coninch. citati à Diana Coord. d. tom. 1. tractat. 3. resol. 1. §. 1. Bonacina tom. 1. disput. 5. quæst. 6. sect. 2. punct. 2. num. 4. Volpi d. resol. 189. num. 1. Bissus in Hierurgia Verb. Sacramentalia num. 50. §. 4. Cotonius lib. 2. controuv. 15. in Appendice de Sacramentalib. num. 4. Eminen. Cardin. de Lugo de Pœnitentia disput. 9. sect. 4. Eminentiss. Cardin. de Lauræa d. tom. 2. de Sacramento Pœnit. disput. 15. art. 12. & Mastrius loc. cit.

In hac controversia Theologica nostrum non est sententiam ferre, cum legales, seu Canonicas soliti simus lites dirimere. Fas tamen sit conciliare 7 utramque opinionem dicendo, quod si *ly ex opere operato* accipitur in proprio sensu, quatenus significat illud, quod de condigno, & infallibiliter ex meritis alterius datur, vel operatur, probabiliorem esse secundam opinionem, nam Sacramentalia de se per se tantum, cum non sint à Christo Domino instituta, non videntur habere virtutem delendi venialia ex condigno, & infallibiliter. At in sensu minus proprio, si accipiamus *ly ex opere operato*, quatenus scilicet ultra sanctitatem Sacramentalium comprehendit motum, quem ipsa excitant in utente, pœnitentiæ aut formalis, aut virtualis, aut ad summum relationis eorumdem Sacramentalium ad illum finem obtinendi deletionem venialium; qui motus est necessarius in ipso utente, ut supra diximus, tunc sustineri potest, & admitti etiam prima opinio; ut distinguendo concludit Mastrius in Theol. Moralit. d. disput. 21. quæst. 4. artic. 1. num. 87. & 88. Caramuel in Theolog. fundament. num. 2047. & P. Philippus à SS. Trinit. Carmelita exalceat. in 3. p. tract. de Sacrament. in genere disput. 10. dub. 5.

Et occasione hujus casus, & remissionis Venialium culparum per Sacra-

mentalialia, studiosi plurimi dedere sex remedia, quibus ultra Sacramentalia deleatur Veniale peccatum quo ad culpam.

1. Per Sacramentum Pœnitentiæ;
2. Per contritionem absque Sacramento;
3. Etiam per attritionem sine Sacramento in homine iusto, & secundum aliquos etiam in habente mortaliam; (quamvis id neget de utrisque Vasquez in 3. p. tom. 4. disput. 87. art. 16. dub. 1. num. 6. quem confutant Doctores infra citandi);
4. Per actus Christianarum virtutum factos ab homine iusto, nempe fidei, charitatis, misericordiæ, temperantiæ, & similes.
5. Per susceptionem aliorum Sacramentorum, nempe Confirmationis, Eucharistiæ, Extremæ Unctionis, Ordinum, & Matrimonii, concurrente in homine iusto vel attritione eorumdem Venialium, vel saltem virtuali quadam detestatione; aut intentione suscipiendi illa Sacramenta in remissionem peccatorum; seu in eum finem, in quem sunt instituta.
6. Tandem remittuntur Venialia etiam quo ad culpam in alia vita, vel in transitu animæ ex hoc corpore, vel intuitu præcedentium meritorum, vel in Purgatorio per satisfactionem. In inferno autem Venialia conjuncta mortalibus nunquam delentur quo ad culpam, etsi plures Theologi concedant, ea deleri quo ad prenam. Mastrius in Theol. Mor. d. disput. 21. artic. 1 & 2. Gobat tract. 6. à num. 230. & seqq. Greg. de Valentia tom. 4. disput. 7. q. 4. punct. 2. & 3. Diana Coordin. d. tom. 1. tract. 3. res. 105. & res. 106. Quæ in veteri sedent part. 3. tract. 4. resol. 116. & part. 11. tract. 5. resol. 31. Volpi resol. 190. per totam. Bonacina d. tom. 1. disp. 5. q. 6. sect. 2. punct. 3. & punct. 4. Gonet tom. 5. tract. 5. de Pœnitent. disput. 4. art. 1. 2. 3. & 4. à pag. 368. & seqq. Eminentiss. Cardin. de Lugo d. tom. de Pœnitent. disp. 9. sect. 1. 2. 3. & 4. & copiosissime Eminentiss. Cardin. de Lauræa d. tom. 2. in 4. Sentent. disput. 15. art. 9. & seqq. usque ad art. 13. ubi supranotatas Theologicas opiniones subtiliter discutit, & explanat.

Postre-

Postremo pro conclusione hujus disputationis de Sacramentalibus, decidendus venit etiam subsequens Casus. *Parochus in mortali peccato existens benedixit Aquam lustralem, Paschalem agnum, Salem, & Panem; ac Sacram Eucharistiam portat in Processione. Queritur, an peccet mortaliter?*

Alii dicunt, non peccare mortaliter; alii verò affirmant, quòd mortaliter peccet: siquidem Doctores extant plurimi pro utraque opinione. Qui excusant à mortali operantem supradictas functiones in mortali, innituntur huic rationi; scilicet quia functiones illæ non sunt Sacramenta; obligatio autem se constituendi in statu gratiæ videtur urgere solummodò in administratione Sacramentorum, tum ob eorum excellentem Sanctitatem, tum quia in Sacramentis minister concurrit immediatè ad sanctificationem animarum tanquam organum Spiritus Sancti. Vasquez, qui est hujus opinionis antesignanus, in 3. p. disput. 136. de Sacram. cap. 4. num. 48. Thom. Tamburin. de Sacram. in genere libr. 1. cap. 2. §. 3. num. 3. Paul. Mar. Quartus de Benedictionib. tit. 1. sect. 4. dub. 10. Prim. diff. Volpi resol. 140. num. 18. & 19. & magis expressè in resol. 168. num. 14. & 15. Ubi Ledesma, Nugnus, Suarez, & Sorus, tenentes, dictum Parochum peccare tantummodò venialiter. Coton. lib. 2. contravers. 1. num. 50. Gobat de Sacr. tract. 1. num. 34. & tract. 4. num. 387. & Eminentiss. Cardin. de Lugo de Sacram. in gen. disput. 8. sect. 9. num. 152. ubi tamen num. 156. vult Episcopum consecrantem Christma, & benedicientem oleum infirmorum in

statu peccati, peccare mortaliter; et si contrarium sentire Emin. Cardin. Palavicinum referat Coton. d. num. 50.

E contra qui tenent, ministros Ecclesiæ culpa lethali fœdatos exercentes supradicta munia Ecclesiastica peccare mortaliter, moventur his rationibus, videlicet, quia scriptum est: *Ambulans in via immaculata hic mihi ministrabat*, Psal. 100. Quia naturale præceptum esse videtur, Deo sanctè, & immaculatè ministrare. Quia graviter offenditur Princeps, si servus, quem ipse odio habet, ut inimicum, à quo maxime fuit læsus, audeat intimis Principis servitiis se immiscere; videtur enim Dominum continere: ideo habentur exempla, in quibus narratur, Deum punivisse morte subita, & horribili exercentes functiones Ecclesiasticas in mortali peccato. Ita Navar. in Man. cap. 27. num. 163. Cajetan. 2. 2. qu. 187. Medina de Pœnitent. tract. 1. q. 6. Bonacin. de Sacram. in gen. disp. 1. q. 3. punct. 2. §. 1. num. 9. & 13. Sayr. de Sacr. lib. 2. cap. 7. q. 1. artic. 5. Angel. Verb. Clericus 8. §. 1. Sylvest. eod. Verb. 2. num. 2. Sà Verb. Ordin. num. 31. & Laym. lib. 5. tract. 1. cap. 5. num. 10. Vers. Affirmantem verò partem. Silvius, & Filliucius apud Mastrium in Theolog. Moral. disput. 16. num. 42. ubi hanc opinionem tutiorem appellat; & eam amplectendam censet Curia nostra; attenta potissimum auctoritate Eminentiss. Cardin. de Lauræa, qui huic constanter adhæret ob suam eximiam animi pietatem; & eam scripturis, & rationibus corroboratum in tract. de Sacrament. in genere disput. 10. art. 4. num. 49. & 63. tum in tract. de Sacram. Ordinis.

DE SACRAMENTO BAPTISMI.

DECISIO XXI.

ARGUMENTUM.

Declarat præsens Decisio, quid significet hæc Vox Baptismus?

Eam non esse in usu apud omnes nationes demonstrat. Duas definitiones Baptismi refert. Unam Magistri Sententiarum; alteram Scoti.

SUM-

SUMMARIUM.

1. *Baptismus quid sit, & quid significet?*
2. *Baptismi Vox non est in usu apud omnes nationes, sed aliae voces; & Quae?*
3. *Baptismus quibus vocibus vocatus à SS. Patribus.*
4. *Baptismi definitio. Et num. 5.*

OMnes Scholaſtici, & Moralistæ, post tractatum de Sacramentis in genere, descendunt ad particularia; & quia Baptismus est omnium janua, ac principium, & prius aliis institutus; ideo agunt statim de Baptismo. Nos quoque eorum vestigia sequentes Decisiones de Sacramento Baptismi aggredimur, pro exercitio Litterario DD. Parochorum, & Confessariorum; & primò Quærimus, Quid sit Baptismus? In responsis ad hoc quæsitum: Præmiserunt studiosiores Amplissimi hujus Cleri Patavini, *Baptismum*, secundum vim græci vocabuli, importare *Lotionem*, seu *Lavacrum*; sed hoc vocabulum esse quid sacrum apud Latinos, non enim usurpatur ad significandam quamcumque lotionem, sed restringitur ad innuendam solummodo ablutionem Sacramentalem; quod etiam observatur apud nationes non utentes hac voce *Baptizo*, nempe Dalmatam, Polonicam, Bohemicam, Ruthenicam, Moravicam, Moscoviticam, Sclavonicam, & alias; in quarum linguis Verbum, quod adhibent, ad demonstrandam baptismalem ablutionem, est quid separatum à communi voce abluendi in rebus profanis; & hoc ob reverentiam Sacramenti, ut eruditè notat Maſtrius in *Theol. Moral. disp. 17. num. 2. & in 4. Sent. disp. 2. num. 29.* atque Emin.

2. Cardin. de Lugo in *Responsis Moral. lib. 1. dub. 3.* ubi examinat formam baptismi, qua utuntur Dalmatæ, idest, *Jatebe Karſtim*; licet enim *Karſtim* idem sit, quod *ablus*; non tamen infert quamcumque ablutionem, sed illam sacram baptizandi; ideoque communi sensu *Jatebe*

Karſtim interpretatur apud ipsos, *Ego te Chrſtizo*; quod verè, & propriè relevat *Ego te Baptizo*; Idem declarat de supradictis aliis nationibus *d. lib. 1. dub. 3.* & de Arabis, qui utuntur verbo *Fingo*, pro verbo *baptizo*, ut docet Magrius in *Hierolexico in Verbo Fingo*.

Porro non desunt aliæ voces, seu vocabula, quibus per Sanctos Patres significatus fuit Baptismus, veluti *Consecutio* à S. Cypriano *lib. 3. Testim. contra Jud. eos cap. 97.* *Illuminatio* in vita sancti Marci Presbyteri. Magrius in *Hierolex. verb. 3. Illuminatorius. Regeneratio*, seu *Præsidium* à S. Joanne Damasceno *lib. 4. de fide cap. 10.* *Vaticum* à S. Basilio, & à S. Gregorio Nazianzeno, ut observat Eminentiss. Cardin. Brancatius in suis *Dissertationibus tit. De Sacro Vatico pag. 149.* omiſſis aliis vocibus, quas cumulat Layman *lib. 5. tract. 2. in princip. cap. 1.* & Petr. Gregor. *Synagmat. Jur. Univ. par. 1. lib. 2. cap. 4. num. 19.* Porro hæc nomina sunt potius elogia, & laudes baptismi; quam vocabula propria significantia ejus quidditatem, consistentem in ablutione; ut eleganter notat Eminentiss. Cardin. de Lauræa in *4. Sentent. tom. 1. disp. 12. art. 1. num. 2.*

His prænotatis plurimæ à plurimis transcriptæ sunt definitiones baptismi juxta sensum Moralistarum, quibus Parochi, & Confessarii dant operam. At duas tantum hic reponendas censui; *Primam* Magistri Sent. in *4. dist. 3.* videlicet, *Baptismus est ablutio corporis exterior facta sub præscripta forma Verborum.* Et quamvis cum ea videatur transire S. Thom. *3. p. q. 66. art. 1.* nihilominus non censetur bona definitio, quia si quis baptizaret canem, vel aliud animal, aut librum, (ut quandoque malefici faciunt. Delirius *Disquisit. Magic. lib. 6. Sect. 15. Vers. Dico 4.*) & recitaret formam præscriptam baptismi, non faceret baptismum; & multò minus si baptizaret invitum, (ut de Judæo quodam per vim baptizato, at deinde in Rhenum demerso à quodam Lutherano, narrat Menoch. in *Stor. part. 1. cap. 23.*) vel se ipsum, vel alio liquore,

liquore, quàm aqua; vel joco, aut sine intentione quis vellet baptizare, & tamen in his omnibus casibus esset ablutio corporis exterior facta sub præscripta forma verborum; ut doctè considerat Mastrius in *Theolog. Morali disp. 17. q. 1. art. 1. n. 3.* & Layman. *d. libr. 3. tract. 2. cap. 1. num. 1.*

Idcirco *Alteram* hic inferendam dixi definitionem, quæ est Scoti in *4. Sent. dist. 3. q. 1.* his verbis conceptam: *Baptismus est Sacramentum ablu-tionis animæ à peccato, consistens in ablu-tione hominis aliquàlter consentien-tis, facta in aqua ab alio abluente, & in verbis certis simul ab eodem abluente, cum debita intentione, prolatis.* Hæc definitio, etsi ab aliquibus vellicetur, est optima; nam constat gene-re, & differentia. Ly *Sacramentum* est genus metaphysicum; Baptismus enim est species Sacramenti. Ly *Ablu-tionis animæ à peccato*, designat differ-entiam tum ab aliis materialibus ablu-tionibus corporum; tum ab aliis Sacra-mentis. Ly *consistens in ablu-tione hominis aliquàlter consentientis*, distin-guit baptismum validum ab invalido, qui datur invitis, & non consentien-tibus; & denotat materiam proximam cum subiecto, quæ est ipsa ablutio ho-minis dantis consensum ablu-tioni. Ly *facta in aqua*, ostendit materiam re-motam, & expuit alios liquores. Ly *In certis verbis simul ab eodem abluente cum debita intentione prolatis*, as-signat formam, & intentionem in mini-stro requisitam. Quare hæc definitio omnibus numeris absoluta reputatur à Mastrio in *Theol. Morali. d. disp. 17. q. 1. art. 1. num. 3.* & in *4. Sent. disp. 2. q. 2. num. 32.* ubi signat omnes causas, scilicet *Materialem* ex aqua, *formalem* ex verbis, *efficientem* ex intentione mi-nistri, *finalem* ex ablu-tione animæ à peccato, & *subiectivam*, ex homine aliquàlter consentiente: quod latius ex-plicat, & docet Emin. Cardin. de Lau-razæ *d. tom. 1. dispus 12. art. 1. per so-lum*:

DECISIO XXII.

A R G U M E N T U M.

Differentiæ de Baptismo S. Joannis Baptiste. Quo anno natus, & ingressus desertum? Quid essent locustæ, & mel sylvestre, quibus vescébatur? Quo anno cœperit prædicare? Et qui tunc principabantur in Judæa? Tandem referuntur duodecim differen-tiæ inter baptismum S. Joannis Baptiste, & nostrum.

S U M M A R I U M.

1. Baptismi S. Joannis Baptiste, & nostri quæ sit differentia?
2. S. Joannes Baptista quo anno natus, & qua ætate ivit in desertum?
3. Desertum ubi esset, in quo habita-bat S. Joannes Baptista?
4. Locustæ, quibus vescébatur S. Joannes Baptista, quid essent? Et quid Mel sylvestre?
5. Prædicatio quo anno assumpta à S. Joanne Baptista?
6. Textus S. Lucæ cap. 3. explicatus.
7. S. Joannes Baptista an circuitet vi-cos, & castella prædicando?
8. CHRISTUS Dominus quo anno baptizatur?
9. Differentiæ duodecim inter baptis-mum S. Joannis, & nostrum.
10. Forma baptismi S. Joannis Baptiste quænam esset?

Subindè pro ingeniorum exercitatio-ne querendum censui à nostro Clero, Quæ differentia sit inter Baptis-mum S. Joannis, & nostrum? Pro in-telligentia quæsti, plures scribentes, Chronologiæ, Geographiæ, & Histo-riæ Ecclesiasticæ studiosi, præmiserunt infra-scriptas annotationes circa perso-nam sancti Joannis Baptiste Præcur-soris Domini.

Primò, quòd iste Sanctus natus anno ab orbe condito 4051. à puerili ætate cepit inhabitare desertum, juxta Ecclesiæ testimonium in illis verbis:

*Antra deserti teneris sub annis,
Civium turmas fugiens, petisti.*

Porro cujus ætatis esset sanctus Præcursor, quando desertum adivit, non est expressum in Scripturis sacris. Nonnulli autumant, secundo ætatis suæ anno delatum fuisse à Parentibus in desertum, ut eum ab Herode sævientie in pueros à bimatu, & infra, subtraherent; & ibi à S. Elisabeth ejus genitricæ educatum in spelunca, post matris mortem ab Angelis nutritum eremiticam vitam duxisse. In odium autem ejus fugæ, & subtractionis S. Zacchariam ejus Patrem occisum fuisse inter templum, & Altare jussu Herodis. Ita Nicephor. in *Hist. lib. 1. cap. 14.* Cedrenus in *Compend. Hist.* relatus à Card. Baronio in *Ecclesiasticis Annal. Anno 1. num. 53.* Torniell. in *Annalib. ad Annum 4051. num. 28.* & Sallian. eodem Anno num. 33.

Secundò: Desertus autem locus, in quo moratus est sanctus Joannes Baptista, erat infra Jerusalem, & Jericho, incipiens ab Anator, & se extendens usque ad desertum Tecue, & Engaddi erga Galgalam propè mare mortuum. Menoch. in *Hist. Sacra lib. 2. cap. 1. num. 3.* Et in hoc deserto gloriosus Præcursor vitam agebat asperissimam; siquidem, ut scribit Evangelista: *Ipse Joannes habebat vestimentum de pilis Camelorum, & zonam pelliceam circa lumbos suos; esca autem ejus erat locustæ, & Mel sylvestre. Matth. 3. 4.* Cæterum disputant Sacri expositores, quid intelligendum sit pro locustis, & quid pro melle sylvestri? Circa locustas, quæ Græcè dicuntur *αἰπιδες*, acridæ aliqui putantur eas fuisse pyros sylvestres, quas Græci *αἰπιδες* appellant, unde Columella *lib. 10.* cecinit: *Palmisibusque fertis lætatur, & aspera sylvis Acbrados.*

Ebionitæ hæretici, relati à S. Epipha-

nio hæref. 30. legebant *αἰπιδες* *ενεριδες*, nempe placentas compositas ex oleo, & melle; at tali exquisito cibo usum fuisse S. Præcursorem non est credendum. Alii legebant *αἰπιδες* *αχαριδες*, idest caneros, sed quomodo hoc genus piscium poterat esse in deserto? S. Athanasius in *Scholiiis novi testamenti* scripsit, quòd *Locustæ non animate sunt, sed herbe sic dictæ; & concordant B. Isidorus Pelusiota lib. 1. epist. 132. dicens: Non sunt locustæ animalia, ut nonnulli putant imperiti, similia scarabæis, sed æpiquiores acremones, idest germina herbarum; nec non Abulenlis, Eutimius, & Brocardus ab eo citati super d. cap. 3. Matth. asserentes, locustas fuisse herbas amaras, quibus Monachi vescabantur in deserto prope Jordanem. Nihilominus communis est opinio antiquorum, quòd locustæ essent animalia similia cicadis, quibus vescabantur Æthiopes, Parthi, & aliæ nationes Orientales, teste Plinio *lib. 6. cap. 30. & lib. 11. cap. 29.* undè Diodorus Siculus *lib. 3. cap. 3.* vocat eos *Acridofagos*, idest comestores locustarum, & ad stipulatur auctoritas S. Hieronymi ita scribentis in *lib. 2. contra Jovinian. Orientalibus, & Lybie populis, quia per desertum, & calidam eremi vastitatem locustarum nubes reperiuntur, ita vescentis moris est. Hoc verum esse Joannes quoque Baptista probat.* Et hæc opinio est valde probabilis, tum quia locustæ erant cibus mundus, Hebræis permixtus. *Levit. 11. 22.* tum quia erant cibus pauperum, & comedebantur, vel coctæ in aqua, vel assæ ad ignem, aut exsiccatae ad Solem, ut nos facimus de Halecibus vulgò *Arringbis*: quod notat Mercurialis *Variat. lect. lib. 2. cap. 20.* & Menoch. in *Hist. Sacra lib. 1. cap. 9. num. 11.* Mel autem sylvestre erat opus apum sylvarum confectum in arboribus, ingratißimum gustui, & de eo B. Isidorus Pelusiota in *cit. epist. 132.* testatur, quòd summè amarum est, & gustatui omni infestum, atque inimicum.*

Tertiò:

Tertiò: Cùm itaque sanctus Joannes Baptista tantam vitæ austeritatem, abstinentiam, & mortificationem ageret in deserto; & pervenisset ad ætatis suæ trigessimum primum annum (qui erat ab orbe condito 4081. & Imperii Tiberii Cæsaris decimus quintus,) habuit revelationem à Deo exeundi ad prædicandam poenitentiam, baptizandos homines, & testificandum de Messia; quòd jam advenisset, juxta Evangelicam narrationem Sancti Lucæ c. 3. ita scribentis: *Anno quindicesimo Imperii Tiberii Cæsaris, procurante Pontio Pilato Judæam, Tetrarcha autem Galilææ Herode; Philippo autem fratre ejus Tetrarcha Ituræ, & Tracanitidis regionis, & Lysania Abilinae Tetrarcha, sub principibus Sacerdotum Anna, & Caipha, factum est Verbum Domini super Joannem Zaccbariæ filium in deserto. Et venit in omnem regionem Jordanis prædicans baptismum poenitentiae in remissionem peccatorum.* Ad cujus Evangelici textus intelligentiam studiosi nostri notarunt; Tiberium fuisse tertium ex Romanis Imperatoribus; ejus verò nomine Pontium Pilatum tunc gubernasse Judæam, partem scilicet illam Terræ Sanctæ; quæ comprehendebat Tribus duas, Judæ, & Benjamin. Tetrarcham illum dici, qui possidebat quartam partem unius regni, etsi lato modo appellari posse, ut aliquam partem obtineret. Herodem, de quo suprà, fuisse filium alterius Herodis infanticidæ. Philippum extitisse fratrem Herodis, sed ex alia matre; nam Herodes habuit Matrem Samaritanam, Philippus autem Judæam, ut notat Josephus Flav. *Antiquitat. Judaicæ lib. 17. cap. 1. Ituræam esse regionem vicinam radicibus montis Libani, quæ extendebatur per longitudinem versus occidentem usque ad montes Tyri, & Sidonis, incipiendo à confinibus Cæsareæ, quæ ad hunc Philippum spectabat. Tracanitidem (quæ est vox Græca, & significat asperam, ac saxosam) fuisse*

se regionem contiguam Iturææ divisam à Jordane; quæ incipiebat à monte Libano, & progrediebatur usque ad mare Tyberiadis. *Lysaniam non fuisse Herodis filium advertit Barradius tom. 2. lib. 1. cap. 1. pag. 6. col. 2. ubi subdit, quisnam fuerit, latet, sed fuisse Præsidem ibi constitutum à Romanis notat Carol. Steph. in Diction. Hist. Geographic. Verb. Lysanias. At Abilinam regionem habuisse nomen à Civitate Abilæ, posita infra duos montes Libanum, & Antelibanum, (De qua Plinius lib. 5. cap. 18.) pariter notatur in d. Dictionar. Verb. Abila. Annam, & Caipham fuisse summos Sacerdotes, non simul, & eodem tempore, sed quia principales facti vicissim principabantur in templo; & Caiphas erat socer Annæ, aliàs Ananix eod. Josepho Flav. lib. 20. cap. 8. & ex Evang. S. Joann. cap. 18. num. 13. Quod latius ego declaravi in meis Decisionibus De Sacrif. Missæ Decis. XXII. num. 21. ubi auctoritates retuli SS. Patrum.*

Quartò; Igitur cùm S. Joannes venisset de deserto, & prædicando poenitentiam baptizaret, *exibat ad eum Jerosolyma, & omnis Judæa, & omnis regio circa Jordanem; Matth. 3. 5.* Sed dubitatur, an Præcursor Baptista circuitet vicos, & Civitates prædicando? nam scribit S. Marc. cap. 6. 20. Quòd Herodes audito Joanne multa faciebat, & libenter illum audiebat. Non est autem verisimile, Herodem voluisse ad desertum ire: quare sequitur dicendum, quòd S. Joannes accesserit pluries ad ejus Palatium. Ita opinatur Menochius *Hist. Sacr. lib. 2. cap. 1. num. 3. præcipue motivo charitatis, ut Herodem ab Incestuosis Herodiadis amplexibus revocaret.* At Barradius tom. 2. lib. 1. cap. 1. tenet, curiositate motum Herodem adire non recusasse usque Jordanem, ut videret Joannem, illumque audiret. Quidquid sit de superbo Herode, certum est de humiliter Redemptoris nostri JESU CHRISTI id, quod scribit

Evangelista Matthæus cap. 3. 13. *Tunc venit JESUS à Galilea in Jordanem ad Joannem. ut baptizaretur ab eo; & quamvis Joannes renueret dicens; Ego à te debeo baptizari, & tu venis ad me? baptizatus fuit; deinde cæli aperti, & Spiritus Sanctus in specie columbæ descendit, & Vox patris audita est Hic est Filius meus dilectus, in quo mihi complacui.* Dominus JESUS compleverat tunc trigessimam ætatis suæ annum, ac per dies tredecim incæperat trigessimum primum: liquidem baptismum suscepit sexta die Januarii quinto mense prædicationis Sancti Joannis, ut ex Card. Baron notat Torniel. *ad ann. 4081. num. 3. 4. & 5. Ricciol. in Chronol. Reform. lib. 8. cap. 6. num. 8.* Et novissimè Emanuel à Schelstrate Bibliothecæ Vaticanæ Præfatus *in antiquit. Eccles. Dissert. Prima. cap. 3. art. 1.*

- His prænotatis, devenientes ad resolutionem Quæsitæ, retulerunt inter Baptismum Sancti Joannis, & nostrum
1. duodecim-differentias sequentes. 1. Baptismus S. Joannis non erat Sacramentum. 2. Non erat institutus à Christo, sed à Joanne ex Divina inspiratione. 3. Non conferebatur in nomine Patris, & Filii, & Spiritus Sancti; sed in nomine venturi Messie. 4. Non debebat originale. 5. Non imprimebat characterem. 6. Non conferebat gratiam sanctificantem ex opere operato. 7. Baptizabantur à Joanne solum adulti. 8. Baptizati hoc baptismo erant rebaptizandi baptismò Christi. 9. Baptismo Joannis non baptizabantur fœminæ, sed mares tantum. 10. Illius baptismi nullus alius minister fuit præter Joannem. 11. Baptismus Joannis non erat necessarius necessitate medii, neque præcepti, sed ex consilio. 12. Non fuit perennis sed cessavit, cum S. Joannes fuit ab Herode detrusus in carcerem. Ita ex S. Bonaventura *in 4. d. 2. q. 1. & 2. ex Lodulph. de Saxonia de Vita Christi part. 1. cap. 19. ex Laymano lib. 5. tract. 2. cap. 3. num. 3. & 4. ex Bisso in Hierurgia Verb. Baptismus. §. 70. num. 18. & ex Eminentiss. Cardin. de Lauræa*

d. tom. 1. de Sacram. Baptismi disp. 12. art. 7. per totum.

Et quia fuit etiam Quæsitum Qua forma utebatur S. Joannes baptizans? Pro responsione duæ relatæ sunt opinioniones. Una Magistri sententiarum, & S. Thomæ, quos citat Suarez *tom. 2. in 3. p. disp. 25. Sect. 1. & Lodulph. de Saxonia de Vita Christi cap. 19. doctentium, formam fuisse, ego te baptizo in nomine Christi venturi; ut habetur in Actis Apost. cap. 19. in illis verbis: Joannes baptizavit baptismò Penitentiae, dicens in eum, qui venturus esset post ipsum, ut crederent. Altera Scoti, Durandi, Gabriëlis, & Soti, quos citat, & sequitur Suarez ubi supra opinantium nullam verborum formam adhibitam in baptismate S. Joannis, & eò mîdus supra relatam; tum quia Pharisei non misissent interrogare Joannem, an ipse esset Christus? cum ex forma prædicta satis notum fuisset, ipsum non esse Christum; tum etiam quia Joannes adhibuisset eandem formam baptizando Salvatorem, & ea fuisset nimis incongrua; urbane considerant præcitatæ DD. & Menoch. *in Hist. Sacr. lib. 2. cap. 3. num. 1. nec non Bissus in Hierurgia in Verb. Baptismus cit. §. 70. num. 18.**

DECISIO XXIII.

ARGUMENTUM.

Examinatur, & resolvitur, quanto tempore possit differri baptismus, tum infantium, tum adultorum? Eruditiones variae de tempore baptizandi infantes, nec non variae Synodales Constitutiones de eadem obligatione.

SUMMARIIUM.

1. Pater quanto tempore possit differre baptismum filii sui?
2. Infantes baptizandi ex traditione Apostolica.

- 3 Baptismus alicubi certis anni temporibus tantum datus.
- 4 Padue cur per octavam Pasche Parochi non baptizent?
- 5 Otto diebus tantum differre licet baptismum parvulorum?
- 6 Synodales Constitutiones de sollicito baptismo infantium loquentes.
- 7 Moralists quando non est scandalum?
- 8 Lex Ecclesiastica obligat in conscientia, & sub pœna peccati mortalis.
- 9 Episcopus an possit condere leges?
- 10 Adultus baptizandus quanto tempore differre possit baptismum?
- 11 Adulti baptizari non possunt sine licentia Episcopi.
- 12 Clinicus quis sit? Et cur sit irregularis?

Placuit autem antequam procederent studiosi nostri Cleri ad declarandas species Sacramenti Baptismi, petere ab eis resolutionem duorum Casuum. Primus est:

Pater habens infantem baptizandum, expectare cupiens nobilem Patrum, petit à Parochis per quot dies possit differre Baptismum pueri? Queritur, quid Parochus respondere debeat?

Ante solutionem hujus casus reperi apud scribentes duo notatu digna. Unum, quod non defuerint hæretici, tam ab initio Ecclesiæ, quam post ejus incrementum, qui negarunt, infantes esse baptizandos: ex eo, quia non possent fidei professionem facere: quam opinionem semper damnavit Ecclesia mandando, infantes baptizari, ut in Constit. Apostol. lib. 6. cap. 15. ibi, *Baptizate quoque parvulos vestros, & educate eos in preceptis Dei*. Et ex S. Dionisio de Eccle. Hierarch. cap. ult. ex S. Augustin. Epist. 28. & 29. & Serm. 10. de Verb. Apost. Quocirca Origines lib. 5. cap. 6. ad Roman. dicit; *Ecclesia ab Apostoli traditionem suscepit, etiam parvulis baptismum dare*. Et Concilium Melevitanum decrevit. Quod, qui parvulos recentes ab

uberibus Matris baptizandos negat, anathema sit; ut refert Casalius de Veterib. Sacris Christian. Ritib. cap. 5. pag. 36. & Menoch. in Oeconomica Christiana lib. 2. cap. 3. n. 1. ubi notat, hæreticos consuevisse, si quis moreretur sine baptismo, aliquem alium nomine mortui baptizare; quod de Marcionistis recitat S. Jo. Chrysost. hom. 40. super epist. 1. S. Pauli, & de Montanistis Sallèles de S. Inquisitione tom. 2. lib. 3. cap. 6. num. 219. qui cap. 18. num. 226. refert, Muntzerum hæreticum Anno 1524. suscitasse eandem hæresim docendo, non esse baptizandos infantes usque dum carent usu rationis; & num. 928. Michaellem Servetum pariter hæreticum ejusdem temporis voluisse, baptismum non esse dandum infantibus, sed expectandum annum trigesium cujuscumque personæ, quorum hæreticorum dementia impugnat S. Bernard. serm. 66. super Cantic. & epist. 240. illamque anathemate percussit Sacrum Trident. Concil. Sess. 7. de Baptismo. Can. 12. 13. & 14.

Alterum notabile est: quod etsi infantes ab Ecclesia semper fuerint admissi ad Baptismi Sacramentum; nihilominus in aliquibus regionibus prævaluerat consuetudo, ut non nisi certis anni temporibus, (cessante periculo mortis) baptizarentur. Hinc Concilium secundum Matisconenſe (habitum Matiscœne, quæ est Urbs in Gallia Celtica, vulgò *Mafcon*.) Can. 3. anno 586. dolet, quod *Infantes penè per singulos dies baptizentur, ita ut vix duo, vel tres repellantur in festo Pasche baptizandi*. Et Concilium Toletanum 17. iii. de Regula sanctæ fidei cap. 2. prohibet, quælibet baptizari in tota Quadragesima; adeo ut in ejus initio Episcopus sigillo suo claudat baptisterium, aperiendum in feria quinta Cæne Domini, cessante necessitate; & de his restatur Abbas Pompejus Samelli (nunc Episcopus Vigiliæ, vulgò *Biseglia*) in suis eruditis litteris Ecclesiasticis, Neapoli typis impressis Anno 1686. epist. 31. quibus videtur conformis dispositio.

dispositio textus in cap. Duo tempora 12. de Consec. dist. 4. ubi S. Leo Papa jubet dari baptismum tantummodò tempore Paschæ, & Pentecostes; quamvis Glossa ibi declaret, esse intelligendum de baptismo. folemnĩ adulterum; quod adventit etiam Petr. Gregor. In Synagm. Jur. Univ. par. 1. lib. 2. num. 17. & novissimè Emanuel à Scheltrate Bibliothecæ Vaticanæ Præfectus, de Antiqu. Eccl. in Catalog. & Actis Romanor. Pontific. pag. 467. in fine. Cæterum præfatæ consuetudines fuerunt abrogatæ ex contrario usu, & ex Constitut. 23. Eugenii Papæ IV. incipien. Cantate Domino de anno 1442. prid. Non. Febr. §. 13. quæ est intom. 1. Bullarii Romani pag. 273. col. 2. Et quoniam dictæ consuetudines ut plurimum respiciebant reverentiam Ecclesiis Cathedralibus debitam, fuerunt pluribus in locis restrictæ ad solam hebdomadam majorem, ut legitur, decrevisse S. Carolum pro sua Ecclesia Metropolitana.

4. Mediolanensis in Concil. Provinc. 4. tit. Quæ pertinent ad Sacram. Baptism. §. Si quis. Et hinc esse potest, quòd in hac Civitate Paduæ per totam Octavam Paschæ nulli Parocho licet baptizare infantes suæ Parochiæ, sed sunt deferendi ad Ecclesiam Cathedralē in obsequium præminentię ejus, & in memoriam antiquæ consuetudinis recipiendi baptismum in Sabbato sancto Paschæ, & Pentecostes in Ecclesia Cathedrali, quæ quidem consuetudo vigeat etiam hic Patavii, ut legitur in libro pervetusto Reverendissimi Capituli De Ordine Divinorum Officiorum; in quo notatur, quòd infantes in tota Quadragesima non baptizabantur; sed utique in die Sabbati Sancti, primùm ab Episcopo, completa benedictione fontis, subinde ab Archiepiscopo in ejusdem Episcopi levamen.

His ita annotatis, resolventes casum dixere; Parochum responsurum Patri infantis, non posse differri baptismum ultra octo dies. Ratio responsionis est, quia Rituale Romanum, (cujus Rubricæ, prout etiam Missalis, & Cærimonialis Episcoporum, vim legis ha-

bent, & obligant sub mortali. Gratiæ. discept. forens. cap. 151. n. 7. Lotter. lib. 1. quæst. 16. num. 123. Vinc. de Franchis decis. 253. num. 6. & Sperell. decis. 179. n. 23. ubi DD.) in Rubr. de Sacramento Baptismi, sub titulo De baptizandis parvulis præcipit, Ut natos infantes sive baptizandos, sive baptizatos (scilicet ob mortis periculum) QUAMPRIMUM fieri poterit, parentes deferant ad Ecclesiam; ne illis Sacramentum tanoperè necessarium nimium differatur cum periculo salutis. Quod quidem verbum QUAMPRIMUM ex communi interpretatione in hac importantissima Baptismi materia intelligitur de octo, vel decem diebus; ut desumitur ex Constitutionibus Synodalibus ferè omnium Episcopatum; & præcipuè sequentium, quas apud me retineo. Sunt autem:

1. Veronen. anno 1542. sub Episcopo Giberto dicunt, infra decem dies à die parvis sub pœna excommunicationis.
2. Mediolanen. 1565. sub S. Carolo Borromeo Archiepiscopo in Prov. 1. tit. Quæ pertinent ad Baptismi administrationem §. Nemini, statuunt, quòd Ante nonum diem ad Ecclesiam deferatur infans sub pœna excommunicationis.
3. Paduan. anno 1588. sub Episcopo Federico Cornelio, deinde Cardinali S. R. E. De Sacramento Baptismi pag. 13. tit. 5. præcipunt, ut Ante nonum diem ad Ecclesiam natus infans deferatur ad Baptismum.
4. Paduan. anno 1624. sub Episcopo Marco Cornelio par. 2. cap. 12. jubent: Intervallum octo dierum à natali die labi ne sinant. Quæ jussio viget in præsentem diem, cùm Diocesis Patavina regatur his Constitutionibus confirmatis in Synodo anni 1667. ab Eminentissimo, & Reverendissimo D. D. Cardinali GREGORIO BARBADICO Præsule nostro vigilantissimo.
5. Tarvisin anno 1670. sub Illustri. & Reverendissimo Episcopo Bartholomæo Gradonico, nunc Antistite Brixien. meriti-

ritissimo, prohibent; *Ne ad summum ultra novem dies baptismus differatur.*

6. *Sublacen. Abbatie* Anno 1674. sub Eminentissimo D. Carolo Barberino S. R. E. Cardinali Abbate, & Ordinario in cap. 7. de Sacram. Baptismi, fit monitio, ne Baptismus differatur ultra tres dies. Quod si ultra octavarum diem sine licentia Vicarii Generalis protrahatur, præter alias graves pœnas, etiam quinque aureorum solutioni subjaceant parentes. Idemque præcipit ipse Eminentissimus Abbas in Synodo Diocesana insignium Abbatiarum S. Mariæ Farfensis, & S. Salvatoris majoris, ordinis S. Benedicti invicem perpetuo unitarum, celebrata anno 1685.

7. *Sipontin.* anno 1678. sub Eminentissimo Cardinali Fr. Vincentio Maria Ursino Archiepiscopo, decernunt in cap. 9. de Sacram. Baptism. §. 4. Quod ultra tres dies recenter natos Baptismo in Ecclesia non fraudent sub pœna excommunicationis ipso facto.

8. *Albanen.* anno 1687. sub Eminentissimo Cardinali Flavio Chigio Episcopo, Sess. 1. cap. 8. de Sacram. Baptismi, mandant, ut hoc Sacramentum intra octo dies, ab infantium natiuitate, ministretur sub pœna excommunicationis.

9. *Spalaten.* anno 1688. Sub Illustriis. Archiepisc. Cosmo, præcipiunt cap. 7. n. 4. ne differatur Baptismus ultra triduum, vel ad summum octiduum.

10. *Justinopolitan.* anno 1690. Sub Illustriis. Episcopo Fr. Paulo Naldino Sess. 2. cap. 5. de Sacram. Baptismi, committunt, ut infra decem dies Genitores deferri infantem ad Sacrum fontem curent.

11. *Panormitan.* quæ allegantur à Diana apud Coton. lib. 1. Controv. 9. cap. 1. num. 7. in quibus par. 2. cap. 1. n. 2. imposita est excommunicatio baptizare negligentibus ante nonum diem.

Neque attendendi sunt Moralitæ aliqui, interpretantes Ly Quamprimum per Mensiem, & ultra; nam, ut ait Emin. Card. de Luca in *Theatro Veritatis de Jurisdic. disc.* 52. num. 8. in iis, quæ

non pendent à forò interno; parùm Moralitæ est credendum, præcipuè attentis legibus Ecclesiasticis, quæ contrarium præcipiunt, & quibus firmiter inhærent Theologi timoratæ conscientiæ. Bissus in *Hierurgia Verb. Baptismus* §. 12. Gobat *tract.* 2. num. 107. Volpi in *resol. moral. Verb. Baptismus resol.* 5. num. 13. & ibi Sotus in 4. *diff.* 5. 7. *Unica art.* 3. & jure optimo; siquidem extra controversiam est, legem præcipuè Ecclesiasticam non solum obligare in conscientia; (& contrariam opinionem damnatam esse tamquam erroneam in *Clem. Ad nostrum. De hæretic. Conc. Constantin.* sess. 8. & sess. 15. Leo X. in *Bulla contra Lutherum art.* 27.) sed etiam obligare sub mortali, ubi agitur de re gravi. S. Thom. 1. 2. q. 96. art. 4. Sotus lib. 1. de *Just. & Jure* q. 6. art. 4. Bellarmin. tom. 2. lib. 3. de *Laicis cap.* 11. Clavis Regia lib. 3. cap. 6. num. 5. Sanchez lib. 3. in *Decalog.* cap. 9. num. 34. Reginald. in *Praxi* lib. 13. num. 174. Suarez lib. 3. de *Legib.* cap. 21. num. 5. & Baldellus tom. 1. lib. 5. de *Legib. disp.* 19. num. 8. Quod autem Episcopus possit statuere Leges tum extra Synodum, tum in Synodo cum Canonico consilio, (quod tamen sequi non tenetur) docent Glofs. & DD. in cap. 1. de *consecrat. diff.* 3. cap. 2. de *Major. & obed. cap. Ut animarum. De Constitut.* in 6. Massobrius de *Synodo cap.* 4. dub. 41. & Barbosa de *off. & potest. Episc. allegat.* 93. num. 23. ubi alios DD. cumulat.

Alter casus propositus circa dilationem temporis in baptizando fuit:

Turca proposuit Sacrum Baptisma suscipere. Queritur, quanto tempore possit propositi executionem differre? Ad hunc casum dictum fuit, posse differre donec, & usquequo instructus fuerit sufficienter in fide, & voluerit Episcopus. Quo ad sufficientem instructionem, non pigeat legere S. Thomam 3. p. q. 68. art. 3. in corp. sic scribentem: *Adultis non statim, cum convertuntur, est Sacramentum Baptismi conse-*

conferendum: sed oportet differre usque ad aliquod certum tempus. Primum quidem propter cautelam Ecclesiæ, ne decipiatur, Sacramentum fidei accedentibus conferens, secundum illud 1. Jo. 4. Nolite omni spiritui credere; sed probate spiritus, si ex Deo sint: quæ quidem probatio sumitur de accedentibus ad Baptismum, quando per aliquod spatium eorum fides, & mores examinantur. Secundo hoc est necessarium ad utilitatem eorum, qui baptizantur: quia aliquo temporis spatio indigent, ad hoc, quod plenè instruantur de fide, & exercitentur in his, quæ pertinent ad vitam Christianam. Tertiò hoc est necessarium ad quandam reverentiam Sacramenti, dum in solemnitatibus præcipuis, scilicet Paschæ, & Pentecostes, homines ad Baptismum admittuntur, & ita devotius Sacramentum suscipiunt. Hæc tamen dilatio est præmittenda duplici ratione. Primum quidem, quando illi, qui sunt baptizandi, apparent perfectè instructi in fide, & ad Baptismum idonei; sicut Philippus statim baptizavit Eunuchum, ut habetur Act. 8. & Petrus Cornelium, & eos, qui cum eo erant, ut habetur Act. 10. Secundo propter infirmitatem, aut aliquod periculum mortis. Hucusque S. Doctor, à quo regulam baptizandi Adultos sumere debent Episcopi; quorum adeo proprium est hoc munus, ut nullus abique eorum licentia possit Adultos baptizare extra casum necessitatis. cap. Venerabilis. de consecr. dist. 4. Conc. Prov. Mediol. 5. tit. de Baptismo §. libris. pag. 219 & Act. part. 4. de Adultor. Baptism. fol. 506. unde à Prospero Aquitano. lib. 2. de Vita contemplat. c. 2. Episcopi vocantur Patres regenerantium. Latè Sarnellius d. epist. 31. pag. 223. & 227. Casalius de Sacris Vet. Christ. Ritib. c. 5. de Baptism. Vers. Cathecumeni, & Rituale Romanum in Rubric. De Baptismo Adultorum.

Ex his sequitur, quòd si Turca prædictus post habitam instructionem fidei, & permissionem Episcopi, diu dis-

ferret absque causa baptizari, peccatum committeret. Suarez tom. 3. in 3. part. disp. 31. sect. 2. Vasquez in 3. part. disp. 149. cap. 4. quos citat Gobat in Theolog. experim. tract. 2. num. 104. Bissus in sua Hierurgia d. Verb. Baptismus. §. 13. Sarnellius d. epist. 31. pag. 227. ubi observat antiquitè errorem hunc invaluisse, ut baptismus non susciperetur nisi in articulo mortis, ut sic descenderent homines ex hac vita absoluti à quacunque culpa, & à quacunque poena; & ad ipsum tollendum valdè elaborasse Sanctos Patres Ambrosius Ser. de Sanct. & Augustinum epist. 107. apud Eusebium lib. 6. cap. 35. dolentes, & obsecrantes, ne quod ipsi fecerant in Laicali conditione, fieret ab aliis; idcirco in Concil. Neocesarien. can. 12. irregularis declaratur, qui baptizatur in ægitudine; & vocatur, Clinicus, à κλινικός quod iacentem significat, prohibeturque ordinari. Cap. 1. dist. 57. Pax Jordan. lib. 3. tit. 6. num. 193. Et in Concil. Trident. sess. 7. de Baptismo can. 12. statuitur quòd si quis dixerit, neminem esse baptizandum, nisi ea ætate, qua Christus baptizatus est; vel in ipso mortis articulo; Anathema sit.

DECISIO XXIV.

ARGUMENTUM.

Relatis octo speciebus Baptismi generaliter sumpti; tribus autem propriis Sacramenti Baptismi, & quarta Baptismi Campanarum; traduntur curiosæ, & utiles doctrinæ de Campanis, & earum fex officiis.

SUMMARIUM.

- 1 Baptismi quot sint species? Octo referuntur. Et quæ?
- 2 Baptismus alius Fluminis, alius Fluminis, alius Sanguinis, alius Campanarum.

- 3 Campana cur dicantur baptizari?
- 4 Campana nomina diverfa.
- 5 Campanarum quis primus Auctor?
- 6 Ferraria extat Campana dicta Sperone: & Cur?
- 7 Campanarum officia sex.
- 8 Indulgentia Pfenaria conceffa recitanti- bus Ave Maria, dum eam pulfat Campana.
- 9 Campana à clericis Cotta indutis pulsanda.

Nunc accedendo ad explicandas species Baptismi, interpellati fuerunt studiosi nostri, ut scribendo dicerent, Quotuplex sit Baptismus Christianorum? Alii dixere apud Christianos numerari octo baptismata. Alii verò scribere, quatuor tantum dari. Primi desumpserunt species octo Baptismi ex S. Athanasio lib. de divers. quest. 9. 133. quem refert Petr. Greg. in Syntag. Jur. Univ. par. 1. lib. 2. cap. 4. num. 2. Primus fuit Baptismus diluvii, quo peccata sunt excisa; ut habetur Gen. 7. & 8. & de ipso intellexit Apostolorum Princeps 1. Petr. 3. 20. Qui increduli fuerant aliquando, quando expectabant Dei patientiam in diebus Noe, cum fabricaretur Arca, in qua pauci, id est octo anime salvæ factæ sunt per aquam. Quod & vos nunc similis formæ salvos facit Baptisma. Secundus fuit transitus Hebræorum per mare rubrum; de quo scripti Apostolus 1. ad Corinthios cap. 10. 1. Nolo enim vos ignorare, fratres, quoniam Patres nostri omnes sub nube fuerunt; & omnes mare transierunt, & omnes in Moyse baptizati sunt in nube, & in mari. Tercius erat legalis lotio, qua frequenter utebatur populus Judaicus, ut purificaretur ab immunditiis; de qua loquitur S. Evangelista Marcus cap. 7. 3. Pharisæi enim, & omnes Judæi nisi crebro laverint manus, non manducant, tenentes traditionem seniorum: & afora, nisi baptizentur, non comedunt: & alia multa sunt, quæ tradita sunt illis servare baptismata calicum, & urceorum, & aramentorum, & leste-

rum. Plura de his lotionibus Judaicis tractat novissimè Julius Maurocenus, (antèa Rabbini) in suo opere *Via della Fede* cap. 55. Quartus fuit S. Joannis Baptista, de quo egimus supra. Quintus in adventu Spiritus sancti die Pentecostes, juxta illa Redemptoris verba Act. 1. 5. Quia Joannes quidem baptizavit aqua, vos autem baptizabimini Spiritu Sancto non post multos hos dies. Sextus est Baptismus lacrymarum ex contritione cordis provenientium, quo lavantur peccata, juxta illud Psalm. 6. 7. Laboravi in gemitu meo; lavabo per singulas noctes lectum meum; lacrymis meis stratum meum rigabo. Et illud Psalm. 118. 136. Exitus aquarum deduxerunt oculi mei, quia non custodierunt legem tuam. Septimus est Baptismus ignis venturus in fine sæculorum in impiorum damnationem: & de hoc loquitur Apostolorum Princeps Epist. 2. cap. 3. 7. Cæli autem, qui nunc sunt, & terra eodem verbo repositi sunt, igni reservati in diem judicii, & perditionis impiorum hominum. Octavus verò Baptismus est ille sacramentalis institutus à Domino Nostro JESU CHRISTO, de quo Joan. 3. Venit Jesus in terram Judææ, & baptizabat. Et Matth. 28. 19. Euntes ergo docete omnes gentes, baptizantes eos in nomine Patris, & Filii, & Spiritus Sancti. Et hic solus Baptismus est verum Sacramentum.

Qui quatuor dari Baptismata scribere, docuerunt hæc esse. *Primum* Fluminis, quod fit per immersionem in aquam, vel per infusionem ejusdem aquæ, aut per asperisionem, de quo egimus supra in Decif. XXI. & dicemus infra. *Secundum* Fluminis, quod est desiderium verum suscipiendi Baptismum fluminis, de quo infra in Decisione XXVI. *Tertium* Baptisma Sanguinis, consistens in martyrio ob fideli confessionem, de quo latè infra in Decif. 27. *Quartum* autem esse Baptisma Campanarum, & circa istud collegi notanda quinque. Videlicet,

Primò, quòd Campanæ dicuntur baptizari, non quia eis conferatur Baptismi Sacramentum; sed ex eo, quòd abluantur, dum ab Episcopo benedicuntur, ungantur sacro oleo, & iidem nomen imponatur ad instar eorum, qui suscipiunt Sacramentum Baptismi. Pax Jordan. rom. 1. lib. 5. tit. 14. num. 2. Menochius in *Storais part. 1. cap. 24.* & Petr. Gregor. in *Syntagmat. Juris Univers. d. part. 1. lib. 2. cap. 2. cap. 4. n. 30.* ubi probat, non esse novum, Campanas benedicere, ungere, & eis nomen imponere; nam etiam Jacob Gen. 28. 18. *Tulit lapidem, quem supposueras capiti suo, & erexit in titulum, fundens oleum de super. Appellavitque nomen Urbis Bethel, quæ prius Luzza vocabatur.*

Secundò: Campanas diversis nominibus apud Scriptores vocari; Videlicet *Clocham* à voce Gallica *Cloche*. S. Bonifac. *epist. 9.* Unde in legibus capitularibus Caroli Magni latis Aquisgrani in art. 18. legitur: *Clochas non baptizent, nec chartas per pectus suspendant propter grandinem.* Item vocari *Codion* à verbo græco *κωδιον*, idest papaver, ad cuius similitudinem efformatur campana, scilicet in forma calicis. Ruell. lib. 2. cap. 100. & hinc à medicis medicamentum Papaveris vocatur *Diacodion*. Plin. lib. 20. cap. 18. Item dici *Creptitaculum*, & *Crotalum* à græcis verbis *κροταλον* & *κροτιον*, quæ significant pulsare, & strepitare. Magrius in *Hierolexic. Verb. Campana*, ideòque in *Missali Ambrosiano Crotola* vocatur instrumentum ligneum, quo utitur feriis quinta, & sexta majoris hebdomadæ, vulgò *la Cicagnola*. Tandem, relictis aliis nominationibus, Campanas nuncupari *Nolas*; ex eo quòd aliqui crediderint, eas habuisse originem *Nolæ* in Campania à S. Paulino. Mateol. in *Sylvæ Hissor. lib. 7. cap. 1. tit. 26.* Sed hoc confutatur à Magrio d. *Verb. Campana*; siquidem constat etiam Gentiles adhibuisse Campanas, & Tintinnabula, ut probat Eminentiss. Cardin. Baronius in *Annalib. Eccles. anno 53.*

num. 104. undè illud Adagium, *In cubiculo nola*, ad denotandum delatorem domesticum alicuius secreti negotii. Quintil. lib. 8. cap. 6.

Tertiò: Hinc altercati scribes circa Auctorem Campanarum; communis enim est opinio, quòd fuerit Sabinianus Papa, qui obiit Anno 605. quapropter Turrigius de *Cryptis Vaticanis* narrat, Anno 1610. demolitum fuisse Vaticanum Campanile, & in fundamentis repertum numisma Heraclii Imperatoris, qui vixit temporibus prædicti Summi Pontificis Sabiniani, & à quo Campanile illud fuit constructum. Cæterum id non admittit Polydorus Virgilius lib. 6. cap. 12. nam S. Hieronymus, qui vixit per bina sæcula ante Sabinianum Papam, facit mentionem campanarum in cap. 33. de *Regul. Monachor.* Et de Campanis cecinit Martialis lib. 14. *Epigram. 163.*

Redde summi; sonat as thernarum ludere pergis.

Et Juvenalis *Saty. 6.*

Tot pariter pelves, & tintinnabula dicas

Pulsari.

Imò Joandem Papam XIII. Romæ incæpisse baptizare Campanam pro Ecclesia Lateranensi ex Card. Baron. ad d. annum notat Jordan. d. lib. 5. tit. 14. num. 2.

Quarò: Verùm quidquid sit de auctore, & origine Campanarum in Ecclesia occidentali, certum est, quòd in orientali campanæ adhibitæ sunt anno 865. cum ab Urso Serenissimo Venetiarum Duce missæ, & donatæ fuerunt Imperatori Constantinopolitano. Biondus lib. 2. *decad. 1.* & Hierolex. Magri d. *Verb. Campana*. Ubi subdit quòd ante prædictam donationem orientales utebantur ligneis instrumentis, quæ Graja voce dicebantur *Symandrum*, & *Agrosymandrum*; prout etiam in præfenti utuntur Religiosi commorantes sub tyrannide Turcarum; sed Æthiopes habent Campanas lapideas, sonus non ingrati. Et in Civitate Ferrariæ, in Monasterio S. Bartholomæi extat antiquif-

tiq̃uissima Campana vocata *Sperone*; eo quia, cūm Comitissa Mathildes ibi convenisset at venatione, & audivisset raucam Campanam, quæsiuit cur à Monachis non resciceretur? & habito responso, ob paupertatem: ipsa statim diffibulavit suā calcaria aurea, gemmis ornata, & eadem tradidit pro refectiōne Campanæ, quæ fuit hac de causa vocata *Sperone*.

Quintò: Sed digna notatu sunt mysteria, & officia, quæ Campanæ in se continent, descripta his versibus per Glossam in *Extravag. Quæta cunctos. De Offic. Custodis*; videlicet

Laudò Deum verum: Plebem voco: Congrego Clerum:

Defundos ploro: Nimbū fugo: Fæque honoro.

De quibus singillatim sicut non metædet scribere, ita lectores, & studiosos nostros ne pigeat observare sequentiā.

Laudò Deum verum: Siquidem pulsanitur Campanæ ad elevationem Eucharistiæ, & dum deferuntur ad ægrotos, nec non ad Angelicam salutationem recitandam ter in die ex decreto Gregorii Papæ Noni. Odoric. Rinald. in *Annal. Eccles. ann. 1238. num. 73.* quamvis ab aliis id statutum referat Cæsar. *lib. 9. cap. 51.* Et quòd recitantibus *Ave Maria cum Vers. Angelus Domini*, quando Campanæ dant signum, præter alias Indulgentiæ à Summis Pontificibus concessas, Adrianum Papam Sextum elargitum Indulgentiam plenariam testatur Fagnanus in *cap. Custos Ecclesiæ num. 4.*

De Offic. Custodis tom. 2. pag. 384. Et quòd in elevatione salutaris Hostiæ, dum S. Petrus Cælestinus sacrificabat, ex le Campanam graviori tinnitu resonasse scribit Surius in *eius Vita 20. Maii lib. 1. cap. 13.* Dumque Miraculosa, Sacraque Hostia, ex qua sanguis emanaverat, Herkenrodam deferretur, Campanas nemine impellente personasse, notat Henriquez in *Men. 25. Julii.* Et in delatione Imaginis Deiparæ, quæ fuerat Pulcheriæ Auguizæ, Balduino Secundo in Italiam Constantinopoli ve-

niente, Campanas Templi Montis Virginis in Neapolitano Regno, nullo pulsante, insonuisse, clangore festivo, circa annum 1230. refert Gulielm. Gumpferberg. in *Atlanti Mariano* apud Bagatam de *Admirandis Orbis Christiani tom. 2. lib. 3. cap. 3. in 2. appendice num. 8. Et lib. 5. cap. 2. §. 3. num. 27.*

Plebem voco: Ea ratione, quia Campanæ officium faciunt Apostolorum, & deserviunt pro concionibus præcipue innuendis, & sunt loco Tubarum Sacerdotalium Veteris Testamenti: quocirca tanquam repræsentantes Apostolos silent in triduo majoris hebdomadæ, quia ipsi præ timore Judæorum tacebant, & Ecclesia utitur *Symandro*, seu *Crotola*, ligneo instrumento, ad convocandam plebem in Ecclesia, quia solus CHRISTUS, extentus in ligno, torcular calcavit in sua passione, ut bene meditatur Rupert. *lib. 5. de Divin. offic. cap. 29.* Hinc dum corpus S. Romualdi Fabrianum portaretur, omnes Campanæ ex altis curribus per se sonum emisissent, quo omnis populus excitatus obviam venit illi sancto Corpori, accensis funalibus, & faculis cereis. Bagatta d. *tom. 1. lib. 5. cap. 4. §. 2. num. 10.* ubi plurima similia congerit exempla.

Congrego Clerum: Quia notorium est, apud omnes Collegiatas, tam sæculares, quàm regulares, Clerum convocari signo Campanæ; prout in aliis Regularibus excitationibus, ad Matutinum, & Vespertinam orationem, ad lectionem diurnam, & ad prandium, & cœnam; quod servatur etiam in nostro Episcopali Patavino Palatio. Et hic venit advertendum, quòd in Sabbato Sancto non sunt pulsandæ Campanæ, cujuscunque Ecclesiæ: sive Sæcularis, sive Regularis; antequam audiatur earum fonitus de Ecclesia Cathedrali sub pœna ducatorum centum ex *Constitut. Leonis Papæ X. anno 1518. Et ex Decret. Sacr. Rit. Congr. die 19. Febr. 1608.* quæ id à Regularibus præcipit servari. Hierolexic. Magri in d. *Verbi Campana*. Barbosa de *Jure Eccles.*
I. 2. clef.

cles. Univ. lib. 3. cap. 3. num. 69. & in Decis. Apost. eod. Verbo. Idem est statutum in nostris Synodaliibus Constitutionibus tam pro reverentia Ecclesiæ Cathedralis Paduæ, quam pro Ecclesiis Matricibus, sive Parochialibus respectivè ad Regulares, & Campestres in *Diœcesi par. 3. cap. 9. Vers. in Sabbato Sancto.*

Defunctos ploro. Pulsantur enim Campanæ in morte fidelium, ut alii moneantur, Deo preces effundere pro anima Defunctorum. Hinc Synodus Patavina *d. part. 3. cap. 9.* sic statuit: *Cum pro exequiis Campanæ pulsantur, debitus ordo servetur. Pro Clericis, & Sacerdotibus tot vicibus, quot ordinibus quisque est insignitus. Pro masculis Laicis ter, pro feminis bis. Nullus verò Parochus permittat, ut pro alicujus obitu, ac funere sonitus horæ spatium excedat.* Porro in obitu iustorum, præcipuè violento, Campanas de per se, quasi lugentes, sonitum dedisse, pluribus exemplis demonstrat Bagatta *d. tom. 1. lib. 5. cap. 4. §. 3. & præcipuè de S. Geroldo Mart. lib. 1. cap. 1. §. 5. num. 32. & de S. Gregorio Episc. d. §. 5. num. 94.*

Nimbus fugo. Mirabiliter enim sonitus Campanarum deservit ad fugandas tempestates, & Dæmones ipsos; circa quos Gryllandus apud Bagattam *d. tom. 1. lib. 5. cap. 4. §. 5. num. 2.* narrat, se examinasse maleficas incarcerationis, quas deposuerunt, cum deferrentur à Dæmone ad ludos, audita pulsatione Campanæ, fuisse ad terram dejectas in locis valdè distantibus à solita earum habitatione. *Et d. §. 5. num. 3.* Martin. Delrius refert, Diabolum, Abbatem advenæ specie assumptum, Monacho cogitanti à Monasterio aufugere, se obtulisse, & ut propositum adimpleret, suasisse. Cùmque id ageret in Refectorio, uno istu à Priore scilla percussa est: & statim diabolus præcipiti cursu ad latrinas tendens, vidente ipso Monacho, se in earum infiriora demersit. Circa tempestates sedatas exempla plura habentur apud eundem Ba-

gattam *part. 1. lib. 3. cap. 2. Appendic. 1. num. 8. & 9. & seq. & Ang. Raccham intradi. de Campanis cap. 7. Tandem*

Festaque honore. Siquidem festivus Campanarum sonitus in honorem Sanctorum, & eorum festivitatum valdè delectat Cælum, & terram. Hinc eodie, quo S. Antonius de Padua relatus fuit inter Sanctos, Campanæ omnes Civitatis Ulyssiponæ, nullo eas movente, personuerunt. *Surius in Vita S. Anton. 12. Junii.* Ad hunc effectum Synod. Patavina *d. part. 3. cap. 9.* ita statuit: *Vesperis festivitates præcedente, post Angelicæ Salutationis signum, populus earum omnium (Campanarum) sonitu de solemnitate præmonetur. Dominicus, & aliis festis prolixius, omnesque simul pulsantur; quæcunque verò sit occasio, secundam noctis horam non excedant.* Quod tamen perperam servatur, ob incuriam Superiorum, à quibusdam Monialibus, quæ integra nocte Campanas pulsan, in propriæ salutis detrimentum, & cum vicinorum fastidio, ut notat etiam Casalius *de Sacris Veter. Ritib. part. 3. cap. 43. in fine.*

Corollarii loco illud non ignorandum, in tanta veneratione olim fuisse pulsationem Campanarum, ut Conc. Colon. *part. 3. cap. 31.* sanciverit, eas non nisi à Clerico superpelliceo induto pulsari; quod etiam præcepit S. Carolus Borromæus *Conc. Diœcesan. 4. Decret. 28. & Añor. Mediol. part. 4. pag. 788. col. 2. & part. 6. pag. 984. col. 2.* Qui plura, & quidem omnia curiosa scire cupit de Campanis, & de Campanilibus legat meas Decisiones de *Sacrificio Missæ Decis. 45. per totam.* Hic unum addo, Campanam fuisse baptizatam Anno Christi 520. à S. Maximo Abbate Miciancensi, ut legitur in *Sæculis Benedictinis tom. 1. pag. 607. num. 33.*

DECISIO XXV.

ARGUMENTUM.

Differitur de Baptismo Fluminis, idest de eo, qui datur per Aquam, vel solemniter, vel privatè. Differentiæ inter utrumque modum. Deipara, S. Jo: Baptista, & Apostoli à quo sint baptizati? & quando? Tripliciter dari potest Baptismus Aquæ, & cur Immersio non fit in usu?

SUMMARIUM.

1. Baptismus Fluminis quotuplex sit? & num. 5.
2. Flaminis, & Sanguinis baptismana an sint Sacramenta?
3. Baptismi Sacramentum quando institutum?
4. Deipara, & S. Jo: Baptista à quibus sint baptizati?
5. Baptismus Fluminis alius sollemnis, alius privatus.
6. Solemnis baptismus quis fit?
7. Ritus Ecclesiæ in Sacramentis ministrandis servandi sunt sub mortalis peccati pœna.
8. Differentiæ inter baptismum sollemnem, & privatum.
9. Baptismus Fluminis tripliciter dari potest.
10. Baptismus per immersionem in aqua cur non fit in usu?

His de Baptismo Campanarum prænotatis, accedendo ad explanationem specierum Baptismi tanquam veri Sacramenti, nunc oportet declarare, Quotuplex sit Baptismus Fluminis? Præmittendum ad maiorem intelligentiam, solum Baptismum Fluminis (quod fit elementari aqua, & forma præscripta Verborum) esse Sacramentum; alia verò duo Baptismana, Flaminis scilicet, & Sanguinis

non esse Sacramenta; sed analogicè tantum vocari Sacramenta, ratione effectus, quem operantur in anima, remissionis culpæ, & renovationis spiritualis; Unum enim est Baptismi Sacramentum, & non plura, juxta illud ad Ephes. 4. *Unus Dominus, una Fides, unum Baptisma*; quod explicat Layman. lib. 5. tract. 2. cap. 5. num. 1. & docet Glossa in cap. Baptismi vicem. De consecr. dist. 4. ac explicatur à Mastro in Theol. Morat. disp. 17. num. 8. & in 4. sent. disp. 2. num. 169. & latius ab Eminentiss. Card. de Lauræa tom. 1. in eod. 4. sent. disp. 12. art. 6. num. 70. Porro sicut discordant Scholastici in assignando tempore, in quo Baptismus fit institutus à Christo; eò quia nec scriptura, nec traditio id doceat; omnes tamen conveniunt, dicentes, Baptismum fuisse ante mortem Redemptoris institutum; cum illa discipuli Joannis aiebant ad illum: Rabbi, qui erat tecum trans Jordanem, cui testimonium perhibuisti, ecce hic baptizat, & omnes veniunt ad eum. Joan. 3. 26. tum etiam quia Christus Dominus in ultima cœna ordinavit Apostolos Sacerdotes, & iidem dedit Sacram Communionem; ergo erant baptizati, aliàs non fuissent capaces Ordinis, & Eucharistiæ absque Baptismo, qui est janua omnium Sacramentorum. Layman. d. lib. 5. tract. 2. de Sac. Baptismi cap. 2. num. 1. ubi Theologos allegat. Mastro in 4. sent. d. disput. 2. art. 1. per totum. Et in ejus Theolog. Morali disp. 17. num. 9. & 10. Eminentiss. Cardin. de Lauræa d. disput. 12. art. ult. num. 96. & 97. Porro Cornelius à Lapide in Matth. cap. 3. vers. 17. ait, Sacramentum Baptismi fuisse institutum à Christo, dum ipse baptizatus fuit in Jordane; sed necessitatem ejus suscipiendi indixisse post suam Resurrectionem ex SS. Patribus ibi citatis. Hinc deducitur, S. Joannem Baptistam fuisse baptizatum à Christo Domino. Menochius in Vita Christi. lib. 2. cap. 3. num. 7. prout etiam Sanctissimam Virginem MARIA M
eius

eius Matrem. Petrus Canisius de B. Virg. lib. 1. & Christophorus de Castro in Hist. B. Virginis cap. 13. Et concordat Entimius super cap. 3. Joann. his verbis: *Scribunt quidam Apostolorum temporibus proximi, quod Christus Petrum, & VIRGINEM MATREM baptizaverit; Petrus verò reliquos Apostolos: quæ omnia discutendo piè, ac doctè prosequitur P. Menochius in Vita Christi Domini lib. 2. cap. 3. num. 7. 8. & 9. & lib. 3. cap. 3. num. 1. Calvius in Proprium. Evang. resol. 4. Mannus in Selectis Histor. cap. 530. & Volpi in resol. Morali. Verb. Baptismus resol. 5. num. 7. & 8.*

His præmissis, dicendum pro responsione Quæsti, Baptismi Fluminis duas esse species; videlicet, unam *Solemniis*, & aliam *Privati*. Ille dicitur Baptismus *Solemnis*, qui confertur cum solemnitatibus, sacris ritibus, & cæremoniis ab Ecclesia præscriptis. Ille verò *Privatus*, qui in casu necessitatis datur per aquæ infusionem, omissis reliquis cæremoniis ab Ecclesia in Rituali Romano ordinatis. Layman. d. lib. 5. tract. 2. cap. 9. num. 5. Gobat d. tract. 2. à num. 480. & seqq. & Eminentiss. Card. de Lauræa d. tom. 1. de Sacr. Baptism. disp. 15. art. ult. num. 126. ubi ipsas cæremonas sacras Baptismi solemnitis summarie ponit, ac refert; quod etiam facit Layman. d. tract. 2. cap. 8. num. 7.

Et ex hac divisione, seu distinctione Baptismi solemnitis, & Baptismi privati, Clerus, noster quatuor Conclusiones deduxit.

Prima Conclusio, Quod Baptismus verè, & propriè erit solemnitis etiam celebretur in domo privata, dummodo administretur cum cæremoniis, & sacris Ritibus, de quibus in Rituali Romano; ut fieri solet in baptizandis filiis Regum, & Principum in cameris, & hypocauitis eorum. Palatiorum, juxta dispositionem Clem. Unic. de Baptismo, quam refert Gobat d. tract. 2. num. 491. Riccius decis. 427. Quintanadven. tract. 1. singul. 21. &

Pax Jordan. tom. 1. lib. 3. tit. 1. num. 15. Nomine autem Filiorum veniunt etiam Nepotes, & Pronepotes. Gobat ubi supra num. 493. Glof. in d. Clem. Unica de Baptism. & Fagnanus in cap. Ex transmissa. num. 15. & 16. De Filiis Presbyter. tom. 2. pag. 321.

Secunda Conclusio. Cæremonas, & Ritus ab Ecclesia institutos omittere, aut mutare, in administratione Sacramentorum, vel in Sacrificio, est peccatum contra Religionis virtutem, ex genere suo mortale; nisi parvitas materiæ excuset; ea ratione, quia multum interest ad Catholicæ Ecclesiæ unitatem servandam, Ritus Ecclesiasticos, præsertim in Sacrificio, & Sacramentorum administratione eosdem ubique servari. Layman. d. lib. 5. tract. 2. cap. 8. num. 4. & 5. Quod utinam attenderent, & seriò considerarent Ecclesiastici illi, qui Rubricas Missalis, & Decreta Sacræ Rituum Congregationis parvipendunt; & hoc (quæso) advertant Confessarii omnes; ne, ut suis Pœnitentibus morem gerant, illos dicant non peccare: & abusus approbent quasi consuetudines legitimas; & ita exculpationes excusent in peccatis, cum suarum, atque Pœnitentium, animarum detrimento.

Tertia Conclusio. Magna est differentia inter Baptismum solemnem, & privatum respectu ministri, & patris; siquidem Sacerdos, qui est in peccato mortali, & solemniter baptizat, peccat mortaliter; secus si baptizet privatum in casu necessitatis. Gobat d. tract. 2. n. 149. ex S. Thom. 3. part. 4. q. 64. art. 6. ad 3. Subdiaconus Baptizans solemniter incurrit irregularitatem; secus si non solemniter. cap. 1. de Cleric. non ord. ministr. Gobat d. tr. 2. num. 139. & 140. In Baptismo solemniti necessarius est Patrinus, secus autem in privato. Diana part. 3. tract. 4. resol. 18. Quæ in Coordinato habetur tom. 1. tract. 1. resol. 97. Sanchez de Matrim. lib. 7. disp. 67. num. 14. Gobat d. tract. 2. num. 523. Et tandem Patrinus contrahit cognationem spirituale.

ualem in Baptismo solemnī; sed non contrahit illam in Baptismo privato. Gobat. *d. tract. 2. num. 480. & num. 577. Sanchez d. lib. 7. disp. 26. n. 14. Diana par. 10. tract. 16. ref. 30. rependienda in Coordinato tom. 1. tract. 1. resol. 96. Quamvis alii DD. sentiant contrarium; & studiosi nostri de hoc infra sint responsuri.*

Ultima Conclusio. Baptismus Fluminis conferri potest, vel per immersionem in aqua, vel per infusionem aquae, vel per asperionem cum aqua. S. Thom. 3. *part. q. 66. art. 1. & 4.*
 9 Gobat *d. tract. 2. num. 44. Layman. d. lib. 5. tract. 2. cap. 3. num. 4.* Et Eminentiss. Cardin. de Lauræa de *Sacram. Baptismi disp. 12. art. 3. num. 26.* Sive per trinam, sive per unicam immersionem, infusionem, vel asperionem; ita tamen, ut servetur usus, & consuetudo diversarum Dioceseon. Cæterum in primitiva Ecclesia usus communior erat baptizandi per immersionem. Layman *d. num. 4. Casallius de Veter. Sacr. Christi. Ritib. d. part. 1. cap. 5. ubi in Vers. Pricis temporibus* notat, quod Baptizandi ingrediebantur nudi in aquam, in qua ter à Sacerdote, seu Episcopo Baptizante mergebantur; & ad hunc effectum Baptisteria fabricabantur, in loco, & situ inferiori, & in ipsa descendebant Baptizandi per gradus, ut Romæ videtur Baptisterium Constantinianum penes Ecclesiam S. Joannis in Laterano. Porro ferè ubique immersio mutata, seu ablata fuit,
 10 & prævaluit aquæ infusio; ob tres rationes, quas considerat Hierolexicon Magrii in *Verb. Baptismus*; videlicet, quia pueri tempore hiemis denudati nimis patiebantur; quia sæpè sæpids immergi in aquam, eam urina, vel stercore commaculabant; ut de Constantino Copronimo Imperatore, qui fuit persecutor Ecclesiæ, & Sacrarum Imaginum, notat Eminent. Cardin. Baronius *anno 719. num. 20.* Et quia denudatio adultorum causabat non modicum verecundiæ respectum, & indecentiam in mulieribus, etsi in

loco à viris separato, & clauso ipsæ denudatæ baptizarentur, ut opinatur Vicetomus de *Baptism. lib. 4. cap. 13.* quem refert Casallius *cit. part. 1. cap. 5. pag. 43.* contra quem insurgit, & quem acriter carpit, & impugnatur P. Menochius in *Storis part. 2. cap. 42.* omnino legendus, ubi piè, ac doctè probat, non esse credendum, quod mulieres, puellæ adultæ baptizarentur denudatæ.

DECISIO XXVI.

ARGUMENTUM.

Declaratur Baptismus Flaminis; & de eo refertur, an sit necessarium Votum explicitum, vel sufficiat implicitum? Item Utrum cum eo sufficiat Attritio, vel requiratur Contritio ad salvandam Animam.

SUMMARIUM.

- 1 Baptismus Flaminis quinam sit?
- 2 Adultus non baptizatus an possit obtinere gratiam justificantem?
- 3 Baptismus Flaminis an requiratur sui ipsius Votum explicitum?
- 4 Baptismus Flaminis in quo differat à Baptismo Fluminis.
- 5 Attritio an sufficiat ad salutem in baptismo Flaminis?

S Equitur secunda species Baptismi, qui vocatur Flaminis; idè quæritur, Qualis sit Baptismus Flaminis; & in quibus differat à Baptismo Fluminis? Omnes Theologi docent, *Baptismum Flaminis esse actum perfectæ contritionis, seu dilectionis Dei, cum voto suscipiendi Baptismum aque.* Ita ex Conc. Trid. *sess. 6. cap. 4.* docent Layman *lib. 5. tract. 2. cap. 6 n. 6. Vers. Dico secundò.* Gobat *d. tract. 2. n. 637.* & ibi S. Thom. Vasquez, Suarez, & alii. Mastrius in *4. sent. disp. 2. n. 170.* & Emin. Card. de Lauræa de *Baptismo disp. 13.*

disp. 13. art. 5. Hinc præfati Theologi, & Doctores deducunt, Baptismum in re non esse adultis simpliciter necessarium ad consequendam primam gratiam, & remissionem peccatorum; siquidem per actum contritionis, ac dilectionis Dei super omnia, cum proposito servandi divina præcepta, & voto recipiendi Sacramentum Baptismi, (cùm ejus suscipiendi copia fuerit) homo adultus verè justificatur à peccatis, & consequitur jus filiorum Dei. Hoc autem probant: 1. Ex Divino Oraculo illo, apud Ezech. 18. *Si egerit pœnitentiam impius, vita vivet, & non morietur, & cum averterit se impius ab impietate sua, animam suam vivificabit.* 2. Ex exemplo Actuum Apostolorum; ubi habetur, Spiritum Sanctum receptum fuisse à non Baptizatis, sed justificatis per contritionem, & votum Baptismi; undè dixerunt Apostoli cap. 10. 47. *Numquid aqua quis prohibere poterit, ut non baptizentur hi, qui Spiritum Sanctum acceperunt, sicut & nos?* 3. Ex iisdem Act. Apost. cap. 10. ubi legitur, Cornelium Centurionem ante realem Baptismi susceptionem fuisse justificatum. 4. Ex illis Verbis Salvatoris Marc. ult. 16. *Qui crediderit, & Baptizatus fuerit, salvus erit; qui verò non crediderit, condemnabitur:* quæ verba expendens S. Bernardus epist. 77. ad Hugonem Vicerinum notat, non fuisse dictum à Salvatore, quòd condemnabitur, qui non crediderit, & baptizatus non fuerit; sed solummodò qui non crediderit. 5. Ex cap. Debitum. 4. De Baptismo, ubi deciditur, Judæum, qui se ipsum baptizaverat, esse ab alio rebaptizandum; sed si interim ipse decessisset, ad cœlestem patriam protinus evolasset. Et in cap. Apostolicam. 2. De Presbytero non baptizato: ubi declaratur; Defunctum Presbyterum, qui credebatur se baptizatum, sed numquam susceperat (inculpabiliter) Baptismum; ab originali peccato solutum, & cœlestis patrie gaudium esse adeptum. 6. Ex testimonio SS. Patrum, & præci-

pue S. Augustini lib. 8. de Civit. Dei. Et S. Ambrosii in Orat. de Obitu Valentiniani Imperatoris. 7. Ex Concil. Tridentin. sess. 6. cap. 4. decidente, translationem hominis à peccato post Evangelium promulgatum, sine lavacro regenerationis, aut ejus voto fieri non posse. Igitur Baptismus Flaminis consistit in contritione cum voto suscipiendi Baptismi, & justificat hominem.

Porro, an hoc votum, seu desiderium debeat esse explicitum, idest præter propositum servandi omnia mandata Dei, etiam sit eliciendus actus, & determinanda voluntas suscipiendi Baptismum; vel sufficiat votum implicitum; idest propositum servandi omnia præcepta Divina, in quo comprehenditur etiam præceptum sumendi lavacrum regenerationis? altercantur inter se Scholastici, ac Moralistæ; & pro voto explicito stat Eminentiss. Card. de Lauræa de Sacrament. Baptism. d. disp. 13. num. 46. ubi rationes cumulat. Pro sufficientia voti impliciti stat Gobat d. disp. 2. num. 637. Layman. d. lib. 5. tract. 2. cap. 6. num. 2. Vers. Dico II. Et Mastrius, qui mordicus tuetur hanc secundam opinionem in 4. sent. d. disp. 2. num. 174. & 176. Sed ipsemet in sua Theolog. Moral. disp. 17. num. 5. videtur assentiri non spernendæ distinctioni; quòd scilicet, vel homo habet cognitionem fidei Christianæ, & in hoc casu cum contritione debet elicere explicitum votum suscipiendi Baptismi; vel fidem Christianam ignorat, & tunc sufficit votum implicitum Baptismi, consistens in actu dilectionis Dei, & generali proposito faciendi omnia, quæ necessaria sunt ad æternam salutem.

Quòd verò ad differentias inter Baptismum Flaminis, & Baptismum Fluminis dixerunt, esse sequentes. 1. Baptismus Flaminis non est Sacramentum; ille Fluminis Sacramentum est, ut diximus supra in Decis. 24. num. 1. in fine. 2. Baptismus Flaminis non imprimat characterem, 3. Est

3. Est reiterabilis: at Fluminis Baptismus imprimit characterem, & non est reiterabilis. 4. Baptismus Fluminis iustificat Cathecumenum ex opere operantis; Fluminis verò ex opere operato. 5. Baptismus Fluminis dimittit omnem culpam, sed ordinariè loquendo, non relaxat omnem pœnam: prout semper facit Baptismus Fluminis; ea ratione quia, ut plurimùm contritio in adulto Cathecumeno non attingit illius perfectionis gradum, quo contritus mereatur totius pœnæ temporalis condonationem; quæ fit per modum condignæ satisfactionis, ut bene explicat Bissus in *Hierurg. Sacra Verb. Baptismus num. 20. §. 1. & 2.* Caramuel in *Theol. Fundam. num. 3006.* & Maffius in *d. 4. sent. disp. 2. num. 172.* Tandem sexta, & ultima differentia est, quòd in Baptismo Fluminis est necessaria contritio; at in illo Fluminis sufficit attritio; & ratio est, quia ad consequendam gratiam sine Sacramento requiritur contritio, ut omnes fatentur, & est decusum de Sacramento Pœnitentiæ in *Concil. Trid. sess. 14. cap. 4.* at cum Sacramenti susceptione sufficit attritio; siquidem in hoc casu gratiæ consecutio adscribitur ipsi Sacramento realiter suscepto: at ubi habetur solum votum Sacramenti suscipiendi, gratiæ consecutio non adscribitur ipsi Sacramento, cum re ipsa non suscipiatur; sed perfectæ dispositioni ad gratiam, qualis non est sola attritio cum voto Sacramenti. Maffius in *d. 4. sent. d. disp. 2. num. 177.* A quo tamen dissentit Eminentiss. Cardin. de Lauræa de *Baptism. d. disp. 13. num. 47.* ubi probat, in Baptismo Fluminis sufficere attritionem ad recipiendam gratiam; quia talis Baptismus non requirit nisi ea, quæ in Baptismate Fluminis requiruntur: At in illo sufficit attritio. Vasquez in *3. p. disp. 158. cap. 4.* Gobat d. *trad. 2. de Baptism. num. 308.* Siquidem nulla lex reperitur, quæ obliget hominem non habentem modum suscipiendi realiter lavacrum spiritualis regenerationis, ad eliciendum actum contritionis; & certum est apud omnes,

quòd suppletio Baptismi in re sufficenter habetur, si votum ejus habeatur: ergo eadem prorsus dispositiones in hoc, & in illo requiruntur; cùmque ad Baptismum in re sufficiat contritio, vel attritio, idem censeri debet in voto Baptismi.

Hanc eximii, & versatissimi Theologi, ac Eminentissimi tum scientia, tum Purpura Sacra Doctoris opinionem, tanquam magis piam, & indoctis Cathecumenis favorem non solum amplectendam, sed confirmandam crederem ratione illa, quam considerat Catechismus Rom. de *Sacram. Pœnit. sess. 66. & Concil. Trid. sess. 14. cap. 8.* Videlicet, Deum indulgentius agere cum his, qui nondum cognito suo nomine, neque fide intellecta peccaverunt, quàm cum illis, qui recepto spiritualis regenerationis lavacro, Spiritum Sanctum, quem acceperunt, contristare, & Deum, cujus filiationem sunt consecuti, offendere non erubescunt. Propterea, sicut in relaxatione pœnarum in peccantibus post Baptismum, se minùs liberalem Deus ostendit; ita in voto Sacramenti Pœnitentiæ contritionem perfectam requirit, ut culpam dimittat, & de novo suam gratiam impetietur. E contra, sicut in Baptismo re suscepto, cum sola attritione, Deus condonat omnem pœnam, & remittit omnem culpam, propter prædictam excusabilem ignorantiam fidei, & legis Dei; ita si Baptismus non possit ob iusta impedimenta realiter suscipi, & homo cogatur in solo voto, & desiderio Baptismum habere, in hoc casu inflexibilis Dei benignitas, & misericordia ad concedendam ipsi homini Cathecumeno justificationem, & gratiam, contenta sit attritione cum ipso voto suscipiendi Baptismi; juxta Doctrinam Eminentiss. Cardin. de Lauræa d. *disp. 13. art. 5. num. 47.*

DECISIO XXVII.

ARGUMENTUM.

Exponitur Baptismus Sanguinis consistens in Martyrio. Quid, & Quotuplex sit Martyrium declaratur, & quot ejus gradus? Conditiones septem necessariz ad verum Martyrium. Ejus sex effectus cum exemplis, ac variis eruditionibus sacris.

SUMMARIUM.

- 1 Sanguinis Baptismus, quid sit?
- 2 Martyrium quid sit? & unde dicatur?
- 3 Martyres cur olim nominarentur Confessores?
- 4 Martyrium duplex. Cruentum, & Incruentum.
- 5 Amor in Deum Triplex: Complacentiæ, Benevolentiz, & Appretiationis.
- 6 Martyrium sibi procurare an, & quando liceat?
- 7 Incruentum Martyrium quodnam sit?
- 8 Martyrii gradus quatuor.
- 9 Martyrii perfecti conditiones septem. Et quæ?
- 10 Fides dupliciter exercetur, nempe in credendis, & in agendis.
- 11 Martyres qui fuerint ob fidem in agendis?
- 12 Interficere seipsum nulli licet.
- 13 Martyrizandus si sit in peccato, vel confiteri sponte, vel contritionis actus elicere debet. Sed an sufficiat Attritio?
- 14 Martyres recalcitrare non debent contra tortores.
- 15 Perseverantia necessaria est Martyri in tormentis.
- 16 Gladius cur semper occideret Martyres?

Tertia species Baptismi illa est, quam Theologi vocant Sanguinis,

idest Martyrii; idem hic agendum venit de Martyrio, qui est Baptismus Sanguinis; & de eo sex sunt videnda.

1. Qualis sit Baptismus Sanguinis?
2. Quid sit Martyrium?
3. Quotuplex?
4. Quod gradus Martyrii?
5. Quod conditiones ad verum Martyrium?
6. Qui sint effectus Martyrii?

Quo ad Primum: Baptismus Sanguinis est ablutio animæ facta in proprio sanguine, effuso ob confessionem fidei, cum perpeffione mortis, à persecutore illatæ, in odium ipsius fidei; ubi non est modus recipiendi Baptismum aquæ; & de hoc Baptismo locutus est Salvator in illis verbis: *Marc. 10. Potestis bibere Calicem, quem ego bibiturus sum? & Baptismo, quo ego Baptizor, Baptizari? Et Luc. 12. Baptismo habeo Baptizari, & quomodo coardior, usque dum perficiatur. Hoc autem à Christo Domino perficiendum, & Calix bibendus, erat Passio, seu Martyrium cum sanguinis effusione, & idem sanguinis effusio, & Martyrium susceptum à non Baptizato ob confessionem fidei, quando non habet possibilitatem suscipiendi Baptismum Fluminis, seu aquæ, dicitur Baptismus Sanguinis. Bonac. de Baptismo. disp. 2. q. 1. Gobat d. tract. 2. num. 399. Maltrius in Theol. Moral. d. disp. 17. q. 6. & in 4. Sent. d. disp. 2. num. 280. & Eminentiss. Card. de Lauræa de Sacram. Baptismi disp. 12. num. 69.*

Quod ad Secundum: Studiosi nostri notarunt: Martyrium esse Confessionem Fidei, cum mortis perpeffione à persecutore illatæ in odium fidei. Nam Martyrium Græca dictio est, *μαρτυριον*, *u*, *τὸ*, significans Testimonium: & *μαρτυρ*, *pos*, *o* Testis; quod etiam significatum habetur apud Hebræos, apud quos *עד* Testis venit à verbo *עיד* *testatus est, testificatus est*, & cognitionem habet cum voce *וידע* idest, *novit, sci-*
vit,

vit, & cum מָוִתִּי simul novit, quia quod scimus testamur; & conditio est attestatio mentis. Langius in *Florileg. Verb. Martyrium*. Emin. Card. de Laureza in 3. sent. part. 2. tom. 3. De Fide, & Propagat. ejus disput. 20. num. 1. Et ideò in Apoc. 2. 13. dicitur: *Antipas testis meus fidelis, qui occisus est apud vos*; ubi *Gloss. Interlin.* notat: *Martyr scilicet fuit*. Et Act. 1. 8. scribitur: *Eratis mihi testes in Jerusalem*. Et iterum Apoc. 6. 9. *Vidi sub Altare Animas interfectorum propter Verbum Dei, & propter testimonium, quod habebant*: quandoquidem Martyres tumulabantur sub Altaribus, cum epigraphæ Martyrium apud Græcos, & Confessio apud Latinos; & ideò Romæ Altaria, in quibus jacent sacræ Reliquiæ corporum SS. Petri, & Pauli, vocantur *Confessio S. Petri, & Confessio S. Pauli*: prout in Ecclesia SS. Apostolorum legitur *Confessio SS. Philippi, & Jacobi*: & in primitiva Ecclesia per multos annos Martyres nominabantur *Confessores*, juxta illud Luc. 12. 8. *Qui me confessus fuerit coram hominibus, confitebor & ego cum coram Patre meo*; ut advertit Emin. Card. Baron. in *Martyrol. Rom.* 6. *Julii Verb.* Cum ad *Confessionem*: qui subdit die 2. *Januar.* quod qui captus pro fide occumbebat, dicebatur *Confessor*. Qui non interpellatus se offerebat Martyrio, appellabatur *Professor*. Qui verò propter fidem exulabat, & sua bona amittebat, vocabatur *Extorris*: omnes tamen in numero Martyrum computabantur. Cæterum progressu temporis cœperunt appellari *Martyres* illi, qui pro fide patiebantur; *Confessores* verò, qui in heroicis virtutibus sanctè exercitati, naturali morte ex hac vita decedebant. Sic ex Origene, Petro Bleseno. ex S. Bernardo in *serm. de S. Benedicto in fine*, & ex Emin. Cardin. Baron. Anno 286. eruditè, ac doctè de more probat Emin. Card. de Laureza de *Martyrio d. disp. 20. num. 16.*

Quo ad Tertium: Duplex est Martyrium. *Cruentum, & Incruentum.*

Illud est *Cruentum*, quod consummatur cum sanguinis effusione, & vitæ dispendio, vi persecutionis motæ in odium fidei; & quamvis Gnostici, Valentinus, & Montanus, deinde hæretici Adamitæ, ac alii nebulones ejusdem farinae detestati sint Martyrium, & docuerint, Martyres esse reos suicidii, ut ex Cardin. Baron. *Ann.* 145. & ex Salelle tom. 2. reg. 236. & 302. deducit Eminentiss. Cardin. de Laureza d. disp. 20. num. 200. & seqq. nihilominus dicendum est; Martyrium esse actum quadruplicis virtutis, scilicet *Fortitudinis*, ut elicientis principaliter; *Patientiæ*, ut elicientis consequenter; *Fidei*, ut finis; & *Charitatis*, ut imponentis. S. Thomas 2. 2. q. 124. art. 1. & 2. Charitas enim, seu amor in Deum est triplex, *Complacentiæ*, qua Christianus gaudet ob divinam superexcellentiā. *Benevolentiæ*, qua exoptat, (liceat mihi loqui cum libello nostro 5 *Doctrinæ Christianæ*) *che Dio sia conosciuto da tutto il mondo, e così il Santo Nome suo sia da tutti honorato, & glorificato, come si conviene*. Et *Appretiatiōis*, qua homo fidelis appretiat, & æstimat Deum supra omnia, ac etiam supra vitam suam, quam promptè tradit pro ejus fide, & gloria; & hæc est suprema dilectio, juxta illud: *Majorem charitatem nemo habet, ut animam suam ponat quis pro amicis suis*. Joan. 15. Ita Emin. Card. de Laureza d. disp. 20. num. 227. & seqq. ubi auctoritates plurimas Sanctorum Patrum allegat.

Verum tamen est, quod quamvis optare Martyrium pro Christi gloria, & quærere media, quæ possunt ad illud conducere, sit perfectissimum opus supererogationis, veluti procurare missiones ad infideles, ut fecit S. Franciscus Assisien. profectus in Africam, & S. Xaverius in Asiam, & moliti sunt S. Antonius de Padua, S. Teresa, & alii Sancti; quorum plures, ex speciali motivo Spiritus Sancti, etiam se obtulerunt tyrannis, ex desiderio patiendi martyrium, eorum

rum, sævitiam, & crudelitatem exprobrantes, & provocantes, à quibus postea necati sunt, ut legitur in Martyrologio Romano de S. Maximo Levita; de S. Caspasio, de S. Arbennio 20. *Octobr.* De S. Cordula Socia S. Ursulae, *d. 22. Octobr.* Et de S. Gordio *d. 3. Januar.* & ex Emin. Baron. *Ann.* 304. Regulariter tamen loquendo id non licet, ut cum S. Thom. 2. 2. q. 124. art. 1. ad 6. & aliis SS. Patribus probat Gobat *d. tract. 2. num. 622.* Eminent. Cardin. de Lugo *tract. de Just. & Jur. disp. 10. num. 44.* & Eminent. Cardin. de Lauræa *d. disp. 20. num. 180.* & num. 188. quibus in locis docet, non dari præceptum de Martyrio, nisi conditionatum, & in præparatione animi, si scilicet casus confitendæ fidei ad illud adigeret. Imò licitum est fidelibus tempore persecutionis, se occultare, & fugere ad evadendam mortem, carcerem, & captivam, ut habetur Matth. 10. *Cum vos oderint in Civitate ista, fugite in aliam:* Et fecit Apostolus Paulus, qui ait, *Cum Damasci præpositus gentis Aretæ regis voluerit eum comprehendere, à fratribus per murum demissus est in sporta, & sic evasit manus ejus in nomine Domini;* & ex pluribus SS. Patrum auctoritatibus, & exemplo fidelium, qui Romæ in 42. Cæmeteriis latitabant tempore persecutionum, firmat Emin. Card. de Lauræa *d. disp. 20. à num. 251. & seqq.* Nisi essent personæ publicæ, curam animarum habentes, ex quarum fuga plebs desereret fidem, vel nisi etiam ex exemplo privatorum hominum fugientium alii scandalum fumerent, & fidem essent negaturi; quo respectu fortissimos pugiles Christianos in Japonibus nec pedem movisse, instante periculo mortis etiam acerbissimæ, memorat Gobat *d. tract. 2. n. 627.* & confirmat Emin. Card. de Lauræa *d. disp. 20. n. 260. & n. 263.*

Incrumentum Martyrium est illud, quod fideles patiuntur, supportantes incommoda, vexationes, & tribulationes, vel à Dæmone, vel à mundo ob amorem alicujus heroicæ Virtutis, ut

ex antiquis SS. Patribus eruditissime probat Emin. Card. de Lauræa *d. disp. 20. art. 3. per totum;* & præcipue ex S. Hieronymo, qui in *epist. ad Demetriadem*, de Virginitate servanda, ait: *Habes & pudicitia servata Martyrium suum;* & de Sancta Paula in *epistola ad Virginem Euslochium* ejus matrem: *Mater tua longa martyrio coronata est. Non solum enim effusus sanguinis in confessione reputatur, sed devotæ quoque mentis servitus immaculata, continentium Martyrium est.* Et ex S. Ambrosio in *Psal. 118. Vers. Multi persequentes me.* Ubi, cum multa tentationum genera, quæ persequuntur homines, narrasset; deinde subdit: *Verum, ut multæ persecutiones, ita multa martyria: Tentatus es spiritu fornicationis, sed temerandam mentis, & corporis castimoniam non putasti, Martyr es Christi: Tentatus es spiritu Superbiæ; sed humilitatem magis, quam arrogantiam dilexisti, Testis es Christi.* Et ita de aliis: & postea, inquit: *Quanti ergo quotidie in occultis Martyres Christi sunt, & Jesum Dominum confitentur.* Ex quibus, & aliis SS. Patrum auctoritatibus tum R.R. Parochi, tum R.R. Confessarii Monialium, amplissimas rationes desumere possunt ad confortandas animas, eorum gubernio commissas, ut Christianæ, & Religiosæ vitæ incommoda libenter patientur; neque eas pigeat imitari sanctos Martyres, qui sanguinem pro fide fuderunt in martyrio cruento, cum & ipsæ Martyres sint ob virtutem castitatis, & patientiæ, quamvis incremento Martyrio. Dolent enim sæpè sæpius in Villis bubulci ob nimiam paupertatem; & in Monasteriis Moniales propter clausuræ mortificationem, infirmitatum à Virginali vita inseparabilium frequentiam, & alia tædia plurima; ita ut videantur desperare; quas consolari oportet spe excellentis Aureolæ, in æterna vita eis concedendæ, non solum castimoniam servatæ, sed Martyrii tolerati; testante S. August. *serm. 32. de S. Laur. quod tota vita Christiani hominis, si secundum*

dum Evangelium vivat, Crux est, atque Martyrium: Et S. Greg. Magno Hom. 35 in Evang. Et nos sine ferro esse possumus Martyres, si patientiam veraciter in animo custodimus.

Quo ad Quartum: Quatuor sunt gradus Martyrii. Primus est Infantium, qui in odium fidei occiduntur; quapropter ab Ecclesia vocantur infantes occisi ab Herode. Flores Martyrum, & prima Christi Vistima; & inter Martyres celebrantur alii infantes, nempe SS. Modestus, & Ammonius in Martyrol. Rom. 12. Febr. Et decem Pueri 15. Julii; & non solum infantes nati, sed etiam existentes in utero Matris, si cum matre occidantur in odium fidei, Martyres censentur. Vasquez tom. 2. in 3. part. disp. 153. cap. 7. Mastrius in Theol. Moral. d. disp. 17. n. 7. & Gobat d. tract. 2. num. 612. Et dicemus infra in Decis. LII. num. 3. Secundus Martyrii gradus est eorum, qui vehementer ad illud aspirant, & ipsum concupiverunt: sed Deus noluit, eos sanguinem potuisse effundere, licet voluerit eorum desiderium coronare. cap. Nunquid. 26. de Pœnitent. dist. 1. ubi sic legitur: In Dei servis, apud quos confessio cogitatur, & Martyrium mente concipitur, animus ad bonum deditus, Deo iudice coronatur. Aliud est Martyrium animo deesse, aliud animo defuisse Martyrium. Tales fuere in primis DEIPARÆ, quæ Regina Martyrum jure nuncupatur, nam Ipsius animam doloris gladius pertransiit, Luc. 2. quando Stabat Mater dolorosa, juxta Crucem lacrymosa, in qua pendebat Filius. Deinde S. Martinus Episcopus, de quo canit Ecclesia: O Sanctissima anima, quam etsi gladius persecutoris non absculit, palmam tamen Martyrii non amisit. Similiter SS. Franciscus Assisien. & Xaverius, S. Antonius de Padua, S. Teresa, & alii plurimi, quorum corda Martyrii desiderio exarserunt. Tertius gradus est illorum Sanctorum, quibus applicata fuerunt tormenta, & illatæ ærumnæ, pro fidei confessione;

sed, Deo illos. protegente, illæsi evaserunt. ut tres Pueri Sidrac, Misac, & Abdenago de fornace ignis ardentis; S. Joannes Evangelista de ferventis olei dolio; SS. Pontifices Romani, Marcellus, Joannes, Silverius, Martinus, & Pontianus; pro quibus Ecclesia constituit octavum Responsorium in com. unius Martyr. Domine prævenisti eum, &c. & alii multi. Quartus tandem gradus Martyrii est illorum, quos Deus fecit dignos, suum fundere sanguinem in testimonium fidei, vel heroicæ aliquis virtutis; de quibus scriptum est: Viri Sancti gloriosum sanguinem fuderunt pro Domino; amaverunt Christum in vita sua, imitati sunt eum in morte sua; & ideo coronas triumphales meruerunt. In com. plur. mart. resp. 2. Quorum numerus in Ecclesia Catholica est innumerabilis.

Quo ad Quintum. Conditiones ad consummationem veri Martyrii sunt septem. Prima, ut Martyr sit homo Christianus, vel Cathecumenus cum voto Baptismi; casu quo realiter habere non possit spirituale regenerationis lavacrum; quod si potest, prius debet assumere; ut in Martyrol. Rom. die 25. Decembr. ubi inter plures milium Martyrum sub Diocletiano Nicomedis interfectorum, multi erant Cathecumeni, qui sollicitè se baptizare fecerunt, antequam comburentur in ipsa Ecclesia, ut observat Emin. Card. de Lauræa de Martyrio d. disp. 20. num. 66. E contra absque aquæ baptismo Martyr obiit S. Emerentiana coelestina B. Agnetis, ut legimus in Breviario die 23. Januarii. Secunda, ut patiens pro fide sit Catholicus, nam hæreticis tormenta, & mors nihil profunt. cap. Firmissime. de Hæreticis. Tertia, ut patiat in odium fidei, & in ipso patiente voluntas patienti sit, non pro vanagloria, aut honore mundano, sed pro Christi nomine, & veritate fidei Christianæ, juxta illud Matth. 10. Qui perdidit animam suam propter ME, inveniet eam. Sufficit autem prædicta voluntas non solum.

foldm actualis, & virtualis, sed etiam habitualis. S. Thom. 2. 2. q. 83. art. 1. ad 2. quia supremus Agonotheta Christus plus non exigit, quàm habitualem, quæ supponit præcessisse virtualem, & actualem, prout sola habitualis voluntas sufficit etiam in collatione Baptismi, Confirmationis, & Ordinis in fuscipiente; siquidem se passivè tantùm habet. Gobat d. tract. 2. num. 615. & 616. & Emin. Card. de Lauræa d. disp. 20. de Martyrio num. 83.

Neque obitare potest huic tertiæ conditioni, quòd multi coluntur ut Martyres, & tamen non fuerunt occisi in odium fidei; veluti Innocentes ab Herode, ob motivum politicum amissionis Regni. Plures Virgines, quia noluerunt assentiri Matrimonii Gentilium. Plures Episcopi ob Ecclesiasticæ libertatis defensionem; & alii ob alias virtutes.

Quoniam respondetur; FIDEM dupliciter considerari; vel tanquam revelatam ob credenda; vel tanquam revelatam ob agenda. Sufferre Martyrium in odium Fidei utroque modo, facit verum Martyrem; primo enim modo Fides dirigit intellectum in credendo, & dicitur speculativa; secundo autem modo ducit voluntatem in agendo, & dicitur Fides practica; itaque non minùs est Testis fidelis revelationi Divinæ, qui defendit ea, quæ sunt credenda, quàm qui defendit ea, quæ ex Divino Præcepto sunt operanda.

Hinc Martyr fuit Abel, qui occisus est ob Religionem, & Pietatem exercitam erga Deum, offerendo quæ habebat optima, sic eum Fide instruentem. Martyres fuerunt Isaias, Hieremias, Zacharias, Fratres Machabæi, ob observantiam legis, ad quam à Fide adigebantur. Martyr S. Joannes Baptista, ob reprehensionem incestuosæ copulæ Herodis cum Herodiade. Martyres S. Thomas Cantuariensis, S. Stanislaus Polonus, S. Engelbertus Coloniensis, S. Bellinus Episcopus Patavinus, ob defensionem Ecclesiasticæ libertatis, quam tueri proprio sanguine

eos Fides edocuit. S. Laurentius affatus, quia in pauperes distribuerat thesauros Ecclesiæ, & Titus Diaconus, de quo in Martyrol. 16. Aug. Imò Principes Apostolorum Petrus, & Paulus passi sunt Martyrium Romæ sub Nerone, non ob prædicationem credendorum; sed pro prædicatione, & exercitio Virtutum, à Fide Christiana dictatarum, præsertim castitatis, & continentiæ; ut notat Metaphrast. 29. Junii, & Eminen. Card. Baronius Ann. 68. & 69. & eruditè probat Emin. Card. de Lauræa de Martyrio d. disp. 20. art. 7. per totum. Gobat d. tract. 2. num. 608. & in altera sua Theologia Juridico-Morali seu Quinario tract. 5. cap. 18. sect. 6. ubi tanquam verus Germanus docet, Martyrem esse appellandum, qui vitam amitteret, ob non evacuatum ab alio sibi propinatum craterem; quo cognoscebat, se inebriandum, & rationem exturbandam. Quo titulo è magis videntur decorandi, qui vitam prodigunt tempore pestis, inferendo infectis ex charitate, quamvis non nisi latè sumpto vocabulo Martyres sint vocandi; ex sententia Eminen. Card. de Lauræa de Martyrio cit. disp. 20. à num. 45. & seqq.

Quarta conditio est, ut mors inferatur à persecutore, quia nulli licet, se ipsum interficere: Hinc Salvator ait Petro: Cum autem senueris, extends manus tuas, & alius te cinget, & ducet, quòd tu non vis. Hoc autem dixit, significans, quæ morte esset clarificaturus Deum. Joan. 21. Et de hoc scribitur Matt. 10. Tradent enim vos in conciliis, & in synagogis suis flagellabunt vos. Quòd si quis obiciat exempla Martyrum 300. qui se projecerunt in ardentem calcis fornacem, ubi combusti, eorum cineres Massa candida facti sunt. Martyrol. Rom. 24. Augusti, vel S. Pelagiæ, ejusque Matris; & duarum Sororum, quæ se in profluentem projecerunt, ut evaderent manus insidiantium ipsarum pudicitia; quas S. Ambros. lib. 2. de Virginit. pulcherrimis verbis, ac sententiis laudat. Vel San-

Sanctæ Euphrasæ, quæ finxit unguentum resistens ferro, & invitavit militem ad experiendum super collo ejusdem Virginis, quæ obtruncata fuit, ut narrat Niceph. Callixt. in *Hist. lib. 7. cap. 13.* Sive Sophroniæ Urbis Præfæcti uxoris, quæ eadem de causa ente se transfixit, ut ex *Eusebio* notat Emin. Card. Baron. *Ann. 309. num. 10.* Sive SS. Apolloniæ, & Emerentianæ, quæ se projecerunt in rogam. *Brev. Rom. die 23. Jan. & 9. Febr.* Hic, & similibus responderetur, vel id factum esse ex peculiari instinctu Divino. S. Thom. 2. 2. q. 64. art. 3. ad 4. Vel per errorem invincibilem à prædictis Sanctis Martyribus creditum, in iisdem circumstantiis id sibi licitum fuisse. Lessius *de Justit. & Jur. lib. 2. cap. 9. num. 23.* Et Emin. Card. de Lugo *ed. tract. disp. 10. num. 16.* P. Menochius in *Storis Cent. 2. cap. 27. & cap. 30.* Vel jussu tyrannorum, & mandato persecutorum mortem oppetiisse, quamvis aliquantum, Deo impellente, ipsi, & ipsæ Martyres executionem prævenerint. Gobatus *d. tract. 2. num. 631.* & Emin. Cardin. de Lauræa *d. disp. 20. num. 96.*

13 Quinta est conditio: ut Martyrio plectendus non habeat culpam mortalem, vel affectum ad illam; & ideo si sit in peccato mortali, confiteri debeat, si copiam Confessoris habeat, sin minus actum contritionis, & amoris Dei eliciat: quod si solummodo sit attritus, quamvis plurimi ex acriquis DD. reclamant, modernorum communis opinio est, quod virtute Martyrii efficiatur contritus, vitam obineat æternam, & verus Martyr censeatur. Mastrius in 4. sent. d. disp. 2. art. 2. per totum, ubi principalem rationem esse dicit, quia hoc privilegium CHRISTUS concessit Martyrio, ut ex speciali Dei dispensatione habeat vim conferendi primam gratiam, & ad instar Sacramenti, Martyrem justificandi ex opere operato. Idem Mastrius in sua Theol. Morali disp. 17. num. 6. Layman. lib. 2. sect. 3. De Fortitudine num. 6. Verf. Contrariam ta-

men sententiam, ubi DD. citat. Suarez tom. 3. in 3. part. disp. 29. sect. 3. concl. 2. Gobat *d. tract. 2. De Baptismo Sanguinis num. 617.* ubi non esse extendendum, ait, hoc privilegium Martyrio per pestem; seu ponentibus vitam in obsequio peste infectorum. Et novissimè Eminen. Card. de Lauræa *d. tract. de Martyrio disp. 20. num. 146.* quo loci, firmat, attritionem sufficere ad obtinendam gratiam, & justificationem in occisis pro fide auctoritate Ecclesiæ Catholicæ, quæ in spatio sexdecim sæculorum nunquam distinxit inter Martyres attritos, & contritos; sed indifferenter haberi, & venerari ut Martyres, docuit, interfectos pro fide; quamvis moraliter sit impossibile, quin inter tot Myriades Martyrum, aliqui, & quidem plures non fuerint in statu peccati mortalis, & solum attriti.

Sexta conditio est, quod Martyr in passione non recalcitret, non detrectet, neque se defendat adversus Tyrannum: cum de Martyribus sanctis canat Ecclesia: *Cæduntur gladii more bidentium; non murmur resonat, non querimonia; sed corde impavido mens bene conscia, conservat patientiam.* In Hymn. plur. Mart. ad Vesp. Quare milites Catholici interempti ab hæreticis, atque Turcis ex odio Religionis Orthodoxæ, sunt extra censum verorum Martyrum, si animam exhalaverunt, dum se se armis defendebant. Lessius lib. 3. de Virtutibus cap. 1. num. 36. Gobat *d. tract. 2. num. 614.* & Emin. Card. de Lauræa *d. disput. 20. num. 266.* ubi excusat partem hominis inferiorem, si reformidet tormente; nam etiam Salvator, in solamen nostrum, tempore Passionis suæ Cæpit pavere, & cadere, quia spiritus promptus erat, caro autem infirma; sed subjunxit, & dixit ad Patrem: *Verumtamen non sicut ego volo, sed sicut tu, fiat voluntas tua.* Matth. 26.

Septima, & ultima conditio veri Martyrii est, ut Martyr sit constans in tormentis usque in finem, & habeat

beat voluntatem perseverantem in passione usque ad mortem; cum scriptum sit: *Qui perseveraverit usque in finem, hic salvus erit.* Matth. 24. 13. & Apoc. 2. *Esse fidelis usque ad mortem, & dabo tibi coronam vitæ.* Propter eam intra quadraginta Martyres sub Licinio, qui non perseveravit in frigore sufferendo, sed in tepidum balneum descendit, perdidit coronam, quam Janitor meruit obtinere, ut in *Brev. Roman.* die 10. Martii.

- Quo ad ultimum: effectus Martyrii sunt sequentes. 1. Supplet Baptismum aquæ, si hic haberi non possit, 16 & delet peccatum originale. 2. Si deficiat Confessarius, delet omnia peccata actualia in adulto ex opere operato, sola attritione interveniente, ut diximus in quinta conditione. 3. Relaxat omnem pœnam, ita ut Martyr statim evelet ad Paradisum. 4. Dum Martyr est in conflictu, & agone, habet specialem Dei assistentiam. 5. Martyrum corpora venerantur ab Ecclesia, reponuntur in Altaribus, dies festi, ac templa ipsis consecrantur. 6. Eorum animæ in cœlo, præter essentialem gloriam, potuntur lætitia singulari ob Aureolam Martyrii, quæ est præexcellens aureolis Virginum, atque Doctorum. Raynaud. de Martyrio part. 2. cap. 6. n. 32. & 33. Gobat d. tract. 2. num. 619. Mastrius in Theol. Moral. disp. 17. n. 6. Layman. d. lib. 3. sect. 3. de Fortitudine num. 6. & 7. & Emin. Card. de Lauræa de Martyrio d. disp. 20. art. ult. atque in 4. Sent. tom. 4. disp. 22. num. 48.

- Tandem corollarii loco ad materiam Martyrii Clerus noster notavit causam, propter quam (ut plurimum) 17 ignis, rotæ, bestię, & aquæ parcebant Martyribus; at semper gladius eos interimebat. Eamque fuisse (cæteris relictis, videndis in Gobato d. tract. 2. num. 633.) quia Deus volebat ostendere, Martyres esse verè nobiles, qui solo gladio de jure plectuntur. Philipp. Berlaymont. in Parad. Puer. part. 3. c. 4. & Gobat ubi supra in fi-

ne. Est tamen advertendum, aliquando Deum voluisse, ut neque gladius, seu ensis perimere posset aliquem e suis SS. Martyribus, ad suam omnipotentiam demonstrandam, & crudelitatem paganorum confundendam; ut legitur de S. Cæcilia Virgine, & Martyre, de qua *Breviar. Roman.* die 22. Novembr. ait; quod ad eam immisus est carnifex, qui ter securi ictam, cum caput abscindere non potuisset, semitram reliquit.

DECISIO XXVIII.

ARGUMENTUM.

Ostenditur, quando Diaconus possit solemniter baptizare; nec non Parochus suspensus à Divinis.

SUMMARIUM.

- 1 Diaconus an possit baptizare, si Parochus absit?
- 2 An solemniter, vel privatè.
- 3 Parochi licentia est necessaria ad baptizandum extra necessitatem.
- 4 Parochus suspensus an possit baptizare? & num. 7.
- 5 Suspenso à Divinis quæ, & quotuplex sit?
- 6 Sacerdotis officium est baptizare.
- 8 Suspenso à Divinis baptizat in casu necessitatis, sed privatè.
- 9 Impotentia Parochi suspensi à divinis ob debitam eum excusat, si baptizet?
- 10 Beneficium cap. Odoardus de Solut. denegatur in 20. casibus.

Explicito Sanguinis baptismate, & iis, quæ ad essentiam Martyrii spectant, reassumendo materiam, & tractatum Baptismi Fluminis duo casus sunt decidendi. Primus est Diaconus, absente Parocho, infantem ad Ecclesiam delatum baptizat. Queritur, an benè, vel malè agat? Pro hujus casus intelligentia, & germana resolutione

tionem duo sunt præmittenda, ac prænotanda. *Unum*, quod nulli licet, extra casum extremæ necessitatis, baptizare infantes absque proprii Parochi licentia, vel expressa, vel tacita; & hoc sub mortali, quia cum baptizare spectet ad Parochum, qui sibi usurpat hoc munus, eo invito, violat Jus alterius, & pervertit Ecclesiæ ordinationem. Barbosa de Parocho cap. 18. num. 11. Layman. lib. 5. tract. 2. cap. 7. num. 2. Gobat de Baptismo tract. 2. num. 132. & 134. ubi subdit, Presbyterum, invadentem in hac materia Jus alienum, peccare quidem mortaliter, sed nullam incurere censuram, vel irregularitatem. *Alterum*, quod Diaconi officium est quidem baptizare, sed hoc est suspensum, & restrictum ad duos tantum casus, videlicet ad expressam Parochi commissionem; & ad periculum mortis baptizandi. Cap. Diaconos. 13. & ibi Glossa. dist. 93. In primo casu omnes DD. concordant, Diaconum posse baptizare solemniter. Sotus in 4. d. 4. art. 3. concl. 2. Layman. d. lib. 5. tract. 2. cap. 7. num. 3. Verf. Dico quinto. In secundo autem casu, digladiantur, simul, quia alii tenent, posse à Diacono dari Baptismum privatè, idest omittis cæremoniis, & cum sola aqua, ut laicis est permixtum: propter illa Verba in cit. cap. Diaconos: ibi: *Nisi necessitas extrema compellat, quod etiam in laicis Christianis facere plerumque conceditur*. Ergo eodem, quo baptizaret laicus, idest baptismum privato, cum sola aqua, & absque solemnibus ritu, & cæremoniis. Coninck. de Sacramen. quest. 67. art. 50. dub. 3. num. 27. quem refert Summa Diana in Verb. Baptismi Ministr. num. 54. & sequitur Layman. d. lib. 5. tract. 2. cap. 7. sub num. 3. prope finem. Alii verò docent, etiam in casu necessitatis Diaconum posse solemniter baptizare, quia facit id ex officio, cuius exercitium in tali casu liberum remanet. Suarez in 3. par. tom. 3. disp. 23. sect. 3. Diana part. 5. tract. 3. resol. 28. Quæ locatur in Coordin. tom. 1. tract. 1.

resol. 47. Et Gobat de Baptismo d. tract. 2. num. 137. in fine.

His præmissis, dixerunt. Si urgebat necessitas baptizandi infantem delatum ad Ecclesiam, Diaconus bene egit illum baptizando, etsi solemniter, Parocho absente, ex Suarez, Diana, & Gobat *supra*. Male autem fecit, cessante necessitate; cum non haberet à Parocho commissionem vel expressam, vel saltem tacitam, tum quia invadit Jus alienum, tum etiam quia operatur contra dispositionem Juris, à quo suspensum fuit sui officii exercitium. d. cap. Diaconus. Layman. & Gobat *supra*. qui d. tract. 2. num. 140. notat, incurere etiam irregularitatem per text. in cap. 1. De Cleric. non ordin. ministran.

Alter casus est huiusmodi. Parochus suspensionis pœna à Iudice irretitus, donec æs alienum solvat, infantem baptizat. Quæritur, an licite Præmittendum. Primò Suspensionem esse Censuram, per quam persona Ecclesiastica impeditur aliqua potestate, aut iure Ecclesiastico uti. Navarr. cap. 5. 27. num. 151. Avila de Censur. lib. 3. disp. 1. dub. 1. & Layman. lib. 1. tract. 5. part. 3. cap. 1. num. 1. Quæ quidem suspensio est duplex, Totalis, quæ suspendit tam ab officio, quam à beneficio; & Partialis, per quam quis suspenditur, vel ab officio tantum, vel solummodo à beneficio. Layman. d. cap. 1. num. 2. ubi notat, quod qui fuit absolute suspensus absque alia limitatione, vel declaratione, intelligitur de suspensione totali, quod extra controversiam est apud omnes Doctores. Secundo præmiserunt, officium esse Sacerdotis solemniter baptizare extra casum necessitatis; ex vi ordinationis suæ, quod omnes admittunt, S. Thom. q. 67. art. 2. Concil. Florentin. in Decreto Eugenii IV. Ea ratione, quia data est Presbyteris facultas consecrandi Corpus Christi, & illud distribuendi fidelibus, & per consequens opus fuit, ut haberent Jus disponendi fideles ad recipiendum Corpus Christi, quæ

quæ dispositio incipit per Baptismum: Layman *d. lib. 5. tract. 2. cap. 7. n. 2.* Gobat. *de Baptismo tract. 2. num. 130.* qui hoc officium considerant præcipue in Parocho; nam per Baptismum quis recipitur in collegium Ecclesiæ militantis, & ad Præsidentem collegii spectat recipere. Summa Diana *Verb. Minister Baptismi num. 54.* Mastrius in *Theol. Moral. disp. 17. num. 33.* Et Eminent. Card. de Lauræa *de Baptismo disp. 13. art. 1. num. 1.*

His præmissis responderunt, illicitè Parochum à Divinis suspensum baptizare solemniter infantem, quia id ei 7 ex officio competit; at per suspensionem prohibita ei sunt, quæ ex officio ad illum spectant, prout est solemniter baptizare. Layman. *de Suspens. d. lib. 1. tract. 5. part. 3. cap. 1. n. 6. corollar. 4.* Gobat *d. tract. 2. num. 130. & tract. 7. num. 193.* argumento deducto à simili circa illum, qui suspensus ab officio absolvit, & illum qui baptizat. Quocirca dictus Parochus peccavit mortaliter, & incurrit irregularitatem. Summa Diana *Verb. Irregularitas ex delicto num. 34.* Avila *de Censur. par. 7. sect. 2. dub. 2.* Mastrius in *Theol. Moral. disp. 13. num. 86. in fine. & n. 94. in fine*; ubi advertit, irregularitatem ipso facto incurri ab eo, qui est suspensus à Divinis, si exerceat actum ordinis; secus verò si exerceret actum Jurisdictionis; nam in hoc casu non incurreret in Irregularitatem, sed esset puniendus Judicis arbitrio; quod tamen intelligendum est de Jurisdictione in foro exteriori, & contentioso, non autem in foro interiori, ut de absolute Sacramentali, quæ cum pendeat ab officio, & ordine inducit irregularitatem. Idem Mastrius *d. disp. 13. num. 129.* & ibi Covar. Azor. Suar. Filliuc. & Bonac.

Cæterum studentes nostri exceperunt duos casus, in quibus ipse Parochus suspensus à Divinis, baptizando non peccaret, neque incurreret irregularitatem. Unus est, si baptizaret infantem in casu necessitatis Ba-

pismo privato; idest absque ritibus, & cæremoniis; quia hoc non est officium ordinis, & laicis quoque est permissum. Navar. *cap. 27. num. 163.* & Laym. pluribus cit. *d. lib. 1. tract. 5. part. 3. cap. 1. num. 2. Vers. suspensio totalis.* Alter casus est, si Parochus suspensus à Divinis, donec æs alienum solvat, esset moraliter impotens ad solvendum; tunc enim impotentia, etiam moralis excusaret illum à censura, & contumacia, & sic posset solemniter baptizare absque peccato, & absque irregularitate, ex doctrina Bonacinae *de Censur. in com. disp. 1. q. 2. punct. 3. num. 1.* Reginald. *lib. 9. cap. 11. num. 206.* & Naldus *Verb. Suspensio. num. 10.* Porro talis exceptio non est admitenda, neque practicanda; quia si Parochus est impotens ad solvendum, debet deducere suam impotentiam coram Judice, & petere beneficium cap. Odoard. *de Solutionib. videlicet*, quod non molestetur à creditoribus, donec venerit ad pinguem fortunam; quæ petitio facienda est in Judicio, citatis prius ipsis creditoribus. Thesaur. *Pedemon. decis. 15.* Valasc. *conf. 50.* & Barbosa *de Jure Eccl. Univ. lib. 1. cap. 39. §. 6. num. 4.* & probata prius ejus paupertate, & impotentia; & (quod magis interest) docto, se esse in casu, in quo intret beneficium *d. cap. Odoardus*; quandoquidem sunt viginti casus; in quibus non conceditur dictum beneficium; scilicet. si Clericus sit excommunicatus: si falsò asseruit se esse divitem: si cum creditore 10 versatus sit cum dolo: si factus sit Clericus post contracta debita: si exerceat illicitam negotiationem: si debita contraxit sub spe gaudendi hoc beneficium: si consumpsit bona in ludio, vel luxuriosè vivendo: si fuerit per tres sententias condemnatus: si sit obligatus in forma Cameræ Apostolicæ: si agatur de Pensione Ecclesiastica solvenda: si conveniatur actione reali: si debitum descendat ex delicto: si creditor sit ipso Clerico pauperior: si debitum sit causa depositi: si hæres

hæres sit Clericus non confecto inventario: si administavit bona aliena: si sit perjurus, vel suspectus de fuga: vel si debitum negavit; de quibus omnibus casibus tractat Barbosa *d. lib. 1. cap. 39. §. 6. ubi textus*, & DD. cumulat; nec non Genueli. in *Praxi cap. 3.* & Anton. de Possentib. *singul. 168* Igitur concludendum, quod Parochus judicialiter à Divinis suspensus, donec solvat æs alienum, non potest exercere actus ordinis sub prætextu impotentiae ad solvendum, nisi à Judice probata impotentia liberetur à suspensione; aliàs peccabit mortaliter, & erit irregularis.

DECISIO XXIX.

ARGUMENTUM.

Quænam sit materia Baptismi declaratur in hac Decisione. Referuntur errores hæreticorum circa ipsam materiam; & resolvuntur octo dubia à nemine ignoranda circa collationem Sacramenti Baptismi.

SUMMARIUM.

- 1 Materia Baptismi quæ, & quotuplex sit? & num. 3.
- 2 Hæreticorum errores circa materiam Baptismi.
- 3 Aqua est materia remota Baptismi. Proxima ipsa ablutio.
- 4 Aqua miraculose exorta an sit Materia Baptismi?
- 5 Aqua artificialis an sit materia sufficiens?
- 6 Ablutio an unica, vel trina esse debeat in Baptismo?
- 7 Puer projectus in puteum cum prolacione formæ an sit baptizatus?
- 8 Ablutio in qua parte corporis baptizandi sit facienda?
- 9 Capitulum ablutio an sufficiat in Baptismo?
- 10 Infans inclusus in Secundina an valide baptizetur?

11 Infans nondum egressus ex utero Matris an possit baptizari?

12 Apostoli quæ methodo baptizabant?

Quodcunque Sacramentum constare ex materia, forma, & intentione tum ministri, tum suscipientis diximus supra *de Sacram. in genere Decis. 1. num. 8.* quapropter ad plenam explicationem Sacramenti Baptismi, de quo agimus, oportet scire, Quæ, & Quotuplex sit Materia Baptismi? Præmittendum ad intelligentiam Quæ sit, Tres præcipuos errores adinventos ab hæreticis circa materiam Baptismi. *Flagellantes* dicebant, materiam esse sanguinem, ideò flagellis illum ex humeris extrahebant, & in eo se baptizatos dicebant, tum quia in circumcisione, quæ erat signum Baptismi, sanguinis fiebat effusio; tum etiam quia scribit Apostolus ad *Hebr. 9. Sine sanguinis effusione non fit remissio*. Alii hæretici *Jacobitæ* dicebant, materiam Baptismi esse igneam quandam adunctionem faciendam in fronte, vel genis parvulorum; eo quia S. Joannes Baptista prædixerat: *Ego quidem baptizo in aqua, in Pœnitentiam: qui autem post me venturus est* (idest Christus) *ipse vos baptizabit in Spiritu sancto, & igne*. *Mattb. 3. 11.* Novissimè Lutherus *cap. 17. colloquiorum symposiacorum* docuit, sufficere ad materiam Baptismi quemlibet liquorem, ut aquam, vinum, cervisiam, & quidquid potest madefacere, & esse balneum; quas ineptas hæreses, & hæreticales ineptias confutat Emin. Cardin. de Lauræa in *4. sentent. tom. 1. de Baptismo disp. 12. art. 2. à num. 10. & seqq.* ubi respondet *Flagellantibus*, Circumcisionem fuisse figuram Baptismi quo ad effectum tantum; non quoad entitatem, & significationem; verbaque Apostoli ad *Heb. 9.* aperte significare sanguinem pretiosissimum Redemptoris nostri JESU CHRISTI. Circa, verò *Jacobitas*, prædixisse Christum autorem Domini, Baptismum Christi.

instituentum in aqua cum virtute Spiritus Sancti, quò verò ad ignem intelligi metaphorice de igne charitatis, & gratiæ, quem Baptismus Joannis conferre non valebat. Vel de purgatione totius mundi faciendâ à Christo post diem Judicii universalis, idè sequitur textus Evangelicus dicere, *Cujus ventilebrum in manu sua, & permundabit aream suam. Matth. 13. 12.* Ad errorem Lutheri superfluum esset responsum, cum habeamus Evangelium manifestum *Joan. 3. Nisi quis renatus fuerit ex aqua, & Spiritu Sancto, &c.* & idè illum confutat Gobat de *Baptism. tract. 2. num. 15.*

His præmissis, respondentes Quæsito omnes dixerunt: Duplicem esse materiam Baptismi, *Remotam*, & *Proximam*. Materia *remota* est Aqua simplex, naturalis, seu elementaris; siue ex mari, siue ex flumine, fonte, puteo, seu palude in casu necessitatis etiam non benedicta: at extra dictum casum benedicta juxta ritum Missalis Romani in die Sabbati Sancti. Materia *proxima* est ipsa ablutio, seu lotio facta hominis cum ipsa aqua. Hæc responsio est de fide ob apertas Scripturas, quæ denotant Aquam materiam remotam Baptismi, videlicet, *Nisi quis renatus fuerit ex aqua, & Spiritu Sancto. Joan. 3. 5.* Et *Ad. 8. Ecce aqua, quid prohibet me baptizari? Et ad Ephef. 5. Mundans eam* (idest Ecclesiam) *lavacro aquæ.* Et ob diffinitiones Conciliorum tum Lateranensis in cap. *Firmiter*, de *Summa Trinit. & Fid. Cath.* tum Florentini in *Decreto Eugenii*, tum etiam Tridentini *sess. 7. Can. 2. de Baptisma.* Congruum autem fuit, ut Aqua deputaretur pro materia Baptismi, ut semper, & ubique præstò esse posset; & ut significaret effectus Baptismi, non solum in abluendis sordibus culpæ, sed etiam quia aqua est frigida, fluida, lucida, necessaria, & communis; juxta quas proprietates operatur baptismus, qui reprimat æstus concupiscentiæ, flectit rigorem inobedi-

tiæ, illustrat claritatem fidei; introducit in viam salutis; & est Sacramentum omnibus necessarium, & idè institutum in materia ubique reperibili. *Mastrius in 4. sent. disp. 2. de Baptismo art. 1. Et in Theolog. Moral. disp. 17. num. 16.* & Emin. Card. de *Lauræa d. tom. 1. De Baptism. disp. 12. num. 11.* Quod autem habemus in Historiis sacris de Aquis miraculosè evenientibus, & Baptisteria implentibus pro Catechumenis baptizandis; dicendum est, eas fuisse aquas naturales, elementares, jussu Dei, (cui omnia sunt possibilia) de terra educas sicut illæ de petra in deserto. *Exod. 17. 6.* Vide Magrium in *Herolexic. Verb. Baptismus. pag. 70.* Sarnellum *epist. 31. pag. 229.* Et Joan. Bonifac. *Baggattam in Admir. Orbis Christiani. tom. 1. lib. 3. cap. 8. & tom. 2. lib. 3. cap. 1. § 2.* Materia verò Proxima est applicatio ipsius aquæ, quæ fit per lotionem, seu abluionem; intelligendo abluionem uti *Passionem*, non autem uti *Actionem*; videlicet uti consistentem in baptizando, non in baptizante; aliàs sequeretur (si baptismus esset ablutio, quæ est actio) quòd si Minister simul, & eadem aspersione plures baptizaret, esset ibi unicus tantum Baptismus, quia esset unica tantum actio, quod est falsum; nam tunc essent baptismata, quot aspersi fuissent eum aqua. Et è contra si duo activè eundem hominem baptizarent; sequeretur, plura ibi esse Sacramenta; quia ibi plures interveniunt actiones, quod etiam est falsum; quia homo ille unum tantum susceperet Baptismum; sicut una est tantum ablutio passiva. *Mastrius in Theolog. Moral. disp. 17. num. 17.* Et Emin. Cardin. de *Lauræa d. disp. 12. num. 15.*

Occasione hujus Quæstiti à studiosis nostris facta fuerunt dubia sequentia; quorum resolutionem non me piget in gratiam hujus doctissimi Cleri, hic breviter ponere. Dubia sunt, 1. An aquæ artificiales, vel aqua impura sint mate-

materia Baptismi ? 2. An immersio, vel ablutio debeat esse trina ? 3. An Infans projectus in puteum, vel in flumen cum prolatione formæ sit Baptizatus ? 4. Quænam corporis pars sit abluenda ? 5. An sufficiat abluere capillos ? 6. An sit baptizatus puer existens in Secundina ? 7. An possit baptizari fœtus nondum egressus ex utero ? 8. An Apostoli baptizaverint per asperersionem, vel infusionem aquæ ? Quæ dubia ita breviter resolvuntur.

Quò ad Primum. Artificiales aquæ non sunt materia Baptismi, veluti Rosacæ, Cedrinæ, Cerevisia, Brodium, Atramantum, Nix, Grando, Glacies, Pruina (nisi liquefiant) neque aqua impura, si adeò lurnosa sit, ut vim abluendi non habeat. Layman. lib. 5. tract. 2. cap. 3. num. 4. Gobat de Baptism. d. tract. 2. à num. 10. & seqq. Maltrius in Moral. d. disp. 17. num. 16. Emin. Cardin. de Lauræa d. disp. 12. num. 12. & nos explicuimus anno proximi præterito de Sacramentis in genere decis. 6. num. 3.

Quò ad secundum: sicut diximus supra decis. 15. num. 9. & 10. histemporibus immersio, seu ablutio potest esse aut trina, aut unica; consuetudo tamen Diæcesis est servanda. Layman. d. lib. 5. tract. 2. cap. 3. num. 4. Vers. Dico secundò, ubi notat, olim præceptum fuisse, ut in baptismo fieret trina immersio, seu ablutio ad coercendos hæreticos Eunomianos, impugnantes Mysterium SS. Trinitatis, & dicentes, unicam esse debere immersionem cum invocatione mortis Christi: Cap. Mult. De Consecrat. dist. 4. Sed non multò post cùm Ariani in Hispania ex trina immersione in Baptismo deducerent, etsi falsò, tres Divinas Personas esse non unius substantiæ, seu naturæ, statutum fuit, ut semel tantùm mergendo Baptismus fieret: Concil. Toletan. 4. can. 5. S. Gregor. lib. 1. epist. 41. & S. Hieron. in Epist. ad Ephef. cap. 4.

Quò ad Tertium, An infans proje-

ctus in puteum, vel in flumen, cum prolatione formæ sit baptizatus? est famosa quæstio, in qua pro utraque parte stant rationes, & Doctores, loquentes de validitate (quia omnes concordant, esse illicitam talem projectionem, iniquam, & mortiferam.) Igitur, quò dictus infans non sit baptizatus tenent Riccard. Paludan. March. Sylvest. Armilla, & alii, quos citat, & sequitur Maltrius in d. 4. sent. disp. 2. de Baptismo num. 41. ex mente Scoti in 4. d. 4. q. 3. sub 4. & in sua Theol. Moral. d. disput. 17. num. 19. Qui has allegat rationes. 1. Ablutio Baptismalis ordinatur ad vitam spirituales, & non ad mortem corporalem. 2. In tantum immersio in aquam est ablutio Sacramentalis, in quantum sequatur emersio ex eadem aqua; nam per immersionem repræsentatur Christi sepultura; & per emersionem Resurrectio Christi. Sed projectio infantis non est actus ordinatus ex sui natura ad immersionem, & emersionem subsequentem. Ergo non est ablutio Sacramentalis. 3. Ablutio, quæ est materia proxima Baptismi, talis esse debet, ut ex natura sua sit ordinata ad sordes abluendas, non ad mortem dandam; hoc enim convenit Divinæ institutioni hujus Sacramenti, & abluitioni usuali, & morali, in qua est Sacramentum institutum. Sed talis non est projectio infantis in puteum, vel in flumen. Ergo non erit baptizatus. Contrariam sententiam tenent Suarez, Vasquez, Coninch. Bonacina, Diana, & alii, quos citat, & sequitur Layman. d. lib. 5. tract. 2. cap. 3. num. 6. Vers. Dico secundò: Horum fundamentum est, quòd infans iste est aqua ablutus: Ergo baptizatus, stantibus verbis formæ in eodem instanti prolatis. Neque obstat, quòd sequatur mors infantis: nam Baptismus est ordinatus ad vitam spirituales; non etiam ad corporalem. Simile de eo, qui baptizando infantem in cuna, tantam aquam infunderet, ut eum suffocaret. Vel si Minister baptizando

per

per immersionem, mergat puerum in flumine, quem ex manu elapsum retrahere non possit, ita ut mori contingat; in utroque enim casu erit verus Baptismus, etsi mors sequatur. Hanc sententiam videtur amplecti Emin. Card. de Lauræa d. disp. 12. num. 24. ubi advertit, Scutum non docuisse contrarium, sed solum dixisse, talem projectionem esse illicitam, & peccaminosam; & nemo debet committere peccatum, ut consulat animæ alterius salutem. Ego dico, projectionem antedictam, & esse illicitam, & nullo modo posse dici Baptismum; siquidem non est actio de sui natura ordinata ad abluendum infantem, sed ad illum submergendum, & necandum; & idem adhærendum esse censeo primæ opinioni, quam tenet etiam Gobat d. tract. 2. de Baptism. num. 51. & num. 262.

Quo ad Quartum. Non totum corpus est abluendum de necessitate Sacramenti, sed solum caput, in quo vigent omnes sensus hominis. *Cap. Postquam vos. De consecrat. dist. 4. Catechism. Rom. de Baptism. sect. 19. & Rituale in Rubric. de Baptism.* Quod si in capite ablutio fieri non possit, ut evenit, si in partu modus naturalis evertatur, erit validus Baptismus, si ablutio fieri poterit in pectore, vel scapulis. At si in pede, in digitoque tantum fiat, Baptismus est dubius, & egrediente sæculo ex vulva cum vita, erit ipse sub conditione rebaptizandus. *Cap. De quibus. Extr. De Baptismo. Sylvester Verb. Baptismus 4. q. 1. Layman. d. lib. 5. tract. 2. cap. 3. num. 3. Gobat dict. tract. 2. num. 52. Summ. Diana Verb. Baptismi materia num. 24. & seqq. Maius in 4. sent. d. disp. 2. num. 45. & in Theol. Mor. d. disp. 17. num. 21. & 22. Et Emin. Cardin. de Lauræa d. disp. 12. num. 36.*

Quo ad Quintum: An in Baptismo sufficiat ablutio capillorum? disputat Emin. Cardin. de Lugo in *Responsis Moralib. lib. 1. dub. 1. pro utraque parte*; & quidem pro negativa, quam tenent Bonacin. de Sacram. disp. 2.

*quest. 2. punct. 3. num. 21. Roderic. in sum. par. 1. cap. 25. Concl. 2. in fine. Jo: de Cruz in Direct. Consc. p. 2. q. 2. de Baptism. dub. 2. concl. 1. Sylvius in 3. par. q. 66. artic. 7. & Panimoll. decis. 104. num. 3. Facit hæc ratio, quod capilli non sunt pars hominis, sed quedam superfluitas, & excrementum non informatum anima; & idem rescinduntur sine dolore, & sine sensu. E contra facit pro affirmativa, quia capilli sunt vera pars corporis humani, deservientes tum ad ornatum, tum ad fovendam cutem capitis, & secundum Philosophos probabilior est opinio, eos informari anima rationali, & nutrir per subtilissimas venulas in ipsis existentes; ideoque in statu beatifico corpora gloriosa habebunt suos capillos, juxta promissionem Christi: *Et capillus de capite vestro non peribit. Joan. 11. 1. & qui debet tangere caput, satisfacit tangendo capillos*, ut Episcopus in ordinatione Presbyteri. Ideo hanc affirmativam opinionem amplexati sunt Eminentiss. Cardin. Toletus in sum. lib. 2. cap. 18. num. 10. Valentia tom. 4. disp. 4. q. 5. punct. 2. Henriquez, Coninch, Grassius, Posssevinus, & alii citati per ipsum Emin. Cardin. de Lugo d. lib. 1. dub. 1. num. 3. quibus ad stipulatur Gobat d. tract. 2. num. 53. Cæterum vera est responsio, Baptismum in hoc casu esse dubium; ideoque reperendum sub conditione, ut resolvit idem Emin. de Lugo d. dub. 1. n. 10. Layman. d. lib. 5. tract. 2. c. 3. sub num. 3. Versi. Eademque ratio; & novissime Maius in 4. sent. d. disput. 2. n. 47. & in Theol. Mor. d. disput. 17. num. 21. in fine, & num. 22.*

Quo ad Sextum: Etsi *Aversa q. 64. sect. 2. velit*, Baptismum esse validum, dum baptizatur infans inclusus in secundina, dummodò membrana illa ita subtilis, & porosa sit, ut aqua ad ipsum corpus possit permeare, & circa illud fluere, quod approbat Gobat d. tract. 2. num. 58. & num. 654. extendens id etiam ad umbilici abluionem; nihilominus communis est opinio

nio DD. *supracitatorum*, Baptifmum effe dubium, & fic fub conditione rēpetendum.

Quod ad Septimum: Non effe capacem Baptifmi hominem non natum, & adhuc in utero Matris exiftentem, docuerunt plures DD. quos cumulat, & fequitur Comitulus *refp. Mor. lib. 1. g. 13. per text. In maternis 115. de Consecrat. dift. 4.* Et Maftrius in *Theol. Moral. d. difp. 17. num. 41.* Sed contrariam opinionem tenent Lefsius in *3. p. quæft. 68. num. 31.* Layman. *d. lib. 5. tract. 2. cap. 3. num. 2.* & Gobat *d. tract. 2. de Baptifmo num. 56. & 57.* ubi ex iudicio Medicorum refert, in puerperio adeo aperiri matricem, in qua eft infans, ut ab obftetrice tangi poffit, & per eam digitis aqua madefactis, in periculo fuffocationis, poffe baptizari; vel aliquo tubo, feu chirurgico inftrumento aquam calidam per os vulvæ, ufque ad matricem infundi; qua fœtus tingatur, & prolatione formæ baptizetur; fi tamen vivus egrediatur, erit rebaptizandus fub conditione. Eminen. Cardin. de Lauræa *d. difp. 12. de Baptifm. num. 36. & 37.*

Quod ad Octavum: Communis eft opinio Doctōrum, Apostolos baptizaffe fideles ad fidem converfos per aquæ afperſionem, eò quia videtur difficile intellectu, quòd una die fœmē tria milia hominum baptizaverint, ut legitur *Act. 2. 41.* Porro eft probabiliffima ſententia, per aquæ infuſionem datum iſſdem fuiſſe Baptiſmum; ſicut enim una die Epifcopus ſacro Chriſmate tot pue-ros ſignare ſolet, ſic Apoſtolos baptizare potuiſſe eſt credendum; Layman. *d. cap. 3. num. 1. Coroll. 3.* precipue quia non ſoli Apoſtoli converfos ſacro laticē tingeant, quamvis eſſent duodecim, ſed ſecum erat turba fratrum fœrē centum viginti, qui omnes miniſtri Baptifmi eſſe potuerunt, ut ſubtiliter, & prudenter conſiderat Emin. Cardin. de Lauræa *d. difp. 12. de Baptifm. num. 37.*

DECISIO XXX.

ARGUMENTUM.

Formam Sacramenti Baptifmi explicat hæc Decifio, referens errores hæreticorum circa illam, & docens quæ verba ſint in ipſa forma de Præcepto tantum, & quæ de ejus eſſentia? Plures quæſtiones ſcitu neceſſariæ, ac curioſæ deciduntur attinentes ad ipſam formam. Baptizare extra Eccleſiam non licet, duobus caſibus exceptis; nempe neceſſitatis, & Filiorum Principum.

SUMMARIUM.

- 1 *Forma Baptifmi quænam ſit? & num. 3.*
- 2 *Errores hæreticorum circa formam Baptifmi.*
- 3 *Verba in forma Baptifmi, quæ ſint de ejus eſſentia?*
- 4 *Differentia in Baptifmo cum verbis Latinis, & cum Italicis.*
- 5 *In nomine Chriſti an ſit forma Baptifmi?*
- 6 *An in nomine Genitoris, Geniti, & Pro:edentis ab utroque?*
- 7 *Maſculus ſi baptizetur, & credatur fœmina; vel è contra, an ſit validus Baptiſmus?*
- 8 *Verba formæ Baptifmi an invertere obſt ejus validitati?*
- 9 *Locus dandi Baptiſmum eſt Eccleſia, exceptis Filijs Principum, & neceſſitatis caſibus.*
- 10 *Liberorum appellatione veniunt Nepotes, Pronepotes, & alii deſcendentes ab eis.*

E Nucleata prima parte Sacramenti Baptifmi, nempe materia, tranſeundum eſt ad ſecundam. Ideo quæritur, Quæ ſit forma Baptifmi?
Re.

Respondent DD. formam Baptismi in Ecclesia Latina esse : *Ego te Baptizo in nomine Patris , & Filii , & Spiritus Sancti . Amen*. In Ecclesia autem Græca : *Baptizetur servus Christi in nomine Patris , & Filii , & Spiritus Sancti . Amen*. Pro intelligentia sunt notanda sequentia.

Primum. Quodd Hæretici Eutychniani , & Eunomiani laceraverant totam formam , & baptizabant : In morte Domini . Socrat. *Hist. Tripartitæ lib. 9.* Arriani dicebant : *Ego te baptizo in nomine Patris per Filium*, in Spiritu Sancto . Niceph. *lib. 10. Hist. cap. 35.* Sabelliani , & Gnostici baptizabant in nomine Dei . Irenæus *lib. 1. advers. hæres. cap. 18.* Lutherani , & Zuinglistæ asserunt , formam esse ad libitum cuiuscumque ; quia Christus non præcepit Apostolis , ut hæc , vel illa verba baptizando servarent . Emin. Card. de Lauræa *diff. disp. 12. de Baptismo num. 39.*

Secundum . Forma Baptismi consistit in Verbis exprimentibus actum Baptizandi , Baptizantem , Baptizatum , & Personas Sanctissimæ Trinitatis ; siquidem in Baptismo duplex intervenit causa . Una principalis , quæ est Sanctissima Trinitas : & alia
3 Instrumentalis , quæ est Minister baptizans , & ideo utraque exprimi debet , & si quis dixerit , ablucendo puerum , *In nomine Patris , & Filii , & Spiritus Sancti* : & non dixerit , *Ego te baptizo* ; nihil agit . *cap. 1. De Baptismo*. Et decidimus supra *De Sacramentis in genere Decif. 8.* Græcorum forma continet virtualiter actum prædictum , & personam Ministri ; quamvis non exprimat illum , ex eo quod antiquitus videbatur multis , virtutem Baptismi posse attribui ipsi Ministro , & ad hunc errorem evitandum , voluerunt non exprimere Ministri personam . Martius in *Theol. Mor. d. disp. 17. num. 26. & 27.* ubi tamen advertit , licitum quidem esse tacere personam Ministri , sed non etiam illam excludere ; non enim esset Baptismus , si diceretur :

Baptizat te Christus , & non ego . In nomine Patris , &c.

Tertium . Propterea in nostra Forma Ecclesiæ Latine , & alia Verba sunt de necessitate Sacramenti , nempe *Baptizo te in Nomine Patris , & Filii , & Spiritus Sancti*. Quia *ly Baptizo* significatur Minister . *Ly Te* , persona baptizata , nam nemo seipsum potest baptizare . *Ly In nomine Unitas* divinarum Personarum . *Ly Patris , & Filii , & Spiritus Sancti* , Expressio Sanctissimæ Trinitatis . Alia Verba sunt de Præcepto ; videlicet , *Ly Ego , Is , & Amen* , ac Idioma Latinum , quando baptizatur ex officio . Eminen. Cardin. de Lauræa *d. disp. 12. num. 45.* Gobat *d. tract. 2. num. 69.* ubi prudenter admittit in Idiomate Latino : nam in Italico , *ly Ego , & Is* , sunt de essentia Sacramenti , nam nihil ageret , qui Italicè baptizando diceret : *Battezo , N. In nome del Padre , del Figliuolo , e dello Spirito Santo* .

Quartum . Ex quibus deducitur , esse Baptismum irritum , si dicatur : *Ego te Baptizo in Nomine Christi* , sive in *Nomine trium Personarum* , aut in *Nomine SS. Trinitatis* . Neque valet dicere , quod in principio Ecclesiæ Apostoli baptizabant in nomine Jesu , ut legitur in *Actib. Apost. cap. 2. num. 38.* ibi *Baptizetur unusquisque vestrum in Nomine Jesu Christi*. Et *cap. 10. 48.* *Jussit eos (Petrus) baptizari in Nomine Domini Jesu Christi*. Et *c. 19. 5.* *His auditis , baptizati sunt in Nomine Domini Jesu* . Quia in hac celebri , & in Scholis agitata questione , etsi dixerint antiquiores Theologi , & Sancti Doctores , talem formam servasse Apostolos ex dispensatione divina , ut nomen Christi JESU reciperetur cum veneratione . S. Thom. *3. p. q. 66. art. 6.* Scotus in *4. d. 3. q. 2. sub 1.* S. Bonaven. *ibid. q. 2. num. 27.* & alii , quos allegat Emin. Card. de Lauræa *d. disp. 12. num. 52. & 54.* tenenda est opinio Eminentiss. Card. Bellarmini , & aliorum Recentiorum , præcipuè Vasquezii *tom. 2. in 3. p. disp. 143. cap. 2. n. 7.* & Suarezii *d. disp. 21.*

disp. 21. sect. 3. num. 3. acriter defenditur contrarium, & docentium, non potuisse Apostolos immutare formam Baptismi, quæ est de Jure Divino, & de cujus dispensatione non constat; articulumque Sanctissimæ Trinitatis fuisse credendum explicitè à Baptizandis; ideòque *tex. Ad. Apost.* supracitatos intelligendos esse de Baptismo, in Nomine Christi Jesu dato per Apostolos fidelibus, ad differentiam Baptismi Joannis; vel, quod magis placet, formam Baptismi, tunc per Apostolos adhibitam fuisse: *Ego te baptizo in Nomine Patris, & JESU CHRISTI ejus Filii, & Spiritus Sancti*: Sic enim exprimebantur tres ipse Personæ SS. Trinitatis, & nomen JESU CHRISTI venerabatur. Sanctus Cyprian. *epist. 73.* quem allegat Maltorius in *4. sent. disp. 2. de Baptism. num. 55. & in ejus Theol. Morali d. disp. 17. num. 28.* Layman *d. lib. 5. tract. 2. cap. 4. num. 3. Vers.* *Atque hæc quidam explicatio*: Et Gobat *d. tract. 2. de Baptismo num. 65. & 68.* His omnibus DD. adstipulatur etiam Cornelius à Lapide in *Ad. Apost. cap. 2. Vers. 38.* ubi inquit: *Fortassè Apostolos primiti illis temporibus formæ Baptismi addidisse Nomen Jesu Christi dicendo: Ego te baptizo in nomine Patris, & Filii Jesu Christi, & Spiritus Sancti; ut huic novo nomini fidem, amorem, & reverentiam conciliarent*: concludens, quòd omnino Apostoli in primis instruebant baptizandos circa tres personas SS. Trinitatis, deinde eos baptizabant exprimendo omnes tres personas SS. Trinitatis, & dicendo *Ego te baptizo in nomine Patris, & Filii, & Spiritus Sancti. Amen.*

Quartum tandem notandum fuit, esse Baptismum nullum, si dicatur in Nomine Genitoris, Geniti, & Procreantis ab utroque; quia non exprimuntur Divinæ Personæ sub proprijs rationibus juxta formam à Christo traditam. Esse autem validum, si quis baptizet facinoram, credens esse masculum, & è contra; quia licet Minister speculativè erraret, tamen practicè non erraret, diri-

gendo actionem suam in illam personam. Panimoll. *d. decis. 4. num. 7.* ubi DD. Contrarium tamen notat Zaccchius in *Q. Q. Medicolgal. tom. 1. libr. 7. tit. 1. q. 8. num. 9.* citans Petrum Gerardum à Petra Sancta, antiquum Jurisconsultum, qui in *singul. 90.* ita docuit, subdens hanc rationem: *Quia oportet quòd intentio baptizantis fundetur super vero. Cap. Quamvis. cap. Solent. De Consecrat. dist. 4.* Secus si de hoc non cogitabat, sed simpliciter baptizabat. Ita determinat Hostiensis in *Summa de Baptismo §. Quid sit ejus forma. Vers. Quid ergo si quis putet.* Studiosus Lector cogitet, est enim casus satis curiosus, & qui de facili potest occurrere.

Ultimò esse bonum Baptismum, secundùm opinionem probabiliorum, si quis invertat verba formæ, dicendo: *Ego baptizo te, in Nomine Spiritus Sancti, Filii, & Patris; Vel Patris, & Spiritus Sancti, & Filii*: peccaret tamen mortaliter qui sic facere auderet. Malt. in *Theol. Moral. d. disp. 17. num. 30. & 31.* Gobat *d. tr. 2. de Baptismo à num. 73. & seqq.* Et Layman *d. lib. 5. tract. 2. cap. 4. num. 4.* ubi alias formæ mutationes enucleant, à curiosis, imò studiosis videndas.

Tandem non est ignoranda germana resolutio etiam sequentis Quæsitæ, scilicet Quo in loco baptizandum sit? Circa quod omnes DD. dicunt, Baptismum esse administrandum in Ecclesia habente fontem Baptismalem, nisi agatur de Filiis Principum, vel simus in casu necessitatis, juxta *Cl. ment. Ultimam de Baptismo*, quæ sic decernit: *Præsentibus prohibemus edicto, ne quis de cætero, in Aulis, vel Cameris, aut aliis privatis domibus, sed dumtaxat in Ecclesiis, in quibus sunt ad hoc fontes specialiter deputati, aliquos (nisi Regum, vel Principum, quibus valeat in hoc casu deferri, liberi extiterint; aut talis necessitas emerferit, propter quam nequeat ad Ecclesiam absque periculo propter hoc accessus haberi) audeat baptizare.* Duo igitur casus

casus excipiuntur , in quibus licet in domo privata baptizare . *Unus* est , si infans baptizandus sit filius Regis , vel Principis , seu alterius Comitis , Ducis , vel Baronis habentis merum , & mixtum Imperium in subditos ; ut absque dubio est Dux Venetiarum ; quamvis alii Nobiles Veneti de Consilio Rogatorum , Procuratores Sancti Marci , aut alias principales Reipublicæ Præfecturas , Magistratusve exercentes , pro eorum egregia pietate , & Religione , filios suos ad Ecclesiam Parochialem baptizandos deferant . Appellatione verò liberorum veniunt Nepotes , & Pronepotes , alii- que ex eis descendentes . *1. Liberorum . ff. de Verb. signific. Gobat d. tract. 2. de Baptism. n. 492. & 493. Pax Jordanus tom. 1. lib. 3. tit. 1. n. 15. Alter casus est necessitatis , comprehendens periculum mortis ipsius infantis , gravissime incommodi ; e. g. si cælum pluvium sit hyberno tempore , viæque difficillimæ ob glaciem , vel nives ; ac etiam timor sit alicuius infamiz , puta si mulier nobilis ex illicita , occulta tamen copula , peperisset ; ut considerat idem Gobat d. tract. 2. num. 500. 503. & 504. & seqq. addens , quòd omittere cæremonias ab Ecclesia ordinatas in Baptismo , si infans vivat , & cesset impedimentum , est peccatum mortale ; quia cæremonias , & ritus sacros semper Ecclesia Catholica magnificet ; & hæreticorum est eas , & illos spernere ; ut latè probat Layman cit. lib. 5. tract. 2. cap. 8. num. 3.*

D E C I S I O XXXI.

A R G U M E N T U M .

Disquiritur an duo Ministri esse possint in baptizando simul unicum infantem ? Proponuntur , & resolvuntur duo casus satis curiosi , sed practici , de duplici Ministro in uno , ac eodem Baptismate .

S U M M A R I U M .

- 1 *Minister Baptismi unus esse debet in baptizando .*
- 2 *Ministri duo in eodem baptismo an esse possint in casu necessitatis ?*
- 3 *Parochi duo eundem infantem eodem tempore an validè baptizent ?*

EX his , quæ hucusque docuimus circa materiam , & formam Baptismi in abstracto , resolvendi veniunt duo casus concernentes utramque in concreto . Itaque primus Casus est : Dum Capellanus baptizat infantem , Parochus superveniens infundit aquam super caput pueri , & Capellanus formam profert . Quæritur , an validus sit Baptismus ?

Non esse validum Baptismum , omnes respondent ex communi Theologorum sententia ; quam tenet S. Thom. 3. p. q. 67. art. 6. Scotus in 4. disp. 6. q. 2. sub E. S. Bonavent. ibid. part. 1. q. 1. Mastrius in 4. sent. d. disp. 2. n. 68. ubi dat exemplum , si ille , qui aquam effundit , sit mutus ; ille autem , qui formam profert , sit mancus . Idem Mastrius in sua Theol. Moral. cit. disp. 17. num. 36. Et Eminentiss. Card. de Lau- ræa disp. 15. de Ministro Baptism. num. 48. Ratio est , quia talis Baptismus est contra institutionem Christi , qui præcepit , ut unus , & idem sit , qui abluit , & formam proferat , ad hoc ut verificetur actus ille baptizandi ; non potest autem verificari , quando Capellanus dicit , *Ego te Baptizo* ; & tamen ipse non baptizat ; quia aquam non infundit ; ex qua aquæ infusione pendet verificatio ablutionis tum corporalis , tum spiritualis in anima ; quam non causat , qui verba profert . Ita alii DD. apud Dianam par. 5. tract. 6. ref. 2. quæ jacet in Coordinato tom. 1. tract. 1. ref. 65.

Cæterùm præter ipsos DD. à Diana citatos Cajetanus , & alii , quibus novissimè adhærent Stephanus à S. Paulo in Theol. Mor. tract. 5. disp. 2. n. 12. Cha-

Chapeville de Baptism. q. 20. & Gobat d. tract. 2. de Baptism. 147. opinantur, talem modum baptizandi posse praticari in casu extremæ necessitatis, & periculi mortis ipsius infantis, puta si mulier, quæ effundit aquam, nesciat formam Baptismi; & alia mulier sciens non possit effundere aquam; vel si infans moribundus sit in domo peste infecta, & obserata, in quam Parochus non possit ingredi; nam poterit per fenestram apertam dicere, *Ego te baptizo, &c.* dum interim ejus mater infundit aquam super infantem. Ratio desumitur, ex cap. *Potest de Regul. Jur. in 6.* ubi dicitur: *Potest quis per alium, quod potest facere per se ipsum.* Ergo qui profert formam baptismi jubendo alii, ut infundat aquam, videtur ipse eam infundere; & sic Baptismus valere. Confirmatur ex l. 1. §. *Dejecisse. ff. de Vi, & vt armata,* ubi Ulpianus ait: *Dejecisse autem etiam is videtur, qui mandavit, vel jussit, ut aliquid deiceretur.* Parol enim referre visum est, suts manibus quis deiciat, an verò per alium. Igitur idem est fundere aquam in baptismo propriis manibus baptizantis, vel ejus jussu manu alterius. Contrarium tamen est verius, quia Regula prædicta non procedit, quando actus nequit transmitti in alium, ut ab eo efficiatur, ut bene observat F. Vincentius Taccinus de Castrofranco Ord. Reformator. S. Francisci in declaratione ad dictam Regulam: *Qui per alium facit. 72. De Regul. Jur. in 6.* ubi dat exemplum de Contritione, & de Jejunio, quam, & quod alius pro alio facere non potest, quia sunt actus personales intransitivi in aliam personam; & idem ait de actionibus Sacramentalibus. Quare non videtur isto exemplo acquiescendum in praxi; siquidem Parochus in ista hypothesi potest ipse infantem ad fenestram delatum sacro lavacro ablueri, vel per aspersionem aquæ illius, etsi distantem, unda salutari attingere; vel Matrem docere formam proferendam, ipsam ipsi suggerendo

de verbo ad verbum. Admissa tamen opinione Gobati, & antiquorum in his necessitatis casibus, si infans evadat periculum, erit iterum sub conditione baptizandus. *Coton. lib. 2. contr. 2. c. 3. num. 43. Diana p. 5. tract. 3. ref. 26.* quæ legitur in Coordinato tom. 1. tract. 1. resol. 66.

Alter casus est: Duo sunt Curati in eadem Ecclesia æqualis potestatis, cumque in ea baptizandus sit infans dives, ambo cotta, & stola induti, ad majorem solemnitatem, & simul, & eodem tempore infantem baptizant. Quæritur, an validè?

Clamant DD. omnes infracitati dicentes, id esse illicitum cum S. Thom. 3. p. q. 67. art. 3. An verò sit validum Baptisma? Affirmant: vel enim unus Curatus citius altero abluit, & profert formam? & tunc iste solus baptizat, & facit validum baptismum. Vel uterque (ut in casu) simul, & eodem tempore abluit, & verba complet, & pariter in hoc casu validus est baptismus; ea ratione, quia, verisimile non est, factum unius irritare factum alterius, & est simile de pluribus Sacerdotibus eandem Hostiam, eodem tempore consecrantibus, ut sit in ordinatione Sacerdotum celebrantium simul cum Episcopo. Unus tamen erit baptismus, non duo, quia hoc Sacramentum magis consistit baptizatione passiva, quam activa; & sicut qui per aspersionem aquæ simul, & semel plures baptizat, plura facit Sacramenta, quia plures sunt baptizationes passivæ; ita si plures simul, & eodem tempore unum baptizent, unum faciunt Sacramentum, & non plura; ita Magistrus in Theol. Moral. d. disp. 17. num. 35. & in 4. sent. disput. 2. num. 59. & seqq. ubi num. 71. explicat quid tenendum, si isti duo Curati dixissent in plurali numero, *Nos te baptizamus?* tres enim sunt opiniones ibi videndæ; vel. apud S. Thomam 3. par. quæst. 67. art. 6. & legendi *Coton. d. libr. 2. Contr. 2. cap. 3. n. 44. Gobat d. tr. 2. num. 143. Layman duct. lib. 8. tract. 2.*

cap. 5. & 7. Diana part. 9. tract. 6. ref. 30. Quæ requiescit in Coordinato tom. 1. tract. 1. ref. 41. Et cæteris clarius Emin. Card. de Lauræa d. disp. 15. de Ministro Baptis. num. 51. & seqq.

D E C I S I O XXXII.

A R G U M E N T U M.

Comprobatur necessitas Baptismi ad æternam salutem consequendam. Distinctio Necessitatis, ut alia dicatur simpliciter, seu mediis; alia secundum Quid, seu Præcepti. Infantes an sine Baptismo possint salvari? Item an adulti? Errores hæreticorum circa necessitatem Baptismi?

S U M M A R I U M.

1. Necessitas Baptismi an eadem in infantibus, & in adultis?
2. Necessitas duplex, alia simpliciter, alia secundum quid.
3. Necessitas alia Medii, alia Præcepti. Illa mediis vel strictè, vel latè.
4. Baptismus, & Pœnitentia qua necessitate sint necessaria?
5. Differentia infantium, ac adultorum quo ad necessitatem baptismi.
6. Infantes sine baptismo in re, vel Martyrio salvari non possunt.
7. Parentum fides an juvet infantes non baptizatos?
8. Hæretici negantes necessitatem baptismi.

Sufficienter hucusque videtur exposita essentia Sacramenti Baptismi, atque ejus materia, & forma, quibus consistitur. Nunc agendum est de ejus necessitate, & videndum, an eadem sit necessitas baptismi in infantibus, ac in adultis? Pro intelligentia dicendorum præmittendum primo: apud Theologos duplicem pro salute æterna dari Necessitatem, seu duplex reperiri Necessarium.

Unum, quod antiqui Scholarum Proceres dicebant *Necessarium simpliciter*; & aliud *Necessarium secundum Quid*, seu *ad melius esse*. Illud est necessarium simpliciter, quo prætermisso, etiam si ex ignorantia, vel oblivione prætermittatur, salus æterna obtineri non potest, juxta legem Dei ordinariam. Necessarium verò secundum quid, sive ad melius esse, illud dicitur, quod si omittatur vel ob ignorantiam, vel ob impotentiam, non excludit hominem ab æterna salute. Recentiores Theologi, & Neotetici hanc Necessarii distinctionem sub aliis terminis, & vocabulis communiter explicant; videlicet, appellando Necessarium primi ordinis, *Necessarium Medii*; secundi verò ordinis *Necessarium Præcepti*: quam quidem mutationem non laudat Eminent. Cardin. de Lauræa d. tom. 1. in 4. sentent. de Sacram. in gen. disp. 6. art. 2. Illam tamen approbat Maltius in 4. sent. disp. 1. num. 361. & in Theolog. Morali disp. 16. num. 59. & eam passim sequuntur Moralistæ, & novissimè Gobat de Sacram. Baptismi tract. 2. num. 110. & seqq. qui ulterius sub num. 114. advertit à Conincko, & Dicastillo ibidem citatis, subdividi Necessarium Medii in Necessarium strictè, seu Absolutum; & in Necessarium latè, seu ex suppositione; quod mox explicabitur.

Præmiserunt secundò: Sacramenta Baptismi, & Pœnitentiæ esse Necessaria Simpliciter seu necessitate Medii ad consequendam æternam salutem; Baptismum scilicet omnibus hominibus, tam adultis, quàm parvulis: Pœnitentiam verò solummodò adultis, qui peccaverunt post baptismum. Cætera verò Sacramenta esse necessaria secundum quid, seu ad melius esse; hoc est necessitate Præcepti, singulis privatis hominibus; nam toti Ecclesiæ, & universali hominum communitati sunt omnia Sacramenta necessitate Medii, & simpliciter necessaria, ut bene explicant Maltius in 4. sentent. d. disp. 1. num. 368. & in Theolog. Morali. d. disp. 16. num. 61.

num. 61. nec non Eminent. Cardin. de Lauræa d. disp. 6. de Sacram. in genere art. 2. per totum. Porro Baptismus dicitur Necessarius Parvulis necessitate Medii, strictè, & absolute, quia in voto non potest suppleri (excepto casu Martyrii:) at in adultis non baptizatis est necessarius necessitate Medii, & simpliciter, sed latè, & ex suppositione; quia si sit impossibile ipsum in re suscipere, sufficit in voto, ut docuimus supra Decif. XXVI. & idem intelligendum de Sacramento Pœnitentiæ, quod deficientibus Confessariis potest suppleri in voto cum actu contritionis, & dilectionis Dei. Gobat d. tract. 2. num. 114.

His ita præmissis, respondentes Quæsto dixerunt, Magnam esse differentiam inter necessitatem Baptismi respectu Infantium, & respectu Adultorum: quandoquidem in Adultis Baptismus est necessarius necessitate Medii, & simpliciter; sed latè, & non strictè, eo quia si non sit illis possibile actualiter baptizari, & non sit locus Martyrio, possunt salvari per Baptismum Flamini, illum in voto, & desiderio suscipientes. Verùm in infantibus Baptismus est necessarius necessitate Medii, & simpliciter, nec non strictè, & absolute sumptim; quia in re debent baptizari, idest aut aqua, aut sanguine per Martyrium; aliàs salvari non possunt; prout docent omnes Theologi, tenuerunt SS. Patres, & est definitum à Sacris Conciliis, quæ, & quos referunt, & allegant Bonacina de Sacram. disp. 2. q. 2. punct. 2. n. 8. Layman lib. 5. tract. 2. cap. 6. num. 6. Gobat d. tract. 2. num. 116. Mastrius in 4. sent. disp. 2. de Baptismo num. 214. & in Theol. Moral. disp. 17. n. 41. & abundantius Eminentiss. Cardin. de Lauræa de Baptismi necessitate disp. 13. num. 67.

Ex his patet non absque fundamento à diversis Theologis haberi pro hæretica, aut saltem pro erronea, & temeraria opinionem illorum, qui scripserunt, infantes morientes in utero ma-

terno absque Baptismo, posse salvari propter fidem parentum; ut scripsit Cajetanus 3. p. q. 68. art. 2. & 11. & Campanella apud Caramuelem in Theol. fundam. num. 1815. licet enim hæc opinio præferat quandam speciem pietatis, est aliena à sensu, & dogmatibus Sanctæ Matris Ecclesiæ, & ideò B. Pius V. iussit, illam Cajetani esse prætermittendam in Editione Romana operum Divi Thomæ, ut notat Aretinus in 4. d. 4. q. 3. art. 3. relatus à Mario in Theolog. Moral. d. q. 17. num. 41. quod innuit etiam Emin. Card. de Lauræa d. disp. 13. art. 6. à principio ad finem; ubi, ob suam egregiam modestiam, nec nominat Auctores præfatæ opinionis reprobata, nec eos censurat; subdens, sibi sufficere, ejusdem opinionis improbabilitatem ostendisse, ut saluti proximorum consulat; & sibi satis esse Theologum agere.

Hic autem notandi veniunt hæretici, qui olim asserere sunt ausi, quodd Baptismus nihil valebat, si daretur pueris ante eorum intelligibilem ætatem. Tales fuerunt Petrus de Brui Ann. 1126. (contra quem scripsit Petrus Cluniacensis lib. 1. epist. 1. & 2.) & Henricus Monachus Apostata ejus discipulus, quem coercuit S. Bernardus Epist. 240. ac Hæretici Albienfes Ann. 1176. de quibus omnibus meminit Spondanus ad dd. annos. At nulli prorsus esse necessarium baptismum, effutire non erubuerunt Sampson Presbyter Scotus Anno 748. & post eum Berongarius Anno 1035. qui pluries in abjuratos errores relapsus, tandem nonagenarius pœnitens, ut creditum fuit, obiit; & in obitu dixit: Hodie apparebit mihi Dominus meus JESUS CHRISTUS propter pœnitentiam, ut spero, ad gloriam; vel propter alios, ut timeo, ad pœnam. Ita Spondanus Anno 1088. num. 5. in fine.

DECISIO XXXIII.

ARGUMENTUM.

Recensentur effectus duodecim, quos producit in baptizatis Sacrum lavacrum Baptismi. Inter eosdem numeratur sanitas miraculosa à desperatis corporis infirmitatibus. Circa easdem varia exempla asseruntur.

SUMMARIUM.

1. Effectus Sacramenti Baptismi duodecim. Et qui?
2. Debita baptizandi vel ex delicto, vel ex contractu an remittantur ei per Baptismum? Sanitates corporales ex Baptismo.
3. Irregularitates omnes tollit Baptismus, non etiam Bigamiam.
4. Sacerdos bonus baptizans magis proficit baptizato, quam malus.
5. Cathecumenus mortuus an sepeliatur in loco sacro?
6. Baptizandus non credens, vel non dolens de peccatis an valide baptizetur.
7. Gratia, quæ datur baptizatis, an æqualis sit in omnibus?
8. S. Venerandus Martyr baptizatus à Christo Domino.

Nunc autem videamus: Qui sint effectus Baptismi? Et eundem, effectus Baptismi sunt duodecim. *Primus* est Character, nempe signum quoddam spirituale indelebile, impressum in anima baptizati; ratione cuius baptismus semel rite susceptus iterari non potest. *Cap. Majores. de Baptism.* Et hoc est de fide definitum in *Conc. Florent. in Decret. Eugenii* §. 5. *Ecclesiasticorum.* Et in *Trident. sess. 7. Can. 9.* Et ad hunc effectum consequendum sufficit in Adultis baptizatis virtualis intentio suscipiendi Baptismum. *Secundus* effectus est Gra-

tia sanctificans, quæ infunditur in anima Baptizati; (non ponentis obicem vel fictionis, vel affectus ad mortale) & per quam homo iustificatur. *Concil. Florent. loc. cit. & in Trident. sess. 6. can. 11.* Hunc autem effectum inseparabiliter sequitur *Tertius*, nempe infusio Virtutum Theologicarum fidei, spei, & caritatis. *Concil. Trident. sess. 6. cap. 7.* Non etiam Moralium, ut docet *Mastrius in 3. sent. disp. 7. q. 2. & in Theol. Moral. d. disp. 17. sub num. 49.* ubi Thomistas dissentire advertit. *Quartus* est delictio peccati originalis. *Quintus* etiam actualis in Adulto, qui mortaliter, seu venialiter peccaverit. *d. Concil. Florentin. cit. §. Primum omnium*, videlicet quamcunque culpam tam originalem, quam actuale. *Sextus* effectus est remissio omnis pænæ, quæ in alia vita erat luenda; ita ut homo, qui statim moritur post Baptismum, licet adultus, & magnus peccator, evolet immediate ad Cælum. *cap. Per baptismum de consecrat. dist. 4. Concil. Trident. sess. 5. can. 5. sess. 6. cap. 14.* Et iterum *sess. 14. cap. 8.* Et probat praxis Ecclesiæ Universalis, quæ nullam satisfactionem imponit Adultis baptizatis, etsi antea fuerint magni peccatores. Pœnalitates tamen hujus vitæ, ut morbi, fames, sitis, fomes peccati, & inordinatio potentiarum in præsentia non tolluntur, sed eundem virtute Baptismi tunc auferuntur, quando *Mortale hoc induerit immortalitatem*. *1. Cor. 15. 54.* videlicet post Resurrectionem. *2.* In die iudicii. Debita verò initia per Adultum baptizatum ante Baptismum, sive ex contractu, sive ex delicto, quæ tangunt iustitiam proximi, non delentur. *DD. in cap. Gaudemus. de Divort.* Quæ verò sunt in injuriam Dei, ex benignitate Ecclesiæ remittuntur. *Layman. lib. 1. tract. 5. par. 5. cap. 6. num. 9.* ubi de Iudeo fure, homicida, vel sacrilego ad fidem converso. Porro ex immensa Dei benignitate per Sacramentum Baptismi etiam corporis sanitatem concessam (preut Con-

stanti-

stantino Imperatori, Præpedignæque Principiffæ Patavinæ, tempore S. Profdocimi) & à Dæmonis infestatione liberationem, aliasque gratias elargitas, in duobus, & quadraginta probatis exemplis demonstrat Joan. Bonifacius Bagatta in *admirandis Orb. Christ. tom. 2. lib. 3. cap. 1.* prout etiam Hieron. à Basilicapetri in suis *Epbemerid. Sacris ubi, die 8. Januarii* narrat de quodam Judæo divite, sed Paralytico, baptizato, & statim sano effecto à B. Attica Patriarcha Constantinopolitano. *Et eodem die* scribit, Odiliam Virginem cæcam à nativitate filiam Eticonis Ducis Alsatiæ, statim ac recepti sacrum lavacrum baptismale à S. Erardo Episcopo, obtinuisse cum lumine fidei etiam lucem corporalem. Item *die 13. Januarii*, Quiriacam Principissam Valentinam ablutam aqua baptismi à Sancto Potito Martyre adinstar Constantini Imperatoris statim à lepra fuisse mundatam. Similiter ab eadem lepræ infirmitate sanatam fuisse Orioldam filiam Alais Ducis Brixiz tinctam salutari Baptismatis unda à Sancto Honorio, qui deinde fuit electus Episcopus Brixienfis, notat idem Hier. à Basilicapetri *die 24. Aprilis*, in Vita ejusdem Sancti Honorii, quem decet Parochos, & Prædicatores vidisse, & legisse. *Septimus* effectus est, conferre quoque omnia illa auxilia supernaturalia, quæ sunt proportionata fini, ad quem Baptismus est institutus; videlicet ad servandam divinam legem, ad sacramenta digne suscipienda, atque Religionis, & pietatis exequenda officia. Mastrius in *Theol. Moral. d. disp. 17. num. 31.* ubi docet, omnia sacramenta conferre specialia auxilia ad finem proprium ordinata, ob quem singula sacramenta sunt instituta. *Octavus* est ablatio omnium irregularitatum ex delictis commissis ante Baptismum, etiam ex

3 Homicidio, excepta tamen Bigamia; & ratio est, quia irregularitates, quæ sunt poenæ Ecclesiasticæ, non afficiunt illum, qui non reperitur in gremio

Ecclesiæ: & cùm delicta commissæ ante Baptismum jam transierint, neque habeant actum permanentem, poenæ eorum causa statutz non resurgunt post Baptismum. Porro Bigamia habet actum permanentem, & perseverantem etiam post Baptismum; non enim fieri potest, ut qui duas uxores habuit, vel viduam duxit in Matrimonium, non dividerit carnem suam, & non sit Bigamus; ideo post Baptismum afficitur hac irregularitate. *cap. Si quis Viduam. diff. 34. Mastrius in Theol. Morali disp. 13. num. 133. & Lyman libr. 1. tract. 5. part. 5. cap. 6. num. 8. & 9.* ubi subdit, infamiam facti contractam ante Baptismum deleri in Baptismo; non autem infamiam Juris, quæ ex Judicis sententia resultat. *Nonus* effectus estabilitas ad recipienda cætera Sacramenta; juxta tritum axioma, quod Baptismus est janua omnium Sacramentorum. *Decimus* est obligatio servandi Decalogi Præcepta, nec non illa Ecclesiæ, & servandi fidem. *Undecimus* quandoque est specialis prærogativa sanctitatis, proveniens in pueris lavacro Baptismali regeneratis, qualis fuit, in S. Nicolao de Myra, abstinentiæ inchoatio; cùm enim infans reliquos hebdomadæ dies lac sugeret frequentius; quarta, & sexta feria semel dumtaxat, idque Vespere fugebat. Quam jejunii consuetudinem adultus semper coluit. Breviar. Rom. in *less. die 6. Decemb.* Et eandem devotionem, ac jejunii exercitationem à SS. Rocho, & Stephano Carthusiano Episcopo Diensi, observatam in ætate infanti notat Joan. Bonifac. Bagatta in *Admiran. Orbis Christ. tom. 2. lib. 5. cap. 4. §. 8. num. 3. & 4.* Porro talis effectus sæpè provenire potest ex merito vel Parentum, vel Sacerdotis baptizantis; est enim utilius baptizari à bono Sacerdote, quàm à malo, quia ejus orationes magis profunt baptizato, quod est intelligendum de congruo, non autem de condigno, juxta doctrinam S. Thomæ

2. 2. q.

2. 2. q. 114. art. 6. & S. Bonavent. in 2. d. 27. art. 2. q. 2. quod observat Mastr. in 4. sent. disp. 1. de Sacram. in genere q. 9. & in Theol. Moral. d. q. 17. num. 53. & Emin. Card. de Lauræa de Baptism. disp. 11. n. 111. Duodecimus tandem effectus proveniens à Baptismo est Jus Ecclesiasticæ sepulture; quapropter baptizatus est in loco sacro sepeliendus. Caramuel in Theol. fundam. num. 1400. Diana pett. 4. tract. 3. res. 9. resedente in Coord. tom. 8. tract. 8. res. 7. id intelligendo etiam de Baptismo dubio. Gobat d. tract. 2. num. 640. & num. 653: ubi idem docet etiam de Cathecumeno: & carpit contrarium scribentem Laymanum lib. 3. tract. 5. cap. 12. num. 11.

Hic duo Corollaria veniunt annotanda. *Unum*, quod si quis adultus accedat ad Baptismum cum fictione, nihil credens esse Baptismum, sed joci causa, vel motivo turpis lucri, iste nullum recipit effectum Sacramenti, neque characterem. Mirabile est exemplum, quod legitur apud Bollandum, de quodam infidele, qui fectè Baptismum suscepit, & vix completa administratione Sacramenti, ventus validus irruit, & vessem candidam, qua falsus Neophitus erat indutus, violenter arripuit, ac ea illum spoliavit, indicans nullum effectum Baptismi recepisse: Ita Bollandus die 13. Januarii. ex Actis S. Hilarii Episc. Pictavensis. At si fictio in eo consistat, quod habens peccata mortalia, de illis eum non pœniteat; in hoc casu, licet credat, & intendat recipere Sacramentum; obtinet quidem characterem; sed non obtinet gratiam; quam solummodo recedente fictione obtinere poterit post Baptismum, mediante tamen attritione cum Sacramento Pœnitentiæ, confitendo fictionem ipsam, & peccata; de quibus delectabatur in suscipiendo Baptismo; vel mediante contritione, cum proposito eadem confitendi; ut bene disputat Eminen. Cardin. de Lauræa de Sacram. in gen. disp. 11.

art. 4. & 5. & de Sacram. Baptism. disp. 14. art. 6. quibus in locis respondet Theologus asserentibus, fictionem tolli, & gratiam obtineri per solam attritionem absque Sacramento Pœnitentiæ, æqua lance, ut fieri poterat in Baptismo. Et circa hoc novissimè Mastrus in Theol. Moral. d. disp. 17. num. 56. & 57. distinguit obicem negativum ab obice positivo. Primus est, si in Baptismo non habuit attritionem peccatorum ex oblivione, vel ignorantia; & in hoc casu docet per attritionem solam post Baptismum obtineri gratiam, & deletionem peccatorum. Obex verò positivus est delectatio peccatorum in actu Baptismi, & in hoc casu, ut diximus supra, non sufficit attritio sola, sed requiritur Sacramentum Pœnitentiæ, cum actuali confessione peccatorum; vel contritio cum voto confitendi.

Alterum corollarium est; quod Adultis in Baptismo datur major, vel minor gratia juxta majorem, vel minorem eorum dispositionem, devotionem, & affectum. Parvulis verò, etsi ratione Sacramenti Baptismi detur omnibus, & singulis æqualis gratia; tamen alicui eorum potest dari major, tum ex majori devotione Parentum, vel Sacerdotis baptizantis ex congruo, tum ex speciali benevolentia Dei. Mastrus d. disp. 17. num. 52. in Theolog. Moral. & Emin. Card. de Lauræa de Sacram. in genere disp. 1. art. 8. per totum. Et equidem copiosum spiritualis gratiæ munus credendum est recepisse in baptismo S. Venerandum Martyrem, qui cum esset Cathecumenus veniens ad fluvium Sequanam, eidem Christus apparuit, & perfectè credentem in fluvio baptizavit; deditque illi baculum aridum, mandans ut ipsum in terram figeret, prout fecit; moxque flores, & frondes produxit, quo viso miraculo octingenti triginta homines pagani conversi sunt; ut latius scribit Petrus de Natalibus lib. 10. cap. 60. de S. Veneran.

nerando, qui postea meruit palmam Martyrii obtinere.

DECISIO XXXIV.

ARGUMENTUM.

Disputatur, an liceat baptizare plures infantes unica vice, & actione? Prout etiam an peccet mortaliter ille, qui baptizat existens in peccato mortali.

SUMMARIUM.

1. Baptizare plures infantes unica actione an liceat?
2. Exorcismi in baptismo, & aliæ Orationes unica vice pluribus baptizandis fieri possunt.
3. Ritualis Romani Rubricæ sunt de Præcepto, & obligant sub mortali.
4. Baptizans in mortali peccato mortaliter.
5. Mors infantis non baptizati permittenda potius, quam mortaliter peccare.

Porro duo casus veniunt resolvendi, qui non distant à praxi, & facillimè occurrere possunt animarum Rectoribus circa Baptismum. Primus est huiusmodi: Tres infantes eodem tempore deferuntur baptizandi ad Ecclesiam: Parochus, ut citius se expediat, plurali locutione eos simul baptizat. Queritur, an licet, & validè? Respondendum est cum distinctione. Vel iisdem tribus infantibus imminet periculum mortis ex infirmitate, vel alia urgentissima causa aderat; & tunc Parochus plurali locutione usus, illos baptizavit licet, & validè. At si absque mortis periculo, vel urgentissima causa id fecit, baptizavit *validè*; sed *non licet*. Quod *validè* baptizaverit, probantur ex eo, quia ex institutione Christi non habetur, ministrum Baptismi teneri ad unum tantum singulis vicibus baptizandum; imò est communis opinio, ab

Apostolis unica vice fuisse plures baptizatos, ut habetur *Act. 2.* ubi una die ab hora tertia circiter tria millia hominum baptizaverunt per asperersionem: (quamvis suprà dixerimus, eos potuisse baptizari per immersionem, vel infusionem, cum plures essent Apostolorum discipuli.) Uterius valet Baptismus plurium unica vice à Sacerdote factus plurali locutione; nam Sacerdos potest etiam plures Hostias simul consecrare. Quod autem *illicite*, constat ex eo, quia non licet mutare Ritum Sanctæ Matris Ecclesiæ, quæ prohibet, extra periculum mortis infantium, vel absque urgentissima causa, baptismum conferri pluribus unica vice, & sub unica forma; quamvis concedat, fieri exorcismos, & alias orationes in plurali recitare; ut habetur in Rituali Romano in fine Baptismi parvulorum: ubi Rubrica rubra sic statuit: Si verò fuerint plures baptizandi, sive masculi, sive feminae, in Catechismo masculi statuatur ad dexteram, feminae verò ad sinistram; & omnia pariter dicantur, ut suprà in proprio genere, & numero plurali. Verum prima nominis interrogatio, & sufflatio, Crucis impressio, seu signatio, tactus aurium, & narium cum saliva, abrenuntiationis interrogatio, unctio olei Catechumenorum, interrogatio de fide, seu Symbolo: ET IPSE BAPTISMUS, inunctio Chrismatis, candidæ vestis impositio, atque accensæ candelæ traditio, singulariter singulis, & primum masculis, deinde feminis fieri debent. Ita Rituale Romanum, quod quidem obligat sub mortali peccato, ut docent Menoch. *conf. 52. num. 145. Loter. lib. 1. q. 16. num. 123. Gratian. discept. forens. cap. 151. num. 7. Et Sperell. decis. 179. num. 23.* ubi alii DD. Quocirca concludendum *illicite* prædictum Parochum egisse, etsi *validè*. S. Thom. 3. p. q. 66. art. 9. ad 4. Layman *lib. 5. tract. 2. cap. 7. num. 7. in fine.* Maltrius in Theol. Moral. d. disp. 17. num. 34. Cottonius *lib. 2. contr. 2. cap. 2. n. 24.*

Et 25. Et Eminentiss. Cardin. de Lauræa de Baptism. disp. 15. num. 35.

- Alter casus talis est: Baptizat Parochus existens in peccato mortali, Quæritur, an licite? Distinguere oportet:
4. Vel baptizat *solemniter*; & absque dubio non agit licite; quia peccat mortaliter, tum quia hic est sensus totius Ecclesiæ, tum quia est Præceptum Divinum, Sacramenta non ministrari ab indignis, juxta illud: *Ambulans in via immaculata, hic mihi ministrabat*. Psal. 100. & illud: *Recedite polluti, recedite, abite, mundum nolite tangere*. 2. Thren. 4. tum etiam quia scripsit S. August. lib. 2. contra epist. Parmeniani cap. 10. *Omnia sacramenta cum ob sint indignè tractantibus, pro sunt tamen per eos dignè sumentibus*, & habetur in cap. Omnia 1. q. 2. idè quod sic sentiunt omnes DD. S. Thom. 3. p. q. 64. art. 6. Vazquez disput. 136. cap. 3. Suarez disp. 16. sect. 3. & alii, quos allegat Layman lib. 5. tract. 1. cap. 5. num. 7. quibus addendus Emin. Cardin. de Lauræa de Sacram. in gen. disp. 10. num. 41. & seqq. Vel è contra Parochus baptizat *privatè*, idest in casu necessitatis; non tanquam ex officio, & publicus Minister, sed tanquam homo privatus; & in hoc casu duæ sunt opinioniones. Una largior, quæ illum excusat à peccato mortali. Cardin. Tolet. lib. 2. cap. 20. num. 2. Summa Diana Verb. Baptismi minister num. 56. Naldus Verb. Baptismus. num. 16. Ipse Diana part. 5. tract. 3. ref. 24. reperienda in Coordin. tom. 1. tract. 1. resol. 43. & Mastrius in Theol. Moral. disp. 16. num. 42. Alia est strictior opinio, tenens Parochum, & quemcumque Sacerdotem *privatè* baptizantem, in casu necessitatis, existentemque in mortali, peccare mortaliter, cum semper ex officio, & vi ordinationis censeatur baptizare. Ita Angelus Verb. Baptismus 5. §. 10. Layman d. lib. 5. tract. 1. cap. 5. num. 8. & 9. ubi Laicos in hoc casu baptizantes putat, tantummodò venialiter peccare. Sed Emin. Cardin. de Lauræa fortiter corroborat hanc secundam opi-

nionem, & sustinet tam Sacerdotem, quàm Laicum (si in mortali sint) baptizantes etiam *privatè*, & in casu necessitatis, peccare mortaliter; quia parimodo administrant Sacramentum ex officio Sacerdos, & Laicus; uterque enim est à Deo ordinatus minister Baptismi in casu necessitatis, & habet à Deo potestatem baptizandi; idcirco in utroque casu, & utraque persona baptizans in peccato mortali peccat mortaliter, quia utraque non conformatur Agenti principali Sanctissimo, qui secum cooperatur in baptismo, nempe Deo; & uterque, Sacerdos scilicet, & Laicus, se difformat Sacramento, quod est sanctum. Ita præcit. Eminentiss. Cardin. de Lauræa de Sacram. in genere d. disp. 10. art. 4. per totum. ubi num. 47. in detestationem peccati mortalis, & offensæ Dei probat, esse potius permittendam mortem pueri sine Baptismo, quàm illum baptizare in peccato mortali; nam omnis homo debet magis diligere Deum, ac seipsum, quàm proximum; ac magis debet in se vitare peccatum mortale, quàm in alio damnationem; & ratio rationis est, quia prohibitio de administrando in mortali est absoluta, & nullum excipit casum. Hinc Scotus in 4. dist. 5. q. 2. I. scriptum relinquit, Patrem debere potius permittere mortem filii sui sine Baptismo, si ipse nesciat illum baptizare, quàm dare pecuniam alicui Simoniaci, ut eundem baptizet. Glossa verò in cap. Baptizandis. in Verb. Moliantur. 1. q. 1. ait, hanc doctrinam esse veram speculative, sed in praxi non servandam. Quæ quidem secunda opinio strictior, imò strictissima sustinetur ab eodem Eminen. Purpurato de Lauræa etiam in tract. de Baptism. disp. 15. num. 15. cum qua est nobis, & studiosis nostris transeundum; ut horrorem concipiamus peccati mortalis, & sacrilegæ actionis. Ita tamen ut sciamus in casu proposito, esse quidem infantem baptizandum à Parcho, præcipue si ille sit in mortis periculo.

riculo, sed præmiſſo actu contritionis, cum propoſito confitendi quanto citius poterit. Idcirco oportet uti diſta rigoroſa opinione ut diſcamus, & populum doceamus, actus contritionis elicere, ita ut etiam ex abrupto dignè, ac licitè poſſimus adminiſtrare Sacramenta; non autem, ut ſinamus aliquem infantulum decedere ſine Baptiſmo; quia committeremus aliud mortale peccatum contra charitatem, non adjuvantes proximum in extrema neceſſitatis caſu; quod quidem eſſet committere peccatum mortale, abſtinendi cauſa à peccato mortali. S. Thom. 2. 2. q. 25. art. 8. Maſtrius in Theol. Moral. diſp. 10. num. 51. & 52. Layman lib. 2. tract. 1. cap. 3. de Ordine charitatis n. 3. & Gobat tract. 2. num. 237.

DECISIO XXXV.

ARGUMENTUM.

Oſtenditur, Miniſtros ordinarios Baptiſmi eſſe Papam in toto orbe, Episcopum in ſua Diœceſi, & Parochum in ſua Parochia. At in caſu neceſſitatis quilibet poteſt baptizare, ſervata tamen prærogativa perſonarum hic notata. Utrum Angeli poſſint miniſtrare baptiſmum? & an etiam dæmones?

SUMMARIUM.

1. Papa eſt miniſter Baptiſmi ordinarius in toto mundo.
2. Episcopus quilibet in ſua Diœceſi.
3. Baptizare eſt de iuribus Parochialibus.
4. Diaconus quando poſſit ſolemniter baptizare?
5. Parochus nondum Sacerdos an poſſit baptizare.
6. Neceſſitatis in caſu quilibet poteſt baptizare.

7. Ordo ſervandus inter perſonas pro Baptiſmo in caſu neceſſitatis.

8. Angeli an poſſint baptizare? & an Dæmones?

IN omni Sacramento principaliter cognoscere oportet Quis ſit ejus Miniſter, à quo poſſit diſpenſari: & hoc multo magis eſt ſciendum in Baptiſmo, quapropter hic examinabimus, Quis ſit proprius Miniſter Baptiſmi extra caſum neceſſitatis? Reſpondent omnes Doctores, tam Theologi, quàm Canoniſtæ, In toto mundo eſſe Summum Pontificem; ideoque Beatus Pius Papa Quintus Familiam quamdam, ex primariis inter Judæos, ad fidem Chriſtianam converſam, in Eccleſia Sancti Petri Romæ, magno populorum concurſu, & apparatu, propria manu baptizavit; idemque fecit Summus Pontifex Gregorius XIII. ut notat Barboſa de Offic. & poteſt. Episc. part. 1. tit. 2. gloſſ. 17. num. 10. & 11. In tota autem ſua Diœceſi ordinarius miniſter Baptiſmi eſt Episcopus, qui cum ſit Princeps in ſua Eccleſia, ad eum ſpectat principaliter recipere advenientes ad ejus gremium, ut ex Scoto, & S. Bonavent. probat Emin. Card. de Lauræa de Baptiſm. diſp. 15. num. 4. præcipuè ſi baptizandi ſint adulti, ne fortè ob quaſtum reiterent Baptiſmum. Sarnell. d. epiſt. 31. pag. 227. In Parochia verò eſt ſolus Parochus. cap. Conſtat. 17. De Conſecrat. diſp. 4. ea ratione, quia baptizare cenſetur inter jura Parochialia. Rota decif. 52. à num. 34. & ſeqq. part. 2. diverſ. Loter. de Re benefic. lib. 1. quæſt. 28. num. 54. Gobat de Baptiſm. tract. 2. num. 130. & Barboſa de Parocho cap. 18. num. 7. Ex delegatione autem facta ab Episcopo, vel à Parocho quilibet Sacerdos eſt miniſter Baptiſmi, extra neceſſitatem, & ſolemniter conferendi. S. Thom. 3. part. q. 67. art. 2. Emin. Cardin. de Lauræa d. diſp. 15. num. 5. Barboſa de Parocho d. cap. 18. num. 9. Diaconus etiam extra caſum neceſſitatis poteſt eſſe miniſter

Ni 2. ſole-

solemnis Baptismi, ex commissione tamen Episcopi, seu Parochi; idest si ab Episcopo, vel Parocho delegetur ei in aliquo casu hoc munus solemniter baptizandi. *Cap. Diaconos. 13. & ibi gloss. dist. 93. cap. Constat 17. ubi pariter Glossa. in verb. Presbytero. de Consecrat. dist. 4. Layman lib. 3. tract. 2. cap. 7. num. 3. Gobat d. tract. 2. num. 137. ubi tamen docet, hoc munus non esse delegandum Diacono, nisi quando nullus Sacerdos haberi posset, cui Parochus impeditat committat facultatem baptizandi; attenta consuetudine, quæ à Diaconis hoc ministerium abstulit ex Scoto in 4. dist. 4. art. 1. Imò idem Gobat ibid. num. 140. ex Suarez, & Vasquez subdit, Diaconum baptizantem solemniter extra casum necessitatis, & sine commissione Episcopi, vel Parochi, incurrere irregularitatem decretam in cap. 1. de Cleric. non ordin. ministr. quod nos notavimus suprà Decif. XXVIII. num. 2.*

Porrò quod diximus suprà, Parochum esse ordinarium ministrum Baptismi in sua Parochia, intelligere debemus, si sit Sacerdos, aut saltem Diaconus: quandoquidem in ordine Subdiaconatus, aut in minoribus ordinibus tantum constitutus, quamvis assequatur Parochiale beneficium, non habebit jus baptizandi extra casum necessitatis. Gobat d. tract. 2. de Baptism. num. 138. & 139. Quamvis contrarium procedat in Sacramento Matrimonii, quod valide celebratur coram Parocho etiam non Sacerdote. Gobat tract. 9. n. 486. Diana par. 11. tract. 3. res. 32. legenda in Coordinato tom. 2. tract. 6. resol. 88. Imò non habente, nisi solam primam tonsuram, si ipse Parochus possessionem Parochialis Ecclesiæ sit adeptus. Barbof. de Paroch. cap. 21. num. 60. Et de Episcopo allegat. 32. num. 105. ubi cumulat alios.

Quod si queramus, Quis sit Minister Sacramenti Baptismi in casu necessitatis? Dicendum est, In casu extremæ necessitatis pueri, Verbi gratia,

periclitantis, quamvis personam humanam, rationis participem, virum, aut foeminam, fidelem, aut infidelem, Catholicam, sive hæreticam, non solum valide, sed etiam licite baptizare posse; dummodò apta sit puerum ablueri, & legitimam formam proferre, cum debita intentione faciendi, quod facit Ecclesia. *Cap. Firmiter. de Summa Trinit. & fide Cathol. Cap. In necessitate. & in cap. A quodam. de consecrat. dist. 4. Concil. Florentin. in Decret. Eugenii. S. Thom. 3. p. q. 67. art. 3. Emin. Card. de Lauræa de Baptism. d. disp. 15. art. 1. per totum. Emin. Cardin. Capisucchi in quæst. Theolog. select. quæst. 1. pag. 4. col. 1. & ibi cap. Si quem fortè. 24. q. 1. cap. Præter. §. Verum. 32. dist. & in cap. Arrianos. 1. q. 1. Barbofa de Jure Ecclesiast. Univ. lib. 1. c. 34. num. 32. & Mastrius in Theol. Moral. d. disp. 17. num. 33. ubi subdit, quod hujus liberæ facultatis congruentia est maxima hujus Sacramenti necessitas, ob quam Divina Pietas voluit, ut à quocunque homine in casu necessitatis, valide, & licite conferri posset. Est tamen servandus aliquis ordo personarum in hoc necessitatis casu, pro ministrando Baptismo, videlicet, ut Sacerdos præferatur Diacono, Diaconus Subdiacono, Subdiaconus initiatis minoribus ordinibus; Clerici tonsurato tantum; habent primam tonsuram. præferatur laicis, & inter laicos foemina non baptizet præfente viro; nisi ipsa esset magis instructa in hoc ministerio, quam vir. Mastrius d. disp. 17. num. 33. & Layman. d. lib. 3. tr. 2. cap. 7. num. 3. & 4. qui advertunt, effectulamp gravem perversere dictum ordinem in exclusionem habentium ordines sacros; venialem verò si agatur inter habentes ordines minores, vel inter laicos. Cæterum omnes prædicti in casu necessitatis baptismum privatum dare possunt, non autem solemne; quia si quis non Sacerdos baptizaret cum cæremoniis, & solemnî ritu, mortaliter peccaret, & irregularis fieret. *cap. 1. de Cleric. non ordin.**

ordin. ministr. & Matheus d. num. 33. in fine.

Corollarii loco, hic duo Quæstia curiosa, unico Verbo veniunt resolvenda. *Unum* est, an Angelus possit esse ministr Sacramenti baptismi? Et affirmativè respondet Bonacina *de Sacram. disp. 2. q. 2. punct. 5. proposit. 2. n. 8.* Gobat *tract. 1. num. 50. Et tract. 2. num. 158. & docet S. Thomas 3. p. q. 64. art. 7.* scilicet ex Dei speciali commissione. Quod Angeli baptizaverint, me legisse non memini, sed utique quod ipsi fuerint Patrini dum de Sacro fonte levaretur S. Eusebius, qui postea fuit Vercellensis Episcopus, ut scribit S. Antoninus in sua *Historia par. 2. tit. 10. cap. 1. §. 2.* At S. Venerandum fuisse baptizatum à Christo Domino diximus supra *Decis. XXXIII. num. 8.* prout etiam Christum Dominum baptizasse S. Philemonem Martyrem notat ipse Gobat *d. tract. 1. num. 158. & P. Bagatta in Admir. orb. Christ. tom. 2. lib. 3. cap. 1. §. 2. num. 15.* ex Surio *in ejus vita.* Quæsitum alterum est, an diabolus possit ministrare hoc Sacramentum Baptismi? Et respondet affirmativè, si sic Deus illi imponeret, Emin. Card. de Lauræa, ex mente Scoti, *d. disp. 15. de Baptismo. num. 25.* Verum quia diabolus est pater mendacii, & ejus invidia perdere nititur, quos Deus ad Cælum advocat, timendum esset de fraude, & Baptismum repetendum foret sub conditione; quod docet etiam de strigibus, sagis, & aliis maleficis mulierculis, à quibus collatus foret Baptismus, eruditè Gobat *d. tract. 2. à num. 683. Et seqq.*

DECISIO XXXVI:

ARGUMENTUM:

In duobus sequentibus casibus duo quærentur, An quis possit baptizare seipsum? & an Patrinus non baptizatus contrahat cognationem spiritualem? Infidelis

delis baptizans eam non contrahit. Sed utique carnalem, si coeat cum fidei.

SUMMARIUM.

1. *Seipsum an quis possit baptizare? Rationes quod sic.*
2. *Jura, & rationes quod non.*
3. *Patrinus non baptizatus an contrahat cognationem spiritualem?*
4. *Infidelis baptizans an eadem cognationem contrahat?*
5. *Et an cognationem carnalem si coeat cum fidei?*

Non levis est disputatio, quam faciunt Theologi, an quis possit baptizare seipsum? Quapropter ad intelligentiam hujusmodi difficultatis datur casus iste. Catechumenus bene instructus in fide, & proximè baptizandus, nocte correptus gravi cordis dolore, solus existens, & timens mori, seipsum baptizat. Quæritur, an validè? Videbatur dicendum, quod validè se baptizaverit. 1. Quia Eucharistiam quis potest sibi ministrare. Ergo & Baptismum. 2. Quia de Judæo, qui seipsum baptizavit; dicitur, quod si talis continuò decessisset, ad cœlestem Patriam protinus evolasset in *cap. Debitum. 4. de Baptismo. 3.* Quia ex S. Augustino *Accedente Verbo ad elementum fit Sacramentum.* Sed in nostro Casu Verbum accessit ad elementum. Ergo. 4. Tria requiruntur ad Sacramentum, Materia, Forma, & Intentio. Sed hic interveniunt hæc tria. Ergo. 5. Ob necessitatem Sacramenti Baptismi permissum est baptizare etiam Paganis. Ergo multò magis sibi ipsi. 6. Si quis in necessitatis articulo non posset seipsum baptizare, esset sibi prælusa via salutis. Ergo.

His tamen, & similibus minimè obstantibus, omnes dixere, prædictum Catechumenum non fuisse validè baptizatum, & ideo teneri subsistere.

pere Baptismum; quia sic decifum est ab Innocentio Tertio *in cit. cap. Debitum 4. de Baptismo*, & docent Glossæ *in cap. Baptismi 32. in Verb. Necessitatis. de Consecrat. dist. 4. & in cap. Baptizandis. 98. in Verb. Moriantur. 1. q. 1. Emin. Card. Toletus in Summa lib. 2. cap. 16. num. 1. & eod. lib. 2. cap. 20. Summa Dian. Verb. Baptismi minister. num. 45. Et Eminen. Card. de Lauræa de Baptismo d. disp. 15. art. 3. per totum. Rationes autem sunt plurimæ. 1. Quia inter ministrum Baptismi, & baptizatum requiritur personalis distinctio; nam Baptismus noster fuit figuratus in Baptismo Christi, in quo ipse non à se, sed à Joanne voluit baptizari. 2. Quia quando Christus instituit hoc Sacramentum, ostendit, debere esse distinctum ministrum à fuscipiente: dixit enim: *Ite, docete omnes gentes baptizantes eos, &c.* & sic in Verbo *Ite* coexistit *Vos*, quæ est una persona: & in *ly Eos*, designatur alia distincta à præcedenti. 3. In Baptismo celebratur spiritualis generatio, de qua dicitur: *Oportet vos nasci denuo. Jo. 3. 7.* Sed in carnali generatione qui gignit, est alia persona ab ea, quæ gignitur. 4. Inter patrem, & filium est semper distinctio personalis. At baptizans est pater spiritualis baptizati. Quæ omnes rationes desumuntur ex eodem cap. *Debitum 4. de Baptismo*, & eas repetunt S. Bonavent. Scotus, Alenf. & alii apud Emin. Card. de Lauræa d. art. 3. disp. 15. & insinuant omnes Moralistæ.*

Neque obstant argumenta contraria. Non primum, quia in Eucharistia non est confectio Sacramenti, sicut in Baptismo. Non secundum; verum est enim quoddam ille Judæus, si continuò decessisset, protinus ad cœlestem Patriam evolasset, sed non propter fidei Sacramentum: sed propter fidem Sacramenti, ut dicitur *in eod. cap. Debitum*, scilicet quia erat baptizatus Baptismo Flaminis; quæ porerat baptizari, & salvari etiam Cathecumenus noster. Non tertium, neque quartum: quia

procedunt, si interveniat legitimus minister distinctus à fuscipiente. Non quintum, & ultimum: quia etiam in ministro infideli repræsentatur spiritualis paternitas, quæ debet esse distincta à filiatione; & deficiente quocunque ministro, dici non potest præclusa via salutis æternæ, dum per Baptismum Flaminis, & desiderium intensum Sacramenti Baptismi, cum contritione culparum, seu etiam cum sola attritione, juxta opinionem Emin. Card. de Lauræa de Baptismo d. disp. 13. num. 47. à nobis relata supra Decif. XXVI. num. 5. Cathecumenus salvatur, quod etiam Eminenti sua docet *in cit. disp. 15. art. 3.*

Et quoniam Patrini fuscipientes pueros de sacro fonte contrahunt cognitionem, sit Casus: Turca qualificatus ad fidem conversus, adhuc tamen Cathecumenus, fuscipit alienum puerum à Baptismali fonte. Quæritur, an contrahat spirituale cognitionem? Non contrahere omnes DD. respondent per: *tex. in cap. In Baptismate 100. ubi Glossa de Consecrat. dist. 4. in quo statuitur; quoddam In Baptismate, vel in Chrismate non potest alium fuscipere in filium ipse, qui non est baptizatus, vel confirmatus.* Unde *ly. Non potest* infirmat omnino factum. Layman *cit. lib. 5. tract. 2. cap. 9. num. 2.* ubi DD. cumulat. Ratio autem decisionis duplex est. Una, quoddam hoc impedimentum spiritualis cognitionis est de Jure Ecclesiastico, cui non subjacet ille, qui non est baptizatus. Altera, quia sicut, ad carnalem cognitionem inter duos contrahendam, opus est, quoddam uterque ab eodem communi stipite procedat, secundum carnalem generationem; ita ad spirituale generationem requiritur, etiam utriusque processio ab eodem stipite communi, scilicet Christo, secundum spirituale regenerationem per Baptismum. Magistrus *in 4. sent. de Matrimon. Sacram. disp. 7. num. 465.* Barbosa *de Offic. & potest. Episc. alleg. 30. num. 34.* Sanchez *de Matrimon. lib. 7. disp. 60.*

diff. 60. num. 7. & 20. Rebells de oblig. juff. part. 2. lib. 3. q. 6. num. 6. & 7. Reginaldus lib. 21. n. 157. Joan. Sancius diff. 40. num. 15. Ricciullus de jure personar. extra gremium Ecclef. exiffen. lib. 2. cap. 4. num. 3. & paffim omnes Moraliitæ; qui fubdunt, fidelem baptizantem filium infidelis non contrahere cognationem cum Patre, vel Matre infideli, ex eadem ratione fuprà allegata. Et è contra infidelem baptizantem in cafu neceffitatis filiolum fidelis, non contrahere cognationem fpiritualement, ita ut fi ipfe poftèa veniat ad fidem, poffit ducere in Uxorem Matrem ipfius filiioli. Sanchez de Matrim. lib. 7. diff. 60. n. 11. Layman lib. 3. tract. 10. part. 4. cap. 8. n. 2. Quamvis cognatio carnalis contrahatur ab infideli etiam ante Baptifmum, ratione cuius, poft conversionem, nequit cum confanguinea, pariter baptizata, matrimonium inire; eft enim difpar ratio, nam hoc impedimentum provenit à generatione naturali, quæ quidem eadem eft, & remanet tam ante, quàm poft conversionem ad fidem. Maftrius in 4. fent. de Sacram. Matrim. cit. diff. 7. num. 465.

DECISIO XXXVII.

ARGUMENTUM.

An in Baptifmo privato fit adhibendus Patrinus? & Patrinorum varia nomina, ac conditiones demonftrantur. Unus tantum, vel unus & una folummodò admittendi. Si plures? peccant, at contrahunt cognationem. De neceffitate Patrini; & Quando conjuges inter fe ex hoc priventur jure petendi debiti?

SUMMARIUM.

- 1 Patrini an adhibendi in Baptifmo privato? & num. 9.

- 2 Patrinorum varia nomina.
- 3 Patrini officium antiquiffimum.
- 4 Patrinorum tres conditiones neceffarie.
- 5 Patrini unus tantum, vel unus & una admittendus in Baptifmo.
- 6 Patrini plures fi teneant infantem, Utrum omnes contrahant cognationem?
- 7 Patrinorum plurium admissio in baptifmo peccaminofa.
- 8 Maritus, & Uxor tenentes fimul ad baptifmum non contrahunt inter fe cognationem fpiritualement.
- 9 Neceffitatis in cafu baptizatur fine Patrino. Qui fi adfit, contrahit cognationem.
- 10 Peccatum eft baptizare folemniter fine Patrino.
- 11 Pater, & Mater infantis quando licite poffint effe Patrini in ejus baptifmo?
- 12 Patrinus tantum dum fuppletur cæremonia, an contrahat cognationem?
- 13 Catechifmi impedimentum: quid, & quale fit?
- 14 An fit fublatum à Concilio Tridentino?
- 15 Catechifmus in Baptifmo impedit, non dirimit Matrimonium.
- 16 Pater qui levavit filium de fonte an petat debitum à fecunda Uxore?
- 17 Conjuges fi ambo teneant ad baptifmum eundem infantem, an priventur jure petendi debitum?

Inter quæftiones principales concernentes perfonas Patrinorum una eft; An in Baptifmo privato fit adhibendus Patrinus? Pro intelligentia dicendorum circa prædictas Patrinorum perfonas, Primò pramittendum eft: Patrinos, qui baptizandos tenent ad fontem, feu levant de fonte, variis nominibus vocari: Siquidem aliquando vocantur Fidejuffores. cap. Vos ante.

ante. de consecr. dist. 4. Aliquando Sponsores. Tertullian. de Baptism. cap. 13. Aliquando Fidei Doctores. S. Aug. epist. 23. Aliquando Patroni: Concil. Parisien. lib. 1. cap. 54. Aliquando Patres Iustitici: Tholosan. Syntagm. Jur. Univ. part. 1. lib. 2. n. 18. Communiter tamen dicuntur Patrini, & Compadres, quia sunt Patres Spirituales; nam, ut ait S. Thom. 3. p. q. 67. art. 7. Spiritus regeneratio, quæ fit per Baptismum, assimilatur quodammodo generationi carnali. In generatione autem carnali parvulus nuper natus indiget nutrice, & pedagogo: undè & in spirituali generatione Baptismi requiritur aliquis, qui fungatur vice nutritis, & pedagogi, informando, & instruendo eum, quasi Novitium in fide de his, quæ pertinent ad fidem, & vitam Christianam.

Secundò præmittendum: Patrini officium esse antiquissimum: nam ab initio primitivæ Ecclesiæ, in Sacramento Baptismi, Patrini adhibebantur, ut eruditè comprobant Casalius de Sa r. Vet. Christian. Ritib. part. 2. cap. 5. pag. 35. & Hierolexic. Magri Verb. Baptismus pag. 71. col. 1. Hinc cum Beatus Antonius Presbyter baptizaret in carcere Marionillam, venerabilis filius ejus Celsus eam suscipiens, pater ejus, in Baptismi gratia, factus est. S. Eusebius in Vita S. Juliani Mart. 9. Januar. & Gobat. de Baptism. d. tract. 2. n. 532. Et cum baptizaretur S. Eusebius (qui postea fuit Vercellenfis Episcopus de quo dictum est supra Decis. XXXV. num. 8.) manus Anglicæ vite sunt, quæ eum de sacro fonte levaverunt. S. Antonin. 2. part. Hist. tit. 10. cap. 1. §. 2. Et quo tempore à S. Athanasio baptizatus fuit Beatus Martyr Anthusa, duo Angeli in specie militum apparuerunt, albas vestes illi deferentes, ut ex Menolog. Græcor. refert P. Bagatta In admir. Orb. Christi. tom. 1. lib. 1. cap. 2. §. 5. num. 22.

Tertiò præmittendum: Ut validè obatur munus Patrini, tres conditiones requiri. Prima est usus ratio-

nis; nam infans, & qui non pervenit ad discretionis annos, Patrinus esse non potest, etsi certa ætas non sit stabilita. Secunda est Sacramentum; quia, qui baptizatus non est, minimè potest esse Patrinus in Baptismo, ut diximus suprâ Decis. XXXVI. num. 3. de Turca Cathecumeno; quod servatur etiam in non confirmato, ex communi DD. opinione, licet aliqui delectent in Sacramento Confirmationis, quos citat Layman d. lib. 5. tract. 2. cap. 9. n. 2. & nos dicemus infrâ de Patrino in Confirm. Tertia conditio est Intentio; non enim sufficit materialiter tenere puerum ad fontem, nisi ad sit intentio formalls gerendi munus spiritualis Patris, secundum Ecclesiæ consuetudinem. Layman. ibid. Sed in foro exteriori hæc conditio non est considerabilis, quia qui tenet in fonte, semper censetur Patrinus, & cognitionem contraxisse spiritualem. Gobat. d. tract. 2. num. 537.

Quartò præmittendum: Quòd, unus tantum, frater Vir, frater Mulier, juxta Sacrorum Canonum instituta; vel ad summum unus, & una baptizatum, de Baptismo suscipiant, inter quos, & baptizatum ipsum, & illius Patrem, & Matrem; nec non inter Baptizantem, & baptizatum, baptizatique Patrem, & Matrem tantum spiritualis cognatio contrahitur. Verba sunt Sacri Tridentini Concilii sess. 24. de Ref. Matrim. cap. 2. ubi ulterius præcipitur, prædictos Unum, & Unam, esse designandos ab his, ad quos spectat, idest à genitoribus, vel majoribus baptizandi, & in eorum defectu, ab ipso Parcho baptizante; adeò ut si plures, præter unum, & unam, tenuerint Infantem; & non fuerint designati, cognitionem spiritualem nullo pacto contrahant. Concil. Trident. ibid. Quòd si plurimi designati levaverint fonte infantem, omnes contrahunt cognitionem secundum Sanchez lib. 7. de Matrim. disp. 57. num. 14. quia Concilium Tridentinum voluit solum prohibere talem numerum, & concursum

sum Patrinorum; non autem irritare actum, si præter unum & unam alii designentur. Gobat *d. tract. 2. de Baptism. num. 536.* Mairius in 4. *sent. disp. 7. de Mairim. sacram. num. 467.* Et quod omnes Patrini contrahant cognitionem spiritualem, dummodo sint designati, non solum est communis opinio Theologorum, & Canonistarum; de qua testatur Caramuel in *Theol. num. 553.* Gobat *d. tract. 2. num. 551.* & Barbosa *de Off. & potest. Episc. alleg. 30. num. 45.* Sed ite esse decilum à Sacra Congregatione Concilii refert Layman in *d. lib. 5. tract. 2. cap. 9. num. 4.* & Fagnanus in *cap. Ex litteris num. 5. de Cognat. spirit.* Cum hac tamen moderatione, ut omnestangant ad fontem ipsum baptizatum tactu physico, vel de manu suscipiant baptizantis; quia si tantum assistant, cognitionem spiritualem non contrahunt.

7. Non est autem omittendum, quod Parentes designando Plures Patrinos, quam Unum, & Unam; & Parochus illos admittendo, peccant mortaliter. Barbosa *d. alleg. 30. num. 44.* Vega *part. 1. cap. 33. casu 39.* At peccatum non est, regulare officium Patrini, nisi ex contemptu, vel si in magna necessitate, sic requirens; ideoque personam nobilem incessam fuisse à diabolo, quia ex superbia detrectavit hoc officium respectu rusticelli, notat Gobat *d. tract. 2. num. 571.* Et tandem si maritus, & uxor teneant ad Baptismum ab aliis genitum infantem, nullam inter se signunt compaternitatem spiritualem; sed hoc est vetitum *ex cap. fin. 30. q. 4.* Gobat *ibid. num. 570.* Quamvis in usu non sit. Sanchez *de Matrim. d. lib. 7. disp. 57. num. 5.* Layman *d. lib. 5. tract. 2. cap. 9. n. 3.* & Gobat *d. tract. 2. num. 570.*

- His ita præmissis; pro resolutione propositi Quæsti dicendum, nullum reperiri Ecclesiæ præceptum, quo, in casu necessitatis, si baptizetur infans, sit adhibendus Patrinus: forsitan quia tempus non permittit seligere, & advocare iustitiam Patrem. Ni-

hilominus si quis reperiatur præsens, & velit tanquam Patrinus in illo actu Baptismi privati infantem tenere, erit verus Patrinus, & contrahet spiritualem cognitionem; ea ratione quia Patrinus non tantum est ab Ecclesia requisitus uti Cæremonia in Baptismo solemnii; sed præcipue propter obligationem instruendi baptizatum, ut (contra Sanchez, Gobat, & Rodriq. contrarium sentientes) docent Navar. Vivald. Armilla, Suarez, Coninch, & alii, quos allegat, & sequitur Layman *d. lib. 5. tract. 2. cap. 9. n. 5. Vers. Dico secundò.* Prout illam contrahit, qui in casu necessitatis baptizat. Marchantius in *resol. Moral. de Baptism. cap. 5. num. 3.* & Gobat *d. tract. 2. num. 578. & 579.* Ex quibus colligendum, esse quidem peccatum grave baptizare solemniter sine Patrimo, ut ex Tannero, & can. cit. offendit Gobat *d. tract. 2. num. 522.* At nullum peccatum esse, non adhibere Patrinum in Baptismo privato, qui consertur in casu necessitatis. Sanchez *de Matrim. lib. 7. disp. 67. num. 14.* Diana *part. 4. tract. 3. resol. 7.* Quæ habitationem conduxit in *Coordinato tom. 1. tract. 1. resol. 98.* Gobat *ubi supra num. 527.* extendens hoc dictum etiam ad Baptismum datum sub conditione; cum officium Patrini censeatur ab Ecclesia introductum pro solo vero, certo, & absoluto Baptismo. Quintanadv. in *singular. tract. 1. fing. 18.* Et Bonacina *de Matrim. q. 3. punct. 5. §. 2. num. 10.* Tandem hic venit notandum illud Moralistarum placitum, quod Pater naturalis potest esse Patrinus filii sui illegitimi, vel etiam legitimi, si uxor mortua sit ante baptizaram prolem; & contra Matrem posse esse Matrinam, & suscipere in fonte, quem peperit filiolum posthumum, Gobat *d. tract. 2. de Baptis. num. 568. & 569.* ubi dat exemplum S. Monica Matris S. Augustini; Et Card. de Lugo in *Resp. Moral. lib. 1. dub. 6.* Quod ego non admitterem in praxi, siquidem Ecclesiæ intendit, Patrinum esse debere alium à Patre, vel Matre natu-

naturali; tum ut repræsentetur Paternitas spiritualis regenerationis; tum ut baptizatus habeat alium fidei instructorem, præter naturalem Patrem, vel Matrem.

Sed hic nascitur curiosum quidem dubium, videlicet; An contrahat spiritualem cognationem ille, qui tanquam Patrinus tenet puerum, jam domi ob periculum mortis baptizatum, dum suppleantur cæremoniæ in Ecclesia? Præmittendum pro majori intelligentia: Instructionem fidei, quæ fit ante januam Ecclesiæ per Parochum super baptizando, cujus nomine respondet Patrinus, esse Sacram cæremoniam, quæ vocatur *Catechismus*, ex qua contrahitur quædam spiritualis cognatio impediens Matrimonium contrahendum, sed non dirimens si contrahatur *ex cap. Contradictio. De Cognat.*

- 12 *Spiritual. & cap. 2. de Cognat. Spiritual. in 6.* Fuit enim rationi congruum, ut sicut Patrinus tenens infantem ad fontem contrahit cum baptizato, & cum eorum genitoribus cognationem spiritualem dirimentem Matrimonium; ita Patrinus, tenens tantum in Catechismo, contraheret quandam imperfectam, & quasi inchoatam cognationem spirituales, solummodò prohibentem. Maius in *4. sent. de Matrim. Sacram. disp. 7. num. 348.* ubi citat Scotum, & S. Bonav. Est autem solemnis quæstio in Scholis Theologorum, & Canonistarum agitata, & disputata; Utrum hoc impedimentum Catechismi, impediens, & non dirimens, sit sublatum à Concilio Tridentino in *cit. sess. de Reform. Matrimon. cap. 2.* Et magna scribentium caterva docet, illud esse omninò sublatum, propter illa Verba Tridentini Concilii in *cit. cap. 2. Omnibus inter alias personas hujusmodi spiritualis cognationis impedimentis omninò sublati.* Et hanc opinionem defendit Sanchez de *Matrim. lib. 7. disp. 17. num. 9.* Aversa *q. 10. sect. 3.* Pontius *lib. 6. cap. 11.* quos plurimi comitantur citati à Maffio *d. disp. 7. num. 349.* & iterum *n. 469.*

Cæterum contraria opinio est longe verior, ut manifestè patet, si ducamur non à multitudine scribentium, sed ab ipsa ratione, quæ omninò demonstrat, à Tridentino Concilio non fuisse sublatum prædictum impedimentum Catechismi ex jure antiquo proveniens: nam Concilium Tridentinum in *cit. cap. 2. de Ref. Matrim. sess. 24.* disponere statuit solummodò de impedimento dirimente cognationis spiritualis; non autem de Catechismo impediens tantum: ibi: *Matrimonia, in quibus vel non sine magno peccato perseveratur, vel ea non sine magno scandalo dirimuntur.* Et idè loquitur de Patrinis ad fontem suscipientibus: ibi, *Unus, & una baptizatum de Baptismo suscipiant: & paulò post; Ut baptizatum de sacro fonte suscipiant.* Et in fine auferendo omnia alia impedimenta, ait: *Hujus spiritualis cognationis, idest dirimentis matrimonium, quam voluit restringere ad personas ibi nominatas, itaut non haberet amplius antiquam extensionem ad Paternitatem, Compaternitatem, & Confraternitatem ex cap. 1. de cognat. spirit. in 6. de quibus Layman lib. 5. tract. 10. part. 4. cap. 8. num. 1.* Quapropter non esse sublatum impedimentum Catechismi, sed adhuc vigere, & observandum fore, præter Ugolin. Navar. Vegam, & alios fortiter defendit Emin. Cardin. de Lauræa de *Imped. Matrim. disp. 36. num. 138.* Et nos infra dicemus in Decisionibus de Impedimentis Matrimonii.

His ita præcognitis, pro resolutione Omnes dixerunt, Tenentem puerum, jam baptizatum domi, dum cæremoniæ suppleantur in Ecclesia, non contrahere cognationem spirituales dirimentem Matrimonium; sed affici illa, quæ impedit, & non dirimit, & ex Catechismo insurgit; Emin. Card. Toletus in *summa lib. 2. cap. 23. num. 5. & lib. 7. cap. 18.* Navar. in *Man. cap. 23. num. 40.* & Diana *par. 3. tract. 4. resol. 259.* reperti in Coordin. *tom. 1. tract. 1. resol. 100.* Quapropter

pter contrahere non poterit Matrimonium cum Matre ipsius filii, quem tenuit, dum factæ fuerint cæremoniæ baptismales, vel cum ipsa filia sic tentata, nisi ex dispensatione Episcopi. Bonacina de Matrimon. impedim. quæst. 3. puncti. 14. num. 6. Et Emin. Cardin. de Lauræa disp. 18. art. 4. & cit. disp. 36. n. 138. Qui in disp. 38. art. ult. hanc dispensandi facultatem in Episcopo non concedit, nisi ex consuetudine tolerata à Summo Pontifice, ut pariter demonstrabimus in nostris Decisionibus de Matrimonio. Contrahit autem impedimentum hoc multò magis Patrinus tenens, dum quis baptizatur sub conditione, contra Gobat d. tract. 2. num. 554.

16 Et quoniam ubi contracta est cognatio spiritualis, ibi peti non potest debitum maritale, quæritur quid dicendum in sequentibus casibus. Enitur Puerpera filium, & nova Rachel paulò post moritur. Pater viduat infantem ipsum ad fontem baptismalem tenet, deinde aliam uxorem ducit: Quæritur, inquam, An jus petendi debitum ab illa habeat? Et quidem respondendum est habere: quia cum à Concilio Trident. cit. sess. 24. cap. 2. de Refor. Matrim. restricta sit cognatio spiritualis inter Patrinum, & Patrem, ac Matrem baptizati, & hæc alia uxor non sit Mater, sed Noverca ejusdem baptizati; ejus Pater, & Patrinus non amisit jus petendi debitum conjugale ab ipsa. Est tamen verum, quòd prædictus Pater, etsi viduatus, non erat à Parocho admittendus ad officium Patrinus, quidebet esse alius à Patre naturali, tum ob significatum, tum ob auxilium pueri baptizati; ut diximus suprà in hac Decisione num. 11. & dicemus infra in Decis. XXXVIII.

17 Alter casus concernens facultatem petendi debitum inter Conjugatos est. Marcus, & Uxor infantem vicini tenent ad Baptismum. Quæritur, an priventur jure petendi, ac solvendi debiti Maritalis? Dicendum est eos

non privari, ea ratione quia inter ipsos susceptores nulla contrahitur cognatio, ut communiter docent DD. quos citat, & sequitur Bonacina de Matrim. q. 3. puncti. 5. §. 2. propos. 2. num. 4. Verùm resistit textus in cap. ult. 30. q. 4. dicens: Quòd autem uxor, cum marito in baptismo simul non debeat suscipere puerum, nulla auctoritate reperitur prohibitum; sed ut puritas spiritualis Paternitatis ab omni labe, & infamia conservetur immunis, dignum esse decernimus, ut utrique in simul, ad hoc aspirare minime præsumant. Idcirco Parochi non debent esse faciles in admittendis marito, & uxore pro Patrinis in eodem Baptismo, ob reverentiam Sacramenti in hoc canone consideratam; quamvis Moralistæ dicant, esse per contrariam consuetudinem abrogatum, ut innuimus suprà in hac Decisione num. 8. ex Sanchez lib. 7. de Matrim. disp. 57. num. 5. & Gobato d. tract. 2. num. 570. Ego autem qui memoriam, & experientiam habeo annorum supra quinquaginta in Ecclesia Parochiali Sancti Petri hujus civitatis Patavinæ, numquam vidi admissos Maritum, & Uxorem ad levandum eundem infantem ex fonte sacro.

DECISIO XXXVIII.

ARGUMENTUM.

Patrini quando sint obligati instruere filios suos spirituales in rebus fidei, & in Doctrina Christiana; nec non quando teneantur eosdem in egestate positos alere, præsens Decisio demonstrat.

SUMMARIUM.

- 1 Patrini quando sint obligati instruere filios in fide, & lege Divina?
- 2 Et quando eos alere in egestate?

& num. 4.

O 2

3. Actus

3. *Actus non operantium ultra agentium intentionem.*
 5. *Pyllacium quid sit?*

Videamus modò quas obligationes contrahant Patrini levantes alienos filios de Sacro fonte? quæ quidem concernunt vel bonum animæ, vel utilitatem corporis eorumdem Filiorum. Et quo ad primum genus obligationum, videre oportet An Patrini teneantur instruere filios susceptos in baptismo de rebus Fidei, & de observantia legis Divinæ? Et in hoc respondent DD. omnes affirmativè. *cap. Vos autem de consecr. dist. 4. S. Thom. 3. p. q. 67. art. 7. & 8. S. gneri in Christiano instructo p. 1. disc. 14. num. 4.* Cum hac tamen limitatione, ut non urgeat talis obligatio Paternos, nisi ubi opus fuerit; juxta expressionem Ritualis Romani in *Rubric. de Sacram. Baptism. de Patrinis*; ibi enim præcipitur, non esse admitrendos in Paternos, qui ignorant rudimenta fidei, & redditur ratio his verbis: *Hæc enim Patrini spirituales filios suos, quos de Baptismi fonte suscepserint, ubi opus fuerit, opportune docere tenentur.* Quando autem sit opus eruditione Patrinorum explicat *Grafhus p. 2. lib. 1. cap. 2. num. 5.* videlicet, quando ipsi cum infidelibus conversantur, ut erat in primitiva Ecclesia; & esse potest nunc in Indiis tam orientalibus, quàm occidentalibus, in quibus adhuc Paganorum magna est multitudo; vel si parentes pueri suscepti sint infideles, vel parentibus orbatu ita distaret à Parocho, ut ad discendam Doctrinam Christianam accedere non posset; ut doctè probant *Reginald. in pract. lib. 27. num. 34. Barbosa de Paroch. part. 2. cap. 18. num. 36. Layman lib. 5. tract. 2. cap. 9. num. 1. Marchant. in Candelabr. Mystic. tract. 2. lect. 6. propos. 1. Tambusin. de Triplici Jure lib. 2. cap. 3. §. 2. num. 23. & Cotonius lib. 2. contr. 2. cap. 5. num. 66.*

Alterà obligatio Patrinorum concernit utilitatem corporalem infan-

tium; idè quærent DD. An Patrini teneantur alere in egestate Filios, quos è sacro fonte levaverunt? Negant aliqui ex his rationibus. 1. Quia Pater spiritualis non succedit filio, nec iste Patri. *Butrius in cap. Transmissa. Qui fil. sint legit. Abbas in cap. Tanta. cod. tit. 2.* Inter patrem, & filium spirituales extat sola spiritualis necessitudo, quæ non se extendit ad temporalia. *Tiraquell. in l. Si unquam. num. 26. ubi DD. C. de Revoc. donat. 3.* Actus non operantur ultra agentium intentionem. 1. *Non omnis. ff. Si cert. Pet.* Sed intentio Patris spiritualis, dum levat filium è fonte, non est illum alendi temporaliter. Ergo. 4. Si moriatur Pater spiritualis sine propriis filiis, non succedit filius spiritualis, sed substitutus vocatus à præcedenti fideicommittente. *Eminen. Card. Mantica de Conject. ult. vol. lib. 11. tit. 8. num. 18. Tiraquell. ubi sup.* Ergo. 5. Quia id esset aggravare hoc munus Patrinorum, itaut pauci essent, qui subirent illud cum decore fidei Christianæ; idè quæ Paternos non esse obligatos alere filios spirituales egenos tenet, inter Legistas, *Anton. Corduben. in l. Si quis à liberis in princ. num. 19. ff. de lib. agnoscent. vel alien. Et ex Moralistis Gobat de Baptis. tract. 2. num. 574.* ubi citat pro hac opinione etiam *Guilielm. Benedictum.*

Affirmarunt alii plurimi ex sequentibus rationibus. 1. Cognatio spiritualis non est minor, quàm carnalis, *cap. Qui dormierit 27. q. 2. cap. Ita diligere. & cap. Sequenti. 30. q. 3.* Sed pater carnalis tenetur ad alimenta præstanda filii legitimæ, & naturalibus. *cap. Jus naturale dist. 1. l. Si quis à liberis. §. Si quis ex iis. ff. de lib. agnoscent.* Ergo. 2. Pater spiritualis est magis diligendus, quàm carnalis. *Gloss. in cap. Pyllacium* (idest charta continens petitionem) in *Verb. Multò magis 30. q. 3.* Sed ubi est major dilectio, ibi est major retributio. Ergo Filius spiritualis erit alendus. 3. Paternitas, & Filiatio spiritualis esse non debet inferiorio.

ferioris virtutis, quàm simplex amicitia. Sed simplex amicitia capit legata ex testamento minùs solemnì. Tiraquell. in d. l. Si unquam. Vers. libertis num. 102. C. de revoc. donat. Ergo etiam spiritualis filiatio debet capere alimenta. 4. Regeneratio spiritualis æmulatur generationem carnalem. Sed ex generatione carnali provenit obligatio alimentorum. *Surdus de alimentis tit. 1. quest. 1.* Ergo etiam ex spirituali. 5. Mandat Apostolus, ut *Operemur bonum ad omnes, maxime autem ad domesticos fidei. Galat. 6. 10.* Sed filius spiritualis est domesticus fidei. Ergo. 6. Uterius testatur idem Apostolus, quòd si quis suorum, & maxime domesticorum curam non habet, fidem negavit, & est infidelis deterior. 1. Tim. 5. 8. Igitur Pater spiritualis si negaret alimenta spirituali filio egentì, domestico suo, incurreret notam infidelitatis; imò esset infidelis deterior. 7. Filius non est inferioris conditionis, quàm sint frater, & soror ipsius Patris. Sed redarguitur ab Apostolo frater, qui, si ejus frater, aut soror nudì sint, & indigeant victu quotidiano, dicat illis, ite in pace. Jac. 2. 15. Ergo esset redarguendus etiam Pater spiritualis, qui filio spirituali, victu quotidiano indigentì, diceret, vade in pace. Quare hanc affirmativam opinionem tenent Baldus in Auth. Nisi rogati. num. 19. C. ad Trebell. Joan. Faber in l. 1. C. de alien. liber. Francus in cap. 1. de Cognat. spir. vit. in 6. Alex. in addit. ad Bart. in tract. Aliment. num. 17. Tiraquell. in d. l. Si unquam Verb. Et suscepit liberos, quamvis in hac opinione non refideat, num. 27. ubi DD. plurimi. C. de Revoc. donat. Benincasa in tract. Pauper. in 7. q. in 2. spec. Jud. num. 10. Decius conf. 464. num. 11. & *Surdus de Aliment. tit. 1. quest. 11.* Quam quidem opinionem affirmativam intelligere debemus, dummodò non sint propinqui carnales ipsius pueri, qui velint, & possint illum alere; & quando Pater spiritualis sit dives, & habeat bona temporalia. Rationes autem opinionis contra-

riæ non obstant, quarum resolutio remittitur prudenti, & docto Lectori; & eas reperiet apud Tiraquellum d. num. 27. & seqq.

DECISIO XXXIX.

ARGUMENTUM.

Disquiritur an licitus sit baptismus datus à Parocho per immersionem? Et an validus factus sub Stillicidio? In casu necessitatis baptismus est dandus cum Aqua benedicta. Hinc Aquæ benedictæ quatuor præcipui effectus recensentur.

SUMMARIUM.

- 1 Immersione capitis pueri in aquam baptiserit an liceat baptizare?
- 2 Ritus baptizandi per infusionem aquæ mutari non debet.
- 3 Ritus prædicti mutatio an sit venialis, vel mortalis culpa?
- 4 Stillicidium an faciat baptismum validum?
- 5 Aquæ benedictæ antiquus usus in domibus Christianorum.
- 6 Aqua benedicta remittit peccata Venitalia.
- 7 Cur servetur in ingressu Ecclesiæ, & Dominicis diebus fiat aspersio ejus in Choro?
- 8 Displicentia culparum est necessaria ad eorum remissionem.
- 9 Demones fugantur Aqua benedicta. Exempla de hoc.
- 10 Maleficia solvuntur Aqua benedicta.
- 11 Infirmittates quoque sanantur.
- 12 Adversitates depellit Aqua benedicta.

Numquam satis agi potest de casibus occurrentibus in administratione Baptismi: idcirco hic veniunt examinandi duo sequentes. Primus est. Parochus in collatione Baptif-

Baptismi, deficiente urceolo, accipit infantem, & per immersionem in aquam Baptisterii illum baptizat. Queritur, an licitè, & validè? Respondent infractitati DD. & dicunt *validè*; sed *non licitè*. Ratio, quòd *validè*, est manifesta, quia sive per immersionem, sive per infusionem aquæ, sive per asperisionem Baptismus est validus. S. Thom. 3. p. q. 66. art. 7. S. Cyprian. lib. 4. epist. 7. ad Mignum, quæ apud Jacob. Pamell. est 76. Layman lib. 5. tract. 2. cap. 3. num. 4. Ratio autem quare *non licitè* illa à Doctoribus allegatur, quia in Baptismo conferendo quilibet debet servare Ritus suæ Ecclesiæ; qui quidem Ritus est, non solum in Ecclesia Patavina. & tota Diocesi; sed in toto Serenissimo Venetiarum Dominio, ut Baptismus conferatur per aquæ infusionem; & ideo abique peccato immutari non debet. Bonacina de Sacram. disp. 2. qu. 2. punct. 3. propos. 2. num. 18. ubi plures allegat. Barbosa de Parocho part. 2. cap. 18. num. 48. Nisi iusta causa aliter suadeat; quæ non videtur esse in nostro casu ob urceoli deficientiam; facillimè enim poterat Parochus aquam manū elevare è fonte, illamque infundere super caput pueri, formam proferendo, & sic illum baptizare. Porro an hæc ritus mutatio sit culpa gravis, vel venialis? non concordant Theologi, nam

3. Nugnus in S. Thom. d. 3. part. q. 66. art. 8. tenet, esse culpam mortalem. Sed è contra esse solummodò venialem scribit Sotus in 4. dist. 3. art. 7. & Greg. Valentia tom. 4. disp. 4. q. 1. punct. 2. quibus ad stipulatur Gobat de Baptism. d. tract. 2. num. 63. & Diana part. 5. tract. 3. resol. 19. Quæ habitat in Coordinato tom. 1. tract. 1. resol. 67.

Alter casus satis curiosus, sed fictus non factus, est huiusmodi. Curatus Sacramentum Baptismi ministrare cepit; sed ad fontem perventus

4. non reperiens clavem, vidensque stillicidia è tecto Ecclesiæ cadentia, puerum supponit, & guttis illum tangentibus profert formam Ba-

ptismi. Queritur, an validè, & licitè? Circa hunc casum infrascripti Theologi, ac Moralitæ, & Summistæ affirmant, quòd *validè*: negant quòd *licitè*, nisi puer fuisset in periculo mortis, & tempus non sufficeret ad aperiendum baptismalem fontem. *Validè* igitur Parochus baptizavit, quia guttæ aquæ ex stillicidio provenientes, & tangentem suppositi pueri caput, sunt materia sufficiens Baptismi, ut affirmant omnes Doctores loquentes de Baptismo facto per asperisionem; & in puncto Bonacina de Sacram. cit. disp. 2. q. 2. punct. 3. n. 20. Barbosa d. cap. 18. num. 44. de Parocho. Layman d. lib. 5. tract. 2. cap. 3. sub num. 1. & Gobat d. tract. 2. de Baptism. num. 60. Non autem licitè baptizavit, quia est culpa gravis in solemnè Baptismo non adhibere aquam benedictam, imò consecratam juxta Ritus Missalis Romani in die Sabbati Sancti. Nugnus in S. Thom. 3. p. q. 79. art. 4. Sylvest. Verb. Baptismus. 2. quest. 3. & est text. in Clem. Unic. de Baptism. Bonacina ubi supra punct. 7. n. 19. & ibi alii. Gobat d. tract. 2. de Baptism. num. 41. Quamvis esse solummodò culpam venialem defendat Quintanaduevas sing. 37. tract. 1. Et nullam culpam in casu necessitatis, & periculo vitæ infantis baptizandi. Passqualis. in decis. Moral. decis. 75. Gobat d. num. 41. ubi bene advertit, quòd in casu necessitatis ab obstrictibus piis, & timoratis, si fieri potest, infans baptizandus est aqua simpliciter benedicta à Sacerdore, & quæ servatur in domibus ad signum Crucis serò, & manè faciendum, ob reverentiam Sacramenti.

Et quoniam hic occasio tulit nominandi Aquam benedictam, quæ in domibus fidelium conservatur; Lectores non pigeat observare ejus antiquum usum apud Christianos; de quo habetur text. in cap. Aquam. 19. De consecrat. dist. 3. desumptus ex ejus illa Alexandri Papæ Primi, qui fuit creatus Pontifex anno Domini 109. in cap.

cap. In Sabbato Sancto. 124. in cap. Nec ququam. 125. De consecrat. dist. 4. & in cap. in capite Quadragesimæ 58. dist. 50. ex quibus juribus apparet, quod Ecclesia Catholica, usque ab initio, & suis primitivis temporibus instituit usum Aquæ benedictæ, quæ uterentur fideles in domibus privatis, & Sacerdotes in Ecclesiasticis benedictionibus, ut eruditè demonstrant Casalius de Veterib. Christ. Ritib. cap. 36. pag. 161. ubi auctoritates SS. Patrum, & Conciliorum plures allegat, Magrius in Hierolexic. Verb. Aqua benedicta. Ubi tum circa originem ejusdem benedictionis, tum circa virtutes Aquæ benedictæ plurimas eruditiones colligit Eminentiss. Cardin. de Lauræa in epist. Can. Verb. Aqua benedicta. & Mathæolus in Sylva Historial. part. 2 lib. 7. tit. 21.

Et equidem Aquæ benedictæ mirabiles sunt effectus, provenientes in illos, à quibus devotè adhibetur. Quatuor autem sunt præcipui; nam. 1. Venialia peccata remittit. 2. Dæmones fugat. 3. Morbos sanat. 4. Adversitates depellit.

- 6 Primò Aqua benedicta peccata Venialia remittit, tanquam unum ex Sacramentalibus ab Ecclesia institutum ad hunc effectum, de quo egimus supra Decis. XX. ubi de omnibus Sacramentalibus studia nostri Cleri retulimus, & illam celebrem Theologorum quæstionem tractavimus, Utrum Sacramentalibus deleantur peccata venialia ex opere operato, vel ex opere operantis; & quæ requirantur in homine ad dictam deletionem consequendam? Igitur Aqua benedicta delet culpas veniales in homine iusto (nam qui scienter vivit in mortali peccato non potest hunc effectum consequi, cum careat gratia Dei. S. Thom. 3. p. q. 87. art. 4. Gobat tract. 6. num. 229.) & hoc expressè habetur in cit. cap. Aquam 19. de consecrat. dist. 3. dicente: Aquam sale conspersam in populi benedicimus, ut ea cuncti aspersi sanctificentur, & purificentur.

Et subinde demonstrante congruentiam hujus effectus remissionis venialium culparum ex cinere Vitulæ, qui in lege veteri aspersus in populum, illum emundabat, & purificabat à legalibus immunitatibus, juxta testimonium Apostoli ad Hebr. 9. 13. Si enim sanguis hircorum, & taurorum, & cinis vitulæ aspersus inquinatos sanctificat ad emundationem carnis. Et sicut sterilitas aquæ sanata fuit per Eliseum Prophetam sale asperso in ipsam, sic eò magis divinis precibus sacratus sal mixtus cum Aqua benedicta sterilitatem (ut habetur in eod. cap. Aquam) rerum aufert humanarum, & coinquinatos sanctificat, & purgat; idest à Venialibus; ut explicat hic Glossa in d. Verb. Coinquinatos. Et idem declarat variis exemplis, & testimoniis legis veteris S. Cypr. Papa in d. cap. Nec ququam. de Consecr. dist. 4. Et S. Thom. 3. p. qu. 87. art. 3. in corp. ubi reddit rationem hujus effectus, quia scilicet aspersio Aquæ benedictæ fit cum aliquo motu reverentiæ in Deum, & ad res Divinas, & hoc modo operatur ad remissionem venialium peccatorum; adeò ut Nugens in d. art. relatus à Gobat d. tract. 6. num. 240. scribat esse proximum errori in fide, si quis neget, per Aquam lustralem verè, & propriè remitti peccata Venialia. Accedit auctoritas Sanctæ Matris Ecclesiæ, quæ in Ecclesiis conservat ipsam Aquam benedictam, quæ se signent fideles ingredientiæ ad orandum, ut puriores sint coram Deo, unde solent dicere devoti, dum eam tangunt, se signaturi: Aqua benedicta deleantur nostra delicta: & singulis Dominicis diebus ante Missam Conventualem in Choro cantatur Antiphona Asperges me, Domine, & mundabor, lavabis me, & super nivem dealbabor. Et fit aspersio aquæ benedictæ super Clerum, & populum ad delenda peccata Venialia; ut puriori affectu iste audiat, & ille celebret Missam solemnem; quam quidem doctrinam confirmat Joan. Pineda super

super Job par. 1. cap. 9. pag. 360. Barbosa in collect. DD. ad cap. Aqua. n. 3. de consecr. Eccles. vel Altar. & de Jure Ecclesiastico Univers. lib. 2. cap. 3. num. 31.

Est tamen mente recondendum, quod ad obtinendam remissionem culparum venialium per quodcunque Sacramentale, & sic per Aquam benedictam, requiritur vel virtualis, vel formalis displicentia earundem venialium culparum; cum enim homo per quodlibet peccatum, etiam quotidianum, & veniale, aliquo modo recedat à voluntate Dei; non est conveniens, ut condonetur ipsi hic recessus, nisi per reditum; qui quidem non est sine displicentia, & detestatione prædicti recessus. Eminent. Cardin. de Lugo de Pœnit. disp. 9. num. 23. Gobat d. tract. 6. num. 232. Formalis autem displicentia est, (exempli gratia, in iracundia) quando homo elevat mentem, seu cor ad Deum, & dolens de sua impatientia, proponit sufferre patienter, aut proximi imperfectiones, aut alias adversitates. Vel qui nimis comedit, & bibit, seu mendacia officiosa leviter, vel verba scurrilia, aut leves detractiones dixit; dolendo proponit, in posterum ab eis abstinere. Virtualis verò displicentia exercetur, quando qui aliquid præmissorum commisit, ex amore virtutis contrarium assumit operandum, per patientiam scilicet, abstinentiam, silentium, veracitatem, charitatem, & consimiles actus rectitudinis Christianæ. Eminentiss. Cardin. de Lugo d. disp. 9. sect. 2. Dicastill disp. 2. dub. 16. & 17. & Gobat d. tract. 6. n. 233. & seqq.

Secundò: Aqua benedicta fugat dæmones. Legatur S. Teresa in sua Vita cap. 31. & part. 1. epist. 33. num. 8. & part. 2. num. 7. & ibi Adden. Item Hieron. à Basilica Petri in Ephemerid. Sacris. in vita S. Ulrici die 20. Febr. ubi scribit, quemdam vexatum paupertate vendidisse diabolo animam suam: sed cum pœnitentia ductus properaret ad S. Ulricum, projectus fuit in flu-

men à diabolo, à quo tenebatur, ut suffocaretur. Sed occurrit S. Ulricus cum Aqua benedicta, cujus asperisionem diabolus sufferre non potuit; & idèò suo maucipio relicto, au-sugit.

P. Daniel Bartolus in sua Hist. Anglic. lib. 4. cap. 23. pag. 312. narrat, quod dum P. Guilielmus Uveffon Soc. Jesu in Anglia exorcizaret en gumennum, & cogeret diabolum discedere ex illo corpore; immundus spiritus dixit; exibo, si approbes, me in te venire. Respondit Uveffon, veni, si à Deo licentiam habes. Replicavit diabolus: nequaquam venirem; siquidem si in te ego starem; cruciaretur eo modo, ac si collocaretur in Vase Aquæ benedictæ. His dictis discessit ab engumeno, & notum reliquit, quantum expavefcet diabolus Aquam benedictam.

Idem P. Bartolus in Hist. Asiae lib. 6. pag. 410. In Insula Amboina P. Ferdinandus Alvarez converterat ad fidem Idololatrias multos; cumque vellet amplam Crucem in quadam valle erigere, dæmones tales terræmotus agebant, ut plantari Crux non posset. Pater Alvarez asperfit Vallem Aquam benedictam, qua fugati dæmones, terra quievit, & Crux erecta remansit.

In Sylva Historiali Matthæoli part. 2. lib. 7. tit. 21. exempl. 11. Vidit Vir Religiosus multitudinem dæmonum in sui Monasterii aula infirmorum, in qua jacebat Frater unus moribundus. Sed aspersa aqua benedicta per alium fratrem, dæmones omnes au-fugerunt.

Ibid. exempl. 12. Ex Vincent. Episc. Beluacen. narratur, quemdam Virum, vino madentem, dixisse dæmoni existenti in alio engumeno; egredere ex illo, & in me venias; cui dæmon respondit, venirem, nisi hoc mane te Aqua benedicta signasset. Enigitur, quanta vis incit in lustrali Aqua ad expellendos, & terrendos dæmones.

Sed Aqua benedicta valet etiam ad impe-

impedienda maleficia. Hinc narrat

- 10 Martinus Delrius *Disq. Magic. libr. 6. cap. 2. sect. 3.* quod viro cuidam Treviris anno 1588. mulier rustica nescio quid ovorum obtulit, excipit pileo pedissequus; mox pileum imponit capiti; & statim usque adeo vexari cœpit dolore, ut penè deliperet: confugit nescius, quid ageret, in ædem sacram; incensum caput immergit in Vas promptum aquæ lustralis; convalescit. Maga comprehensa, in tortura dixit: ova sic fuisse venenata, ut gustantibus interitum, extuberationem tangentibus essent paritura.

- 11 Tertiò. Ad morbos sanandos, & sanitatem obtinendam mirabilis est Aqua benedicta. Henric. *in sum. libr. 3. cap. 13. in fine*, & ibi Gloss.

Habetur ex Surio in *Mens. Februar.* quod Sancta Brigida Virgo in Scotia leprosis duobus leuem deterfit, eosque Aqua benedicta aspergens sanavit.

Idem in April. S. Theodorus Archimandrita eadem Aqua lustrali, tum filium Imperatoris Mauricii, tum alium quendam à lepra mundavit. Alium, cui facies post tergum detorta erat, curavit. Sanctus Theodorus Aquæ benedicens, in accipe, inquit, & hac te Aqua consperge in nomine Domini.

S. Gregorius *lib. 1. Dialog. cap. 10.* scribit, quod S. Fortunatus Episcopus Tudertinus, militi Gotho ex Vitiis Regis castris, cui prolapsus ex equo, crur fuerat perfractum, sanitatem illico restituit, infusa Aqua lustrali.

S. Theodoretus in *Histor. Religiosa, de Aphraate Eremita, & aliis*, pariter scribit, B. Macedonium potu Aquæ benedictæ, datæ cuidam mulieri, quæ in morbum ingluviei inciderat, itaut in die esu triginta gallinarum non satiabatur, mirabiliter retudit immoderatam illam appetitionem. Aliam pariter mulierem à crudeli mentis delirio Aquæ benedictæ potu liberavit. Et S. Parthenius Lampfacensis Episcopus Aqua benedicta paralyticos,

energumenosque abstergens, mirifice curabat.

Thom. Bzovius *lib. 5. de Signis Eccles.* cap. 2. de Moluchis ita refert: Commune est hoc omnibus Insularum illarum indigenis, ut cùm febri vexantur, vel aliter adversa vilitudine, statim confugiant ad Templum, Aquam piacularem bibant, & protinus convalescant. S. Aldemarius *Monachus Casinen.* sanavit Caponicum quendam infirmum Aquæ benedictæ aspersione. Hæc à Basilica Petri in *Epbemerid. Sacris in Vita d. Sancti die 24. Martii. Et die 12. Februar.* in memor. S. Roci narrat, ab eo Matrem defunctam aspersam Aqua benedicta ad vitam esse revocatam. Alia consimilia exempla facile est reperire in *Vitis Sanctorum*, & in *Historiis Ecclesiasticis*, & præcipue in Bagatta *Admirand. Orb. Christian.* in Hierolex. Magrii *Verb. Aqua benedicta*, & in Cina *P. Bartoli lib. 4. pag. 874. ac 875.* & in sæculis Benedictinis noviter impressis.

Quartò: Adversitates depellit. Hinc Surius in *Septemb.* scribit, quod S. Lioba Virgo, Antistita Fuldenfis Parthenii cœnobii, injecta modica lustrali Aqua, cui salem immiscuerat, à S. Bonifacio Archiepiscopo Maguntino inatguratum, compescuit ignem loca propinqua omnia depopulantem, ne utique septis Cœnobii noceret.

Beda de *gestis Anglor. lib. 1. cap. 17.* S. Germanus Episcopus Antisciodorensis, cùm inter tumentes maris fluctus Navis periclitaretur, Aquæ benedictæ aspersione, sædam eam tempestatem sedavit.

Card. Baronius *Ann. 885. De rebus gestis Stephani Papa VI.* Cùm clades locustarum, quæ Prædecessoris sui Hadriani totam patriam consumperant, malè multiplicato germine nasci cœpissent, & omnia replevisent, miseris SS. Papa afflicti populi, post orationem factam, Aquam benedixit, iussitque illam spargi per sata, & vineas, & nulla penitus locusta remansit.

Choppus *Dialog. 1. contra Iconod.*
c. 3. Mures devastantes terras Christianorum conspersi Aqua benedicta auferunt in gentiliis vineas. Confimile exemplum narrat Hier. à Basilica Petri in *Ephemerid. Sacris die 23. Januarii.* in Vita S. Urbani Episcopi. Alia haberi poterunt exempla, ac eruditiones ex Historiis sacris, quibus animarum Pastores præconizare poterunt suis populis devotionem lustralis Aquæ, ac in illis venerationem, & fiduciam accendere; præcipue si legerint Martin. Delrium *Disquis. Magic. libr. 6. sect. 3. Vers. Nonum remedium. pag. 735.*

DECISIO XL.

ARGUMENTUM.

Resolvitur famosa Quæstio, an contrahat cognitionem spirituales in Baptismo Procurator tenens nomine alterius infantem? An ille, qui misit ipsum Procuratorem? Item docetur, quinam prohibeantur esse Patrini in Baptismo?

SUMMARIUM.

- 1 *Cognatio spiritualis in Baptismo an contrahatur à Procuratore, vel ab eo, qui ipsum mandavit, ut ejus nomine teneret infantem?*
- 2 *Patrini qui esse non possint in Baptismo?*
- 3 *Germani admittunt in Patrinos etiam hæreticos.*
- 4 *Regulares non possunt esse Patrini. Et cur?*
- 5 *Ignorantes rudimenta fidei non debent admitti in Patrinos.*

PRO complemento eorum, quæ concernunt Patrinos levantes pueros à sacro fonte, remanent explicandæ
1. alæ duæ Quæstiones. Prima est: An

tor, tenens infantem in Baptismo, contrahat spirituales cognitionem? A Procuratore contrahi spirituales cognitionem nonnulli scribere, ob rationem, & ob auctoritatem Doctorum. Ratio est, quia ad cognitionem spirituales contrahendam requiritur tactus physicus in suscipiendo infantem de loco sacro. *cap. De his, & cap. Ad Imina. 30. q. 1.* Sed Procurator est, qui tangit physicè ipsum infantem, dum illum tenet in lavacro sacro. Ergo ipse est, qui contrahit spirituales cognitionem. Auctoritas Doctorum hanc opinionem confirmat; plures enim eam amplexati sunt tam Theologi, quàm Canonistæ. Henriquez *lib. 12. cap. 11. num. ult.* Azorius *p. 1. lib. 2. cap. 12.* Covaruvias *de Sponsal. part. 2. cap. 6. §. 4. num. 6.* & alii apud Sanchez *lib. 7. disp. 19. num. 4. de Matrim.*

A Mittente ipsam contrahi cognitionem, non autem à Procuratore misso, plurimi censuere; ea ratione, quia, ad cognitionem spirituales contrahendam duo requiruntur: designatio Patrini facta à parentibus baptizandi, seu à Parocho; & intentio ipsius Patrini exercendi illud munus tanquam Patrinus, & contrahendi ipsam cognitionem. Concil. Trid. *sess. 24. de Ref. Matrim. cap. 2.* Sed Procurator tenens in Baptismo nomine alterius, à quo est missus, neque est designatus Patrinus à parentibus pueri, neque intendit agere illud munus nomine proprio, ut fiat cognatus. Ergo ipse non afficitur prædicto vinculo spiritualis cognitionis. Hanc opinionem tenent Rebellus *lib. 3. quæst. 6. num. 12.* Cotonius *lib. 2. controv. 2. cap. 5. num. 90.* Tamburinus *de Triplic. jur. lib. 2. cap. 4. §. 4. num. 7.* Barbosa *de Offic. Parochi cap. 18. num. 25. & de offic. Episcopi. alleg. 30. n. 50.* Quam quidem opinionem in præsentem omnes Doctores sequuntur; tum quia est approbata à Sacra Congregatione teste Gavanto in *Manual. Verb. Baptismus n. 14.* Mario Antonino *lib. 1. resolut. ultim. casu 25.* Leone in *Theaur. for. Ecclæs. part. 2.*

part. 2. cap. 9. num. 63. cum seqq. tum etiam quia eam amplexata est Rota Romana Verall. decis. 147. part. 3. Nicolius, qui Sacram Congregationem ita decrevisse refert tom. 1. Institut. Civil. lib. 1. tit. 10. n. 37. & Pignarellus tom. 7. consult. 93. num. 3. Verba Nicolii sunt isti: *An verò hæc cognatio contrahatur à Procuratore, vel ab eo, cujus nomine tenet? Sacra Congregatio Concilii censuit contrahi à mandante, non à Procuratore in Una Veronen. 29. Martii 1582. & 15. Martii 1631.*

- Altera Quæstio est, Qui prohibeantur esse Patrini? Ad hanc quæstionem respondetur; esse prohibitos omnes infrafcriptos. *Primò* non baptizatos. cap. In baptisinate. de Consec. dist. 4. nam Patrinus est obligatus instruere in rebus fidei, quem suscepit. *Secundò*, Minores septennio, quia debent habere usum rationis. Gobat d. tract. 2. de Baptism. 155. Barbosa de Episc. alleg. 30. num. 39. ubi tamen advertit, non excludi Patrinum juniorem filiafro baptizando. *Tertio*, Genitores ipsius baptizandi, nisi in casu necessitatis, idest periculi mortis. cap. Pervenit. & cap. Dictum est. 30. q. 1. aliàs ob contractam cognationem spirituales impediuntur petere debitum conjugale. *Quartò* Hæreticos, ob periculum perversionis, & discessus à vera fide. Layman d. lib. 5. tract. 2. cap. 9. num. 7. ubi tamen advertit, quod in
- 3 Germania promiscuè à Catholicis vocantur Patrini hæretici; & ab hæreticis Patrini Catholici; neque subsistit timor perversionis, quia Patrini neminem ex filiis spiritualibus instruunt in fide. *Quintò* Religiosos claustrales sive Monachos, sive Mendicantes. cap.
- 4 Placuit commune. 6. q. 1. cap. Non licet. & cap. Monachi. de Consec. dist. 4. ne familiaritatem contrahant cum secularibus, & præcipuè cum sœminis. *Sextò* excommunicatos, interdictos, & facinorosos. Rit. Roman. in Rubr. de Patrinis. Ita enim decet sanctitatem Sacramenti. *Septimò*, ignorantibus rudimenta fidei, Orationem Dominicalem,

Credo, & Decalogum. Constit. Synod. Patav. part. 1. cap. 8. Vers. Qui verò. & part. 2. cap. 12. Vers. A Patrinatus munere. Ea manifesta ratione, quia non sunt apti instruere quem in fonte suscipiunt. *Octavò* Mutum; cap. Parvuli. de Consecr. dist. 4. ob eamdem rationem. *Nonò* Maritum, & Uxorem in suscipiendo uno & eodem baptizato. cap. fin. 30. quæst. 4. ob reverentiam Sacramenti, quamvis inter hos conjuges non contrahatur spiritualis cognatio, ut diximus supra Decis. 37. num. 17. *Decimò* Clericos sæculares, præcipuè exiistentes in Sacris. Synodus Patavina d. part. 2. cap. 1. Vers. In ædibus.

DECISIO XLI.

ARGUMENTUM.

Discussio dubio, an madefactis aqua digitis satis sit tangere caput baptizandi? Disputatur famosa Quæstio, an licita sit sectio ventris Matris non valentis parturire? Et an ipsa Mater teneatur pati incisionem, ut fœtus possit baptizari?

SUMMARIUM.

- 1 Digitis aqua madefactis an validè baptizetur?
- 2 Peccatum mortale est comodo baptizare.
- 3 Mater si parere non possit, an teneatur pati incisionem Ventris?
- 4 Mulier gravida an ultimo supplicio plectenda?
- 5 Sectio Ventris matris quando licita? & num. 8.
- 6 Exemplum quinque fratrum cæso ventre matris editorum.
- 7 Puerpera alia secta in ventre salvæcarum vita.
- 9 Vita matris quando sit præferenda vitæ fœtus, vel è contra?

Adhuc nascitur alia dubitatio resolvenda circa Ministrantem baptismum, quæ talis est: Sacerdos baptizans, digitis aqua madefactis, tangit caput baptizandi, formam proferendo. Queritur, an sit validus Baptismus? Procedendum est ad resolutionem casus cum distinctione ista. Vel digiti erant adeo madefacti, ut ex eis fluere guttæ aquæ; & hoc modo applicando easdem aquæ guttas capiti baptizandi, fecit verum Baptismum; nam quælibet ablutio, quamvis modica, etiam per simplicem asperersionem sufficit: *Matthæus in Theol. Moral. cit. disp. 17. num. 24. prope fin. ibi: Unde deducitur ad Baptismi validitatem sufficere posse guttas aliquot, quæ corpus tangant, cum aliqua sui divisione, & partium successione.* Et latius Eminentiss. Cardin. de Lauræa *de Baptism. disp. 12. num. 28. ubi sic: Qualibet duratio successiva asperersionis, vel immersionis, etiam minima, si detur, sufficit ad materiam proximam Baptismi, quia in quolibet quantumvis parva includitur essentia abluionis.* Novissimè Gobat *de Baptism. d. tract. 2. num. 46. ubi in specie nostri casus interrogatus ait: Respondi, videri mihi baptizatum, nec rebaptizandum, si, ut sæpè fit, digitus fuerit probe immersus in aquam, ac proinde inspersæ quinque, vel sex guttæ.* Vel è contra digiti ita parci erant madefacti, ut ex eis non potuissent fluere guttæ aquæ; sed haborentur tantummodo humidi; vel adsint sudoris? & in hoc casu censendus est Baptismus invalidus; quia dici non potest vera ablutio, quando aqua non fuit è digito, & se diffundit aliquo modo per locum, in quo fuit: & ad plus reputari debet Baptismus dubius, itaut puer sit sub conditione rebaptizandus; ex opinione ejusdem Gobati *d. num. 46. ita sentientis, & dubitantis, si tantum duæ, vel tres guttæ è digitis cecidissent, cui addi pulatur Tamburin. de Triplic. Jur. lib. 2. cap. 1. §. 1. num. 13. & §. 3. num. 22. Coton. lib. 2. contrav. 2. cap. 1.*

num. 13. & Franciscus de Lugo lib. 2. cap. 2. q. 1. num. 6. Porro omnes Doctores notant, quòd prædictus Parochus graviter peccaverit, baptizando puerum illo heteroclitico modo; nam debet servare usum Diœcesis, & abstinere ab incertitudine, & sequi tutiorem opinionem in Sacramentis. Gobat *d. tract. 2. num. 46.*

Porro inter cæteras famosa, curiosa, & digna scitu est sequens infantia: Gravida mulier in octavo Mense agit animam, desperata à medicis infusus salute. Queritur, an pati debeat ventris incisionem, ut fœtus vivus extrahatur, & baptizetur? Circa hanc famosam quæestionem communiter Doctores tenent opinionem negativam, & absolute respondent, Matrem non esse obligatam fuisse ventris incisionem, & sic mortem corporalem, quamvis versemur in periculo mortis spiritualis animæ sui fœtus; quia non sunt facienda mala, ut eveniant bona; & sicut nemo potest innocentem occidere obsequi mortali peccato. *Cap. Non licet. 25. q. 5. ita absolute peccato nemo potest consentire, ut ab alio occidatur; argum. tex. in cap. Contingit. De Jurepatron. l. liber homo. ff. ad leg. Aquil. Ita Comit. in Respons. Moralib. lib. 1. quæst. 14. Layman lib. 5. tract. 2. cap. 3. num. 2. Graffius part. 1. lib. 2. cap. 62. Victorius de Baptism. num. 32. Franciscus de Lugo, qui cumulat alios concordantes, lib. 2. cap. 2. q. 3. num. 24. & novissimè Pax Jordan. tom. 1. lib. 5. tit. 10. n. 23.* Qui extendunt hanc suam negativam sententiam pariter ad illam matrem, quæ esset afficienda ultimo supplicio; quamvis enim lex non permittat executionem sententiæ, nisi enixò fœtu, & sequuto partu, quem jubet expectandum. *leg. Pregnantem ff. de Pœnis: nihilominus si immanitas Judicis, vel aliqua publica causa urgeret, ut ante partum è vivis tolleretur; adhuc ejus venter non esset secandus ad effectum præmissum; neque ipsam matrem (nisi spontè vellet hanc pati carnificiam)*

nam) obligari posse asseverant præfati Doctores, ea ratione freti, quòd ex sectione ventris certa mors matris sit secutura, & incerta remaneat salus spiritualis ejusdem fœtus, credentes, difficillimè eum vivum è visceribus maternis deduci; ut inter cæteros opinabatur Sotus in 4. diff. 5. quæst. 7. art. 11. Coninck in 3. p. 9. 66. art. 7. num. 75. & Comitol. ubi suprà. Et quòd sit impossibile absque morte Matris ejus ventrem secare ad extrahendum ex eo fœtum, constanter tenent ex Medicis Ambrosius Paræus in sua Chirurgia libr. 23. Vazandæos De Morbis mulier. cap. 7. Alex. Massaria in Pract. Medic. lib. 4. cap. 12. & alii, quos refert doctissimus Zacchias in suis Q. Q. Medico-legal. tom. 2. libr. 9. tit. 2. quæ Unica num. 27. ubi notat ex hac impossibilitate salvandi vitam Matris provenire, quòd de hac ventris sectione nullus Medicorum ante præteritum sæculum verba fecerit, etsi de aliis difficillimis sectionibus habeantur antiqui tractatus, præcipue de extractione calculi ex Vesica, quæ multò magis periculosa est, atque operosa.

Cæterùm P. Theophilus Raynaudus tom. 14. tit. de Ortu Infantium per sectionem Cæsaream cap. 5. num. 2. statuit, & probat, sectionem matris viventis, in desperatione partus naturalis, licitam esse, & honestam, quando affulgeat spes probabilis boni eventus; atque ut plurimum spem ipsam affulgere ostendit, tum judicio, ac testimonio multorum medicorum è Gallia, Hispania, Germania, & Italia in d. tit. cap. 4. num. 5. & 6. tum in cit. cap. 5. num. 4. & 55. tum celsissimis exemplis, inter quæ illo singularissimo Patris Jacobi Robini Ordinis Minorum Bituricensis, qui eidem Patri Raynaudo coram confirmavit, quintum se è fratribus, cæso semper matris utero, editum; operam Matri præstante Brunetho Chirurgo, qui adhibito remedio soporifero, dolores sectionis solerter præcluserit.

Quare P. Gobat in secunda editio-

ne suæ Experiment. Theologiae cit. tract. 2. de Baptism. in appendice sub num. 259. recessit ab opinione Comitoli, Soti, & aliorum, quibus antea adhæserat; motus doctrina ejusdem P. Raynaudi; in cujus confirmationem refert alia duo exempla, deprompta ex lectione Guilelmi Fabricii Medici Bernensis fol. 1178. Edit. Hanovien. alterum Viennæ Austriæ, alterum Salinis in Comitatu Burgundiæ, edita circa Puèperas, quæ sanctissimè vixerunt, postquam ex earum uteris, in Umbilico sectis, extractæ fuerunt proles, jam ante sectionem mortuæ; tetrumque odorem halantes. Ulteriùs in eadem Appendice sub litt. A. narrat, proximis annis judicatum à Medicis Bononiensibus posse, imò debere, secari Illustrissimam quamdam Matronam; quæ illis suum consensum dederat; at conspectis instrumentis futuræ carnificinæ ita cohorruisse, ac sibimet tantam vim intulisse, ut felicissimè via ordinaria fœtum eadem ediderit. His exemplis eruditus P. Gobat in eadem Append. sub litt. D. adjungit aliud sibi narratum die 28. Septembris 1670. à Nobili Matrona, cujus perfecta Virtus, sapientia, & prudentia plenam apud ipsum conciliabat fidem, videlicet eandem Dominam usam fuisse in difficilibus suis puerperiis opera certæ obstetricis, quæ bis secuerat in duplici parturitione unam, eandemque matrem, ac felicissimè ex ejus utero eduxerat duas proles; cùm ob corporis constitutionem eniti nequiret modo naturali ulum fœtum; & nihilominus dicta mater bis secta vivebat, & iterùm erat prægnans.

Quapropter his, & aliis experièntiis consideratis ipse quoque Zacchias d. lib. 9. tit. 2. Q. Unica num. 28. concedit, sectionem Ventris viva Matre esse licitam, cum sequentibus tamen conditionibus, videlicet quòd Mater habeat vires subsistentes pro toleranda sectione; quòd non sit minor anno vigesimo, neque major quadagesimo; quòd sit animo intrepido, non exagi-

exagitata mortis timore, neque labe-
factata nimis partus laboribus. Item
quòd ipsa Mater extra prægna-
ntiam, & in prægna-ntia ab aliquo acuto, ac
lethali morbo non fuerit conficta,
quòd non sit valetudinaria, uterinis
morbis obnoxia, aut rebellibus ob-
structionibus, aut viscerum tumori-
bus detenta; alioquin eam sectioni
subjicere, idem esset, ac eam data
opera occidere. Tandem quòd Chi-
rurgus sit valde doctus, & bene ex-
pertus, qui attentè consideret, an
aliis remediis naturali via possit par-
tus extrahi, non enim passim, & ex
abrupto deveniendum est ad hanc tor-
mentosam, & periculosam Matris se-
ctionem; quæ non suffragantibus aliis
mediis, pro ultimo, adhiberi potest,
si fœtus vivus in ventre certò agno-
scatur.

His itaque stantibus, pro resolutio-
re nostri casus est distinguendum ita.
Vel gravida Mulier, in octavo Men-
se, desperata à Medicis ipsius salute,
agit animam ob difficultatem partus,
& causa puerperii, quia ob nimiam
arctitudinem, vel alteram corporis
constitutionem, via ordinaria non
potest infantem edere; & in hoc casu
tenetur pari ex charitate incisionem
ventris, si spes concurret probabilis,
judicio. Medici circumspècti, & non
præcipitis, tum suæ sanitatis recupe-
randæ, tum filii salutis spiritalis,
mediante Baptismo, consequendæ.
Posse autem utramque spem concur-
rere, docent exempla suprâ relata, &
auctoritas dicti P. Raynaudi scriptoris
litteratissimi in cit. cap. 5. num. 19. &
cap. 6. per totum; nec non Gobati ubi
suprà. At deficiente altera ex suprâ-
dictis conditionibus non esse obligan-
dam matrem ad ventrem sectioni ex-
hibendum; imò si ex sectione ipsa
mater esset incolumis evasura; pro-
les autem exstinguenda sine Baptismo,
mater abstinere deberet ab eadem se-
ctione ex charitate; cùm speranda sit
salus spiritalis ipsius prolis, vel ex
sanitate Matris aliis remediis compa-

randa: vel ea decedente, ex sollicita
ventris incisione, & infantis extractio-
ne, qui post mortem matris vivere so-
let per notabile tempus, præcipuè si
matris demortuæ statim ori impona-
tur aliquid, quòd apertum servet, &
via respirationis infanti non obture-
tur. Gobat d. tract. 2. num. 260. Quod
etiam affirmat ipse Zacchias ubi supra
num. 26.

Porro suprâdicta doctrina de non
procuranda salute corporali ipsius ma-
tris cum detrimento salutis spiritalis
ejusdem prolis ex præcepto charitatis
probat auctoritate sancti Thomæ
2. 2. q. 26. art. 5. ed 5. Sylvestri Verb.
Belium. 2. q. 4. Navarri in Man. cap.
24. num. 9. Bonac. de leg. disp. 3. q. 3.
punct. 4. num. 4. Castropalai tract. 6.
disp. 1. punct. 9. num. 5. & aliorum,
quos citat Gobat in d. tract. 2. num.
224. ad firmandum, quòd quicquid te-
netur cum periculo vitæ baptizare infan-
tes Christianorum, constitutus in arti-
culo mortis; & num. 231. ubi singula-
riter advertit, tempore Pestis Parochos
teneri tam adultis, quàm parvulis admi-
nistrare hoc Sacramentum Baptismi;
quod admittit etiam Joan. Sarcius in se-
ctâ. disp. 10. num. 9. & nos latè infra
de Extrema Unct. Decis. 72.

Tandem pro plena intelligentia hu-
jus insignis Quæstionis notanda est di-
stinctio, quam ponit idem Zacchias
d. libr. 9. tit. 2. quæst. Ult. num. 35.
nempe: vel est major spes vitæ Matris,
& minor fœtus? puta quia mater sit
validis viribus, pulso forti, fœtus au-
tem nullum motum edat, & in imo
ventris pondus faciat, & in hoc casu
præferenda est vita matris, & abstin-
endum est à sectione ejus ventris.
At si mater sit in extremis posita,
cadaverota facie, pulsusque tenui; fœ-
tus verò validus appareat, ac recalci-
trando, & validè se movendo maxi-
mo vigore se munitum ostendat; utique
de hujus salute est magis curandum,
& ad sectionem deveniendum. Quòd
si tam Mater, quàm fœtus viribus
polleant, sed alteruter servari non pos-
sit

sit nisi cum alterius exitio , tunc vita Matris est præferenda ; ut doctè probat Zacchias *ibidem*.

DECISIO XLII.

ARGUMENTUM.

Quæstio famosa disputatur, An infantes infidelium invititis Parentibus sint baptizandi ? & federe distinctionis juridicè resolvitur.

SUMMARIUM.

- 1 Infantes infidelium an invititis parentibus sint baptizandi ?
- 2 Infidelium nomine quatuor genera veniunt personarum, & quæ ?
- 3 Filii Apostatarum, Hæreticorum, & Schismaticorum possunt invititis eorum parentibus baptizari.
- 4 Infidelium Filii validè baptizantur.
- 5 Sed non licitè invititis eorum parentibus, juxta Themistas.
- 6 At licitè secundum Scotistas.
- 7 Concordantia eorum opinionum.
- 8 Mancipia infidelium possessa à Christianis possunt baptizari invititis parentibus.

Quoniam animarum Rectores, & alii studiosi Theologiæ Moralis tanto zelo aliquando fervent, ut omnes infideles cupiant promovere ad baptismum, nunc decidendum venit : An infantes infidelium invititis Parentibus sint baptizandi ? Pro intelligentia præmittendum ; infidelium nomine quatuor genera personarum venire . I. *Schismaticos* ; & sunt illi, qui quidem credunt omnes articulos fidei, sed supremam Romanæ Pontificis auctoritatem non agnoscunt . *Cap. Quia diligentia* 5. ubi Gloſſ. in *Verb. Schism.* (ubi ait quòd Schisma idem est, ac divisio, & scissura) *De elect.* II. *Hæreticos*, nempe illos, qui unum

vel plures articulos fidei non credunt . *cap. 1. & tot. tit. de Hæret. III. Apostatarum*, & tales sunt illi, qui Baptismum receperunt, sed postea totaliter fidem dereliquerunt, accedentes vel ad Mahometismum, vel ad Judaismum ; vel ad Ethnicismum . *Cap. Quidam. de Apostatis. IV. Paganos*, Saracenos, Mauros, Mahometanos, & Judæos, qui nunquam fidem susceperunt . *cap. 1. & tot. tit. de Judæis, & Saracen.* Porro Quæstum de infidelium filiis baptizandis non cadit super tria priorum genera infidelium, nempe Schismaticorum, Apostatarum, & Hæreticorum ; quia cum hi ob baptismum susceptum subsint Ecclesiæ, eorum filii possunt baptizari ; ipsis parentibus invititis ; prout eorum Parentes cogi possunt ad errores suos deserendos . Diana *Coordin. tom. 3. tract. 1. resol. 6. à §. 2.* Et Layman *lib. 3. tract. 5. cap. 6. num. 12.* Similiter in præsentì quæstio non est intelligendum da Baptismo valido filiorum infidelium, sed de Baptismo licito ; quandoquidem extra omnem controversiam est, quòd si de factò infantes infidelium baptizentur, Baptismus erit validus, adhibita materia, forma, & intentione Ministri ; cum Ecclesia suppleat intentionem infantis. Quæstio igitur stat de posſibilitate ; an scilicet liceat invititis parentibus infidelibus, Mahometanis nempe, Paganis, vel Judæis eorum filios baptizare.

Et negativè respondent omnes Thomistæ ob auctoritatem Angelici Doctoris, qui videtur negativam sententiam amplexus . 2. 2. q. 10. *art. 2. & 3. part. quæst. 68. art. 10. & Quodlibet. 2. art. 7.* obſequentes rationes.

Prima est . Vel filii baptizandi, invititis eorum parentibus infidelibus ; sunt eripiendi de eorum manibus ; vel relinquendi sub eorum potestate . Si primum ? fit injuria parentibus, eos spoliando jure, quod habent in filiis . Si secundum ? fit injuria fidei, & committitur sacrilegium ; nam infantes baptizati, si apud parentes relinquuntur educandi, fieri moraliter

ter non potest, quin eorum erroribus imbuantur.

Secunda est. Non est licitum privare infideles bonis temporalibus, quæ possident. Ergo multò minùs filiis suis, quos genuerunt.

Tertia est. Gratia non invertit ordinem naturæ; imò in ipsa natura fundatur, cujus est idem Auctor Deus. Sed de jure naturæ est, ut filii educantur, & conserventur apud suos genitores, & parentes. Ergo ipsis invitis non poterunt baptizari.

Quarta est. Lex Evangelica est lex libertatis; ad quam suscipiendam infideles sunt hortandi, sed non compellendi. Ideò in Concilio Tolet. 4. in can. 56. habetur: *De Judæis autem præcipit sancta Synodus, nemini ad credendum vim inferri*. Ergo.

Quinta est. Ad recipiendum Baptismum debet præcedere assensus ad articulos fidei: dixit enim Salvator: *Qui crediderit, & baptizatus fuerit, salvus erit*. S. Marcus cap. ult. 16. Et in tantum baptizantur parvuli filii Christianorum, in quantum eorum parentes supplent pro ipsis in assensu ad fidem. Sed in filiis infidelium nullus assensus ad articulos fidei haberi potest, non ab ipsis filiis, qui nondum supponuntur rationis compotes; non ab eorum parentibus, qui sunt fidei inimici: Ergo non erunt baptizandi. Et hanc sententiam tenet Suarez in 3. part. tom. 3. dist. 25. sect. 3. & 4. Valquez in 3. part. disp. 155. & alii, quos allegat, & sequitur Layman lib. 5. tract. 2. cap. 6. num. 30. Et Diana part. 7. tract. 7. res. 68. Quæ sedet in Coordin. tom. 1. tract. 1. res. 88.

E contra Scristarum Schola tenet, 6 filios infidelium licitè baptizari posse, etiam eorum parentibus invitis ex sequentibus rationibus.

Prima. Zelus Religionis est omni alii motivo præferendus. Sed retrahere filios ab infidelitate, in qua nomen Dei continuo blasphematur, est zelus Religionis. Ergo filii infidelium, etiam invitis Patribus sunt baptizandi.

Secunda. Hebræi fortilegi, blasphemæ, seu perjuri puniri possunt à Magistratibus Christianis zelo Religionis, quia peccant in Religionem. Sed idem peccatum est, docere filios infidelitatem, & odium fidei Christianæ. Ergo in punitionem parentum, eorum filios licebit baptizare.

Tertia. Majus, & superius jus habet Deus in filios infidelium, quàm ipsi Parentes; nam Deus est supremus Dominus, juxta illud: *Tua est Domine Magnificentia, & Potentia, & Gloria, atque Victoria, & Tibi Laus: cuncta enim, quæ in Cælo sunt, & in terra tua sunt: tuum Domine regnum; & Tu es super omnes Principes. Tue divitiæ, & tua est gloria: Tu dominaris omnium: in manu tua Virtus, & Potentia: in manu tua Magnitudo, & Imperium omnium*. 1. Paral. 29. 11. Ergo nulla sit injuria Parentibus infidelibus, eorum filios, mediante Baptismo, ad Deum reducendo.

Quarta. Baptismus est de lege Divina; & Patria potestas est de lege naturali. Sed in concursu harum legum, Divina est præferenda. Ergo, etiam invitis parentibus infidelibus, erunt baptizandi ipsorum filii.

Quinta. Jus patris in filios nullam vim habet in iis, quæ sunt contra Deum. Sed impedire, seu recusare, ne baptizentur filii, est contra Deum. Ergo jus parentum pro nihilo attendi debet.

Sexta. Obligatio credendi Deo loquenti, & amandi ipsum superat quancumque aliam obligationem. Sed Deus locutus est nobis in Filio, & continuo loquitur per promulgatores Evangelii, quod *Qui non crediderit, & baptizatus fuerit, salvus non erit*. S. Marc. ult. 16. Ergo, ut filii infidelium baptizentur, nihil potest impedire, cum hæc sit cæteris major obligatio.

Septima. Pater de Jure non potest filium suum mutilare, seu facere, ut fame pereat. Ergo multò minùs, ut æternis flammis per infidelitatem; aut saltem

saltem visionis beatificæ privationi, ex carentia Baptismi, condemnatur.

Octava. Pretiosior est salus æterna unius animæ, quacunque re temporali; hinc P. Carolus Spinola Soc. Jesu, (qui meruit in Japonia martyrio coronari) quia baptizavit quendam puerulum animam exhalantem, misericordie lætatum refert Gobat *de Baptism. tract. 2. num. 243*. Ergo licitum esse debet, ubi se occasio offerat, filios infidelium, eis invitis, baptizare. Imò quique tenetur id facere cum periculo vitæ proprie, si infans sit in extremis constitutus. Gobat *d. tract. 2. num. 229. & seqq.* Hæ sunt præcipuæ rationes Scriptorum pro hac sententia.

Cæterum concordantur hæ duæ opinionones sub fœdere distinctionis; vel enim filii infidelium sunt adulti, & per-
 7 venerunt ad annos discretionis, & in hoc casu si ipsi à Deo inspirati petant Baptismum, & velint ad fidem Catholicam venire, sunt recipiendi, & post instructionem baptizandi, quacunque resistantia Parentum non obstante, quos imò compescere convenit, implorato brachio sæculari, ut pluries contigit in hoc Pastoralis regimine Eminentis, ac Reverendis. Nostri Præsulis Cardinalis BARBADICI, cui Deus donavit multas ex Judæis animas per susceptionem sacri Baptismi. Vel ipsi infidelium filii sunt infantes, & rationis expertes; & in hoc casu oportet subdistingueret; vel sunt in evidenti mortis periculo, itant morali certitudine quis cognoscat jamjam animam emissuros; & tunc si potest, Christianus quilibet laudabiliter facit, illos baptizando. Vel sunt sani, & bonam sanitatem habentes, & adhuc alia opus est distinctione; vel ipsi, seu eorum Parentes sunt mancipia Christianorum, puta quia capti sunt in bello, vel empti ab aliis; & in hoc casu cum Christianus,
 8 illos possidens, sit eorum absolutus Dominus, potest pro suo libito filios infantes baptizare, suscepta in se hac obligatione, eosdem infantes, cum

adoleverint, instruendi in fide Catholica, neque eos parentibus infidelibus consignandi; ad evitandum periculum subversionis, & apostasiæ. Vel prædicti infideles, & eorum infantes potiuntur sua libertate ex benignitate Principis, & vivunt unà cum Christianis tanquam Accolæ, seu Cives, ut faciunt Hebræi, & Turcæ in pluribus Civitatibus Italiæ, & in hoc casu non licet eorum infantes baptizare, quia remanentes in parentum potestate educarentur in infidelitate cum injuria Sacramenti collati; aufertur verò à parentibus non deceret; cum id non expediat, tum quia jugum Christi suave est, & Ecclesia semper abstinet à violentia absoluta, etsi aliquando per minas, & terrores laudaverit Principes excitantes subditos sibi infideles ad fidem venire, ut de Sisubuto, seu Assubuto Rege habetur in Concil. 4. Toletan. de quo Scot. in 4. dist. 4. q. 9. tum etiam quia violaretur publica quies. Et ita hoc Quæsitum resolvunt Layman. *d. lib. 5. tract. 2. cap. 6. num. 10*. Plures Doctores apud Dianam Coordinatum. *1. tract. 1. à resol. 86. usque 92*. Marstrius in 4. sent. disput. 2. quæst. 4. & in sua Theolog. Moral. d. disput. 27. num. 44. & Eminentis. Cardin. de Lauræa de Baptismo. disput. 14. art. 5. per totum. Gobat omnino legendus d. tract. 2. à num. 312. & seqq.

Quòd si pueri Hebræorum nondum septenni fugiant à paterna domo, & veniant ad Christianos, petentes Baptismum; sed eorum parentes opponant, eos non habere perfectum usum rationis, & propterea esse sibi restituendos; in hoc casu, sunt ipsi pueri reponendi, & custodiendi in loco tuto, donec ad perfectum rationis usum perveniant; ut, si perseveraverint in voluntate, & proposito fidei Christianæ, possint baptizari; interim tamen non sunt restituendi; quia in dubio magis est savendum innocenti filiolo, quam tristi, & nocenti Patri, ut doctè probat Eminentiss. Card.

Card. de Lugo in *Responsis Moralibus* lib. 1. dub. 4. ubi DD. relatos à Diana. *part. 7. tract. 11. resol. 40.* quam reperiunt, qui Coordinatum habent in tom. 1. *tract. 1. resol. 92.* Et eruditè Gobat d. *tract. 2. à num. 326. & seqq.* Qui plura cupit scire de hac Quæstione legat Marquardum de Sufannis Utinensem, qui in suo erudito tractatu de Judæis, & aliis infidelibus *part. 3. cap. 2. num. 6.* illam examinat, & opiniones diversas Theologorum, ac Canonistarum hinc inde refert.

DECISIO XLIII.

ARGUMENTUM.

Ad quem Parochum spectet baptizare filium natum ex accidenti extra Parochiam genitorum ejus, resolvit hæc Decisio. Item quid agere debeat Sacerdos vocatus ad obstetricandum in necessitatis Casu? Et an baptizanda Catechumena phrænetica moribunda?

SUMMARIUM.

- 1 Filius natus extra Parochiam genitorum à quo Parocho baptizandus?
- 2 Jurisdictionis Parochialis est actus baptizandi.
- 3 Infirmitate oppressus in aliena Parochia à quo recipiat Sacramenta?
- 4 Natus extra Parochiam in loco valde distant baptizatur à Parocho loci.
- 5 Sacerdos vocatus ad obstetricandum quid agat?
- 6 Phrænetica Catechumena moribunda an baptizanda?

1 O Ccurrit frequenter, ut recreationis causa, vel ex alio honesto motivo Mater gravida in alienam domum

transiens, ibi ex abrupto filium pariat. Quæritur in tali casu, ipse Filius natus extra Parochiam genitorum, à quo Parocho sit baptizandus? Pro resolutione hujus casus, ex quo jurgia solent nasci inter Parochos, dicendum est: Vel locus, ubi natus est filius, parum distat à Parochia genitorum ejus, & ad Parochiam ipsorum genitorum est deferendus idem Filius, ut baptizetur à Parocho eorundem genitorum; actus enim baptizandi solemniter, & extra casum necessitatis, est actus Jurisdictionis Parochialis; ut ex doctrina S. Thomæ 3. p. q. 67. art. 2. in corp. & Scoti in 4. dist. 6. qu. 2. probat Gobat de *Baptism. d. tract. 2. num. 130.* Et nos diximus supra in *Decif. XXXV. num. 3.* cum auctoritate Rotæ Romanæ, & Doctorum. Quæ quidem Jurisdictio nequam acquiritur Parocho, intra cujus Parochiæ limites nascitur Filius ex accidentali habitatione, per tex. in cap. *De iis de sepultur. & cap. 1. & 2. cod. tit. in 6.* Barbosa de *Parocho cap. 25. num. 26. & seqq.* ubi DD. & novissimè Emin. Cardin. de Luca in *tract. de Parochis disc. 23. num. 9. & 10.* Et ideo si puerpera effudisset fœtum in domo parentum, ad quos divertisset recreationis causa per aliquot dies, relicta domo Mariti, Baptismus conferendus de Jure esset per Parochum Mariti, & idem est dicendum, ac observandum ex quacunque alia causa mulier prægnans in alienam domum transisset, puta vel ad gubernium infirmorum; vel causa ferendi hospitibus, vel ex alia accidentali occasione; nam ratio est manifestæ, cum consimilis transitus non faciat acquirere domicilium, seu habitacionem talem, ex qua sit subdita Jurisdictioni istius Parochi, quod ad Baptismum prolis recentè natæ, cum præjudicio Parochi suæ veræ, & solitæ habitationis. Neque obstat, quod si hæc puerpera extra suam Parochiam fœtum enixa infirmaretur, reciperet Sacramenta non à Parocho suæ solitæ habitationis; sed ab illo, intra cujus Parochiam peperit, & infirmatur; ut in praxi

praxi quotidie videmus, cui etiam accidentaliter Parochus, in casu mortis, debetur portio quartæ funeralis: quando quidem dispar est ratio inter Filiolum baptizandum, & Matrem infirmam Sacro Viatico, & Extrema Unctione reficiendam; ille enim potest absque incommodo deferri ad suam propriam Parochiam; & ideo fuit suppositum, quod locus nativitatis parum distet à domo genitorum; at puerpera infirma deferri ad suam solitam habitationem commode non potest; & ne propius ejus Parochus intret ad exercendam Jurisdictionem intra limites alterius Parochiæ, Parochus loci dat Sacramenta morituri; & casu quo posset ipsa mater infirma ad suam Parochiam, & habitationem solitam transferri, cessat omnis controversia, & à proprio Parocho recipit Sacramenta, sicut ipse infans Sacrum Baptisma. *Cap. Ecclesiæ 13. qu. 1. Gobat de Baptism. d. tract. 2. num. 135.*

Quod si locus, in quo nascitur infans, esset valde distans à Parochia genitorum; ita ut ad eam non posset deferri sine magno incommodo, vel evidenti periculo ipsius baptizandi; in hoc casu Parochus loci, in quo reperitur, poterit eundem infantem baptizare; ad exemplum peregrinantium, de quibus statutum est, ut Mater in peregrinatione parturiens, possit sibi, & filio suo eligere quem maluerit, fontem Baptismalem. *Gloss. in cap. Nec numerus. in Verb. Aut in electa. 10. qu. 3. Barbosa de Parocho cap. 18. num. 7. Gobat d. tract. 2. num. 133. Tamberlin. de Triple. Jur. lib. 5. cap. 4. §. 3. num. 3. & Sanchez de Matrimon. lib. 3. disput. 23. num. 3.*

Sed hic curiosus satis eventus recensetur à Doctoribus infra citandis, qui vix potest accidere, & est hujusmodi: Sacerdos iter agens à Puerpera jacente non procul à semita vocatur, rogaturque, ut sibi dolores partus patienti obsteretur, ne ipsa, & proles mox nascitura pereat. Quæritur, quid facere debeat Sacer-

dos? Duo quidem sunt dicenda: *Primò*, ad vocandos vicinos hunc Sacerdotem currere debere, si non procul distent; sic enim & parceret proprio pudori, obviaretque periculo animæ suæ consentiendi impuræ delectationi; & suffragabitur necessitati parturientis. *Secundò*, sed data impossibilitate vocandi alias personas, ex supposito, quod casus iste accidat in agris omnino destitutis quacunque domo, vel habitatione, deberet ille Sacerdos officium obstericis assumere, & se auxiliatorem puerperæ exhibere implorata ope Divina, & firmo emissio proposito non consentiendi cogitationi turpi. Ratio est, quia ex charitate tenemur succurrere proximo exstanti in necessitate tum animæ, tum corporis. *S. Thomas. 2. 2. qu. 26. art. 4. & 5.* In præsentem autem hypothese extat periculum animæ prolis nascentis, & periculum corporis & prolis, & Matris illam effundentis, nisi adjuvetur. Et ita in terminis decidit Gobat *de Baptism. d. tract. 2. num. 196.* & ibi P. Stephanus à S. Paulo *Theol. Moral. tract. 3. disput. 3. num. 5.* & Joan. Sancius *in Select. disput. 10. num. 9.*

Corollarii loco etiam sequens Casus venit resolvendus. Vir Nobilis habet scæmellam Torcæ captam in bello, quam dono habuit ab amico militis. Hæc nondum baptizata infirmatur, & incidit in phrænesim; à qua nec sectione venæ, neque aliis remediis liberari potest; & ingravescente febri, Medicus ejus vitam desperatam pronunciat. Quæritur, an sit ei conferendum Baptismus? Circa casum hunc est distinguendum: Vel scæmella nondum est septennium, neque usum rationis est adepta? & in hoc casu absque hæsitacione est lustrali aqua tingenda, ut salutem consequatur æternam, sicut fieri debet cum quocunque parvulo, & infante nondum baptizato. Quod si hæc scæmella Turca septennium excedat, usumque habuerit rationis, observandum est; an

petierit Baptismum, & voluntatem ostenderit suscipiendi fidem Christianam? nam si hæc voluntas fuerit in ipsa, absque dubio erit baptizanda. At si detrectaverit, & protestata fuerit, se in Turcica religione permanfuram, non est ei Baptismus conferendus, cum necessaria sit intentio suscipientis aut actualis, aut virtualis, aut saltem habitualis, si suscipiens sit adultus; & in hac Turca scemella nulla extat intentio. Quod si ante phrænesim habuisset aliquam inclinationem ad fidem Christianam, & libenter ejus explicationem audiens, signa non levia dedisset voluntatis suæ ad illam amplexandam, & Baptismum suscipiendum; in hoc casu esset baptizanda sub conditione *si capax es Sacramenti hujus*; ex traditis per Mastrium in *Theolog. Morali disput. 17. num. 43. Layman libr. 5. tract. 1. cap. 6. num. 4. & Gobatum d. tract. 2. de Baptismo à num. 293. & seqq.* omnino legendum, ubi currenti, sed erudito calamo plures, satisque curiosos casus enunciat, & resolvit circa voluntatem Adultorum baptizandorum.

DECISIO XLIV.

ARGUMENTUM.

Agitur de nomine imponendo filiis, dum è Sacro fonte levantur. Quænam essent Regulæ antiquorum in imponendis nominibus filiis suis? Exempla Romanorum, Græcorum, ac Germanorum. Christianis vel imponenda nomina Sanctorum, vel quæ non sint Deorum inanum. Aliæ eruditiones multæ circa nominis impositionem.

SUMMARIUM.

- 1 Nomina prophana an imponenda in baptismo?

- 2 Antiqui imponebant nomina vel suorum majorum, vel ab aliquo eventu.
- 3 Florum, & arborum nomina sæpe posita filiis.
- 4 B. Juniperi inobedientia erga S. Franciscum.
- 5 Ritualis Romani monitio ad Parochos circa nomen baptizandorum.
- 6 Nomina falsorum Deorum non imponenda in Baptismo.
- 7 Sanctorum nomina cur imponenda baptizandis?
- 8 Nomen imponere filiis ad quem spectet?
- 9 Pater, & Mater designant nomen filijs.
- 10 Hebræorum nomina an imponenda filiis baptizandis?
- 11 Nomen Masculinum, vel Fæmininum an imponendum satis sexus incogniti?

Quoniam in baptismo, dum infans regeneratur lavacro Sacro, eidem imponitur Nomen; convenit in præsentem examinare, ac resolvere sequentem difficultatem; Videlicet: An in Sacro lavacro liceat imponere nomen Viri, aut mulieris nondum relatæ in numerum Sanctorum? Pro majori intelligentia hujus difficultatis præmittere oportet: Primò quòd antiqui ponebant nomina filiis suis vel ab exemplo majorum, seu cognatorum illustrium, tum ut eorum heroica facta imitarentur, tum ut illorum memoria, & gloria in illis remaneret superstes; idèd Elisabeth vocanti filium suum Joannem opponebant Judæi: *Quia nemo est in cognatione tua qui vocetur hoc nomine.* Luc. 1. 61. Vel ab aliquo memorabili eventu. Hinc Romani vocarunt Corvinum à Corvo, qui ei in castris victoriæ omen dedit. Cæsarem à cæsarie, cum qua natus proditor. Caligulam à caliga militari, qua sæpe utebatur. Sic nuncuparunt Pisones, quòd optimè pisa fererent, Cicerones quia ciceres, Fabios fabas, & Lentuli lentes. Sic

Sic appellatus est Servius, quia genitus è Matre serva; Paulus à parva statura, & Torquatus à torque, quem Gallo in pugna detrahit. Ita faciebant Græci, qui nuncuparunt Platonem à latis humeris, Chrysostomum quasi os aureum, Gregorium quasi vigilem, Theodorum quasi donum Dei. Item Germani, & Belgæ, qui vocarunt Fridericum quasi pacis, & fœderis divitem; Lotharium quasi plumbeum cor; Leopoldum quasi Leonis pedes; & alios plures, quos ex probatis auctoribus refert Cornelius à Lapide *tom. 1. in Pentateuchum canon. 17.*

Secundo est præmittendum; quod sæpè antiqui imponebant filiis suis nomina arborum, aut florum. Sufficiat exemplum B. Juniperi unus è primis sociis S. Francisci; nam *Juniperus* vulgò *Ginebro*, est arbuscula, quæ nascitur in locis arenosis, cui prædictus Beatus adeò deditus erat, ut quadam die in ea plantanda occupatus, cum vocatus à S. Francisco non accessisset, nisi completo opere, Sanctus Pater in pœnam inobedientiæ ejus præcepit arbori ne unquam crederet, prout factum est, ut narrat Wadingus in *Annal. Minor. Ann. 1222. num. 11.* His prænotatis: Respondetur ad Quæsitum, quod in Catechismo Romano *1. part. cap. 2. n. 75.* & in Rituali Romano à Paulo Quinto approbato, monentur Parochi his verbis: *Et quoniam tibi, qui baptizantur, tanquam Dei filii in Christo regenerandis, & in ejus militiam adscribendis, nomen imponitur; curent, ne obscena, fabulosa, aut ridicula, vel inanium Deorum, vel impiorum Ethnicorum hominum nomina imponantur: sed potius, quatenus fieri possit, Sanctorum; quorum exemplis fideles ad piæ vivendum excitentur, & patrocinis protegantur.* In Rubr. de Baptismo. in fin. Ex quibus verbis hortatoriis potius, quàm præceptivis deprehenditur, non esse illicitum in Baptismo imponere nomina Virorum, vel mulierum nondum relatarum ab Ecclesia in albo Sanctorum; dummodò ea no-

mina non sint obscena, fabulosa, aut ridicula, vel inanium Deorum, aut Ethnicorum impiorum: qualia forent Caccus, Bacchus, Saturnus, Juno, Venus, Cybele, & similia: siquidem consuetudo totius Europæ invaluit, ut frequenter imponantur nomina nullius Sancti, forsan ad memorandos antiquos Progenitores illius familiæ, qui armis, vel litteris floruerunt: ut sunt Ferdinandus, Garzias, Gomezius, Urtadus, Sfortia, Pamelius, Marchantius: & hic Patavii habemus plures viros nobiles nominatos in baptismo Variscum, Galeatium, Pararum, Aliducem, Brunorium, Lepidum, Claudiam, Genevam, Pefarenam, Benafudam, Eleonoram; & consimilia nomina, quæ improbanda non esse tenet Gobat de Baptismo. *d. tract. 2. num. 335.* & ego cognovi Vetulam, quæ nominabatur Venus; quam utique proscripam fecisset Possévin. de Baptismo. *quæst. 25.* & jure quidem, cum duplici de causâ imponantur nomina Sanctorum; Una, ut eorum exempla virtutum baptizatus æmulari, & imitari conetur; Altera, ut patrocinium reporter illius Sancti, cuius nomine est decoratus, cui propterea devotionem specialem profiteri, & ei quotidie se commendare docet libellus Doctrinæ Christianæ, & Casaluis de Veter. Sac. Christian. Ritib. *part. 1. cap. 5. de Baptismo pag. 37.* ubi quod in Synod. Nicæna *Can. 30.* Gentilium nomina filii imponere fuit vitium; quod docuit etiam S. Jo. Chrysostom. *Homil. 2. in cap. 4. Ep. 1. ad Corinth.*

Occasione autem hujus quæstii nonnulla veniunt notanda pro majori Parochorum eruditione, & instructione. Notandum Primum. Non esse regulam ullam, ad quem spectet imponere nomen baptizandi; sed attendendum morem regionis. Alicubi hoc Jus est Patrinoium. Ravennat. apud Gobat *d. tract. 2. num. 348.* Alibi Parochorum. Marchant. in *Candelabr. tract. 2. lect. 6. propos. 2.* Apud nos Genitorum; qui ut plurimum reguntur in nomine imponendo, vel à Sancto illius

illius diei, in quo natus est parvulus; vel ab aliquo ex prædefunctis suæ familiæ, cujus memoriam renovare cupiunt, ut diximus in primo præmissis.

Notandum Secundum. Apud antiquos Hebræos aliquando officium imponendi nomen fuisse apud Patrem; ut de Sancto Zacharia Patre S. Joannis Baptistæ, qui cum esset mutus, *postulans pugillarem scripsit, Joannes est nomen ejus. Luc. 1. 63.* Et de Lamech, qui imposuit filio suo nomen Noë. *Gen. 5. 29. & de Seth, cui cum natus esset filius, eum vocavit Enos. Gen. 4. 26. & ipse Seth hoc nomine fuit vocatus ab Adam. Cognovit quoque adhuc Adam uxorem suam, & peperit filium; vocavitque nomen ejus Seth. Gen. 4. 25.* Et si pluries hoc idem officium usurparetur à Matribus; ut de filiabus Loth testatur Scriptura, dicens: *Conceperunt ergo duæ Filie Loth de Patre suo. Peperitque major filium, & vocavit nomen ejus Mobab. Minor quoque peperit filium, & vocavit nomen ejus Ammon. Gen. 19. 37.* Pariter Lia mater imposuit nomen filiis Ruben, Simeon, Levi, & Juda. *Gen. 29.* & alia plures, de quibus P. Menochius in *Oeconom. lib. 2. cap. 3. num. 2.*

Notandum Tertium. In usu esse nonnulla nomina Sanctorum Testamenti veteris, nempe Annam, Elisabeth, Joachim, Joseph, Joannem Baptistam, Adam, Danielelem, Jeremiam; alia verò non esse à quovis usurpata; forsitan, ne videantur Christiani Judæizare, vel descendere à Judæismo, quod valde probrosum est, præcipuè in Hispania. Gobat *d. tract. 2. num. 336. & Quintanadven. tract. 1. singul. 24. n. 6.* Observantes, neminem ulum fuisse nomine Judæ, in odium proditoris, etsi habeamus Sanctum Apostolum hujus nomenclaturæ, quem populus fidelis inditat Thadæum, ut facit Ecclesia in Litanis.

Notandum Quartum. Esse controversiam, an nomen maris, vel nomen foeminae sit imponendum proli, cujus

sexus non potest discerni; nam aliqui voluerunt, adscribendum esse nomen foemininum; ea ratione quia plures nascuntur puellæ, quam pueri; alii verò tenuerunt, imponendum esse nomen viri, quia natura conatur, quod perfectum, & plures foeminae eruperunt in sexum masculinum; sed nullus masculinus conversus est in foeminam. S. Augustin. *de Civit. Dei lib. 3. cap. ult.* Plinius *lib. 7. cap. 4.* ita sexus incognitus facillimè apparet masculinus, ut cum exemplis comprobatur Tiraquell. *lib. 1. Connubial. à n. 99. & seq.* Sortus *in 4. sent. dist. 1. q. 5. art. 8. Vers. Postremum denique.* Gobat *d. tract. num. 339.* & nos dicemus infra. Quod si Confessarii Mortalium scire cupiant, quid eis agendum, casu quo Virgo consecrata Deo masculus evaderet post professionem, videant, quæ scripturifumus infrà ad Dubium Octavum *De Androgynis, & Hermaphroditis Decis. 46. num. 8.* & quod de iisdem scripsimus in Decisionibus de Pœnitentia Decis. XLIII.

DECISIO XLV.

ARGUMENTUM.

Explicantur Mysteria omnium, & singularum Cæremoniarum, quæ sunt statuta ab Ecclesia in administratione Sacramenti Baptismi. Item recensentur alia, dignæ scitu, quæ olim adhibebantur.

SUMMARIUM.

- 1 Cæremoniarum sacrarum in baptismo quænam sint Mysteria?
- 2 Capitulavium quid esset?
- 3 Vestibus albis baptizati induit.
- 4 Vestis alba quot diebus deponata à baptizatis?
- 5 Gessito albo cur abstergetur caput baptizati unctum chrismate?

6. *Candela accensa cur deus tangenda baptizato?*
7. *Osulum olim dabitur baptizato.*
8. *Eucharistia statim post baptismum olim porrecta, etiam parvulis sub specie sanguinis. Cur intermissa?*
9. *Crux ad collum appensa jugiter delata à Moschis.*
10. *Agnei Cerei cur consecrentur à Papa in festis Paschalibus.*

A B initio Ecclesiæ, fuerunt per eam statutz plures cæremoniæ sacræ in collatione Baptismi; ideirco nunc oportet declarare: quid significant, tangere nares, & aures saliva, sal ori imponere, & cæteræ cæremoniæ sacræ, quæ in Baptismo solemnè adhibentur? Ex variis responsis doctissimi nostri Cleri; & ex congestis per Hierolexicon. Magri. in Verb. Baptismus; & per Casaliū de Veterib. Sac. Christi. Rubus d. part. 1. cap. 5. de Sacram. Baptismi, sequentes explanationes sacrarum cæremoniarum collegi; & hincas notare volui; ex quarum lectione, quamvis aliquæ non sint in usu, facile est intelligere sensus, & myteria earumdem sacrarum cæremoniarum, quæ in Baptismo ab Ecclesia Catholica adhibentur; & quas intra annum explicari convenit per Parochos suis Plebibus, ut maiorem venerationem, & devotionem acquirant erga hoc tam necessarium Sacramentum. Itaque Sacerdos ter exlusat in faciem infantis; juxta illud: *In nomine meo Dæmonia ejicient.* Marc. 16. scilicet ad fugandos dæmones, quorum infans reputatur mancipium ob originale culpam.

Signatur pollice sacerdotali frons, & pectus infantis cum signo Crucis, Ut dæmones de cætero vereantur pugnare cum Catechumeno. Tertullian. lib. de Resurrect. carnis.

Imponit Sacerdos manum super caput infantis, quia olim lavabantur capita baptizandis in Dominica Palmarum, quæ dicebatur *Capitulium*; ob reverentiam futuri Sacramenti. Isid.

lib. 1. Eccles. offic. cap. 27. de Domin. Palm. Fuit postea prohibita Ann. 813. in Concil. Mogunt. 2. quia aliqui credebant, eam ablutionem esse Sacramentum.

Immittitur Sal benedictum in os baptizandi, ut ejus gustu condimentum sapientiæ percipiat. Isidor. Hispal. lib. 2. de offic. cap. 20. Ut lingua Christiani quali sacra efficiatur, & Deum benedicere, numquam autem maledicere, pejerare, vel blasphemare audeat, diximus in casu Prudentiali. Quam grave peccatum sit Blasphemia. In Decisionibus Miscellaneis.

Recitant symbolum fidei Adulti baptizandi, vel Patrini pro infantibus, quia semper in Catechumenis fidei professio præcedere debebat Baptismo; & Eunuchō petenti Baptismum Dixit. Philippus: *Si credis ex toto corde, licet: & respondens, ait: Credo Filium Dei esse JESUM CHRISTUM.* Act. 8.

Tanguntur aures, & nares baptizandi saliva oris sacerdotis, dicendo *Ephetha, quod est adaperire*; siquidem *Nares tanguntur, quia statim divinæ cognitionis odor percipitur*; quod autem ex spūto aures, quia nos ad Dei verbum percipiendum paratos illas offerimus. Ita S. Ambros. lib. de Sacram. cap. 1. De dicto verbo *Ephetha* vide explicationem Rabani De Instit. Cleric. lib. 1. cap. 27. relata in cap. Postea tanguntur. 68. De consecrat. dist. 4.

Fiunt abrenunciationes Sathanz, operibus, ac pompis ejus, per Apostolos institutz; ideo statum in lib. 3. Constitut. Apost. cap. 18. quod, *Qui baptizatur, sit ab omni impietate alienus, heres Dei Patris, coheres Filii sui, qui renuntiaverit Sathanz, & Dæmonibus, & fraudibus suis.* Idem in lib. 7. cap. 40. & 41.

Ungit baptizandum in pectus, & inter scapulas in modum Crucis; ex instituto Apostolorum. Card. Baron. Anno 33. & ibi Spodan. num. 11. & significat interiorem unctionem Spiritus sancti. lib. 3. Constit. Apost. cap. 17.

Fit triplex Interrogatio, an credat?
Ut triplicem maculam, cordis, oris,
& actionis trina confessio aboleat. S. Ambros. *lib. de Spiritu Sancto cap. 11.* Et
est desumptum ex triplici responsione
Petri de Christi dilectione. S. Ambros.
lib. 2. de Sacram. cap. 7.

Sacro Chrismate ungit infantem in
summitate Capitis in modum Crucis;
quia Spiritus Sanctus, qui per illud
Chrisma sue virtutis admixtione san-
ctificat credentes, & baptizato JE-
SU, statim super illum in Columbe
specie descendit. Raband. *lib. 1. de*
Infl. Cleric. cap. 28. & quia Ideo nos un-
xis Christum, nam luctatores contra
diabolum secti. S. Augustinus *tract. 33.*
in Joann. & etiam quia Nos tanquam
suos unxit oleo heretice. S. Chrysost.
Hom. ad Neophyt.

Imponit Capiti ejus linteolum candi-
dum loco Vestis albæ. Mos antiquissi-
mus fuit, baptizatos statim induere ve-
stibus albis, de quibus Lactantius *de*
Resurrect. Domini.

Fulgenter animas vestis quoque candi-
da signat;

Et grege de mivco gaudia Pastor ha-
bet.

Et S. Paulinus sic cecinit *in epist. 12.*
ad Sever.

Inde parens sacro ducit de fonte Sacer-
dos.

Infantes nitros corpore, corde, Ha-
bitu.

Signat Vestis alba Innocentiam, quæ
in Baptismo confertur. Origenes *hom.*
12. in Exod. Item spirituales nativi-
tatem, & Resurrectionem futuram;
nam in Resurrectione Domini appa-
ruerunt Angeli induci Vestibus albis.
S. Augustin. *serm. 63. de Temp.* Item
libertatem à dæmonis servitute. Idem
S. Augustin. *lib. 4. de Symbol. ad Ca-*
techum. cap. 9. Et S. Cyrill. *Jerofol.*
in Procathec. Portabatur autem Vestis
alba septem diebus, ut septem Spi-
ritus sancti dona, quæ in Baptismo in-
funduntur, significarentur. Depone-
batur octava die Paschæ, quæ ideo
vocatur Dominica in Albis, de qua

S. Aug. *serm. 157. Paschalis solemnitas*
hodierna festivitate concluditur;
& ideo hodie quoque Neophytorum ha-
bitus commutatur; ita tamen, ut can-
dor, qui ex habitu deponitur, semper
in corde reneatur. Imponebatur, ul-
tra Vestem candidam, Sacrum etiam
Velamen in capite baptizatorum ob re-
verentiam Chrismatis, in quo erat Fi-
lum puerperum, ut Christi passionem
indicaret, à qua omnis virtus Baptis-
mi, & illud pariter deponebant die
octavo. S. August. *serm. 160. in Dom.*
Octavo Paschæ. Albin. *de Divin. offic.*
capit. de Sabbato Sancto. Duravit
usus Velaminis sacri usque ad annum
1090. post quem Ecclesia introduxit,
ut albo Gossipio abstergeretur caput ba-
ptizati sacro Chrismate unctum. Vice-
comes *de Antiqu. Baptism. rit. lib. 5.*
cap. 17.

Postea Sacerdos dat baptizato, vel
Patrino candelam accensam; ad signi-
ficandum, oportere Ut sic luceat lux
vestra coram hominibus, ut videant
opera vestra bona. Ivo Carnotensis
Serm. de Sacram. Neophyt. Et ad deno-
tandas Nuptias spirituales contractas ab
anima cum Christo. S. Cyrill. *Jerofol.*
Pro Catech. ad Baptiz. ibi: Et spon-
sales lampades vobis donatæ.

Dicitur Vade in pace, & Dominus
sit tecum; vice osculi, quod olim ba-
ptizato infigebat Minister. S. Cyprian.
epist. 59. ad fid. episc. tum ad innuen-
dam pacem, gratiam, & charitatem
Christi, tum ad significandam paren-
telam, & cognitionem spirituales
initiam in Sacramento. Tertullian.
de Veland. Virgin. Cardin. Baronius
Anno 294. Et omnes adstantes congra-
tulabuntur. Nicephor. *lib. 3. Hist. Ec-*
cles. cap. 37.

Antiquitus baptizati statim intro-
ducebantur in Ecclesiam ad audien-
dam Missam; & ad Sanctissimam Eu-
charistiam recipiendam. S. Clemens
Papa Primus *epist. 3. de off. Sacerd.*
Et S. Dionys. *Areopag. de Eccl. Hierar.*
cap. de Baptism. Imò etiam parvuli
communicabantur sub specie Sangui-
nis

nis tantum; & ideo jejuni portabantur ad Baptismum. Hug. Victorin. lib. 1. de Sacram. cap. 20. S. Augustin. ad Bonifac. contra Hæres. Pelag. Eminent. Cardin. Brancatius in Dissert. de Sacro Viatico pag. 146. Sed quia sequebatur aliquando irreverentia, ob reiectionem sanguinis, coeperunt Sacerdotes dare parvulis simplex vinum non consecratum, de quo Alcuin. & Magrius in suo Hierolexic. Verb. Baptismus. col. 3. in princ. Deinde imponebatur in capite baptizati sertum, seu corona. Sever. Alexandr. lib. de Sacram. cap. 20. & erat in signum victoriæ, & dignitatis Regalis. S. Gregor. Nazianzen. Orat. 23. in laud. Hieron. & Orat. 40. in S. Baptism. Dabatur etiam baptizatis lac, & mel. Tertullian. de Corona milit. cap. 3. & libr. 1. advers. Marcion. cap. 14. ad denotandam simplicitatem, & novitatem vitæ; juxta illud 1. Petr. 2. Sicut modo genti infantes, rationabiles sine dolo lac concupiscite, ut in eo crescatis in salutem. Et ad significandam dulcedinem Evangelicæ legis, posthabita austeritate legis Moysaycæ. S. Hieron. in Isa. cap. 55. Et ideo optimè S. Agnes ad Tyrannum dixit: Lac, & mel ex ejus ore sumpsi. Lect. Brev. 21. Januar. ex S. Ambros. serm. 90. Et usque ad præsens hanc cæremoniam observant Æthiopes. Magrius d. Verb. Baptismus. col. 3. Et Moschi ulterius imponunt baptizatis ad collum crucem ex auro, vel alio metallo, quam jugiter portant cum summa devotione, itaut, si quis in morte eam non haberet, privaretur Ecclesiastica sepultura; Et quamvis sint proclivi in Venerem, non audent peccare, nisi deposita illa Cruce. P. Menochius in Storets Cent. 1. cap. 95. Dabant Baptizati stipem, seu elemosynam Sacerdoti, quem etiam excipiebant convivio cum Patrinis. S. Gregor. Nazianz. Orat. 40. in Baptism. quod fuit prohibitum in Maguntin. Concil. 3. cap. 16. Et iisdem baptizatis donabantur imagines Agni in cera alba benedicta, ut intelligerent, se propter Agni

Christi Domini acerbissimam mortem, pro humano genere obitam, salutaribus Baptismi aquis ablutos fuisse: & studerent, se Christianarum virtutum officia, & præcipue mansuetudinem, quæ in Agno elucet, omnibus demonstrare. Durand. in Rat. div. offic. Hinc Romæ servatur mos consecrandi Agnos Cereos per Summum Pontificem primo anno sui Pontificatus, deinde in quolibet septennio, feria tertia Paschæ, & illos solemniter distribuendi Sabbato in Albis, quia eo die noviter baptizati tanquam Agni novelli iisdem sacris imaginibus cereis donabantur. Casalius d. part. 1. cap. 3. pag. 50. & Hierolexic. Magrii Verb. Agnus Dei. col. 3. Vide de benedictione Agnorum Dei ex cera alba purissima, quam facit Papa eruditiones plures à me collectas de Sacrificio Missæ Decif. 42. num. 65. Tandem per Notarium fiebat registratio nominum baptizatorum; qui etiam celebrabant Anniversarium diem sui Baptismi, sumpto exemplo à Gentilibus, qui recolabant festum diem Nominalium, nempe in quo sibi nomen fuerat impositum. S. Gregor. Nazianzen. Orat. 40. in S. Baptism. & Tertullian. de Idololatr. cap. 16. Hierolexic. Magrii d. Verb. Baptism. Casalius d. part. 1. cap. 5. & Joseph Vicecomes De Antiqu. Buptiz. Ritu. Hodie Parochi notant diem Baptismi, & valet ad probandam ætatem. Barbosa de Paroch. cap. 7. num. 4. Rota part. 2. recent. decif. 699.

DECISIO XLVI.

ARGUMENTUM.

Quia frequenter scribunt Historici ex Mulieribus monstra nasci, quæ an baptizanda sint, multi dubitant; ideo in præsentis Decisione referuntur octo genera Monstrorum, de quibus in sum-

R mario,

mario, & docetur, quæ sint capacia Baptismi.

S U M M A R I U M.

- 1 Centauri, Hippocentauri, seu Onocentauri quinam sint?
- 2 Fauni, Satyri, & Homines Pilosi an dentur?
- 3 Tritones, & Homines marini an reperiantur?
- 4 Nymphæ, Nereides, Sirenes, seu mulieres marinæ an dentur?
- 5 Cynocephali qui sint?
- 6 Nani, Pigmei, & Pumili homines an, & ubi exsistant?
- 7 Gigantes an dentur, ubi, & quomodo gignantur?
- 8 Androgyni, & Hermaphrodite qui sint? & unde dicantur?

TEstantur historiæ non semel à puerperis edita esse monstra; ideo hæc materia Monstrorum plenè est explicanda; & pro fundamento proponitur Casus: Non puerum, sed Monstrum peperit Puerpera. Vocatur Parochus ad baptizandum. Queritur, quid ei agendum? Pro intelligentia hujus casus, & antequam deveniatur ad ejus resolutionem, cum ex Philosophis, Medicis, & Historicis plura scripta fuerint de Monstris; ne Parochos lateant ea, quæ naturam, causas, & qualitates Monstrorum attingunt; & ut faciliùs discernere, ac judicare valeant, quid sibi faciendum circa administrationem Baptismi, si aliquando casus baptizandi aliquod monstrum eveniat; placuit frequentia dubia, breviter tamen proponere, & dilucidare.

D U B I U M I.

An dentur Centauri, Hippocentauri, & Onocentauri.

- 1 **C**Entaurorum nomine censentur Monstra illa, quæ habent externam speciem hominis pro medietate; & pro alia medietate Bestiæ; adeò ut

monstra illa, quæ referunt speciem semihominis, & semiequi, appellentur Hippocentauri: quæ verò semihominis, & semiasini figuram portant, Onocentauri dicantur. Hæc monstra reperiri alii negant, alii affirmant, alii dubitant.

Quòd non dentur hæc monstra in rerum natura automati sunt Tullius lib. 1. *Tuscul. Quæst.* & lib. 2. *de Natur. Deor.* Lucretius Poeta lib. 4. Solinus cap. 13. Seneca lib. 8. *epist.* 39. Galenus lib. 3. *De Usurpat.* & Justinian. Imper. *In Instit.* tit. *de Inutil. lib. stipulat.* §. 5. ibi: *Aut si quis rem, quæ in rerum natura non est, aut esse non potest, dari stipulatus fuerit, velut Stichum, qui mortuus sit, quem vivere credebat, aut Hippocentaurum, qui esse non possit, inutilis erit stipulatio.* Idem docent Celsus, Accursius, & alii DD. in l. *Si ita stipulatus.* 97. *de Verb. obligat.* Ac tenuit S. Augustin. lib. 18. *de Civit. Dei* cap. 13. ibi: *Fœbulæ ficiæ sunt de Triptolemo, &c. De Minotauro, &c. De Centauris, quod equorum, hominumque fuerit natura conjuncta.*

Dari autem Centauros, Hippocentauros, & Onocentauros arbitrati sunt ex scriptoribus antiquis Plinius lib. 7. *natur. Hist.* cap. 3. Ælian. lib. 17. cap. 9. *Hist. Var. Plutarch. in convivio Sapient.* & S. Hieron. in *Vita S. Pauli Primi Eremitæ* cap. 6. ubi refert, Divum Antonium euntem ad inviscendum S. Paulum, obvium habuisse Hippocentaurum in deserto; à quo sibi iter fuit ostensum; quamvis dubitaverit, an fuerit Diabolus. Sed Scriptura Sacra in *Isaia* cap. 34. *vers.* 14. ait: *Et occurrent Dæmonia Onocentauris, & Pilosus (idest satyrus) clamabit alter ad alterum.* Ex modernis verò scriptoribus hanc opinionem tenet Aldrovand. in *Hist. Monstror.* cap. 1. *de Homine.* Delrinus *Comment. in Herkul. Oetum.* Joan. Euseb. Nierimberg. lib. 5. *Hist. Natur.* cap. 8. Georg. Stengelius *de Monstris* cap. 2. §. 17. Theatrum Vitæ Humanæ *Verb. Monstrum.* Torre-

Torreblanca *lib. 2. cap. 32.* Majolus *in Dieb. Canticul. Collog. 2.* & alii, quos citat, & sequitur P. Gaifar Schottus *in sua Physica Curiosa lib. 3. cap. 1. §. 2.* ductus attestatibus, & exemplis Aristot. *lib. 2. de Hist. animal.* Plinii *lib. 7. Hist. Natur. cap. 3.* Olai Magni *lib. 21. Hist. Septentr. in Proem. & in cap. 1.* & Pindari *Oda Pyth. 2.* ubi affirmat in Thessalia circa Montem Caelium quandam Virum nomine Centaurum se commissuisse cum equabus, indeque sobolem utrique parenti similem fuisse editam, Matri infernæ, Patri supernæ, ideoque Hippocentaurum vocatam, nempe natam ex Equa, & Centauro.

Dubitant verò de veritate utriusque opinionis Ælian. *lib. 17. cap. 9. Hist. Animal.* Cardin. Baron. *Anno 343.* & alii apud Lælium Bisciol. *lib. 12. Horar. subscriptiv. cap. 4.* putantes, esse potius Poetarum figmenta, & vanam simplicis populi persuasionem, derivatam ab inspectione prima fessorum in equis, quos medios homines, & medios equos stantes à longis existimaverint; quod quidem accidit R. P. Aloysio Carnio Soc. Jesu religiosissimo Viro, & mihi, 25. ab hinc annis, iter simul habentibus occasione Visitationis hujus Diœcesis, in montibus septem Communium, ubi à longè aspeximus virum quandam carbonarium stantem, & habentem à pedibus usque ad ventrem scilisterium sibi inherens; adeòut ex abscondita inferiori media parte corporis, videbatur esse Centaurus, & nobis risus causam dedit.

Affirmativam opinionem credimus veriorē ob multiplicia Historiarum exempla, de quibus idem Schottus *d. lib. 3. cap. 1. §. 2. lib. 5. cap. 27. Vers. Seminis confusio.* Ubi ita scribit: *In Peruviana Historia regionis illius locis Simos eximie magnitudinis cum mulieribus commisceri; indeque oriri Monstra capite, & pudendis humanis; manibus verò, & pedibus Simiæ, reliquaque corpore hirsuto, sine voce articulata. Et ex alio successu relato per Fortue-*

nium Licetum, (olim Lectorem in hoc Archigymnasio Patavino, & Magistrum meum) in suo libro *de Monstris lib. 2. cap. 68.* nefarium quandam se commissuisse Vaccæ, & ex ea generasse, non Vitulum, sed puerum; qui fuit baptizatus, & Christianam pietatem colebat; solitus tantummodo ruminare herbas, & pascere Prata. An autem Hippocentauri, & Onocentauri, si nascentur, sint baptizandi, dicemus infra in responsione ad Casum.

DUBIUM II.

An dentur Fauni, Satyri, & Homines Piloſi?

DE Satyris, Faunis, & Pilosis animalibus, speciem humanam præseferentibus, frequens est memoria apud antiquos auctores, Plinium *lib. 7. cap. 2.* Plutarc. *in Vita Scyllæ*, Diodorum Siculum *lib. 1. Biblioth. de Oſrid.* Ælian. *lib. 16. S. Hieronymi. cap. 7. in Vita S. Pauli Erem. primi & Isaac. cap. 13. Vers. 20. & d. cap. 34. Vers. 14.* & alios relatos per eundem P. Schottum *in Physic. Cur. d. lib. 3. cap. 2.* Et ex modernis de iisdem animalibus mentionem faciunt Nieremberg. *lib. 5. Hist. Natur. cap. 9.* Giral. *Hist. Deor. Syntag. 15.* Deltrius *lib. 2. Disqu. Magic. q. 27. sect. 2.* Natal. Comit. *lib. 5. Mytholog. cap. 8.* Theatr. Vitæ Human. *Verb. Satyrus*, & Torreblanca *lib. 2. Disquisit. Magic. cap. 33.* Qui omnes consent dari quidem Faunos, Satyros, & Homines Pilosos, sed esse animalia sylvestria saltationibus, & veneris turpibus actibus propensa; ut ex Alberto Magno notat Nieremberg. *d. lib. 5. cap. 9.* quæ quidem absque dubio expertia sunt ratione, & incapacia Sacramenti Baptismi.

DUBIUM III.

An dentur Tritones, & Homines Marini?

TRitones, seu Homines marini sunt homines Pisciformes, qui nascuntur in mari; Oceanus enim non minùs, quàm Terra est ferax Monstrorum, & de his mentionem faciunt Plinius lib. 9. *Hist. Nat. cap. 5.* Alex. ab Alexandro lib. 3. *Genial. Dier. cap. 8.* Gesner. de *Aquatilib. 4.* Nieremberg. d. lib. 5. cap. 14. Et Ramusius tom. 1. *Navigat.* refert in Littore Æthiopico, ultra bonæ spei Promontorium fuisse repertum Piscis cadaver homini persimile, homine tamen longè magis procerum, cui cutis erat squamis contexta, capilli durissimi. Et Olaus Magnus lib. 21. cap. 1. tradit, In Norvegiæ Oceano marina quædam monstrum esse, quibus est humana facies, simul cum Monachorum cuculli quadam similitudine. Petr. Hispanensis part. 1. cap. 22. refert ad Renatum Regem allatum fuisse Marinum hominem. De alio testatur Guicciardin. in *descriptione Belgii.* Anno 1523. tertio die Novembris. repertum fuit Romæ in Ripa majore marinum Monstrum hominiforme usque ad umbilicum, deinde Piscis bifida cauda, in semilunæ speciem recurva. Alia exempla habentur apud P. Schottum d. lib. 3. cap. 3. ubi ponit quatuor effigies, & de his non est dubitandum, esse irrationabilia animalia, & nullatenus baptizanda.

DUBIUM IV.

An dentur Nymphæ, Nereides, Sirenes, seu Mulieres marinæ?

His nominibus significantur marina monstra fœminea, quæ frequenter in Oceano visa, & reperta sunt; Pisces scilicet speciem humanam ostentantes, sed elegantissima forma adinstar mulierum. Describuntur

à P. Athanasio Kircherio in *Itinere exstatico* 2. Dial. 3. cap. 1. pag. 623. his verbis: *Cerne caput hujus fœmellæ, longa quadam Casarie, at minime pilosa, sed in cirros quosdam carneos, & pulposos distensa, vestitum. Vides faciem quidem pulchram, oculorum vivacitate decoram, & blandam; sed qui ad decoris complementum unice desiderabatur, naso destitutam. Brachia solitis hominum longiora; manusque non in digitos more humano discretas, sed adinstar pedum anserinorum caritagine interceptas, ad natandum à natura sic constitutas. Aspice rotundas, & tumidas mamillas; quàm candore niveo pectus, venterque niteant; quanto splendore coruscant. Sexus tamen discrimen ob caudam piscis, eamque prælongam, cum qua corpus terminat. De his speciosis monstris marinis loquuntur Plinius *Nat. Hist. cap. 5.* Alex. ab Alexandro lib. 3. *Genial. Dier. cap. 8.* Majolus in *Dieb. Cautic. colleg. 9.* & Schottus d. lib. 3. cap. 4. §. 1. & seqq. ubi §. 3. observat, Sirenes alias esse aquatiles, alias volatiles, quæ ex *Pausania*, & *Suida* in Mari prætereuntium aures cantilenis suis demulceant, & in mortis discrimen adducant: unde Ovidius lib. 3. de *Arte amandi* cecinit:*

Monstra maris Sirenes erant, quæ voce canora

Quaslibet admissus detinere rates. Cæterum apud Batavos fuisse Sirenem, quæ didicerat formare Crucem, venerari Christi Imaginem, & multa muliebria munia obire refert idem Schottus d. lib. 3. cap. 5. §. 3. Nihilominus non est credendum habuisse animam rationalem, quia & Psittachi, & aliæ aves discunt fari, & similes solent crucem formare, & alia servitia facere; ideoque reputandæ sunt incapaces Baptismo supradictæ omnes Sirenes, Nereides, & Nymphæ. Tandem paucis ab hinc annis vidisse in Mare Æthiopiarum Piscem Mulierem appellatum; formæ scilicet, staturæ, speciei similis mulieri, cum mamillis, brachiis, manibus, quinque digi-

digitis, & coxillis, excepto capite, & pedibus, illud enim erat, quod habet Tinca, hi verò resolvebatur in cauda piscium, testatur R. P. Joannes Antonius Cavatius Capuccinus in *Historia Regnorum Congi, Matamba, & Angole lib. 1. num. 132*. Typis data Bononiæ anno 1687. ubi sculpta ejus imago inspicitur.

DUBIUM V.

An dentur homines Cynocephali?

Homines Cynocephali sunt illi, qui habent caput caninum, & hos reperiri in India, & in Tartaria magna referunt Plinius *lib. 7. cap. 2.* Aelianus *Hist. Anim. lib. 4. cap. 46.* Marcus Polus *lib. 3. cap. 18.* Vincent. Belinacens. *lib. 31. Specul. Hist. cap. 11.* & S. Augustin. *lib. 16. de Civit. Dei cap. 8.* & Isidor. *lib. 11. Etymol. cap. 3.* Porro Schottus *cit. lib. 3. cap. 6.* putat plures fabulas de his Cynocephalis esse confictas, & potius ex astutia, & varietate alicujus nationis, eidem caninam fuisse faciem impactam. Quod si daretur casus de baptizando canicipite adulto, esset advertendum, an vocem humanam, an intelligentiam, & ulum rationis haberet. Quod si esset recens natus, omniaque alia membra humana haberet, & præcipue pectus, & cor; periculumque esset in mora, posset baptizari sub conditione, *si homo es*; ut dicemus cum Theologis infra. Plures Cynocephalos ortos refert Fortunius Licetus *lib. 2. de Monstris cap. 58.* ex Auctoribus ibidem per eum allegatis.

DUBIUM VI.

An dentur homines Nani, Pygmæi, & Pumili?

Nanos quotidie videmus etiam in regionibus nostris, præcipue apud Marchiones, Principes, & Reges; etsi non ita parvos, ut erat ille

apud Ducem Bavariz, de quo refert P. Schottus *d. lib. 3. cap. 7. §. 1.* quod in convivio ejusdem Celsitudinis fuit Nanus ipse armatus cum brevi hasta, & gladio accinctus, inclusus in arto create vulgo *Pafficio*, & sic portatus in Mensa: cumque Dapifer artocreas frangeret, inde Nanus erumpens, & stricto gladio super mensa, gladiatorum in morem saliens, omnibus risum, & admirationem intulit. Aliorum Nanorum pusillam staturam narrat Nierimberg. *Hist. Nat. lib. 5. cap. 16.* quos ipse in Aula Regis Hispaniarum viderrat. Et Cardanus *lib. 11. de subtil.* asserit, se vivente circumferri solitum in Italia virum perfectæ ætate, cubiti longitudine, in Pitytaci cavea. Ego quoque Romæ vidi in domo unius ex Principibus dictæ Almæ Urbis Nanum ita pumilem, ut cum quid mali, vel insolentiz alicui faceret, loco carceris reponebatur in cavea ex filis ferreis, & ligniculis constructa; quæ eundem inclusum, tanquam Pitytacum, in Aula suspensa continebat. Porro Nanos esse homines rationales, & capaces Baptismi quisque videt.

De Pygmæis varii varia scripserunt. Horum esse magnum numerum in superiori Ægypto, unde Nilus profluit, scribit Aristoteles *lib. 8. de Hist. Animal. cap. 12.* Plinius *Natur. Hist. lib. 4. cap. 11. lib. 5. cap. 29. lib. 6. cap. 19. & cap. 30. & lib. 7. cap. 2.* Pomponius Mela *lib. 3. de Situ Orbis*, agens de Sinu Arabico, & Arabiz urbibus ait: *Fuere interius Pygmæi, minutum genus, & quod pro satis frugibus contra grues dimicando defecit.* Idem scribit Aelian. *lib. 15. de Animal. cap. 29.* & ex modernis Scriptoribus Nierimberg. *lib. 5. Hist. Nat. cap. 16. & 18.* & alii ex navigationibus in Indias nostri, & præteriti sæculi, relati per Schottum *d. lib. 3. cap. 7. §. 2.* testantur reperisse, & vivisse Pygmæorum nationes; & Pygmæos dari concedit Licetus *de Monstris lib. 1. cap. 12.* E contra negant dari Pygmæos Strabo *lib. 2. Geograph.* Albertus Magnus, Cardanus, Aldovran-

vrandus, & alii apud Schottum d. cap. 7. §. 3. qui §. 4. eisdem confutat, confirmando existentiam Pygmæorum ex Scriptura Sacra, ubi Ezechiel cap. 27. Vers. 11. in descriptione Tyri Urbis ait: *Filii Aradit cum exercitu suo erant super muros tuos in circuitu: sed & Pygmæi, qui erant in turribus tuis, pharetras suas suspenderunt in muris tuis per gyrum: ipsi compleverunt pulchritudinem tuam.* En igitur Pygmæi à Tiriis vocati, & collocati in Turribus tum ad tutelam, quia erant eximii sagittarii; tum ad pulchritudinem; nam ad urbis maiestatem, & splendorem maximè facit prædiariorum è variis nationibus electorum numerus. Ita Nierimberg. d. lib. 5. cap. 18: Igitur hisstantibus, censi sunt Pygmæi capaces Sacramentorum, tanquam homines rationales, etsi pumili.

Nihilominus P. Kircherus in mundo Subterraneo lib. 8. sect. 4. cap. 4. agens de demonibus subterraneis, qui solent apparere in regionibus septentrionalibus, & caliginosis, sub forma Nanorum, putat hos esse Pygmæos. Sed à sententia Schotti non est recedendum, munia tantorum Auctorum, qui à testibus oculatis intellexerunt Pygmæos veros homines existere, ultra Sacre Scripturæ auctoritatem.

DUBIUM VII.

An dentur Gigantes.

Affirmat Moyses in Sacra Genesi cap. 6. vers. 4. ibi: *Gigantes autem erant super terram in diebus illis. Et isti sunt potentes à sæculo viri famosi, ubi Cornelius à Lapide ita scribit: Burgenfis putat gigantes fuisse demones humana specie indutos. Valesius putat gigantes fuisse filios demonum Incuborum. Philo putat homines sceleratissimos vocari gigantes. Sed certum est, gigantes fuisse homines monstrosa statura, robore, latrocinis, & tyrannide insignes.* Et paulò post subdit: *Gigantes maximè generati sunt.*

ex filijs Seth (hi enim vocantur Filii Dei) qui integerrimis erant viribus, & jam à primæva integritate degenerantes, summo amore, ardoreque libidinis, toti in terram, & ventrem projecti, filiabus Cain (he enim vocantur filie hominum) utpotè pulcherrimis agglutinati sunt. Fecit enim libido, ut natura in iis omnem suam vim, & extremum potentie suæ exsederet; & ita vastissimi, ac validissimi homines prognati sunt. Vide hic, ut robor æquè, ac virtus vel vitium parentum in proles transfundatur. Rectè cecinit etiam Poeta Horatius lib. 4. carm. 4.

Fortes creantur fortibus:

Est in Juvencis, est in æquis patrum:

Virtus, nec imbellem feroces

Progenerant Aquile columbam.

Et de hoc vide infra Decif. L. n. 6.

Exploratores quoque reversi à terra Sancta dixerunt populo Hebræo: Num. cap. 12. vers. 34. *Populus, quem aspeximus, proceræ staturæ est: ibi vidimus monstra quedam filiorum Enach de genere Giganteo, quibus comparati, quasi locustæ videbamur.* Et omnis pluribus aliis attestationibus Scripturæ Sacre, de quibus in Bibl. Concordan. nota est statura Giganteæ Goliathi Gethæi Palestini, quem occidit David. 1. Reg. 17. 4. Quare relictis fabulis de Atlante, de Bryareo, de Polyphemo, de Orione, & similibus, dari Gigantes testantur Pompon. Mela lib. 3. de Situ Orbis cap. de India. Solinus in Polyss. cap. 5. Plinius lib. 7. cap. 16. S. Augustinus de Civit. Dei cap. 9. ubi Ludovicus Vives affirmat vidisse dentem molarem S. Christophori in ejus Templo, pugno majorem. Plurima autem exempla hominum giganteæ staturæ horum temporum, præcipuè in Indiis Orientalibus, & occidentalibus refert ex fideissimis testibus P. Schottus in sua Physica Curiosa d. lib. 3. cap. 8. ubi §. 6. subdit, causam, cur Gigantes nascantur, proscriptis fabulis, & commentis Judaicis, esse semen utriusque genitoris copiosum, crassum, calidissimum,

num, spiritibus affluens, & seri expers. Alia pariter exempla non injucunda recitat Antonius Mafinus Bononienfis in *Schola Christiani cap. 35.* de re pertis gigantum cadaveribus, & ossibus; quorum unum Cranium capiebat modium tritici. Hos igitur esse baptizandos, quatenus fidem amplectantur Christianam, nemo inficiabitur.

DUBIUM VIII.

An dentur homines Androgyni, & Hermaphrodite.

Androgyni sunt Mari-fœminæ, participantes utrumque sexum, sic dicti ab *ἀνδρ*, quod virum, & *γυνή*, quod mulierem significat. Hermaphroditæ verò dicuntur à Mercurio, quem Græci vocant *ἑρμῆς*, & à Venere, quam iidem *ἀφροδίτην* dicunt; quoniam Venerem à Mercurio compressam autumant, talem prolem genuisse, quæ sexum utrumque participat. De horum existentia ita scribit Aristoteles lib. 4. de *Generat. Anim. cap. 4.* Nonnulla etiam duplici genitali, altero maris, altero fœminæ nascuntur. Plinius lib. 7. cap. 2. & 3. & Nierimberg. *Hist. Nat. lib. 8. cap. 6.* notat, plures Hermaphroditos in Virginia Americæ Provincia nasci; & Schottus in cit. lib. 3. cap. 10. recensitis Historiographorum, & Medicorum testimoniis, subdit, unum fuisse Hermaphroditum, qui tanquam fœmina nupserat Viro, ex quo filios, filiasque peperit, & nihilominus ancillas comprimebat, & ex iis generabat: quem commemorat etiam Licetus de *Monstris lib. 2. cap. 53.* ubi narrat anno 1561. in Scotia fuisse Androgynam, quæ herili filia uterum implevit. Similem fœminam ego comperi in Visitationibus hujus Diœcesis Patavinæ, cujus maritus attestabatur mihi, eandem ultra vas fœmineum; habere etiam virile membrum, quo ipsa alias fœminas comprimebat, de qua etiam mentionem feci in meis Decisionibus

de *Pœnitentia Decis. 43. num. 6.* Causam hujus monstruositatis nonnulli referunt in influxum syderum, dicentes tunc præcipuè Androgynos formari in utero materno, quando fit conceptus tempore conjunctionis Mercurii, & Veneris in signis bicorniis, cujusmodi sunt Gemini, Virgo, Sagittarius, & Pisces. Sed verius est Hermaphroditarum causam provenire ab ubertate materiæ seminalis in utroque genitore; qua effusa facultas formatrix æqualibus viribus in utramque materiam incumbit, & sic in uno, eodemque sætu utrumque sexum imprimit. Ita Majol. *Collog. 3.* ex Alberto Magno lib. 18. de *Animal. tract. 2. cap. 3.* Quando autem Hermaphroditæ possint contrahere Matrimonium vel Sacros Ordines sumere, non est hic locus decidendi; videantur Doctores in l. *Quæritur. ff. de stat. homin. Moralistæ de Sacram. Ordin. & Matrim. & ex Theologis Mastrius in 4. sentent. disp. 7. num. 427. & Emmentensis. Cardin. de Lauræa de Ordin. disp. 9. num. 13.* nec non prædicta mea *Decis. 43. de Pœnitentia*, in qua copiosè tractavi hanc materiam de Hermaphroditis, declarando varia genera eorumdem, & signa à Medicis tradita ad cognoscendum, an prævaleat sexus masculinus, vel fœmininus ad effectum tum succedendi in fideicommissis, tum recipiendi Ordines Ecclesiasticos, vel contrahendi Matrimonium. Satis enim est hic docere, non esse difficultatem circa Baptismi collationem sive baptizetur tanquam mas, sive tanquam fœmina: imò si sexus cognosci non possit, potest imponi nomen sive masculinum, sive fœmininum ad arbitrium baptizantis, eò quia (ut diximus suprâ in *Decis. 44. num. 11.*) sunt rationes, & Doctores pro utraque opinione; apud Gobat de *Baptism. tract. 2. num. 338. & 339.* nec non num. 429. ubi advertit ex Soto in 4. sent. dist. 1. q. 3. art. 8. *Vers. Possremum denique*; cuidam fœminæ in provecâ ætate promississe foras sexum

sexum masculinum; & plurimas con-
similes mutationes de foeminis in ma-
res narrat Tiraquell. *de Leg. Connub.*
l. 1. num. 100. & 101. Delrius Disquis.
Magic. lib. 2. q. 22. docentes è contra
non reperiri apud aliquem, quod vir
mutatus fuerit in foeminam, quia na-
tura tendit ad id, quod est perfectum.
Etsi Licetus *de Monstris d. lib. 2. cap.*
54. relatis pluribus exemplis puellarum,
quæ sexum masculinum sunt postea
asscutæ, subjungat etiam masculos foë-
mineam naturam induere posse, ex tes-
timonio Ausonii *Eprigram. 68.* cui
tamen obstat illud vulgare: Pictori-
bus, atque Poetis fuit semper fingen-
di potestas. Porro si daretur casus,
quod Monialis professæ mutaretur in
virum, ipsa egredi deberet Monaste-
rio; & ducere posset uxorem, quia
vota facta de castitate servanda tan-
quam foëmina, non sunt extendenda
ad statum masculinitatis, nisi reno-
ventur, ut dixi *in d. Decis. 43. de*
Pœnitentia, & scribit Diana *part. 5.*
tract. 14. resol. 49. Quæ sedet in *Coord.*
tom. 7. tract. 1. resol. 341. ubi allegat
Texedam, & Torreblan. pro se. contra
Pignatellum. Et *Pignatellus tom. 4. con-*
sul. 34. ubi ait, nostra ætate Assisi
hunc casum evenisse; & probat, pro-
fessionem fuisse ab initio invalidam,
quia Monialis ab initio erat vir,
quamvis non constaret de sexu virili,
tanquam abscondito, & in natura sub
membranis retento; qui postea vi ca-
loris naturalis foras erupit, quando
facta est mutatio sexus; & de hac pe-
nis eruptione agit copiosè idem Li-
cetus *d. lib. 2. cap. 54.* & ex doctrinis
Medicorum prædicta mea *Decis. 43.*
de Pœnitentia, non absque magno stu-
dio extensa.

DECISIO XLVII.

ARGUMENTUM.

Declarantur aliæ plures species
Monstrorum in Summario no-

minatorum. Queritur an Dia-
bolus possit mutare homines in
bestias, & quot, ac quibus mo-
dis? Differitur de Nabucodo-
nosore transmutato in bestiam.
Referuntur partus numerosi va-
riarum Mulierum.

SUMMARIUM.

- 1 Caudati homines qui sint?
- 2 Auriti qui sint?
- 3 Astomi, Brachistomi, & elingues
qui sint?
- 4 Monoculi qui?
- 5 Acephali qui?
- 6 Polycephali qui? & quomodo præ-
dicti omnes sint baptizandi?
- 7 Homines mutati in belluas an den-
tur?
- 8 Diabolus quot, & quibus modis
mutet homines in bestias?
- 9 Nabucodonosor quomodo mutatus
in bestiam?
- 10 Partus numerosi mulierum an den-
tur? Exempla eorumdem.

P Ræter suprarelata genera Mon-
strorum, remanent adhuc alia
multa, quæ explicatione egent ad
complementum hujus narrationis. Ideo
Queritur

DUBIUM IX.

An dentur homines Caudati, Auriti,
Astomi, Brachistomi, Elingues,
Monoculi, Acephali, Poly-
cephali?

C Audati homines sunt illi, qui
nascuntur cum cauda adinstar can-
num, vel equorum, de quibus Pli-
nius *lib. 7. cap. 2.* propè finem; &
Nierimberg. *lib. 1. de Miracul. Europ.*
cap. ult. Schottus in sua *Physica Curio-*
sa d. lib. 3. cap. 11. § 1. ubi hac, ait,
pœna punitos Anglos, qui caudas pi-
scium projecerunt in faciem S. Augu-
stini Apostoli illius Regni. Et *lib. 5.*
cap. 29.

cap. 29. §. 2. ex Polydor. Virgil. *Hift. Anglic. lib. 13.* narrat quoddam impij homines incidunt, contemptus causa, caudam equi, super quo S. Thomas Cantuariensis Archiepiscopus, coactus ab Henrico Rege exulare, equitabat, quare in punitiorem, eorum descendentes nascebantur caudati.

² *Auriti* sunt illi, qui à natura reportant aures in effusam magnitudinem dilatatas, de quibus ex Plinio, Solino, Pigafetta, & Nierimbergio *lib. 8. Hift. Nat. cap. 1.* loquitur P. Schottus *d. lib. 3. cap. 1. §. 3.* referens reperiri homines, ac mulieres cum auribus sic expansis, ut in altera extensi jaccant, altera tegantur.

³ *Astomi* sunt, qui carent ore. *Brachifomi*, qui parvum os habent. *Elingues*, qui vel lingua carent, vel ejus usu privati sunt. De his scribunt *Mela lib. 3. Æthiopia*, Plinius *lib. 6. c. 30.* & Solinus *cap. 43.* ex antiquis. Inter recentes Nierimberg. *lib. 8. Hift. Nat. cap. 1.* dicens, quoddam prædicti *Astomi* nutriuntur ex odore florum, fructuum, & herbarum, quas olfactui, & naribus, non stomacho condiunt. De *Astomis* credere hoc est difficile; non ita de cæteris; videmus enim mutos, qui gestibus, atque nutibus exprimunt ad vivum sensus suos, ut notat Schottus *d. lib. 3. cap. 11. §. 3.* Et ego dixi de *Pænit. Decif. 22.*

⁴ *Monoculi* sunt, qui unum tantum oculum in fronte portant; de quibus Plinius *lib. 7. Hift. Nat. cap. 2.* Aul. Gell. *lib. 9. cap. 4.* & Solinus *cap. 25. & 43.*

⁵ *Acephali* sunt illi, qui caput non habent; quos vidisse testatur S. Augustinus *serm. 33. ad Fratres in Exemo*; dicens: Ecce ego jam Episcopus Hippoensis cum quibusdam servis Christi ad Æthiopiam perrexi, ut eis sanctum Christi Evangelium prædicarem: & vidimus ibi multos homines, ac mulieres capita non habentes, sed oculos grossos fixos in pectore; cætera membra aequalia nobis habentes. Et paulo post: Vidimus, & in inferioribus partibus

Æthiopia homines unum oculum tantum in fronte habentes. Porro Aldrovandus credit, prædictos populos non esse re vera *Acephalos*, seu sine capite; sed solum sine collo; ob idque caput ita immediate connexum busto, ut os, & oculi appareant esse in pectore; quod verisimilius videtur; ita enim necessarium est homini caput, omnium sensuum internorum, externorumque sedes; ut sine illo homo subsistere nequeat. At Licetus *d. lib. 2. de Monstris cap. 30.* nonnullorum *Acephalorum* exempla, & effigies ponit.

Polycephali est contra sunt homines bicipites, qui nascuntur cum duobus capitibus, quorum exempla plurima ex Historicis antiquis, & modernis leguntur apud Schottum in *Phys. Cur. lib. 5. cap. 2. §. 1. & 2.* ubi §. 3. ex Aldrovando ponit aliud Monstrum *heptacephalon*, id est natum cum septem capitibus, & septem brachiis anno 1587. in regione Novarensi, & consimile anno 1625. in Oppido Fori-Julii *Pordonone* appellato. Horum monstruorum varia, & admiranda exempla, ac figuras reperiet curiosus Lector, etiam apud eundem Fortun. Licetum *de Monstris d. lib. 2. cap. 58.* Causam autem horum monstruorum censent Philosophi, ac Medici esse ubertatem materiæ seminalis in loco angusto immixtæ, ubi natura gemellos componere vellet, sed elaboratis duobus capitibus, cum ob angustiam uteri non possit integra duo corpora fabricare, cessat ab opere; applicando totam materiam uni corpori, quod solet esse iusto crassius. Ita Schottus *lib. 5. cap. 30. §. 2.* Quod ad Baptismum attinet, dubitari potest tantummodo de *Polycephalis*; sed in his, ut dicemus infra, caput principale est absolute tingendum aqua lustrica; minus verò principale, sub conditione, si es alius homo rationalis, est baptizandum, ut docet Gobat *de Baptis. num. 276.*

DUBIUM X.

An dentur homines mutati in belluas?

OPe dæmonis viros, ac mulieres mutari in belluas notissimum est ex pluribus auctoribus sacris, atque profanis, à quibus infinita propemodum exempla transcribit P. Schottus in sua *Physica Curiosa lib. 1. cap. 26. per totum*; ibi videnda; & *lib. 3. cap. 20.* nec non Licetus ubi supra *lib. 1. cap. 13. & lib. 2. cap. 73.* Quod quidem triplici modo fit à diabolo. *Primo* occultando personam, quam vult transmutare, eamque subtrahendo ex aliorum oculis, & ejus loco seipsum, sub figura bestiarum ex aere compositarum, sistendo. *Secundo* aptissimè circumdando exuvias ferarum illis ipsis, quos sub bestiarum forma vult apparere. *Tertio* effigiem belluinam ex aere componendo, & illam singulis membris hominis immutandi applicando; itaut phantastica effigies cooperiat totam personam; quam qui videt, bestiam credit videre; & hinc est, quod Strigæ in hanc formam transmutatæ, & aliquando percussæ, repertæ sunt lauciatae, & offensæ in proprio corpore, juxta membrum percussum in corpore phantastico. *Delirius Disquisit. Magic. lib. 3. qu. 18.* ubi narrat Historiam Vetulæ Strigæ sub forma felis accedentis ad cunam infantis, quam ligno percussit Cerdò pater pueri adeo bene, ut ipsa vetula necesse habuerit per plures dies in lecto permanere: Cæterum digna scitu est apud omnes Parochos historia Nabuchodonosoris Regis Babylonis: quem conversum in bestiam testatur Scriptura Sacra in *Daniel. cap. 4. num. 30.* Quomodo igitur hæc mutatio in bellum facta fuit? Origines ausus fuit dicere, hanc fuisse parabolam exprimentem casum Luciferi; sed eum redarguit S. Hieronymus quia fuit vera historia, & verum factum in persona illius Regis. Me-

dina *lib. 2. de fide cap. 7.* putat mutationem fuisse merè præstigiatoriam, ut scilicet Rex sibi ipsi videretur esse bos: & oculis astantium, vel per illusionem sensuum, vel per compositionem, & applicationem figuræ bovis ex aere compactæ, & applicitæ corpori ipsius Regis; sed hæc repugnant verbis Scripturæ dicentis; *cor feræ ipsi datum, & fenum ut bovem comedisset.* Alii volunt imaginationem Regis ita vehementem fuisse ut verè crediderit esse bovem, Ita Francisc. Valles de *Sacra Philos. cap. 8.* & Hier. Mercur. *lib. 6. Var. Lect. cap. 20.* Alii quod privatus fuerit rationis usu, & ceciderit in dementia, per septennium, quo tempore tanquam Bos errabat per prata; vivens ex herbis, ac si verè Bos, & bestia fuisset, ut pluribus citatis discurrit Schottus *d. lib. 3. Physic. Cur. cap. 21.* Cæterum factum Nabuchodonosoris tanquam naturæ metas excedens fuisse merum miraculum ait Licetus *d. lib. 1. de Monstris cap. 13.* At Tirinus in *cit. cap. 4. Daniel. vers. 13.* ait, quod ita fuit turbata phantasia Nabuchodonosoris, ut sibi videretur esse bestia, v.g. Ursus, vel Bison, vel alius Bos sylvestris, undè subdit: Nec tamen sola phantasia, & appetitus ejus sic turbata fuerunt; sed etiam cordis, & corporis temperamentum ita immutatum, & esieratum est, ut esset simile temperamento feræ bestiarum, quantum fieri potuit citra naturæ humanæ amissionem; undè, & facies ejus ab humana fuit non nihil diversa, & accedens ad ferinam: cutis non mollis, sed dura, pilis vestita crassissimis, longissimis, & nigerrimis ex fulgine crassissimæ Melancholiæ sensim subortis, quæ referrent horridas, & minaces cristas Aquilæ, ut dicitur *Vers. 30.* Manus, & pedes callosi unguibus quasi aquilinis armati, quibus humi quasi quadrupes incurvus, pronus, & semper nudus reptabat, nec nisi herbis, & radicibus, ut bovino appetitui sibi à Deo indito obsequeretur,

retur, victitabat, omni usu rationis, loquelæ, & vocis articulatae destitutus, ut Bos mugiebat. Hucusque Tiranus. Quod ad collationem Baptismi attinet, si Neophytus ex præstigio mutatus esset in bestiam, non esset baptizandus, supposita ejus aliena voluntate à fide, in qua si constans fuisset, credibile est Deum non permisisse, ut diabolus eum immutaret: quod secus esset dicendum, & faciendum, si ex sola imaginatione, vel defectu usus rationis crederet, esse in bestiam mutatum. His addere liceat, tanquam monstruositatem sapiens; sequens

DUBIUM XI.

An dentur partus numerosi mulierum?

Binas proles à mulieribus edi unico partu, nec novum est, nec rarum. Nam & Rebecca uno partu peperit Jacobum, & Esau. *Genes. cap. 25.* & Thamar Pharem, ac Zaram. *Genes. cap. 38.* De Tergeminis natis scribit Titus Livius *Decad. 1. lib. 3.* Plinius *lib. 7. cap. 3.* Majolus *colloq. 3.* & Aldrovandus *cap. 1. de Monstris p. 51.* Quatuor natos uno foetu testatur Plinius *lib. 7. cap. 3.* Solinus *cap. 2.* & Caelius Rhodiginus *lib. 4. cap. 23.* Quinque simul proles natas habemus ex Aristotele *lib. 7. Hist. Anim. cap. 4.* & Aulo Gellio *lib. 10. cap. 2.* Senos foetus enixam fuisse nobilem Matronam dicit Paræus apud Aldrovandum *cap. 1. de Monstris.* Septem autem filios à quadam Meretrice unico partu datos notat Majolus *colloq. 3.* & Trogius apud Plinium *lib. 7. cap. 2.* Aliam mulierem Germanam primo partu effudisse novem filios; secundo partu undecim; Uxorem verò Isemberti Comitissæ de Altorf, quæ judicaverat impudicam mulierem, tres pueros in uno partu enixam, peperisse in poenam; unico puerperio, filios duodecim; qui omnes educati à Patre vixerunt. Aliam matrem vigintiduos

abortivos fecisse, aliam trigintafex, aliam septuaginta, aliam centum, & quinquaginta ex Alberto Magno narrat Schortus in *Phys. Cur. d. libr. 3. cap. 29. §. 1.* qui §. 2. pluribus cumulat auctoribus, narrat Margaritam Principissam in Hollandia, rejecisse à se pauperulam duos geminos filios lactantem, & eleemosynam peitentem, tanquam adulteram; cui illa ait, *Rogo Deum, ut Excellentia Vestra tot filios pariat, quot sunt dies in anno.* Hoc, anno sequenti, comprobatum est; nam ipsa Domina Margarita ætatis suæ anno 42. & anno salutis 1276. ipso die Parasceves, peperit infantes vivos promiscui sexus trecentos, sexaginta quatuor, qui omnes baptizati fuerunt à Domino Guidone Episcopo; & paulò post omnes, unà cum Matre obierunt. Multiplices foetus generari in Utero ex abundantia feminis procedit. Hos autem partus numerosos fuisse ex miraculo, nemo dubitabit. Quò verò ad materiam nostram de Baptismo, hos omnes, si vivi nascuntur, esse Sacro Lavacro regenerandos nemo dubitabit.

DECISIO XLVIII.

ARGUMENTUM.

Suscitantur causæ, ex quibus gignuntur Monstra, & docetur alias esse naturales, alias supra, alias infra naturam. Historicis, & exemplis eadem declarantur.

SUMMARIUM.

- 1 *Monstra ex quot, & ex quibus causis nascantur?*
- 2 *Seminis humani superfluitas causa monstrorum. Item debilitas.*
- 3 *Conceptio foetus in utero Materno descripta.*
- 4 *Semen humanum cum semine bestie gignit monstra.*

S 2

5 Mon.

- 9 *Monstrorum editorum à Mulieribus exempla.*
- 6 *Corporis Materni nimium incommodum monstra gignit.*
- 7 *Imaginatio genitorum causa Monstrorum. Exempla.*
- 8 *Monstra an sint ad præsagium, vel punitionem malorum?*
- 9 *Muhometus adventus Præsagium in Thracia.*
- 10 *Petri de Luna Schisma prænuntiatum.*
- 11 *Punitiois causa Monstra nascuntur. Exempla.*

TOt Monstrorum speciebus hucusque declaratis. addamus nunc sequens Dubium, & queramus causas productionis eorum. Itaque sit

D U B I U M. XII.

Quæ, & Quot sint causæ, ob quas nascuntur Monstra?

Varietas opinionum circa causas minor non est, quam sint ipsa monstra, quæ quidem innumerabilia reperiuntur. Porro causæ ipsæ vel sunt naturales, vel supranaturales, vel infranaturales. De naturalibus in præsentibus dubio, quæ subdividitur in *Intrinsicam*, & in *Extrinsicam*. Causa *intrinsicca* est semen per carnalem copulam effusum in utero materno; quod vitiatum, vel per excessum, vel per defectum, vel ob incongruam commixtionem, sive indebitam colloca-tionem, vel ob uteri angustiam, vel ob ejusdem in membranas non probam distinctionem, aliamve pravam dispositionem, aut conformationem. Semen excessivum est causa Monstrorum, ex Aristotele *lib. 4. de Generat. Animal. cap. 4.* ubi damnantur frequentiores hominum congressus in carnali copula ex Galeno *lib. de Hist. Philosoph. & Alberto Magno lib. 18. de Animal. cap. 6. & lib. 2. Physic. tract. 2. cap. 3.* Cardano *lib. 12. de subtilis & ex Liceto d. lib. 2. cap. 60.*

& *segg.* ac aliis citatis per Schottum in *Physic. Cur. libr. 3. cap. 27.* ubi colligitur, quod ex horum Auctorum doctrina feminis superfluitas facit, ut foetus vel plura acquirat membra, ut sex digitos, tres vel quatuor manus, pedesve, aut duo capita, vel solito majora. Vice versa seminis defectus, (ut quia sit vel exiguum, vel debile, spiritibus vitalibus destitutum) ut foetus non nanciscatur omnia membra; & monstruosus in aliqua corporis parte nascatur, in causa esse dicitur. Ob incongruam seminis commixtionem pariter generantur monstra: quamvis enim Deus primi Maris Adami corpus ex luto, primæque Fœminæ ex Adami Costa formaverit, formatique animam infuderit; reliquos tamen homines ex copula Viri, & Fœminæ, & ex seminis amborum permixtione, quoad corporis formationem progigni. voluit; cui ipse deinde formato, ac penitus absoluto infunderet animam. rationalem à se creatam. Quapropter observant Medici, & Anatomici, quod mixta ambo semina, maris scilicet, & fœminæ in utero fœmineo, illico quadam tenui tunica, ex calore uteri producta, concluduntur, & instar ovi tenuissimæ pelliculæ conclusi, copulantur; arque hanc vocant conceptionem. Postea producuntur aliæ tunicæ, tanquam munimenta foetus; & conficitur membrana *Ghorion* appellata, quæ extenditur crescente foetu, & post partum, in fasciculum conclusa, rejicitur; ex ipsa tamen altera tunica dicta *Amnea* valde mollis, ambiens totum foetum humanum, ut à lædentibus defendi possit; in brutis verò sit alia tunica dicta *Ollantoides*. Interim ex feminibus ita mixtis emergunt subtilissimæ fibræ, ex quibus primum omnium bifurcata quædam vena, per umbilicum postea foetus ad uterum matris directæ, deducitur. In altero hujus venæ ramo sanguis colligitur, ex quo hepar generatur; ex altero verò ramo reliquæ omnes

VENÆ

venæ fiunt, quæ ad unum truncum in superiori jecoris parte, nempe ad venam cavam referuntur. Dein ope virtutis feminalis producit cor cum suis venis. Subindè cerebrum, nervi, ossa, cum suis cartilaginibus, & membranis, & ex iis corpusculum compaginatur, in quod Deus Optimus Maximus animam ex nihilo creatam infundit. Igitur sex primis diebus post conceptionem, materia feminalis in utero contenta est adinstar lactis. Subsequentibus aliis novem diebus in sanguinem mutatur. Aliis duodecim consolidatur; reliquis decem, & octo usque ad quadragesimum quintum omnia membra perfectissimam formam adipiscuntur, ut deinceps fœtus tantummodò augeatur. Unde Versus:

*Sex in lacte dies: sex sunt in sanguine
septi:*

*Bis senti carnem: ter senti membra figu-
rant.*

Quæ omnia me suam faciunt, quòd si bestia feminet in utero mulieris; vel vir nefandam copulam exerceat cum bestia, & in ejus vulva semen humanum profundat; etsi disputabile sit, an homines rationales possint generari, ut videbimus infra in Dubiis 16. & 17. nihilominus monstra gigni possint tam in utero mulieris, quàm in utero bestiarum, quæ habeant speciem humanam; ut de *Hippocentauris*, & *Onocentauris* diximus supra, quamvis expertia rationis, ut post longam disputationem consentit Schottus in d. lib. 3. *Phys. Cur. cap. 5. §. 3. Vers. Tertiò*, & in lib. 9. *cap. 27. Vers. Seminis confuso*. Hanc opinionem fulciunt exempla relata à *suprad.* Antonio Masino *cap. 1. pag. mibi 8. & 9.* videlicet, Navarræ Anno 1471. ortum esse monstrum cum tribus capitibus, viri uno, canis altero, & felis tertio. Anno 1474. Papie mulierem peperisse fœlem cum humana facie. Et Austriæ aliam mulierem pariter peperisse tres fœles, duos masculos, alteram feminam. His addendus noster Fortunius Licetus de *Monstris d. lib. 2. cap. 71.*

& 72. ubi plene examinat hanc dubitationem.

Uterius monstra efficiuntur ob indebitam collocationem seminis in utero: nam dum matres toto graviditatis tempore otiosæ domi sedent, vel decussatis cruribus, curvo, & prono in genua corpore stant, dum onus subeunt, vel ventrem fasciis, aut vestibus arctius constringunt, uterumque comprimunt, enituntur fœtus obstipos, repandos, gibbosos, pedibus, aut aliis corporis partibus distortos. Et idem est dicendum, si feminis non fiat æqualis distinctio, & distributio ad omnes partes fœtus, vel quia sit nimis crassum, & durum sperma, quod obruat virtutem genitalem, atque formatricem; vel quia sit nimis aqueum, ac fluxile; ex quo ossa, nervos, venas, arterias, aliasque partes solidiores efformare non possit, ut ex Medicis, ac Anatomicis philosophatur Schottus d. lib. 5. *cap. 27.* Et hæc de causa Naturali intrinseca, ob quam nascuntur Monstra. Sed examinanda sunt duo sequentia dubia necessaria scitu. Videlicet,

DUBIUM XIII.

*An Imaginatio Matris sit causa
Monstrorum?*

EXtrinfeca, sed præcipua causa monstrorum est Imaginatio Parentum, & præcipue Matris. Licetus de *Monstris lib. 2. cap. 42. & cap. 84.* Idem de *Humani fœtus Constitut. cap. 26.* Plurima sunt exempla vetera, & nova. Gallinæ ovīs incubantem, milvi aspectu perterritam exclusisse pullos milvino capite scribit Avicenna lib. 1. de *Animal.* Regina Æthiopie ex Rege Marito Æthiopo, filiam albam edidit, cum sæpè aspexisset statuam candidam propè thorum collocatam. Heliodorus lib. 1. de *Rebus Æthiopie.* Anno Christi 1282. In Pontificatu Martini Papæ IV. Matrōna de familia Urfinorum peperit filium villosū, & in.

in speciem Urſi ungulis armatum, ex aspectu imaginum Urſorum, quæ in dicta domo erant depictæ. Lycosten. Anno 1282. Item Anno 1599. Matrona alioquin honesta Venetiis edidit gemellos ita conjunctos, ut ægrè sexus discerni posset. Pudendi partus pudenda causa fuit, nempe propudiosa imago suspensa in thalamo, qua complexus sponſorum exprimebatur. Stengelius *de Monſtr. cap. 5. §. 13.* Bononiæ Uxor pharmacopolæ gravis, cum sæpè angues excoriatis observasset, ac vehementius appetivisset, puerum anguino capite peperit; ut ex Aldrovando refert Schottus *d. lib. 5. cap. 30. §. 3. Vers. Dubium non est. Qui §. 1. etiam narrat se legiſſe* Historiam memorabilem mulieris gravidæ, quæ postquam vidisset in erecto pegmate amputari capita nonnullorum reorum, paulò post peperit infantem Acephalum. Aliæ refert exempla idem Schottus *d. lib. 5. cap. 28. §. 4. concludens cum his Verbis Divi Iſidori: Hæc fœminarum est natura, ut quales perpexerint, si vè mente cogitaverint, in extremo voluptatis æſtu, dum concipiunt, talem sobolem procreent. Etenim Anima in usu Venereo formas extrinsecas intus transmittit, earumque satiata typis, rapit species earum in propriam qualitatem.* Ex hac causa Monstra nascuntia, cum sint homines informati rationali anima; dubium esse non potest, quòd sint baptizanda. Verùm ad quem finem permittat Deus nasci monstra, nimis alta Quæſtio est. Nihilominus sit

DUBIUM XIV.

An monstra ad Præſagium, vel punitionem malorum nascentur?

Diximus monstrorum nascentium aliam esse causam supernaturalem, & hæc in eo consistit, quòd ipsa Monstra sint signa Dei, volentis incautos mortalium animos monere, aut sanare. Non me latet, id negare

Fortunium Licetum *d. lib. 1. de Monſtris cap. 3. & cap. 2. ex Philosophicis rationibus ibi per cum consideratis.* Cæterùm sicut per somnia, per Prophetarum oracula, per varia prodigia; ita & per monstra, atque monstruosa præmonere solet Deus, non tam probos, & cultui suo addictos; sed improbos quoque; nec singulos tantùm homines, sed integras etiam nationes, & gentes, ut ratiocinatur Schottus *d. lib. 5. cap. 29. ubi exempla plurima adducit, & illa præcipuè, anno nimirum 578. quo Puer in Thracia natus est sine brachiis, & ab umbilico deinceps in piscem desinens.* Item canis capite Leonino, & alius fœtus quadrupes; quibus monſtris infelix Mahometi adventus, qui terra marique dominari cepit, demonstratus fuit. Anno 914. fœtus editus est in lucem canino capite, significans mores Christianorum illius temporis, se mutuis moribus lacerantium. Circa 10 Annum 1389. natus est puellus quadrimanus, & quadrupes, qui portendisse dicitur Schisma Benedicti XIII. antea Petrus de Luna nominatus. Anno 1512. Monstrum natum Ravenne capite cornuto, pede rapacis avis, genu oculato, alio loco brachiorum instructum, & sexu utroque detorme, excepit bellum funestum inter Julium II. Pontificem cum universa penè Italia, & Ludovicum XII. Galliarum Regem.

Sunt etiam supplicia, & punitiones malorum monstra ipsa, quæ gi-gnuntur; licet enim secundùm Philosophos in eis natura erret, & à præſtituto sibi fine aberret, nihilominus Deus ubique, & semper certo fine agit, secundùm abditissimas consilij sui rationes. Sint aliqua exempla. Anno 998. referente Cardin. Baronio Robertus Galliarum Rex incestuosas contraxit nuptias cum muliere sibi cognationis jure propinqua, quæ illi peperit Filium habentem collum, & caput anserinum. Anno 1575. maritus quidam malè tractans uxorem suam

suam prægnantem, quadam die illi dixit iratus: Utique tu gestas dæmonem, quem ego gladio confodiam. Non longè post Uxor filium peperit, dimidia inferiori corporis parte bene formata; sed superiori horrida, & terra cum cornibus, quales vidimus dæmones pingi. Bagatta in *admir. orb. Christ. tom. 2. lib. 1. cap. 2. §. 2. nu. 8.* Hic rememoranda monstra caudata in punitionem Anglorum, à quibus contempti fuerunt Sancti Archiepiscopi Agustinus, & Thomas, ut in Dubio nono. Alia legantur in Schotto *d. lib. 5. cap. 29. §. 2.* & alia apud Anton. Masinum *cap. 27. in Schola Christiani pag. 240. & 241.* Sed illud supra omnia admirandum, quòd quidam Ludovicus Rooffel, ridens dolores Uxoris suæ parturientis, quasi eos simularet, ex imprecatione Uxoris, & ultione divina diu dolorem maximum in femore dextero pertulit, & post novem menses indè excisus fuit infans masculus, qui nomen Patris sortitus est. P. Bertrand. *Lot. tract. 15. Caf. Belg. & Schottus d. lib. 5. cap. 3.* Ex his deducamus, Deum summè bonum, simulque justum aliquando erga homines agere ut Medicum ad sanitatem, aliquando ut Judicem ad pœnam.

DECISIO XLIX.

ARGUMENTUM.

Disputatur famosa Quæstio, an dentur dæmones Incubi, vel Succubi, & an hi possint generare Monstra, vel cubando cum mulieribus, vel succumbendo cum Viris?

SUMMARIUM.

- 1 Dæmones incubi, aut succubi an generent Monstra?
- 2 Dæmones incubos, vel succubos non dari, opinio DD.

- 3 Quòd dentur, verior opinio DD.
- 4 Exempla dæmonum incuborum cum mulieribus.
- 5 Generare an possit diabolus incubus cum muliere?
- 6 Dæmonis incubi ope procreati an baptizandi?
- 7 Dæmonem numquam succubum in vitio nefando.
- 8 Homo ex dæmone succubo nasci non potest.

Curiofum autem super alia omnia hucusquè examinata est sequens

DUBIUM XV.

An ex Dæmone incubo, & muliere succuba, vel Viro incubo, & Dæmone succubo generetur Monstrum?

TAmetsi dæmones non sint corporei, nec vim naturalem habeant generandi prolem; nihilominus quæstio antiqua, ac celebris est, an dæmones possint, & soleant in assumpto corpore, & in speciem viri configurato commisceri cum viris? Quod est quærere, an dentur dæmones incubi, & succubi; incubus enim dæmon est, qui sub specie virili veniens incubat fœminæ; Succubus autem dicitur, qui sub muliebri figura succubans viro, muliebria patitur.

Et quòd dæmones officium viri, vel fœminæ in coeundo exercere non possint, plures Doctores opinati sunt apud Torreblancam *lib. 2. cap. 30.* & Eugubinum de *Perenni Philosoph. lib. 8. cap. 26.* ac alii multi, quos citat Delrius *Disquisit. Magic. lib. 2. quæst. 15.* & hanc sententiam negativam tuetur Joan. Wierius *lib. 3. de Præstigiis dæmonum à cap. 18. & novissimè Pignatelli tom. 4. consult. 101. num. 2. & 3.*

Porrò affirmativam sententiam tam multi, & graves tuentur Auctores, ut sine pertinaciæ nota ab illa discedi non possit videatur: nam in ea est S. Thom. in 2. *sent. d. 8. & in quæst. disputatis q. 6. art. 8. de Miraculis.* Item 1. p. q. 51.

q. 51. art. 3. & 2. q. 96. art. 3. Card. Toletus in *summa* lib. 4. cap. 15. Alphonsus à Castro de *justa* Hæret. punit. lib. 1. cap. 16. Anan. lib. 4. de *Natura demonum*. Sprenger. in *Malleo* part. 1. q. 4. & p. 2. q. 1. cap. 4. & q. 2. cap. 7. Vallesius de *Sacr. Philosoph.* cap. 8. Delrius d. lib. 2. quæst. 15. Pierius lib. 8. in *Genes. disp.* 3. Tostatus in *Genes.* cap. 6. q. 6. Licetus de *Monstris* d. lib. 2. cap. 90. Schottus in *sua Phys. Curios.* lib. 1. cap. 21. ubi refert S. Augustinum hanc eandem opinionem tenentem lib. 15. de *Civit. Dei* cap. 23.

A qua quidem opinione non esse recedendum, comprobant exempla plurima, quæ passim leguntur in Historiis Sacris, & apud pios Auctores de commercio carnali, & conjugali copula inter dæmonem, & mulierem; ac inter Viros cum dæmonibus, quorum aliqua refert idem Pignatellus d. tom. 4. consult. 101. n. 4. & Schottus cit. lib. 1. cap. 21. quibus ego addo alteram, quod legi in vita S. Ignatii Fundatoris Soc. Jesu conscripta à P. Daniele Bartoli lib. 5. num. 12. scilicet fuisse mulierem fruientem dæmone incubo, quæ auditis Patribus Societatis Jesu Missionariis poenitentiam suadentibus, & Divinam Misericordiam magnificantibus, se disposuit ad confitenda peccata sua; at metuens accessum dæmonis incubi, munita imagine S. Ignatii impressa papyro, & ejus confissa suffragio, post multas, & pergraves dæmonis tentationes, fraudes, & violentias, meruit ab ejus astu liberari.

Major difficultas est, an ex dæmone incubo, & muliere fucuba generetur fœtus, quem Monstruosum deinde enitatur mulier? Et dari generationem, scribit Tostatus q. 6. in c. 6. *Gen.* his Verbis: *Dæmones semen fundere nequeunt, cum corporei non sint, nec habeant unde semen decident; sed ex viris acceptum ipsi mulieribus infundunt. Duo autem sunt eorum genera. Aliquando enim Dæmon succubus est, aliquando incubus, prius tamen succubus est, quam incubus. Nam cum viri nocturno semine polluantur, ibi*

*Dæmon succubus, corpore ex aere in speciem muliebrem figurato, semen accipit, servatque, ne spiritus ejus exaleatur, quò sit optum generationi: deinde sexu transformato, induens speciem viri, virile semen quod acceperat, in muliebrem uterum inserit. Quam rem melius declarat, & faciliorem demonstrat Delrius d. lib. 2. *Disquis. Magic.* q. 15. his verbis: *Potest Diabolus semen aliunde acceptum (v. g. in ea, quæ somnianti viro contingit, illusione) deferre, & qua est agilitate, & naturalium rerum peritiam, calorem prolificum in semine, quantumvis ille subtilis, & aeris sit, ac facile dissipabilis conservare, & illud denique quo momento mulier ad concipiendum optimè disposita (quod cum non latet) tum illud Matrivi ita infundere, vel naturali vi attrahendum exhibere, & muliebri semini committere. Igitur dari potest generatio inter dæmonem incubum, & mulierem fucubam ex infusione seminis humani, modo prædicto, quod etiam admittit Licetus de *Monstris* d. lib. 2. cap. 73. cap. 88. & cap. 90. & opinati sunt gravissimi Theologi, & DD. (præter supra relatos) quos allegat Schot. d. lib. 1. cap. 22. ubi refert plurima exempla; quibus ego addo Bagattam in *Admir. Orb. Christ.* tom. 2. lib. 1. cap. 2. §. 2. num. 20. Ex Boethio de *Reb. Scotor.* lib. 8. sic scribentem: *Cum puella quadam apud Scotos in Marrea Regione, in nefandam cum Dæmone incidisset consuetudinem, concepissetque fœtum, tempore statuto enixa est monstrum undequaque fœdum aspectu, quale nusquam visum est.***

Cæterùm ipse Schottus d. lib. 1. cap. 22. ait, probabilius esse, ex dæmonis incubi commixtione cum mulieribus, nasci non posse humanam prolem. S. Augustinus lib. 15. de *Civit. Dei* cap. 23. nihil ausus est definire de hac re; de qua etiam Pererius lib. 8. in *Genes.* ait, hec semper dubitasse; prout dubii remanent Ulricus Molitor, Nicolaus Remigius, Vincentius Lucidus,

6 dus, & alii relati ab eodem Scotto d. lib. 1. cap. 22. ubi ad exempla contraria respondet, ea esse suspecta, & fabulosa; & si parvus humani verè suscepti fuerint ex dæmone incubo, supposititios, & aliunde habitos esse credendum. Ego difficultatem habeo in admittenda generatione ex dæmone incubo ex ea ratione, quod scilicet virtus generativa consistit in immediata effusione seminis humani in matricem mulieris, quam facit homo cum ea copulatus, & in instantanea receptione cum suis spiritibus ejusdem seminis ab eadem matrice forminea; adeo ut si extra vas formineum fiat humani seminis effusio, statim evanescat generativa virtus, & facultas; & quantumvis dæmon sit sollicitus, velox, atque promptus ad recipiendum semen humanum à viro se corrumpente, vel molliorem agente, & illud transferendum in vulvam nefandæ mulieris, nihilominus erit semen illud semen inane, & ad generandum absque virtute, & facultate; quia nulla penitus interposita mora (ut dixi) debet effundi, & recipi; ac à matrice tanquam spongia assumi, complecti, & conservari suis spiritibus, & virtutibus prolificis. Hanc meam opinionem tutantur Conimbri-
cen. lib. 1. de generat. cap. 4. q. 10. artic. 3. Ulricus Molitor lib. de Pytho. Mul. cap. 7. & 10. & B. guetus lib. de Sortileg. cap. 14.

Concludendum est itaque dari certam conjunctionem carnalem dæmonis incubi cum muliere ex auctoritate S. Thomæ, & multorum Doctorum, atque exemplorum; incertam autem esse generationem inter eosdem; quæ si aliquando contingat, & non constat; hominem esse rationali anima præditum, sed potius monstrum fuisse generatum, non nisi cum magna consideratione erit baptizandum, & sub conditione, si sit homo rationalis; ex traditis per DD. apud eundem Scottum d. lib. 1. cap. 22. Vers. Dico Secundò. lib. 3. cap. 8. §. 6. Vers.

Puto itaque & lib. 3. cap. 30. §. 3. in fine.

Quòd si loquamur de homine incubo, & de dæmone succubo, vicem mulieris agente, & pro uxore se gerente (nam 7 superbum, est immundissimum dæmonem in sodomitica Venere nunquam voluisse esse patientem, & succubum observat Segnerius in Confessario instructo cap. de luxuria) absolute tenendum est, nunquam fuisse natam, nec nasci posse veram prolem humanam; plura enim desiderantur in conceptione, foetus formatione, ejus portatione, nutritione, & coagmentatione, quæ dæmon quantumvis sapiens 8 præstare minimè valet; nimis enim mirabilis est Architectura, & organizatio corporis humani, quam componit natura, Dei ope, sapientia, & bonitate assistente: quòd si aliquando dentur exempla de natis ex Matre dæmone succuba, eosdem dicendum esse supposititios fuisse, & ab aliqua muliere parturiente ablatos, vel fictitios, & e mentitis ex aliquo alio dæmone se puerulum contingente, ut bene notant Torreblanca lib. 2. q. 30. Serarius in cap. 6. Tobia q. 4. Delius lib. 2. Disq. Magic. q. 15. & Scottus d. lib. 1. cap. 22. Vers. Dico tertio.

DECISIO L.

ARGUMENTUM.

Tria curiosa dubia resolvuntur: An Pater bellua, & Mater mulier simul generent? E contra, An Vir Pater cum Matre bellua? Et an feræ diversarum specierum simul coeuntes? Ulterius an defectus parentum transmittantur in filios?

SUMMARIUM.

- 1 Bellua incuba an generet cum muliere succuba?

T

2 Da-

- 2 *Danorum Regum origo.*
- 3 *Homo nasci non potest à Patre bellua, & muliere Matre.*
- 4 *An ex Patre Homine, & Matre bellua? Exempla.*
- 5 *Rationes pro negativa.*
- 6 *Defectus naturales genitorum an transeant in filios?*
- 7 *Species diversæ si feræ simul coeant, quid generent?*

1 **P**ostquam tractavimus, an ex magna bellua Diabolo monstra possint generari? videamus quid ex aliis belluis irrationabilibus. Ideo proponitur

DUBIUM XVI.

An ex Bellua incuba, & Muliere succuba nascatur Monstrum.

Negat Galenus *lib. de Usu part. 3.* tenens non esse possibile, quod ex feminibus diversæ speciei fiat generatio; cui adhærent Conimbricenses *Comment. in lib. 2. Physic. Arist. cap. 9. qu. 5. art. 3.* & de hoc dubius remanet Cardan *lib. 14. de Variet. rer. cap. 77. in fine nimis*, ut ait, *discontentibus inter se genitalibus, tum forma totius, & parlendi tempore.*

Nihilominus affirmare nos cogunt plura exempla: nam Grammaticus *lib. 10. Arist. Danicæ*; item Joannes Episc. Upsalien. & Olaus Magnus *in Hist. Septentr.* scribunt, Reges Danorum recognoscere suam progeniem ab

- 2 Urso, à quo compressa fuit Virgo pulcherrima, & ex eo genitus puer, fortissimus robore; qui factus vir, & uxore accepta genuit Trugillum Spragellex eximium Ducem: hic deinde Ulfonem, Ulfo postea Svenum, qui Danicæ Rex fuit. Nierimberg. *lib. 5. Hist. Natur. cap. 6.* prodidit, in Regno Pegu eam nationem ducere originem à Cane, qui rem habuit cum puella naufraga. In Hispania esse familiam appellatam *De Marinis*, quam dicunt, duxisse originem à Tritone concum-

bente cum adolescentula, & nostris penè temporibus. Fœminam deportatam ad Insulas lacertarum quosdam liberos à Simio sustulisse. Historiæ pariter referunt, Attilam Hunnorum Regem ortum ex muliere constuprata à Cane. Plura alia novissima exempla de Simiis masculis copulam carnalem habentibus cum mulieribus intra confines Magni Regis Mogoli, & cum iisdem filios generantibus narrat Gemellius *nel Giro del Mondo part. 3. lib. 2. cap. 1. pag. 142. & seqq.* His adde Fortunium Licetum *d. lib. 2. de Monstris cap. 72. post medium*, ubi ex fera masculo posse mulierem concipere, & parere vel purum hominem, vel totam feram, vel monstrum ex membris humanis, & ferinis compositum, juxta partes seminum mulieris, & feræ magis spirituosas; nec non imaginativam utriusque coeuntis.

In hoc dubio mihi videtur adhærendum magis negativæ opinioni, & dicendum, quod si coeat animal brutum cum muliere, nequaquam gigni posse hominem; certum est enim quod virtus generandi hominem stat in Semine Viri, quidquid sit de semine muliebri, quod multi Moralistæ volunt non esse necessarium ad generationem. Diana *part. 3. tract. 3. resol. 15.* requiescente in Coordinato *rom. 2. tract. 6. ref. 237.* Igitur solum semen muliebri non potest generare hominem, & eò minùs commixtum cum semine bruti animalis, ut tenet Scottus *in Physic. Cur. d. lib. 3. cap. 5. §. 2. Vers. Secundò*, ex Torreblanc. & Delrio ibi citatis. Ad exemplum verò supra relata respondet, vel ea esse fabulosa, vel mystica, hoc est, ex fortitudine vel crudelitate, seu ira primi Parentis Regum Danorum, eum fuisse appellatum Ursum, quemadmodum Attilam ob astutiam, & vafritiem descriptum fuisse cum facie canina, & generatum à Cane. Vel potius, (quod notatu est dignum) dicere possumus, eatenus mulieres compressas carnaliter ab aliquo bru-

to concepisse, & peperisse hominem; quia, ante copulam brutalem, ipsæ mulieres coierant cum viro, & semen humanum in utero receperant; ut opiniones contrarias conciliando advertit Scottus *d. lib. 5. cap. 30. §. 3. Vers. Accedit nefaria*: ubi subdit, quod semper in his casibus monstra effundentur, in quorum baptismo Parochi esse debent attenti in dignoscendo, an potiantur anima rationali. Hinc Gemellus ubi supra *pag. 144.* hæc notat. *Egli si è ben anche noto, come essendo nel Brasile una Donna stata conosciuta da un Simone, e divenuta gravida à suo tempo partorì un fanciullo con tutte le membra humane, mà pelose; e che quantunque mutolo faceva quanto se gli diceva. Sopra questo parto hebbero gran dispute i Padri Domenicani, & i Gesuiti, se dar se gli dovesse il Battesimo, ò nò? E concluderono non esserne capace. E contra verò non minus curiosum, ac difficile est definire, prout requirit sequens.*

D U B I U M XVII.

An ex Viro incubo, & bellua succuba orlatur Monstrum?

Affirmativam opinionem astruunt ea, quæ dicta sunt supra de Hipocentauris, genitis ex copula Viorum cum equabus Magnetiis; & quod asserunt Plutarchus de infante ei oblato, nato ex equa, imprægnata ab Agasone. Plinius Cratem Pastorem ex capella sustulisse filiam, homini, & capræ similem. Nierimberg. *lib. 5. Hist. Nat. cap. 6.* Asinam peperisse filiam humanam effigie formosissimam. Item ab equa partu editam filiam Hipponam nomine; & apud Belgas vixisse virum satis pium & vacca genitum. Ælian. *lib. 6. Hist. Anim. cap. 41.* Hirum ob rivalitatem in Urbe Sybari adolescentem Pastorem occidisse, quod capram adamaret, & ei coiret: nam ex ea natus est Silvanus infans humana facie, sed caprina habens crura. Et Gre-

gor. Tholosan. *in Syntagm. Juris lib. 7. cap. 3. num. 9.* Quod viri Indorum sceleratissimi quidam cum fertis coeunt, & inde mixtos, & semiseros esse partus, & hanc sententiam amplectitur Licetus *d. lib. 2. cap. 69. 70. 71. & 72.* absque hæsitacione.

Ceterum in hoc dubio mihi verius videtur, ex bestialitate commissa inter virum, & belluam, (quod omnibus flagitiis nefandis est majus) non posse gigni hominem anima rationali præditum, tum quia ex discrepantia seminum, & diversitate specierum generatio fieri impeditur; tum quia belluz non gellant foetum debito tempore pro humani partus conditione, ut docet Aristot. *lib. 4. de gener. anim. cap. 4.* Credendum est quidem, monstra generari, aliquam apparentiam humanæ speciei habentia; sed non veros homines, quæ quidem monstra provenient non ex semine hominis bestialiter infuso in vulva belluina; sed ex semine bruti masculi, cum quo eadem bellua, vel parum ante, vel parum post coitum hominis, se copulaverit; & sic causa conceptionis in bellua erit semen belluinum; causa verò monstruositatis commixtio seminis humani; ut considerat Scottus *d. lib. 3. cap. 5. §. 3. qui ibid. in addit. respondet cum Deusing.* ad adducta exempla, dicens, vel esse commentitia, fabulosa, & non vera; vel partus à belluis effusus cum humana specie, non fuisse homines anima rationali informatos; sed brutos præferentes speciem aliquam, seu venustatem humanam, cum aliqua articulatione vocis more Psittacorum; vel religiositate more Elephantum; quapropter forent hæc monstra judicanda omnino incapacia Sacramenti Baptismi. Quidquid sit de prædictis partibus monstrosis ex parentibus diversarum specierum, nos interpellat.

DUBIUM XVIII.

An defectus naturales Patris, seu Matris, & eorum monstruositates transfundantur in filios?

A Firmativè respondet Licetus *de Monstr. lib. 2. cap. 85.* & Scottus *in Physic. Sur. d. lib. 5. cap. 30. §. 3. Versj.* Quod si uterque his verbis: Quod si uterque, aut alteruter saltem genitorum simili aliqua monstruositate est affectus, non dubium est, quin fetus quaque eandem aliquando imprimant. Hinc cynocephali à cynocephalis; Scio-pedes à Sciopeaibus, caudati à caudatis in aliquibus locis nascebantur; & etiam nunc in Africa, ubi major est copia monstrorum animalium, frequentius similia generantur monstra à genitoribus videlicet monstruosi. His videntur duo addenda. Unum quod notat Petr. Gregor. Tholosan. *Syntagm. Jur. lib. 40. cap. 2. num. 14.* Videlicet Filios secundum Aristotelem à parentibus gigni, veluti ab ipsis inseparatos, adeo ut multi putarent, & mores patris, & corporum formam infundi in corpus filii. Arist. 8. *Ethic.* & S. Thom. 1. p. q. fin. artic. 1. Imò Tertullianus *lib. de anima* opinatus fuit, ex anima Patris deradi, & ex omnibus membris semen, ipsumque in generandum filium transfundi, quæ opinio rectè damnata fuit.

Alterum, quòd experientia quotidiana demonstrat in multis familiis esse infirmitates, & corporis vitia hæreditaria: sed hoc non est universaliter verum; imò satis rarum, tum circa corpora: quia multi Patres proceris staturæ generant filios pusillos; & vice versa filii proceres nascuntur ex pusillis genitoribus; tum circa mores animi; plurimi enim genitores rudes dant in lucem filios, qui eminent sapientia; & contra à Patribus eruditis, & eloquentissimis prodeunt nati destituti omni sapientia, & habilitate, ut de filiis Scipionis, Ciceronis, Herodis Attici, &

aliorum testantur historici: nec mirum, ait Arist. *in Problemat.* nam *Mens viri præstantis, magis à natura sensus, carnisque remota, ac quasi suspensa, inopem ingenii conceptis genituram præstat.* Tandem pro complemento Monstrorum videndum restat

DUBIUM XIX.

An ex feris diversæ speciei simul coeuntibus nascentur Monstra?

A Firmativè est respondendum; imò hanc esse præcipuam causam Monstrorum, quæ Africa parit; scilicet ob frequentissimos carnales congressus, quos ad invicem habent feræ diversarum specierum, dum conveniunt simul ad aquas, quæ ibi raræ sunt, ut bibant, docet Arist. *lib. 2. de gener. animal. cap. 5.* & refert Licetus *d. lib. 2. cap. 68.* Illud autem est advertendum, quòd si feræ speciei diversæ simul coeant, aliquando ex earum coitu nascitur animal tertię speciei absque monstruositate; videlicet quando genitores non admodum discrepant inter se quo ad naturam, & semina utriusque congrua proportionem coadunantur; ut fit, dum ex Equo, & Asina, vel ex Asino, & Equa nascitur mulus, vel ex cane, & lupo generatur lynx. Quod si valde sint discrepantes bestię quòd ad naturam, & semina belluina valde sint inter se incongrua; tunc nascuntur Monstra, ut ex feris Africanis Pantheris, Leopardis, Tigribus, & aliis; circa quæ non est nobis opus immorari, cum ea sint expertia baptisino, & de eis videndus Scottus *in sua Physica Curiosa toto libro VIII.* in quo de singulis animalibus terrestribus luculentissime agit. Et eruditè Licetus *d. lib. 2. cap. 68.*

DECISIO LI.

ARGUMENTUM.

Proponit præfens Decifio, quali monstra, diverfarum Mulierum monstrosa exempla: at præcipue plurium, quæ virtute, ac Sapientia coruscarunt. Et aliarum, quæ vitiofæ, vaftræque fuerunt. Tandem dat decem Regulas observandas pro baptisimis monstorum.

SUMMARIUM.

1. *Mulier, quæ contraxit 22. Matrimonio.*
2. *Mulieres Barbatæ.*
3. *Mulieres doctriæ, ac Sapientia illustres.*
4. *Mulieres vaftræ, & vitiofæ. Aliæ audientes Confessiones Sacramentales.*
5. *Regulæ servandæ pro baptizandis Monstris.*

Hic esse deberet finis hujus tractatus de Monstris; verum quia videtur esse magnum Monstrum reperire aliquam mulierem præditam insigni virtute, vel qualitate; idcirco examinandum remanet.

DUBIUM XX.

De quibusdam Mulieribus admirandis?

PRO conclusione eorum, quæ de Monstris hucusque retulimus. non pigeat notare aliqua admiranda circa mulieres, quas aliqui monstra naturæ (injuriosè tamen) appellarunt. Scottus in *Physic. Cur. lib. 5. cap. 2.* Quædam fuit mulier experta duo, & viginti Matrimonia. Cæli Rhodigin. *lib. 14. cap. 8.* Variis temporibus viſæ sunt Mu-

lieres Barbatæ. Licetus *d. lib. 2. cap. 55.* Scottus in *Physic. Cur. lib. 3. cap. 32. §. 2.* ubi narrat miraculum S. Liberatæ, alias *Uvilgefortis* filiz Regis Portugaliz, cujus eximia pulchritudine accensus Pater, eam in uxorem sibi copulare volebat, & deficiente quocunque humano auxilio, ad reprimendum carnalem, & mox incestuosum futurum Patrem, & Maritum, recurrit ipsa ad Deum orans, ut à se pulchritudinem auferret, quod obtinuit. Barba enim hispida, & proluxa mentum illius, genasque contextit undique. *Martyrol. Rom. 20. Julii.* Alia Virgo pulcherrima Abulensis nomine Paula, ut à violente Amasio eam insequente liberaretur, ingressa Oratorium S. Laurentii petiit Divinam opem. En itatim oritur in eius maxillis, ac mento hispida Barba, sicque ejus mutatur aspectus, ut à lascivo ibi intrante non cognosceretur; & inde intrata discederet, & Deservitio incolumnis se manciparet. Ita Hier. à Basilicapetri in *Ephemerid. Sacris die 20. Februarii pag. 420.* Aliæ mulieres evaserunt in litteris eruditissimæ. *Amphiclea* sub Plotino Magistro. *Affgocea* discipula Platonis. *Chebolina* filia unius è septem Græciæ sapientibus. *Cornelia* Africani uxor, & Mater Gracchorum. *Damonis* Pythagoræ filia. *Zenobia* Regina Palmirenorum. *S. Catharina* Virgo, & Martyr, & aliæ plurimæ, quas coacervat Scottus *d. §. 3.* Item *Laura Veronensis*, quæ versus Sapphicos composuit, Epistolas, & Orationes, græco, atque latino Idiomate scripsit. *Cassandra Fidelis* doctissima, quæ publicam in hac Urbe Patayina disputationem edidit; & pulchrè versus Lyricos composuit. Accedit *Olivia Sabuco* Hispana celebris in Medicina, de qua Leonardus à Capua *Disc. 1. pag. 31.* Alias refert Scottus *ubi supra*, quibus omnibus præmet *Helenæ Corneliz* Nobilis Venera hisce diebus, omnibus scientiis, & linguis præfulgens, Doctorali Laurea in nostro

Pro Archigymnasio Philosophorum Patavino insignita, & Angelicis moribus ornata. Subsequuntur mulieres bellica fortitudine illustres tam antiquis, quam modernis temporibus; sed illis relictis laus nostra tendat in illas, quæ hic Patavii præcipue à familiis nobilibus Deum timent, Sacramenta Ecclesiæ frequentant, à mundanis ornatibus abstinere, & Doctrinam Christianam tenerrimo affectu filiolas pauperes edocent; quia de his rectè dictum est: *Mulier timens Deum ipsa laudabitur. Prov. 31.* Et *Fundamenta æterna super petram solidam; & mandata Dei in corde mulieris Sanctæ. Eccl. 26.* Qui aliarum mulierum sapientia, ac cælesti doctrina corruscantium notitiam habere cupit, legat scripturam R. P. M. Hier. Gratiani Carmelitæ Discalceati positam in fine Operum S. Teresie, post *Sententiarium ejusdem Sanctæ. pag. mibi 308. & 309.* ubi plurimum doctissimarum Mulierum relationem facit.

Porro propriissimè inter Monstra referendæ veniunt Mulieres illæ vasa, & vitiosæ, de quibus exempla adducit Barbosa in *Votis Consultivis tom. 1. libr. 2. Voto XIX. num. 49. & 50.* ibi à studiosis legenda. Prout etiam Mulieres illæ, quæ in Regione Mengrelia (quæ est antiqua Colchis) anno 1614. audiebant Sacramentales Confessiones, & alia Sacramenta Ecclesiæ ministrabant, ut novissimè notat Illustrissimus, ac Reverendissimus Episcopus Bapraglinus in suis aureis Annalibus *Sacerdotii, & Imperii d. Anno 1614. num. 28. pag. 243.*

Revertamur modò ad resolutionem nostri Casus conscientie; in quo quaeritur, *Quid agendum à Parocho, dum vocatur ad baptizandum Monstrum?* Nam pro resolutione dantur Sequentes Regulæ.

Prima. Quando certò constat, monstrum sub humana forma, quantumvis monstrosa, esse prædium animæ rationali, baptizari potest, ac debet, etiamsi conceptum fuisset ex mu-

liere succuba, & demone incubo, est enim capax gratiæ baptismalis, & peccato originali scedatum.

Secunda: Si dubitatur, an prædium sit Monstrum animæ rationali, baptizari potest sub conditione. *Sies homo, ego te baptizo, &c.*

Tertia. Quando Monstrum est bicorpor, & sunt duo capita, vel duo pectora, duplici baptismo est opus, si æqualia sint; quòd si unum caput esset interius, super eo sub conditione fiat baptismus.

Quarta. Tutius est in prædicto casu facere duo baptismata separata, quam unico baptismate Monstrum bicorpor ablucere.

Quinta. Androgyni, seu Hermaphroditæ absque dubio baptizandi sunt.

Sexta. Pariter sunt baptismo digni, nascentes cum monstrositate in aliqua parte corporis, nempe caudati, auriti, astomi, brachistomi, elingues, & monocoli.

Septima. De Acephalis major est difficultas; ideò consulendi Medici, & observandi motus, & signa ad dignoscendum, an insit Anima rationalis.

Octava. Monstra in corpore humano habentia caput belluinum, sunt veri homines, & ideò baptizanda; ut diximus de *Cynocephalis dub. 5.* Et si dubium sit de animæ rationali, baptismus detur sub conditione.

Nona. Centauri, Hippocentauri, Onocentauri, Satyri, Tritones, Nereides, Sirenes, & similia antropomorpha monstra non veniunt baptizanda; nisi facta adulta talia signa darent intellectus, & rationis, ut animam rationalem possidere crederentur, quo casu sub conditione possent baptizari.

Decima. Partus effusi à bestia copulata cum viro; vel à muliere copulata cum bestia, juxta sententiam Scotti, non sunt baptizandi, quia in utroque casu ob diversitatem seminis homo generari non potest. Sed quia in *dub. 16.* diximus esse valde notan-

tandum, quòd mulier compressa à bestia potest generare monstrum ex præcedenti femine humano forsan recepto, vel post bestialitatem commissam statim recipiendo ex coitu cum viro; idèd etiam in hoc opus est multa prudentia in Parochis, ut observent, an sint indicia sufficientia animæ rationalis in ipso Monstro; tunc enim poterunt illud baptizare sub conditione ex Poilevin de Offic. Curati cap. 6. num. ult. Gobato de Baptism. tract. 2. à num. 274. usque 285. Laymano libr. 5. tract. 2. cap. 6. num. 13. Mastrio in Theolog. Mor. disp. 17. num. 42. & ex Scotto in d. sua Physica lib. 5. in Appendic. cap. 4. qui, si casus occurrerent, esset consulendus, præter alios Moralistas, & Rituale Romanum in Rubric. de Baptismo; Quibus addo Eminentiss. Card. de Lauræa de Baptismo disp. 15. num. 42.

DECISIO LII.

ARGUMENTUM.

Discutitur curiosus casus, An Mulier Hebræa grvida fugiens è stabulo Judæorum ob desiderium fidei Christianæ, & iniremptra à Judæo eam insequente, salva sit unà cum prole, & tradenda Ecclesiasticæ Sepulturæ? Historiæ, & exempla de odio Judæorum in Christianos.

SUMMARIUM.

- 1 Volitionis, ac Nollitionis quale sit neutrum?
- 2 Fides ore confitenda, non solo corde tenenda.
- 3 Occisi in odium fidei sunt Martyres baptizati in eorum sanguine.
- 4 Voluntatis veræ signa quæ sint?
- 5 Judæi idem agere student cum Christianis, ac Diabolus cum maleficis.

6 Judæi cujusdam Votum occidendi odio Christianos.

7 Confessio fidei fieri potest voce, scripto, factò.

COROLLARIUM loco pro conclusione tractatus Sacramenti Baptismi, venit discutiendus sequens ultimus Casus. Hebræam Mulierem gravidam, fidei Christianæ cupidam, è stabulo Judæorum aufugientem, perfidus Sabbatharius insequitur; & stylo ferro percussam interimit. Quæritur, an sit habenda tanquam baptizata? & ipsi, ac fœtui debeat Ecclesiastica Sepultura?

Disputationis gratia nonnulli dixerunt, utrumque posse negari: nam Primò hæc mulier hebræa, cupida fidei Christianæ, non videtur habuisse absolutam voluntatem, sed tale quale desiderium fidei Christianæ; quod est quid neutrum inter volitionem, & nollitionem. Sed qui nec consentit, nec dissentit, & neutro modo se habet, atque est adulus, non est capax Sacramenti. Scotus in 4. d. 4. qu. 4. I. Eminentiss. Cardin. de Lauræa in 4. Sentent. tom. 1. de Sacrament. in genere disp. 11. num. 22. Ergo prædicta mulier non erit habenda tanquam baptizata, & per consequens neque ipsi, neque fœtui danda erit Ecclesiastica Sepultura. Secundò, & quando etiam hæc mulier habuisset in corde suo absolutam voluntatem fidei Christianæ, necesse erat, ut eam ore confiteretur, & explicitè peteret baptismum; nam, ut ait Apostolus ad Rom. 10. Corde creditur ad Justitiam, ore autem confessio fit ad salutem. Ubi Glossa interlinearis, Ore, ait, post cordis fidem, aliàs non valet: nam paulò antè dixerat, si confitearis Dominum Jesum Christum, & in corde credideris, salvus eris. Hinc Theodoretus super eod. cap. 10. ad Rom. scripsit: Utisque enim opus est, & Fide vera, ac firma: & confessione libera, ut coronetur fidei certitudo. Lingua clara, insignisque reddatur, audaciter veritatem prædicans. Sed hebræa ipsa nullam

lam externam confessionem fidei fecit; quam si habuit in corde, occultam retinuit; & potuit aufugere & stabulo Judæorum etiam ex causa humana, puta ex malis tractamentis sibi factis à marito sabbathario. Ergo neque habenda, ut Christiana, neque concedenda Ecclesiastica Sepultura.

In contrarium tamen stat Veritas; nam & ipsa Mulier, & infans in ejus utero existens baptizati sunt baptismo Sanguinis, & dicuntur Martyres, quia in odium fidei fuerunt à perfido sabbathario interempti. S. Thom. 2. 2. qu. 124. art. 1. ad Primum. Sylvest. in Verb. Baptismus 1. num. 2. ex Paludan. & aliis. Cardin. Tolet. libr. 2. cap. 22. num. 7. Anton. Volpi in Resolut. Moralib. Verb. Baptismus resol. 3. num. 3. Narbona de Estate quaest. 2. num. 19. & idem per Martyrium delictum est peccatum originale à Matre, & ejus prolē; nec non actualia ab ipsa Matre; item remissa omnis poena, & animabus earum apertus Paradisus, ut probavimus suprà Decif. XXXVII. num. 8. de quatuor gradibus Martyrii ex doctrina Vasquez tom. 2. in 3. p. disput. 153. cap. 7. Mastrii in Theolog. Moral. disput. 17. num. 7. & Gobati de Baptismo. tract. 2. num. 612. Et ideo absque dubio supradicta Hebræa haberi debet tanquam verè baptizata, unā cum infante, baptismo Sanguinis. Bonacina de Sacram. disput. 2. quaest. 1. punct. 1. propos. 2. per totam. Fernandez part. 3. cap. 2. §. 1. num. 1. & 4. Victorelli in addit. ad Tolet. lib. 2. cap. 18. litter. F. & cæteris magis eruditè Eminentiss. Cardin. de Lauræa de Baptismo disput. 13. à num. 48. & seqq. ubi auctoritates plurimæ Sanctorum Patrum, & illud Evangelii Marc. 8. Qui perdidit animam suam propter me, & Evangelium, salvam faciet eam. Imò Sylvest. d. Ver. Baptismus 1. num. 2. tenet, quodd etiam si Mater ex violentia sabbatharii non moreretur, sed tantummodò infans periret per abortum, esset Martyr, bapti-

zatus baptismo Sanguinis, tanquam devivens in odium fidei; quodd est notatu valde dignum.

Neque subsistunt moriva considerata in contrarium, quæ facillè resolvuntur. Primum enim, quodd non habuerit absolutam voluntatem, sed tale quale desiderium, quasi quidd medium inter volitionem, & nolitionem; est omninò falsum; nam si ejus desiderium fuisset inefficax; & se habuisset neutro modo, neque consentiens, neque dissentiens, non aufugisset & stabulo Judæorum: quæ quidem fuga denotat absolutam voluntatem recipiendi Baptismi, & profitendi fidem Christianam: nam Voluntas volens, seu intendens finem aliquem efficaciter, cognoscitur ex volitione mediorum, quæ sunt necessaria ad consequendum illum finem. Eminentiss. Cardin. de Lauræa de Sacrament. in genere disput. 3. num. 42. Sed inter media necessaria pro obtinendo baptismo, & profitenda fide Christiana in hac muliere Hebræa unum principale est fugere & manibus Judæorum, & relinquere omnia, quæ possidet, ut sequatur Christum; quandoquidem si quis ex Judæis cognoscatur ab ipsis propensus ad Christianam fidem, ita vinculis mancipatur, & arctæ custodiæ includitur, ut neminem viventium possit amplius videre, aut alloqui; ut mihi retulerunt Neophyti ab Eminentissimo Nostro præfule unda salutari regenerati; & notat Julius Maurocenus Venetus, olim Rabbini, nunc fidiſſimus Christianus in suo opere Via della fede monstrata à gl' Hebrei Impresso Typis Romæ anno 1683. in quo opere part. 3. cap. 12. agit de Odio Hebræorum erga nos Christianos, & advertit, ex præceptis libri Taln. ud. & documentis Rabbiorum, Judæos teneri in nihilo nos Christianos juvare; imò si nos in aliquo periculo vitæ reperirent, obligatos esse, impetum facere, & nosmet in præcipitum impellere, subdend lepidam similitudinem; videlicet, Sab-

Sabbatharios agere nobiscum eodem modo, quo demones se gerunt cum Strigibus, & Maleficis, quibus servitutem quidem præstant, fantulantur, res gratas subministrant; at semper in corde intendunt ruinam, & damnationem eorundem Maleficorum, atque Strigum. Ita faciunt Judæi: obsequuntur Christianis externis, sed interius semper capiunt interitum, & ruinam nostram. Narrat mihi Vir nobilis, Judæum quendam Ferrariæ ob infirmitatem vovisse, si sanaretur, occidere octo Christianos. Factus sanus cœpit impiam vocem adimplere. Sed antequam ad octavum homicidium perveniret, denuncius, capius, confessus impietatem suam, fuit in furca suspensus. Et quia stantem in scala furcarum alius Judæus manu elata, illum ad moriendum in Judaismo confortatus est, Cardinalis Legatus hunc alium Judæum denunciatum carceri mancipare fecit, & decem millibus Scutorum multavit, quibus Campanile Ecclesiæ Cathedralis restauratum fuit. Ergo prædicta Mulier Hebræa habuit absolutam voluntatem baptismi; cujus causa cum fuerit Stylo ferreo interempta, dicitur Martyr; & baptismo Sanguinis baptizata. Emin. Cardin. de Lauræa de Baptismo disp. 13. num. 49. & per consequens tam Matri, quam lectui deberet Ecclesiastica Sepultura. Idem Eminen. de Lauræa in tract. de Marty-

rio disp. 20. n. 311. Sylvester, Volpi, Nerbona, & alii supra citati.

Secundum motivum contrarium pariter non subsistit: quod scilicet hæc mulier non fuerit explicitè confessa fidem Christianam, & non petierit baptismum. Nam responderetur, Confessionem fidei Christianæ, & petitionem baptismi tripliciter fieri posse, voce, scripto, & facto. Eminen. Card. de Lauræa de fide in 3. Sent. p. 2. disp. 11. n. 4. & seqq. ubi n. 11. subdit inter alia facta, quibus confitemur fidem Catholicam, & baptismum petimus, præcipuum esse mortem subire, prout plerique Sancti Martyres fecerunt, juxta illud, quod Apostolus scribit ad Hebr. cap. 11. Sancti per fidem operati sunt justitiam &c. Lapidati sunt, secti sunt, tentati sunt, in occasione gladii mortui sunt. Cum igitur hæc Hebræa mulier subierit mortem sibi illatam in odio fidei à perfido Judæo, eo quia auferret ex ejus stabulo cupida fidei Christianæ, censetur sufficienter confessa ipsam fidem, tolerando mortem, & sanguinem fundendo, in quo fuit baptizata in terris, & in cœlis, sorte felicissima, unâ cum suo infante coronata. De odio, & perfidia Judæorum in Christianos legantur exempla apud Joan. Baptist. Matthæol. in Sylva Histor. part. 1. lib. 2. cap. 1. tit. 7. ultra prædictum cap. 12. part. 3. Julii Maurocceni in ejus libro: Via della Fede mostrata à gl' Hebrei.

DE SACRAMENTO CONFIRMATIONIS

DECISIO LIII.

SUMMARIUM.

ARGUMENTUM.

Referuntur diversa nomina, quibus nuncupatur Sacramentum Confirmationis. Traditur ejus existentia, institutio, & definitio. Notantur variaz manuum impositiones, ac Unctiones Sacræ in Ecclesia.

- 1 Confirmationis Sacramenti nomina plura. Et quæ?
- 2 Manuum impositio multiplex in Scriptura Sacra. Et quæ?
- 3 Hæretici qui negant Sacramentum Confirmationis.
- 4 Existentia Sacramenti Confirmationis.
- 5 Ejus institutio quando facta?
- 6 Crisma cur consecratur in feria Quinta Cænæ Domini?

7 *Definitio Sacramenti Confirmationis duplex.*

8 *Unctioes Sacrae in Ecclesia decem. Et quae?*

Nunc accedamus ad explicationem Sacramenti Confirmationis, quod olim dabatur statim post Baptismum, & nunc dari non potest nisi iis, qui sunt baptizati. Itaque in primis, & ante omnia videamus, Quid sit Sacramentum Confirmationis? Pro intelligentia studiosi & Clero prae miserunt: Confirmationis Sacramentum pluribus nominibus nuncupari per SS. Patres; nam à S. Clemente vocatur *Confessionis Confirmatio*. A S. Cornelio Papa *Sigillum Domini*. A S. Cypriano *Signaculum Domini*. A S. Dionysio Arcopagita *τελειωσις* idest *Perfectio*. A D. Ambrosio *Signaculum Spirituale*. A Græcis *μυστήριον*, idest *Unctio*, quam dictionem Arabes corruptè *Mairum*; Melitenenses verò Magis ad græcam dictionem accedentes *Miru* appellant; propriè autem dicitur *χρίσμα* à nomine Christi, idest *Unctus*, quia Sacerdotes, & Reges ungebantur, ipse autem sortitus est utramque Unctionem in primo instanti suæ Sacratissimæ Incarnationis, idest Summum. Sacerdotium, & Imperium absque fine; & nunc fideles omnes unctioe Chrismatis consecrantur, quia membra sunt æterni Sacerdotis, & Regis. *cap. Cùm venisset. G. Quia verò. De Sac. Unct.* Sed observat Magrus in *Herolex. Verb. Chrisma*, quod à S. Augustino vocatur *Manus impositio*, iuxta illud Apostolorum: *Tunc imponebant manus super illos, & accipiebant Spiritum Sanctum. Act. 8. 17.* Porro manus impositio fiebat in Scriptura ad diversos effectus, videlicet vel ad expellendas infirmitates: *Super egros manus imponent, & bene habebunt Marc. ult. 18.* ad Exemplum cœlestis Medici, qui *singulis manus imponent curabat eos. Luc. 4. 48.* Vel ad dandam benedictionem; sic Jacob benedicturus duos filios Joseph exten-

dens maum dexteram posuit super caput Ephraim minoris fratris, sinistram autem super caput Manasse, qui major natu erat. Gen. 48. 14. & Redemptori nostro Oblati sunt ei parvuli, ut *manus eis imponeret, & oraret. Matth. 19. 13.* idest, ut eos benediceret, ut ex S. Hieron. & Ansel. notat Gonet *tom. 5. disp. 6. n. 17.* Vel ad designandos, qui Arcæ Domini servirent, *Ponent filii Israel manus super eos. Num. 8. 10.* Vel ad testificandum alicujus delictum, ut luxuriosi senes fecerunt cum pudica Susanna, deducta in iudicium coram populo: qui *posuerunt manus suas super caput ejus. Dan. 13. 34.* Vel ad collationem ordinum designandam, ut agebat Apostolus ad discipulum suum: *Non negligere gratiam, quæ in te est; quæ data est tibi per prophetiam cum impositione manuum Presbyteri. 1. Tim. 4. 14.* Undè formidandum monitum ad omnes Episcopos, quod idem Apostolus dedit ad eundem Timotheum: *Manus citò nemini impositurus. 1. Tim. 5. 22.* Vel ad reconciliandos peccatores, aut hæreticos revertentes ad Ecclesiam. Emin. Cardin. de Lauræa de *Sacram. Confr. disp. 2. num. 113.* At per antonomasiam *Impositio manuum* significat Sacramentum Confirmationis, per quod nunc datur invisibiliter Spiritus Sanctus, qui tempore Apostolorum per eorum manuum impositionem dabatur visibiliter; & dicitur *Confirmatio* ab effectu, quia confirmat baptizatum ad confitendum cum constantia fidem Christi. *Pax Jordan. lib. 3. tit. 2. num. 1.* Gobat in *Experim. Theolog. tract. 2. num. 742.* Layman *lib. 5. tract. 3. cap. 1.* Mastrius in *4. Sent. disp. 2. num. 200.* Et in *Theol. Morali disp. 17. num. 62.* atque Eminentiss. Cardinalis de Lauræa pariter in *4. Sent. tom. 3. de Sacram. Confrmat. disp. 1. num. 2. & 3.* ubi advertit, primis omnium, qui negarunt hoc Sacramentum, fuisse Donatistas, teste Sallèle *tom. 2. reg. 234.* deinde Messalinos, Albigenes, & Valdenses, tandem Lutherum, & Calvinum cum suis sequacibus.

Constat autem, Sacramentum Confirmationis esse in Ecclesia. *cap. Omnes. cap. Spiritus. cap. De his verb. cap. Manus. De Consecr. dist. 5. Cap. Multi secularium. 26. q. 1. Cap. Unico. §. Per frontis. De Sacra Unct. & cap. Quoniam de Sent. Excom. in 6.* Et præter alia Concilia, quæ citantur per eundem Eminentiss. de Lauræa ubi *supra num. 6.* est Conc. Trid. *sess. 7. De Confirm. can. 1. & de Sacram. can. 1.* Et licet non appareat explicitè in Scriptura Canonica de ejus institutione, adeo ut, tempore Alexandri de Ales, qui floruit Parisiis circa annum 1240. nonnulli opinarentur, hoc Sacramentum fuisse institutum sub Melchiade Papa, qui vixit circa annum 314. quæ opinio est hæretica, cum in Trid. Conc. definitum sit de fide, omnia Sacramenta esse instituta à Christo Domino, ut in *sess. 7. de Sacram.* Ecclesia enim Catholica non sola Scriptura utitur, sed etiam traditionibus juxta Apostoli præceptum *2. Thessalon. Tenete traditiones, quas accepistis sive per Sermonem, sive per Epistolam.* Et habetur in *cap. Catholica. & cap. Ecclesiarum. dist. 11.* Ideo indubitabile est, & de fide à Christo Domino Sacramentum hoc Confirmationis fuisse institutum; quanvis Ecclesia sub disputatione reliquerit, quo loco, & quo tempore fuerit ab eodem Christo institutum; cum enim plures sint Theologorum opiniones circa locum, & tempus hujus institutionis, de quibus Gonet *d. tom. 5. disp. 6. §. 3. num. 16. & 17. & Mastrius in 4. Sent. disp. 2. num. 217. & in Theol. Moral. disp. 17 num. 64.* Eminentiss. Card. de Lauræa *d. tom. 3. de Sacram. Confirm. disp. 1. num. 49.* Tamen verior, & communior opinio est, quòd in nocte Cænæ fuerit à Christo Domino hoc Sacramentum Confirmationis institutum, quod novissimè docet etiam Tiranus in Controversiis fidei post Commentaria Scripturæ Sacræ *Controv. XX. num. 1.* ubi sicut: *Institutio, & mandatum Christi (hujus Sacramenti) reversimiliter in ultima cœna, ut habet*

traditio, à posteriori colligitur ex ipso facto Apostolorum: numquam enim Apostoli tam confiderenter, & ordinariè usi fuissent tali caeremonia in ordine ad talem effectum, nisi Christus id ipsi præcepisset. Nam non ignorabant, non esse hominum instituire caeremonias, ad quas consequeretur infallibiliter gratia Spiritus Sancti, quod etiam Kemnitius, & Calvinus admittunt. Hinc promanavit consuetudo, Sacrum Chrisma faciendi in die Cænæ Domini, quæ quidem semper in Ecclesia servata est, & adhuc servatur; ita tamen ut licet ea nocte Christus Dominus hoc Sacramentum instituerit, & Apostolos conficere docuerit, nulli eorum tunc temporis dederit potestatem illud conferendi, quia nondum Apostoli erant constituti Episcopi; sed post Resurrectionem suam, cum dedit eis plenariam potestatem ordinis Sacerdotalis, & Episcopalis. Hinc est, quòd Salvator Apostolis post Resurrectionem suam ait: *Euntes in mundum universum docete omnes gentes &c. Docentes eos servare omnia, quæcunque mandavi vobis.* Matth. ult. Ergo jam statuerat, quæ erant Ecclesiæ necessaria, & executioni mandanda per Apostolos; alioquin non potuissent Apostoli informare, & docere alios numerum Sacramentorum. Quòd autem in specie docuerit, eos Christum conficere Chrisma, ex traditione eorundem SS. Apostolorum dicitur Ecclesia, testante S. Fabiano Papa *epist. 2. cap. 1.* ubi ad Orientales Episcopos ita scribit: *In illa die Dominus Jesus, postquam cœnavit cum discipulis suis, & lavit eorum pedes, sicut à Sanctis Apostolis prædecessores nostri acceperunt, nobisque reliquerunt, Chrisma conficere docuit.* Et deinde subdit: *Ipsius Sancti Chrismatis confectio per singulos annos est agenda, & de anno in annum renovanda, & fidelibus tradenda; quia novum Sacramentum est per singulos annos dicto die renovandum. Ista à Sanctis Apostolis, & eorum Successoribus acceptimus, & vobis tenendum mandamus.*

Habentur etiam hæc in *cap. Litteris Vestris*. De consec. dist. 3. Ita pluribus citatis, & objectionibus solutis firmat Eminentiſſ. Cardin. de Lauræa d. disp. 1. de Sacram. Confirmat. art. 3. per totum.

- Quibus ita præmissis respondentēs Quæſito, inter diversas definitiones, ex Doctōribus selectas duas hic referam: Unam pro Theologis moralibus, & est Bonacina de Sacramen. disp. 3. q. 9. Unic. prop. 1. num. 1. Videlicet: *Confirmatio est Sacramentum, quo homo viator baptizatus inungitur in fronte ab Episcopo cum Chrismate, & præscripta verborum forma ad fidei robur consequendum*. Alteram pro Theologis Scholasticis, ex Scoto in 4. Sent. dist. 7. q. 1. quam explicat Eminen. Card. de Lauræa d. disp. 1. art. 3. & est hujusmodi. *Sacramentum Confirmationis est Unctio hominis Viatoris aliquantulum consentientis, vel libero arbitrio nunquam usq. facta in fronte figura Crucis, cum Chrismate sanctificato; & hoc à ministro idoneo simul cum intentione debita urgente; & verba certa proferente; significans efficaciter ex institutione divina unctionem animæ per gratiam roborantem ad consistendum cum constantia fidei Christi*. In hac habetur genus: Nam plures Unctiones sunt in Ecclesia cum oleo Sacro. 1. Unguntur Pontifices, dum consecrantur, in capite & manibus cum Chrismate. 2. Imperatores, & Reges cum oleo Catechumenorum in brachio, & in humero. Reginae verò in humero tantum, nisi sint Domine Regni. 3. Sacerdotes eodem oleo Catechumenorum in manibus, dum ordinantur. 4. Pueri baptizandi cum eodem oleo in pectore, & scapulis; & cum Chrismate in vertice statim post baptismum. 5. Altaria, & Ecclesiæ oleo Catechumenorum, & Chrismate. 6. Infirmi oleo infirmorum. 7. Confirmandi Chrismate Sacro. 8. Calices, & patenæ Sacro Chrismate. 9. Campanæ oleo infirmorum, & Chrismate Sacro. Et 10. Agnus Dei eodem Chrismate Sacro. cap. Unic.

de Sacra Unct. Barbosa de Episc. alleg. 31. à num. 6. Jordan. lib. 5. tit. 1. & tit. 6. Castald. in Praxi Cærimon. lib. 2. sect. 12. 13. & 15. Magrius in Hierolexic. Verb. Agnus Dei, & Verb. Chrisma. Habentur etiam in hac definitione differentia, & causæ omnes, efficiens, materialis, formalis, instrumentalis, & finalis; quas explicare superfluum est, & possunt videri apud Scotistas; Uno tantum notato, quòd *h. Hominis Viatoris addendum foret, baptizati*, quia qui non est baptizatus ungi non potest hoc Sacramento. cap. Omnes. de consec. dist. 5. Gonet. d. tom. 5. disp. 6. num. 54.

DECISIO LIV.

ARGUMENTUM.

Tam de Sacramenti Confirmationis materia remota, quàm de proxima plenè, ac doctè differit prælens Decisio: & circa utramque materiam plura Dubia, scitu unicuique Ecclesiastico necessaria, proponit, pro utraque opinione examinat, & resolvit.

SUMMARIUM.

1. Materia remota Sacramenti Confirmationis quanam sit?
2. Aromata, quæ à Græcis ponuntur in Chrismate cum vino.
3. Balsamum ubi nascitur?
4. Apostoli an uterentur Chrismate in Sacramento Confirmationis?
5. Oleum nucum, piscium, & aliarum rerum an possit esse ejus materia?
6. Balsamum an de essentia Sacramenti ponendum in Oleo Chrismatis?
7. Declaratio cap. 1. De Sacram. non iterum.
8. Benedictio Episcopalis an sit de essentia Chrismatis?

- 9 *Aqua non benedicta cur fit materia acta baptisimi?*
 10 *Chrismatis consecratio an fit delegabilis simplici Presbytero. & num. 11.*
 12 *Chrisma quod fit benedictum eo anno, an fit de essentia Sacramenti?*
 13 *Unctio est materia proxima Sacramenti Confirmationis, sed in fronte, & cum signo Crucis.*

IN primis autem, post traditam definitionem, declarare oportet, *Quæ sit Materia Sacramenti Confirmationis?* Circa quam dicendum est, duplicem esse Materiam, scilicet Remotam, & Proximam, & idè de utraque separatim respondendum. Itaque ex omnium Catholicorum consensu Materia remota Sacramenti Confirmationis est oleum olivarum mixtum balsamo, ab Episcopo eo anno benedictum. *cap. Unico. De Sacra Unct. & ex Decret. Eugenii IV. in Concil. Florent.* quæ quidem aptissime denotat effectus huius Sacramenti, tum quia repræsentat dignitatem Sacerdotalem, & Regalem, tum quia sicut oleum nitorem habet, & supereminet cæteris liquidis, atque fovet incendium, ita denotat mundiciam Confirmati, & ejus charitatem superabundantem erga Deum, & erga proximum. Balsamum verò est odoriferum, & ex eo significatur bonus odor fidei nostræ, & bona fama hominis Christiani juxta illud: *Christi bonus odor sumus. 2. Cor. 2. 15. Casalius de Vet. Sac. Chrif. ritib. cap. 23. pag. 110. Gonet. d. tom. 5. disp. 6. num. 21. Mastrius in Theol. Mor. d. disp. 17. num. 67. Magrius in Hierolex. d. Verb. Chrifma, ubi notat, quod Græci præter oleum, & balsamum commiscunt triginta tres species aromaticum ad denotandam dictam bonam famam. Gonet. tamen d. tom. 5. disp. 6. num. 38. ait, duodecim tantum alia*
 2 *Aromata à Græcis immisceri. Eecum Emin. Card. de Lugo Resp. Moral. lib. 1. dub. 8. Gobat d. tract. 2. num. 744.*

subdit, etiam Vinum commisceri ab iisdem Græcis, & fieri ex Vino, Oleo, Balsamo, & ex Aromatibus ita simul coctis Massam non liquidam, sed mollem, qua frontes Confirmatorum unguuntur. Balsamum verò, cujuscumque regionis existat, licet unum ab altero longè distet in bonitate, sufficere ait Jordan. *d. lib. 3. tit. 2. num. 31. & 32.* Balsamum olim erat rarissimum in Judæa ex Plinio *lib. 3. c. 25.* itaut in hortis Regiis tantummodò oriretur; & Regiam Sabam, inter alia munera, Salomoni detulisse plantam Balsami refert Josephus *antiq. Jud. lib. 8. cap. 2.* Ubi ait: *Λιγυρίδ' ὄντι ἀγὶ τῶν ὀροβακιδμῶν μὲν τὸ ἰσὶν τοῖς ἡγῶνι ἡ χείρα οἰκῶν δὲ τοῖς ταύτης τῆς χυρακίδος ἰχθυῶν:* idest, Ajunt etiam, quod Balsami Plantam, cujus hodie ferax est nostra Regio, illius Regine munificentia ferre acceptam oporteat. At deinde regionem illam factam esse balsami feracem; notavit etiam Sanctus Hieronymus in *Quest. Hebraicis, & ad cap. 27. Ezechielis.* Strabo *lib. 17.* & alii, quos allegat Sherlogus in *Cant. tom. 2. Vestig. 15. sect. 1. & Gonet. d. disp. 6. num. 41.* sed feraciorum Ægyptum, & totam Arabiam ait Maslinus in *Schol. Chrif. cap. 7. pag. 57.* nunc autem esse feracissimam Americam, ex qua balsamum in varias regiones asportatur, quod licet à Judaico differat colore, est tamen verum balsamum, quia in fragrantia boni odoris, & aliis proprietatibus æquivalere Syriaco, & ex illo valide conficitur Chrisma, ex declaratione Pauli III. & Pii IV. eum differat, ut vinum rubrum à vino albo; quo utro celebramus, restatur idem Gonet. *d. n. 41.*

Porrò circa hanc remotam materiam Confirmationis, seu sequentia dubia, à diversis nostri cleri diversè tacta, & non uniffonè resoluta, tangenda, & resolvenda uniffonè duxi.

Primum Dubium. *Apostoli in colatione hujus Sacramenti non utebantur Chrismate, aut alia materia; sed tantummodò manus imponebant. Ergo Chrisma non est materia Sacramenti*

menti Confirmationis. Antecedens probatur ex *Act. Apostolor.* ibi. *Tunc imponebant munus super illos, & accipiebant Spiritum Sanctum.* cap. 8. 17. & ibi: *Et cum imposuisset illis manus Paulus, venit Spiritus Sanctus super eos.* cap. 19. 6. Consequens est certum, quia sine materia à Christo instituta non fit Sacramentum. Respondetur dupliciter. *Primò* scilicet ex *Belarm. VValdens. Hugone, & aliis; Apostolos*, cum impositione manuum etiam adhibuisse unctionem Chrismatis, licet de ea Scriptura non loquatur; siquidem, ut suprà dictum est, id constat ex traditione, quam habuit S. Clemens coadjutor S. Petri, & fuit Papa post S. Cletum: ipse enim ab eodem Beatissimo Apostolorum Principe scivit, quid fecerint Apostoli, ac idem S. Petrus, dum Confirmationis Sacramentum ministrabant, & post S. Clementem, didicere alii Pontifices, & tota Ecclesia, quæ semper Chrismatis unctionem in hoc Sacramento adhibuit usque ad tempora S. Fabiani Papæ, qui circa annum 240. vixit, & de hoc scripsit in sua Epistola 2. ad Orientales Episcopos. *Secundò* responderetur, SS. Apostolos ex speciali privilegio sibi à Christo Domino elargito, contulisse Spiritum Sanctum iis, quos baptizabant dupliciter; uno modo *Miraculosè*, impetrantes descensum Spiritus Sancti in visibili forma per solam manuum impositionem; altero modo *Sacramentaliter*; quando, cessantibus signis illis miraculosis, & forma visibili in principio Ecclesiæ necessaria ad invehendam fidem, ministrabant Sacramentum hoc Confirmationis cum unctione Sacri Chrismatis, juxta præscriptum sibi à Christo Domino datum; & sic primo modo non erat Sacramentum, sed vis, & effectus Sacramenti; secundo autem modo eadem vis, & effectus impertiebatur fidelibus mediante Sacramento. Ita ex S. Thom. in 3. p. q. 72. art. 2. ad primum, & ex Scoto in 4. Sent. d. 7. q. 1. Maius in Theol. Moral. d. disp. 17. num. 68. & in eod. 4. Sent. disp. 2. num. 219. 220. &

221. lucidiùs autem, & apertiùs Emin. Cardin. de Lauræa de *Sacram. Conf.* d. disp. 1. art. 7. per totum.

Secundum Dubium. An oleum, ex quo unà cum balsamo conficitur Chrisma, possit esse oleum Nucum, Piscium, Amygdalarum, Lini, Rosarum, vel similitum rerum? Respondetur Negativè, quia licet hæc olea habeant vim ungendi; nihilominus appellatione olei venit oleum olivarum, quod maximè habetur in usu hominum; sicut appellatione aquæ, panis, & vini pro Sacramentis Baptismi, & Eucharistiæ, intelligitur aqua naturalis, panis triticus, & vinum vitigenum, quia talium est usus communis; præterquam quod oleum olivarum habet specialem proprietatem significandi effectum huius Sacramenti; nam ipsa oliva semper frondibus virens, virorem, & misericordiam Spiritus Sancti, significat, ut præconsiderat S. Doct. d. q. 72. art. 2. ad 3. Gonet d. tom. 5. disp. 6. num. 30. & Bissus in *Hierurgia Lit. M.* sub num. 107. § 17.

Tertium Dubium. An admixtio Balsami cum oleo olivarum sit de necessitate, & essentia materiæ Sacramenti Confirmationis; an tantummodo de præcepto? Circa hoc dubium Diana part. 3. tract. 4. resol. 23. reposta in Coordinato tom. 1. tract. 2. resol. 1. refert plurimos DD. pro utraque opinione. Primi autumant, admixtionem Balsami non esse de essentia, sed tantum de præcepto. Horum rationes sunt. 1. Quia Eugenius Quartus in suo Decreto Concil. Floren. dixit, ita debere aquam vino admisceri in Sacramento Eucharistiæ, sicut Balsamum oleo in Confirmatione: Sed aqua in Eucharistiæ non est de essentia, sed de præcepto. 2. Materia Sacramenti debet esse clara, & certa; sed tale non est Balsamum, quod proveniens è longinquis regionibus adulterari à mercatoribus potest, & solet. 3. Materia Sacramentorum debet esse communis, & facilis ad reperendum; tale autem non est Balsamum, quod est pretiosum, & in primi-

primitiva Ecclesia ob paupertatem Cleri vix poterat comparari. 4. Quia Innocentius III. in cap. 1. de Sacramentis non iterari. interrogatus, an Confirmationis Sacramentum deberet iterari in Subdiacono, qui per errorem fuit non Chrismate, sed Oleo delinitus? Respondit non esse iterandum; sed cautè supplendum, quod incautè fuerat præmissum. Ergo Balsamum non est deessentia.

Alii DD. auctoritate, scientia, & numero non minores docent, Balsamum esse de essentia Sacramenti; quod probatur. I. Ex d. Concil. Florentino in Decretis post ult. sess. Ubi, dum assignat hujus Sacramenti materiam, dicit, esse *Oleum Balsamo mixtum*. II. Ex epistol. 2. S. Fabiani ad Orientales Episcopos; firmans Apostolos docuisse conficere *Chrisma*, quo utimur in confirmatione. Sed appellatione *Chrisma* tota Ecclesia semper intellexit Balsamum mixtum cum Oleo, ut testantur SS. Patres, Leo I. epist. 86. Dionysius de Eccl. Hier. cap. 4. Cyril. Jerosolim. Catb. 3. August. lib. contr. epist. Pitilian. c. 104. Cyprian. in Serm. de S. Unct. & S. Gregor. Magnus, qui in Cant. cap. 1. ait: *In Engaddi Balsamum gignitur, quod cum Oleo, Pontificali benedictione, Chrisma conficitur*. Et passim alii. III. Ex cap. Unico. De Sacra Unctione. ubi Innoc. III. ait, *Cum Chrismate, quod ex oleo, & balsamo conficitur*. IV. Quia sic docuerunt S. Thom. d. p. 3. q. 72. art. 2. Scotus in 4. Sent. d. d. 7. q. 1. & S. Bonav. ibid. dist. 7. p. 1. q. 2. V. Ex Mystica ratione, nam Balsamum significat Sanguinem Christi. 1. Quia sicut ungulis ferreis percutitur cortex arbutusculi, ut per illas scissuras magis fluat Balsamum, sic vulneratum fuit Corpus Sacratissimum Redemptoris ferreis clavis, & flagellis, ex quibus emanabat pretiosus sanguis. 2. Quia Balsamum est ponderosum; sic passio Christi præponderat tribulationibus nostris. 3. Quia cortex Balsami inciditur, non medulla. Sic passa est Christi huma-

nitas, non autem Divinitas. 4. Quia balsamum est odoriferum; sic Sacrificium Crucis cum effusione Sanguinis acceptum fuit Patri in odorem suavitatis. 5. Quia Balsamum est magni pretii; sic Sanguis Christi infiniti valoris; ideo dixit Apostolus: *Christus tradidit semetipsum pro nobis oblationem, & hostiam Deo in odorem suavitatis*. Ephef. 5. 2. Et Apostolorum Princeps: *Non corruptibilibus aureo, vel argento redempti estis &c. Sed pretioso Sanguine quasi Agni immaculati Christi*. 1. Petr. 1. 19. Quas mysticas rationes, & alias perpendit Joan. à S. Geminiano in Summ. lib. 3. cap. 69. Quare est omnino tenendum; Balsami mixtionem cum Oleo esse de essentia Materie hujus Sacramenti; prout tenent Theologi Scholastici, Gonetus d. tom. 5. disp. 6. num. 32. Maltrius in 4. Sent. d. disp. 2. n. 22 3. & 224. ubi addit auctoritatem Concilii Trid. sess. 7. can. 2. de Confirmatione. In sua Theol. Morali d. disp. 17. num. 69. Et novissimè præter alios citatos à Diana pro hac opinione, tanquam vera, & omnino tenenda, ubi supra Eminentiss. Cardin. de Lauræa d. disp. 1. art. 8. per totum; ubi ex more suo exactè, doctè, ac subtiliter respondet motivis contrariis, quæ nihil obstant. Non primum, quia Concil. Florent. quando exposuit absolutam materiam Sacramenti Eucharistiæ, ait esse panem, & vinum; & Confirmationis esse Chrisma ex oleo, & Balsamo confectum. Quæ expositione facta, declarando postea mysterium aquæ de præcepto in vinum ponendæ, addidit eandem aquam debere misceri cum vino; unde non sic comparativè loquitur de aqua, & balsamo, ut legentibus apparet. Non secundum, quia satis certum, & cognoscibile est balsamum, etsi aliud magis, aliud minus perfectum esse possit, ut de Syriaco, & de Indico advertunt omnes. Non Tertium, quia ubique Balsamum deferitur, cum navigatio faciat toti orbi res communes, & in principio Ecclesiæ tantis abundabat

dabat Clerus eleemosynis, ut ei difficile haud foret, Balsamum emere, præcipue quia modica quantitas sufficit in magna olei quantitate ex omnium Canonistarum, & Theologorum placito, ac Ecclesiæ usu. Jordan. d. lib. 3. tit. 2. num. 32. Et Eminentiss. Cardin. de Lauræa d. disp. 1. num. 88.

Non Quartum de responsione Innoc. III. in d. cap. 1. De Sacram. non iterand. in quem textum impingunt Moralistæ, unus post alium, & abeius intelligentia aberrantes, supponunt Summum illum Pontificem asseruisse validam Confirmationem cum solo Oleo. Sed talis non fuit responsio illius præclari Pontificis, qui jam antea dixerat in cap. Unico. De Sacra Unct. one: *Consecratur Chrisma ex Oleo, & Balsamo*

7 *mysica ratione &c.* Igitur incit. cap. 1. De Sacramentis non iterand. fuerat interrogatus Papa, an esset iterum ordinandus Subdiaconus, qui ordinem susceperat sacrum *sine inpositione manuum*; idest absque præcedenti valida Confirmatione, quia tantum oleo absque chrismate fuerat delinitus. Et respondit Innocentius III. non esse iterandam ordinationem Subdiaconatus, susceptam ab illo non confirmato. Sed cautè supplendum, quod incautè fuerat prætermisum: idest iterum esse confirmandum prædictum Subdiaconum cum Sacro Chrismate, quia delinitus solo oleo non erat confirmatus, ob nullitatem Sacramenti ex defectu Materie, de cuius essentia est, præter oleum, etiam Balsamum. Ita Interpretatur, & respondendum d. textui sapienter docet, tum Theologia Sacra, tum Sacrorum Canonum intelligentia Sapientissimus, ac Eminentiss. Cardin. de Lauræa d. disp. 1. de Sacram. Confir. num. 89. Quapropter textus ille confirmat, Balsami mixturem esse de essentia materie hujus Sacramenti.

Quartum Dubium. *An sit de necessitate Sacramenti, ut Chrisma sit benedictum ab Episcopo?* Et affirmative d. 3. respondendum cum S. Thoma d. p. 3.

q. 72. art. 3. & Scoto in 4. Sent. d. 7. q. 1. Quod probatur. I. Ex Conc. Florentino expressè dicente, materiam hujus Sacramenti esse *Chrisma ab Episcopo benedictum*; in aliis autem materiis cæterorum Sacramentorum non adiunxit, ly *benedictus*, quamvis ex præcepto Ecclesiæ benedicantur. II. Quia SS. Patres vocant *Chrisma Sanctum, Sacrum, Sacrosanctum*; ut legitur in Concil. Trident. sess. 7. de Confirm. can. 2. & in cap. Unic. de Sacra Unct. & in Concil. Bracaren. 2. cap. 51. At tale non esset, si Balsamum ab Aromatario misceretur oleo. III. Quia Ecclesia jubet custodiri Chrisma sub clavibus cum veneratione, prout fit de SS. Eucharistia. cap. Unico. De Custod. Euch. IV. Quia in cit. Epist. S. Fabiani Papæ ad Episc. Orient. habetur expressè, in nocte Cænæ Christum docuisse Apostolos *consecrare Chrisma*. Ergo de necessitate per sacram actionem Episcoporum, qui successores Apostolorum sunt, est faciendum, nam Christus Dominus non docuerit actionem profanam, sed sacram. V. Consecratio Chriftmatis est quid pertinens ad ordinem Episcopalem; itaut Episcopus privari non possit, ne valide consecrat. Concil. Rom. 1. sub S. Sylvestro cap. 5. Concil. Carthag. 2. cap. 3. & Carthag. 3. cap. 36. & Tolentan. 1. cap. 20. Emin. Card. de Lauræa de Sacram. Ord. disp. 7. num. 103.

Neque subsistunt argumenta Paludani, & aliorum contrarium opinantium, videlicet, quod benedictio Chriftmatis sit quid Sacramentale ab Ecclesia institutum, sicut benedictio Aquæ baptismalis, & tamen valet Baptismus licet Aqua non sit benedicta; ac eo magis quia non constat à Christo fuisse assignatam formulam benedicensi, seu consecrandi Chriftmatis. Ergo etiam Chrisma non benedictum, potest esse materia valida (etli non licita) Sacramenti Confirmationis. Respondetur enim validum esse Baptismum etiam cum Aqua non benedicta; quia Christus contactu suæ carnis mundissimæ omnem . Aquam

Aquam consecravit in usum Baptismi; non sic autem materiam Confirmationis, quam ab Apostolis, & eorum Successoribus Episcopus reliquit consecrandam; & quamvis Christus ipse non determinaverit formam consecrationis Chrismatis, illam reliquit determinandam Ecclesiae; prout est ab Ecclesia jam determinata, ut in Pontificali Romano in *Offic. Fer. V. Coenae Domini*. Etsi dicta forma non sit quoad Verba, & Orationes essentialis, cum de essentia tantum sit Episcopalis consecratio, de Praecepto autem sit observantia ejusdem praescriptae formae consecrandi. Eminentiss. Card. de Lauræa de *Sacram. Confirm. disp. 1. art. 10. per totum*. ubi latè, & doctè de hac forma.

10 Quintum Dubium. *An Summus Pontifex sicut potest committere simplici Sacerdoti hujus Sacramenti administrationem, sic delegare valeat Consecrationem Chrismatis simplici Sacerdoti?* Quod possit Papa delegare administrationem Sacramenti Confirmationis simplici Presbytero tenent innumeri DD. quos numerat Barbosa ad Concil. Trid. sess. 7. de *Sacram. Confirm. ad Can. 3.* & alii novissimi citati à Pignatello tom. 10. *Consult. 117. num. 57. & Consult. 155. num. 2.* quas omisit referre Abbas Pascucius ejus compendiat. Sed utrùm Papa possit etiam simplici Sacerdoti delegare consecrationem Chrismatis? In hoc dubio nonnulli tenent, quod non possit. Nam magna est disparitas inter consecrationem Chrismatis, & administrationem; hæc enim potest delegari à Papa simplici Sacerdoti ex causa necessitatis, & in defectum Episcoporum, quæ necessitas non versatur circa materiam, quæ post Consecrationem Episcopalem potest deferri ubique. Præterea producere materiam videtur quid excellentius, quàm compositum, quia materia non est producibilis nisi per creationem: & ideo in hoc Sacramento reservanda fuit materiae productio, & consecratio solis magnis Ecclesiae Principibus,

idest Episcopis; & est, quod Sacramentum sit quid majus; non est semper verum, licere etiam minus illi, cui, quod est majus, licet; nam homo potest generare hominem, sed non formicam; simplex Sacerdos potest conficere Corpus, & Sanguinem Domini, sed non consecrare Altaria. Ita Gonet d. tom. 5. *disp. 6. §. 5. num. 47.* qui tenet non esse delegabilem consecrationem Chrismatis simplici Sacerdoti. Tanto minus, quia in consecratione hujusmodi assistunt duodecim Sacerdotes in memoriam duodecim Apostolorum; item septem Diaconi in symbolum septem Diaconorum, quos Apostoli statuerant, & septem Subdiaconi tanquam consocii. Rupert. de *Divin. offic. lib. 5. cap. 8.* & inter Græcos solus Patriarcha consecrat Chisma. Magrius in *Hierolexic. d. Verb. Chisma col. 2.* Quare pro negativa stant Coninch de *Sacram. disp. 72. art. 3. dub. 1. concl. 4.* Busembaum lib. 6. *cap. 2. dub. 1. Castropal. p. 4. tract. 20. punct. 2. num. 7.* Caramuel. in *Theolog. Moral. num. 3066.* & alii apud Barbof. alleg. 30. num. 6.

Nihilominus affirmativam tenent ferè omnes Scholastici, & præcipue Scotisæ ex ea ratione, quia sicut 11 Papa potest delegare simplici Sacerdoti administrationem Sacramenti Confirmationis, ita etiam consecrationem materiae; & quamvis de jure Divino pro utraque functione Minister sit Episcopus, intelligendum, ajunt, de Ministro Ordinario; sed de extraordinario delegato per Papam, cui Deus dedit hanc potestatem; adeòt possit in casu necessitatis delegare illam simplici Sacerdoti, quæ necessitas facilius potest oriri circa consecrationem Chrismatis, quàm circa administrationem, quia Chisma debet esse unius anni, & si mittatur in longinquum locum, inutile evadet, ac invalidum; quod de Ministro non potest contingere, semper enim est aptus, & validus. Imò Presbyter ex speciali delegatione confir-

maturus nunquam esset certus de materia, an scilicet Chrisma esset verè consecratum; & illicitum est adhibere materiam dubiam in Sacramentis; quæ dubietas cessaret, si simplex Sacerdos ex speciali commissione Papæ posset illud consecrare; quibus, & aliis rationibus huic affirmativæ opinioni adhærent Mastrius in *Theolog. Moral. d. disp. 17. num. 7. & in 2. Sent. disp. 2. à num. 228. usque ad num. 232. Gobat d. tract. 2. num. 745. & Eminentiſs. Cardin. de Lauræa d. Sacram. Confirm. disp. 2. art. 3. per totum. Verum est tamen, quòd nullibi reperitur, hanc delegationem fuisse factam, sed pluries simplices Sacerdotes, qui munus consecrandi Chrisma sibi usurpaverant, fuisse prohibitos, ut in cap. *Presbyteros. dist. 95. & cap. Manus. de Consecr. dist. 5.**

12 Sextum tandem Dubium est, *An sit de necessitate Sacramenti, quòd Chrisma sit recens, & consecratum eo anno?* Et respondetur Negative: quia est tantum de necessitate Præcepti; & ideò si Episcopus confirmaret fideles cum Chrismate vetusto, peccaret; sed validè confirmaret; numquam enim Ecclesia declaravit invalidum Sacramentum ob vetustatem Chrismatis, etsi frequenter præceperit, & modò præcipiat, singulis annis esse vetus comburendum, & novum consecrandum feria Quinta Coenæ Domini. cap. *Quoniam*, ubi Glossa magna, *De Sent. Excom. in 6. Jordan. d. lib. 3. tit. 2. num. 36. & 37. & plurib. Conciliis citatis* probat Eminentiſs. Card. de Lauræa d. disp. 1. de *Sacram. Conf. à n. 125. & seqq.* Et hæc de Materia remota hujus Sacramenti Confirmationis.

13 Quò verò ad Materiam proximam, *Eam esse, omnes dicunt, Unditionem, quæ cum Chrismate fit ab Episcopo in fronte homini baptizato in forma Crucis.* Sic enim ipsa determinatur in cap. *Unct. de Sacr. Unct. in cap. Pervenit. dist. 95. in Concil. Florentin. Eugen. IV.* Et docent unanimiter S. Thom. 3. p. q. 72. art. 3. & 4. S. Bonaventura in 4.

d. 7. par. 1. q. 2. & Scotus ibi q. 1. sub B. Mastrius d. 4. *Sent. d. disp. 2. num. 233. & 234. Gobat d. tract. 2. num. 746. Gonet d. disp. 6. tom. 5. num. 48. Layman lib. 5. tract. 2. cap. 3. num. 4. Et Eminentiſs. Card. de Lauræa d. disp. 1. de Sacr. Confirm. art. 12. per totum.* Neque obstat, quòd etiam alia Sacramenta debeant perfici cum signo Crucis. cap. *Nunquid, de Consecr. dist. 5. & tamen si Crucis signum omittatur, valida est applicatio materiæ proximæ; ut si quis baptizet, effundendo aquam non in modum Crucis, vel si quis ungat infirmum Oleo Sancto, sed signa Crucis non faciat.* Nam in hoc Sacramento Confirmationis signum Crucis exprimitur per Verba formæ, & ideò Unctio in fronte cum signo Crucis est materia proxima necessaria ad validitatem; in cæteris autem Sacramentis Verba formæ non expriment signum Crucis, & ideò signa Crucis sunt quidem de præcepto, sed non de essentia Sacramentorum. Emin. Card. de Lauræa d. disp. 1. num. 162.

DECISIO LV.

ARGUMENTUM.

Traditur Forma Sacramenti Confirmationis. Inquiritur an illius Verba sint omnia essentialia ad validitatem Sacramenti? Et quomodo sustineri possit forma brevis, qua Græci utuntur?

SUMMARIUM.

- 1 Forma Sacramenti Confirmationis quænam sit?
- 2 Ejusdem formæ Verba an omnia sint de Essentia?
- 3 Chrismus non determinavit in specie formam Sacramenti Confirmationis, & Ordinis.

Expli-

Explicata utraque materia tam remota, quam proxima, sequitur declarandum: Quæ sit forma Sacramenti Confirmationis, circa quam omnes dicunt, hanc esse formam: *Signo te signo Crucis, & confirmo te Chrismate salutis. In nomine Patris, & Filii, & Spiritus Sancti. Amen.* Habetur in Pontificali Romano; & eam refert S. Thom. d. p. 3. q. 72. art. 4. Scotus in 4. Sent. d. 7. q. 1. B. Layman d. lib. 5. tract. 2. cap. 4. num. 1. Diana part. 3. tract. 4. ref. 27. Quæ thalamum conduxit in Coordinato tom. 1. tract. 2. ref. 3. Volpi Verb. Confirmatio, resol. 35. num. 14. Mastrius in 4. Sent. d. disp. 2. à num. 235. & seqq. Gonet d. tom. 5. disp. 6. num. 49. Et Eminentiss. Card. de Lauræa de Sacram. Conf. d. disp. 1. art. 13. per totum. Porro insignis est controversia inter Scholasticos Theologos, an omnia Verba dictæ formæ sint ita necessaria, & essentialia, ut omissio, vel mutatio eorum destruat validitatem Sacramenti? In qua tres opiniones reperi. *Unam*, quod sint omnia essentialia, ita ut si unum omitatur, vel mutetur, Sacramentum sit invalidum. *Alteram*, quod essentialia sint tantum illa, quæ demonstrant vel *Robur*, quod in Confirmatione confertur: vel *Causam*, à qua confertur, vel *Cingulum*, quo novus Christi miles armatur. Primum demonstratur ly *Confirmo te Chrismate salutis*. Secundum per expressionem SS. Trinitatis, ly *In nomine Patris, & Filii, & Spiritus Sancti*. Tertium ly *Signo te Signo Crucis*. Opinionem *Tertiam*: Possit hoc Sacramentum validè (quamvis non licitè) ministrari: etiam sub aliis formis demonstrantibus dicta tria, nam Ecclesia Græca utitur hac forma *Χρῆμα διπλῶν ἁγίων ὁρίων*, idest, *Signaculum doni Spiritus Sancti*, supple est *Isud*, quæ habetur ex Cardin. Bessarione tom. 6. Biblioth. Sacr. fol. 482. & eam refert Vericell. de Mission. Apostol. tit. 11. sect. 2. Mastrius in 4. Sent. d. disp. 2. num. 237. ubi testatur, eam approbatam tum à Clemente VIII.

in Bulla unionis inter Græcos, & Latinos, tum à S. Congregatione sub Urbano VIII. in examine *Euchologii Græci*: & Gonet d. tom. 5. disp. 6. num. 63. ubi relatis diversis formis hujus Sacramenti, subdit rationem, videlicet, Christum non determinasse formam Sacramenti Confirmationis quod ad speciem, sed solum quod ad genus; ac reliquisse potestati Ecclesiæ determinare Verba; undè orta est diversitas formarum; sicut in Sacramento Ordinis Christus non determinavit materiam in specie, sed solum in genere; & voluit ordinem conferri per aliquod signum sensibile significativum potestatis, quæ traditur; sed non designavit in particulari tale signum: undè Sacerdotes in Ecclesia Latina initiantur per contactum Calicis, & Patenæ; at in Ecclesia Græca per manuum impositionem super Caput ordinandi confertur Sacerdotium. Huic opinioni adhæret Jordan. d. lib. 3. tit. 2. num. 40. Sed omnino dissentit ab ea Eminentiss. Cardin. de Lauræa, qui primam tuetur opinionem in cit. disp. 1. art. 13. §. 2. per totum. Et Cotton. lib. 2. Controv. 3. cap. 1. à num. 11. & seqq. ubi plura circa utramque formam Ecclesiæ Latinæ, & Græcæ, ad quos præclaros duos Theologos nostri temporis studiosos remitto. Magna, & difficilis est hæc Quæstio, An omnia verba formæ, in Concilio Florentino sub Eugenio IV. traditæ sint de essentia Sacramenti Confirmationis? Affirmant enim ferè omnes DD. latini, ut videre est apud Salmanticenses de Sacrament. tract. 3. cap. 2. punct. 3. & apud Bissum in Hierurgia Sacra. Verb. forma Sacrament. num. 134. à §. 24. & seqq. & secundum hos DD. dicendum est, formam Græcorum supra relatam esse insufficientem. Nihilominus Coronius d. lib. 2. Controv. 3. cap. 1. num. 16. conatur rationibus pluribus eam tueri; subdens num. 17. Formam Latinam non esse essentialiter unicam immutabiliter; sed ex Christi insti-

tutione haberi posse absque distincta invocatione Trinitatis, aut explicita actione ministri, aut subiecti, aut Signi Crucis, dummodò hæc omnia implicite significantur.

DECISIO LVI.

ARGUMENTUM.

Resolvit præsens Decisio, an valeat Confirmationis Sacramentum, si ungatur maxilla confirmandi, non autem Frons? Et quid si unctio fiat ab Episcopo non cum pollice, sed cum indice digito? vel pollice manus sinistrae? aut cum pennicillo?

SUMMARIUM.

- 1 Unctio Chrismatis in maxilla an sit validum Sacramentum?
- 2 Frontis inunctio in Chrismatis Sacramento est de essentia.
- 3 Græci in Chrismate inungunt etiam aures, nares, & os.
- 4 Ecclesia Latina est Magistra veritatis.
- 5 Digito indice an Chrisma sit validum?
- 6 Et anlicitum?
- 7 Digiti Pollicis virtus, & mystica significatio, & num. 9.
- 8 Digitorum manus hominis nomina, & symbola.
- 10 Trinitas Sanctissima assimilata tribus primis digitis. Et quare?
- 11 Digito pollice manus sinistrae an liceat dare Chrisma?
- 12 An Pennicillo?

QUoniam dictum est in Decis. LIV. num. 13. Unctionem Sacri Chrismatis esse faciendam in fronte illius, qui ad hoc Sacramentum accedit, valde dubitatur, quid sit sentiendum de sequenti casu. Pueri frontem, saxo læsam, non

inunxit Episcopus, sed ejus dexteram maxillam. Queritur, an licite, & valide illum confirmaverit? Et equidem dicendum est, neque licite, neque valide illum confirmasse; quia verior est opinio, quòd Unctio cum Chrismate in fronte sit de essentia, & necessitate Sacramenti; ut advertit Diana *part. 3. & Misc. 3. res. 30.* Quæ jacet in Coordinato *tom. 1. tract. 2. resol. 6.* ubi num. 2. nominat opinionem contrariam temerariam, & falsam ea ratione, quia omnes SS. Patres, Pontifices, & Canonones, qui de hac Sacra Unctione loquuntur, semper eam conjungunt cum parte ungenda, scilicet fronte; ut in *Epist. Innoc. 1. ad Decentium in cap. 2. Presbyteri. dist. 95. in cap. Novissimè. de Consecr. dist. 5. cap. Unico de Sacra Unctione.* Et in *Concil. Florent.* ubi Eugenius IV. ita loquitur: *In fronte inungitur confirmandus, ne Christi nomen erubescat, & præcipue Crucem ejus, quæ Judæis est scandalum, gentibus autem stultitia secundum Apostolum; propter quod Crucis signo signatur.* Et licet Ecclesia non definiverit, hanc in fronte signationem esse essentialem, satis id indicat ex antiquissima, & numquam interrupta observantia; & etiam ex eo, quòd eodem jure præcepit semper Unctionem esse faciendam in figura Crucis, & in fronte; idèò utraque circumstantia est de essentia Sacramenti; maxime ex fine essentiali hujus Sacramenti, qui est, ad constituendum Christum absque erubescencia, & timore, ut scribit S. Thom. *d. 3. p. q. 72. art. 9.* Suarez *ibid. q. 72. art. 4. disp. 33. sect. 3. in medio.* Sylvest. *Verb. Confirmatio Divina q. 1. in fin. & q. 3. Angel. eod. V. §. 9.* Jordan. *d. lib. 3. tit. 2. num. 28.* Volpi *resol. 35. num. 9.* Layman. *d. lib. 5. tract. 2. cap. 3. num. 5. in fine.* Diana. *Coord. d. tom. 1. tract. 2. resol. 6. num. 2. & 3.* ubi tamen advertit, quòd Græci præter frontem inungunt etiam aures, nares, & os; sed quid ad Nos? cùm Græca Ecclesia debeat discere à Latina; & non è contra, ut doctè scribit Eminentiss. Cardin. de Lau-

Lauræa d. disp. 1. art. 1. art. 13. & signanter num. 176. rationem reddens, quia Ecclesia Latina est Magistra veritatis, cap. In novo. & cap. Quamvis. dist. 21. Debebat igitur Episcopus, de quo in nostro casu, si valde læsa erat frons confirmandi, eumdem præterire, & in aliud tempus Confirmationem differre; vel si parva erat læsio, ipsum in fronte, paululum à medio, inungere, & signare.

5 Sed quid respondebit doctus Confessarius sive sæcularis, sive regularis interrogatus de validitate Sacramenti Confirmationis in sequenti casu? Episcopus digito Indice signat frontes confirmandorum, dolorem patiens in Pollice. Quæritur, an validè, & licitè confirmet? Quod validè confirmet, debet respondere; quia sic docent Theologi Morales, quos citat, & sequitur Diana part. 3. tract. 4. res. 22. & res. 28. Quæ sedent in Coordinato tom. 1. tract. 2. res. 7. & 8. Tambur. de Tripl. Jur. lib. 3. cap. 1. §. 2. num. 6. Gobat d. tract. 2. num. 747. Cotonius lib. 2. Controv. 3. cap. 2. num. 29. & Jordanus d. lib. 3. tit. 2. num. 40. An autem licitè? non est constans Scriptorum responsio, quorum aliqui opinati sunt, non licuisse Antistiti indice signare frontes Confirmandorum ob tres rationes, videlicet Præcepti, Reverentiæ, & Mysterii. Ratio Præcepti consistit in Rubrica libri Pontificalis, cui est parendum sub pœna peccati mortalis in re gravi, & saltem venialis in re levi, ut aliàs diximus, ex Sperell. decis. 179. num. 23. Ratio Reverentiæ est, quia signans, & inungens frontes Confirmandorum Indice digito, dum alapas eisdem dederit, inunget etiam maxillas, non sine Sacri Chrismatis ir-
7 reverentia. Mysterium verò desumitur ex digito Pollice, quia inquit Durand. in Ration. Divin. offic. lib. 6. cap. 34. num. 5. ille in consecratione Pontificis est ad hoc specialiter consecratus. Vel quia omne datum optimum descendit à Patre luminum: quam secundam mysteriosam Durandi rationem intellectu difficilem vocavit A. R. Jacobus Plove-

neus Archipresbyter, & Vicarius Foraneus Fonzassi, moribus, & virtute præclarus, in responsione ad hunc casum; interpretatus illam his verbis: Forsan, quòd sicut Pollex primus est inter digitos, sic Pater luminum primus est, Alpha, & Principium, à quo bona cuncta procedunt. Et quidem optimè. Cui ego addo explanationem sequentem; nempe quòd sicut digitus minimus vocatur Auricularis, quia eo aurem prurientem scalpimus; alter et vicinus Annularis, quia in eo annulum deferimus; tertius Medius, quia stat in medio digitorum; subsequens Index, quia ipso aut silentium ad os amoto indicimus, vel aliquid distans monstramus; ita digitus primus Pollex appellatur à verbo Polleo, seu à pollendo; quia ipse est qui toti manui vim præstat, robur dat, & eo stringente ita manus pollet, & fortis evadit, ut gladio stringere, pondusve grave levare, atque sustinere valeat. Et ex hoc resultat Mysterium, quare Ecclesia præceperit, frontes Confirmandorum inungendos esse ab Episcopo digito Pollice; ad magis scilicet denotandum robur, & vigorem iisdem impertitum in anima, de quo in cap. Omnes. cap. Spiritus. de consecr. dist. 5. & cap. Unico. §. Per frontis. De Sacra Uncti ita ut constantes, impavidi, & strenui sint in stringendo Gladio Spiritus, quod est Verbum Dei. Ephes. 6. 17. fidem Christianam confitendo coram Tyrannis, & Evangelicas virtutes defendendo adversus persecutores aut desertores, de quibus habetur in Apoc. 2. 16. Et pugnabo cum illis in gladio oris mei, & pugnando pro acquisitione æterni Regni, & coronæ gloriæ, juxta illud: Esote fortes in bello, & pugnate cum antiquo serpente, & accipietis regnum æternum. In Vesp. 2. Apost. Et illud: Esote fidelis usque ad mortem, & dabo tibi coronam vitæ. Apoc. 2. 10. Et tandem ad significandam fortitudinem ab hoc Sacramento receptam pro sustinendis ponderibus injuriarum, & tribulationum ob obedientiam Evangelii,

gelii, & amorem Christi; itaue virtute Sacri Chrismatis reputent levia quæcunque aduersa, ut dicebat Apostolus: *Id enim, quod in presenti est momentaneum, & leue tribulationis nostre, supra modum in sublimitate eternum gloriæ pondus operatur in nobis.* 2. Cor. 4. 17. Porro etsi robur, fortitudo, & potentia prædicta donetur in Sacramento, virtute Spiritus Sancti, per merita Filii, tamen procedit à Patre; qui est principium originale, à quo aliæ divinæ Personæ procedunt; & quamvis omnes tres Personæ sint omnipotentes, quæ idcirco assimilatae sunt tribus digitis potentissimis:

10. *Quis appendit tribus digitis molem terræ.* Isa. 40. 12. nihilominus, per excellentiam Potentia attribuitur primæ Personæ, cuius est symbolum Digitus primus in manu, vocatus *Pollex*, de quo locutus Durand. in *ration. Div. offic. d. lib. 6. cap. 84. num. 5.* ait, cum illo per Episcopos esse inungendos frontes Confirmatorum; quia *Omne datum optimum, idest vigor, robur, & potentia, descendit à Patre luminum, idest à prima Persona Sanctissimæ Trinitatis, originaliter, & excellenter Bona, & Potens.*

Sed quid esset responsurus Episcopo prædictus Confessarius, quem ipse Antistes habens pollicem manus dexteræ dolorificum, consulisset, an ei liceat ministrare Sacramentum hoc Confirmationis pollice digito manus sinistræ? Ad hanc requisitionem, si Confessarius huiusmodi foret P. Gobatus, responderet affirmativè, nam scriptum reliquit in sua Theol. Experim. d. tract. 2. num. 747. quod Episcopus potest inungere frontem Confirmatorum sacro Chrismate non solum pollice dextero, sed etiam sinistro; id quod non valet intelligi, nisi de pollice manus sinistræ. Allegat auctoritatem Episcopi Traguriensis Pacis Jordani tom. 1. lib. 3. tit. 2. num. 40. ubi tamen non loquitur expressè de pollice sinistro, seu de pollice manus sinistræ; sed virtualiter hoc dicit, quia affirmat valere Sacra-

mentum; si unctio frontis fiat ab Episcopo alio digito, quàm pollice dextero; ergo etiam pollice manus sinistræ.

Corollarii loco hic notandum, ex communi DD. placito, nullum fore Sacramentum Confirmationis, si Episcopus inungeret frontes pennicillo, aut alio Instrumento; (etsi tempore Pestis ita dari possit Extrema Unctio Infirmis) quia est de essentia Confirmationis, ut immediate fiat digito Episcopi, ut tradit Jordan. d. lib. 3. tit. 2. num. 41. & Diana part. 3. tract. 4. ref. 22. & 28. quæ in Coordinato habentur tom. 1. tract. 2. ref. 7. & 8. Ubi detrectat Fernandez, ea ratione, quia dicitur manus impositio etiam mediante Instrumento, ut in percutiente Clericum ligno, vel lapide: sed in præsentī materia non est audiendus, quia tactu manus Episcopalis est Unctio facienda.

DECISIO LVII.

ARGUMENTUM.

Agitur de Ministro Sacramenti Confirmationis, & docetur, quod ejus Minister ordinarius est Episcopus. Extraordinarius etiam simplex Sacerdos ex delegatione Papæ. Tempus, locus, & habitus declarantur, quibus Episcopus debet hoc Sacramentum ministrare.

SUMMARIUM.

1. *Minister quis sit Sacramenti Confirmationis?*
2. *Samaritani baptizati à Philippo, cur ab eo non confirmati?*
3. *Summi Pontifices, qui delegarunt Presbyteris ministrationem Confirmationis.*
4. *Papa potest delegare simplici Sacerdoti, ex causa urgenti, ut confirmet.*

§. Sedes.

3 *Sedes Apostolica Romana non potest errare in fide.*

6 *Ordinarius Minister Confirmationis est Episcopus. Extraordinarius etiam simplex Sacerdos ex delegatione Papæ.*

7 *Episcopus quomodo debeat esse dispositus, vel indutus ministrando Confirmationis Sacramento?*

8 *Episcopus an possit recipere Procurationem à Diocesi, si per eam vadat ministraturus Sacramentum Confirmationis?*

9 *Locus in quo Confirmationis Sacramentum fit ministrandum?*

TAndem, ut accedamus ad complementum hujus tractatus de Sacramento Confirmationis, oportet in præsentem declarare, & decidere: Quis sit Minister Sacramenti Confirmationis? Circa quod omnes dicunt, Ordinarium Ministrum Sacramenti Confirmationis esse solum Episcopum consecratum; ea ratione quia Episcopi sunt successores Apostolorum, quibus competeat, & non aliis inferioribus, hoc Sacramentum administrare: & ideo Philippus Diaconus est in Samaria 2 convertisset ad fidem, & baptizasset Samaritanos, eos tamen non confirmavit; sed cum audissent Apostoli, qui erant in Jerusalem, quod recepisset Samaria Verbum Dei, miserunt ad eos Petrum, & Joannem; qui cum venissent, oraverunt pro ipsis, ut acciperent Spiritum Sanctum; nondum enim in quemquam illorum venerat, sed baptizati tantum erant in nomine Domini Jesu; tunc imponebant manus super illos, & accipiebant Spiritum Sanctum. Act. 8. 14. Et sic decissum legitur in cap. Ut Episcopi. cap. Manus quoque. cap. De his vero. cap. Novissimè. De consecr. dist. 3. Et in Decreto Eugenii IV. in Concil. Florent. Et in Concil. Trident. sess. 7. de Confirm. can. 3. & sess. 23. cap. 4. docuitque Sanctus Thom. in 3. p. q. 72. art. 11. Scotus, & S Bonav. in 4. dist. 7. q. 1. Et novissimè Maffrius in 4. Sent. dist. 2. num. 243. & in Theol.

Moral. dist. 17. num. 71. Et Eminentiss. Cardin. de Lauræa de Sacram. Confirm. dist. 2. art. 1. per totum; in quo firmat, ordinem Episcopalem esse de essentia Sacramenti Confirmationis in Ministro, adeo ut Episcopus non possit delegare ejus administrationem simplici Sacerdoti.

Verum quia Summi Pontifices non semel delegarunt facultatem confirmandi etiam simplicibus Sacerdotibus, ut de S. Gregorio Magno habetur in 3. lib. Epist. 26. & in cap. Pervenit. dist. 93. de Nicolao I. in Appendice post Epist. ejus 16. de Leone X. & de Adriano VI. ut refert Eminent. Card. de Lugo Resp. Moral. lib. 1. dub. 6. & Gobat d. tract. 2. num. 749. Hinc insurgit molestum hoc dubium, quomodo possit hoc esse? vel enim Confirmare est actus Ordinis? & sic nulli carenti ordine potest committi, & præcipue absenti. Vel est actus Jurisdictionis? & sic qui esset ab alieno Episcopo confirmati, essent invalidè confirmati; & ideo ante Concilium Florentinum, & Tridentinum, adeo se torserint Theologorum ingenia, ut inter se acriter de hoc disputarent, ut notat Maffrius d. dist. 2. num. 244. & Eminentiss. Cardin. de Lauræa d. dist. 2. art. 2. ubi num. 25. firmat, posse Papam simplici Sacerdoti delegare munus ministrandi Sacramentum Confirmationis, urgente legitima causa, juxta definitionem Concilii Florentini in Decreto Eugenii IV. de hoc Sacram. Idem scribit Eminent. Card. Brancatius in Opusc. de Benedictione Diaconali pag. 298. Novissimè ex Pignatello tom. 6. consult. 11. Abbas Pascucius Verb. Cognatio Spiritualis, pag. 172. Et ratio est, quia à Christo data est facultas Vicario suo in hoc Ministerio dispensandi; de qua facultate etsi non constet per scripturas, constat per traditionem, & per id, quod practicum est ab Ecclesia Romana, & ab Apostolica Sede, quæ cum errare non possit in fide, quia *Portæ inferi non possunt adversus eam prævalere, ex Matth. 16.* imò ipsa destruat omnes errores. cap. 5. Petrus. 24. q. 1. & sem-

& semper habuerit, & habeat veram doctrinam de Sacramentis. *cap. Ad abolendam. De Hæretic. & ex Trid. sess. 7. de Sacram. Baptif. can. 3.* sequitur dicendum, ex eo quod Sedes Apostolica pluries dispensaverit, ut possit simplex Sacerdos, ex legitima, & urgenti causa, Sacramentum Confirmationis administrare, habuisse facultatem à Christo Domino dispensandi, itaut Christus Dominus instituerit Episcopum in ministrum ordinarium hujus Sacramenti; ac etiam simplicem Sacerdotem in ministrum extraordinarium, ex delegatione tamen Summi Pontificis Vicarii sui; adeo ut intelligatur conjuncta hæc potestas cum charactere Sacerdotali in actu primo, sed exire non possit in actum secundum sine commissione sui Vicarii. Gobat *d. tract. 2. num. 749.* Mastrius *d. disp. 2. num. 246.* & Eminentiss. Cardin. de Lauræa *d. disp. 2. art. 5.* ubi quod dicta Pontificia delegatio durat ad tantum tempus, & se extendit ad tot actus, ad quæ est per Papam determinata. Igitur Episcopus est ordinarius Minister hujus Sacramenti, itaut si esset hæreticus, siue excommunicatus, siue degradatus, validè, (et si illicitè) confirmaret. Eminentiss. Cardin. de Lauræa *d. disp. 2. art. 5.* Inferiores autem Episcopo, quamvis essent Abbates Mitrati, invalidè confirmarent absque Papæ expressa commissione. Pignatellus *tom. 10. consult. 155.* Barbosa *de Episc. alleg. 30. num. 5.* Jordan. *d. lib. 3. tit. 2. num. 11. & 12.* ubi advertit ad licitam administrationem hujus Sacramenti in Episcopo requiri, ut sit indutus Pluviali, Mitra, Stola, & Baculo Pastoralis, quamvis ob æstivos calores, & multitudinem confirmandorum liceat deponere Pluviale, illud reassumendo ante benedictionem, & de consilio ab Episcopo jejuno, & solis jejunis debet administrari; & in festivis diebus; at in praxi pendet à prudentia Episcopi, qui mortaliter peccaret, si nimis differret hujus Sacramenti collationem,

videlicet ultra quatuor, aut quinque annos, & ideò tenetur perlustrare Diocesim etiam ad hunc solum effectum ministrandæ Confirmationis, quo casu et si DD. asserant, non posse recipere procuracionem à populis, sed suis sumptibus se alere debere. Barbosa *d. alleg. 30. num. 10.* Jordan. *d. tit. 2. num. 15.* Et Fagnan. *in cap. Venerabili num. 19. de Censib.* nihilominus novissimè, quod possit Episcopus recipere procuracionem, decisum fuisse à *Sacra Congr. die 24. Aprilis 1655.* testatur Crispin. *de Visit. Pastoralis part. 1. §. 16. num. 17.* si talis sit consuetudo. Sed rarò casus iste eveniet in hisce regionibus, & Diocesibus, in quibus Episcopi continuam habent necessitatem visitandi, & in Visitatione Sacrum Chrisma administrant. Tandem in Ecclesia est conferendum hoc Sacramentum, nisi legitima causa, vel impedimentum suadeat, etiam extra Ecclesiam, in loco tamen decenti, administrare; circa quod non sint faciles Episcopi ob communem DD. opinionem, quæ tenet esse peccatum mortale. Caltropalaus *part. 4. tract. 20. punct. 10.* Barbosa *d. alleg. 30. num. 13.* & Jordanus *d. tit. 2. num. 17.*

DECISIO LVIII.

ARGUMENTUM.

Referuntur tres effectus Sacramenti Confirmationis: Character, Gratia, & Cognatio spiritalis; ad quos consequendos docetur requiri tres dispositiones in fuscipiente: Baptismum, Intentionem, & Statum gratiæ.

SUMMARIUM.

- 1 Effectus Sacramenti Confirmationis sunt, & quot sint?
- 2 Character in anima est primus effectus Confirmationis.
- 3 Irregularis an evadat reiterans Sacra-

cra-

eramentum Confirmationis?

- 4 Gratia, secundus effectus Confirmationis. Et an prima, vel secunda?
- 5 Cognatio Spiritualis ob Confirmationem quas personas officiat?
- 6 Dispositio quæ, & quovis necessaria sit in Confirmando?
- 7 Infantes olim confirmabantur.
- 8 Etas quæ sufficiat pro pueris confirmandis?
- 9 Intentio suscipiendi Chrisma necessaria in suscipiente.
- 10 Confessarii præmittendi per Diocesim, ubi administrandum est S. Chrisma.
- 11 Prima gratia an detur in Confirmatione?
- 12 Episcopus an alienos subditos possit in sua Diocesi confirmare?

Restat explicare, Qui sint effectus Sacramenti Confirmationis? Quapropter oportet scire, secundum communem doctrinam Theologorum, & Canonistarum, quod ejus effectus sunt tres: *Character*, *Gratia*, & *Cognatio Spiritualis*. Primus effectus hujus Sacramenti est *Character* indelebilis in anima; qui numero, & specie differt à *character*e baptismali; siquidem per hunc homo fit Christianus, & de familia Christi. *cap. Displacet. 24. qu. 1. cap. Ad hoc Baptismus. De Consecr. dist. 4.* At per *Characterem* Confirmationis homo Christianus fit miles, & de numero bellatorum Christi. *Concil. Florent. in Decret. Eugen. IV. §. Quinto Ecclesiasticorum. Concil. Trident. sess. 7. de Sacram. can. 9. S. Thom. part. 3. qu. 72. art. 6. Scot. in 4. Sent. dist. 7. qu. 4.* Et ideo hoc Sacramentum, ratione *characteris* impressi non potest reiterari; quod si de facto iteretur, nullum causat effectum; verumtamen Minister, & suscipiens scienter reiterantes peccat mortaliter, sed non incurrit irregularitatem, aut censuram; quia neutra in jure reperitur expressa, aut statuta; sicut factum est in reiterantibus Baptismus in *cap. Quibus. de Consecrat. dist. 4. ut plene*

probat Emin. Card. de Lauræa de *Sacram. Confirm. d. disp. 2. art. 6. per totum. Suarez de Censuris d. disp. 42. sect. 4. n. 6.* Barbosa, qui contrarium opinantes allegat, sed non sequitur, *alleg. 30. n. 30. & Pax Jordanus d. lib. 3. tit. 2. n. 58.*

Secundus effectus est *Gratia* gratum faciens in non ponente obicem; non tamen prima gratia, sed secunda; nam prima datur per Baptismum, & per Pœnitentiam, quando fuit amissa per mortale peccatum. *Concil. Florent. ubi supra, Concil. Trident. sess. 7. de Sacram. can. 6. & de Confirm. can. 2. cap. Spiritus. de Consecr. dist. 5. & cap. Unico. de Sacra. Unct. Gratia autem, quæ datur in hoc Sacramento Confirmationis, est robor, seu vigor ad confitendum cum constantia fidem Christi. *d. cap. Spiritus. & cap. Omnes. De Consecr. dist. 5. d. cap. Unico. §. Per frontis. ubi Innoc. Papa III. ait; Per Confirmationem Spiritus Sanctus ad augmentum datur, & robor.* Et hanc gratiam superare illam datam in Baptismo, & esse duplo majorem ex Suarez, & aliis notat Gobat *d. tract. 2. num. 803.* Et Diana *part. 4. tract. 4. resol. 30.* Quæ extat in *Coordin. tom. 1. tract. 2. resol. 10.* Ceterum, an hæc gratia roborans sit diversa à Sanctificante? & an detur in actu, vel in virtute, dum confertur hoc Sacramentum? vel potius detur tantummodo Jus (simul tamen cum gratia sanctificante) ad auxilia roboris obtinenda tempore congruo, & quando urget necessitas confidendi fidem? Disputant Scholastici, ut videre est apud Mastrium in *4. Sent. disp. 2.* apud Gonet *d. tom. 5. de Confirm. Et Eminen. Card. de Lauræa de hoc Sacram. disp. 3. art. 7.* ad quos remittimus studiosos. Utrum autem per accidens detur in hoc Sacramento prima gratia, dicemus infra *num. 11.**

Tertius effectus est cognatio spiritualis, quæ afficit Confirmantem, Confirmatum, Patrem, Matrem, ac Patrinum ejusdem. *Concil. Trid. sess. 24. de ref. cap. 2. Jordan. d. lib. 3. tit. 2. num. 61.* Alios effectus provenientes

ab hoc Sacramento, ad expellendos morbos, & abigendos dæmones referunt Francisc. de Lugo lib. 3. cap. 2. q. 1. num. 5. & 6. Viçorell. in addit. ad Tolet. lib. 2. cap. 24. Et Gobat d. tract. 2. num. 797. quos lectores consulant, & exempla reperient.

- 6 Cæterum, quia ad consequendos unà cum Sacramento Confirmationis etiam prædictos tres effectus ejusdem Sacramenti, opus est dispositione, Quæritur, Quæ dispositio sit necessaria in suscipiente Sacramento Confirmationis? Cui Quæsitio respondetur
- 7 triplicem dispositionem esse necessariam, Baptismum scilicet, Intentionem, & Statum gratiæ. Prima dispositio est Baptismus; ideoque qui non est baptizatus non potest confirmari, cum baptismus sit janua aliorum Sacramentorum. cap. Veniens. De Presbyt. non baptiz. cap. Omnes fideles. De Consecr. dist. 5. S. Thom. p. 3. qu. 72. art. 8. Barbosa alleg. 30. num. 17. & passim omnes. Secunda dispositio necessaria est Intentio; quæ in infantibus, & amentibus sufficit præsumpta ex Intentione Christi, & Ecclesiæ. Jordan. d. lib. 3. tit. 2. num. 52. Porro, etsi præcis temporibus infantes confirmarentur; hodie hoc Sacramentum non debet conferri, priusquam rationis usus elucescere incipiat, hoc est circa septennium; non solum ob periculum reiterationis; sed multò magis, ut orationibus, & mentis devotione possint Confirmandi excitari ad Sacramenti venerationem, & ad recolendam gratiam, quam in ipso susceperunt. M. Ant. Genuen. in Manual. Pastor. cap. 54. num. 3. Barbosa d. alleg. 30. num. 17. Jordan. d. lib. 3. tit. 2. num. 47. Et Narbona de ætate Anno septimo qu. 3. ubi refert opinionem DD. concedentium, posse Confirmari etiam puerum trium annorum; sed in hoc, subdit, plurimum exuberare arbitrium Episcopi, qui potius debet inclinare in confirmandis, quàm in reiciendis pueris quinque, vel sex annorum, ne fortè ob distantiam à ci-

vitare moriantur absque hoc Sacramento; aut diutius careant gratia ejus habituali. Non desunt DD. apud Dñam part. 3. tract. 4. res. 20. quæ in Coordinato est tom. 1. tract. 2. res. 16. opinantes esse denegandum Sacramentum Confirmationis perpetuo amentibus; saltem si constaret, eos ante amentiam obstrictos fuisse culpæ mortali; sed circumscripta notorietate criminis, eorum opinionem improbat Genuensis d. cap. 54. num. 4. Barbosa d. alleg. 30. numer. 21. & Jordanus d. tit. 2. num. 20. & multò magis si ante furem requisivissent hoc Sacramentum. Cotonius d. lib. 2. Contr. 3. num. 42. Igitur in Adultis confirmandis, usum rationis habentibus, est necessaria intentio suscipiendi hoc Sacramentum; quia si quis fictè accederet, fingens exterius illud recipere, sed interius noluerit, nullum reciperet Confirmationis effectum. S. Thom. 3. p. qu. 69. art. 9. S. Bonav. in 4. dist. 4. part. 2. qu. 3. Emin. Cardin. de Lauræa d. disput. 3. num. 125. & seqq. & num. 144. ubi offendit, quòd etiam recedente fictione post factum, assumens interiorem consensum, nullum recipit effectum Confirmationis, idest neque characterem, neque gratiam, quia invalidum fuit Sacramentum ab initio ob defectum intentionis. Tertia tandem dispositio necessaria in suscipiente est Status gratiæ; idest, ne sit in peccato mortali, & quatenus esset in illo, ut liberetur vel per confessionem, vel saltem per contritionem cum voto confitendi; aliàs reciperet quidem characterem, non autem gratiam sanctificantem, & roborantem, nisi recedente fictione, & ablato obice peccati per Sacramentum Pœnitentiæ in re, vel in voto cum contritione. S. Thom. in 4. d. 4. qu. 3. Eminen. Cardin. de Lauræa d. disput. 3. art. 9. per totum. Barbosa d. alleg. 30. num. 18. & 19. Jordan. d. lib. 3. tit. 2. num. 52. advertens, laudandos esse Episcopos, qui præmittunt Confessarios, à quibus excipiantur Confessiones Confir-

man-

mandorum ; prout semper fecit Eminentiss. ac Reverendiss. Noster Præsul Cardinalis Barbadicus ; quandoquidem ; etsi confessio Sacramentalis non sit de Præcepto, sed de consilio. Suar. *disp.*

34. *sect.* 2. & *disp.* 35. *sect.* 1. Jordan. *ibid.* plurib. citatis num. 52. cum suppleri possit per contritionem : nihilominus cum hæc non sit ita facilis in rudibus hominibus, expedit eos à mortali- bus expiari per Sacramentalem Confessionem. Quòd si bona fide crederent se esse contritos, vel non recordarentur peccati mortalis, quo oblitrikti forent, in hoc casu communis est Theologorum opinio, quòd etiam primam gratiam conferat Sacramentum Confirmationis. Jordan. *d. num.* 52. ex S. Thoma 3. p. qu. 72. art. 7. Gobat *d. tract.* 2. num. 802.

- Denuò additum fuit huic Quæsito, non levem esse controversiam inter Canonistas : an Episcopus confirmandus alienos subditos in sua Diœcesi incurrat in gravem culpam, suspensionem, & irregularitatem ? Et communiter est negativa opinio. Diana *part.* 2. *tract.* 17. *res.* 17. & *part.* 4. *tract.* 4. *res.* 50. Quæ sunt in Coordinato *tom.* 1. *tract.* 2. *resol.* 10. & 11. Illam corroborat Praxis nostræ regionis, in qua Episcopi confirmant quoscunque absque aliqua interpellatione ; quia tacitè censentur Ordinarii consentire, ut dicunt Henriquez in *Summ.* lib. 3. cap. 6. num. 6. Barbosa *d. alleg.* 30. num. 4. & alii apud Jordanum *d. lib.* 3. tit. 2. num. 49. & 50. qui num. 51. subdit, in aliena Diœcesi non licere extraneos, neque suos subditos Episcopo confirmare ob veritum exercitium Pontificalium, sine quibus hoc Sacramentum administrari non potest, & qui secus faceret, incideret in suspensionem Concil. Triid. *sess.* 6. cap. 5. de Ref. Novissimè Pignatellus *tom.* 10. *consult.* 154.

DECISIO LIX.

ARGUMENTUM.

Propositis pluribus generibus personarum, quæ non possunt esse Patrini in confirmatione ; ostenditur ab his Parrinatus officium suscipientibus, si quis non sit baptizatus, vel non confirmatus, nullam contrahi spiritua-lem cognationem.

SUMMARIUM.

- 1 Patrini in Confirmatione qui esse non possint ?
- 2 Patrinus non baptizatus nullam contrahit spiritua-lem cognationem.
- 3 Patrini prohibiti si suscipiant confirmandum quando contrabant cognationem ?
- 4 Patrinus non confirmatus tenens in Confirmatione an eam contrahat ?
- 5 Quòd non contrahat, DD. rationes, & jura.
- 6 Verba Non potest sunt irritantia actum.

IN Sacramento Confirmationis notum est intervenire Patrinum, & hunc contrahere Cognationem spiritua-lem, ut diximus supra. Modò proponitur Casus iste : Titius non confirmatus tenuit ad Confirmationem puerum ; cuius deinde Matrem viduam vult in uxorem ducere. Queritur an possit ? Pro materia Patrinorum præmittendum est, plurimos prohiberi in jure, ne officio Patrini fungantur in Sacramento Confirmationis, quos ego summariam referam. I. Non baptizatos, & non confirmatos. *cap. in baptis- mato. De Consecr. dist.* 4. II. Regulares *cap. Non licet. cap. Monachi. d. dist.* 4. de *Consecr. cap. Placuit il primo. r. q. 1. cap. Per- venit. r. q. 2. III. Clericos seculares ; ut in Constit. Synodalibus Patavinis*

part. 2. cap. 13. Verf. Singuli. IV. Publicos Pœnitentes. *Concil. Parifien. 6. libr. 1. can. 54. V. Excommunicatos*, Interdictos, Schismaticos, & Hæreticos. *Concil. Mediolan. 1. part. 2. tit. de Baptifm. VI. Pueros ante ufum rationis*, illum, tamen aliqui etiam ante feptennium poffunt habere. *cap. Vos ante omnia. De Consecr. dift. 4. Narbona de Etate Anno fept. quæft. 15. Iuftus de Difperfit. Matrim. libr. 2. cap. 5. num. 45. VII. Patrinos*, qui fufceperunt in Baptifmo. *cap. In Cathechifmo. ead. dift. 4. de Consecr. VIII. Neque plures uno. cap. non plures. ead. d. 4. cap. Fin. de Cognat. Spirit. in 6. Concil. Trident. feft. 24. cap. 2. de ref. ubi permittuntur Unus*, & Una. IX. Neque illos, qui ea die alios duos Confirmatos fufceperint, nifi Epifcopus permittat ob perfonæ probitatem. *Pontific. Roman. in Rubr. X. Neque illos*, qui eo anno in Pafchate non communicarunt. *Conftituit. Synod. Patav. d. part. 2. cap. 3. Verf. Singuli. XI. Nefcientem Orationem Dominicam*, Salutationem Anglicam, Symbolum Apoftolorum, neque Decalogum. *ibidem. XII. Genitores refpectu propriorum filiorum*, Maritumque refpectu fuæ Uxoris, & vice verfa. *ibid. Verf. Nullus. Et de fupradictis omnibus non admittendis ad Patrinatus officium tradunt Barbosa allegat. 30. à n. 36. & feqq. Jordan. d. lib. 3. tit. 2. à n. 62. Trullench. de Sacram. Confirmat. lib. 2. cap. Unico n. 18. Sanchez de Matrim. lib. 7. difp. 60. & feqq. Diana Coordin. d. tom. 1. tract. 2. refol. 21. 22. 23. & 24. Tamburin. de Confirm. lib. 3. cap. 4. Et Emin. Card. de Lauræa de Impedim. Matrim. difp. 28. art. 6. §. 1. 2. & 3.*

Secundò præmiferunt, extra omnem controverfiam effe, quòd fi non baptizatus fufcipiat baptizandum, vel confirmandum, nullam contrahit fpiritualem cognationem, ut iuribus, rationibus, & auctoritatibus probat Sanchez de Matrim. d. lib. 7. difp. 60. num. 7. & 8. Franc. de Lugo de Sacram. Baptifm. lib. 2. cap. 7. num. 30. Et Eminentiſſ.

Cardin. de Lauræa d. difp. 28. num. 98.

Tertiò præmittendum omnes prohibitos exercere munus Patrini fuprà expreffos à num. 3. & feqq. peccare quidem fe intrudendo in dicto munere, & 3 fufcipiendo Confirmandum abſque difpenſatione Epifcopi, fed nihilominus contrahere cognationem fpiritualem. Barbosa d. alleg. 30. à num. 36. Jordan. d. tit. 2. à num. 62. Franc. de Lugo lib. 3. cap. 5. & Diana Coordinatus d. tom. 1. tract. 2. refol. 21. 22. 23. & 24. Quare ſola difficultas remanet in Patrino non confirmato, qui eſt prohibitus fufcipere Confirmandum.

Igitur non levis eſt controverſia, an contrahat cognationem fpiritualem ille, qui non confirmatus exercet officium Patrini, & tenet Confirmandum in adminiſtratione Sacramenti Confirmationis; itaut non poſſit ducere in Uxorem Matrem confirmati, qui eſt caſus propoſitus, de cujus reſolutione quæritur.

Tractant ex profeſſo hanc quæſtionem Sanchez de Matrim. d. lib. 7. difp. 60. num. 19 & 20. Et Franc. de Lugo lib. 3. de Confirmat. cap. 5. quæſt. 1. ubi hinc inde, & pro utraque opinione adducunt rationes, & Doctores, & tandem tenent, Patrinum non confirmatum nullam contrahere cognationem fpiritualem; & hanc dicunt opinionem probabilioſſimam, quam nos pariter amplectimur: Primò quia prohibitio in Patrino Confirmationis provenit ex eodem fonte, & ex eodem textu; à quo prohibitus eſt etiam homo non baptizatus, nempe ex cap. In baptifmate. De Consecr. dift. 4. & idèd conveniens eſt affirmare, voluiſſe textum illum irritare actum in utroque; & ſic quemadmodum non baptizatus non contrahit cognationem, ita neque non Confirmatus illam contrahat. Secundò quia mens Eccleſiæ, & intentio Concilii Tridentini eſt reſtringere impedimentum cognationis ſpiritualis, ob favorem libertatis contrahentium Matrimonia, ut colligitur ex d. feft. 24. cap. 2. de reform. idcirco cenſetur conformius menti Eccleſiæ, quòd Patrinus non confirmatus nullam contrahat cognatio-

gnationem. Tertiò, quia Pontificale Romanum, in Rubr. de Confirmandis, ait: *Nullus, qui non sit confirmatus, potest esse in confirmatione Patrinus*. Unde ly Non potest habet vim irritandi actum, quia ultra Doctores hanc opinionem tenentes, quos citat, & sequitur Sanchez d. lib. 7. disput. 60. num. 20. eandem opinionem amplectuntur novissimè tum Canonistæ, tum Theologi amplissimi nominis, videlicet Cönninch. de Sacram. q. 72. artic. 10. n. 94. Nugnus in 3. part. q. 72. art. 10. Biffus in Hierurg. lit. P. num. 84. §. 6. pag. 264. tom. 2. Bonald. in Theolog. Moral. tom. 2. tract. 24. lect. 2. Basilii Pontius de Impedim. Matrim. lib. 7. cap. 37. num. 5. Diana Coordinatus d. tom. 1. tract. 2. resol. 22. quæ in antiquo est part. 3. tract. 4. resol. 26. Franc. de Lugo d. lib. 3. de Confirm. cap. 3. quest. 2. Tamburin. de Baptismo lib. 2. cap. 4. §. 2. num. 4. Cotonius lib. 2. controver. 3. n. 45. Trullench. de Sacram. Confirm. lib. 2. cap. Unic. num. 18. Vers. Sextò. Novarius in Summa Bullar. part. 1. Comm. 41. num. 19. Piafecius in Praxi Episc. part. 1. cap. 2. art. 2. num. 6. Barbosa d. alleg. 30. num. 34. Jordanus d. lib. 3. tit. 2. num. 62. Nicolius in Lucubr. civilib. lib. 1. tit. 10. de Nuptiis num. 37. Vers. idem dico. Bonacina de Matrim. q. 3. punct. 5. §. 2. num. 19. Layman. lib. 5. tract. 2. cap. 9. num. 2. Justus de Dispensat. Matrimonial. libr. 2. cap. 5. num. 44. Et Emin. Cardin. de Lauræa de Impedim. Matrim. d. disp. 28. num. 102. & seqq. ubi reddit hanc rationem: Sicut idè in Baptismo suscipiens non baptizatus non contrahit, quia non potest dare vitam spiritualem, quam non habet; ita, cum non confirmatus non habeat robur hujus Sacramenti, non potest alium roborare. Idcirco cum tantæ prudentiæ, scientiæ, & experienciæ in Romana Curia Auctorem habeamus (præter cæteros allegatos) docentem, à Patrinis non confirmato, suscipiente in Confirmatione, nullam contrahi cognitionem spiritua-lem; absque hæsitacione resolvendum,

& dicendum venit; Titium, de quo in proposito casu, posse ducere in Uxorem Matrem Viduam pueri, quem tenuit in Chrismate.

DECISIO LX.

ARGUMENTUM.

Examinatur, & deciditur famosa Controversia, si plures Patrini suscipiant eundem Confirmandum, an omnes contrahant spiritualement cognationem? Tandem demonstratur, an Sacramentum Confirmationis sit de necessitate salutis.

SUMMARIUM.

- 1 Patrini duo si suscipiant Confirmandum, an cognationem contrahant.
- 2 Jus antiquum circa Patrinos quid disponeret.
- 3 Patrinus unus tantum, vel una sola Matrinx in Confirmatione.
- 4 Concilii Tridentini sess. 24. de Ref. Matr. cap. 2. verus sensus.
- 5 Cap. fin. De Cognat. Spirit. in 6. an sit correctum?
- 6 Patrini plures in Confirmatione si unum suscipiant, omnes contrahunt cognationem spiritualement ex opinione DD. hic relatorum. Et num. 9.
- 7 Confraternitas, & Compaternitas in Baptismo, & Confirmatione est ablata.
- 8 5. Congregationis sententia circa cognationem spiritualement, si plures Patrini eundem filium suscipiant in Baptismo, aut in Confirmatione.
- 9 Patrini designati suscipientes contrahunt cognationem.
- 10 Quid si non fuerint designati, & susceperint?
- 11 Patrinos plures admittere in Baptismo, aut Confirmatione est mortale.

- 12 Confirmationis Sacramentum an sit de necessitate?
 13 Præceptum Divinum, & Ecclesiasticum de Confirmatione.

Longè tamen difficilior videtur sequens Casus; qui dabit finem his Decisionibus. Duo Patrini susceperunt simul puerum in confirmatione. Quæritur, Utrùm ambo, vel eorum unus, & quis cognationem contraxerit spirituales? Hunc casum satis difficilem omnes confitentur, ob discrepantiam Moralistarum, qui inter se digladiantur circa intelligentiam Sacri Tridentini Concilii sess. 24. de ref. Matrim. cap. 2. Quapropter resolutio præsentis casus pendet à decisione illarum duarum questionum, quas disputant DD. & præcipuè Sanchez de Matrim. lib. 7. disp. 57. à num. 9. & sequentibus; Unius scilicet, An disposita per Concilium Tridentinum d. cap. 2. sess. 24. de ref. circa numerum Patrinorum in Baptismo, præcedant etiam in Sacramento Confirmationis? Et alterius, An Concilium Tridentinum correxerit jus Canonicum antiquum cap. fin. de cognat. spir. in 6. in quo erat prohibitus usus plurium Patrinorum in utroque Sacramento Baptismi, & Confirmationis, sed erat decisum, quòd si plures Patrini susceperent, omnes contraherent cognationem.

Quo ad primam Quæstionem: Tridentinum Concilium in cit. cap. 2. sess. 24. de ref. Statuit, ut unus tantum, sive vir, sive mulier juxta Sacrorum Canonum instituta, vel ad summum unus, & una baptizatum de Baptismo suscipiant, cujus occasione decreti quærent DD. an etiam in Sacramento Confirmationis unus Patrinus, & una Matrina simul possint eundem confirmandum suscipere? Et quamvis Sanchez d. lib. 7. disp. 57. sub num. 9. amplectatur affirmativam opinionem, rejicit communiter à Theologis, & Canonistis, siquidem in Sacramento Confirmationis debet suscipere confirmandum unus Patrinus solus, vel sola

una Matrina, non autem ambo simul juxta dispositionem juris Canonici antiqui in cap. Non plures. de Consecr. dist. 4. & in c. fin. de Cogn. spir. in 6. quod minimè immutatum fuit in hac parte, ut bene probat Galtrop. part. 4. tract. 20. punct. 10. num. 2. Tamburinus de Sacram. Confirm. lib. 3. cap. 4. num. 4. Bissus in Hierurgia Sacra tom. 2. Litter. P. n. 84. §. 1. Barbosa de Officiis Episcop. alleg. 30. num. 43. & in Collectan. DD. in d. cap. 2. sess. 24. num. 3. Diana part. 10. tract. 16. resol. 90. Quæ sedet in Coordinato tom. 1. tract. 2. resol. 24. ubi pro eadem opinione n. 2. citat Hertadum, Baumnum, Præpositum, Leandrum, Aversam, Rebellum, & Basseum; quibus ego addo Pacem Jordanum lib. 3. tit. 2. num. 74. adhærentem huic sententiæ negativæ; quia fulcitur universali consuetudine, cujus vigore unus solus Patrinus admittitur in Sacramento Confirmationis, idest masculus, qui suscipiat, pueros; vel femina, quæ teneat puellas.

Neque subsistit ratio considerata per Sanchezium d. disput. 57. num. 9. quòd scilicet Concilium Tridentinum restrinxerat in d. cap. 2. sess. 24. cognationem spirituales ad easdem prorsus personas, occasione Sacramenti Confirmationis, ad quas illam restrinxerat pro Sacramento Baptismi; & sic videatur permittere, ut etiam in Confirmatione possit admitti Unus, & Una simul; idest Patrinus, & Matrina; quia responderetur, id gratis opinari; nam si Concilium Tridentinum voluisset corrigere jus antiquum, à quo unus solus Patrinus conceditur in Confirmatione, & augere etiam Matrinam, expressè loquutum fuisset. Imò de ejus contraria mente constat in illis verbis, in quibus de personis loquens, per quas contrahitur cognatio spiritualis in Confirmatione, nominat Patrinum in numero singulari: ibi: *Ea quoque cognatio, quæ ex Confirmatione contrahitur, confirmantem, & confirmatum illiusque Patrem, & Matrem,*

rem, ac Tenentem non ingrediatur. Quare per illud Verbum Tenentem non obscurè indicat, in Sacramento Confirmationis, unam tantum personam posse fungi munere Patrinatus. Diana Coord. d. res. 24. num. 3.

Secunda quæstio est, Utrum Concilium Trid. d. sess. 24. cap. 2. correxerit dispositionem cap. fin. de Cognat. spirit. in 6. sic loquentis: Quamvis non plures, quàm unus Vir, vel una Mulier accedere debeant ad suscipiendum de Baptismo infantem; si tamen plures accesserint, spiritualis cognatio inde contrahitur, matrimonia contrahenda impediens, & contrahenda dissolvens. De Confirmatione insuper, quantum ad hoc, idem iudicium est habendum. Non pauci ex Theologis, & Canonistis arbitrati sunt, hunc rextum fuisse correctum à Concilio Tridentino, in quo cum dictum fuerit, ut ad summum Unus, & Una baptizatum de Baptismo suscipiant. Deinde Quod si alii ultra designatos baptizatum tetigerint, cognationem spirituales nullo pacto contrahant: Sequitur, abrogatum videri jus antiquum, adeout si plures accesserint, spiritualis cognatio inter eos non contrahatur. Sanchez, qui assecclas refert d. disp. 57. num. 12. Tanto magis quia Concilium Tridentinum in d. cap. 2. expressè protestatur, se velle restringere hanc cognationem ad tollenda scandala, quæ oriebantur ob matrimonia nulla, quæ frequenter celebrantur cum tali impedimento.

Porrò alii plurimi Doctores ex utraque classe contrarium esse verius censuerunt, adeout numerus unius Patrinus, & ad summum etiam unius Matris ordinatus à Tridentino; non sit de forma; & si alii designati ultra dictum numerum, eodem instanti tangant baptizatum; vel confirmatum, omnes contrahant cognationem, juxta d. tex. in cap. fin. de cogn. spirit. in 6. Ita Navar. in Manual. cap. 22. num. 39. Rebellius de obligat. just. part. 2. lib. 3. q. 6. num. 5. & 6. ubi Henriquez, Lo-

pez, Sà, & Ledesma. Idem sensu Beja in resp. cas. conscient. part. 2. casu 1. sub die 25. Jan. 1583. Vers. Quartid. Sayrus in florib. Decis. tit. De Cognat. spirit. decis. 4. Ugolin. de offic. & pot. Episc. cap. 25. §. 1. num. 5. Barbosa d. allegat. 30. num. 45. Carámucl. in Theolog. fund. num. 3113. Bissus in Hierurgia d. litt. P. num. 84. §. 2. Diana Coordin. d. tom. 1. tract. 2. resol. 24. num. 3. Jordan. d. lib. 3. tit. 2. num. 79. Zerola in Praxi Episc. part. 1. Verb. Baptismus dub. 7. Piasecius, & ipse in sua Praxi Episc. part. 2. cap. 3. art. 3. num. 34. Et Novissimè Vincen. de Justis in tract. de Dispensat. Matrimon. lib. 2. cap. 5. num. 15.

Quibus omnibus ego adhærendum censeo tum ratione, tum auctoritate Sacre Congregationis Eminentiss. Cardinalium S. Conc. Trid. Interpretum. Ratio est, quia verisimilius credendum, velle Ecclesiam eos omnes tenentes Confirmatum pro Patrinis potius admittere, quàm ex tot tenentium numero, neminem concedere. Rebell. d. part. 2. lib. 3. q. 6. num. 6.

Neque obstat motivum Tridentini de restrictione hujus impedimenti; quia adhuc remanet restrictum, ob ablatam confraternitatem, quæ extendebat hanc Spiritualem Cognationem ad fratres baptizati seu confirmati, ac etiam ad filios Patrinorum, & baptizantium, quamvis illegitimos; nec non ablata compaternitate, qua afficiebantur Conjuges eorumdem Patrinorum, & baptizantium. cap. 1. de Cognat. spirit. in 6. cap. Martinus. eod. tit. Rebell. d. q. 6. num. 2. De auctoritate verò Sacre Congregationis, (qui soli competit Concilium Tridentinum declarare juxta Bullam Pii Papæ IV. post ipsum Concilium impressam, Incip. Benedictus Deus.) reddunt testimonium Pyrrhus Corradus, Jacobus Pignatellus, nec non Prosper Faguanus, omnes Jurisconsulti eximii, & in Theorica Canonum, ac in Praxi Curie Romanæ versatissimi; quorum verba hæc sunt.

8 sunt. Videlicet: Pyrrhus Corrad. in Praxi dispensat. Apostolic. libr. 8. cap. 8. sub num. 8. sic loquitur: In S. Cong. Conc. fuit propositum sequens dubium. Petrus, & Anna conjuges elegerunt in Susceptores in Baptismo Filii Andream, & Lauram: sed adveniente tempore Baptismi, audiens Andreas, à Petro fuisse electam Lauram in commatrem, rogavit Petrum, ut illa posthabita, eligeret Rosam. Replicavit Petrus, se id facere non posse citra injuriam: cui responsi Andrea non acquiescente, idem Petrus omnia retulit Parocho; & facta expressa declaratione animi sui, quòd nullo pacto intendebat Rosam in commatrem habere, Parochus consilium dedit, ut ambae admitterentur, sed pollicebatur expressè, se nullatenus admissurum Rosam ad tangendum infantem: cui consilio Petrus acquiescens designavit etiam Rosam in commatrem: ista autem præter intentionem Petri, & promissionem eidem Petro factam à Parocho, infantem in actu baptismi simul cum Laura tetigit. Queritur, an fuerit contracta compaternitas etiam inter dictam Rosam, & Petrum, an potius inter Petrum, & Lauram? Sacra Congreg. Concilii die 10. Martii 1631. in Causa Aquin. censuit, contraxisse etiam cum Rosa, quia fuit designata.

Alterum Decretum S. Congregationis ponit Pignatellus tom. 7. consult. 93. num. 7. his Verbis: Si plures teneant ad Baptismum S. Congregatio censuit, omnes contrahere: licet enim Concilium prohibeat plures, quàm duos; tamen non annullat actum.

Tertium Decretum allegatum à Fagnano in cap. Ex Litteris, num. 5. De Cognat. Spirit. est hujusmodi: Cum negligentia Parochi factum esset, ut tres designarentur, & in libro scriberentur de Sacro Baptismi fonte fœminam suscepturi, nempe Titius, Titia, & Sempronius, qui omnes levarunt baptizatum, & tetigerunt. Fuit dubitatum, An omnes cognitionem spirituatem contraxissent cum baptizata,

an verò il tantum duo, qui priores sunt designati? S. Congregatio censuit, omnes contrahere, si non appareat, qui primi sint designati per cap. fin. de cognat. spirit. Et licet unus tantum, & Una suscipere debeant: tamen si omnes susceperint, omnes contrahere. Ita Glof. ibi. Quamvis enim Concilium prohibeat plures, tamen non annullat actum.

Quibus stantibus, pro resolutione propositi casus, dicendum est, quòd si uterque Patrinus fuerat designatus à Parentibus ad suscipiendum simul puerum in Confirmatione; ambo contraxerunt spirituatlem cognitionem juxta tex. in cap. fin. de Cognat. Spir. in 6. Quòd si eorum alter non fuerat designatus; sed Episcopo non advertente, se intruserat in illa susceptione, hic nullam contraxit cognitionem; sed alius, qui erat designatus, juxta claram dispositionem Concilii Tridentini d. sess. 24. cap. 2. ibi Quòd si alii, ultra designatos, baptizatum tetigerint, cognitionem spirituatlem nullo pacto contrahant. quod docet Sanchez d. lib. 7. disput. 37. num. 12. Verùm quia designatio fieri potest non solum à parentibus baptizandi, vel confirmandi, sed etiam à Parocho baptizante, vel ab Episcopo confirmante; præcipue si à parentibus nullus fuit designatus Patrinus. Sanchez d. disput. 37. num. 19. Pax Jordanus d. lib. 3. tit. 2. num. 78. Reginaldus in Praxi lib. 31. num. 153. Vers. Quartum documentum. Castropalaus tom. 4. tract. 19. disputat. Unica punct. 11. §. 2. num. 9. Et Diana part. 9. tract. 7. resolut. 50. Quæ est in Coordinato tom. 1. tract. 1. resolut. 93. §. 3. si Episcopus permittendo scienter admisit, & admittendo spontè permittit, ut ipsi duo Patrini; non designati à parentibus, simul puerum in Confirmatione tenerent, ambo contraxerunt cognitionem spirituatlem. Tamburla. de Triplici Jure lib. 2. cap. 4. §. 2. num. 15. Quòd si uterque Patrinus absque ulla designatione Parentum, & sine advertentia aut Parochi,

exchi, aut Epifcopi; Imò iifdem omnibus ignorantibus, & inadvertentibus tenuit puerum, adhuc dicendum
 10 venit, eofdem contraxiffe cognitionem fpiritualem juxta *tex. in d. cap. fin. de cognat. fpiritu. in 6.* & juxta magis communem opinionem Theologorum, & Canoniftarum, præcipuè *Coninchi, Rebelli, Pontii, Lymani, atque aliorum*, quos citat *Castropal. d. §. 2.* & *Diana Coordinatus d. refol. 93. §. 3.* *Ugolini de Off. & Potest. Episc. cap. 25. §. 1. num. 5.* qui notat, quòd *est actus contra legem factus regulariter non valeat. L. non dubium. C. de Legib. excipitur tamen, ubi lex actum non tollit, & penam extrinsecam addit, quæ potest cum actus valore confilere; & valor actus non respuit valorem ejus, cui pena imponitur, ut dixit Bartolus communiter receptus in l. Pretor ait n. 3. ff. De Novi oper. nunciat, quod verificatur in casu nostro; in quo Concilium Tridentinum præscripsit numerum Patrinorum, & adjecit penam, si major numerus admittatur, sed non irritavit admissionem. Navarrus de Cognat. fpiritu conf. 4. Pyrrhus Corrad. in Praxi dispens. Apostol. d. libr. 8. cap. 8. sub num. 8. Vers. Pro eo autem. Et Prosper Fagnanus in cit. cap. Ex litteris num. 5. de Cognat. fpiritu.*

Ex his colligenda veniunt sequentia Corollaria pro complemento tractatus de Sacramento Confirmationis.

Primum Corollarium. Quòd admittere in Confirmatione plures Patrinos est peccatum mortale; sicuti mortale est in Baptismo admittere præter unum, & unam. *Bonacina de Matrim. q. 3. punct. 5. §. 2. num. 32. Barbosa de Off. & Potest. Episc. alleg. 30. num. 44. Et in collectan. DD. ad d. cap. 2. sess. 24. Concil. Trid. n. 5. & 6. ubi pluribus DD. citatis offendit, Epi-*

scopum non posse dispensare, ut major numerus Patrinorum adhibeatur; & Patrochum plures admittentem esse puniendum.

Secundum Corollarium. Sacramentum Confirmationis non est simpliciter necessarium ad salutem, & necessitate medii; sed necessitate Præcepti tum Ecclesiastici, tum Divini interpretativè de non contemnendo. Contemptus autem est duplex, *Positivus* proprius hæreticorum, qui negant hoc Sacramentum, & ejus valorem: atque *Negativus* consistens in negligentia recipiendi illud, data opportunitate recipiendi. De Præcepto Divino non contemnendi hoc Sacramentum constat ex eo, quòd institutum est à Christo tanquam medium utile ad salutem hominum. Ergo ejus voluntas est, ut non contemnatur. De Præcepto Ecclesiæ apparet in cap. Omnes. cap. Spiritus. & cap. De his. De Consecr. dist. 5. Hoc autem Præceptum Ecclesiæ de suscipienda Confirmatione non obligat pro ætate puerili, sed in adulta ætate, idest cùm homines attingunt annos discretionis: neque statim, sed data opportunitate Episcopi coufirmantis, & remotis impedimentis gravibus suscipere debent. cap. Ut jejuni. De Consecr. dist. 5. Quapropter non recipere hoc Sacramentum ex contemptu etiam negativò, seu ex notabili negligentia est peccatum mortale. Diana, qui plures modernos allegat d. part. 10. tract. 16. refol. 90. §. 4. Quæ jacet in Coordinato tom. 1. tract. 2. refol. 24. Maltrius in 4. Sent. disp. 1. num. 369. Et de more subtiliter, piè, & doctè Eminentiss. Cardin. de Lauræa de Sacram. Confirm. disp. 3. art. 1. 2. & 3. ubi Theologicam hanc doctrinam fortissimis, et si suavis argumentis corroborat.

DE SACRAMENTO EXTREMÆ UNCTIONIS.

DECISIO LXI.

ARGUMENTUM.

Referuntur diversa nomina, quibus nuncupatur Sacramentum Extremæ Uñctionis. De Octo Uñctionibus Sacris, quæ practicantur ab Ecclesia Catholica, ac de earum mystica significatione: Quòd cadavera Sacerdotum à Græcis unguuntur Oleo Sancto, antequàm sepe- liantur.

SUMMARIUM.

- 1 Extremæ Uñctionis nomina diversa.
- 2 Chrismare quid significet?
- 3 Uñctiones octo in Ecclesia prædicantur. Et quæ? Qualisve earum mystica significatione.
- 4 Cadavera Sacerdotum Oleo Sacro à Græcis unguuntur.
- 5 Sacerdotum consecratio cum Oleo Sancto quàm sit antiqua?

Quoniam Extremæ Uñctionis Sacramentum institutum est ad delendas peccatorum reliquias, & à SS. Patribus nuncupatum est complementum Sacramenti Pœnitentiæ, ratio postulat, ut non solum has Decisiones de Pœnitentia, sed etiam de Extrema Uñctione subjungamus. In primis autem notare oportet, quòd hoc Sacramentum pluribus nominibus olim, & nunc est designatum: Siquidem à materia, ex qua constat *Primò* vocatur *Oleum Sanctum*; & sic illud nominant non solum frequenter Latini, sed etiam Græci, in quorum Euchologio (idest libro Quotidianarum Orationum) legitur hic titulus: *Officium Olei Sancti*. Appellatum est *Secundò* non semel *Sanctum Chrism*

matis Oleum; scilicet à modo, quo confertur, qui est per inunctionem; chrismare enim propriè significat inungere, ut notat Laurentius in *Amalthea Onomastica Verb. Chrismate*; undè Innocentius Papa I. electus Anno 402. in *Epist. ad Decentium* loquens de Verbis D. Jacobi Apostoli, *Infirmatur quis in vobis, &c. cap. ult. Vers. 14.* ita ait: *Non est dubium de fidelibus ægrosantibus accipi, vel intelligi debere, qui Sancto Oleo Chrismatis perungi possunt.* Vocatur *Tertio* à Græcis etiam *Oratio cum oleo*, habito respectu ad materiam, & formam simul sumptam; idest *Oleum cum verbis deprecatoriis.* *Quartò* dicitur etiam hoc Sacramentum *Pœnitentiæ consummativum*, ut in Concilio Tridentino *sess. 14. de eod. Sacram. in princ.* ob quandam rationem sibi intrinsicam delendi culpas veniales, quæ post Pœnitentiam remansissent. Hinc apud Græcos nonnulli introduxerant pro satisfactione Sacramentali pœnitentibus dare hoc Sacramentum, quod prohibuit Innocentius IV. scribens ad Episcopum Tusculanum his verbis: *Nullis autem per Sacerdotes, vel confessores pro satisfactione Pœnitentiæ unctio aliqua solummodò injungatur*; ut observat Gaspar Ivenin in *Commentor. Histor. & dogmat. de Sacramentis Dissert. 7. in princ.* Vocatur *Quintò* à subiecto, à quo recipitur, *Unctio infirmorum*, ut inquit Concilium Tridentinum ubi supra. *Sextò* tandem appellatur *Extrema Unctio* ex ordine, quem habet ad alias uñctiones istam præcedentes. Quare scire oportet, in Ecclesia Catholica esse in usu octo Uñctiones Sacras; mysticam habentes significationem, & sunt sequentes.

Prima Cathecumenorum, qui antequàm baptizentur, Oleo Sacro unguuntur in pectore, & scapulis, ad faciendos illos veros Athletas Christi, ut in con-

in confictu, & adverfitate toleranter fuftinere valeant, tali fortitudine armati in ingreffu fidei. *Secunda* eft, quæ fit in vertice cum Sacro Chrifmate ftatim poft collatum Baptifmum; ut callean intelligentiam myfteriorum Fidei, & divinorum mandatorum. *Tertia* eodem Sacro Chrifmate fit in fronte, dum fidelibus Sacramentum Confirmationis datur; ut fint fortes in fidei confeffione, & impavidi. *Quarta* eft, qua Sacro Cathechumenorum oleo unguntur manus Sacerdotum in eorum ordinatione, ad denotandum robur in internis animæ potentiis impreffum, quæ characterizata remanet unctione Sancti Spiritus; ac præcipuè, ut in Sacerdotalibus manibus ad fupernaturalia opera eas extollendo vigor athleticus remaneat. *Quinta* eft, quæ fit in capite, & in manibus Epifcoporum, quando confeccrantur, oleo quidem Sacro Chrifmatis. Unguntur autem Pontifices in eorum confeccratione Sacro Chrifmate ad designandum in oleo nitorem confeccritæ, in baffamo odorem bonæ famæ; & fit Unctio priùs in capite, ut eorum anima roboretur ad diligendum Deum ex tota mente, & ex toto corde; ac gregem fuum, & omnem proximum ficut feipfos; ac etiam ad fignificandam eorum auctoritatem, & dignitatem, quam affumunt tanquàm Principes in Ecclefia, repræfentantes ejufdem Ecclefie Summum Principem, & Caput, qui eft Chriftus: ficut enim Vir caput eft mulieris, fic Epifcopus Ecclefie Sponfæ fuæ. Deinde Epifcopi unguntur Sacro Chrifmate etiam in manibus propter onera, & labores, quos assumere debent in regimine Dioceffis, & ut oftendatur, eos accipere poteftatem alios confeccrandi, & benedicendi, *Sexta* eft Unctio Regum, ac Regiarum, quæ fit in eorum brachio dextero, ad denotandam eorum fortitudinem in cultione Juftitiæ, ac populorum; & fit Oleo Sancto Cathechumenorum, non Chrifmatis, ut oftendatur differentia inter auctori-

tem Pontificum, ac poteftatem Regum. *Septima* eft, quæ fit in confeccratione Ecclefiarum, Altarium, Calicis, ac patenæ, ad innuendam Sanctitatem tum locorum, tum instrumentorum, quibus Supremus Dei cultus, latræ dictus, per Sacrificia exercetur, de quo latè egimus in noftis Decifionibus *De Sacrificio Miffæ Decif. 41. & Decif. 43.* *Oftava*, & ultima Unctio Sacra hæc eft, de qua cœpimus agere, Extrema nuncupata, quia datur his tantum, qui ob infirmitatem exiftunt in extremo vitæ difcrimine, Oleo Sacro infirmorum, ut intra declarabimus, & de fupradictis variis Sacrarum Unctionum fpeciebus agunt DD. in cap. *Unico. De Sac. Unct.* Magrius in *Hierolex. Verb. Oleum Sanctum*. Barbofa de *Epifc. part. 1. tit. 1. cap. 5.* Pax Jordanus *tom. 1. libr. 3. tit. 5. & libr. 5. tit. 1. 9. 10. & 13.* ubi alii allegantur, & Gaſpar Ivenin *d. differt. 7. in princ.* Porro Magrius, ubi proximè teftatur, à Græcis practicali nonam aliam unctionem Sacram, quam faciunt liniendo cadavera Sacerdotum Oleo Sacro, antequam illa ſepeliant; hancque eſſe cæremoniæ antiquiſſimam probat auctoritate S. Dionyſii Areopagitæ de *Ecclef. Hierarchia cap. 7.* ubi ſcribit de prædicta Unctione hæc dicens: *Tum Antifites oleo mortuum perfundit, ſanctaque precatone pro omnibus adhibita, in loco honorato corpus cum altis ejufdem ordinis Sanctis corporibus reponit, & condit.* Mox idem Sanctus Doctor ibidem myfterium hujus cæremoniæ explicat, inquit: *Actunc quidem olet perfuſo ad Sacra linteamina eum, qui initiabatur; vocabat; nunc autem oleum, quod infunditur, cum qui exceſſit è vita in ipſis certaminibus ceſſaſſe, & deceſſiſſe declarat.* Ex quibus verbis ipſe Magrius aliam colligit eruditionem notatu dignam, ita ſubdens: *Quod Sacerdotes antiquitus Oleo Sancto confeccrabantur contra calumniantes recentiores Græcos, qui Latinoꝝ ritum in confeccrando Sacerdotes, & Epifcopos, dum ordina-*

tur, Oleo Sancto, calumniare non cessant; & tamen evidenter à Dionysio. Græco Doctore, & Apostolorum Discipulo affirmatur.

D E C I S I O LXII.

A R G U M E N T U M.

Probatur Existentia Sacramenti Extremæ Unctionis, ejusque Institutio facta à Christo Domino. Adducuntur rationes, ac auctoritates pro hac veritate desumptæ à Conciliis, à SS. Patribus, & à Traditione Ecclesiæ. Confutantur Lutherani, ac Calvinistæ hoc Sacramentum negantes; & eorum argumenta resolvuntur. Ostenditur triplicem esse Traditionem, Divinam, Apostolicam, & Ecclesiasticam. Compendiosa relatio natiuitatis, vitæ, ac mortis Martini Lutheri. De origine, & causa Epistolæ D. Jacobi. Apostoli.

S U M M A R I U M.

- 1 Lutherani, & Calvinistæ negant Sacramentum Extremæ Unctionis. Eorum argumenta num. 3. & seqq.
- 2 Extremam Unctionem esse Sacramentum definiuit Concilium Florentinum, ac Tridentinum. Rationes, & fundamenta. num. 6.
- 4 Effectus Sacramenti non. dependet à bonitate Ministri.
- 5 Epistola Divi Jacobi an sit. vera, vel ficta? & num. 18.
- 7 Congruentia instituendi Sacramenti Extremæ Unctionis.
- 8 Traditionum Apostolicarum. vis, & auctoritas.
- 9 Testimonia SS. Patrum de veritate Sacramenti Extremæ Unctionis.

- 10 Extrema Unctio non est danda impenitentibus.
- 11 S. Gregorii Magni ordo consecrandi. Oleum infirmorum.
- 12 Hæreticorum confessio, quod Ecclesia primis quinque sæculis in nihilo. erravit.
- 13 Concilia antiqua loquentia de. Sacramento Extremæ Unctionis.
- 14 Articuli fidei alii habentur à Scriptura, alii à traditione.
- 15 Traditio triplex Divina, Apostolica, Ecclesiastica; ac. de. eisdem exempla.
- 16 Oratio fidei quid importet in Extrema Unctione?
- 17 Effectus Sacramenti Extremæ Unctionis duplex? & qui?
- 19 Concilium confirmatum à Papa est. Regula fidei.
- 20 Martini Lutheri hæresarchæ ortus, vitæ, & mortis compendiosa relatio.
- 21 S. Jacobus fuit promulgator, non autem Institutor Extremæ Unctionis, quæ ante scriptam ejus Epistolam erat in usu.
- 22 Epistola D. Pauli ad Romanos, & Epistola D. Jacobi, D. Petri, D. Joannis quo tempore sint consecrata? & qua de causa?

IN primis autem disputant Scholastici de existentia Sacramenti Extremæ Unctionis, & quærent, Utrum Extrema Unctio verè, & propriè sit unum. ex Septem Sacramentis novæ legis? quod novissimis temporibus negarunt tum Lutherus de Captivitat. Babylonica; tum Calvinus libr. 4. Instit. cap. 19. §. 18. quorum verba refert Gasp. Ivenin d. Dissert. 7. q. 2. cap. 1. Nulli catholico dubitare licet, Extremam Unctionem esse verum Sacramentum novæ legis à Christo Domino institutum; cum sic diffinitum sit ab Ecclesia præcipuè in Concilio Florentino, ut in eo legitur, & habetur in Constit. 19. Eugenii IV. Inception. Exultate &c. §. 9. & in Concilio Tridentino sess. 14. De Sacramento Extre-

Extrema Unctionis cap. 1. & de eodem Can. 1. ubi hæc verba: Si quis dixerit, Extremam Unctionem non esse verè, ac propriè Sacramentum à Christo Domino nostro institutum; & à beato Jacobo Apostolo promulgatum; sed ritum tantum acceptum à Patribus, aut figmentum humanum: Anathema sit. Certum est autem, quòd Ecclesia Romana habet veram doctrinam Sacramentorum, & qui aliter sentit ab ipsa, est hæreticus. *cap. Ad Abolendam. De Hæretic. Emin. Card. de Lauræa De Sacram. Extr. Unct. disp. 11. num. 5. & Mastrius in 4. Sent. disp. 6. num. 7.* Idcirco firma, ac inconcussa remanente hac veritate, breviter videnda sunt Lutheranorum, ac Calvinistarum argumenta contra ipsam; eorumdemque resolutio.

Primum eorum argumentum est, quòd nullibi in Sacra Scriptura legatur, quòd Extrema Unctio sit Sacramentum.

Secundum: Quòd ex verbis Epistolæ Divi Jacobi *cap. 5. Versu 14. Infirmus quis in vobis? inducat Presbyteros Ecclesie, & orent super eum, ungentes eum oleo in nomine Domini; & oratio fidei salvabit infirmum; & alleviabit eum Dominus, & si in peccatis sit, remittentur ei, desumi non potest, quòd ipsa Extrema Unctio sit Sacramentum; siquidem effectus Sacramenti non debet pendere à bonitate, seu fide Ministris; quia licet hic sit malus, vel etiam infidelis, modò habeat intentionem faciendi, quod Christus instituit, & quod facit Ecclesia, Sacramentum sortitur suum effectum; ut omnes DD. docent de Baptismo, Eucharistia, ac aliis Sacramentis: Sed in Unctione Extrema Apostolus Jacobus dicit necessariam esse fidem Ministris, ibi: *Et oratio fidei salvabit infirmum.* Ergo ipsa non est Sacramentum.*

Tertiò: Sacramenta debent operari suos effectus infallibiliter. Sed hoc non facit Extrema Unctio; nam cum ejus effectus sint, sanitas corpo-

ris, & salus animæ, plurimi infirmi et si Oleo Sancto uncti non convalescunt in corpore; nec affirmari potest, eos esse sanatos in anima; quia peccatorum remissio in præfatis verbis Apostoli non promittitur infallibiliter, sed tantum per modum deprecationis. Ergo.

Quartò: Multi ex antiquis dixerunt Epistolam illam Divi Jacobi non esse ab eo conscriptam; sed ab aliis confictam, ut ex Eusebio Cæsariensi *lib. 2. Hist. cap. 23.* notat S. Hieronymus *De Scriptur. Eccl.* Et Emin. Card. Bellarminus *cod. tract. de S. Jacobo Apostolo Vers. Quod attinet.*

Quintò: Est, quòd D. Jacobus scripserit dictam Epistolam, & illa Verba, quæ Extremam Unctionem concernunt, ipse facultatem non videtur habuisse eam elevandi ad dignitatem Sacramentalem.

His tamen, & similibus minimè obstantibus; vera, atque de fide conclusio est, Extremam Unctionem, de qua locutus est Divus Jacobus, fuisse, & esse verum Sacramentum novæ legis, quod multipliciter à Catholicis Doctoribus probatur.

Primò, quia ad esse Sacramenti requiritur signum sensibile denotans invisibilem ejus operationem in anima; item materia, forma, minister, & effectus. Hæc omnia recensentur in prædictis verbis Divi Jacobi; nam Unctio exterior cum Oleo Sancto, quæ fit in corpore infirmi denotat internam operationem gratiæ in ejus anima; oleum ipsum benedictum est materia, verba deprecativa sunt forma, Presbyter est Minister: consolatio, & vigor in anima ad resistendum temptationibus diaboli, remissio venialium culparum, & salus etiam corporis, quatenus sic expedit pro æterna salute, sunt effectus ipsius Sacramentalis Unctionis. Ergo manifestè constat, eam esse Sacramentum; cujus subjectum est homo christianus gravi infirmitate oppressus. Ita ex Scholasticis Suarez in 3. part. D. The-
ma.

me tom. 4. disp. 39. sect. 1. n. 8. Mastrius. in 4. sent. disp. 6. n. 4. Emin. Card. de Lauræa De Sacram. Extremæ Unct. disp. 11. n. 5. Ex Moralistis autem Layman lib. 5. tract. 8. cap. 1. n. 1. ac Salmanticenses de Sacramentis in genere tract. 7. cap. 1. num. 4. Nec non ex scripturistis Cornelius à Lapide in d. Epist. D. Jacobi cap. 5. Vers. 12. col. 2. & Tirinus in Indice controversarum Fidei controuv. 25.

7 Secundò ob rationem, ac congruentiam, quæ Deum movere potuit, & de facto movit ad hoc Sacramentum nobis præstandum; ut scilicet in articulo mortis, qui est valde formidabilis, haberent fideles potens gratiæ suæ auxilium. Sicut enim in ingressu hujus vitæ providit de Sacramento Baptismi; in progressu de Sacramento Pœnitentiæ; sic in exitu voluit providere de Sacramento Extremæ Unctionis, quo infirmi in mortis periculo constituti recrearentur, & confortarentur ad superandas Dæmonis tentationes. Ita ex doctrina Scoti Mastrius d. disp. 6. num. 8. & Suarez d. disput. 39. sect. 1. num. 11.

8 Tertiò propter traditionem Ecclesiæ, quæ usque ab initio ita edocta ab Apostolis, & ab eorum successoribus semper credidit Extremam Unctionem esse unum ex septem Sacramentis à Christo Domino institutis, & jugiter illud fidelibus infirmis administravit. Porrò traditiones Apostolicæ non solum habitæ sunt scripto, sed etiam voce tantum juxta illud Apostoli 2. Thes. 2. 15. Itaque fratres, state, tenete traditiones, quas didicistis, sive per Sermonem, sive per Epistolam nostram: de quarum vi traditionum disserit Tirinus in d. Indice Controversarum fidei controuv. 2. De Verbo Dei scripto, & non scripto num. 18. & Emin. Cardin. de Lauræa in 4. Sent. d. tom. 3. De Sacram. Extr. Unct. disp. 11. num. 35. ubi doctè scribit, de institutis à Christo non posse assignari solidius fundamentum, quàm traditionem eorum, qui cum eo sunt con-

versati, & per manus ad suos veros successores transferunt; siquidem Ecclesia regitur autoritate, & traditione. cap. Catholica. dist. 11. & traditiones SS. Apostolorum sunt observandæ ab omnibus iis, qui dici, & esse volunt Christiani. cap. Si quis omnem. 1. q. 7. Concil. Trid. sess. 4. cap. 1. Idcirco cùm Ecclesia Romana, quæ per antonomasiam dicitur Ecclesia, semper tenuerit ex traditione Apostolorum Extremam Unctionem esse verum Sacramentum, & ejusdem administrationem semper admisit, & practicaverit, nefas est de illius existentia dubitare.

Quartò ob testimonium SS. Patrum; quos referunt Casalius de Vetter. Sacre Christianor. Ritib. cap. 32. Emin. Card. Bellarminus tom. 3. de Extrem. Unct. Suarez d. tom. 4. disp. 39. sect. 1. num. 10. ubi inter alios adducit S. Dionysium Areopagitam Apostolorum discipulum de hoc Sacramento manifestè loquentem. Layman d. lib. 5. tract. 8. cap. 1. num. 3. & Gaspar Ivenin d. dissert. 7. q. 2. cap. 2. art. 2. ubi Origenes, S. Jo: Chrysostomus, S. Augustinus, & post eorum tempora, continuis sæculis, alii Doctores, ac Episcopi, qui in diversis locis orbis Christiani de hoc Sacramento scripserunt, ibidem per studiosum Lectorem videndi; mihi enim satis est referre duos, nempe Innocentium Papam primum, qui, ut supra dixi, sedit anno 402. & scribens ad Decentium Eugubinum Episcopum, Epist. 1. cap. ult. relata in cap. Illud superfluum. dist. 95. duo dicit de hoc Extremæ Unctionis Sacramento; Unum, quod etiam ab Episcopo potest ministrari; Alterum, quod non est dandum impœnitentibus, rationem subdens, quia Genus est Sacramenti: nam quibus reliqua Sacramenta negantur, quomodo unum genus putatur posse concedi? Ergo Summus hic Pontifex à suis majoribus didicerat Extremam Unctionem esse unum ex septem Sacramentis Ecclesiæ, & tanquam Sacramentum non esse

- esse indignis conferendum, quemadmodum neque alia iisdem licitum est conferre, etsi in mortis periculo constitutis, nisi poenitentibus. *cap. Ab infirmis. 26. q. 7.* ubi etiam de hoc Sacramento mentio habetur, & est canon desumptus ex libro Poenitentiali Theodori Archiepiscopi Cantuariensis ordinati à Vitaliano Papa Anno 668. ut observat Ivénin *d. art. 2. Vers. Probatur quiniò.* Prædictis mihi adungere placet S. Gregorium Magnum evectum ad Summi Pontificatus apicem Anno 590.
- 11 qui in suo Sacramentario *Feria V. in Cæna Domini* ponit modum consecrandi oleum pro Sacramento Extremæ Unctionis, dicens: *Tunc offertur Pontifici oleum, & benedicit illud tam ipse, quam omnes Presbyteri ad ungendum infirmum, &c.* Et subindè præscribit orationes recitandas in administratione ejusdem Sacramenti, inungendo infirmum cum eodem Oleo benedicto. Supradictos duos Summos Pontifices Innocentium, & Gregorium in testes hujus Sacramenti adducere volui fretus exhortatione Richardi Ardekinii Societatis Jesu Theologi veratissimi in Controversiis Heterodoxis, ac Scholasticis; qui in sua *Theologia Tripartita tom. 1. tract. 2. cap. 1.* advertit, quòd Lutherani, ac Calvinistæ consentiunt, primitivam Ecclesiam quingentis circiter annis post Christum fuisse sanctam, incorruptam, & omnis erroris expertem; quapropter testimonia SS. Patrum, atque Doctorum, qui scripserunt de articulis fidei, ac Sacramentorum usque ad sextum sæculum, sunt irrefragabilia, & omni exceptione majora, & hoc idem asserere Calvinistas testatur Cornel. à Lapide in *Apoc. cap. 9. col. 6. Vers. Porro insulsi.*
- 12 Quintò hucusque relatis probationibus accedunt multiplicia Concilia expressè loquentia de hoc Sacramento
- 13 Extremæ Unctionis per decem antehac transacta sæcula, quæ referuntur ab Eminentiss. Card. de Lauræa in Epi-

tome Canonum *Verb. Extrema Unctio*; nec non in *4. sent. d. tom. 3. disp. 11. num. 3.* videlicet *Cablonen. III.* celebratum sub Leone III. circa annum 813. quod in *can. 48.* decernit; hoc Sacramentum esse infirmis ministrandum. *Moguntin. II.* habitum sub Leone IV. anno 847. *Lateranen. III. part. 50. cap. 22.* ubi definitur, ministrum esse Episcopum, vel Sacerdotem. *Constitution. in Constitut. Martini V.* circa medium. *Florentinum* in Decreto Unionis Armenorum ubi *Constitutio XIX.* Eugenii IV. docentis §. 9. septem esse Ecclesiæ Sacramenta, inter quæ enumerat Extremam Unctionem, & aliis relictis *Concilium Tridentinum sess. 7. de Sacramentis can. 1. & sess. 14. in doctrina Sacramenti Extrem. Unct. cap. 1.* ac etiam *can. 1. & 2.* ubi docet, quòd *instituta est sacra hæc unctio infirmorum tanquam verè, ac propriè Sacramentum novæ Testamenti à Christo Domino.* Supra scripta, ac alia Concilia referunt etiam Suarez *d. tom. 4. disp. 39. sect. 1. num. 9.* Layman *d. lib. 3. tract. 8. cap. 1. sub num. 3.* & Mastrius *d. disput. 6. num. 5.* quibus omnibus plenè, ac concludenter probata remanet hæc Veritas, quæ omnino tenenda est, tanquam de fide, quòd scilicet, Extrema Unctio est verum Sacramentum novæ legis à Christo Domino institutum.

Neque obstant, aut subsistunt argumenta contraria. Non Primum, 14 quia, ut ei bene respondet Eminentiss. Card. de Lauræa *d. disp. 11. num. 8.* Non omnia, quæ tenuit, ac tenet Ecclesia, habentur in Scriptura; sed ex eis multa per traditionem accepta sunt; imò hic fuit error Calvini *lib. 4. Institut. cap. 8. §. 8.* quem accepit à Manichæis, & Marcionitis dicentibus, solum Verbum scriptum esse ad salutem necessarium. Contrarium tamen defnierunt Concilia, & Patres, nimirum non omnia haberi in Verbo scripto; sed multa in traditionibus, quibus constanter est inhærendum, ut demonstravimus supra in probatione tertia;

tertia; idque latè prosequitur Ricardus Arſdekin in d. Theolog. Tripart. tom. 1. tract. 4. cap. 7. ubi auctoritates plurimas accepit circa Traditiones, quas in tres species dividit, nempe in Di-
 15 vinas, Apostolicas, & Ecclesiasticas; quarum primæ traditæ sunt à Christo Domino, prout illa, quod in consecratione calicis misceatur aqua; dies festiva celebretur Dominica loco Sabbathi; benedictiones fiant cum signo Crucis. Aliæ verò sunt Apostolicæ, quæ immediatè ab Apostolis traditæ sunt, puta Quadragesimale jejunium, ut ait S. Hieronymus in Epist. ad Marcellam, & aliæ quæ communiter servantur in Universa Ecclesia, quamvis non sint in Conciliis statuta; juxta id, quod ait S. Augustinus lib. 4. de Baptismo cap. 24. nimirum: *Quod universa tenet Ecclesia, nec in Conciliis institutum, sed semper retentum est, non nisi Auctoritate Apostolica traditum rectissime creditur*. Aliæ appellantur Ecclesiasticæ, quæ ordinatæ sunt in Conciliis, & in Decretis Summorum Pontificum tum quo ad fidem, tum quo ad mores pertinentes, & de his latissimè Cardenas in Crisi Theologica bipartita tract. 3. disp. 23. cap. 5. 6. & 7. ubi num. 223. docet, obligationem recitandi quotidie officium Canonicum provenire à Traditione Ecclesiastica.

Secundum argumentum non obstat, quod effectus hujus Sacramenti pendeat à bonitate, vel fide Ministri; ita quod
 16 necessariò requiratur bonitas, & fides in illo, & ab illa pendeat effectus Sacramenti; nam ut respondet Mastrius d. disp. 6. num. 10. in illis Verbis Divi Jacobi Apostoli *Oratio fidelis* sermo est de fide Ecclesiæ, in cujus fide Sacramenta administrantur: unde per orationem fidei in præcatis verbis non debet intelligi fides Ministri subjectiva, sed objectiva; quia nimirum, ait Mastrius ibidem, *Oratio adhibita à Ministro, ad hoc Sacramentum conficiendum verbum Dei continet, & mysterium fidei, quod saltem objectivè*

debet Minister in mente præhabere, dum infirmo ministrat hoc Sacramentum; quo sensu etiam fidem habere debet in aliorum Sacramentorum administratione.

Tertium argumentum tollitur respondendo, duos esse effectus Sacramenti Extremæ Unctionis, ut inferius suo loco dicemus, *Unum principale, nempe collationem gratiæ, & remissionem venialium, & hic est certus, nisi ponatur obex à parte infirmi; alterum secundarium, scilicet sanitatem corporis, & hic est non certus, quia promittitur sub conditione, si fuerit expediens pro salute animæ. Igitur infallibilis est effectus, quamvis forma Sacramenti consistat in verbis deprecatoriis, quia sub hac forma institutum est à Christo, & promissa est collatio gratiæ, ac remissio venialium; ac quatenus expedit sanitas corporalis. Ita Mastrius d. disp. 6. num. 10.*

Quartum argumentum non meretur, ut ei respondeatur, quia contra hæsitantes, an Epistola Divi Jacobi sit
 18 canonica, decisum est circa annum 318. in Concilio Laodiceno, eam esse Canonicam, prout habetur etiam in cap. Sancta Romana. dist. 15. & ultimò in Concilio Tridentino sess. 4. cap. 1. Quare etsi antiquitus nonnulli dubitaverint de legitimitate illius Epistolæ, prout fecerunt etiam de Epistola Divi Pauli ad Hebræos, de Apocalypsi Joannis, & de aliis Epistolis Divi Petri, hodie impium est, eas vertere in dubium, quia Concilium confirmatum à Papa est regula fidei. cap. Hæc est fides, & cap. Rogamus 24. q. 1. 19
 ut latius demonstrat Eminen. Card. de Lauræa d. disp. 11. num. 9. ubi etiam allegat plurimos ex SS. Patribus antiquis, qui eamdem Epistolam Divi Jacobi veram, legitimam, & ab eodem scriptam esse tenuerunt; idemque facit Cornelius à Lapide in Proœmio Commentarii ejusdem Epistolæ, ubi ait, quod Lutherus eam à Canone Sacræ Scripturæ resecat, ea ratione quia ip-
 sa

sa commendat opera bona, & sic ad-
versatur doctrinæ ejusdem Lutheri
docentis, nos sola fide justificari;
christianisque esse liberos ab obser-
vatione mandatorum, itaut perpe-
trare possint quicquid lubet. De Marti-
no 20 Lutherò Hæresiarca, hæc pau-
ca curiosus Lector notet. Ipse natus
est Islebii Oppido Saxonix, in ditione
Comitum Mansfeldentium ex Joanne
Luthero, & Margarita Lindema-
na conjugibus die 22. Octobris Anno
1483. ut scribit P. Jo: Baptista Ricci-
olius in sua Chronologia Reforma-
ta tom. 3. Indice II. Verb. Martinus
Lutherus, etsi nonnulli velint, illum
ab incubo cæcodemone ex dicta Mar-
garita genitum fuisse: Abraham Bzo-
vius Anno 1517. num. 7. addens, quod
prædicti Patris sui cognomen erat Lot-
ter, significans hominem scurræ,
seu impurum, aut nebulonem, idem
ipse Martinus voluit cognominari Lu-
ther, quod Germanica lingua sonat
purum, seu lucidum, Puerulus ad
addiscendas Litteras missus Magde-
burgum, erat ita pertinax, & im-
petuosus, ut Præceptoris opus esset
illum frequenter verberare. Linguam
latinam edoctus Philosophiæ studuit
Isenaci, & Erphoridiæ; ubi quadam
die à periculossissimo fulminis ictu per-
territus, emissio Votò capessendæ re-
ligiosæ vitæ Augustinianum Ordinem
ingressus est Anno 1504; ætatis sue
21. & facta professione, Theologiæ
navavit operam; at in arguendo, ac
disputando adeo elati, & vehemen-
tis erat ingenii, ut aliis per super-
biam se præferret, merum virum sapè
ejus lingua funderet, ejusque acu-
leos, & morsus vix quisquam etiam
amicorum potuerit effugere, nec ve-
reretur, Divum Thomam, aliosque
Scholasticos Doctores inter docen-
dum carpere, & fugillare. Interim
publicata per PP. Dominicanos pla-
naria Indulgentia, à Summo Ponti-
fice concessa facientibus eleemosy-
nam pro restauranda Principis Apo-
stolorum Basilica, iratus Lutherus,

cò quia PP. Augustiniani erant soliti
collectores hujuscemodi eleemosyna-
rum, impugnavit Indulgentiarum va-
lorem, & Romæ condemnatus eru-
pit Anno 1517. in multiplices hære-
ses, quas simul collectas refert Sa-
lles de S. Inquisit. libr. 3. cap. 18.
Regula 288. à num. 36. & seqq. In
ejus caputio Dæmonem insidentem vi-
sum fuisse à Maximiliano Cæsare te-
stantur scriptores relati à Raynaldo ad
Annum 1521. num. 42. Religioso ha-
bitu deposito Lutherus ipse sibi in ux-
orem absumpsit Monialem nomine Ca-
tharinam de Bare, quæ etiam fuerat
Abbatissa. Idem Raynald. Ann. 1523.
num. 71. & Anno 1523. num. 32. &
53. Nullum erat vitiolorum genus, quod
non exerceret, solitus dicere, Con-
cubitus tam necessarius esse homini,
quàm cibum. Cornel. à Lapide in Epist.
ad Roman. cap. 1. sub Vers. 26. Tan-
dem insensus tum Ecclesiæ, tum Prin-
cipibus, ac Magistratibus, cùm catho-
licam fidem, ac publicam pacem suis
hæresibus per totam Germaniam ir-
reparabiliter offendisset, necesse ante diem
17. Februarii Anni 1546. & ejus vi-
tæ 63. migravit inopinato ad inferos,
antea bene potus in cæna, & dor-
miens suffocatus, ut creditur à Dia-
bolo. Ricciolus ubi supra; & ex
Bzovio, Genebrardo, & aliis Corne-
lius à Lapide in Apocalypsi. cap. 19.
Vers. 21. addens, quod ejus funus ma-
gna corvorum turba comitata est; ac
etiam ingens dæmoniorum numerus,
relictis energumenorum corporibus, ut
nonnulli ex ipsis nefandis spiritibus glo-
rianter confessi sunt, reversi in eadem
energumenorum corpora, completo Lu-
theri funere; idemque referunt Tilman
Brandembach lib. 7. Sacrar. Collat.
cap. 39. & Menoch. in Storeis part. 4.
Cætur. 7. cap. 95.
Quintum tandem, & ultimum ar-
gumentum, quod erat ipsius Lutheri 21
libr. de Captivitat. Babylon. de Extrema
Unct. nec non Calvinii lib. 4. Instit. cap.
19. §. 18 quos recenset Emin. Card.
de Lauræa d. disp. 11. sub num. 8. fa-
cile

cilè refolvitur, respondendo, S. Jacobum Apostolum non fuiffe institutorem hujus Sacramenti, fed ejusdem promulgatorem, ut ait Concil. Trid. d. fiff. 14. de eodem Sacramento; & ideo virtutem conferendi gratiam, remittendi venialia, & aliquando fanandi corpus ei conceffit Chrillus Dominus, à quo fuit institutum; non autem Apostolus, à quo fuit promulgatum; ut ante Tridentinum Concilium docuerunt illa duo luminaria magna Scholasticæ Theologiæ S. Thomas in 4. Sent. diff. 23. & Scotus eod. loco quæst. Univ. d. Et est notabilis illa observatio, quam facit Lindanus in sua *Panoplia lib. 4. cap. 96.* quem refert Maltrius d. disp. 6. num. 12. quod fcilicet, antequam Divus Jacobus scriberet dictam Epistolam, Sacramentum Extremæ Unctionis erat in usu apud fideles; quibus jam traditum fuerat per prædicationem Apostolorum. Igitur Divus Jacobus non fuit Auctor hujus Sacramenti, neque illud instituit; fed primus fuit, qui ipsum scripto promulgavit, cum antea viva voce tum ab eodem Apostolo, tum ab Apostolis aliis fuisset promulgatum, & practicum cum fidelibus infirmis tanquam institutum à Christo, à quo iisdem injunctum, & præceptum fuerat, ut idem Sacramentum fidelibus prædicarent, & de eo illos instruerent, ut in gravi infirmitate ipsum reciperent; prout jam multo tempore antequam scriberetur Epistola D. Jacobi, in quacunque Orbis parte, ubi se contulerant Apostoli, faciebant, & practicabant.

Et hic studiosus Lector observare non prætermittat, quòd hæc Epistola Canonica Divi Jacobi scripta est post editam Epistolam Divi Pauli ad Romanos; cum enim in ea mirè fuisset exaltata, ac commendata fides in Christum, & depressa opera Legis Moysacæ; inde ansam acceperunt Simon Magus, Menander, Carpocras, & alii hæretici sequaces docendi bona opera non esse necessaria proflentibus fidem Christianam; prout suo tempore denuò

prædicarunt Lutherus, & Calvinus; ideo S. Jacobus Apostolus, ac etiam Divus Petrus, ac S. Joannes, suas scripserunt Epistolas, ut fideles certos facerent de bonorum operum necessitate, ut notant Cornelius à Lapide, & Tirinus in Proæmio ejusdem Epistolæ Divi Jacobi. Porro Epistola D. Pauli ad Romanos scripta fuit post annum à morte Christi vigesimum sextum, ut probat idem Tirinus in *Chronic. Sacr. cap. ult. d. ann. 26.* Igitur non est credendum, quòd fideles Christiani, qui in tot Orbis partibus baptizati fuerunt per annos viginti sex, & ultrà ab Apostolis, & eorum discipulis, caruerint hoc Sacramento Extremæ Unctionis; sed è contra tenendum omninò est, quòd Apostoli, sicut & alia Sacramenta, illud docuerint, & jugiter administraverint, juxta traditum sibi præceptum à Christo; etsi de illo nullus mentionem fecerit in scriptis, nisi S. Jacobus in sua Epistola Canonica post annos 27. vel 28. à morte Christi conscripta.

DECISIO LXIII.

ARGUMENTUM.

Disputatur Ubi, & Quando Sacramentum Extremæ Unctionis sit à Christo Domino institutum? Referuntur duæ opiniones. Inquiritur, An Unctio, quam faciebant Apostoli *Marc. 6. 13.* fuerit solum miraculosa, an etiam Sacramentalis? Rationes pro, & contra. Concluditur, hoc Sacramentum fuisse institutum à Christo post ejus Resurrectionem. Docetur, cur SS. Evangelistæ de eo expressè non scripserint?

SUMMARIUM.

- 1 *Sacramentum Extremæ Unctionis ubi, & quando fit à Christo Domino institutum?*
- 2 *Miffo Apostolorum ad sanandos infirmos unctione olei de qua Marc. 6. 13. an fuerit institutio hujus Sacramenti?*
- 3 *Nullus à Christo sanatus in corpore, qui non fuerit etiam sanatus in anima.*
- 4 *Apostoli quando sint ordinati Sacerdotes?*
- 5 *Unctio cum oleo, quam faciebant Apostoli Marc. 6. 13. erat miraculosa, non Sacramentalis ex communi opinione DD.*
- 6 *Unctio prædicta fuit instituta Sacramentalis tunc, sed non pro tunc. Quod declaratur.*
- 7 *Sacramenta non dantur non baptizatis.*
- 8 *Extremæ Unctionis Sacramentum institutum est à Christo post ejus Resurrectionem. Rationes duæ num. 9.*
- 10 *Apostoli quando sint consecrati Episcopi?*
- 11 *Evangelistæ cur non meminerint expresse Sacramenti Extremæ Unctionis?*

ATtenta itaque certa Institutione hujus Sacramenti à Christo Domino facta, disputant Scholastici, ubi, & quando Christus Dominus illud instituerit? & circa hoc quæsitum duæ sunt præcipuæ Theologorum opiniones.

Prima est, quod Christus Dominus illud instituerit, quando misit Apostolos ad prædicandum cum potestate sanandi infirmos per sacram olei unctionem, ut legitur apud S. Marcum.

2 *cap. 6. Vers. 13. Et ungebant oleo multos ægros, & sanabant.* Videtur enim dicendum, quod Apostoli uterentur ea unctione ex præscripto Christi non tantum ad salutem corporum; sed præcipue ad salutem animarum, quæ potest

simum per hæc miracula à Christo intendebatur; ex ea communi Sanctorum Patrum sententia, quod Christus nulum sanaverit in corpore, cui etiam non concesserit salutem in anima, ut patet de Paralytico per Christum sanato in probatica piscina Joan. 5. 14. cui post sanitatem corporis restitutam dixit: *Ecce jam sanus factus es: jam noli amplius peccare, ne deterius tibi aliquid contingat.* Et idem constat de cæco illuminato Joan. 9. 36. quem postquam Christus illuminavit in oculis corporalibus, spiritualiter illuminavit in mente, dum illum ad credendum in Filium Dei induxit, dicens: *Tu credis in Filium Dei?* Respondit ille, & dixit: *Quis est Domine, ut credam in eum?* Dixit ei Jesus, & vidisti eum, & qui loquitur tecum ipse est. At ille ait: *Credo Domine; & prociens adoravit eum.* Itaque cum illa Unctio, quam adhibebant Apostoli ad sanandum ægros præsumatur ordinata tum ad sanitatem corporum, tum ad salutem animarum, eo tempore videtur tenendum, quod fuerit à Christo Domino hoc Sacramentum Extremæ Unctionis institutum; ut ex DD. antiquis opinati sunt Beda, Theophylatus, Lyranus, Dionysius Carthusianus, & alii relati per Cornelium à Lapide in *Commentar. D. Marci d. cap. 6. Vers. 13.* & per Tirinum *ibid. ac Barradam tom. 2. in Evangel. libr. 9. cap. 14. in fine.* & ex DD. modernis censuerunt Alphonsus à Castro, Maldonatus, Franciscus Lucas, Richelius *ibid.* citati, & Nugnus in 3. p. D. *Thom. q. 29. Supplementi diff. 2.*

Porro huic opinioni quatuor sunt, quæ indissolubiler refragantur. *Primum*, quod solus Sacerdos est minister hujus Sacramenti Extremæ Unctionis. Sed Apostoli eo tempore non erant Sacerdotes, quia tales ordinati sunt à Christo tantummodò in ultima Cæna, quando instituta Eucharistia, dedit eis potestatem consecrandi dicens: *Hec facite in meam commemorationem.* *Alterum*, quod tunc Apostoli ungebant

Aa 2 oleo.

oleo illo etiam non baptizatos, & non moribundos: At Extrema Unctio instituta est tantum pro baptizatis, ac moribundis. *Tertium*, quod omnes uncti ab Apostolis sanabantur, & hoc non operatur semper Sacramentum Extremæ Unctionis, cujus infallibilis effectus est salus animæ per remissionem Venialium, & robur mentis; sanitas verò corporalis est incerta, & conditionata, quatenus profutura sit animæ salutis. *Quartum*, quod Tridentinum Concilium d. sess. 14. de *Extr. Unct.* ait, per illam Unctionem adhibitam ab Apostolis fuisse quidem insinuatum hoc Sacramentum; insinuatio autem non est institutio, sed typus, præludium, & quædam adumbratio futuræ Institutionis; prout baptismus Joannis adumbrabat, & præfigurabat Sacramentum baptismi instituendum; ut latius considerat Mastrius in 4. sent. d. disp. 6. sub num. 16. Neque ponderosa est responsio, quod tunc Christus dispensaverit cum Apostolis, ut ipsi possent ministrare hoc Sacramentum, quamvis non essent Sacerdotes, & quod etiam non baptizatis possent illud conferre; quia hæc repugnant recto ordini Sacramentorum, quæ danda veniunt à propriis Ministris, & solum iis, qui ingressi sunt in Ecclesiam per baptismum januum aliorum Sacramentorum; sine quo homines non sunt capaces receptionis gratiæ, & remissionis peccatorum, effectus principalis Extremæ Unctionis, quæ est Sacramentum. Ideo concludendum videtur, Unctionem illam, quam tunc dabant Apostoli, & de qua scribit S. Marcus d. cap. 6. Vers. 13. fuisse quamdam Unctionem miraculosam tantum, ad sanitatem corporum conferendam: non autem Sacramentalem, ut sentit Suarez tom. 4. in 3. part. D. Thom. d. disp. 39. sect. 2. n. 4. Cornel. à Lapide Comment. in S. Marcum. d. cap. 6. Vers. 13. & Tirinus ibidem. Gonet tom. 5. tract. 6. disp. 1. num. 17. Layman d. libr. 5. tract. 8. cap. 1. num. 2. Bissus in Hierurgia tom. 1. Verb. Extrema Unctio

num. 244. §. 2. & Mastrius d. disp. 6. num. 15. Vers. Verum.

Ut has difficultates effugiat, & à prædicta prima opinione non discedat Emin. Card. de Lauræa d. disp. 11. de *Extr. Unct.* num. 77. eam recipit cum hoc temperamento, quod scilicet fuerit instituta Unctio Extrema Sacramentalis, tunc, sed non pro tunc; id est eo tempore, quando Apostoli missi sunt prædicare, & sanare infirmos unctione olei, ut refert S. Marcus d. cap. 6. Vers. 13. fuerit realiter institutum à Christo hoc Sacramentum; sed non pro tunc administrandum ab eis, neque in usu deducendum, quia tunc neque ipsi erant Sacerdotes, nec audientes erant tunc subiecta capacia, quia nondum erant baptizati, & sine baptismo recipere non poterant alia Sacramenta. cap. Si Presbyter. 1. q. 1. cap. Veniens. De 7. Presbytero non baptizato. Propterea reservatus fuit usus hujus Sacramenti tempore congruo, nempe postquam fuerit publicatus baptismus, & in usu deductus; at ejus institutio probabiliter credi potest facta antecessenter, quando Apostoli ministrabant illam Unctionem Olei curativam, de qua Marcus cap. 6. Vers. 13. & hac de causa cautè, ac prudenter dictum est à Tridentino Concilio d. sess. 14. de hoc Sacramento, Apud Marcum fuisse insinuatam, per Jacobum autem Apostolum, fidelibus commendatam, ac promulgatam, intelligendo per promulgationem praxim, & usum Sacramenti post Ascensionem Domini; per insinuationem verò ejus realem institutionem ante passionem Domini, ab eo, ut supra factam. Hæc de prima opinione.

Secunda opinio est, quod hoc Sacramentum fuerit institutum à Christo. Domino post ejus Resurrectionem statim ac instituit Sacramentum. Pœnitentiæ; videlicet quando dedit Apostolis potestatem remittendi peccata, per illa Verba Joan. 20. Quorum remiseritis peccata, remittuntur eis: tunc enim successivè Salvator instituit etiam Sacramentum hoc Extremæ Unctio.

Unctionis ; quod propterea censetur consequens ad Sacramentum Pœnitentiæ , & vocatur à Tridentino Concilio *d. sess. 14. Pœnitentiæ consummationem*, ac veluti complementum. Ideo sequitur evidenter , & videtur satis probabile, quod Extrema Unctio Sacramentalis non sit instituta ante Sacramentum Pœnitentiæ , ne dicamus, accessorium præcessisse principale, sed statim post Sacramentum Pœnitentiæ. Ratio hujus secundæ opinionis duplex est : *Una*, quia cum hoc Sacramentum supponat in Ministro potestatem remittendi peccata ; hanc Christus non dedit Apostolis, nisi post Resurrectionem per supradicta Verba *Joan. 20. Quorum remisistis peccata &c.* quod nos fœtius examinavimus in Decisionibus *de Pœnitentia Decis. 12. num. 2. & 3.* Ergo neque Extremam Unctionem instituit ante ejusdem potestatis traditionem. Altera, quia materia hujus Sacramenti est Oleum ab Episcopo consecratum , ut probavimus infra *Decis. V.* Sed Apostoli non fuerunt ordinati Episcopi ante ultimam cœnam ; ergo neque ante ultimam cœnam Extrema Unctio fuit instituta : siquidem licet certum sit Apostolos fuisse à Christo ordinatos Episcopos , ut testatur S. Clemens Papa Primus *lib. 8. Const. Apostolic. cap. ult.* Sed non habeamus expressum tempus, in quo fuerint ordinati Episcopi ; & magis communis sit opinio, fuisse ordinatos Episcopos in ipsa ultima cœna, ut tenet idem Eminentiſſ. Cardin. de Lauræa *in 4. Sent. d. tom. 4. disp. 7. num. 72.* colligitur dicta secunda ratio, quod scilicet Extrema Unctio non fuerit ante Passionem Domini instituta : cum adhuc Apostoli non obtinissent characterem Episcopalem, neque facultatem consecrandi materiam ejusdem Extremæ Unctionis. Igitur probabilius censetur, fuisse institutam post Christi passionem ; scilicet successivè post institutum Pœnitentiæ Sacramentum ; ut differunt, & concludunt Suarez *d. tom. 4. in 3. part. D. Thomæ disp. 39. Sect. 2. n. 5.*

Aversa de Extrem. Unct. quæst. Unica Sect. 1. Layman d. libr. 5. tract. 8. cap. 1. num. 2. Gonet d. disp. 1. n. 18. Amicus, Aretinus, Hiribarnes, & alii recentiores, quos citat, & sequitur Mastrius d. disp. 6. n. 14. in fin. cum quibus concordat Hermes Theologicus tom. 8. cap. 9. Vers. Quando verò.

Sed dicet aliquis, cur Sancti Evangelistæ non meminerunt expressè, ac distinctè institutionis hujus Sacramenti Unctionis Extremæ ? Huic instantiæ respondet Mastrius *d. disp. 6. num. 17.* his verbis : *Evangelistæ solliciti fuerunt in iis Sacramentis recensendis, quæ ad salutis necessitatem pertinent ; & ad Ecclesiæ dispositionem, ejusque à reliquis sectis distinctionem : hoc autem Sacramentum non est ad salutem necessarium, sicut neque Confirmatio. Unde neque materia, & forma Sacramenti Ordinis habentur distinctè apud Evangelistas, & tamen hæc tanquam à Christo instituta acceptantur ab Ecclesia. Sic ergo in proposito perpetua traditione Ecclesiæ, & usu apud Græcos, & Latinos constat Extremam Unctionem esse Sacramentum à Christo Domino institutum ; plura quippè sunt, quæ Christum oriturus per Apostolos tradidit Ecclesiæ, ut colligitur ex cap. 1. Act. ubi Christus dicitur apparuisse Discipulis per dies quadraginta, & cum eis convescens de Regno Cœlorum fuisse locutus, instruens, & erudiens eos de omnibus ad Ecclesiæ gubernationem pertinentibus. His consonant ea, quæ scripta reliquit ipsemet Eminentiſſ. Cardin. de Lauræa *d. disp. 1. num. 8.* sic dicens : *Non omnia, quæ tenuit, ac tenet Ecclesia, habentur in scriptura ; sed ex eis multa per traditiones accepta sunt. Et hic fuit Calvinii error lib. 4. Instit. cap. 8. §. 8. quem accepit à Manicheis, & Marcionitis, dicentibus solum verbum scriptum esse ad salutem necessarium. Contrarium definierunt Concilia, & Patres, nimirum.**

num non omnia in verbo scripto haberi, sed multa in traditionibus; Ecclesia enim traditione, & autoritate regitur ex diff. 11. cap. Catholica: & Christianos non esse, qui traditiones non recipiunt, docuerunt Damasus Epist. 2. Marcellinus Epist. 1. Syricus Epist. 4. diff. 12. cap. Ridiculum est, & Concilium Constantinopolit. 4. cap. 1. Senonen. cap. 3. ac Treveren. cap. 4. Idem repetit sub num. 35. subdens: Non posse de institutis à Christo solidius assignari fundamentum, quam traditionem eorum, qui cum eo sunt conversati, & per manus ad suos veros successores transmiserunt. Igitur quamvis non sit ab Evangelistis notatum expressè tempus, quo fuit à Christo institutum Sacramentum Extremæ Unctionis, cum illud ab Apostolis fuerit practicum, & per traditionem ad successores Episcopos, ac fideles transmissum præter promulgationem in scriptis de eodem per Divum Jacobum factam, certi sumus de vera ejus Institutione, etsi ante passionem Christi, an post ejus Resurrectionem emanaverit, Scriptura Sacra non dicat.

DECISIO LXIV.

ARGUMENTUM.

Traditur definitio Sacramenti Extremæ Unctionis, cujus materia est Oleum olivarum ab Episcopo consecratum. Explicatur sex genera Oleorum, & ostenditur, aliud esse Oleum Nominale: aliud Naturale: aliud Artificiale: aliud Supernaturale: aliud Infernale: aliud Sacramentale. Circa omnia prædicta varæ eruditiones habentur, præcipuè de bonitate, & usu Olei naturalis: de obligatione solvendi Decimam de ipso. De Lucernis perpetuis antiquorum. De Oleo, quo Reges Fran-

corum inaugurantur. Et de aliis miraculosis multis.

SUMMARIUM.

- 1 Definitiones aliæ Physicæ, aliæ Metaphysicæ, aliæ Quidditivæ, aliæ Quietativæ.
- 2 Definitio Sacramenti Extremæ Unctionis tradita à Soto.
- 3 Oleorum genera sex.
- 4 Oleum Nominale quale sit? Exemplaria tria.
- 5 Olei, seu Olii fluminis descriptio, item pisces.
- 6 Olea ex fontibus nascentia, seu potius aqua crassa, & sulphurea.
- 7 Olea Balenarum, Thynnorum, & aliorum magnorum piscium.
- 8 Oleum naturale est verum Oleum factum ex olivis. De eo notabilia quatuor.
- 9 Oleum non contrahit contagium, prout neque Panis, neque Vinum.
- 10 Matthæus Veglenfis Min. Conf. Theologus. Publicus Paduæ laudatus.
- 11 Olei usus quadruplex. Et qui?
- 12 Cardinalis de Neres Cœnotaphia Pisana commendata.
- 13 Decima d.b.tur Parocho de Oleo olivarum noviter plantatarum.
- 14 Oleorum artificialium species innumera.
- 15 Nardino oleo, ac balsamo Odoratissimo olim lampades Ecclesiarum nutriebantur.
- 16 Lucernæ antiquorum inextinguibiles. Exemplum de repertis in Sepulchris.
- 17 Olea Supernaturalia, seu miraculose orta. Exemplum tum de eorum productione: tum de eorundem operatione.
- 17 Francorum Reges oleo Supernaturali inaugurantur.
- 19 Olea miraculosa in danda sanitate. Exemplum de Oleo Lampadis B. Felicitis Capucini.

De Extrema Unctione. Decis. LXIV. 191

- 20 *Oleum Variolis, ac morbilis est adversum.*
- 21 *Infernale Oleum, quo sagæ, ac Syryæ unguuntur. Exemplacurio: de his.*
- 22 *Sacramentale oleum quale sit? Ejus veneratio apud antiquos fideles: Odium apud hæreticos.*
- 23 *Oleorum Sacrorum dispensatio signum Cathedralitatis.*

Post quam probavimus existentiam ac Institutionem Sacramenti Extremæ Unctionis, opus est ejusdem Sacramenti definitionem tradere. Circa quam observare licet quod scribit Emin. Cardin. de Lauræa d. disp. 11. de Extrem. Unct. art. 2. & Mastrius d. disp. 6. num. 18., videlicet definitiones assignari vel *physicè tantum*, quando assignantur partes Sacramenti physice solummodo; & hoc modo definitur hoc Sacramentum, ut sit *Unctio facta oleo benedicto in eis partibus corporis, ubi præcipuè quinque organa sensuum vigent, sub præscripta verborum forma*. Vel proponi tantum *Metaphysicè* tradendo solum genus, & differentiam; & sic definiunt illud, quod sit, *Signum rei Sacre, quo aliquæ partes corporis infirmi unguuntur oleo benedicto sub præscripta Verborum forma juxta Christi Institutionem, ad salutem animæ, & corporis*. In qua definitione ly *Signum Rei Sacre* stat loco generis, in quo Extrema Unctio convenit cum cæteris Sacramentis; reliqua autem verba stant loco differentie, quia per ea ab aliis distinguitur. Vel dari definitionem *quidditativam*, quæ contineat omnes terminos relativos, & hoc modo dicitur, quod *Extrema Unctio est Sacramentum ex Sacra Unctione Olei, & prece Sacerdotis confectum, & ad salutem mentis, & corporis egrotantis hominis divinæ institutione ordinatum*. Et in hac definitione habentur omnes relationes, quæ concurrunt in hoc Sacramento tam circa ejus institutionem, quam circa materiam, formam, ministrum, subje-

ctum, & effectus; quibus omnibus attentis resultat quidditas, ac ratio essentialis hujus Sacramenti. Tandem proponi alias definitiones *Quætitivas* appellatas, quæ potius sunt descriptiones declarantes omnia necessaria ad constituendum Sacramentum, & ad ejus naturam, atque operationem intelligendam; & juxta hunc sensum Extremæ Unctionis Sacramentum definitur à Scoto in 4. Sent. dist. 23. quæst. Unic. B. quod sit *Unctio hominis infirmi pœnitentis facta in determinatis partibus corporis à Sacerdote simul verba certa cum intentione debita proferente, ex institutione divina efficaciter significans curationem finalem Ventilium, cum oleo consecrato ab Episcopo*. Hæc definitio exacta, & completa est, utpotè explicans omnia, quæ ad hoc Sacramentum requiruntur. Siquidem ly *Unctio in determinatis partibus corporis* est materia proxima. Ly à *Sacerdote* designat ministrum. Ly *verba certa &c.* demonstrant formam. Ly *hominis infirmi &c.* indicant Subjectum, seu suscipientem. Ly *ex institutione divina* innuunt causam efficientem. Ly *Curationem finalem Ventilium* important causam finalem; & ly *Cum oleo consecrato* Materiam remotam ejusdem Sacramenti, ut infra distinctè declarabimus.

Interim cum materia remota Extremæ Unctionis sit Oleum, ne pigeat studiosum lectorem discere sex genera Olei: aliud enim Oleum est *Nominale*: aliud *Naturale*: aliud *Artificiale*: aliud *Supernaturale*: aliud *Infernale*: & aliud *Sacramentale*.

Oleum *Nominale* est illud, quod potitur tantum hoc nomine Olei; in substantia autem non est Oleum; & de hoc genere tria dantur exempla: *Unum fluminis Olei*, quod etiam nuncupatur *Ollus*; & est fluvius Italiæ oriens ex montibus Rhetiz, ac Vallis Tellinæ, per Territorium Brixianum in Lacum Sebium fluens, & ex eo emissus, ac per Cenomanos currens quasi agros Bergomensem, Cremen-

sem, & Cremonensem à Brixienfi se-
parans; nec non Dominium Venetum
à Mediolanensi Ducatu dividens; ac
Ducatum Mantuanum ex aliqua parte
rigans, in Padum labitur apud Burgum-
fortem, medio fere intervallo inter
Mantuum, & Vastallam. Gualdus in
relat. *Status Mediolan. part. 1. pag.*
175. & Ferrarius in *Lexic. Geographic.*
Verb. Ollus; ex hoc flumine optimas
Trutas nasci præfatus Gualdus testatur.

6 *Secundum exemplum* est diversorum
fontium, quorum latices vocantur
Oleum, quia ex eis ardent lucernæ; ve-
rè tamen sunt aquæ crassæ, ac sulphu-
ræ, in quibus ignis pabulum reperit;
& de his meminit Plinius in *Natur.*
Hist. lib. 31. cap. 2. referens hujusmodi
fontes reperiri in Cilicia, in Æthio-
pia, in India, nec non Ecbatane. *Ter-*
tium Exemplum est Olei balænarum,
thynnorum, aliorumque magnorum pi-
7 scium, de quibus differit Boterus in *Re-*
lat. Univ. Orbis part. 1. vol. 2. lib. 1.
pag. 190. ubi ait, Japonenses non ha-
bere Oleum, nisi illud, quod extrahunt
è Balænis: ad maris littora projectis:
at verè illud non est Oleum, sed pin-
guedo eorundem piscium; idè idem
Boterus *ibidem part. 6. in Relatione*
Hispaniarum pag. 622. subdit de Re-
gno Galitiæ; quòd ejus Incolæ in lit-
tore Oceani piscantur cete grandia, quo-
rum carnem sale condiunt ad vescen-
dum, de pinguedine autem faciunt
Oleum ad accendendas lucernas, &
ad tingendos pannos; minimè enim
valet ad esum; ex quocumque autem
cete, etsi parvo, extrahunt saltem li-
bras duas mille Olei. Consimile exem-
plum scribit Sebastianus Bizozeri in
Viridario lib. 3. cap. 2. pag. 26. nar-
rans, S. Philibertum Abbatem tempore
Clodovei Regis Francorum constru-
xisse Monasterium penes Rhodumna
Oppidum Galliæ; in quo Monachi
sanctissimè vivebant, & piscantes in
vicinum mare, pisces adeò ingentes
capiebant, ut ex eorum pinguedine
Oleum facerent pro lucernarum lumi-
ne. Itaque hujusmodi Olea nomine-

tendù Olea sunt; in substantia autem
vel pinguedo piscium, vel aqua crassa,
ac sulphurea.

Oleum *Naturale* est verum Oleum,
quod conficitur ex olivis, & ejus in-
ventorem fuisse Aristæum Athenien-
sem, qui molam Oleariam ad pre-
mendas Oleas, & ex eis extrahendum
succum ædificavit, testatur Plinius
lib. 7. cap. 36. Sed antiquis inven-
tam fuisse artem conficiendi naturalis
Olei dicendum est, tum quia ante di-
luvium erant olivarum arbores, qua-
rum ramum Columba in ore ad Noe
portavit in Arcam *Genes. 8. 11.* tum
etiam quia Isaac benedicens filium suum
Jacob, ait: *Det tibi Deus de rore cæli,*
& de pinguedine terræ abundantiam
frumenti, vini, & olei. Genes. 27. 29.
De oleo naturali quatuor notabilia ex
probatissimis auctoribus sunt colligenda.
Unum circa ejus bonitatem, nempe
quòd Oleum novum melius est, quàm
vetus, ad differentiam Vini, quod eò
melius, quòd vetustius. Plinius *lib. 15.*
cap. 2. addens, quòd Oleum Italicum
tenet inter aliarum regionum olea prin-
cipatum; sed contradicit Chassanæus
in *Catalog. Glor. Mundi part. 12. con-*
sider. 87. affirmans, quòd excellen-
tiora sunt olea, quæ sunt in Gallia,
& præcipuè in agris Provinciæ, &
Narbonæ. In laudem quoque bonita-
tis olei notat Zacchias in *Q. Q. Medi-*
cegal. lib. 3. tit. 3. qu. 4. num. 29.
Oleum nunquam contrahere conta-
gium, prout neque panem, neque
vinum, neque acetum, neque aro-
mata; quæ omnia tempore pestis de
cujuscumque manu absque timore re-
cipi possunt; non autem vasa, in
quibus deferuntur; ab eorum enim
contactu est cavendum, ut mihi as-
seribat P. M. Matthæus Veglenfis Or-
dinis Minorum Conventualium Sancti
Francisci, eximius, publicusque Theo-
logiæ Professor in hoc Gymnasio
Patavino, olim Præceptor meus, qui
grassante peste Anno 1630. hic Pa-
tavii se sanum servavit, & illæsum,
à contactu Vasorum, in quibus sibi
cibi

cibi deferebantur, abstinendo. *Alterum* notabile est circa olei Usum, qui
 11 est Quadruplex, nempe in cibis, in luminibus, in medicinis, & in conficiendis unguentis ad refocillationem corporis; nec non ad delicias. Cornel. à Lapide *Commentar. in Proverb. Salomon. cap. 21. Vers. 20.* His addendus est alius usus, qui apud Paganos vigeat, fundendi scilicet Oleum super Victimam, quas coram Idolis suis cremabant, de quibus cecinit Virgilius 6. *Æneid. Vers. 252.*

Tum Siggio Regi nocturnas tucboat aras,

Et solida imponit taurorum viscera flammis,

Pingue superque oleum fundens ardentibus extis.

Quem usum recenset, & latius narrat Eminentiss. Cardin. de Nores in *Cenotaphis Pisani Dissert. 3. cap. 5.* ubi de huiusmodi antiquitatibus eruditiones plurimæ. *Tertium* notabile olei naturalis est circa tres ejus singulares proprietates, nempe *illuminativam*, quia est pabulum ignis, quo illuminamur in tenebris; *alleviativam*, dolores enim plagarum unctione olei mitigantur; ideo Samaritanus infudit vinum, & oleum in vulnera illius, quem latrones semivivum reliquerant, *Luc. 10. 34.* Et proprietatem *enativam*, qua oleum stat desuper in omni alio liquore, quia habet multum acritatis, & parum restreitat. Ita Geminian. *de Similitudin. libr. 3. cap. 16.* & Cornel. à Lapide. *libr. 3. cap. 28. Vers. 18.* qui moraliter, seu tropologicè applicat has proprietates veræ devotioni, quæ illuminat hominem ad cognoscendum suum verum finem, qui est Deus; facit sustinere tribulationes cum hilaritate; & sublevar cor ad desideria cœlestia.

13 *Quartum* tandem notabile circa oleum est, quod conslatum ex olivis noviter plantatis obnoxium est solutioni Decimæ, si fundus solitus sit Decimamolvere de frugibus in eo nascentibus, ut decisum est à Rota *part. 5. recent. Decis. 591.* quæ magistralis est, & omni-

nò videnda, ubi quis prætetat, de aliquo particulari fructu non esse Decimam solvendam; siquidem præscriptio non solvendi Decimam de aliqua specie fructuum non habet locum contra Decimatorem ex causa universali, qualis est Parochus, ut docent Barbosa *de Jure Eccl. Univ. lib. 2. cap. 30. §. 2. num. 61.* Burattus *Decis. 572. num. 12.* Bichius *Decis. 322.* Peregrinus in *Decis. Patavinis Decis. 143. num. 23.* Novissimè Rota Romana *part. 18. recent. tom. 1. Decis. 323 & tom. 2. Decis. 582.* Quod dictum sit in gratiam exercentium curam animarum, & laborantium in assistentia infirmorum, occasione præsentis digressionis circa naturam olei naturalis.

Oleum *Artificiale* format tertium genus oleorum, circa quod plura dici possent, quia plurimæ sunt species olei artificialis, quæ conficiuntur ab Aromatariis, & Alchimis, non solum ex herbis, floribus, & fructibus arborum; sed etiam ex bladis, leguminibus, nucibus, amygdalis, castaneis, & scorionibus, de quibus omnibus, & aliis innumeris speciebus differit Plinius *Nat. Hist. libr. 15. cap. 7.* Dominicus Auda in *Praxi Aromatariorum pag. 236. & seqq.* & Fr. Franciscus à Bischo de Valledoblade hujus Patavinæ Diocesis Minorita Capuccinus in *sua Praxi Infirmitat. tract. 6. observ. 17.* Porro circa hæc olea artificialia duo sunt notata digna: *Unum* est, quod antiquitùs tanta erat pietas Regum, ac Principum erga Divinum cultum, ut olei nardini, odorissimi balsami, ingentem quantitatem Ecclesiis dono darent, in earum lychnis arrendi; ut testantur Binnius *tom. 1. Concil. part. 1. in Vita Silverii*, & Anastasius Bibliothecarius in *Benedictio III.* cum quibus concordat S. Paulinus Nolanus *Natali sexto S. Felicis* ita canens:

Martyris bi tumulus deudeant perfundere Nardo,

Et medicata pio referant unguenta Sepulchro.

Bb

Alte-

Alterum notandum est, quòd sci-
verint antiqui tanto artificio Oleum
componere, ut positum in lucernis
16 intra sepulchra, illas faceret inextin-
guibiles, & redderet semper vivas,
ac ardentes. De his lucernis plura
leguntur exempla: siquidem scribit Au-
gustin. *in lib. 21. de Civit. Dei cap. 6.*
tempore suo repertam fuisse lucernam
in quodam Sepulchro ardentem, quæ
ex inscriptione ibi posita arserat annos
mille quingentos. Pancirolus *in lib. 1.*
reperit. & deperdit. *in tit. de Igne*
incombustibili narrat tempore Pauli
Papæ III. Romæ in tumba Tulliolæ
Ciceronis filiz inventam fuisse lucer-
nam ardentem, quæ tamen ex ingres-
su aeris statim perijt. Noster Cano-
nicus Scardeonius Patavinus *libr. 1.*
class. 3. cap. ult. refert. in Terra At-
theistis hujus Patavinæ Diocesis in se-
pultura cujusdam Elibii fossiores con-
similem lucernam ardere reperisse,
quæ ab annis mille quingentis supra
fuerat accensa. S. Augustinus *cit. libr.*
21. de Civit. Dei cap. 6. testatur de
alia lucerna ardente coram Veneris
Statua; quæ quamvis exposita aeri,
pluviis, ac ventis durabat inextin-
guibilis. Plura alia exempla allegan-
tur à Liceto annofo Philosophiæ le-
ctore in hoc Publico Patavino Ly-
ceo, dum ego studens juvenis essem,
in libr. De reconditis antiquor. Lucernis.
Volateran. libr. 33. Bocaccius libr.
12. de Genealogia Deorum cap. 67. &
alii, quos refert Aresius tom 5. libr. 5.
Impres. 133. à num. 30. & seqq. ubi
examinat, an prædictæ lucernæ peren-
ni flamma arderent Dæmonis arte,
vel potius existentia Philosophica na-
turali, & licita, cujus nos notitiam
deperdimus? quem curiosi legere
non detrectent super modo possibili
conficiendi hujusmodi Oleum artifi-
ciale.

Oleum autem Supernaturale illud
est, quod supra vires naturæ procedit
17 ex mero miraculo, ac absoluta Dei
omnipotentia. Hujusmodi olei duo
assignantur genera, quatenus circa

illud duo reperiuntur miracula, unum
in prædicti olei supernaturalis produ-
ctione; alterum in ejusdem operatione.
Productio olei supernaturalis, &
miraculosa fuit illa, quam fecit Eli-
sæus ad favorem pauperis viduæ, non
habentis nisi parum olei, quod Elias
infudit in vasa plurima, eaque omnia
implevit, ut legitur *4. Reg. 4. 5.* uti-
que ex miraculo, Deo intinè illam
quantitatem per creationem augente,
ut loquitur Salianus ad *Annum Mundi*
3124. num. 19. Pariter fuit miraculosa
illa olei productio, quæ Romæ anno
tertio Cæsaris Augusti visa est, dum
è Tabernâ meritoria trans Tiberim
oleum è terra erupit, fluxitque toto
die sine intermissione, ut notat Emini-
entiss. Cardin. Baronius, & ejus com-
pilator Spondanus *in Apparatu Annal.*
num. 14. ad significandam scilicet Re-
demptoris Nativitatem. Idem notavit
Cornel. à Lapide *in Cantic. 1. Vers. 2.*
in 3. sensu pag. 15. ubi ait, quòd il-
lud oleum significabat jam Christum
nasci, qui oleum suavitatis, clemen-
tiæ, & gratiæ spargeret per totum
Orbem. Affinis huic etiam illa olei est
emanatio è Cruce Domini Nostri Jesu
Christi, de qua testatur Beda *Epit. de*
locis Sanctis cap. 20. in fin. relatus ab
eodem Spondano ad *Annum 598. num.*
4. Item quod scribit Sebast. Bizioeri
in Viridario libr. 3. cap. 2. pag. 31.
de Sancto Spiridione Archiepiscopo Tri-
mituntino in Cypro, qui cum vidisset
Lampades Ecclesiæ ex defectu olei
morientes, oravit ad Dominum; &
adeò crevit oleum in lampadibus, ut
superflueret, atque oporteret, vasi-
bus suppositis ipsum colligere. Super-
naturalis quoque est olei productio è
Reliquiis Sanctorum scatens, ut de
brachio S. Viti martyris coronari *An-*
no 187. cujus testum celebratur *die*
15. Junii, scribit Mastrius *in Schola*
Christi. cap. 41. pag. 376. nec non è
Sacris Lipsanis Sancti Joannis Elee-
mosynarii, Sanctique Nicolai Myren-
sis, de quo Hymnus Breviarii Tole-
tani canit:

Cujus

*Cujus Tumba fert oleum,
Matres olive nesciunt:
Quod natura non protulit,
Marmor sudando portavit.*

Prout etiam de Sepulchro Sancti Germaniani Antistitis Mutinensis, de quo in ejus Ecclesia sic canitur in officio:

*Ab ejus Mausoleo
Liquor exundat Olei:
Sanantur ibi languidi
A quocunque discrimine.*

Ac ex aliis plurimis, quorum exempla de antedicti olei supernaturalis decursu collegit egregius Jurisconsultus Jacobus Pignatellus tom. 5. consult. 41. à num. 12. & seqq. nec non P. D. Jo. Bonifacius Bagatta in Admirand. Orbis Christiani tom. 1. libr. 3. cap. 8. §. 2. num. 1. & 2. & in Appendice 4. ad d. cap. 8. prout quoque tom. 2. libr. 5. cap. 2. §. 9. & §. 12.

Porro super omnia eximium est exemplum supernaturalis olei, quo Reges
18 Franciæ inaugurantur, de quo idem Bagatta d. tom. 1. libr. 4. cap. 1. §. 8. Append. 1. num. 1. ita scribit: In Historia Gallicana mirabile est Oleum cœlitus Sancto Remigio datum, quod Sacra Rbemensis colit, ac servat Ecclesia, quo tot jam Francorum Reges inuncti fuerunt, & in dies unguuntur, quod tamen nullum patitur detrimentum. Quomodo autem cœlitus datum fuerit, refert Spondanus narrans Baptismum Regis Clodovei Anno Christi 499. num. 5. ita dicens: Alterum autem non minus insigne miraculum ipso baptismi tempore contigit, cum videlicet Ampulla Chrismaris ore columbæ (figura est hæc Spiritus Sancti) cœlitus adveniens allata est, qua tum fons more solito, tum etiam Rex ipse Sacratius est: cuius exemplo Successores Francorum Reges ejusdem cœlestis ampullæ perenni, nec unquam deficiente Sacro. Olio. hætenus consueverunt inungi. Hæc documenta sunt olei
19 supernaturalis; idest miraculose producti. Alia innumera in Historiis Sacris reperuntur de supernaturali Olei operatione in sanandis morbis ob merita

Sanctorum, de quorum lampadibus ut plurimum accipitur, contestante eodem Bagatta d. tom. 2. libr. 5. cap. 2. §. 12. & §. 13. ad quos lectorem remitto; illud tantum adjungens, quod novissimè tanquam Medicus de sua opinione requisitus scribit doctissimus Zacchias in Q. Q. Medicolegal. tom. 2. libr. 10. consil. 32. num. 5. puerum scilicet semimortuum ex Variolis oleo lampadis B. Felicis Capuccini inunctum statim vitam, vocem, ac sanitatem consecutum, quæ quidem curatio miraculosa fuit; nam subdit idem Medicus Remedium hoc erat omnino contrarium; quia Oleum²⁰ morbillis, & Variolis est adversum: unde cavetur à Medicis, ne corpora hujusmodi oleo tangantur; adauget enim oleum inflammationem, & putredinem.

Oleum infernale illud appello, quo strygæ, sagæve, ac alii pessimi homines pactum, & commercium cum dæmone habentes solent se inungere perfecturi ad diabolicos conventus, de quibus DD. congesti per Guaccium in Compendio Maleficar. libr. 1. cap. 13. ita differens: Sed sciendum est, quod prorsusquam vadant ad conventum ungunt se, sive quasdam corporis partes unguento confectio ex variis rebus insulsi-
21 sissimis: & enarratis prædictorum conventuum vaserrimis tripudiis, allegat exempla ex Historiis collecta; & inter cætera de quadam muliere Sabinensis Diocesis, quæ hanc diabolicam attem profitebatur: & quam ejus maritus vidit quadam nocte se ungentem quadam unguento, qua unctione peracta vidit illam celerrimè quasi avem recedentem: & paulò infra ex Bartholomæo Spineo Magistro Sacri Palatii Apostolici in Q. Q. de Sirigib. cap. 17. ita depromit: Quædam puella, quæ cum matre Bergomi morabatur, inventa fuit nocte Venetiis nuda in lecto sui affinis. Et interrogata, quomodo illuc venisset, aut ibi esset, & quare? Plorans dixit: Hæc nocte cum in lecto vigilarem, vidi Matrem meam, quæ me dormire putabat, surgentem de lecto, & exuta cami-
Bb. 2. fia,

sa, se quodam unguento perunxit, & statim in assumpto batulo quodam ibi præparato in medium equitantis ascendens extra fenestram deportata est. Tunc ego quoque de lecto surgens meum perunxi corpus, ut secerat mater, & in hunc locum fui deportata, ubi matrem puero. huic lecto de umbenti insidiantem vidi, & audiens eam mihi comminantem, nomen Domini JESU, & Matrem ejus invocavi, & ex tunc matrem non vidi; egoque hic nuda, & sola remansi. Prosequitur auctor prædictus narrando, quomodo per Inquisitorem Bergomensem capta dicta mulier confessa fuit commercium suum cum dæmone, & debitis poenis punita. Qui plura de his diabolicis, infernalibusque oleis desiderat, legat Delirium Disquisit. Magic. & alios Criminalistas de Lamiis, ac Strigibus tractantes.

22. Oleum tandem Sacramentale, est oleum de olivis confectum, ab Episcopo in feria quinta Cœnæ Domini benedictum, à Christo Domino pro materia Sacramenti Extremæ Unctionis institutum, ut supra diximus; & latius in sequentibus demonstrabimus. Pro nunc tria corollaria ad hanc Decisionem sunt addenda circa hoc oleum Sacramentale. Primum, quod antiquitus tanta veneratione fideles, & Ecclesiastici conservabant illud, ut in columbis argenteis adinstar lampadarum pendentibus supra fontes baptismales ipsum ponerent, ac tenerent, ut habetur apud Episcopum Sarnesium in Basilicographia cap. 49. num. 17. Alterum quod hæretici semper odio persecuti sunt Sacramenta Ecclesiæ, & materia Sacramentorum; hinc in Boemia Anno 1411. extincto Joanne Hus hæresiarcha, & Hussitarum hæreticorum auctore, ex his surrexit quædam secta nuncupata Orphanorum ob perditum prædictum iniquissimum parentem; & hæc inter cætera flagitia in Templis, Sacras imagines, ac Sacerdotes, etiam Olea Sancta, & benedicta pro Sacramento Extremæ Unctionis conculcare non vere-

batur, atque iisdem Sanctis oleis æreas, & calceos sibi inungere, ut scribit Salles de S. Inquisit. libr. 3. cap. 17. Regula 285. num. 93. Tertium denique est, quod dispensare olea Sancta Parochis, & Parochialibus Ecclesiis spectat ad Ecclesiam Cathedrali; itaut ex hac dispensatione desumatur signum Cathedralitatis, ut advertit Barbosa de Jure Eccles. Univ. libr. 2. cap. 5. sub. num. 8. Frances de Eccles. Cathedr. cap. 19. num. 22. & dicit Rota Romana part. 18. recent. tom. 2. Decis. 196.

DECISIO LXV.

ARGUMENTUM.

Ostenditur, Materiam remotam

Sacramenti Extremæ Unctionis esse Oleum olivarum benedictum ab Episcopo. Circa quam proponuntur, & elucidantur sex difficultates, videlicet: An prædicta Episcopalis benedictio sit de essentia Sacramenti, vel tantum de præcepto Ecclesiæ? An ea fieri possit à simplici Sacerdote? An confici alia die, quam Feria quinta Cœnæ Domini? An Oleo consecrato licitum sit addere aliud non consecratum? An Oleum Chrismatis possit adhiberi in Extrema Unctione? Et an Oleum verus benedictum præteritis annis? Eruitiones variae de Calvinii nequitia, de Ritibus Græcorum circa hoc Sacramentum. Responsa SS. Congregationum circa prædictum Oleum.

SUMMARIUM.

1. Materia remota Sacramenti Extremæ Unctionis quanam sit?

2. Olei.

- 2 Olei appellatione venit oleum olivarum.
- 3 Vocabula dubia intelligi debent secundum communem usum loquentium.
- 4 Oleum olivarum cur fit materia remota Extreme Unctionis?
- 5 Oleum infirmorum debet esse ab Episcopo benedictum.
- 6 Benedictio olei an sit de essentia Sacramenti Extreme Unctionis?
- 7 Calvinus irridet benedictionem Sacrorum Oleorum. Spreto voto suo solemnem castitatis Uxorem duxit.
- 8 Materia Baptismi, & Eucharistiae etiam non benedicta facit Sacramentum.
- 9 Olea Sancta an benedicti possint à simpliciter Sacerdote?
- 10 Graeci Presbyteri benediciunt oleum infirmorum statim antequam eos ungant.
- 11 Consecratio Oleorum an alia dicatur quam in Cæna Domini fieri possit?
- 12 Oleo infirmorum consecrato an licitum sit addere aliud non consecratum? Opiniones tres.
- 13 Opinionem probabilem sequi relicta tutiore in Sacramentis est propositio damnata ab Innocentio XI.
- 14 Hispalensis Archiepiscopi instantia ad S. Congr. Supremam S. Inquisitionis de additione Olei infirmorum non benedicti Oleo benedictio. Et ejusdem S. Congreg. Responsum.
- 15 Christus sacrum an possit esse materia Extreme Unctionis? Duplex opinio.
- 16 Oleum infirmorum vetus, idest anni præteriti, an adhibendum pro Sacramento Extreme Unctionis?
- 17 Olea sacra in Cathedrali Ecclesia sunt facienda. Dispensanda absque ulla mercede, aut dono. Danda etiam Regularibus, & Monialibus.

EX definitione Sacramenti Extreme Unctionis supra tradita, & ex his, quæ diximus circa varia oleorum genera, facillè est intelligere, quoddam materia remota ejusdem Sacramenti est oleum olivarum ab Episcopo consecratum, seu benedictum. Quoddam sit oleum olivarum patet primò ex Verbis Divi Jacobi in cit. cap. 5. 14. *Ungentes eum oleo*; quamvis enim non exprimat, quoddam sit de olivis; tamen ex communi usu loquendi de eo intelligitur locutus; appellatione enim olei venit oleum olivarum, quo homines communiter utuntur, non autem olea ex aliis rebus. *l. Non omne. ff. de Pen. legat. l. Sicut lana. §. Lana. ff. de Legat. 3. Menochius lib. 4. Præsumpt. 153. num. 4. & 5. & Barbosa de Appellativis Verb. appell. 178. quemadmodum cum dicitur, materiam Baptismi esse aquam, intelligitur aqua elementaris, & materiam Eucharistiae esse panem, & vinum, ex vi communis locutionis, & significationis intelligitur panis triticeus, & vinum ex Vite, ut bene considerat Emin. Card. de Lauræa de hoc Sacram. disp. 11. art. 3. num. 21. subdens, quoddam imò quoties aliquid vocabulum est dubium, intelligitur debet secundum communem usum loquentium. cap. Ex litteris. De Sponsal. & ex Concilio Lateranen. 3. In Appendice tit. de Interpret. Verb. cap. 3. Secundò patet ex auctoritate Concilii Florentini, in quo Eugenius IV. in Decreto Unionis Armenorum, quod legitur in ejus Constit. 19. Incipien. Exultate. §. 14. ita inquit: *Quintum Sacramentum est Extrema Unctio, cujus materia est Oleum olivæ*. Tertiò ex praxi Ecclesiae Romanae, quæ semper in ministerio hujus Sacramenti usa est oleo olivarum, ut constat ex omnibus antiquis Ritualibus. At circa doctrinam de Sacramentis non est aliter sentiendum, quam sentiat Romana Ecclesia. cap. Ad abolendam. De hæretic. Et quardò, quia oleum olivarum aptissime demonstrat effectus quos hoc Sacramentum operatur in suscipiente illud, ut optime disserit S. Thomas in Supplem. q. 29. art. 4. quosquidem.*

quidem effectus alia olea exprimere non valent. Gonet *tom. 5. tract. 6. De Extr. Unct. disp. 1. num. 19.* & novissimè Ivenim *tom. 2. Dissert. 7. de eod. Sacram. q. 3. cap. 1. Vers. Quæres primò.*

Quòd autem hujuscemodi oleum, ut sit materia remota prædicti Sacramenti, 5 debeat esse ab Episcopo consecratum, seu benedictum, constat: 1. Ex epistola Innocentii Primi ad Decentium Episcopum, ubi ait, *Quo (oleo) ab Episcopo confecto, non solum Sacerdotibus, sed omnibus uti christiani licet in sua, aut suorum necessitate inungendo.* 2. Ex S. Gregorio Magno, qui de hujus olei consecratione agens in suo Sacramentario ita ait: *Tunc offertur Pontifici oleum, & benedicit illud tam ipse, quam omnes Presbyteri, ad unguendum infirmum bis verbis: Emitte Ecce. Ut tua benedictione sit omni hoc unguentum tangenti tutamentum mentis, & corporis.* Et legitur etiam in *libr. 1. Sacramentor. Rom. Eccl. fer. 5. in Cæna Dom. pag. mihi 69. 3. Ex Concilio Cabilonen. can. 48. ibi: Infirmi oleo, quod ab Episcopo benedicitur, à Presbyteris, ungi debent.* 4. Quia ab Hincmaro Episcopo Rhemeni in capitulis apud Sirmundum *tom. 3. Concil. Gall. hoc oleum appellatur Oleum Sanctum.* 5. Nam Jonas Aurelianensis *lib. 3. de Institut. laic. nominat ipsum Oleum sanctificatum.* 6. Ab Eugenio IV. in *d. Const. 19. Exultate §. 14.* dicitur *Oleum olivæ per Episcopum benedictum.* 7. Pariter à Tridentino Concilio *De Extrema Unct. cap. 1.* definitur, *materiam (ejusdem Sacramenti) esse oleum ab Episcopo benedictum.* 8. Ob antiquissimam traditionem, jam tunc ex Apostolorum temporibus in Ecclesia custoditam, & à Sancto Fabiano, qui anno 238. fuit creatus Papa, ordinatam; dum Epistola secunda cunctis Episcopis ordinavit, ut quotannis feria V. in Cæna Domini, veteri combusto Sacro oleo, novum conficeretur; quæ habetur in *tom. 1. Concilior. pag. mihi 356. atque in cap. Litteris 18. de Consecr. dist. 3. & legitur in Breviario Ro-*

mano; quæ etsi loquatur de Sacro Chrismate, intelligenda est etiam de aliis sacris oleis; tum quia Chisma significat unctionem, ut dictum est supra *Decif. 1. num. 2.* tum etiam quia ibi Sanctus Pontifex loquitur de mysterio unctionis sacræ, quæ adhibetur in baptisate, scilicet oleo Catechumenorum. De hac autem antiquissima traditione præter S. Fabianum Papam testantur SS. Patres, quos allegat Eminentiss. Cardin. de Lauræa *d. disp. 11. num. 27. & 28.* & meminit Castaldus in *Prax. Cærimon. lib. 3. sect. 6. cap. 8. num. 1.*

Porrò circa hanc materiam remotam hujus Sacramenti, scilicet oleum olivarum ab Episcopo consecratum, seu benedictum, Scholastici movent nonnullas difficultates, quas hic breviter referre oportet ad perfectam studentium instructionem.

Prima difficultas est an consecratio, seu benedictio prædicta sit de essentia Sacramenti Extremæ unctionis? vel tantum de Præcepto Ecclesiæ? adeo ut, si quis ungeret infirmum oleo olivarum non consecrato, neque benedicto per Episcopum, an faceret Sacramentum validum, vel invalidum?

Circa hanc difficultatem Valdenses hæretici, qui omnem consecrationem, ac benedictionem tum Pontificum, tum Sacerdotum respuebant in quocunque Sacramento, ac Sacramentali, etiam hanc olei pro Extrema Unctione reprobabant, teste Philedorffio *lib. contra Valdenses cap. 25.* quos secutus est Joannes Calvinus, qui hujus olei consecrationem suis dictis lacessit *lib. 4. Institut. cap. 29.* ita scribens: *Jacobus dum simpliciter inungi infirmos jubet, non aliam unctionem mihi significat, quam vulgaris olei; nec aliud habetur in Marc narracione. Isti oleum non dignantur nisi ab Episcopo consecratum; hoc est multo habitu calefactum, multo murmure incantatum, & novies sexu salutatum.* At nil mirum si hæresiaracha veritatem Catholicam odio habens, consecrationem olei

olei infirmorum contempserit; qui etiam votum suum solemne castitatis, in Sacri Ordinis susceptione emissum conculcavit, dum Sacerdos quadragenarius accepit in uxorem adolescentulam Genevensis ad explendam libidinem, & ex ea filiam genuit, quæ ipso defuncto anno 1564. nupsit egeno bibliopolæ, ut fusiùs narrat Gregorius Letus *Epist. tom. 1. in Epist. 24. & seqq.* ubi prædicti Calvinii vitia, vitia, ac enormitates pessimi magistri malus discipulus contestatur. De Calvinii obitu hæc ponit Cornelius à Lapide *In Comm. Apocal. cap. 19. Vers. 21.* Calvinum scribit Bezæ, phibis, colica, asthma, calculo, podagra, hemorrhoidibus, vexarum. Accessit morbus pedicularis, qui totum corpus pervasit; ac fetidissimum ulcus circa verenda. A vermibus ergo corrosus exspiravit instar Herodis, Himerici, Maximiani, & Antiochi Epiphaniis acerrimorum persecutorum Christi, & Ecclesiæ. Ita Hier. Bolsecus Medicus *Vita Calvinii cap. 22.* At heterodoxis relicto, alii ex Catholicis opinantur consecrationem in oleo infirmorum esse tantum de præcepto, & moventur exemplo materiæ remotæ baptismi, nempe aquæ elementaris; nec non Sacrosanctæ Eucharistiæ, videlicet panis triticeæ, ac vini; nam in utriusque præcedere debet benedictio, & sanctificatio; nihilominus, si hac omissa, Parochus eas adhibeat vel ad baptizandum, vel ad Eucharistiam conficiendam, utique validè baptizabit, & Corpus, ac Sanguinem Domini conficiet; quia earundem materiarum sanctificatio, ac benedictio præcedens est tantum de præcepto, non autem de essentia ipsorum Sacramentorum. *cap. Si quis. De Consecrat. disp. 4.* Ita argumentatur Glossa *in cap. 2. diff. 95.* & docent Victoria *in Summa de Sacrament. num. 216.* Sà Verb. *Extrema Unctio.* Serarius, Ledesma, & alii, quos citat, sed reprobant Diana Coordinatus *tom. 2. tract. 4. resol. 1.* desumpta ex ejus veteri inordinato opere

part. 10. tract. 16. resol. 81. nec non Mastrius *in 4. Sent. d. disp. 6. num. 26.* Alii verò DD. tam antiqui, quàm moderni tenent Episcopi benedictionem esse de Sacramenti essentia; sine qua irrita esset Extrema Unctio, & eorum fundamentum sumitur ex Conciliis, Patribus, & Ecclesiæ traditione; siquidem tam Florentinum, quàm Tridentinum Concilium promateria necessaria hujus Sacramenti expressè, & absolute assignant oleum ab Episcopo benedictum, & ita etiam loquuntur Innocentius Papa I. *in cit. Epist. ad Decentium*, & Innocentius III. *in cap. Cùm venisset. De Sacra Unct.* quo loquendi modo non tantum denotant obligationem præcepti, sed etiam de necessitate Sacramenti; non enim loquuntur quasi ex se præcipiendo, sed tanquam docendo id, quod ex ipsa institutione necessarium est. Ita cum Scoto tenent Faber, Hiquies, Ponticius, Arétinus, & alii citati à Mastrio *d. disp. 6. num. 27.* quibus adhæret Emin. Card. de Lauræa *ead. disp. 11. num. 27. & seqq.* Et cum S. Thoma Valentia *disp. 8. q. 1. punct. 2. in princ.* Suarez *in 3. p. tom. 4. disp. 40. sect. 1. num. 3.* Layman *lib. 5. tract. 8. cap. 2. num. 2.* & alii, quos allegat, & sequitur Diana *Coordinatus d. tom. 2. tract. 4. resol. 1. §. 1.* Quibus addo Gonetum *d. tom. 5. tract. 6. disp. 1. art. 2. num. 23.* Gobatum *in Theolog. Experim. tract. 8. num. 784.* & Salmanticenses de *Sacram. in genere tract. 7. cap. 2. num. 6.* Qui omnes respondent, non concludere exemplum aquæ pro baptismo; ac panis, & vini pro Eucharistia; nam prædictæ materiæ fuerunt elevaræ, ac dedicatæ à Christo Domino ad prædictos effectus tactu suæ mundissimæ carnis, tum quando fuit ipse baptizatus in Jordane; tum quando in ultima Cœna accepit panem, & vinum in sanctas, ac venerabiles manus suas. Nec urget, si quis replicet, verisimile esse, quod Christus Dominus in toto cursu vitæ suæ tetigerit aliquando etiam oleum. Quia respondetur, non sufficere qualemcum-

lemcumque Domini tactum, ut res ab eo tacta constituatur materia apta alicujus Sacramenti; multa enim tegit, quæ Sacramentorum materiæ non sunt; sed requiri tactum ad hunc finem applicandi talem rem, ut sit materia apta alicujus Sacramenti, prout fecit tangendo aquam in Jordane, & panem, ac vinum in cœna; tunc enim respectivè instituit, atque dedicavit materiam Baptismi, & Eucharistiæ. Ita Mastrius *d. disp. 6. num. 28. & 29.* rectè ulterius subdens, quoddam benedictio aquæ pro Baptismo est quid accidentale, olei verò pro Extrema Unctione est quid essentialè; ideo hæc abesse non potest, quamvis illa omitti valeat. Hinc Pignatellus *tom. 2. consult. 70. propè finem* advertit, esse propositionem temerariam, ac errori proximam asserere, quoddam licitum sit administrare Sacramentum Extremæ Unctionis oleo ab Episcopo non benedicto, & hoc idem antea scripserunt Nugnus in 3. *part. tom. 2. q. 29. art. 6. conclus. 1. & Suarez tom. 4. disp. 40. sect. 1. num. 6.*

Secunda difficultas est; an hujus olei necessaria benedictio adeò propria sit Episcoporum, ut neque ex dispensatione, & commissione Summi Pontificis fieri possit à simplici Sacerdote? Et non posse fieri ab alio, quàm ab Episcopo, etiam de mandato Papæ tenent DD. quos citat Mastrius *d. disput. 6. num. 30.* ea ratione quia Concilia, quæ definiunt materiam Sacramenti Extremæ Unctionis esse oleum benedictum ab Episcopo, id absolute, & absque ulla limitatione asserunt; quod non faciunt, ubi loquuntur de Ministro Sacramenti Confirmationis; de eo enim dicunt, ordinariè esse Episcopum, & ex hoc modo dicendi colligitur, quoddam ex commissione Papæ potest dari minister extraordinarius ejusdem Sacramenti Confirmationis, nempe simplex Sacerdos. Igitur cum desit hæc limitatio, & restrictio circa benedictionem olei, & ea absolute facienda dicatur ab Episcopo, deduci-

tur, non posse simplici Presbytero delegari. Nihilominus contraria sententia est communior apud Theologos utriusque Scholæ, qui hanc delegationem fieri posse à Papa concedunt non solum in Consecratione olei infirmorum, sed etiam Chrismatis; ut probavimus supra agendo de *Sacram. Confirm. Decis. LIV. num. 10.* ex auctoritate Mastrii in *Theol. Moral. disp. 17. num. 7. & in 4. sent. disp. 2. a num. 228.* Gobati *tract. 2. num. 745.* & Eminent. Card. de Laureza de *Sacram. Confirm. disput. 2. art. 3. per totum.* Fundamentum hujus opinionis affirmativæ est, quia Clemens Papa VIII. in sua *Constit. 34. diei 31. Augusti 1595.* Incipit *Sacrosanctissimus &c.* circa ritus Græcorum §. 3. ita decernit: *Non sunt cogendi Presbyteri Græci olea sancta, præter Chrisma, ab Episcopis Latinis Diœcesanis accipere, cum hujusmodi olea ab eis in ipsa oleorum, & Sacramentorum exhibitione, ex veteri Ritu conficiantur, seu benedicantur.* Igitur cum ex antiquissima consuetudine Orientalis Ecclesiæ per Papam approbata, oleum infirmorum benedicatur à Presbyteris statim ante administrationem Sacramenti Extremæ Unctionis, absque dubio etiam in Ecclesia Latina talis benedictio committi poterit per Summum Pontificem simplici Sacerdoti; ut docent ex Thomistis Gonet *d. tom. 5. tract. 6. disp. 1. num. 26.* atque ex Scotistis Mastrius in *4. sent. d. disp. 6. num. 31.* ubi uterque refert testimonium Arcudii in *libr. 5. de Sacram. cap. 2.* de eadem consuetudine sic differentis: *Chrisma apud Græcos solus Episcopus conficit, & diu aservatur; oleum autem infirmorum tunc temporis benedicatur, quando æger unguendus est: ut etiam benedicatur aqua, & oleum Cathecumenorum, quando quis apud Græcos baptizatur. Cur autem non aservetur, ratio est; quia cum sit commissum Presbyteris, possunt illi pro necessitate quovis tempore illud consecrare, & simul administrare; ut è contra Chrisma diutius*

diutius offerunt, quod caveant facultate illud conficiendi. Sequitur ex his ex sola commissione Episcopi non posse simplicem Sacerdotem olea infirmorum, seu catechumenorum benedicere; undè bene asserit Marcantius in *Resolut. Pastor. tract. 6. de Sacram. cap. 4. in fine;* & Gobatus d. *tract. 8. num. 770.* inutilem prorsus fuisse precationem illam, quam quidam Parochus addendo oleum non benedictum oleo infirmorum benedicto pronuntiavit his verbis: *Hæc commixto olei non consecrati cum consecrato pariter fiat in nomine Patris, & Filii, & Spiritus Sancti;* in ea enim plus fuit sanctæ intentionis, quàm veræ potestatis ad illud additum oleum sanctificandum; quia neque Christus, neque Ecclesia tribuit huic precationi vim faciendi Sacramentum, quod etiam tenet Lessius in 3 p. d. *Thomæ disp. 32. sect. 2. Extr. Unct. cap. 1. dub. 4 & 5 num. 10.* & cum Conincho, & Dicastilio Diana Coordinatus d. *tom. 2. tract. 4. resol. 1. §. 1. col. 2. in fine.*

11 Tertia difficultas est, An hæc benedictio oleorum per Episcopum faciendi possit ob legitimum impedimentum fieri alio die, quàm in Cæna Domini; puta in Dominica in Albis, in Sabbato Pentecostes, vel die alia? Respondet ad hanc difficultatem Pignatellus *tom. 6. consult. 41.* quod Sanctus Fabianus Papa in *cl. Epist. 2. ad Episc. Oriental.* quæ legitur etiam in *con. Litteris. De Consecr. dist. 3.* scribit errare Episcopos, qui alia die quàm in Cæna Domini consecrant olea; quia à Sanctis Apostolis traditum est ea die esse faciendam; vel quia Maria Magdalene ante biduum Paschæ caput Domini, ac pedes unxit unguento nardi pistici pretiosi, ut considerat S. Eligius Episcopus Novionensis *Homil. 8. in die Cæne Dom. ad Cler. & Pleb.* vel quia eadem die Christus Dominus postquam instituit Eucharistiæ Sacramentum, & fecit Apostolos Sacerdotes, eosdem docuit illam consecrationem pro Sacramentis Confir-

mationis, & Extremæ Unctionis peragere; idcirco semper servatum est in Ecclesia Catholica, ut in prædicta die Cæne Domini conficeretur, ut legitur etiam in *cap. Te referente. De celebrat. Missar. & hac de causa Suarez in 3. p. d. Thomæ disp. 32. sect. 2.* videtur sentire, hunc ritum pertinere ad substantiam eorundem duorum Sacramentorum.

Nihilominus ob legitimum impedimentum posse olea Sancta consecrari etiam alia die de licentia Sedis Apostolicæ tenet idem Pignatellus d. *consult. 41. num. 31.* ubi ita concessum fuisse testatur à S. Congregatione de Propaganda fide Archiepiscopo Antiborensi (Antibarum vulgò *Antivari* est Urbs Dalmatiæ apud eram maris Adriatici, sed sub-Turcis.) die 2. Augusti 1623. sub conditione *Si Sanctissimo placuerit;* subdens, quod Sedes Apostolica facilius dispensat, ut prædicta consecratio fiat cum minori numero assistentium Ministrorum, ubi eorundem est penuria, quàm ut in alia die extra feriam quintam in Cæna Domini conficiatur. Sed hæc locum habent potissimum in partibus infidelium, ubi Episcopi paucos Sacerdotes, Diaconos, ac Subdiaconos habent; siquidem in nostris regionibus catholicis, cum præfati assistentes non desint, opus non est differre consecrationem ad aliam diem; quod si Episcopus infirmeret, facilis est recursus ad alium Antistitem viciniorem, ut frequenter vidi prædictatum in hac Cathedrali Patavina.

Quarta difficultas est, an sit licitum Oleo infirmorum consecrato, si deficere incipiat, addere aliud oleum non consecratum, ut sic sufficiat toto anno pro administratione Sacramenti Extremæ Unctionis? Circa hanc difficultatem tres reperiuntur opiniones Doctorum. Prima est, quod licet addere oleum non consecratum consecrato, etiam si major sit quantitas non consecrati; quia cum magis dignum trahat ad se minus dignum; tota illa
Cc major

major quantitas olei non consecrati unica vice addita, seu infusa, statim fit consecrata. Ratio etiam alia Philosophica est, quia quando duo liquores, qui admiscuntur, sunt ejusdem speciei habentque qualitates individuales valde similes ejusdem virtutis, & vigoris, ut duo vina alba, vel duo olea, non fit verè mixtio, vel corruptio inter utrumque; sed unio, & continuatio reciproca ambarum partium, & in eas omnes transit qualitas consecrationis sic permittente Ecclesia, ut habetur in cap. *Quod in dubiis*, 3. *De Consecrat. Eccl. vel Altaris*, ubi Innocentius III. interrogatus respondit: *Nec negamus, quin oleum non consecratum consecratio possit oleo commisceri*. Et ita tenet Inojosa in *Director. Decis. Regular. Verb. Baptismus*, fol. 49. cujus verba refert Diana part. 11. tract. 3. resol. 15. translata in ejus operis *Coordinati tom. 2. tract. 4. resol. 3.* Secunda opinio est, licitam esse additionem olei non consecrati etiam in quacunque magna quantitate oleo consecrato, & totum evadere consecratum, dummodo tamen additio fiat non unica vice in majori quantitate, sed pluribus distinctis vicibus, seu ut dicunt guttatim; siquidem addita minori quantitate olei non consecrati, major quantitas olei consecrati absorbet illam minorem in se; & communicat ei suam qualitatem, & fit totum sacrum, ac benedictum. Subindè si reiteretur pluries additio non consecrati in minori quantitate, semper operatur eundem effectum; etsi computaris omnibus additionibus quantitas olei ab Episcopo consecrati remaneat minor respectu additi pluribus vicibus olei non consecrati. Et ita tenent Lessius, Bauny, Candidus, Leander, ac alii, quos citat, & sequitur Diana *Coordinatus d. tom. 2. tract. 4. resol. 4.* desumpta ex veteri part. 9. tract. 6. resol. 43. & alii plures congesti à Gobato tract. 8. num. 786. ac novissimè à Bisso in *Hierurgia Sacra tom. 2. Verb. Materia Sacramentorum n. 107.*

§. 56. nec non à Cardena in *Cristologica Dissert. 2. cap. 7. num. 468.* Tertia opinio contraria suprarrelatis est, posse fieri additionem prædictam vel semel, vel pluries, ita tamen ut oleum ab Episcopo benedictum semper remaneat in majori quantitate; ipsumque non benedictum oleum superadditum non attingat ad quantitatem benedicti ab Episcopo; aliàs destrueretur benedictio ipsa, & oleum remaneret materia inepta ad conficiendum Sacramentum. Ratio est, quia si major pars sit olei non benedicti, destruitur minor pars benedicta, sicut, si vas aquæ benedictæ projiciatur in mare, non fit benedictio totum mare; sed perditur benedictio aquæ projectæ. Hinc *Rituale Romanum* à Paulo V. approbatum de *Sacram. Extremæ Unct.* ait: *Si forte (oleum benedictum) intra annum aliquo modo ita deficiat; ut sufficere non posse videatur; neque aliud benedictum haberi queat, modico oleo non benedicto in minori quantitate, quæ sufficiens esset pro totius anni decursu, superfuso reparari potest.* Ubi illa verba *modico oleo non benedicto; & in minori quantitate* videntur decernere, quòd sive semel, sive pluries addatur oleum non benedictum, hoc numquam debeat superare primam quantitatem olei ab Episcopo benedicti, cui facta est additio. Et ita docent Melchior Zambranus *De Casib. occurrent. in artic. mortis cap. 5. dub. 5. num. 3.* Quintanadvenas de *Sacram. tract. 5. sign. 1. num. 4.* Tambur. *libr. 6. de Sacram. Extr. Unct. cap. 1. §. 2. num. 2.* & Gobatus d. tract. 8. num. 786. & 787. ubi hanc opinionem vocat tutiorem, quamvis secundam dicat esse probabilem; illaque praxis ferè omnium Parochorum sequatur, & multarum Diececesum Synodalia decreta concedant.

Verùm, quia inter propositiones damnatas ab Innocentio XI. die 2. Martii 1679. prima ita asserbat: *Non est illicitum in Sacramentis conferendis sequi opinionem probabilem de valore Sacramenti, relicta tutiore: vehementes*

hemens scrupulus invafit animam Illu-
 striffimi, ac Reverendiffimi D. D. Am-
 brofii Ignatii Spinulæ de Guzman Ar-
 chiepifcopi Hifpalenfis, vulgò *di Siviglia*,
 fuper prædicta praxi fuæ amplif-
 fimæ Diœcefis; ideò fecit recurfum ad
 Sacram Congregationem S. Inquifitio-
 nis Romæ, ac ei porrexerat fequentem
 fupplicem libellum:

*Eminentiffimi, & Reverendiffimi
 Domini.*

Cùm statutum fuerit Decreto iftius
 14 Sacræ Congregationis dato die 2. Mar-
 tii 1679. fuper damnatione fexaginta
 quinque propofitionum, circa valorem
 Sacramenti non debere deduci ad pra-
 xim opinionem probabilem, relicta tu-
 tiori, & cùm fit opinio contraverfa in-
 ter Theologos, an ad fupplendum
 Oleum benedictum, quod deficeret, fit
 licitum adjungere non benedictum plu-
 ribus vicibus, taliter quòd Oleum ad-
 junctum confideratum feparatim, & in
 unaquaque admixtione fit in minori
 quantitate, quàm Oleum benedictum;
 quamvis confideratis omnibus additio-
 nibus fimul fiat major quantitas non
 benedicti; hinc natum eft dubium in
 Diœcefi Hifpalenfi, in qua propter
 ejus Diœcefis amplitudinem eft im-
 practicabile benedicere tantum oleum,
 quod fufficiat fine additione non be-
 nedicti, an fit licitum facere præ-
 fatam additionem ad Oleum benedi-
 ctum; cum fint multi Theologi, qui
 opinionem negativam cenfeant tu-
 tiorẽ. Quare ut habeatur refolutio
 hujus dubii Archiepifcopus Hifpa-
 lenfis devotiffimus Orator fecit porri-
 gi Eminentis Veftris libellum con-
 fultivum, in quo referebantur opi-
 niones Theologorum fuper hoc du-
 bio. Sed quia non habuit adhuc ejus
 declarationem; ideò orat Eminentias
 Veftras, ut dignentur eam fibi notam
 facere pro fecurityte, & quiete con-
 fcientiæ propriæ, & gregis fibi com-
 miffi.

*Feria Quarta die 23. Septembris
 1682. In Generali Congregatione San-
 cti Officii habita in Conventu S. Ma-*

*riæ fuper Minerva coram Eminentiffi-
 mis, & Reverendiffimis DD. Sanctæ
 Romanæ Ecclefiæ Cardinalibus in to-
 ta Republica Chriftiana contra hæreti-
 cam pravitate Generalibus Inquifito-
 ribus à Sancta Sede Apoftolica fpecie-
 liter deputatis:*

*Leñto fupradicto memoriali, Emi-
 nentiffimi, & Reverendiffimi DD. Car-
 dinales Inquifitores prædicti decreve-
 runt in cafu propofito, Poffe.*

*Francifcus Ricardus S. Romanæ, &
 Universalis Inquifitionis Notarius.*

Attenta itaque præfenti declaratione
 hujus Sacræ Congregationis fecunda,
 & tertia opinio remanet tuta, ac pra-
 cticabilis; non autem prima, ut diffe-
 rit Cardenas *dicta Differt. 2. cap. 7. à
 num. 484. & feqq.* ubi eandem declara-
 tionem tranfcribit.

Quinta difficultas eft: An Sacrum
 Chriftma, id eft oleum, in cujus confe-
 cratione ab Epifcopo adjunctum eft bal-
 famum, fit materia fufficiens Sacra-
 15 menti Extremæ Unctionis; itaut defi-
 ciente oleo fagro infirmorum, poffit in-
 firmus ungi oleo fagro Chriftmatis? Cir-
 ca hanc difficultatem duæ funt opinio-
 nes. Una affirmat, ea ratione, quia
 balfamum adjunctum eft in modica
 quantitate, & non destruit naturam
 olei; ideò ficut parvus liquor additus
 aquæ non impedit, eam effe materiam
 fufficientem baptifmi, & ficut parva
 aqua admixta vino non reddit ipfum
 ineptum ad confectionem Calicis; ita
 parvum balfamum additum oleo non fa-
 cit, quin non fit materia apta Extre-
 mæ Unctionis. Ita Suarez *in 3. part.
 tom. 4. difp. 40. feñ. 1. num. 10. Go-
 netus d. tom. 5. tract. 6. difp. 1. num. 23.
 Diana Coordinatus d. tom. 2. tract. 4.
 refol. 2. Quæ in veteri eft part. 10. tract.
 11. refol. 15. ubi §. 2. alios DD. cumu-
 lat. Et ex modernis Gobatus d. tract. 8.
 num. 785. Maltrius in 4. feñ. d. difp. 6.
 num. 24. Emin. Cardin. de Lauræa De
 Sacram. Extr. Unctionis d. difp. 11.
 num. 30. & feqq. ubi ait, ita probabilif-
 fimè deffendi poffe, & Bifius d. tom. 2.
 Verb. Materia Sacramentorum §. 46.*

¶ 47. Alia opinio negat; non ex eo, quod balsamum muret naturam olei; sed quia benedictio Chrismatis apta non est ad constituendam materiam sufficientem pro Sacramento Extremæ Unctionis. Nam et si benedictio olei infirmorum non ierit à Christo Domino quo ad formam specialiter præscripta, credendum est quoad intentionem præscriptam esse; benedictione enim deputatur materia ad Sacramenti usum. Cùm ergo non deputeretur Chrisma benedictione Chrismatis pro Sacramento Extremæ Unctionis, sed pro Sacramento Confirmationis; non videtur censendum ex illa benedictione esse oleum infirmorum benedictum. Ita sentit Bonacina *De Sac. Extr. Unct. tom. 1. disp. 7. punct. 2. num. 5.* Reginald. *lib. 28. num. 30.* Castropalaus *tom. 3. tract. 26. punct. 2. num. 11.* Layman *lib. 5. tract. 8. cap. 2. num. 3.* Cotonius *lib. 2. contr. 15. num. 14.* subdens quod hæc olea, scilicet Chrismatis, Catechumenorum, & Infirmorum secundum æstimationem moralem, & usum Ecclesiæ specie differunt. Novissimè doctissimi Salmanticenses *De Sacramentis in genere tract. 7. cap. 2. num. 9.* ubi allegantur Aversa, Valentia, Card. Bellarminus, Vivaldus, Nugnus, & Leander ita docentes. In hac contrarietate adharendum censéo huic opinioni secundæ, & à prima in praxi abstinendum; siquidem, etsi sit probabilis ob gravium Doctorum placitum, tamen cadit sub censura prædictæ primæ Propositionis. damnatæ ab Innocentio XI. ut bene considerat Cardenas *in Crisi d. Dissert. 2. cap. 7. num. 494.* Sed quid, si per errorem Parochus unxisset infirmum oleo Chrismatis, vel oleo Catechumenorum? Nihil esse repetendum respondent Layman *d. lib. 5. tract. 8. cap. 2. num. 4.* & Cotonius *d. contr. 15. num. 15.* cum pluribus resolutionibus Dianæ ibi citatis, quia, ajunt, hoc non est Sacramentum necessitatis, & repetitio non fieret sine scandalo. Ita Diana Coordinatus *d. tom. 6. tract. 4. resol. 1. §. 2.*

resol. 2. §. 3. & resol. 7. in fine.

Sexta tandem difficultas est; an possit administrari Sacramentum Extremæ Unctionis oleo benedicto veteri, idest annis præteritis consecrato? Et respondent DD. valde posse; non autem licet; quia singulis annis verus oleum Sacrum est comburendum, & novum consecrandum feria Quinta Ccenæ Domini. *cap. Muteris. De Consecrat. dist. 3.* At in casu necessitatis deficiente novo, poterit adhiberi oleum benedictum vetus, ut respondit S. Congregatio Episc. 20. Maii 1590. apud Gavantium *in Manuali Verb. Extrema Unctio num. 10.* & docet Diana Coordinatus *d. tom. 2. tract. 4. resol. 8. §. 1.* ubi DD. cumulat; quibus adhærent Salmanticenses *d. tract. 7. cap. 2. num. 10. & 11.*

Corollarii loco tria sunt notanda circa hujus Sacramenti materiam remotam. Unum, quod consecratio oleorum facienda est ab Episcopo in Ecclesia Cathedrali. *cap. Referente. de Celebrat. Miss. Emin. Card. de Luca in Miscellan. Ecclesiast. Disc. 26. num. 4.* quod etiam præcepit S. Congr. Concilii *die 21. Junii 1614.* de qua Nicolius Canonici. *Lucubr. tom. 2. lib. 1. tit. 15. §. 1. col. 2.* ubi advertit, quod si in ea non sit sufficiens numerus Sacerdotum, possunt vocari ex aliis Ecclesiis Civitatis, vel Diocesis ad interessendum, etiam Regulares, si exerceant curam animarum. Ead. Sacra Congreg. *ad Episc. Feltren. die 5. Febr. 1602.* Nam consecratio prædicta facienda est omnino juxta formam Pontificalis Romani. Sacra Rituum Congreg. *in Lauretana 9. Maii 1606.* de qua Barbosa Apostolic. *Decif. Collect. 537. num. 8.* Alterum notandum est, quod Episcopi non debent permittere, ut in distributione oleorum Sanctorum, ab eorum ministris recipiantur ova, cadelæ, vel aliquid aliud temporale. *Can. Placuit. & ibi Gloss. 1. quæst. 1.* non obstante quacunque contraria consuetudine, quæ censetur gravis abusus, S. Congreg. *in Geracen. 6. Septembris 1604.*

De Extrema Unctione. Decis. LXVI. 205

1604. apud Nicolium d. tit. 15. num. 3. Tertium est, quod Oleum infirmorum benedictum est distribuendum etiam Regularibus, atque Monialibus in Civitate, ac Diocesi Monasteria habentibus, ut illud servent in eorum Ecclesiis pro sui ipsorum usu, ut ex pluribus decretis S. Congreg. ostendit idem Nicolius ubi *supr. num. 4.* & extat Constitutio Clementis VIII. incipien. *Exponi Nobis. la 57.* in Bullar. Romano tom. 3. pag. 54.

DECISIO LXVI.

ARGUMENTUM.

Explicatur Materia proxima Sacramenti Extremæ Unctionis: Et quot Unctiones de ejus essentia sint faciendæ. Referuntur varii usus antiqui ungendi alias partes corporis præter quinque sensus. Ritus Ecclesiæ in Sacramenti immutari non debent. Extrema Unctio quomodo sit Sacramentum Unum, si ad quamcunque Unctionem sit repetitio formæ? Unctiones ipsæ an sint faciendæ sub Signo Crucis de necessitate Sacramenti? vel de Præcepto Ecclesiæ? Eruditiones plures de virtute Signi S. Crucis contra Diabolum. Rituale Romanum habet vim legis.

SUMMARIUM.

1. *Materia proxima Extremæ Unctionis quam sit?*
2. *Unctiones quot sint necessariae ad Validitatem hujus Sacramenti?*
3. *Rituale Romanum quot Unctiones præscribat?*
4. *Moniales, & Religiosi in Germania non unguuntur oleo Sancto in pedibus.*
5. *Venetis olim Unctio Extrema fiebat etiam in capite, in pectore, & in*

scapulis. Alii verò etiam in umbilico, & in collo.

6. *Græci unguunt faciem ægroti in Extrema Unctione.*
7. *Opiniones quinque circa numerum Unctionum in hoc Sacramento.*
8. *Fenestra Animæ sunt sensus corporis.*
9. *Opinio quæ sequenda, & quæ non circa numerum Unctionum?*
10. *Omittere aliquas Unctiones in Sacramento hoc quando liceat?*
11. *Ritus Ecclesiæ Catholice in Sacramenti sunt mutandi, vel omittendi sub Anathematis pena.*
12. *Propositio damnata de materia minus probabilis in Sacramenti non procedit, ubi probabilior haberi non potest.*
13. *Unum, vel plura Sacramenta an sit Extrema Unctio? Et an unione indivisibilitatis? vel unione integritatis?*
14. *Crucis signum in ungendo infirmum oleo Sancto an sit de essentia Sacramenti? vel de Præcepto Ecclesiæ? & num. 17.*
15. *Crucis signum in benedictionibus, ac Sacramenti ex Apostolica traditione est à Christo.*
16. *Diabolus contremiscit ad signum S. Crucis.*
17. *Omittere signum Crucis in Extrema Unctione mortale peccatum est.*
18. *Rituale Romanum habet vim legis, & obligat sub præcepto.*
19. *Debet Verbum importat necessitatem.*
20. *Hortamur Verbum in re gravi dictum à Superiore est præceptivum.*

Post materiam remotam, de qua egimus supra, sequitur explicanda materia proxima hujusce Sacramenti Extremæ Unctionis; circa quam omnes scribentes conveniunt, quod sit ipsa Unctio corporis infirmi eodem oleo benedictio facta per Presbyterum. Probationes hujus materiæ proximæ sunt plures,

res, & evidentes. *Primò*: Quia Apostolus Jacobus dixit: *Ungentes cum oleo in nomine Domini*. Jac. cap. 5. Ergo actualis unctio, quæ fit per contactum corporis infirmi cum prædicto oleo, est proxima materia perficiens Sacramentum. *Secundò*: Quia Concilium Trid. sess. 14. de Sacram. Extr. Unct. cap. 1. statim nominata materia remota, quæ est oleum benedictum, addit, quòd *Unctio aptissimè Spiritus Sancti gratiam, qua invisibiliter ægrotantis anima inungitur, repræsentat*. Certum est autem illam esse materiam proximam, quæ causat effectum Sacramentalem, videlicet gratiam. Igitur Unctio est materia proxima, quia ipsa est, quæ operatur infusionem gratiæ. *Tertiò*: nam omnium Sacramentorum consistentium non in re permanenti, sed in usu, materia proxima est applicatio materiæ remotæ: ut ablutio cum aqua in baptismo, unctio cum balsamo in Confirmatione; & contactus instrumentorum in ordine. Sic in Extrema Unctione ipsa applicatio olei benedicti per Unctionem infirmi cum debita forma, & intentione facit Sacramentum, quia Unctio est materia proxima; ipsum autem oleum benedictum donec stat in Vase, vel super digito Sacerdotis non est Sacramentum; prout Sacramentum non est aqua benedicta, quæ servatur in fonte baptismali. *Quarò*: quia, ut ait Scotus in 4. Sent. dist. 23. Q. Unic. sub D. magna est congruentia, ut Unctio ipsa sit materia proxima Sacramenti, ob expressam significationem effectus ejusdem Sacramenti. Nam, sicut exterior Unctio vulneris fit ad sanandum vulnus, ita Unctio Sacramentalis interior sanat animam à culpis venialibus; ut dixerunt DD. quos allegant, & sequuntur Salmanticenses de Extr. Unct. tract. 7. cap. 2. num. 13. Eminent. Card. de Lauræa d. disp. 11. art. 4. & Mastrius tum in 4. Sent. disp. 6. num. 122. tum in sua Theol. Morali disp. 22. num. 19. Porro quia nonnullæ difficultates excitantur à Scholasticis circa hanc proximam Extre-

mæ Unctionis materiam, quæ scitu sunt dignæ; ideo eas breviter duxi referendas.

Prima difficultas est de numero Unctionum; scilicet quot Unctiones sint necessariæ de essentia, & ad validitatem hujus Sacramenti? Pro intelligentia difficultatis notanda sunt duo. *Unum*, quòd ex præscripto Ritualis Romani, Papæ Pauli V. jussu editi, septem corporis partes, ut plurimum sunt inungendæ, ut ordinat Rubrica ejusdem Ritualis, ita dicens: *Quinque vero corporis partes præcipue ungi debent, quæ veluti sensuum instrumenta homini natura tribuit, nempe, oculi, aures, nares, os, & manus: atque pedes etiam, & venter ungendi sunt: sed renum unctio in mulieribus honestatis gratia semper omittitur; atque etiam in viris, quando infirmus commodè moveri non potest*. Quæ ordinatio concordat cum Bulla Eugenii IV. emanata in Concilio Florentino in Decreto Union. Armenor. ubi in §. 14. ita statuitur: *Hoc Sacramentum nisi infirmo, de cujus morte timetur, dari non debet; qui in his locis ungendus est; in oculis propter visum; in auribus propter auditum; in naribus propter odoratum; in ore propter gustum, vel locutionem; in manibus propter tactum; in pedibus propter gressum; in renibus propter delectationem ibi viventem*. Itaut ad normam ejusdem Ritualis Romani; & Concilii Florentini Unctiones debeant esse tredecim in Viro; undecim autem in mulieribus; vel etiam totidem in Viro, si commodè moveri non possit. Alterum notandum est, quòd præteritis sæculis, & nunc etiam in variis regionibus varius est mos ungendi partes corporis infirmi in collatione hujus Sacramenti: Extremæ Unctionis. In Germania Religiosi viri numquam unguntur in renibus, neque in pedibus; & multò minus Moniales. Mastrius in 4. Sent. d. quæst. 6. num. 45. & Gobatus in Theol. Exp. rim. tract. 8. num. 792. ubi subdit, Rituale Constantiæ præcipe-

De Extrema Unctione. Decis. LXVI. 207

re, ut in viris religiosis loco pedum unctio fiat in pectore. Apud me extat Sacerdotale Venetum typis impressum anno 1567. in quo in Rubrica de Sacramento Extremæ Unctionis ponitur ordo ungendi infirmum secundum usum Patriarchinus; qui incipit ab unctione capitis ita dicens: *Ungo* 5 *caput tuum oleo sanctificato, in nomine Patris, & Filii, & Spiritus Sancti, ut more militis uncti, preparatus ad lustramen possis actus superare catervas. Per Christum Dominum nostrum. Amen.* Deinde profequitur unctionem oculorum, aurium, narium, & labiorum; postea pectoris, & scapularum sub hac forma: *Ungo pectus tuum oleo Sancto, ut hac unctione protectus fortiter stare valeas adversus aereas catervas. In nomine Patris, &c. Et sit hæc unctio olei sanctificati ad purificationem mentis, & corporis. Per Christum &c.* Postea ungendo scapulas subdit: *Ungo has scapulas, sive in medio scapularum. In nomine Patris &c. ut ex omni parte spirituali protectione munitus valeas diabolicos impetus viriliter contemnere, ac procul possis eos robore superni iuvaminis repellere. Per Christum, &c.* Tandem transit ad unctionem manuum, & pedum. Usus autem per vetustus Venetiarum vigeat etiam in aliis Provinciis, nam Hugo Menardus in notis ad Sacramentarium S. Gregorii Magni de Sacram. Extr. Unct. refert alios antiquos Codices, in quibus quarundam aliarum partium unctio præscribitur, præcipue Codicem Abbatis Rotaldi, in quo unctioni quinque sensuum adiungitur *Unctio colli, pectoris, & scapularum*; item Pontificale vetus Anglicanum, in quo ultra prædictas unctiones colli, scapularum, & pectoris, etiam *umbilici, seu loci, ubi plus dolor imminet*, unctio præfigitur: prout alium Codicem S. Remigii Remensem mandantem in administratione hujus Sacramenti perungi quoque *utraq; tempora agrosantis oleo sanctificato*; & notat Ivenim

in *Commentar. Historic. Dogmat. de Sacram.* tom. 2. *Dissert. 7. quæst. 3. cap. 2.* Sed nec sub silentio prætereunda est 6 consuetudo Græcorum, qui dum consueverunt hoc Sacramentum Extremæ Unctionis inungere *Frontem, Mentum, & utrasque genas infirmi*, deinde pectus, manus, & pedes, ut testatur Arcudius *libr. 3. de Extr. Unct. cap. 7.* his verbis: *Græcorum verò Sacerdotes ungunt ægri frontem, mentum, ambas genas, itaut fieri videatur unctio in capite ad modum Crucis, deinde pectus, tum manus, idque ex utraque parte, postremo pedes.* Hoc idem scribit ex Auctoribus Græcis Symeon Thessalonicensis in *libr. de Sacram.* cujus verba ponit ipsimet Ivenim d. *quæst. 3. cap. 2.* & novissimè notat doctissimus Mastrius in *4. Sent. d. disp. 6. num. 30.*

His ita prænotatis pro resolutione primæ difficultatis requirentis, quot Unctiones sint de essentia hujus Sacramenti? Quinque reperiuntur opi- 7 niones. Prima est, necessarias esse illas omnes Unctiones, quas exprimit Concilium Florentinum, & Bulla Eugenii IV. in §. 4. supra relatas; & repetitas in Rituali Romano; tum quia Concilium Florentinum ponit eas omnes tamquam materiam proximam Extremæ Unctionis; tum quia nullam aliam diversam consuetudinem ungendi excipit; sed universaliter loquitur; tum etiam quia pro illis omnibus manifesta ratio concurrit; tres enim sunt potentiae, ex quibus oriuntur in nobis peccata, scilicet sensitiva, generativa, & motiva secundum locum. Igitur ungenda sunt organa omnium istarum potentialium; quæ quidem sunt quinque sensus externi sensitivæ; renes generativæ, & pedum motivæ, pro delendis venialibus per hæc organa patratæ. Ita sentit, & tenet ex modernis Faber in *4. Sent. disp. 23. disp. Unic. in fine*; asserens hanc fuisse opinionem etiam antiquorum, nempe D. Bonaventuræ, Ricchar- di,

di, Durandi, & aliorum; subditque in diversis Ecclesiis ceptum fuisse omittere unctionem renum, & pedum ex sententia D. Thomæ ob rationes, quas considerat in *Suppl. 3. p. 9. 32. art. 6. Secunda* opinio est, quod de essentia Sacramenti sint illæ quinque Unctiones, quæ in quinque sensibus, scilicet oculis, auribus, naribus, labiis, & manibus sunt; ea ratione quia hoc Sacramentum, quod datur ad abstergendas reliquias peccatorum, est applicandum iis corporis partibus, in quibus residet radix peccatorum, nempe in prædictis quinque sensibus, à quibus omnis malicia transit in cor hominis; cum nihil sit in intellectu, quin prius fuerit in sensu. Hinc ait Jeremias *cap. 9. Vers. 21. Ascendit mors per fenestras nostras*, idest per sensus mors peccati intrat in animam, ut ex auctoritate SS. Ambrosii, Gregorii, & Bernardi notat ibidem Tirinus, & hanc opinionem tenent omnes Thomistæ, quos cumulat Mastrius *d. disp. 6. num. 46.* asserentes, quod si æger moriatur ante completam quintam unctionem, Sacramentum remaneat invalidum, & ex eo nullum consequatur effectum. Idem novissimè docet Gonet *tom. 5. tract. 6. disp. 1. de Extrem. Unct. num. 30. & seqq.* addens, quod in Ecclesia Mechliniensi, in Synodo anni 1680. correctum fuit ejus Rituale, in quo docebatur, tempore pellis sufficere unctionem unius solius sensus, dummodo unica vice diceretur, *indulgeat tibi Dominus quicquid per omnes sensus deliquisti*. Tertia opinio teret, necessarias quidem esse prædictas quinque unctiones, non autem repetitionem verborum *Indulgeat &c.* ad singulas earum; sed in periculo mortis, posse celeriter inungi unumquemque sensum, & semel dicere, *Per istas Sanctas unctiones, & suam piissimam misericordiam indulgeat tibi Dominus quicquid per visum, auditum,*

Odoratum, Gustum, & Tactum deliquisti. Ita Doctores plurimi, quos cumulat, & laudat Diana *Coordinatus tom. 2. tract. 4. resol. 8. & resol. 10.* quarum prima est in *part. 5. tract. 3. resol. 90.* altera verò in *part. 3. tract. 4. resol. 167.* Quarta est opinio, quod in periculo mortis sufficiat unica unctio in quacunque corporis parte fiat; itaut de essentia Sacramenti non sint ungendi sensus; dummodo tamen proferatur, forma antedicta expressiva quinque sensuum. Ratio hujus opinionis est, quia ex verbis Apostoli Jacobi *Ungentes eum &c.* non denotatur necessitas nisi unius Unctionis; sicut ex verbis Domini *Baptizantes eor*, una sola ablutio innuitur. Hinc in pluribus Provinciis prævaluit usus variis ungendi infirmos in diversis corporis partibus, potissimum in Ecclesia Orientali, in qua, ut notatum est supra, unctio fit in facie. Ac etiam quia Concilium Tridentinum *sess. 14. cap. 1.* nullum expressit Unctionum numerum pro materia proxima hujus Sacramenti; Florentinum autem Concilium, etsi assignaverit unctiones quinque sensuum, ac illas renum, & pedum, videtur locutum de eis juxta magis universalem usum Ecclesiæ, non ex necessitate Sacramenti; nam duæ ultimæ ex communi sensu DD. & ex Rituali Romano illa renum sæpe omittitur; ideo non est major ratio de aliis, quin & ipsæ aliquando omitti possint. Ita sentiunt Silvius, Chapeavilla, Becanus, Poncius, Hiqueus, & alii, quos numerat Mastrius *d. disp. 6. num. 49.* Quinta, & ultima opinio asserit, omnes, & singulas unctiones in Rituali Romano præscriptas esse de essentia hujus Sacramenti, quando omnes fieri possunt: At si mors superveniat, sufficiant illæ, quæ factæ sunt, licet una sola fuisset facta. Ratio est, quia cum hoc Sacramentum sit institutum pro exsistentibus in extremo vitæ, voluit Deus, si tempus non superfit pro omnibus unctionibus, quod illæ solæ

solæ Unctiones sufficiant ad ejusdem Sacramenti validitatem, quæ jam factæ sunt; hoc enim convenit pietati Dei, volenti morientium necessitati consulere. Ita Eminentiſſ. Cardin. de Lauræa d. *disput. 11. art. 4. in fine, & art. 13.*

Has quinque opiniones refert, & examinat tam pro, quàm contra Ministris in 4. *Sentent. cit. disp. 6. quest. 3. art. 1. à num. 44. usque ad num. 53.* & in in sua Theologia Morali cit. *disp. 22. à num. 35. & seqq.* & post maturam discussionem rationum, quibus earundem Auctores innituntur, concludit his verbis: *Ex dictis sequitur, primam, & ultimam opinionem nullam prorsus habere probabilitatem. Secundam verò esse omnium tutissimam, & in praxi saltem sub præcepto servandam, quando nulla gravis urget necessitas, quod evidenter probat universalis Ecclesiæ praxis. Tertia etiam est valde probabilis, & in morbis contagiosis iuxta conscientiam in praxi servari potest, tum ob rationem, in qua fundatur, tum ob auctoritatem Doctorum eam sequentium. Quarta tandem opinio etiam sua probabilitate non careret eadem de causa; unde si peste grassante timeatur ex unctione omnium sensuum contrahi contagium, poterit Minister juxta hanc sententiam, iuxta conscientiam, unum tantum organum magis obrium, & expositum ungere sub unica forma omnes sensus exprimente, ut tempore pestis servari in Belgio, & in Austria refert Amicus *disput. 19. sect. 4.* Cui ego addo Dianam Coordinatum tom. 2. *tract. 4. resol. 10.* nec non tom. 3. *tract. 1. resol. 60.* & Gobatum d. *tract. 8. de Extrem. Unct. num. 775.* idem asserentes.*

De duobus tamen hic studiosus lector admonitus esse debet: Unum est, quod supradictæ opiniones circa varietatem, & diversitatem numeri Unctionum; ad praxim reduci non debent, nisi in casu urgentis necessitatis, & imminetis mortis infirmi, vel ævæ pestilentiae, itaut non posset Sacerdos, vel ex

defectu temporis, vel ex evidenti periculo contagii inungere ægrotum in omnibus sensibus, ac partibus in Rituali Romano præscriptis. Siquidem ubi commodè omnes unctiones peragere potest, tenetur eas omnes perficere sub poena peccati mortalis; ea ratione quia Ritus, quos Romana Ecclesiæ præscribit in administratione Sacramentorum, sunt omnino servandi, tanquam ab Apostolis recepti, & ab Apostolica traditione emanati. *cap. Si quis omnem. 1. q. 7.* Hinc contra audentes spernere eisdem Sacros Ritus Concilium Trid. *sess. 7. de Sacram. can. 13.* ita pronuntiavit: *Si quis dixerit receptos; & approbatos Ecclesiæ Ritus in solemnitate Sacramentorum administratione adhiberi consuetos, aut contemni, aut sine peccato à ministris prohibito omitti, aut in novos alios per quemcumque Ecclesiarum Pastorem mutari posse, Anathema sit.* Quare pie, ac rectè subdit Eminentiſſ. Cardin. de Lauræa d. *disp. 11. num. 47.* Ergo multiplicem Unctionem non servans in hoc ministerio, facit contra Ecclesiæ solemnem Ritus, ac præceptum; & consequenter peccat. Alterum, de quo admonetur lector est; quod licet non sit ampliùs amplectenda opinio probabilis, probabiliori relicta, ubi agitur de materia, aut de forma Sacramentorum; cùm asserere contrarium sit opinio prima damnata ab Innocentio XI. die 2. Martii 1679. nihilominus hæc damnatio procedit ubi Minister habet modum, & tempus eligendi, & practicandi materiam, & formam magis tutam, ac magis probabilem: at ubi ex defectu temporis, vel modi non potest adhibere nisi materiam, aut formam minus tutam, & ex doctrina Theologorum probabilem tantum, non est prohibitum conferre Sacramentum in casu necessitatis sub conditione, saltem mente retenta, si ipsa materia, aut forma sit sufficiens; ut concedit Cardenas in *Crisi Theologica Dissert. 2. cap. 1. num. 497.* ubi loquens de materia proxima hujus Sacramenti

D d Extre-

Extremæ Unctionis, & de numero Unctionum, ait: *Hinc inferitur, quod prima opinio* (ut scilicet sufficiat unica Unctio) *quamvis in speculatione sit probabilis, in praxi tamen subiacet huic damnationi; quia est opinio minus tuta, & versatur circa valorem Sacramenti; exponitque illud periculo frustrationis. Cum hoc tamen fiat, (notetur) quod si moribundus jam jam acturus animam non potest recipere omnes quinque Unctiones, possit ei ministrari unica Unctio; itaut forma mentionem faciat omnium quinquesensuum; quia quando non est medium certum, usurpandum est medium probabile in casu necessitatis; Idem docet Eminentiss. Cardin. de Lauræa d. disput. 11. art. 12. per totum, & novissimè Thyrsus Gonzalez in Fundament. Theol. Mor. Dissert. 10. num. 19. Et hæc de prima difficultate.*

Secunda difficultas est; An hoc Sacramentum Extremæ Unctionis, dum
 13 administratur uni Infirmo, sit Unum numero? Et quomodo possit dici Unum numero; cùm omnis Unctio habeat suam specificam formam, & quando pluries applicatur materia proxima cum sua forma plura conficiuntur Sacramenta? Respondent Scholastici, absque dubio hoc Sacramentum, dum uni ægrotanti exhibetur, esse Unum numero; ea ratione quia illæ plures unctiones, ac plures formæ ordinantur ad obtinendum unum effectum completum. Quomodo autem hoc Sacramentum dici possit Unum numero? duæ sunt opinionēs. Prima dicit, esse Unum unitate indivisionis, seu indivisibilitatis; nam effectus hujus Sacramenti, nempe gratia non confertur divisim, & per partes, sed indivisibiliter, & tota simul in ultima Unctione. Hæc opinio probatur ratione, & exemplo. Ratio est, quia hoc Sacramentum ultra effectum suum ordinarium remittendi venialia potest extraordinariè remittere etiam mortalia, si quæ infirmus haberet inculpabiliter oblita. At remissio venialium non datur, nisi

simul remittantur mortalia. Igitur Sacramentum Extremæ Unctionis est unum unitate indivisibilitatis, quia indivisibiliter, & unico instanti confert gratiam sanctificantem, quæ est præcipuus ejus effectus, in ultima Unctione. Dant etiam Auctores hujus opinionis exemplum istud; Si in baptismo esset de ejus essentia triplex immersio in aqua; prima, & secunda immersio non esset Sacramentum, quia istud perficeretur completè in tertia tantum immersione. Itaque idem dicendum est de Extrema Unctione, in qua indivisim completur Sacramentum in Unctione ultima. Ita respondent Averſa quæst. Unic. de Extrem. Unct. & Caspensis tract. 27. disput. 4. Sect. 1. quibus adhæret Eminen. Cardin. de Lauræa d. disput. 11. art. 16. §. 6. Altera opinio dicit hoc Sacramentum esse Unum numero, non unitate indivisibilitatis, sed unitate integritatis; quia singulæ Unctiones producunt suum partialem effectum; & dant aliquem gradum gratiæ remittentis tum culpam, tum poenam peccatorum Venialium commissorum per illum sensum, qui iungitur; in ultima autem unctione obtinetur integer effectus Sacramenti, idest ultima portio gratiæ, quæ complet ipsum Sacramentum. Hoc pariter probant ratione, & exemplo. Ratio est, quia si qualibet unctio non produceret aliquem gradum gratiæ deletivæ Venialium sensus inuncti, frustratoria esset forma, quæ in qualibet Unctione profertur. Igitur ad quamlibet Unctionem, & prolationem formæ delentur peccata Venialia contracta per illud organum, quod ungitur; & conceditur una portio, & unus gradus gratiæ; non enim implicat, quod remittatur una pars venialium, remanentibus aliis deinde remittendis. Exemplum est de Eucharistia, quam sumit Sacerdos sub utraque specie; nam in sumptione speciei panis datur una pars gratiæ; & alia pars in sumptione speciei Vini. Neque implicat, si sint mortalia inculpabiliter obli-

oblita, hæc enim si cadant sub sensu inuncto, remittuntur statim virtute Sacramenti; si sub sensibus inungendis, delentur in prima unctione concomitanter ratione gratiæ, quæ in ipsa obtinetur. Ita tenent Almainus, Pontius, Hiqueus, & alii, quos sequitur Mastrius in 4. d. disput. 6. quæst. 3. art. 2. Et in sua Theologia Morali disp. 22. q. 3. art. 2. Eligat studiosus, quam ex his opinionibus mavult; sunt enim merè speculativæ; & utraque probabilis. Sed utrum omnes unctiones fieri debeant statim Una post aliam; vel aliqua mora, aut quantum tempus possit fluere inter unam, & alteram? disputare omitto; etenim de hoc quæsito egi in Decisionibus de Sacram. in genere Decis. VII. ad quam lector recurat.

Tertia difficultas est, An ad essentialiam hujus Sacramenti requiratur, ut
 14 à Sacerdote unctiones fiant sub signo Crucis? Pro responsione sunt ea recolenda, quæ scripsimus de Sacrificio Missæ Decis. 42. à num. 23. & seqq. ubi probavimus, nullas esse benedictiones Ecclesiasticas, quæ absque signo Sanctæ Crucis fiant; ex Quarto in tractatu de Benedictionib. tit. 1. Sect. 3. dub. 1. & seqq. & ex Castaldo in Praxi Cæremon. libr. 2. Sect. 11. cap. 1. num. 4. Siquidem ritus, & mos adhibendi signum Crucis in Sacramentis, & Sacramentalibus emanavit à Christo, & ex Apostolica traditione à primordio Ecclesiæ est in eam introductus, ac semper servatus cap. Ecclesiasticarum 11. diff. ut testantur S. Basiliius libr. de Spiritu Sancto cap. 27. & S. Leo Papa Serm. 8. de Passione, & probant Salmeron tom. 9. tract. 12. atque Barradas in Evangel. tom. 4. lib. 2. cap. 2. col. 6. præter alios, quos allegat Suarez in 3. p. D. Thomæ tom. 2. disput. 51. Sect. 2. & Menochius in Hist. Ad. Apostolor. libr. 1. cap. 1. num. 6. Igitur sicut cætera Sacramenta signo Crucis perficiuntur. cap. Nunquid. De Consecr. diff. 5. Eminen. Cardin. de Lauræa in tom. de Incarnat. Verbi

disput. 29. num. 164. ita unctiones, quæ sunt Sacramenti Extremæ unctionis materia proxima, cum signo Crucis, & in signum Crucis fieri faciendæ, juxta S. Augustinum tract. 118. in Joan. quem refert Eminen. Cardin. Bona Rerum Liturgicar. libr. 1. cap. 25. num. 8. ubi ait: Quid est signum Christi, nisi Crux Christi? quod signum nisi adhibeatur sive frontibus credentium, sive ipsi aqua ex qua regenerantur, sive oleo, quo Christum unguntur, sive Sacrificio, quo aluntur, nihil bonum ritè perficitur? Tantò magis quia hujus Sacramenti proprium est deprimere vires diaboli, ne suis temptationibus ægotantem in ultimo mortis conflictu debellet; at diabolus terretur, & debilitatur Signo Sanctæ Crucis. Glossa in cap. Postea signatur. 63. De Consecr. diff. 4. ubi refert, de quodam Judæo, cui diabolus non potuit nocere, quia Signo Crucis se signaverat; undè dixit: Inveni vas vacuum, sed bene signatum; quod repetit etiam Abbas Panormitanus in cap. Quod quidam. num. 2. de Pœnitent. & Remiss. Hinc Eminentiss. Cardin. de Turrecremata in d. cap. Ecclesiasticarum. 11. diff. scribit, quòd Crux est armatura fortis, ad pugnandum contra demones. Et S. Jo. Chrysostomus inquit: Ubi Crux Christi est, nullus stare potest immundorum demonum, videns enssem, in quo plagam accepit. Et S. Augustinus: Signum Crucis à nobis expellit exterminatorem: quæ dicta transcribit Chassanæus in Catalogo Glor. Mundi Confid. 38. conclus. 98. in qua differit de Veneratione Signi sanctæ Crucis, & de ejus potenti virtute contra malignos Spiritus. Prædictis convenit, quod ex Sozomeno libr. 5. cap. 2. narrat P. Menochius in Storeis centur. 4. cap. 26. Julianum scilicet Apostatam tremefactum ex apparitione demonum, quos Magi ejus jussu acciverant, facto sibi Signo sanctæ Crucis eosdem in fugam convertisse; & quod addit P. Daniel Bartoli Soc. Jesu in Historia Sinarum libr. 4. pag. 1017. dæmonem

monem cuidam Idololatæ dixisse, si puerulus Christianus Signum Crucis duobus digitis formatum mihi obiciat, tantum terroris concipio, & tantam exterior penam, quantam homines in agonia mortis. Sunt itaque Unctiones in forma Crucis faciendæ, dum administratur Extremæ Unctionis Sacramentum ad deterrendos diabolicos spiritus, & ab eorum astu, ac insidiis ægotantem communiendum, juxta id, quod expressit Concil. Trid. d. sess. 14. de Extr. Unct. cap. 2. his verbis: *Unctio delicta, si quæ sint adhuc explenda, ac peccati reliquias abstergit; ægroti animam alleviat, & confirmat, magnam in eo divinæ misericordiæ fiduciam excitando, qua infirmus sublevatus, & morbi incommoda, ac labores levius fert, & tentationibus Dæmonis, calcaneo insidiantis, facilius resistit.*

Nihilominus omnes DD. tam Scholastici, quam Moralistæ docent, non esse de essentia Sacramenti Signum Crucis in unctione infirmi; quia neque à Divo Jacobo hoc Signum insinuaturn est; neque ab aliquo canone, vel Concilio de eodem verba facta sunt, & multò minus à Florentino, & à Tridentino, quamvis ab eis exactè explicata sint, quæ sunt de essentia Extremæ Unctionis; & ita tenent Suarez in 3. p. tom. 4. disp. 40. Sect. 2. n. 3. Sylvester Verb. Unctio n. 2. Bonacina, Layman, Reginaldus, Palaus, & alii plurimi, quoscitant, & sequuntur Salmanticenses d. tract. 7. de Sacram. cap. 2. n. 14. & Diana Coordinatus d. tom. 2. tract. 4. resol. 18. existente in Inordinato parti. 3. tract. 4. resol. 177. Qui è contra affirmant, Signum Crucis ungendo faciendum esse de Præcepto Ecclesiæ ob inveteratam consuetudinem ab immemorabili tempore, & ubique tam in Orientali, quàm in Occidentali Ecclesia servatam; ut testantur Euchologia vetustissima Græcorum, liber Sacramentorum S. Grægorii Papæ, & præcipit Rituale Romanum jussu Pauli V. editum, dum ante primam Unctionem oculo-

rum sic de Sacerdote hoc Sacramentum ministrante loquitur: *Deinde intincto pollice in Oleo Sancto, in modum Crucis inungit infirmum in partibus hic subscriptis.* Verùm si Sacerdos absque causa omitteret ipsum Signum Crucis, idum ungit ægrotum, peccaret mortaliter, ut advertit Nugnus in addit. ad 3. p. q. 29. art. 6. contra quem excandescit Diana Coordinatus in cit. tom. 2. tract. 4. resol. 18. vocans eum nimis audacem in censurandis aliorum opinionibus; sed minus justè; quia non est verum id, quod supponit ibi Diana, & alii per eum citati, scilicet quòd nullum sit expressè latum præceptum de hac re; siquidem verba suprarelata Ritualis Romani ordinant per expressum, ut infirmus inungatur in modum Crucis; certum est autem apud professores Sacrorum Canonum, quòd Rituale Romanum est liber habens vim legis, & quòd ejus Rubricæ obligant sub præcepto. Loterius lib. 1. q. 16. n. 123. Menoch. conf. 52. n. 145. Gratian. discept. Forens. cap. 111. n. 7. & Spretellus Decis. 179. n. 22. In Bulla enim, quam Paulus V. præmisit eidem Rituali, testatur, in eo esse comprehensos Sacros, & sinceros Ecclesiæ Catholice Ritus, qui in Sacramentorum administratione, aliisque Ecclesiasticis functionibus servari debent ab iis, qui curam animarum gerunt. Ubi notandum est verbum illud Debent, quod de jure importat necessitatem, & est præceptivum. l. Sæpè. ff. de Offic. Præsid. Fagnanus in cap. Qualiter. num. 37. De Cleric. non resid. non obstante, quòd in eadem Bulla Summus Pontifex dicat, *Hortamur in Domino Ven. fr. Patriarchas, Archiepiscopos, Episcopos, &c. nec non Parochos universos &c. ut eodem Rituali in Sacris functionibus utantur*: nam etiam verbum illud *Hortamur* prolatum à Papa in re gravi habet vim præcepti. Fagnanus ubi sup. num. 38. potissimum quia constat de ejus enixa voluntate, dum ibidem in fine subdit: *Ut in re tanti momenti, quæ Catholica Ecclesia,*

fra, & ab ea probatus usus antiquitatis, statuit, inviolatè observent. Quapropter reflectendo ad primordia Ecclesiæ, in quibus omnia Sacramenta ex Christi instructione, & ex Apostolica traditione cum signo Crucis administrari coeperunt, ad inveteratam, & universalem observantiam in adhibendo hoc Sacro Signo, ad congruentiam, & virtutem ejusdem, & ad rubricam ejusdem Ritualis Romani, nefas est asserere, inculpabilem fore omissionem ejusdem Sacri Signi Crucis in Sacramento Extremæ Unctionis; nullum etenim dari potest impedimentum, ob ejus brevitatem, & facilitatem, quo Parochus ab eo efformando, dum ægrotum inungit, præpediatur.

DECISIO LXVII.

ARGUMENTUM.

Enucleantur aliæ tres difficultates circa materiam proximam Sacramenti Extremæ Unctionis: videlicet An, & Ubi sint ungendi infirmi carentes organo alicujus sensus, ut cæci, surdi, ac muti à nativitate; vel non habentes brachia, aut manus? Item an in Unctionibus servandus sit ordo præscriptus à Rituali Romano? Et an faciendæ sint Unctiones pollice Sacerdotis, vel etiam virgula oblonga saltem tempore Pestis? Eruditiones, & Historiæ de Cæcis, & de non habentibus brachia, aut manus, sed facientibus operationes mirabiles.

SUMMARIUM.

- 1 Infirmus carens aliquo sensu, quomodo inungendus? & num. 7.
- 2 Cæcus à nativitate illuminatus à

Christo quis fuerit? & ubi obierit?

- 3 Dydimus cæcus Alexandrinus scriptor Ecclesiasticus.
- 4 Cæci plurimi à nativitate doctissimi.
- 5 Hominis sine brachiis, ac manibus mirabiles operationes.
- 6 Homines cum tribus, & cum quatuor brachiis, ac manibus.
- 8 Animæ nostræ duæ operationes. Aliæ per organa corporis. Aliæ sine.
- 9 Cæci, surdi, muti, carentes manibus etiam à nativitate ungendi sunt Oleo Sancto.
- 10 Forma Sacramenti Quidquid deliquisti per Visum, &c. quomodo verificetur in Cæco à nativitate?
- 11 Puella cæca concupiscens Vistas coccineas, ac purpureas.
- 12 Ordo servandus in unctionibus cum Oleo Sancto.
- 13 Pollice Sacerdotis an infirmus sit ungendus; vel aliqua virgula?
- 14 Parochus tempore Pestis an teneatur ministrare Extremam Unctionem?

Circa eandem materiam proximam Sacramenti Extremæ Unctionis, scilicet Unctionis corporis ægrotantium cum Oleo Sancto, tractant Theologi nonnullas alias difficultates, quas cum ignorare Parochos dedecet, in præsentī Decisione duxi explicandas.

Una est, quid agendum à Sacerdote hoc Sacramentum ministrante, si infirmus careat aliquo sensuum, quos Ritale Romanum præcipit inungi? Hæc difficultas cadere potest circa cæcos à nativitate, circa surdos, & mutos ab infantia, circa carentes brachiis, ac manibus; sive è contra circa habentes à natura tria, vel quatuor brachia; tres, vel quatuor manus. Quod dentur homines utriusque sexus cæci à nativitate, experientia quotidiana nos docet, & habemus testimonium illius, quem Christus illuminavit, dum exivit in terram, & fecit

fecit lutum ex sputa, & linxit lutum super oculos ejus, ut scribit S. Joannes in Evang. cap. 9. cap. 6. qui quidem cæcus vocabatur Cedonius, seu Celdonius, ut ibi notat Cornelius à Lapide vers. 1. & de quo Petrus de Natal. in Catalog. Sanctor. lib. 5. cap. 102. testatur, quod postea Christi discipulus fuit, & post Ascensionem Domini ab Apostolis baptizatus Sancto Maximo specialiter adhaesit, & cum eodem, & Lazaro, atque sororibus ejus naviculæ impositus à Judæis Marfiliam appulit, & prædicti S. Maximi ordinati Episcopi Aquis prædicationis coadjutor factus, ibi post dies multos in pace quievit, & juxta Magistrum reconditus jacuit. Præter hunc cæcum natum, alium habemus insignem Dydimum, de quo Emin. Card. Bellarminus de Scriptur. Eccles. Anno 361. ait: Dydimus Alexandrinus cæcus à prima ætate dictavit opera plurima, & nobilissima. Et fusiùs prædictus Cornelius à Lapide in Genes. cap. 27. vers. 1. de eodem ita refert: Legitur de Dydimio (qui cæcus fuit per octoginta annos, & tamen in Sacra Scriptura versatissimus, unde S. Hieronymus vocat suum videntem) quod rogatus à S. Antonio, an tristeretur de eo, quod oculis careret, & ille non abnueret, audierit ab Antonio: Miror prudentem Virum ejus rei dolere damno, quam formicæ, & pulices habent. De pluribus hujusmodi aliis cæcis mirabilia operantibus scribit Gaspar Schottus in Physica Curiosa lib. 3. cap. 33. §. 2. præcipuè de Diodoro Siculo Stoico cæco nato, qui non modò Philosophiam, ac Musicam, sed Geometriam quoque didicit, & hanc alios docuit, præcipiens discipulis, ubi, unde, & quò linea quælibet esse ducenda. Et de quodam Nicasio de Werdà Mechliniæ nato, qui licet ab anno tertio ætatis suæ oculis captus, in omni doctrina divi, & humana adeo profecit, ut Magisterii gradum Lovanii acceperit, & in Scholis Theologia pulchre docuerit; deinde in Aca-

demia Colonienfi Juris utriusque Doctor factus, ibidem leges publicè explanaverit; libros, quos nunquam viderat, nec legerat, memoriter recitando. Et aliis relictis, narrat, quemdam Joannem Gambasium Volaterranum, etfi cæcum, artem statuariam didicisse, & duas mirabiles Statuas ex argilla formasse, quarum una Urbani Papæ VIII. alia Cosmi I. Hetrurizæ Magni Ducis effigies simillimas referebat.

De surdis, ac mutis à nativitate non transcribo exempla, remittendo Lectorem ad ea, quæ retuli in meis Decisionibus de Pœnitentia Decif. 22. per totam; sed utique de natis sine brachiis, ac sine manibus; quorum prolixam seriem ponit idem Gaspar Schottus in d. Physica Curiosa lib. 5. cap. 7. ex qua delumere cogor relationem sequentem, per eum desumptam à P. Laurentio Stengelio in lib. de Monstris cap. 16. §. 9. his verbis. Anno Christi 1628. Ingolstadii, in Collegio Ignatiano, multis Perillustribus, Generosisque Dominis, ac Nobilissima Studioforum corona præsentibus, sederamus expectatione novi alicujus spectaculi intenti: Cùm ecce mediocris Statuæ Vir in conclave ingreditur, magnificis passibus, pallio in humerum contorto involutus; atque ante mensam, theatri loco appositam, reverentiam Spectatoribus exhibet, ignaris quid spectaturi essent. Præmissis hoc cæcerum honore, pallium ore mordicus apprehendit, & à se expeditissimè super mensam projicit. Quoamoto evolutus ipse adstat statuæ instar truncatæ, ab humero deorsum planus, tanquam trabs quædam vestibus induta, aut trophæum, cui arma appenduntur. Carebat enim ambabus manibus, & utroque brachio erat destitutus. Mox in mensam insiluit, & excussis calceis, paulò plus, quàm primores pedum digitos ostendit, quos habebat haud multò, quàm nos, longiores. Illis tamen omnia faciebat, quæ alii manibus solent. Nam in primis musicum Organum scitissimè, pul-

„pulfabat, & fi, qui folles attollens po-
 „nē adflabat, negligentiorē fe osten-
 „diflet, plano pede alapam illi excuf-
 „fiffimam dabat. Tum panem, car-
 „nes, aliaque, iifdem pedum digitis
 „cultrum tenens, fcindebat. Quin &
 „Vitrum levabat uno pede, alteroque
 „cantharum, fibique ipfe infundebat,
 „& nunc Vitrum, nunc cantharum
 „ori admotum exhauriebat. Poftea &
 „chartis pictis cum socio ludebat, eas
 „mifcens, distribuens, tenens, atque
 „in menfam cum fonitu projiciens, non
 „fecūs atque alius omnibus membris
 „integer homo. Denique calamus ar-
 „ripiēbat, pulcherrimos caractēres
 „fcribebat: quodque magis mirandum,
 „& acum fumebat, quam filo traji-
 „ciens, quovis Sartore citiūs nebat,
 „& fuebat. Itaque quicunque videbat
 „eum operantem, manus dicebat ei,
 „non officia manuum defuiſſe; aut
 „certē manus ipſas in locum pedum
 „demigraſſe. Hæc Stengelius, & ex
 „Stengelio Schortus, qui *cod. cap. 7.*
 „aliā Hiftoriam ponit cujuſdam ſœ-
 „minæ Anglæ brachiis deſtitutæ, quæ
 „ore, & lingua præſtabat multa, quæ
 „alii manibus præſtare ſolent.

Sed in prædicto *lib. 5. cap. 9.* per-
 git idem Schortus narrare quamplures
 8 alios caſus diverſorum hominum;
 quibus natura dederat tria, vel qua-
 tuor brachia; tres, ac quatuor ma-
 nus, & cum Schotto concordat For-
 tunius Licetus, olim in hoc Publico
 Gymnaſio Patavino Philoſophiæ Ma-
 giſter meus, in *tract. de Monſtris lib. 1.*
pag. 11. & ſeqq. Igitur ſicut dubitari
 poteſt, an quadrumanes quater ſint
 in manibus ungendi, ita ē contra
 major eſt dubitatio, quid debeat fa-
 cere Parochus vocatus ad dandum
 Oleum Sanctum ægroto, qui fuerit
 cœcus à nativitate, vel ab infantia;
 ſivē ab eodem tempore laboraverit
 furditate; aut mutitate; ſivē etiam
 qui natus ſine brachiis, aut eis ob-
 truncatus à primis annis, manus nun-
 quam habuerit ad ſenſum tactus exer-
 cendum. Siquidem in his ægrotis

quomodo verificabitur Forma Sacra-
 menti: *Indulgeat tibi Dominus quid- 7*
quid per viſum, per auditum, per
locutionem, per tactum deliquiſti; ſi
 neque viſum habuit, neque auditum,
 neque loquelam, neque manus, ad vi-
 dendum, audiendum, loquendum, ac
 tangendum? Docent Philoſophi, & S.
 Thomas 1. p. q. 77. art. 5. quod anima
 noſtra quaſdam operationes poteſt exer-
 cere ſine organo corporali, ut intelli-
 gere, & velle: At non etiam illas, 8
 quæ exercentur per organa corpora-
 lia, ſicut viſio per oculum, auditus
 per aurem; ut diſputando probat Col-
 legium Compluten. *lib. 1. & 2. de Ani-*
ma diſp. 6. q. 3. §. 1. & Maſtrius in
cod. tract. de Anima diſp. 6. à num. 3.
& ſeqq. ubi docet, quod in præſenti
 ſtatu anima noſtra in ſua operatione
 pendet à potentia organica. Hinc Di-
 caſtillus de Sacramento. *tom. 1. tract. 7.*
diſp. 1. dub. 3. num. 51. relatus à Dia-
na part. 10. tract. 16. reſol. 81. quæ in
Coordinato eſt tom. 2. tract. 4. reſol. 1.
 aſſerit huiusmodi ægrotos non eſſe un-
 gendos in ſenſibus, vel in parte vicina
 ſenſuum, quos non habuerunt, ſubdens
 hanc rationem, *Qui enim nunquam*
habuit oculos, nunquam peccavit per
oculos; nec concupiſcentia videndi,
ſi peccatum fuit, fuit peccatum ocu-
lorum. Unctio autem in alia parte
omnino diſtincta, non ſignificat remiſ-
ſionem peccati commiſſi per eam par-
tem, quæ non exiſtit, nec unquam
exiſtit; nec commiſſi per concupiſcen-
tiam operandi per talem partem, aut
ſenſum, qui nunquam fuit.

Nihilominus reſolutio difficultatis
 eſt, quod prædicti ægroti quamvis ab
 infantia, aut à nativitate cœci, furdi,
 muti, brachiis, vel manibus trunca- 9
 ti, ſunt ungendi Oleo Sancto in parti-
 bus proximioribus organo, quod non
 habent; tum ex præcepto Eccleſiæ; quia
 Rituale Romanum in Rubrica de Sa-
 cramento. *Extrem. Unct.* ait in fine: *Si*
quis autem ſit aliquo membro mutila-
tus, pars loco illi proxima inungatur
eadem verborum forma: tum ex com-
 muni

muni opinione, & doctrina Theologorum ita asserentium, quoscit, ac sequitur Diana *part. 5. tract. 6. resol. 11.* translata in *Coordinatum d. tom. 2. tract. 4. resol. 48.* quibus ego addo S. Thomam in *Supplem. 3. p. q. 32. art. 7.* S. Bonaventuram in *4. diff. 23. part. 2. q. 2.* Suarezium in *3. p. tom. 4. disp. 42. sect. 3. n. 4.* Gonetum *tom. 5. tract. 6. disp. 3. num. 8.* Salmanticenses de *Extrem. Unct. tract. 7. cap. 2. à num. 23.* & seqq. nec non Emin. Card. de Lauræa de *eodem Sacram. disp. 11. n. 186.* Ad objectionem autem, quomodo verificentur in his ægrotis verba formæ

- 10 *Indulgeat tibi Dominus quidquid per visum, auditum, tactum &c. deliquisti*, si nunquam viderunt, audierunt, tetigerunt? respondent dupliciter: uno modo, quod prædicta verba intelliguntur conditionaliter, idest *Si quid per visum, auditum, tactum &c. deliquisti*: altero modo, quod licet homo carens visu, vel alio sensu non possit peccare mediante organo illius sensus, quem non habet; nihilominus peccare potest per potentias internas, quas habet in anima: quandoquidem (ut supra notatum est) Anima rationalis dupliciter operatur, vel per organa corporalia, vel per potentias non organicas internas, quarum ipsa anima est subiectum *Quod*; ut explicat D. Thomas 1. *part. q. 77. art. 5.* & declarant Complutenenses *d. lib. 1. & 2. de Anima quæst. 3. §. 1. & 2. disp. 6.* Igitur etsi cæcus non videat organo oculorum; interius tamen anima cupit videre, & ex illo desiderio, si immoderatum, vel inordinatum sit, potest delinquere. Agnovi puellam nobilem cæcam ab infantia, quæ impensè delectabatur vittis coccineis, & purpureis; ac iisdem tum caput, tum humeros, ac brachia sua ornabat; utique non alia de causa, nisi quia à puellis aliis audiebat, colorem coccineum, ac purpureum esse cæteris pulchriorem. Quamvis itaque cæcus non iudicet de colore; ex nimio desiderio, & affectu ad illum, potest dari culpa venialis,

delenda per Sacramentum Extremæ Unctionis etiam in cæcis à nativitate; idemque dici potest circa inordinata desideria audiendi, loquendi, & tangendi in hominibus, qui hos sensus externos non habent.

Altera difficultas est, An in administrando hoc Sacramento, & in sensibus unguendis servandus sit ordo in Rituali Romano præscriptus, videlicet, ut primùm inungantur oculi, deinde aures, postea nares, subinde os, manus, pedes, & renes? Omnes Theologi ad hanc difficultatem respondent, de necessitate Sacramenti non esse talem ordinem servandum; sed utique de præcepto Ecclesiæ. Idcirco si Sacerdos dans Oleum Sanctum infirmo perverteret supradictum ordinem, validè conferret Sacramentum; sed si absque gravi, & urgente causa pro suo arbitrio sensus ungeret, graviter peccaret, quia Ritus à Romana Ecclesia præscripti in administratione Sacramentorum sunt à quocunque servandi, ut supranotatum est, & advertit Emin. Card. de Lauræa *d. disp. 11. num. 181.* Salmanticenses *d. tract. 7. cap. 2. num. 21.* & Maltrius in *4. sent. disp. 6. num. 43.* ubi hæc scribit: *Quæ tamen à Theologis non idèò dicuntur, & conceduntur, ut passim absque ulla necessitate ea in praxi redigi liceat; nam si nulla occurrat necessitas, debet Unctio fieri eo ritu, & cum omnibus illis circumstantiis, quas Ecclesia præscribit. Et alias pro qualitate transgressionis esset mortalis culpa. Solum ergo per hoc Theologi significare intendunt, quòd quamvis ex præcepto Ecclesiæ ista fieri, & servari debeant, nec proinde nulla urgente necessitate sine peccato omitti possint, non sunt tamen de essentia huius Sacramenti, nec ad ejus validitatem requiruntur.* Igitur absque urgentissima causa (quæ raro accidere potest) non est pervertendus ordo in unguendis sensibus infirmi; sed ipsa unctio est facienda de sensu in sensum juxta ordinem Ritualis Roman i

De Extrema Unctione. Decis. LXVIII. 217

Ultima difficultas est, an liceat ungere infirmum in administranda ei

- 13 Unctione Extrema non pollice intincto oleo sancto, sed aliqua virgula oblonga in eodem Sancto oleo intincta, vel gossipio ipsi alligato? Respondent omnes Doctores tempore pestis licere uti prædicta virgula ad effugiendum periculum contagii; secus autem extra tempus pestis, & extra periculum contagii. Ita Sylvius, Marchinus, Mancinus, Barbosa, & alii, quos citat, & sequitur Diana Coordinatus *d. tom. 2. tract. 4. resol. 34. & 35.* quarum prima est in Diana antiquo *part. 3. tract. 4. resol. 166.* secunda verò in *part. 5. tract. 3. resolut. 79.* concordant Salmanticenses *d. tract. 7. De Extrem. Unct. cap. 7. num. 15.* Et ita est omnino observandum; quia ubi non est periculum pestilentiae unctiones sunt faciendæ digito Sacerdotis, ita præcipiente Rituali Romano, cujus Rubrica immediatè ante primam unctionem Oculorum ita loquitur: *Deinde intincto pollice in Oleo Sancto, in modum Crucis inungit iusurum in partibus hic subscriptis.* Quod autem hæc Rubrica habeat vim præcepti diximus supra *Decis. 66. num. 19. ex DD.*

- 14 ibi citatis. Utrum autem tempore pestis Parochus obligatus sit administrare hoc Sacramentum Extremæ Unctionis pestiferatis? dicemus infra *Decis. 71.* & scripsimus de *Ven. Euchar. Sacram. Decis. 61. num. 27. & 28.* ubi etiam retulimus Theologos asserentes iisdem peste infectis posse dari Sacram Eucharistiam cum cochleari argenteo, vel in pagina munda statim comburenda; prout Extremam Unctionem cum virga oblonga, ut præter supracitados à Diana docent etiam Naldus *Verb. Sacramentum, num. 7. in fin.* & Bissus in *Klerurg. Sacra Verb. Minister Sacramentorum, num. 171. §. 34.* Quod verò diximus in *d. Decis. 61. num. 28.* supradictas DD. opiniones fuisse damnatas à S. Carolo in *ad. Mediolanen. De Cura pestilent. cap. 15. num. 2.* ut testatur Gavantus *Verb. Pestis num. 6. in*

Manuali, intelligendum est de porrigenda Sacra Eucharistia cum cochleari, vel cum pagina, ob irreverentiam erga tantum Sacramentum; non autem de Unctione infirmi cum oleo Sancto; cui cum nulla indecentia resultet, concessum est ab omnibus DD. ut cum virgula possit ministrari, ad effugiendum periculum contrahendæ pestis in Sacerdote ex contactu sensuum ægroti pestiferati. Quæ autem sint signa ad cognoscendam pestem eruditè declarat Zacchias in *Q. Q. Medicolegal. tom. 1. lib. 3. tit. 3. qu. 3.* quem curiosum Lectorem percurrere non pigeat, ibi enim & instructiones, & eruditiones plures reperiet, de quibus, & de aliis tempus pestis tangentibus dicemus infra *Decis. LXXIII.*

DECISIO LXVIII.

A R G U M E N T U M.

Traditur Forma hujus Sacramenti Extremæ Unctionis; & disputatur, An ad valorem Sacramenti debeat esse deprecatoria? vel sufficiat Indicativa, aut Imperativa? Argumenta pro utraque opinione, quarum turior, quod debeat esse deprecatoria. Formæ Ambrosiana, Venetæ, & aliæ hujusmodi pervetustæ, etsi viderentur indicativæ, probatur eas fuisse deprecativas. Quæ verba in forma Extremæ Unctionis sint de essentia Sacramenti? Curiosi casus de duobus Presbyteris ignorantibus verba Extremæ Unctionis; & absolutionis Sacramentalis.

S U M M A R I U M.

- 1 Forma Sacramenti Extremæ Unctionis quænam sit?
- 2 Deprecativa an esse debeat? vel
Ec
suf.

218 De Extrema Unctione. Decis. LXVIII.

- sufficiat indicativa? & num. 7.
- 3 Baptismi forma, ac Confirmationis est indicativa.
 - 4 Oratio requirit attentionem internam ad Deum.
 - 5 Forma Sacramentorum debet infallibiliter causare eorum effectus.
 - 6 Ambrosiana, ac Veneta forma antiqua in Extrema Unctionis Sacramento.
 - 7 Forme deprecatoriae rationes, & congruentiae.
 - 8 Formae Ritualis Romani de Extrema Unctione antiquitas.
 - 9 Emeticum quid sit?
 - 10 Graecorum forma in Sacramento Extremae Unctionis.
 - 11 Argumentum de forma unius Sacramenti ad alius formam non valet.
 - 12 Orationis in Extrema Unctione efficacia non est ex opere operantis, sed ex opere operato.
 - 13 Deprecatoria Forma in Extrema Unctione habet effectum infallibilem ex Dei promissione.
 - 14 Forma Ambrosiana, Veneta, & consimiles antiquae in Extrema Unctione erant deprecatoriae, non indicativae. Et quomodo?
 - 15 Oratio ad Deum, ut plurimum dirigitur indicativo, vel imperativo modo.
 - 16 Ut, est particula optativi modi significans Utinam.
 - 17 Verba Formae Extremae Unctionis posita à Rituali Romano sunt omnia de Praecepto.
 - 18 Tria verò tantum de essentia. Et quae.
 - 19 Dereliquisti Verbum in forma Extremae Unctionis an aequivaleat Deliquisti?
 - 20 Tormentum gratiae pro augmentum gratiae in absolutione Sacramentali prolatum à Confessario ignorante.

Post explicitam materiam remotam, ac proximam Sacramenti Extremae Unctionis, opus est ejusdem Formam

ponere, ac declarare. Hæc autem consistit in his verbis, quæ proferuntur à Sacerdote, dum Oleo Sancto ungit sensus corporis infirmi, videlicet: *Per istam Sanctam Unctionem, & suam piissimam misericordiam indulgeat tibi Dominus quidquid per visum &c. deliquisti*. Sic repetendo in unctione aliorum sensuum, pedum, ac renum; ut traditum est à Concilio Florentino in Decreto Eugenii. IV. à Tridentino sess. 14. de Extrem. Unct. cap. 1. Et præcipitur in Rituali Romano à Paulo V. in Rubric. de Extrem. Unct.

Porro circa hanc Formam duæ sunt difficultates, quæ inter Theologos agitantur. Una est, an hæc Forma ad sui validitatem, debeat necessariò esse deprecativa? vel sufficiat etiam indicativa? quod est quærendum, an propterea debeat proferri per modum orationis, & deprecationis ad Deum? Vel possit pronunciari etiam per modum potestatis, & auctoritatis ab ipso Ministro, & sic indicativo modo? In hac difficultate plurimi ex DD. antiquis opinati sunt, esse formam sufficientem etiam indicativo modo pronunciatam.

Primò, quia ex similibus verbis Scripturæ Sacræ collegit Ecclesia formam baptismi, ac formam Extremæ Unctionis; illius scilicet ex verbis *Matth. 28. 19. Euntes ergo docete omnes gentes, baptizantes eos &c.* Istius autem ex verbis *Jac. 5. 14. Infirmatur quis in vobis &c. Ungentes cum oleo in nomine Domini*. Sed forma baptismi profertur indicativo modo. Ego te baptizo &c. Igitur etiam forma Extremæ Unctionis eodem modo potest pronunciari, videlicet dicendo, *Ego te ungo Oleo Sancto &c.* Confirmatur, quia in Sacramento Confirmationis Minister profert Verba formæ auctoritative, & indicative, *Signo te signo Crucis, & Confirmo te Chrismate salutis*. Idemque facit Sacerdos in Pœnitentiæ Sacramento, dum dicit: *Ego absolvo te à peccatis tuis*.

Secundò, si hæc forma de necessitate

tate esse deberet deprecatoria, & per viam orationis prolata, subjaceret nullitati, ac invaliditati toties, quoties in ea deficeret aliquid ex his, quæ sunt de essentia orationis, nempe attentio interna Sacerdotis ad Deum, S. Thom. 2. 2. qu. 83. art. 12. ubi allegat dictum Apostoli Pauli 1. Cor. 14. *Si orem lingua, mens mea sine fructu est*. Ergo, ne Sacramentum subjaceat nullitati, si conferatur à Sacerdote cum mente distracta, & sine attentione interna, dicendum videtur, Formam indicativam sufficere.

Tertiò facit, quia Forma Sacramenti debet de necessitate causare infallibiliter effectum ipsius Sacramenti ex divina promissione in eo, qui non ponit obicem. Sed forma deprecatoria non videtur causare prædictum effectum infallibiliter; quia facit eum pendere ex libero dumtaxat Dei beneplacito. Ergo tantò magis forma indicativa, & per modum auctoritatis prolata censenda est sufficiens, quantò minus deprecatoria potest esse apta ad effectum Sacramenti infallibiliter producendum.

Quartò urget, quia antiquissimis temporibus forma indicativa erat in usu in diversis Diocesisibus. Siquidem tempore Divi Ambrosii sub hac forma dabatur hoc Sacramentum Extremæ Unctionis: *Ungo te Oleo Sanctificato. In nomine Patris, & Filii, & Spiritus Sancti, ut more millis uncti præparatus ad certamen, aereas possis superare potestates*, prout referunt S. Bonaventura, Durandus, Argentinas, & alii Scholastici in 4. sent. dist. 23. In libro Sacramentorum S. Gregorii Magni hæc traditur forma: *Inungo te Oleo Sancto, sicut unxit Samuel in Regem, & Prophetam. Operare creatura Olei in nomine Dei Patris Omnipotentis, ut non lateat hic Spiritus immundus, neque in membris tuis, neque in medullis, neque in ulla compagine membrorum; sed in te habitet virtus Christi Altissimi, & Spiritus Sancti*. Eandem formam haberi in antiquo Codice

manuscripto Halitgarii, qui florebat temporibus Ludovici Pii Imperatoris, anno scilicet 814. notat Serrarius relatus ab Arcudio libr. 5. de Concord. Eccl. Orient. cum Occid. cap. 5. In libro Sacramentali Veneto antiquissimo, (qui apud me est, & quem paucis solidis emi super floreis, non multum tempus fluxit) hæc sunt formæ ad unctiones sensuum infirmi: *Ungo oculos tuos oleo Sanctificato in nomine Patris, & Filii, & Spiritus Sancti; ut quidquid de illicito visu deliquisti, hujus olei unctione expietur. Ungo has aures Sacrat Olei liquore, In nomine Patris &c. ut quidquid delectatione nocivi auditus admissum est, medicina spirituali evacuetur. Ungo has naves Oleo sacrato In nomine Patris &c. ut quidquid noxio vapore contractum est ab odore superfluo, ista emendet Unctio, vel medicatio. Ungo labia ista consecrati Olei medicamento In nomine Patris &c. ut quidquid gustu superfluo, & inordinato, vel otioso, vel criminosa peccasti locutione, divina Clementia miserante, hac unctione expurgetur. Ungo has manus oleo Sanctificato In nomine &c. ut quidquid illicito, vel noxio tactu, vel opere percerunt, per hanc unctionem evacuetur. Quis non diceret, has Unctiones esse indicativas, prolatas non deprecatoriæ, sed auctoritative? His igitur rationibus, argumentis, & auctoritatibus plurimi Doctores ex antiquis moti dixerunt, esse sufficientem formam Extremæ Unctionis, etsi indicativo modo prolata, videlicet Albertus Magnus, Durandus, Paludanus, & Richardus in 4. dist. 23. & post illos Navarrus in Summa cap. 22. num. 15. & Beccarus de Sacramentis cap. 27. qu. 7. Suarez tom. 4. in 3. p. D. Thomæ disp. 40. sect. 3. num. 7. & Fillineus tom. 1. tract. 3. cap. 4. num. 80. quos citat Diana Coordinatus tom. 2. tract. 4. resol. 15. §. 1. Quibus adhærent novissimè Hiqueus, & Pontius apud Mairium in 4. disp. 6. num. 34. nec non Eminentiss. Cardin. de Lauræa de Extrem. Unct. d. disp. 11. à num. 59. & seqq. ubi firmat, quod*

Ecce 2 Impro-

Improbabile absolute non est, quod forma indicativa non sit valida, esse sit illicita.

His tamen minimè obstantibus communior, ac probabilior Doctorum sententia est, quod forma Sacramenti Extremæ Unctionis debeat esse deprecatoria, & per viam precis, ac orationis, ut inter alios docuit S. Thom. in *Supplem. q. 29. art. 8.* ubi sic concludit: *Forma hujus Sacramenti est Oratio deprecativa, & ideo non potest esse forma indicativi modi.* Et hujus conclusionis veritatem Angelicus Doctor comprobat triplici ratione, ac congruentia. *Prima* est, quia hoc Sacramentum confertur moribundis, qui cum sint propriis viribus destituti, indigent orationibus sublevari. *Secunda*, quia hoc Sacramentum datur tantum iis, qui ex foro hujus Ecclesiæ commigraturi sunt in forum alterius vitæ ad Judicium Dei, cujus misericordiam expedit implorare pro ipsis oratione. *Tertia*, quia per hoc Sacramentum procuramus infirmo etiam corporis sanitatem, quam nescimus esse ei expedientem; ideo deprecativè est à Deo petenda. Addi potest *Quarta* congruentia, nempe Extremam Unctionem esse complementum Sacramenti Pœnitentiæ, in quo operibus laboriosis satishit Divinæ justitiæ, attenta sanitate suscipientis, at in hoc ob gravem ejus infirmitatem, & debilitatem, non potest, nisi recurrere ad Divinam Misericordiam, quæ proinde oratione est ei imploranda. *Quinta* etiam accedit congruentia formæ deprecatoriæ, quæ resultat ex verbis Divi Jacobi, qui ait: *Infirmatur quis in vobis? Inducat Presbyterus Ecclesiæ, & orent super eum, ungentes eum oleo in nomine Domini.* Jac. 5. 14. ubi correlativæ sunt Deprecatio, & Unctio.

Hinc observant Doctores in antiquissimis Ritualibus libris, qui supra sexcentos annos reperiuntur conscripti, quod Forma Sacramenti Extremæ Unctionis expressa legitur his verbis: *Per istam Sanctam Unctionem, &*

suam piissimam misericordiam inducat tibi Deus quicquid deliquisti per Vium, Auditum, &c. ut notat Gaspar Ivenim in Commentar. Histor. & Dogmatic. de Sacram. Dissert. 7. quest. 4. ubi refert Codicem Monasticum Gemeticense à sex Sæculis scriptum prædictam formam continentem; (est autem Gemeticum Vicus Galliæ in Normannia, vulgò *Jumèges*, in quo 9 Abbatia percelebris ad Sequanam fluvium, quinque leucis intra Rothomagum, Gallis *Roven*, Italis *Roan*, posita in occasum. Ferrarius in *Lexic. Geograph. Verb. Gemeticum*, seu *Gemetium*). Insuper etiam Ecclesiæ Orientalem in hujus Sacramenti administratione adhibere Formam deprecatoriam testantur Scriptores Græci, inter quos Arcudius d. *libr. 5. cap. 5.* sic scribens: *Forma Extremæ Unctionis est deprecatoria, ut etiam apud Latinos, & Latina quo ad sensum respondet.* Quam quidem Græcorum formam ex Eucharogis per Ivenim d. *Dissert. 7. qu. 4.* desumptam, non me piget hic transcribere, etsi prolixam, in gratiam mei Lectoris, qui de facili eam alibi repetere non poterit. Est autem ista. *Pater Sancte, Ani-* 10
marum, & corporum Medice, qui Filium tuum Unigenitum Dominum nostrum Jesum Christum omnem morbum curantem, & ex morte nos liberantem misisti: sana quoque servum tuum N. à detinente illum corporis infirmitate; & vivifica illum per Christum tui gratiam: intercessionibus super omnes Sanctissimæ Domine Nostræ Deiparæ, & semper Virginis Mariæ; protectionibus Venerandarum supercoelestium Virtutum incorporatarum; Virtute pretiosæ, ac vivificæ Crucis, honorandi gloriosi Prophetæ Præcursoris, & Baptiste Joannis, Sanctorum gloriosorum, & toto orbe celeberrum Apostolorum; Sanctorum gloriosorum, & victoris clavorum Martyrum, & Desiderorum Patrum nostrorum; Sanctorum Medicorum mercede non conditorum, Cosmæ, & Damiani, Cyri,
& Joan-

& Joannis, Pantaleonis, & Hermolai, Sampsonis, & Diomedis, Photii, & Aniceti; Sanctorum, & juslorum Dei parentum Joachim, & Annæ, & omnium Sanctorum. Amen. Quia tu es fons Sanitatum Chrifte, & Deus noster, & Tibi gloriam referimus Patri, & Filio, & Sancto Spiritui nunc, & semper, & in secula seculorum. Afferit supradictus Gaspar Ivenim hanc esse formam, quæ Græci utuntur in administrando Extremæ Unctionis Sacramento; nam, præter invocationem Divinæ Clementiæ, exprimit spiritua-lem effectum Sacramenti remissionis culpæ, & collationis gratiæ in illis verbis: *Vivifica illum per Christum tuam gratiam*; nec non alterum effectum minus principalem, nimirum restitu- tionis sanitatis corporalis, ibi: *Sana quoque serum tuum à detimente il- lum corporis infirmitate*. Non nemo tamen diceret, eam habere potius speci- em devotæ orationis, quàm formæ Sacramentalis; cùm in nulla ejus parte indicetur materia Sacramenti, neque remota, quæ est oleum benedictum; neque proxima, quæ est ipsa Unctio, præter morem cæterorum Sacramento- rum, in quibus, dum forma profertur, materia immuitur, ut consideranti manifestè patet. Quidquid sit, extra controverSIam esse debet, & de fide tenendum, quòd vera, & valida forma hujus Sacramenti Extremæ Un- ctionis existit sub modo deprecativo, ut constet ex utroque Concilio Floren- tino, & Tridentino, & ex praxi Ro- manæ Ecclesiæ, quæ in materia Sacra- mentorum errare non potest, cap. *Ad Abo'endam. De Hæretic.* Magistrus in 4. sent. d. disput. 6. num. 39. Ec Eminen- tissimis Cardin. de Lauræa de Extrem. Unct. d. disput. 11. num. 35.

Neque obstant argumenta contraria, quæ superius adduximus pro forma 11 indicativa. Non Primum de formis aliorum Sacramentorum indicativo modo prolatis; quia-erfi fati sit dicere, quod unumquodque Sacramentum habet suam formam propriam à Chri-

sto indicatam, & ex Apostolica traditione ab Ecclesia præscriptam; ideoque non valet argumentum de una ad aliam. Barbofa de locis commun. arg. Juris, loco 101. num. 3. Ulterius respondetur diversimodè ab eodem Christo fuisse ordinatam administrationem Sacramentorum; alia enim collocata est in Ministro, vel tanquam agente, ut in baptismo; vel tanquam in Superiore consignante, ut in Confirmatione, & Ordine; vel tanquam Judice, ut in Pœnitentia; vel tanquam Repræsentante personam Christi, ut in consecratione Eucharistiæ; & in his forma profertur indicativo modo, ut constat de voluntate libera Ministri in Sacramento conficiendo, à qua illud pender. At administratio Extreme unctionis posita est in supplicanda Divina Misericordia pro ægroto, qui inungitur; ut ei ex meritis Christi concedat effectus ejusdem Sacramenti; idcirco forma debet esse deprecativa, juxta proprium esse hujusce administrationis. Hincprehenditur differentia etiam in citatis Verbis Baptizantes eos &c. Et ungentes cum oleo &c. quia his ultimis S. Jacobus præmisit, & orant super eum; quia sic à Christo institutum est hoc Sacramentum, ut per modum Orationis, & deprecationis administraretur; quod notat Guinet d. tom. 3. tract. 6. disput. 1. art. 2. sub num. 41.

Ad Secundum responderetur, negando consequentiam; quia, ut ait Gonet *d.num.* 41. *Vrs. Ad tertium*; Efficacia Sacramenti non pendet ab oratione Sacerdotis, ut est opus operantis, sed ut est Oratio Sacramentalis, habens valorem, & efficaciam ex meritis Christi, à quo est ordinata. Undè quavis Sacerdos sit mente distractus, imò quavis sit peccator, semper exauditur, & suum effectum habet, dummodo habeat intentionem administrandi Sacramentum, & faciendi quod facit Ecclesia.

Ad Tertium respondetur, negando
minorem. Siquidem, cum hoc Sa- 13
cramentum non minus quam alia,
habe-

habeat annexam infallibilem Dei promissionem; quia omnia operantur ex meritis Christi, & ad instar operis operati, & non operantis; quamvis forma sit deprecatoria, consequitur infallibiliter effectus Sacramenti, idest gratiam, si infirmus non ponat obicem. Hæc est enim differentia inter hoc Sacramentum, & illud Pœnitentiz ex ordinatione, & institutione Christi, ut ad conferendam suam gratiam infallibiliter in Pœnitentia, Deus non acceptet formam deprecativam Ministri, sed indicativam prolatam per modum Sacramentalis iudicii: At in Extrema Unctione non acceptet formam indicativam, sed deprecativam, per modum Sacramentalis Orationis, ut bene differit Mastrius *d. disput. 6. sub num. 33.*

Ad Quartum respondent Theologi utriusque Scholæ, qui hisce temporibus de hac difficultate scribunt, prædictas formas Ambrosianam, Venetam, & consimiles aliarum regionum, non fuisse indicativas, sed deprecativas. Ita ex Thomistis Gonet *d. tom. 9. tract. 6. disput. 1. num. 41.* Et ex Scotistis Mastrius *d. disput. 6. in 4. Sentent. num. 37.* ambo enim propriæ Scholæ merentur vocari Antesignani, & Principes. Verùm tum ipsi, tum alii eorum sequaces non concordant in explicando modo, quo antedictæ formæ antiquæ hujus Sacramenti dei possint deprecativæ, non autem indicativæ. Alii dicunt, in ipsis formulis virtualiter includi orationem, ac deprecationem ad Deum, quia ejus divinum Nomen imploratur, utpotè cùm dicebant Ambrosiani: *Ungo te Oleo Sanctificato, In Nomine Patris, & Filii, & Spiritus Sancti, ut more militis uncti preparatus ad certamen*, tacite subintelligebant, *deprecor, oro, rogo Deum, aereas possis superare potestates*. Prouit etiam, cùm pronunciabant Veneti: *Ungo oculos tuos oleo Sanctificato In Nomine Patris &c.* tacite intelligebant, *rogans, petens, deprecans Sanctissimum Trini-*

tatem, ut quidquid de illicito visu deliquisti, hujus Olei unctione expiatur. Ajunt enim etiam in vulgari, & communi sermone inter amicos, rogari Deum pro sanitate alterius absque *ly rogo*. Exempli gratia, *V. S. filii Jana*, tacite intelligendo, *Prego il Signore Dio, che V. S. filii Jana*. Vel si quis amico dicat: *V. S. mi facci il tal favore*. Habent hæc verba hunc tacitum sensum: *Prego, Supplico V. S. che mi facci il tal favore*. Ita declarant Gonet *d. num. 41.* Mastrius *num. 37.*

Aliam explicationem dat Gobatus in Theolog. *Experim. d. tract. 8. de Extrem. Unct. num. 804.* & est, proprium esse Orationis, ac deprecationis ad Deum, ut fiat modo indicativo, vel imperativo; & affert exemplum Orationis Secretæ in Missa Confessorum non Pontificum, in qua Sacerdos orat dicens: *Laudis Tibi Domine hostias immolamus in tuorum commemoratione Sanctorum*, quibus nos, & presentibus exui malis confidimus, & futuris. (scilicet prout oramus, & deprecamur.) Item dat aliud exemplum Secretæ in Dom. 13. *Post Pentec.* quæ ait: *Pro nostræ servitutis augmento Sacrificium Tibi Domine laudis offerimus; ut quod immeritis contulisti, propitius exequaris*: tacite subintelligendo, *prouit rogamus, & deprecamur*. Alia plurima consimilia exempla è Sacris paginis adduci possunt; prout illud *Isaie 45. 8.* *Rorate celi desuper, & nubes pluunt justum; aperiatur terra, & germinet Salvatorem*. In Psalmis centies, & millies ita loquitur David. Sed sublimis Oratio Dominicalis, quam nos docuit ipse Redemptor, septem suas petitiones proponit ad Deum indicativo, seu imperativo modo: *Sanctificetur nomen tuum. Adveniat Regnum tuum &c.* nam in omnibus subintelligitur, *prouit Te humillimè oramus, rogamus, deprecamur*. Idcirco Forma Ambrosiana, Veneta, & si quæ aliæ in Sacramento Extre-

De Extrema Unctione. Decif. LXVIII. 223

mæ Unctionis, non erant indicativæ, sed deprecatoriz, quia Sacerdos enunciando effectum spirituales in quacunq; Unctione, per viam orationis enunciabat, subintelligendo, *pro-ut ego rogo, ac deprecor Altissimum in mente mea, & in corde meo*; oramus enim ad Dominum, & illum rogamus non solum lingua, & verbis, sed mente, & spiritu, juxta illud Apostoli 1. Cor. 14. 35. *Orabo spiritu, orabo & mente: psallam spiritu, psallam & mente*. Ubi Tirinus ita explicat: *Ita ut ego fructum orationis in animo meo percipiam*.

16 Tertiam ego adderem explicationem ad demonstrandum Formas illas antiquas fuisse deprecativas; videlicet, quia in illis omnibus adest particula UT, quæ præter alias significationes, habet sensum optativum, & vim oprandi, & tantum valet, quantum UTINAM, ut observat Vossius in *Etymologico lingue latine Verb. Ut*; quo loci allegat illud carmen Terentii: *Ut illum Di, Deaque perdant*; & ipsum explicando subdit, Nam intelligitur *ita precor*. Patet itaque legentibus, ac considerantibus prædictas Formas Ambrosianam, Venetam, & consimiles, quod erant deprecatoriz, quia in omnibus Unctionibus Minister Sacramenti Extreme Unctionis dum pronuntiabat effectum spirituales ab iisdem proveniunt, præmittebat particulam UT, per quam intelligebat, Deum precari, ut illum effectum elargiretur infirmo; ac si expressè dixisset, *Utinam, prout opto, ac Deum rogo*; sicque absque dubio loquebatur deprecatoriè, & per viam orationis unguendo infirmum; non autem indicativè, seu per viam potestatis, ac auctoritatis. Et hæc de prima difficultate.

17 Altera difficultas est, an omnia verba sint de Essentia Sacramenti, quæ Rituale Romanum ponit in hac Forma: *Per istam Sanctam Unctionem, & suam piissimam Misericordiam in-*

dulgeat tibi Dominus quicquid per visum deliquisti. Amen: Vel auditum &c. odoratum &c. Vel potius hæc verba sint tantum de Præcepto? Quod ea sint de præcepto, nemo dubitat; imò omnes DD. concorditer asseverant, peccatum mortaliter ministrum hujus Sacramenti, qui ausus esset eadem verba vel omittere, vel mutare; nefas enim est à praxi universali Ecclesiæ discedere; & formam ab Ecclesia Romana præscriptam in danda Extrema Unctione non servare; ut advertunt Reginaldus lib. 28. num. 34. & Mastrius in 4. *Sentent. d. disput. 6. num. 42.* Quæ autem verba sint de Essentia Sacramenti, non sunt concordēs inter se Doctores, ut videre est apud eundem Mastrium d. *disput. 6. 18* à num. 38. & seqq. & Salmanticenses *De Sacram. in genere d. tract. 7. cap. 2. à num. 29. & seqq.* Cæterum conveniunt, tria esse Verba necessaria ad validitatem, & essentiam hujus Sacramenti, nempe *Unctionem, indulgeat tibi Dominus, & Quidquid per sensum N. N. deliquisti*. Quapropter si quis non exprimeret *Unctionem* ipsam, vel non dixerit, quod Deus infirmo *indulgeat*, aut condonet *Quidquid deliquit* per illum sensum, quem innungit, nullum Sacramentum faceret; ut latius examinant, & demonstrant DD. quos allegant Salmanticenses, ibi à studioso lectore videndi; ea ratione, quia, omisiss prædictis verbis, aut æquivalentibus, Forma non exprimeret effectus, quos parere debet Sacramentum; & sine tali expressione Sacramentum non conficitur.

Curiosa tamen est investigatio, facta à Gobato in hoc proposito d. *tract. 8. num. 811.* an fecerit validè Sacramentum quidam Presbyter (ex illis, qui à Ministris Episcoporum parùm fidelibus in examinandis clericis promoven- tur ad Ordines Sacros, etsi ignorantes, & linguam latinam non bene intelligentes) quidam Presbyter, inquam, qui dans Extremam Unctionem infirmo, ad omnes sensus

- 19 sus dicebat, *Indulgeat tibi Dominus quidquid per Visum, Audium, &c. dereliquisti?* Utinam non reperirentur tam rudes Sacerdotes, ut unum verbum pro alio caperent! Multis ab hinc annis ego moram faciens Venetiis, pro defensione Jurium Episcopatum Emimentis, ac Reverendis. Domini mei Cardinalis Barbadici Episcopi Patavini, quadam die exomologesi mea ad pedes Confessarii exhibita, audiui eum, post impertitam Sacramentalem absolutionem mihi, ita concludentem:
- 20 *Quidquid boni feceris, & mali sustinueris, sint tibi in remissionem peccatorum, Tormentum gratiae, & premium vite aeternae.* Obstupui, & tacui. Sed melius cogitans, id innui Præfato cuidam, cujus confessiones Sacramentales idem Sacerdos frequenter excipiebat; & ab eodem etiam Præfato audito verbo *Tormentum gratiae*, fuit ei facta seria monitio, ut se emendaret. Modò revertentes ad illum, qui in Extrema Unctione proferebat *dereliquisti*, pro verbo formæ *deliquisti*, prima facie videbatur dicendum, errorem illum grammaticalem non novisse valori Sacramenti, & satis esse, si de cætero se emendaret; nam etiam ille, qui baptizando ex ignorantia latinitatis dicebat, *In nomine Patriæ, & Filia, & Spiritu Sancta*; valide baptizavit, ut respondit Summus Pontifex in Cap. *Rerulerunt. De Baptismo.* Nihilominus P. Gobarus contrarium in hoc casu resolvit, concludens repetendam esse Unctionem Sacram, & proferendum verbum *deliquisti*, ea ratione quia verbum *dereliquisti* sive sumatur grammaticaliter, sive consideretur moraliter facit sensum omnino diversum à verbo *deliquisti*, quod supra diximus esse essentiale in hac forma. Nec suffragatur exemplum antelatum de Baptismo; quia verba illa Sanctissimæ Trinitatis Personarum, etsi cum mala latinitate pronunciata; tamen & moraliter, & grammaticaliter significabant ipsas Divinas Personas, quarum nominatio requiritur ad

validitatem Baptismi. Caveant Antistes, ne clericos rudes, & ignorantes linguam latinam ad Sacros Ordines promoveant; hi enim promoti non verentur deinceps tum in Sacrificio Missæ, tum in administrandis Sacramentis barbarissimos, & solécissimos proferre, ut experientia demonstrat; & ego Parochos hujusmodi non semel audiui, quos, si liceret, possem nominare.

DECISIO LXIX.

ARGUMENTUM.

Disputatur satis difficilis Quæstio, An laici, saltem in casu necessitatis, possint ministrare infirmis Sacramentum Extremæ Unctionis? Proponuntur septem argumenta, cum exemplis ex vitis Sanctorum desumptis, quæ videntur favere opinioni affirmativæ; sed ea fortiter enervantur, & doctissimis eruditionibus resolvuntur. Concluditur, neminem inferiorem Episcopo, vel Sacerdote posse esse Ministrum hujus Sacramenti.

SUMMARIUM.

- 1 *Minister Sacramenti Extremæ Unctionis quis sit?*
- 2 *Laici an possint ministrare Extremam Unctionem?*
- 3 *Presbyter Græcè, Latine dicitur Senior.*
- 4 *Laici cur possint baptizare?*
- 5 *Apostoli nondum ordinati Sacerdotes ungebant infirmos oleo.*
- 6 *Innocentii I. verba circa Ministros Extremæ Unctionis. Et num. 16.*
- 7 *S. Genovesa an ministraret Oleum Sanctum infirmis? & num. 17.*
- 8 *Eremitæ Laici ungebant infirmos Oleo Sancto.*

- 9 B. Reginaldus Ord. Præd. egrotans Oleo ungitur à Delpara; & num. 21.
- 10 Solt Episcopi, aut Sacerdotes sunt Ministri Extremæ Unctionis.
- 11 Presbyteri significant Sacerdotes post publicum Evangelium.
- 12 Laici non ministrant res sacras, vel functiones publicas Ecclesiæ.
- 13 Laici nunquam ministrant Sacramentum Extremæ Unctionis.
- 14 Laici cur ministrant Baptismum, non autem Extremam Unctionem.
- 15 Apostolorum Unctiones Marc. 6. erant curative, non sacramentales.
- 16 Oleorum consecratio non fit pro libito Episcopis, sed feria V. in Cæna Domini.
- 17 Oleum benedictum à simplici Sacerdote dicebatur Sacramentum.
- 18 Forma benedicendi Oleum in Rituali Veneto vetustissimo.
- 19 MARIA Virgo Mater Dei Thesauraria Divinæ Beneficiæ.
- 20 B. Reginaldi Ord. Præd. obitus, & ad eum pla precatiuncula.

Sequitur, ut de Ministro hujus Sacramenti Extremæ Unctionis verba faciamus. Circa quem, etsi hodie de fide tenendum, & dicendum sit, solum Sacerdotem sive simplicem, sive summum, nempe Episcopum, esse ministrum hujus Sacramenti; itaut pro nullo casu alius inferior Sacerdote possit illud ministrare, & si ministraret, invalidè ministraret. Eugenius IV. in *Const. 19. Exultate* §. 14. & Concil. Trid. sess. 14. de *Sacram. Extr. Unct.* cap. 1. & can. 4. Nilominus tres à Theologis circa hunc ministrum disputantur Quæstiones, quas hic referendas esse duxi sub brevitate, ne studiosus lector eas alibi quærere cogatur.

Prima disputatio est, an etiam Laici, saltem in casu necessitatis, possint dare infirmo Sacramentum Extremæ Unctionis? Affirmant Lutherani, & Calvinistæ exsequentibus.

Primò, quia S. Jacobus in *sua Epist. cap. 5. Vers. 14.* ait: *Informatur quis*

in vobis? inducat presbyteros Ecclesiæ, & erent super eum, ungentes eum oleo in nomine Domini. Sed si Presbyteros est vox Græca, quæ latine sonat, & interpretatur Seniores, ac majores ætate. Capelin. in *Verbo Presbyter*. Hinc sæpe in Scriptura Sacra ubi textus Græcus legit Presbyteros, textus Latinus vertit Seniores, ut Num. 11. 16. ibi: Dixit Dominus ad Moysen congrega mihi septuaginta viros de Stribus Israel. In Græco habetur, congrega mihi septuaginta de Presbyteris Israel. Et in libro Judith cap. 6. Vers. 12. latine dicitur: In medio itaque Seniorum. Græcè autem in medio Presbyterorum. Quo loci Tiranus declarat, Presbyteri: idest Laici Seniores, qui judicabant populum in quacunque civitate; unde d. cap. 6. Vers. 20. latina Biblia subdit & ipsa, Et vocatis omnibus Presbyteris simul expleto jejuniu refecerunt; idest vocatis omnibus Senioribus: Et millies de hac voce in Scriptura Sacra. Igitur (ajunt heterodoxi) si Apostolus jussit, inducere Presbyteros, ut oleo Sacro ungant infirmum, de Senioribus Laicis ejus verba sunt intelligenda; & sic etiam Laici Senes possunt ministrare hoc Sacramentum.

Secundò: Infirmi proximè morituri censentur esse in eadem spiritali egestate, & miseria, in qua reperiuntur infantes, quando nascuntur; siquidem neque hi, neque illi propriis viribus possunt seipsos adjuvare ad Sacramenta suscipienda. Sed pro infantibus Christus concessit, quòd etiam Laici possint iisdem ministrare validè Sacramentum Baptismi, ut notorium est, & à nemine negatur. Ergo etiam infirmis graviter decumbentibus poterunt Laici validè conferre Sacramentum Extremæ Unctionis.

Tertio: Apostoli ungebant infirmos oleo ante Passionem Christi, ut legitur Marc. cap. 6. Vers. 13. ibi: Et ungebant oleo multos egros, & sanabant. Sed tunc Apostoli erant Laici, non Sacerdotes; tales enim ordinati sunt tantummodò in ultima Cæna. Diana part. 12. tract. 1. resol. 80. Quæ in

Coordinato est tom. 4. tract. 8. resol. 80. Bissus in *Hicurg.* Verb. *Extrema Unctio* num. 244. §. 2. Ergo etiam Laici dare possunt Extremam Unctionem.

Quartò ; Innocentius Papa Primus *Epist. 1. ad Decentium* cap. 8. quæ extat tom. 1. *Concilior. pag. mibi 772.* loquens de his, qui possunt ministrare Extremæ Unctionis Sacramentum, habet hæc verba: *Sancto Oleo ab Episcopo confecto, non solum Sacerdotibus, sed omnibus uti Christianis licet in sua, aut suorum necessitate, ungendo.* Quid clarius? Ergo omnes Christiani possunt ministrare hoc Sacramentum. Supradicta verba referuntur etiam ab Ivenim in *dist. Comment. Hiflor. & Dogmat. tom. 2. Dissert. 7. qu. 6. cap. 1.* Et ab Eminentiss. Cardin. de *Lauræa de Extr. Unct. disput. 11. num. 95.*

Quintò : Urget exemplum S. Genovefæ, de quo meminit S. Bonaventura in *4. dist. 23. part. 2. qu. 1.* ubi cum adduxisset argumenta pro hac opinione, quòd Laici possint dare Extremam Unctionem infirmis, subdit: *Hoc ostenditur exemplo: quia legitur in Legenda Genovefæ, quòd ipsa inungebat oleo infirmos, & curabat eos.* Et

Sextò : Addere possumus exempla plurium Sanctorum Eremitarum, qui et si essent Laici, ungebant Oleo Sancto infirmos, & illos sanabant, ut frequenter legitur in eorum vitis apud Surium, & præcipue de S. Eugendo Abbate *die prima Januarii*, quem expressè notat, ex humilitate nunquam voluisse recipere ordinem Presbyteratus, & nihilominus Sacrum oleum adhibebat in ungendis, & sanandis infirmis; idemque refert de S. Claro Abbate Niennensi *ead. prima die Januarii.* & per totum annum pluries de diversis aliis Sanctis, qui in statu laicali vivebant.

Septimò : Confert etiam, quòd aliquando Cœlestes administrarunt hoc Sacramentum. Celebris est relatio de Fratre Reginaldo discipulo S. Dominici, de qua dixi in meis Decisionibus *De Sacrament. in genere Decis. 12. num. 4.*

& quam ex Hieronymo Plato *De bono statu Religionis lib. 1. cap. 31.* transcribit Joan. Bonifacius Bagatta in *Admirand. Orbis Christiani tom. 2. lib. 3. cap. 5. num. 1.* his verbis: *Cum ante annos multos gravissimè egroicaret (Fr. Reginaldus) ei viglanti de nocte apparuit Regina Cœli cum duabus aliis Virginibus, ipsaque ad eum accedens, facientis oculos, aures, os, & manus unguento, quod attulerat, propriis manibus linivit; denique & pedes in præparationem Evangelii, & ipsamet quasi ex formula orans adjunxit.* Ex his igitur non incongruum videtur, quòd etiam Laici Seniores saltem in casu necessitatis possint infirmum Oleo Sancto inungere, & eidem Sacramentum Extremæ Unctionis præbere.

His tamen, & similibus minimè obstantibus contrarium est omnino tenendum; quia, ut supra dictum est, Concilium Tridentinum definivit esse defide, quòd soli Episcopi, vel Sacerdotes possint esse Ministri hujus Sacramenti, ut legitur de *eod. Sacram. sess. 14. cap. 3.* in illis verbis: *Proprios hujus Sacramenti ministros esse Ecclesiæ Presbyteros, quo nomine eo loco, non etate Seniores, aut primiores in populo intelligendi veniunt; sed aut Episcopi, aut Sacerdotes, ab ipsis ritè ordinati per impositionem manuum Presbyteri.* Et contra asserentes contrarium, & dicentes Laicos Seniores posse ministrare hoc Sacramentum excommunicationem infligit, ut *ibid. Can. 4.* ita eos feriens: *Si quis dixerit, Presbyteros Ecclesiæ, quos B. Jacobus adducendos esse ad infirmum inungendum hortatur, non esse Sacerdotes ab Episcopo ordinatos, sed etate Seniores in quorundam communitate; ob idque proprium Extremæ Unctionis Ministrum non esse solum Sacerdotem: Anathema sit.* Et per hunc canonem proscripta, ac damnata fuit opinio Lutheri in *lib. de Captivitat. Babilon.* ubi scripserat: *Quamquam incertum est mihi, an Sacerdotes velut intelligi (B. Jacobus) cum dicat Presbyteros, idest Seniores. Nec*
non

non doctrina Calvini *Diffit. libr. 4. cap. 19.* ita dicentis: *Jacobus vult infirmum ungi à Senioribus Ecclesiæ: isti unctionem non admittunt, nisi Sacrificorum.*

Neque obstant, quæ adducta sunt in contrarium.

Non Primum de voce *Presbyteri*, quæ in Sacra Scriptura accipitur aliquando pro *Seniore*; nam plures à Sacris Theologis dantur resolutiones.

- 11 *Prima* est, quòd licet textus Græcus pro *Senioribus* habeat *Presbyteris*, & idem aliquando ponat Biblia latina; tamen paucissimi sunt loci, in quibus nomine *Presbyterorum* intelligantur Senes canitie, vel ætate; innumeri autem illi, in quibus intelliguntur Sacerdotes; quorum aliquos citat Eminentiſſ. Cardin. de Lauræa *d. disput. 11. num. 94.*
- Secunda* est, quòd quidquid fuerit de hac voce *Presbyteri* in testamento veteri; certum est in Evangelio, & novo testamento per eam significari non Senes canitie, vel ætate; sed vel Præſidentes populorum, auctoritate, ac Magistratu, de quibus erant Seniores Judaici populi in Evangelio, & Actibus Apostolorum; sive Sacerdotes Christi, tales ordinati ab Apostolis, vel Episcopis eorum Successoribus post publicatum Evangelium; & de his loquuntur semper Epistolæ tum Divi Pauli, tum aliorum Apostolorum, quando nominant *Presbyteros*, ut observat Eitius *Comment. in Jacob. cap. 5.*
- Tertia* est, quòd S. Jacobus Apostolus promittit ex unctione, & oratione Presbyteri effectum infallibilem Sacramenti, nempe gratiam, remissionem peccatorum, & si expedierit salutem spirituali, sanitatem corporis; has autem operationes facere non competit Laicis, tanquam publicas, & sacras; Sed illis, qui ad Sacerdotalem dignitatem sunt promoti. Ita Ivenim *d. dissert. 7. quest. 6. cap. 1.*
- Quarta* est, quòd nunquam Ecclesia neque ab initio, neque in progressu pro Ministro hujus Sacramenti
- 13 appellatione *Presbyteri* intellexit Se-

nes Laicos. Hinc S. Joannes Chrysostomus, qui vivebat Anno 398. de eo scribens nominat Sacerdotes, ut in *lib. 3. de Sacerdotio*. Innocentius Papa I. electus Pontifex Anno 402. in *cit. Epist. ad Decentium cap. ult.* interrogatus ab eodem, an soli Sacerdotes possent ministrare Extremam Unctionem, vel etiam Episcopi? respondendo, quòd absque dubio tum Episcopi, tum Sacerdotes possunt eam ministrare, ostendit, tunc controversiam fuisse de Episcopis, & de Sacerdotibus simplicibus, non autem de Laicis, qui propterea nunquam in Ecclesia admissi sunt ministrare hoc Sacramentum. Eminentiſſ. Cardin. de Lauræa *d. disput. 11. num. 96.* S. Gregorius Magnus, Papa I. qui floruit ante Annum 600. in suo libro Sacramentorum agens de consecratione Oleorum Sanctorum, nomine Presbyterorum intelligit Sacerdotes, tum in functione consecrationis, tum in eorundem usu in ungendis infirmis, dicens: *Tunc offertur Pontifici Oleum, & benedicit eum tam ipse, quàm omnes Presbyteri, ad ungendum infirmum &c.* Et postea: *Multi enim Sacerdotes infirmos perungunt in quinque sensus corporis.* Concilium Aquisgranense Anno 836. *can. 5.* nominat ministros hujus Sacramenti Sacerdotes; idem facit Concilium Vormatiense Anno 868. *can. 72.* & omnia subsequencia Concilia, tam generalia, quàm provincialia, quæ de hoc Sacramento locuta sunt. Angelicus Doctor, qui obiit Anno 1274. & Joan. Duns Scotus, qui cessavit vivere hac mortali vita Anno 1308. Sacerdotio insignitos esse ministros Extremæ Unctionis docuerunt: adeo ut nunquam in Ecclesia receptum fuerit, ut Laici etsi senes eam ministrarint. *Quinta* responsio, & resolutio est, quòd si nomine *Presbyterorum* S. Jacobus intellexerit Seniores Laicos, non potuissent Episcopi juvenes ætate Extremam Unctionem ministrare, inter quos Sanctus Timotheus, ad quem

ait Apostolus : *Nemo adolescentiam tuam contemnat . Timoth. 4. 12.* Et S. Prothemas creatus Episcopus Patavinus à S. Petro in ætate annorum 21. quod manifestum esset absurdum asserere . Igitur per *Presbyteros Ecclesie* S. Jacobus intellexit Sacerdotes , qui interpretantur Seniores , non ætate , aut canitie , sed sapientia , prudentia , ac morum gravitate , ut ait S. Anacletus Papa *Epist. 2. (de qua in cap. ult. dist. 84.)* Presbyter enim dicitur , quasi aliis Sacra præbens . *can. Cleros . dist. 21.* vel quasi aliis præbens iter . Alberic. in *Dictionary. Verbo Presbyter .* & sic aliis præeundo doctrina , & exemplo .

- Secundum argumentum non obstat sumptum ab exemplo Baptismi .
 14 Respondet Eminentiss. Cardin. de Lauræa d. *disput. 11. num. 95.* quod si Deus voluisset deputare Laicos pro ministranda Extrema Unctione , deficientibus Sacerdotibus , potuisset , prout deputavit Laicos pro dando Baptismo . At noluit de illa , quamvis de isto voluerit ; quia Baptismus est absolutæ necessitatis pro infantibus , quibus nullum aliud remedium pro salute æterna restat . Pro infirmis autem adultis præter alia Sacramenta habentur actus contritionis , orationes , & alia remedia , quibus etiam in sanitate delentur venialia ; & his iidem ægrotantes uti possunt , casu quo deficeret Sacerdos , qui eis Sacramentum Extremæ Unctionis daret .

- Tertium non officit , quia ut late probatur est supra *Decis. III.* Unctiones illæ , quas tunc faciebant Apostoli , erant tantum curativæ , non autem Sacramentales ; nondum enim hoc Sacramentum erat institutum ; & ungebantur infirmi ab Apostolis ad solam sanitatem corporis obtinendam . Eminentiss. Cardin. de Lauræa d. *disput. 11. num. 92.*

Quantum non obstat : quia Verba illa Innocentii Papæ I. intelligenda

sunt passivè , non activè , prout ipse Sanctus Pontifex ea intellexit ; significans , quod Sacramentum Extremæ Unctionis recipi potest non solum à Sacerdotibus , sed etiam ab omnibus Christi fidelibus etiam Laicis infirmis . Est autem manifestus sensus eorumdem Verborum , quia Sanctus Pontifex non fuit interrogatus , utrum Laici , & omnes Christiani possent conferre hoc Sacramentum ; sed an soli Sacerdotes inferiores , vel etiam Episcopi ? Et respondet , superfluum esse dubitare de Episcopis , quia cum ipsi consecrent ipsum oleum , multò magis possunt eo ungere infirmos ; & idcirco à B. Jacobo dictum est , quod inducantur Presbyteri , quia *Episcopi occupationibus aliis impediti , ad omnes languidos ire non possunt .* Ille igitur est germanus sensus Verborum Innocentii I. ad Decretum Episcopum Eugubinum , quem notavit Gandavensis in *cap. 6. Marci* ; nec non Eminentiss. Cardin. Baronius ad *Annum Christi 63. num. 14.* & fusiùs refertur , ac amplectitur ab Eminentiss. Cardin. de Lauræa d. *disput. 11. de Sacrament. Extrem. Unct. num. 96.* & à Maltro in *4. Sent. disput. 6. num. 128.*

Quantum non obstat de Exemplo S. Genovesæ , cuius Unctiones , quas oleo benedicto faciebat , erant curativæ infirmitatum , non sacramentales . Imò observare licet , quod Surius , qui ejus vitam ex vetustis manuscriptis codicibus descripsit *tom. 1. die 3. Januarii* , unius tantum Unctionis curativæ meminit his verbis : *Demoniacus quidam , impetrandæ sanitatis causa , ad Sanctam Genovesam à parentibus cum multo gemitu , & lacrymis perductus est . Tum illa ampullam sibi adferri iussit , in qua Sacratum oleum asseruere solebat . Accidis autem ut nihil ejus olet id temporis ampulla haberet : nec Episcopus aderat , qui oleum sacralet . Illa igitur hesitante quidnam ageret ad precandum Dominum humi prosternitur ; cumque proluxæ Orationis Officium diu terræ affixa fideliter impleret , ampullam inter*

inter manus suas oleo plenam conspiciat; atque ita sub unius horæ momento, & de obfessi hominis emundatione, & de olei collatione, remunerante Christo, gratiam gentis virtutis emeruit. Hucusque Surius, ex cuius verbis clare patet, Unctionem illam non potuisse esse Sacramentalem, quia inunctus non erat ægrotus, sed dæmoniaco. At dicit aliquis, oleum erat *Sacratum* ab Episcopo, quo illum inungere volebat? Respondeo, erat *Sacratum*, idest benedictum simplici benedictione, de qua numero sequenti; siquidem subiungit

18 Surius, *nec Episcopus aderat, qui oleum sacraret*: certum est autem, quod consecratio oleorum pro Sacramentis Confirmationis, & Extremæ Unctionis passim non fit, nec qualibet die ad beneplacitum, & instantiam privatorum, fieri unquam potuit, sed in sola feria Quinta Cænz Domini ex traditione Apostolica, & ex antiquissima consuetudine Ecclesiæ, de qua testatur S. Fabianus Papa in *Can. Litteris. de Consecr. dist. 3.* ob mysteria, quæ retulimus supra *Decis. V. num. 11.* Igitur exemplum S. Genovefæ nihil movet, etsi decantaretur etiam temporibus S. Bonaventuræ, quia versatur circa unctionem non ægroti, sed dæmoniaco, & sic illa unctio erat tantum curativa, non autem Sacramentum.

Sextum eadem responsione tollitur de aliis Sanctis Laicis, qui ungebant, & sanabant infirmos oleo Sancto; videlicet non per Sacramentalem actionem, sed per corporalem curationem, ut bene demonstrat Emin. Card. Baron. d. Anno 63. num. 13. ubi exempla à SS. Patribus desumpta affert. Quò verò ad oleum Sanctum, quod auctores eorum vitas scribentes asserunt fuisse adhibitum, intelligendi sunt de sanctificatione, quam oleum ipsum acquirere per simplicem Episcopi, vel Sacerdotis benedictionem, de qua pariter testatur idem Emin. Card. Baronius *ibid. num. 14.* & Magrius in Hierolexic: *Verbo Oleum Sanctum* in fine, ubi ait: *Aliquando tamen pro oleo sacro abusus oleum de lycano, quod in bono-*

rem alicujus Sancti ardet; intelligitur. Et dat exemplum S. Macarii Alexandrini. Quapropter advertendum est, majores nostros, ac Christi fideles in antea-ctis sæculis viventes, incomparabiliter nobis devotiores fuisse, quippe sere omnia esculenta, & poculenta solebant per benedictionem Sacerdotum sanctificare; nec non alia omnia remedia, quibus ad sanationem vulnere, vel ad imedendum corporibus utebantur. Hinc in vetustissimo Rituali Veneto, apud me existente, innumeræ propemodum leguntur hujuscemodi benedictiones; inter quas *lardi, casei, butyri, lactis, mellis, oleorum, leguminum, pomorum, ficuum, & similibus comestibilibus*, & cæteris omisissis extat etiam benedictio olei pro infirmitatibus, seu vulnere curatione; cujus hæc est formalis Oratio.

Adjutorium nostrum in Nomine Domini &c. Exorcizo te creatura Olei per Deum Patrem & Omnipotentem, qui fecit cælum, & terram, mare, & omnia, quæ in eis sunt. Omnis virtus adversarii, omnis exercitus diaboli, & omnis incurfus: omnis fantasma Sathanæ eradicare, & fugare ab hac creatura Olei, ut fiat omnibus, quæcunque usuri sunt, salus mentis, & corporis. In nomine Dei Patris & Omnipotentis, & Jesu & Christi Filii ejus Domini nostri, & Spiritus & Sancti Paracliti. Et in charitate ejusdem Domini nostri Jesu Christi, qui venturus est judicare vivos, & mortuos, & sæculum per ignem. Amen.

Domine exaudi &c. Dominus vobiscum &c. Oremus.

Domine Deus Omnipotens, cui adstat exercitus Angelorum cum tremore, quorum servitium spirituale cognoscitur; respicere dignare, benedicere & sanctificare & hanc creaturam Olei, quam ex olivarum succo eduxisti, & ex eo infirmos inungi mandasti: quatenus sanitate percipere Tibi Deo vivo, & vero gratias agerent; præsta quæsumus, ut hi, qui hoc oleo, quod in tuo nomine benedicimus & usi fuerint; ab omni langore, omnique infirmitate, atque cunctis infidiis

diis inimici liberentur, & cunctæ adversitates separentur à plasmate tuo; quod pretioso Sanguine Filii tui redemisti, ut nunquam lædatur à morsu serpentis antiqui. Per eundem Dominum nostrum Jesum Christum Filium tuum; qui tecum vivit, & regnat in unitate, &c. *Aspergetur Aqua benedicta.*

Hæcerat oratio, & forma benedictionis oleum, quod antiqui vocabant sanctificatum, & sacram, & quo utebantur, potissimum sancti homines, etiam Laici, in ungendis ægrotis unctione non sacramentali, sed curativa; nec est credendum, quod adhiberent Oleum Sanctum, solemniter ab Episcopo consecratum feria V. Ccenæ Domini, quod pro Sacramentis Baptismi, Confirmationis, & Extremæ unctionis Ecclesiis Parochialibus distribuebatur, ut notat idem Emin. Card. de Lauræa d. disput. 11. num. 97. ubi subdit hæc verba: *Licet (olim) Sanctitati alicujus fuerit permixtum tale oleum adhibere in hujusmodi curationibus; certè nullo modo est permittendum, & hoc nostro tempore nedum contravenientes, sed contra Custodes, seu Sacrificii illud erogantes procederet Sanctum Oleum, tanquam abutentes Sacramentalibus, quæ non ad curationes, sed ad Sacramenta sunt ordinata.*

Ultimum argumentum non indiget resolutione, sed veneratione; cum Unctio illa cœlestis facta manu gloriosissimæ Virginis Mariæ Matris Dei processerit ab ejus suprema auctoritate; quam ut Thesauraria Divinæ beneficentiæ dignata fuit exercere in famulum suum Reginaldum, Ejusdem miraculosæ unctionis seriem narrat P. Stephanus Menochius in *Histor. Miscellan. Sacra part. 1. cap. 314.* & fufius Fr. Dominicus Maria Marchesius in *Diario Sacro Dominicano tom. 2. die 10. Martii*, in Vita ejusdem B. Reginaldi, per eum ex variis Auctoribus collecta. Ex utriusque narratione constat, prædictam Unctionem, quam fecit purissima manus illa, quæ ipsius Divini Verbi Incarnati manus, & pedes fasciis meruit stringere, fuisse curativam, non sacramentalem,

Id clarè constat tum ex materia supernaturali, quam ægrotum ungendo adhibuit, de cœlo allatum; tum ex forma verborum, qua Virgo, & Mater summi, ac æterni Pontificis JESU usa est; videlicet ad unctionem renum; *Stringantur renes tui cingulo castitatis*, & ad illam pedum: *Ungopedes tuos in præparationem Evangelii pacis*; denotando his formulis (nam de aliis memoria non habetur) futuram servi sui Reginaldi sanctitatem, & in prædicando Evangelio fervorem; non autem effectus Sacramenti Extremæ unctionis. Obiit Beatus Servus Dei, ac Deiparæ Reginaldus Anno 1220. die 10. Martii, & gratia miraculorum ante, & post mortem fuit à Deo illustratus; potissimum in sanandis languoribus eorum, qui ad ejus intercessionem piè recurrencebant; undè composita fuit sequens precatationis formula ad eam obtinendam.

O Beate Reginalde
Summo Regi gratus valde,
Quem amans Regina Cælorum,
Proprium visitans thorum,
Ab omni febris languore
Miro curavit dolore,
Habitum dans Prædicatorum,
Expelle febres peccatorum,
Tuis precum incrementis
Sana febres nostræ mentis
Ut cum cætu supernorum
Cernamus Regem sæculorum Amen.

DECISIO LXX.

ARGUMENTUM.

Discutitur famosa Quæstio, An Extrema Unctio licitè, & validè dari possit uni, & eidem infirmo à pluribus Sacerdotibus simul, & eodem tempore? Referuntur septem argumenta pro affirmativa opinione, desumpta præcipuè ex libro Sacramentorum S. Gregorii Papæ, & aliorum antiquorum Ritualium, nec non ex usu Ecclesiæ Græcæ. Ostenditur, licitam non esse præ-

dictam administrationem in Ecclesia Latina, nisi in duobus Casibus necessitatis. Et quò ad validitatem Sacramenti distinguuntur quatuor Casus; ac probatur prædictum librum Sancti Gregorii, & alios Codices antiquos vel fuisse alteratos, vel esse intelligendos de simplici Unctione curativa, quæ olim erat in usu; non autem de Sacramento Extremæ Unctionis.

SUMMARIUM.

- 1 Presbyteri plures ex D. Jacobo an vocandi ad dandam Extremam Unctionem? & num. 14.
- 2 Libri Sacramentorum D. Gregorii magni ordo circa Unctionem Extremam.
- 3 Riculphi Episcopi Svesseonensis Constitutiones.
- 4 Codex Tilianus, & Monasterii S. Remigii circa pluralitatem Ministrorum Extremæ Unctionis.
- 5 Carolus Magnus Imperator an receperit Extremam Unctionem à pluribus Episcopis?
- 6 Ludovicus Lantgravius Turingiæ infirmus à quibus oleo Sancto inunctus?
- 7 Græci dant Extremam Unctionem per manus Septem Sacerdotum.
- 8 Euchologium Liber Ritualis Græcorum.
- 9 Septenarii numeri Sacerdotum Ministrantium Extremam Unctionem mysterium.
- 10 Ministri plures concelebrantes, & consecrantes simul eandem Hostiam.
- 11 Ministri plures in Extrema Unctione illiciti.
- 12 Necessitatis in casu plures Sacerdotes unguunt oleo Sancto eundem infirmum.
- 13 Eucharistia, & ordinis Sacramenta quando admittant plures Ministros?

- 14 Plures Sacerdotes simul illicitè dant Extremam Unctionem.
- 15 D. Jacobi Verba Inducant Presbyteros, declarata.
- 16 Numerus pluralis in Sacra Scriptura pro singulari Exempla.
- 17 Responso ad auctoritates, & exempla pluralitatis Ministrorum.
- 18 Plures Sacerdotes vocati ad orandum, non ad ungendum Infirmum.
- 19 Vlaticum dabatur infirmo post datam Extremam Unctionem.
- 20 S. Guilbelmus, & S. Malacbias Extremam Unctionem uncti.
- 21 Fratres Episcopi nominantur Cancnici.
- 22 Validum an sit Sacramentum datum à pluribus Sacerdotibus simul?
- 23 Forma Extremæ Unctionis sit alio, quàm ab ungente dicatur, Sacramentum est invalidum.
- 24 Baptismus est nullus datus à duobus, uno abluciente, alio formam dicente.
- 25 Differentia inter Sacramentum Pœnitentiæ, & Extremæ Unctionis.
- 26 Matrimonii Materia, & Forma quænam sit?
- 27 Antiquitus an uno ungente infirmum, alius proferret formam?
- 28 Transumptis Libri Sacramentorum S. Gregorii non est in omnibus credendum.
- 29 Unctio infirmi, de qua in libro Sacramentorum S. Gregorii non erat Sacramentalis, sed tantum curativa ex devotione.
- 30 Forma Sacramentorum debet innuere effectus eorumdem.
- 31 Oleum Sacrum antiquitus dabatur pro sola medicina corporali.
- 32 Olea Sacra sunt materia tum Sacramenti, tum aliorum Sacramentalium.
- 33 Plures Sacerdotes simul an validè ungent eundem sensum?
- 34 Græca Ecclesia debet discere à Latina; non è contra.
- 35 Græcorum Ritus ab Innocentio IV. & Clemente VIII. approbati.

- 36 *Materia eadem pluries potest applicari in eodem Sacramento.*
 37 *Forma Sacramenti à pluribus prelata non officit ejus validitati.*
 38 *Illicitum mutare ritus Ecclesie in Sacramentis.*
 39 *Illicitum ungere oleo Sancto infirmum à pluribus Sacerdotibus.*
 40 *Utrum dicta Unctio sit valida? Rationes pro negativa.*
 41 *Argumenta pro affirmativa; quæ est verior.*
 42 *Unctiones successivè factæ à pluribus ministris complent verum Sacramentum.*

Secunda disputatio, quam faciunt Scholastici circa Ministrum hujus Sacramenti Extremæ Unctionis, & quam breviter referre promissimus in antecedenti Decis. IX. num. 1. est, *An Extrema Unctio à pluribus Ministris uni, & eidem infirmo possit ministrari?* Et respondendum videtur affirmativè ex sequentibus rationibus, exemplis, & auctoritatibus.

Primò ex Verbis Divi Jacobi Apostoli *cap. 5. Vers. 14. Infirmatur quis in vobis? inducat Presbyterus Ecclesie, & orent super eum, ungentes eum oleo in nomine Domini.* In quibus verbis non dixit Apostolus, inducat Presbyterum, sed Presbyteros in plurali. Ergo plures Sacerdotes possunt uni, & eidem infirmo simul ministrare hoc Sacramentum.

Secundò ex libro Sacramentorum S. Gregorii Papæ sub titulo *Oratio ad visitandum infirmum*; ubi pag. mibi 252. col. 2. linea 30. habentur hæc verba: *Dum ungitur infirmus, dicat unus ex Sacerdotibus hanc orationem: Imungo te de Oleo Sancto.* Ergo supponit, plures Ministros Sacerdotes pro ipsa Extrema Unctione infirmi adesse: quod expressè notat inferiùs, scilicet pag. 253. col. 2. linea 36. dicens: *Multi enim Sacerdotum infirmos perungunt insuper in quinque sensus corporis.* Igitur si multi, non unus solus Sacerdos, sed plures: & hoc idem advertit Hugo Menardus

Monachus Congregationis S. Benedicti in Gallia in suis Notis, & Observationibus ad d. Librum Sacramentorum S. Gregorii Magni pag. 332. in princ. ita scribens: *Nota hic plures adesse Presbyteros in administratione hujus Sacramenti juxta Sanctum Jacobum, inducat Presbyteros Ecclesie.*

Tertiò ex Constitutionibus Riculphi Episcopi Svesionis, quas refert idem Menardus, ubi supra pag. 335. & leguntur impressæ post Opuscula, ac Epistolas Hincmari Archiepiscopi Remensis pag. mibi 685. in quibus Constitutionibus præfatus Riculphus Anno Incarnationis Dominicæ 889. loquens de ministranda Extrema Unctione sic loquitur ad suum Clerum: *X. Item oportet, ut Presbyteri infirmos suos post confessionem, & reconciliationem oleo Sancto perungant, & tunc eos communicent.* Svesiones sunt populi Gallie Belgicæ, quorum Episcopalis Civitas appellatur *Augusta Svessonum*, vulgariè *Sossons*.

Quartò ex duobus aliis antiquis Codicibus, Tiliano uno, altero Manuscripto Monasterii S. Remigii Remis in Gallia fundati; quos transcribit circa hoc Sacramentum Extremæ Unctionis ipse Menardus; in quorum primo ita attestatur pag. 340. esse scriptum: *Imponent manus super infirmos omnes Sacerdotes &c. & paulò infra: Et sic perungant singuli Sacerdotes infirmum de oleo sanctificato.* In secundo autem alt. pag. 351. ita legi: *Ungatur (infirmus) à Sacerdote; vel plurimis Sacerdotibus de oleo sanctificato, facientibus Cruces singulis in dextro tempore, & sinistro, non in fronte, neque in vertice, dicendo, Ungo caput tuum oleo sanctificato &c.* Et prosequitur referre formulas unctionum aliorum sensuum corporis infirmi. Ex quibus Codicibus, utique antiquissimis, deprehenditur, consuetum fuisse in Gallia, ministrari hoc Sacramentum uni, & eidem infirmo à pluribus Sacerdotibus simul uno, & eodem tempore. Codicem, quem Menardus vocat

cat Tillantium, credendum est ita nominari, quia sit conscriptum Tyle, quæ est Urbs parva Galliæ in superiori Burgundia, & in Diocesi Lingonensi, de qua Ferrarius in *Lexic. Geograph. verb. Tyle*.

- Quintò, antequam à Galliæ consuetudine vetusta ad alia argumenta procedamus, ex Caroli Magni Imperatoris exemplo, de quo Eparchius relatus ab Ivenio de *Sacram. Extrem. Unct. Dissert. VII. q. 6. cap. 3. conclus. 3.* & ex editione Pithæi apud eundem Menardum pag. 354. ita habet: *« Oleo autem Sancto inunctus ab Episcopis, & Viatico sumpto, & omnibus suis dispositis, commendatus Domino Spiritum suum, obiit in pace. »* Ergo à pluribus Episcopis fuit Carolo Magno Imperatori ministratum Extremæ Unctionis Sacramentum. Concedat exemplum Ludovici Lantgravii Turingiæ, Conjugis S. Elisabethæ, ad quem in extremis constitutum, Oleo Sancto perungendum, cum Patriarcha Hierosolymitanus vocatus fuisset, ipse Episcopum de Sancta Cruce cooperatorem assumpsit; ut ex Theodorico lib. 4. vitæ prædictæ S. Elisabethæ transcribit ipsemet Menardus ubi suprapag. 335. En duo ministri Extremæ Unctionis ad eundem infirmum.

- Sextò à praxi Ecclesiæ Orientalis; siquidem apud Græcos Sacramentum Extremæ Unctionis administratur à septem Sacerdotibus simul ad hunc effectum convocatis & adunatis; ut constat ex eorum Euchologio; quod est Græcorum Rituale, in quo præter orationes, & preces ad sacramenta administranda, aliæ etiam functiones Sacerdotales, & Episcopales continentur. Magpius in *Hierolexic. Verb. Euchologium*. Illius autem numeri septenarii reddit rationem Arcudius lib. 5. cap. 3. ita dicens: *« Septem autem numero Presbyteros Græcorum Ecclesia exigit, sive propter septem peccata mortalia; sive quia septenarius numerus in Sacra Scriptura valde commendatur, & non caret mysterio, quia jubileum in se completitur. »* Dicerem

etiam propter septem corporis partes, quas unguunt. At ampliores mysticas significationes notat Simeon Episcopus Thessalonicensis in opere de Sacramentis impresso apud Morinum in *Calce Commentar. de Sacram. Penitentiae*, his verbis: *« Quod fieri arbitror propter septem dona Spiritus, quæ apud Isaiam enumerantur: vel propter illos septem antiquæ legis Sacerdotes, qui domino jussu circumcuntes urbem Hierico septies tubis cecinerunt, atque mœnia diruerunt. Ut etiam hic septem Sacerdotes urbem, duraque mœnia altitudinum peccati demoliantur. Vel etiam tanquam mortua existente anima, ut supra puerum illius Summitidis ad imitationem Prophetæ, septies orent Sacerdotes, & eam susciant, prout sanè excitavit puerum Eliseus septies reversus, septies item præcatus. Vel quemadmodum Elias septies orans Cælum, quod peccantibus clauserat, rursus aperuit, atque deduxit pluviam; sic isti septies deprecanti solvant quidem squalorem peccati; accipia verò gratiæ clare, non secus atque Petrus, aperunt Cælum, atque misericordiam à Deo remissionis velut imbrem deducunt. Et quod inter Græcos Sacramentum Extremæ Unctionis ministratur uni, & eidem infirmo à septem Sacerdotibus simul ad hunc effectum congregatis non solum ex usu per vetustum, sed etiam in præsentem diem, scientibus, & non coneradicentibus Pontificibus Romanis demonstrat dectus Pignatellus tom. 8. consult. 84. à num. 25. & seqq. »*

Septimò probari potest à paritate Sacramenti Eucharistiæ, ac Sacrificii Missæ, quod confici potest à pluribus Sacerdotibus eamdem Hostiam, & eundem Calicem simul, & eodem tempore consecrantibus, ut antiquitùs erat in usu etiam in Ecclesia Latina; quando Episcopus solemniter celebrabat, pluribus Sacerdotibus sibi assistantibus, & concelebrantibus; atque unà cum illo verba consecrationis proferentibus, de quibus latè

Gg agit

agit Diana *Coordinatus tom. 3. tract. 1. resol. 48. §. 5. nec non tom. 4. tract. 8. resol. 91. §. 5.* quæ in veteri ejus opere siliunt in *part. 8. tract. 1. resol. 44. & in part. 12. tract. 1. resol. 91. & de iisdem Myitis concelebrantibus novissimè differit Emin. Cardin. Bona Rerum Liturgic. lib. 2. cap. 17. num. 4. & ego quoque mentionem feci in meis Decisionibus de Venerabili Eucharistiæ Sacramento Decif. 9. num. 5. Et quamvis antiquatus sit usus eorumdem concelebrantium cum Episcopo solemniter sacram faciente; imò etiam Cardinalium, qui simul cum Papa celebrabant, & consecrabant ad tradita per eundem Emin. Card. Bona ubi supra lib. 1. cap. 18. num. 9. & Magrium in Hierolex. Verb. Cardinalis col. 6. pag. 126. nihilominus adhuc viget consuetudo consecrandi à pluribus simul Sacrosanctam Eucharistiam tum in ordinatione Sacerdotum, tum in collatione ordinis Episcopalis; in utroque enim casu & Neomytæ, & qui noviter factus est Episcopus, proferunt verba consecrationis cum Pontifice ordinante, & simul cum illo conficiunt Sacramentum, ac Sacrificium, ut inter Scholasticos probant Gonet tom. 5. disp. 2. num. 21. & 22. Mastrius in 4. sent. disp. 2. n. 59. & in sua Theolog. Morali disp. 18. num. 41. Emin. Card. de Lauræa in 4. sent. tom. 1. De Ministro Sacram. Euchar. disp. 24. art. 4. & alii, quos ego allegavi in d. Decisionibus de Venerab. Euchar. Sacram. Decif. 16. num. 2. & num. 17. Igitur sicut Sacramentum Eucharistiæ licitè, & validè confici potest à pluribus Ministris simul, & eodem tempore formam preferentibus super eadem materia: ita Sacramentum Extremæ Unionis ministrari potest à pluribus Sacerdotibus uni, & eidem infirmo.*

His tamen non obstantibus, in hac disputatione dicendum est, quodd (quid-
11 quid fuerit in usu antiquis temporibus de quibus infra opportunas reflexiones faciemus) in præfenti illicitum omninò est, à pluribus Ministris Extremam

Unctionem uni, & eidem infirmo dare; ea ratione quia in ministrandis Sacramentis non licet facere contra praxim Ecclesiæ, neque discedere à Ritu, per eam præscripto, videlicet, ut in dando Sacramento Extremæ Unionis unus tantum sit Sacerdos Minister; ut in Rituali Romano legitur, & qui operatur contra communem praxim, & ritum Ecclesiæ, mortaliter peccat, ut statutum est in Concilio Tridentino sess. 7. de Sacramentis can. 13. & advertunt omnes DD. tam Scholastici, quam Morales, ut videre est apud Suarez in tom. 4. disp. 43. sect. 2. num. 8. apud Emin. Card. de Lauræa de Extr. Unct. disp. 11. num. 112. Mastrius disp. 6. de eod. Sacram. num. 138. ubi ait, quodd ex obligatione præcepti unicuique debet esse Minister, qui totum hoc Sacramentum in unoquoque infirmo perficiat. Ac idem docent Bissus in Hierurg. Sacra tom. 2. Verb. Minister Sacramentorum §. 32. Cotonius lib. 2. controuv. 15. num. 51. Layman lib. 5. tract. 8. cap. 6. in fine. Bonacina de Extrém. Unct. disp. 7. quæst. Unica punct. 4. num. 7. Reginaldus lib. 28. num. 62. citans ibi responsum Alexandri Papæ III. in cap. Quæsit. De Verbor. Signific. ubi quodd solus unus Sacerdos cum uno clerico administrat Extremam Unctionem. Et (aliis DD. omisissis) Collegium Salmanticense in tom. de Sacramentis tract. 7. cap. 5. num. 6. Excepta tamen urgente necessitate, quam præfati omnes Theologi in duobus tantum casibus ajunt, posse contingere. Uno, si Sacerdos post inceptas Uniones vel moriatur, vel syncope decumbat, itaut reliquis perficere non possit, tunc enim alteri Sacerdoti licebit eas absque mora complere. Alio, si infirmus hoc Sacramentum donandus sit adeò proximo morti, ut probabiliter Sacerdos putet, omnes sensus ante ejus expirationem inungere non posse: nam etiam in hoc casu licitum foret admittere coadiutorem in unctione sensuum, ita tamen, ut quisque inungens proprias formas proferat. Non desunt tamen

tamen DD. qui advertunt, in hoc secundo casu melius esse, ut unus Sacerdos velociter unget omnes sensus sub hac una forma. *Per istas Sanctus Unctiones &c. Indulgent tibi Dominus quidquid deliquisti per visum, auditum, odoratum, gustum, seu locutionem, & tactum.* Ita Gobatus *tract. 8. num. 877.* Et Diana *Coordinatus tom. 2. tract. 4. resol. 13. §. 5.* nec non in eodem tractatu *Resol. 21. & Resol. 22.* in quibus scribentes Theologos cumulat, qui concedunt in his duobus necessitatibus casibus licitum esse ministrare Extremam Unctionem uni, & eidem infirmo à pluribus Sacerdotibus. Concordat Barbosa *de Parocho cap. 22. num. 8.*

Confirmant DD. hanc concessionem, & legitimitatem plurium Ministrorum, urgente necessitate, in Extrema Unctione, quia simile concessum est in Eucharistia, & Ordine; etenim in Sacramento Eucharistiae si Sacerdos, qui Hostiam consecravit, deficiat, ita ut non possit vinum consecrare, potest alter Sacerdos Calicem dumtaxat consecrare, alia Hostia non consecrata; imò posset, dum unus Hostiam consecrat, validè alter Calicem consecrare; quo casu unum integrum Sacramentum Eucharistiae à duobus efficere-
 23 tur. Et in Sacramento Ordinis, si Episcopus, qui Sacerdotem consecravit, deficiat, antequam eidem conferat potestatem remittendi peccata, posset, & deberet alter Episcopus huiusmodi potestatem conferre, non repetendo quod Episcopus præcedens fecit, quia supponitur validè ab eo collatam fuisse potestatem in Corpus Christi verum. Idem igitur iudicium ferendum est in Sacramento Extremæ Unctionis, quando in prædictis duobus casibus necessitatis alter Sacerdos à primo facit unctiones proferendo suas formas, quas primus vel physicè, vel moraliter non potuit perficere; ut disserunt DD. *supracitati.* & in histerminis *Matris in cit. disp. 6. in 4. sent. De hoc Sacram. Extr. Unct. n. 133.* ac etiam

Emin. Cardin. de Lauræa *d. disp. 11. de eodem Sacramento num. 113.*

Cæterum supradictis duobus necessitatibus casibus exceptis, prorsus illicitum, ac peccaminosum est, Extremam Unctionem uni, & eidem infirmo à pluribus Sacerdotibus simul ministrari, non obstantibus, ut dixi, rationibus, fundamentis, & exemplis in contrarium adductis. Quandoquidem

Ad primum respondetur, quòd verba Divi Jacobi Apostoli *Inducat Presbyteros Ecclesie*, etsi in plurali numero prolata, non sunt intelligenda de plurali numero Presbyterorum ministrantium hoc Sacramentum, sed de singulari; ita ut eorundem Verborum germanus sensus sit, *inducat unum ex Presbyteris*, prout quando dicimus, si Franciscus febrem habet, vocet Medicos, idest unum Medicorum, non plures Medicos, ut notat Reginaldus *d. libr. 28. num. 63.* Layman, Bonacina, & alii DD. *supracitati*; qui omnes observant, sæpè in Scriptura Sacra proferri numerum pluralem pro singulari ex doctrina S. Augustini *libr. 3. de consensu Evangelist. cap. 16.* ubi id exemplificat, dicens: *in Epistola ad Hebræos legimus pluraliter dictum, Clauserunt ora Leonum; cum solus Daniel significari intelligatur. Et pluraliter dictum, Secti sunt: Cum de solo Isaia tradatur. In Psalmis etiam quod dictum est: Assiterunt Reges terræ, & Principes convenerunt in unum, de solo Herode, ac Pilato Christi mortem intulentes versificetur.* Et prosequitur declarare illud *Matth. 27. 44. Idipsum autem, & Latrones, qui crucifixerant cum eo, imprecabantur ei. Cum nihilominus unus tantum ex latronibus crucifixis blasphemaret Dominum, ut testatur S. Lucas cap. 23. Vers. 39. Unus autem de his, qui pendebant Latronibus, blasphemabat eum.* Quod repetentes scribunt omnes Moralitæ supra allegati pro responsione ad dicta verba Divi Jacobi.

Ad Secundum, Tertium, Quartum, & Quintum.

- & Quintum argumenta in contrarium adducta, de Libro Sacramentorum S. Gregorii Papæ, de Constitutionibus Riculphi Episcopi, de Codicibus Tiliiano, ac S. Remigii per Menardum allegatis, nec non de exemplis Caroli Magni Imperatoris, & Ludovici Lantgravii, plures dari possunt reſponſiones, ac reſolutiones. Una est, quod S. Gregorius, & Riculphus ubi
- 17 nominant in plurali numero Sacerdotes Ministros Extremæ Unctionis, non ita loquuntur, ut velint, plures simul debere hoc Sacramentum uni, & eidem infirmo ministrare; sed quia plures erant Sacerdotes, ad quos ex officio spectabat hoc Sacramentum distribuere infirmis; idem eos in plurali numero recensent, quia ad omnes loquebantur, & omnes monitos faciebant circa ritus; & alia concernentia Extremæ Unctionis administrationem à singulis eorum, cum occasio tulerit, piè, ritè, ac devotè agendam. Secunda reſponſio est, quod ibi in plurali numero Sacerdotes deferibuntur, quia
- 18 plures quidem pro unctione unius infirmi simul interveniebant, sed ad augendam devotionem ipsi infirmo, ac reverentiam eidem Sacramento, nec non ad multiplicandam vim orationum, quæ à pluribus Sacerdotibus simul congregatis recitabantur; non autem ad hoc ut plures ungerent Sacramentaliter sensus, & organa unius infirmi. Idcirco Carolus Magnus Imperator in unius est Oleo Sancto ab Episcopis, id est adstantibus, & orantibus in ejus cubiculo pluribus Episcopis, uno tamen eorum tantum ungente, & Sacramentum Extremæ Unctionis ministrante. Id clarè patet, quia subdit Historicus, ab Episcopis Viatico sumpti; unum autem ex eis
- 19 tantum porrexisse Sacrum Viaticum credere oportet, quia neque congruum, neque practicabile est, ut à pluribus manibus unica Sacra particula sit Imperatori ægotanti porrecta. Idem dicendum, & intelligendum est de Ludovici Lantgravii Extrema Un-

ctione, ad quam ministrandam Patriarcha Hierosolymitanus assumpsit in Coadjutorem Episcopum Sanctæ Crucis, non ut secum ungeret infirmum, sed ut secum recitaret pias preces, orationes, ac psalmos in illis antiquis Ritualibus descriptos. Confirmatur hæc reſponſio ex notatis per Surium in Vita S. Guilhelmi Archiepiscopi Bituricensis die 10. Januarii, de quo ægotante hæc scribit: *Fratribus convocatis, Extremæ Un-* 20 *ctionis Sacramentum humiliter ac devotè suscepit; eo percepto, etiam Sacrosanctam Eucharistiam sibi porrigi instantissimè postulavit.* Et in Vita S. Malachie Episcopi Hybernæ die 5. Novembris in extremo Vitæ constituti, de quo ita: *Interea jubet se Sacro Oleo ungi. Exeunte conventu fratrum, ut solemnius fieret, non sustinuit, ut ad se ascenderent: ipse descendit ad eos, jacebat siquidem in Solario domi superiori. Vigitur, & sumptio viatico, fratrum se orationibus, & fratres commendans Deo, ad lectum reveritur.* Ecce convocantur Fratres, concurrunt Fratres pro ministranda solemniter, id est summa cum reverentia, ac devotione, Unctione Extrema prædictis Antistitibus. Appellatione Fratrum Episcopi de jure intelliguntur Canonici, teste Barbosa de Can. & Dignit. cap. 1. num. 47. proinde dum S. Guilhelmus & S. Malachias Antistites hoc Sacra- 21 mento munirentur in extremis, adlitterunt Fratres, scilicet Canonici, non tanquam Ministri, & ungentes, sed tanquam adstantes, & orantes in majus obsequium Sacramenti; idque videtur dicendum posse praticari apud Græcos, dum septem Sacerdotes conveniunt in administratione hujus Sacramenti, ad ferventiùs orandum pro remissione culparum infirmi, & pro uberiori gratia eidem à Deo obtinenda, juxta mysticas significationes septenarii numeri, quas faciunt Arcudius, & Episcopus Theſſalonicensis su- praticati.

Tertia responsio : Sed estò quòd plures Sacerdotes simul eundem infirmum Oleo Sacro ungerent , ut cenièntur innuere illi duo Codices Tihanus , & Manuscriptus Monasterii S. Remigii apud Menardum ; ac de Græcis differit Pignatellus *d. tom. 8. consult. 84. à num. 25. & seqq.* investigandum venit , an omnes validè ungant , & quomodo omnes simul ungentes unum , & eundem infirmum faciant validè unum Sacramentum ? Pro intelligentia hujus difficultatis suppositæ praxeos , sive Latinae jam obsoletæ , sive Græcæ adhuc perdurantis , quatuor casus sunt distinguendi juxta Emin. Card. de Lauræa in *cit. disp. 11. de Extr. Unct. art. 9. num. 104.*

- Primus casus est , quando ex pluribus Sacerdotibus ipsam Extremam Unctionem ministrantibus , alii ungunt infirmum , & alii dicunt verba formæ in quacunque unctione . In hoc casu invalide agunt , & invalidum remanet Sacramentum , ut testantur omnes DD. infra citandi . *Primò* , quia ait Apostolus *Jac. 5. 15. orant super eum , ungentes eum oleo &c.* quæ verba denotant , unum , & eundem debere esse Ministrum , qui ungat infirmum , & formam proferat deprecativam . *Secundò* , quia ungentes non essent certi de intentione illorum , qui proferunt formam ; & sic Sacramentum incongruè ministraretur ; & remaneret expositum periculo nullitatis . *Tertiò* , quia neque
- 24 Baptismi Sacramentum , etsi majoris necessitatis , potest à pluribus uni conferri , itaut alii aquam infundant , alii verba formæ proferant , ut est communis Theologorum doctrina , cum enim Salvator dixerit *Matth. ult. 20. Baptizantes eos in nomine Patris &c.* infinuavit , ab eodem , à quo fit ablutio , debere formam proferri . DD. quos citat , & sequitur Volpi *resol. 7. num. 5. in fine . Quartò* , quia Sacramenta , quæ consistunt in usu , habent pro materia proxima actionem ipsam

Ministri , quam materiam determinare debent verba ab ipsomet Ministro prolata , ut ex utrisque unum constituitur Sacramentum . Ergo quodlibet istorum Sacramentorum ex vi institutionis suæ necessariò postulat , ut ejusdem Ministri , & personæ sint actio , & verba ; cumque Sacramentum Extremæ Unctionis consistat in usu , dari non potest unctio ab uno Ministro tanquam materia proxima ; & proferri forma ab alio ; sed utraque ab uno , & eodem Ministro debet provenire .

Neque obstat , quòd in Sacramento Pœnitentiæ Minister proferat solam formam ; pœnitens verò materiam ; prout etiam in Sacramento Matrimonii . Nam respondetur , non esse eandem rationem de Sacramento Pœnitentiæ , & Extremæ Unctionis ; quia Pœnitentia est Sacramentum judiciale ; judicium autem exigit Judicem , & reum confessum , vel convictum ; atque ideo confessio facta à reo , hoc est à pœnitente , est essentialiter necessaria ad Sacramentum Pœnitentiæ . Non sic est de Unctione ; quam ipse Minister exhibet tanquam proximam materiam ; & ab eodem debet etiam forma proferri . Quòd verò ad Matrimonium , cum juxta magis communem Doctorum sententiam exhibitio corporum sit materia proxima ; & ejusdem exhibitionis acceptatio sit forma Sacramenti ; vel potiùs utriusque conjugis consensus sit ipsa proxima materia ; & prædicta reciproca acceptatio reputetur forma ; sequitur , ipsosmet conjuges esse Ministros Sacramenti Matrimonii ; & ab iisdem proferitur materia proxima , & forma illius Sacramenti . Idcirco etiam ad validitatem Sacramenti Extremæ Unctionis materia proxima , quæ est Unctio , & forma debet ab eodem Ministro provenire . Ita differunt , & docent Bonacina *de Extr. Unct. d. disp. 7. quæst. Unica punct. 4. num. 8. Salmanticenses d. tract. 7. cap. 5. num. 6. in fine. Castropal. punct. 7. n. 8.* quem citat ,

citatur, & sequitur Biffus *d. Verb. Minister Sacramentorum*. §. 31. Suarez *in 3. p. D. Thom. tom. 4. disp. 43. sect. 2. num. 3.* Volpi *resol. 78. num. 12.* Mastrius *d. disp. 6. in 4. Sent. quæst. 7. num. 131. & 132.* & Emin. Card. de Lauræa *d. disp. 11. à num. 105. & seqq.* qui omnes gravissimi quidem Theologi concludunt, impossibile esse, quòd Sacramentum sit validum, si unus Sacerdos ungat sensus infirmi, alius verò Sacerdos formam illius unctionis proferat.

27. Sed quomodo respondebimus auctoritati libri Sacramentorum S. Gregorii Magni, qui (ut retulimus supra in secundo argumento contrario num. 2.) *pag. 252. col. 2. linea 30.* aperte docet, quòd alius erat Sacerdos, qui ungebat infirmum, & alius, qui formam pronuntiabat? ait enim ibidem *Dum ungitur infirmus, dicat unus ex Sacerdotibus hanc orationem: Inungo te Oleo Sancto in Nomine Patris, & Filii, & Spiritus Sancti, &c.* Quæ quidem verba esse essentialia, & obtinere locum, & vim formæ ad constituendum Sacramentum opinatus est etiam ipse Menardus *in suis notis super illa ad pag. 332.* ubi ita scriptum reliquit: *Notandum, ungente Sacerdote, formam ab alio proferri; quod faceret eorum opinioni, qui dicunt, validum esse Baptismum, si uno verba proferente, alter mergat, aut aquam infundat.* Duplici responsione evitari posse puto hujus libri Sacramentorum S. Gregorii in prædictis verbis auctoritatem. Siquidem.

28. Respondeo primò, non esse illicitum dubitare de legitimitate eorumdem Verborum præcipientium, ut alter Sacerdos proferat verba formæ, dum alter ungit infirmum, & eadem potius esse suppositicia, addita ab aliquo privato; quam vera, & inserta ab illo S. Pontifice. Ratio hujus mææ dubitationis est, quia Codex ille, super quo Menardus fecit suas notas, non erat liber originalis missus à Romano Pontifice S. Eligio, sed exemplar sumptum ab

illo existente Noviomini in Monasterio S. Eligii, à quo nominationem talem accepit, ut testatur ipsemet Menardus *in Præfatione pag. 2.* subdens ibidem: *Eique (exemplari) paucula quædam addita fuisse.* Imò *pag. 12.* de eodem exemplari, seu transumpto ita scribit. *Hunc etiam Codicem S. Eligii diligenter contuli cum edito Sacramentorum libro, qui tempore Clementis VIII. exiit ex Bibliotheca Vaticana: sed non minimum discrimen inter utrumque reperi, licet in multis conveniant.* Unde fit, *ut credam Codicem illum Manuscriptum S. Eligii descriptum quidem fuisse ex alio antiquissimo Exemplari, sed quædam partim detracta fuisse, partim addita ab Exscriptore, prout videbat illi usui temporis sui convenire.* Igitur non est à verisimili alienum affirmare, quòd ille ritus in ministranda Extrema Unctione, ut unus ungat infirmum, alius proferat Verba formæ contra veram doctrinam, & praxim Ecclesiæ Romanæ in eodem libro exaratus, processerit non à S. Gregorio Magno, sed ab exscriptore, qui ex originali libro aliam copiam fecit, & de suo capite sive ob simplicitatem, sive ob ignorantiam prædictum ritum in eadem copia, ac transumpto inseruerit. Idem dicendum cenfeo de aliis Codicibus manuscriptis allegatis per eundem Menardum, in quibus ipse fatetur in sua Præfatione, plura ab eorum scriptoribus addita fuisse, quæ non reperiuntur in libro Sacramentorum S. Gregorii; & in specie de Codice Tiliiano ait *pag. 9. Sunt tamen quædam in eo, quæ in ordine Romano non exstant. Ut in ordine Romano quædam reperire est, quæ in hoc Codice Tiliiano desiderantur.* Cùm itaque hæc manuscripta defleant ab originali libro Sacramentorum S. Gregorii in omissionibus, & additionibus, manifesta est libertas, quam sibi exscriptores usurparunt addendi, & omittendi ad proprium placitum, & ideo non est eis plena fides adhibenda; & in specie non.

non est eis credendum, quod S. Gregorius Magnus scripserit, formam Sacramenti Extremæ Unctionis esse ab alio Sacerdote recitandam, dum ab alio ungitur infirmus Oleo Sancto.

29 Respondeo secundò prædicta verba libri Sacramentorum non ob stare, estò etiam inserta fuerint à S. Gregorio, quia loquuntur non de Unctione Sacramentali à Christo Domino instituta, sed de simplici Unctione curativa infirmitatis corporis, & ex sola devotione infirmi. Jam ostensum est supra Decis. III. num. 3. & Decis. IX. num. 15. apud antiquos Christianos, & Sanctos Patres fuisse in usu duplex genus Unctionum: quorum unum erat solummodò sanativum corporis, aliud verò erat Sacramentum; & de primo innumera promodum exempla leguntur apud Sumerium in gestis, & vitis Sanctorum. Igitur ritus, & sermo, quem facit liber Sacramentorum S. Gregorii Papæ apud Menardum, sub titulo *Oratio ad visitandum infirmum pag. 251. & seqq.* est intelligendus de simplici unctione ob sanitatem corporis, quæ nongentis ab hinc circiter annis erat in usu, & fiebat à pluribus Sacerdotibus simul convocatis; non autem de Unctione, quæ Sacramentum est, & quæ illis etiam antiquis temporibus ab uno tantum Presbytero, ungente infirmum, & formam proferente ministrabatur. Hanc meam secundam responsionem probo ex sequentibus. *Primò* ex prima Oratione illius Rubricæ, quæ loquitur de mera sanitate corporis ad exemplum Regis Ezechie; ait enim: *Deus, qui famulo tuo Ezechie ter quinos annos ad vitam donasti, ita ut famulum tuum N. à lecto ægritudinis tua potentia erigat ad salutem.* Eiusdem tenoris sunt aliæ sex orationes subsequentes, in quibus sola sanitas corporalis illius infirmi à Deo postulatur. *Secundò*, quia ibidem statuitur, & præcipitur, quod *Flectat genu, vel genua, qui est languidus, & stet ad dexteram Sacer-*

dotis, & sic decantetur hæc Antiphona, &c. Sacramentum Extremæ Unctionis non datur, nisi infirmis graviter ægrotantibus, & in extremo vitæ probabiliter constitutis; ut præcipiunt plura Ecumenica Concilia adducta ab Eminen. Cardin. de Lauræa de *Extr. Unct. disp. 11. num. 166.* & præcipue Tridentinum de *eod. Sacram. sess. 14. cap. 3.* ita dicens: *Declaratur etiam esse hanc Unctionem infirmis adhibendam; illis verò præsertim, qui tam periculose decumbunt, ut in exitu vitæ constitui videantur.* Quomodo ergo poterat languidus, gravissimo morbo correptus, & in exitu vitæ constitutus, de lecto exire, genua flectere, & genussexus stare ad dexteram Sacerdotis, dum decantarentur Antiphonæ, & Psalmi in ipso libro Sacramentorum, sub eadem Rubrica annotati, & præscripti? Propterea dicendum venit, quod illa Unctio non erat Sacramentum, sed erat curativa tantum ex sola devotione infirmi non gravi morbo laborantis, qui poterat è cubili surgere, genuflectere, & in genibus stare, audiendo Psalmos, & Orationes, quas Sacerdotes decantabant. *Tertiò* hanc meam responsionem confirmant Verba, quæ subsequuntur in eodem libro Sacramentorum d. pag. 252. col. 2. linea 30. quæ sunt huiusmodi: *Perungat infirmum de Oleo Sanctificato, cruces faciendo in collo, & gutture, & inter scapulas, & in pectore: seu in loco (notet studiosus lector) ubi plus dolor imminet, amplius perungatur.* Quis infirmabitur huiusmodi Unctionem non fuisse Sacramentum; sed fuisse merè curativam, & ad solam corporis sanitatem obtinendam? Quis probabit, fuisse praxim Ecclesiæ Catholicæ in ministrando Sacramento Extremæ Unctionis perungere locum, ubi plus dolor imminet in corpore ægroti? Huiusmodi ritus est penitus extraneus ab universa praxi Ecclesiæ, quæ quinque organa sensuum consuevit Sacramentaliter ungere, non autem

autem partes, in quibus plus dolor imminet. Quid si dolor fuisset in partibus non sine honestatis offensa tangendis? Idcirco fateri oportet, prædictum locum libri Sacramentorum S. Gregorii Magni, intelligendum prorsus esse de simplici unctione curativa, non autem de Sacramento Extremæ Unctionis. Quartò considero verba assertæ formæ ab alio Sacerdote dicenda, quæ neque indicant, neque deprecantur remissionem culparum, sed solam corporis sanitatem: Sunt enim ista: *Inungo te de Oleo Sancto in Nomine Patris, & Filii, & Spiritus Sancti, ut non lateat in te Spiritus impundus, neque in membris, neque in medullis, neque in ulla compagine membrorum: sed in te habitet virtus Christi Altissimi, & Spiritus Sancti, quatenus per hujus operationem miserii, & per hanc Sacramenti Olei unctionem, atque nostram deprecationem, virtute Sanctæ Trinitatis medicatus, sitis fatus, pristinam, & immelioratam recipere mentis sanitatem. Per eundem, &c.* Quis quæso asseverabit, hæc verba constituere formam Sacramentalem Extremæ Unctionis? Forma uniuscuiusque Sacramenti debet significare effectus illius Sacramenti, ut latè probant omnes Theologi Scholastici, & Morales, inter quos Mastrius in 4. *Sent. disp. 1. num. 96. & 97.* & in ejus Theologia Morali *disp. 16. à num. 10. & seqq.* Emin. Card. de Lauræa *De Sacramentis in genere disp. 2. art. 5. per totum*. Modò supradicta verba assertæ formæ libri Gregoriani in nihilo significant remissionem venialium, neque robur spirituale in anima infirmi ad pugnandum contra insidias Demonum, quod operatur Sacramentum Extremæ Unctionis. Igitur neque in his verbis est vera forma, neque illæ unctiones sunt Sacramentales, neque ex utroque conficitur Sacramentum. Quintò: tandem reflecto ad sequentia verba posita post ultimam orationem *pag. 253. col. 2. linea 22.* videlicet:

*Et sic faciant illi per septem dies, si necessitas fuerit, tam de communione, quam de alio officio. Quæ verba denotant, reiterandas esse ipsas Unctiones infirmi per septem dies, ut notat ipsemet Menardus in Notis pag. 358. Vers. XIII. At quo in Canone, quo in Concilio, qua in Constitutione Ecclesiastica reperiemus, Sacramentum Extremæ Unctionis reiterandum esse eidem infirmo per septem successivos dies? Hanc reiterationem esse omninò prohibitam in eodem morbo obestantur omnes DD. quorum plurimos congerit Barbosa de Parocho d. cap. 22. num. 38. Igitur ex tot incongruitatibus dicendum omninò est, vel prædictas Unctiones infirmi in libro Sacramentorum S. Gregorii præscriptas non esse Sacramentales, sed merè curativas, ex sola devotione infirmi: vel ritum ibi positum, (scilicet quoddum unus Sacerdos facit Unctiones, alius recitet formam) esse apocrysum, & ab heterodoxis insertum; siquidem Sacramentum esse validum non potest, si unus Sacerdos infirmum ungat, & alius formam enunciet, ut firmatum est supra; & aliter asserere, est opinio erronea, ac penitus repellenda, ut ait Ivenim in *Comment. Historico-Dogmatico d. tom. 2. Dissert. 7. quest. 6. cap. 3. Vers. Quæres num singuli. pag. 798. col. 2.* & hæc de primo casu.*

Sed adhuc dicit aliquis: si Unctiones illæ non efficiebant Sacramentum, sed erant tantum curativæ, quo jure fiebant Oleo Sacro, & Sanctificato, ut pluries nominant tum ipse liber Sacramentorum S. Gregorii, tum alii Codices antiqui transcripti, ubi supra per Menardum? Huic instantiæ respondent Ivenim d. *Dissert. 7. de Sacramen. Extremæ Unct. quest. 6. cap. 1. in fine*; necnon Pignatellus, celeberrimus in Romana Curia Advocatus, in suis Consultationibus Canonicis d. tom. 8. *consult. 84. num. 30.* quod nostri Patres antiqui solebant distribuere Oleum Sacrum,

erum, etiam in medicinam corporalem; quod cum in abusum tenderet, fuit prohibitum in Concilio Moguntino sub Carolo Magno *can. 24.* his verbis: *Presbyteri sub Sigillo custodiant Christum, & nulli sub pretextu medicine, vel maleficii donare inde presumant. Quod si fecerint, honore priventur.* Et plura exempla prædicti usus medicinalis cum Oleo Sacro recenset Arcudius de *Extrem. Unct. libr. 3. cap. 4.* & est celebre illud S. Gotardi Episcopi apud Surium *4. Mail*, ubi ait: *iussit etiam Presbytero, ut Sacro Oleo, quod infirmorum dicitur, ejus ungeret oculos, quæ quidem Unctio, & Sancti Viri preces ab illo dolore usque ad vitæ finem eam immunem conservarunt.* Imò idem Pignatellus *num. 31.* subdit; quòd etiam nunc talis usus servatur apud Græcos; & *num. 32.* conatur probare, non esse illicitum, aut reprehensibile, quia, inquit, non est novum, quòd Olea Sacra inserviant pro materia Sacramentorum Confirmationis, & Extremæ Unctionis, ac etiam pro materia Sacramentalium; siquidem Sacrum Christum inservit ad ungendum verticem baptizati, ad consecranda altaria, calices, & alia hujusmodi, quapropter non excedit moralem possibilitatem, si Ecclesia non prohibente, imò tolerante, ac permittente etiam Oleum Sacrum infirmorum adhibeatur, non tanquam Sacramentum, sed tanquam Sacramentale ad curandas infirmitates corporales, ut latè differic ipsemet Pignatellus *d. consult. 84. à num. 32. usque in finem*; addens, posse adhiberi tanquam simplex Sacramentale quamvis in Unctione infirmi Sacerdos proferat formam adhiberi solitam in Sacramento, quia cum sit deprecativa, & consistat in oratione, hæc diversificatur ab intentione Ministri, ita ut, quando intendit ungere tantum ad curationem corporis, non faciat Sacramentum, sed Sacramentale; quæ doctrina optimè adaptatur ritibus, orationibusque descriptis in eodem li-

bro Sacramentorum Sancti Gregorii Magni, & Codicibus per Menardum relatis, de quibus supra; Et adimplatur opinioni, quam firmavi, eos esse intelligendos de unctionibus merè curativis, non autem de Sacramento Unctionis Extremæ. Hæc omnia de primo casu. Ita tamen, ut Lector advertat, quòd nunc si quis uteretur Oleo Sacro pro unctione tantum curativa, contra illum procederet Sanctum Officium, ut ait Emin. Cardin. de Lauræa *d. disp. 11. num. 97.*

Secundus casus suppositæ pluralitatis Ministrorum in Sacramento Extremæ Unctionis est; quando plures Sacerdotes simul congregati ad ministrandum hoc Sacramentum infirmo 33 graviter ægrotanti, omnes simul ungunt idem organum infirmi, & omnes simul recitant formam ab Ecclesia præscriptam in illius organi, seu sensus unctione. Casus iste mihi videtur metaphysicus, & impracticabilis; siquidem quomodo possunt tres, quinque, ac etiam septem Presbyteri simul, & eodem tempore ungere unam, & eandem aurem unius infirmi? unum, & eundem oculum; eandem nares, ac labia? Opus esset, ut homines forent, vel gigantes, vel auriti, vel polyccephali, de quibus egi in meis Decisionibus de Baptismo *Decis. 46. num. 7. & Decis. 47. num. 2. & 6.* ad hoc ut, ob magnitudinem organorum sensuum, hi reciperent unctiones à septem manibus simul, & eodem instanti. Nihilominus, nolui relationem hujus casus omittere, tum quia ponitur ab Eminentiss. Card. de Lauræa *d. disp. 11. num. 111.* tum etiam quia Reverendissimus Pignatellus asseverat apud Græcos in hujus administratione Sacramenti, organa sensuum ægroti à septem Sacerdotibus simul, & eodem tempore Oleo Sancto inungi, *d. tom. 8. consult. 84. num. 25.* etsi non me lateat, quòd Ecclesia Græca à Latina debet differere, non è contra, ut scribit idem Emin. Cardin. de Lau-

242 De Extrema Unctione. Decis. LXX.

- rae in 4. Sent. d. tom. 3. disp. 1. num. 176.* Igitur supradicti Doctores concedunt in hoc casu fieri valide Sacramentum. Rationem hujus validitatis triplicem assignat Pignatellus ubi supra. *Primum*, quia Innocentius IV. & Clemens VIII. correxerunt errores Græcorum in Sacramentorum ritibus, sed hunc ritum ungendi infirmum Oleo Sancto à septem Sacerdotibus simul non correxerunt, idèò tacitè approbaverunt. *Secundam*, quia potest Ecclesia concedere, ut materia sufficiens, si semel applicetur in faciendo Sacramento, pluries possit applicari in ministrando uno, & eodem Sacramento, & habetur exemplum in Baptismo, in quo unica immersio in aqua sufficit; & tamen concessum est, ut etiam trina immersio fieri possit. Et hoc, quod dicimus de materia, èd magis procedit de forma, quam à pluribus simul, & eodem tempore proferri non destruit validitatem Sacramenti; ut quando plures Sacerdotes simul consecrant unam, & eandem Hostiam; proferentes simul verba consecrationis, ut practicitur in ordinatione Sacerdotum, & olim erat in usu, dum Papa solemniter celebrabat cum Cardinalibus, & Episcopus cum Canoniciis, ut mox diximus supra num. 10. Et èd facilius in hoc Sacramento Extremæ Unctionis, cujus forma est deprecativa, consistens in prece, & oratione, cujus proprium est, ut reiteretur à pluribus, & à pluribus proferatur per modum unius, ut cum in Ecclesia cantantur Litanie, quæ reiterantur de Versu in Versu; & in Solemni Sacrificio Missæ simul cum Sacerdote legente introitum, Kyrie, Gloria in Excelsis, Graduale, Offertorium, Sanctus, & postcommunione, Chorus hæc omnia concantat, repetit, & enunciat. Idcirco quando septem Sacerdotes Græci ministrant simul Extremam Unctionem uni infirmo, proferentes omnes, & singuli eandem deprecativam formam, nihil officunt validitati Sacramenti; quia conjungitur

in unam, & habetur pro una; orant enim tanquam consocii, & collegialiter, & sic dant unitatem Orationi, & per consequens ipsi formæ. Undè ipsemet Pignatellus *d. tom. 8. consult. 84. num. 27. in fine* concludit his verbis: *Nec repetitio Unctionis, & formæ variat substantiam, quia tantum addit, non autem detrahitis; & facit, quod partes substantiales sint magis extensæ, & consent pluribus partibus integralibus coeuntibus moraliter in unum, modo explicato, & idèò tota variatio est solum materialis, non autem formalis, aut essentialis.*

Non detrectat in præmissis quod ad validitatem Sacramenti Emin. Card. de Lauræa *d. disp. 11. De Extrem. Unct. num. 112. & 113.* At protestatur, hunc casum in Ecclesia Latina esse prorsus illicitum, & si plures Sacerdotes Latini simul, & eodem tempore eundem infirmum ungerent Oleo Sancto, peccarent mortaliter; quia facerent contra ritum, & praxim Ecclesiæ, quæ vult, ab uno tantum Sacerdote uni infirmo hoc Sacramentum ministrari; & qui contrarium docerent, inciderent in censuram, quam statuit Concilium Tridentinum *sess. 7. de Sacram. can. 13.* his verbis: *Si quis dixerit, receptos, & approbatos Ecclesiæ Catholicæ Ritus in solemnibus Sacramentorum administratione adhiberi consuetos, aut contemni, aut sine peccato à ministris pro libito omitti, aut in novos alios per quemcumque Ecclesiarum Pastorem mutari posse. Anathema sit.*

Tertius casus pluralitatis Ministrorum est, si plures Sacerdotes ita conveniant in danda Extrema Unctione uni infirmo, ut unus unum organum ungat, alius eodem tempore ungat aliud, alter alterum; & quilibet suam recitet formam. In hoc casu eos illicitè agere manifestum est ex supradicto Canone Concilii Tridentini, & ex concordia sententia omnium DD. supracitatorum *n. 37. & præcipue Suarezii d. disp. 43. sect. 2.*

feft. 2. num. 8. Maffrii in 4. Sent. d. difp. 6. num. 138. Et Emin. Card de Lauræa d. difp. 11. num. 114. Porro an validè agant? & an verum conficiant Sacramentum? valdè dubitabile, & difputabile eft in Scholis. Videtur dicendum, eos invalidè agere, ac Sacramentum non conficere; ea ratione, quia hi plures Miniftri diverfa organa fenfuum ungentes nihil faciunt. Quòd nihil faciant, arguitur ex ea opinione Theologorum, quòd effectus Sacra-

40 menti Extremæ Unctionis habeatur tantummodò in ultima Unctione, prout tenent DD. allegati à Maffrio d. difp. 6. num. 92. ubi fundamentum talis opinionis ponitur, fcilicet, quia nullum Sacramentum fuum caufat effectum, nifi quando effentialiter eft completum: atqui Extrema Unctio non completur nifi in quinta Unctione: Ergo Sacerdotes, qui præcedentes faciunt unctiones, nihil agunt. Item fecundùm aliam opinionem Scholafticorum, quòd omnis Unctio producat ftatim fuam partialem effectum Sacramenti, qui poftea completur in ultima; adhuc hi plures Miniftri nihil agunt, quia ad producendum dictum partialem effectum, & ad eum complendum in ultima Unctione neceffaria eft intentio Miniftri, quæ dirigat Unctiones præcedentes ad ultimam, itaut inter fe tanquam partes Sacramenti fint moraliter unitæ ad constituendum in ultima unum Sacramentum. At talis intentio Unitatis non videtur poffibilis in pluribus Miniftris, qui omnes dirigunt fuam intentionem ad proprias Unctiones. Ergo invalidè operantur. Ita arguendo differt Maffrius d. difp. 6. num. 137. & Eminentiſſ. Cardin. de Lauræa d. difp. 11. n. 122. & 123.

Nihilominus communis eft reſponſio Scholaſticorum ad dictum caſum, quòd validum remanet Sacramentum, quia ſivè quælibet unctio producat ſtatim ſuum effectum Sacramentalem, ſivè ex eis nullus habeatur effectus Sacramenti, nifi in ulti-

ma, omnes tamen Unctiones ſunt partes Sacramenti, ipſum inchoantes per ſuam propriam materiam, & formam cum relatione ad ultimam completivam Sacramenti, & omnes ſimul factæ producant complementum, & unitatem Sacramenti, cui non officit pluralitas Miniftrorum exemplo Euchariftiæ, quam plures confeſcrant, vel ſimul, vel ſucceſſivè, ſi Sacerdos moreretur ante confeſcrationem Calicis, poſt confeſcratam Hoſtiam; & exemplo Ordinis, ſi primo Epifcopo deſiciente poſt datam facultatem confeſcrandi, alius compleret Ordinem dando poteſtatem abſolvendi: ſufficit enim virtualis intentio horum plurium Miniftrorum conficiendi unicum Sacramentum; ut latiffimè diſputando comprobant Suarez d. difp. 43. ſect. 2. à num. 4. & ſeqq. Diana Coordinatus tom. 2. tradi. 4. reſol. 21. & 22. in quibus DD. cumulat. Volpi d. reſol. 78. num. 10. ſubdens quòd Miniftrorum pluralitas non tollit unitatem Sacramenti, quia inſtrumentaliter tantum operantur; mutatio autem malleorum non tollit unitatem operationis fabri. Maffrius d. difp. 6. à num. 133. uſque ad num. 137. Eminentiſſ. Card. de Lauræa d. difp. 11. à num. 114. & à num. 125. noviffimè prælaudatus Canonifſta Pignatellus in cit. tom. 8. conſult. 84. num. 26. & 27.

Quartus tandem caſus, in quo diſputatur de pluralitate Miniftrorum in hoc Sacramento eſt, quando unus ungat unum organum, & recitet formam, deinde alius ſucceſſivè ungat aliud organum recitando propriam pariter formam, & ſic de tribus, quatuor, vel pluribus miniftris. In hoc caſu, eos validè agere concedunt omnes Doctores ex rationibus ſupra allegatis; non autem licet, nifi in illis duobus caſibus neceſſitatis, quos explicavimus ſupra num. 12. videlicet ſi Sacerdos incepta miniſtratione Olei Sancti moreretur, antequam omnes Unctiones perſiceret; vel ſi maniſeſtus eſſet tranſitus:

H. h. 2. inſir-

244 De Extrema Unctione. Decis. LXXI.

infirmi ad aliam Vitam, & à pluribus Sacerdotibus celeri manu plura organa cum suis formis Oleo Sacro signarentur; quamvis magis laudabile foret, ut ab uno, & eodem Sacerdote omnes sensus velociter ungerentur sub unica forma eos omnes exprimente, *ex Resolut. 13. 21. & 22. Dianæ Coordinati in tom. 2. tract. 4. & ex monitione Gobati in Theol. Experim. tract. 8. num. 877.*

DECISIO LXXI.

ARGUMENTUM.

Disseritur de propriis Ministris Sacramenti Extremæ Unctionis, videlicet de Episcopis erga omnes de eorum Diocesi. De prima Dignitate Ecclesiæ Cathedralis versùs suum Episcopum. De Parochis erga suos Parochianos. Et de Regularibus tum Prælati respectu suorum subditorum, tum Deputatis ad Sacramenta ministranda degentibus in Monasterio; tum etiam de aliis Regularibus, qui vocati essent ab infirmis extra claustra. Disputatur celebris Quæstio, an Parochi tempore Pestis teneantur ungere infirmos Oleo Sancto cum propriæ vitæ periculo? Nec non quibus Laicis Regulares possint dare Extremam Unctionem virtute suorum Privilegorum?

SUMMARIUM.

1. Ministrorum Extremæ Unctionis genera quinque.
2. Episcopus Parochus est. Parochorum, & in sua Diocesi Sacramenta potest ministrare.
3. Episcopus dare potest Extremam Unctionem infirmis. Unde ali-

- quando debet. num. 4. & 22.
4. Exempla infirmorum Oleo Sancto unctorum ab Episcopis.
5. Georgii Cornelli Senioris Episcopi Patavini charitas in danda Unctione Extrema infirmo de nocte, loco Parochi.
6. Capituli primæ Dignitati competit dare Extremam Unctionem Episcopo.
7. Sacrum Viaticum dare, atque Extremam Unctionem spectat ad eundem Ministrum.
8. Unctio Extrema olim dabatur priùs, deinde Sacrum Viaticum.
9. Exempla Episcoporum extremæ inunctionum à suis Canonici.
10. Parochiale officium est dare Extremam Unctionem, Sacrum Viaticum, & sepulturam.
11. Parochus tenetur dare Extremam Unctionem de iustitia, & sub pena mortalis peccati suis Parochianis graviter aegrotantibus.
12. Parochiale onus laboriosissimum.
13. Pauli Segnerii libellus II Parochi instruit, ad cujus instantiam prædicit?
14. Parochi negligentes in Cura puniendi ab Episcopo.
15. Presbyter antiquius denotabat Parochum.
16. Pestis tempore an Parochi teneantur inungere infirmos cum periculo vitæ? Rationes pro affirmativa n. 17. Pro negativa n. 18.
19. S. Congr. Cardinales discordes circa Extremam Unctionem à Parochis dandam tempore Pestis, S. Carolo Borromeo requirente.
20. Distinctio circa obligationem ungenti infirmos à Parochis tempore Pestis.
21. Extrema Unctio facit de attrito contritum.
22. Episcopus in defectu Parochi tenetur dare Extremam Unctionem.
23. Prælati Regulares an sint obligati dare Extremam Unctionem suis subditis?

- 24 *Regulares dant Unctionem Extremam omnibus degentibus in Monasterio, Familiaribus, Hospitibus, atque Mercenariis.*
- 25 *Bibliophylacium nobilissimum Monasterii S. Justine de Padua.*
- 26 *Tertiarum, ac Tertiariarum à quibus recipiant Extremam Unctionem.*
- 27 *Regulares Praesidentes Seminarum, aut Collegiis studiorum an dent Extremam Unctionem alumnis graviter aegrotantibus?*
- 28 *Regulares quando possint dare Extremam Unctionem in alienis Parochiis?*

Tertia disputatio, quam circa Ministerium Sacramenti Extremæ Unctionis faciunt Theologi, est, An quilibet Sacerdos licitè, & validè possit eam aegrotantibus ministrare? Reducitur autem hæc disputatio ad quinque genera personarum, videlicet ad Episcopos, ad Primam Dignitatem Capituli, ad Parochos, ad Regulares, & ad simplices Sacerdotes, etiam nominatim Excommunicatos, vel degradatos; de quibus omnibus breviter est videndum.

- Quo ad Episcopum, extra omnem controversiam est, quòd in tota sua
- 2 Diocesi licitè, & validè administrat omnia Sacramenta suis Diocesanis; est enim Parochus Parochorum, & Ordinarius in tota sua Diocesi, ad quem principaliter pertinet cura omnium animarum ejusdem suæ Diocesis. *cap. Quicumque. 10. qu. 1. cap. Præcipimus. 22. q. 1. Angelus Verb. Confessio 3. §. 3. Pax Jordanus tom. 1. lib. 3. tit. 3. num. 1. & 2. ubi notat omnes Parochos in civitate, & Diocesi esse coadjutores Episcopi in cura animarum, & administratione Sacramentorum, ut deducitur ex cap. Inter cætera in fine, ubi Glossa, & DD. De offic. ordin. Et sicut Episcopus potest ubique in sua Diocesi audire Confessiones Sacramentales,*
 - 3 & ministrare Sacramentum Pœnitentiæ, ut dixi De Pœnitentia Decis. 39. num. 3. multò magis potest dare Sacramentum Extremæ Unctionis, quod di-

citur Pœnitentiæ consummativum. Idem Jordanus d. lib. 3. tit. 5. num. 1. & 2. & circa hoc punctum est decisio interminis in cap. Illud superfluum. dist. 95. ubi Innocentius Papa I. ita respondit: Illud superfluum videmus adjectum, ut de Episcopo ambigatur, quod Presbyteris licere non dubium est. Nam idcirco de Presbyteris dictum est; quia Episcopi occupationibus aliis impediti ad omnes languidos ire non possunt. Cæterum si Episcopus aut potest, aut dignum ducit aliquem à se visitandum, & benedicere, & tangere Chrismate, sine cunctatione potest cujus est ipsum Chrisma consecrare. Glossa autem ibi declarat ly Chrismate, idest Oleo, quod notavi supra Decis. 1. num. 2. docens rationem, quare oleum dicatur Chrisma.

Igitur Episcopus pro sui beneplacito potest Sacramentum Extremæ Unctionis suis subditis ministrare, ut in terminis probat Ivenim in suo Comentar. 4 *Histor. & Dogmat. de Sacram. Extr. Unct. Dissert. 7. qu. 6. cap. 2. ubi allegat exemplum Caroli Magni Imperatoris, qui ab Episcopo fuit Sacra Unctione inunctus, & Beatæ Mauræ, quæ pariter Extremam Unctionem accepit à Prudentio Episcopo Tricastino; nam in defectu Parochorum ipse Episcopus obligatus est de justitia dare hoc Sacramentum, ut affirmant DD. citati infra num. 22. Est autem notatu dignum, quod advertit Pax Jordanus d. lib. 3. tit. 5. num. 9. videlicet, quòd si aliquando Episcopus vel ob necessitatem, vel ob eminentiam infirmi, aut propter charitatem, vel alium respectum istud Sacramentum voluerit administrare, debet servare Ritus, & præcepta universaliter præscripta ministris illius in Rituali Romano; nihil enim particulariter præscribitur servandum ab eo diversum ab aliis Ministris. Et hic non est sub oblivione omittendum eximie charitatis exemplum gloriosæ memoriæ Illustrissimi, ac Reverendissimi Georgii Cornelii Episcopi Patavini filii Sere-*

Serenissimi Ducis Reipublicæ Venetiarum Joannis Corneli, qui anno 1650. cum esset in visitatione Terræ Montaneanæ, hospitiæ, ac dormiens in domo Archiepiscopbyterali, audivit media nocte nonnullos janua ejusdem domus pulsantes, cumque nullus responderet, surrexit e lecto piissimus Antistes, aperuit fenestram, & quæsit, quis esset? Hî, qui pulsabant, dixerunt, se postulare Archiepiscopbyterum, ut properaret ad dandam Extremam Unctionem: cuidam egeno in sua Parochia morti proximo. Episcopus statim vocat unum e capellanis suis, & celeriter induit vestes, & accepto Sacro. Oleo. processit ad infirmum; (non enim aderat Archiepiscbyter, qui relictis cubilibus suis pro commodo Prælati, ac familiarium ejus, iverat dormitum apud suos consanguineos.) Igitur Urbis Patavinæ Pastor consolatus languidum, & in confortate Divinæ voluntati confortatum Sacramento. Unctionis. Extremæ munivit, adstantibus pluribus vicinorum, qui audito Episcopi accessu conveniant, venerantes ejus pietatem, eò magis conspicuum, quò constantiorem in adfidentia; non enim voluit Antistes discedere, nisi orto sole, & postquam Archiepiscbyter ascitus, venerat usque ad exitum illius animæ remansurus. Hæc dicta sint in obsequium prædicti celsissimi Episcopi, à cujus clementia ad minores, & sacros ordines promotus fui, & cui eadem dignum me fecit, ut inservirem, post Doctoratus lauream acceptam, primum tanquam Promotor Fiscalis. ejus. Episcopalis. Curie, deinde ut ejus Auditor in spiritali regimine totius Diocesis, & in examinandis Confessariis, multiplici cum munificentia, & benevolentia ipsius signo. Hæc de Episcopis.

Quò ad primam Dignitatem Capituli. Ad hanc spectat tradere Extremæ Unctionis Sacramentum Episcopo morienti, prout etiam Sacrum Viaticum; ut statutum est in Cæremoniale. Epi-

scoporum lib. 2. cap. 38. Bauldry in *Manuali Sacram. Cæremon. part. 5. d. lib. 2. cap. 38.* & Castaldus in *Praxi Cæremon. libr. 1. sect. 10. cap. 12. n. 3.* Neque obstat, quòd liber Cæremoniale Episcoporum d. cap. 38. nominet primam Dignitatem Capituli tantummodo in administratione Sacri Viatici: ibi: *Tum majori, qua poterit, devotione, & humilitate, Sacram sumat Viaticum; quod illi deferat prima Dignitas comitante Capitulo, & toto Clero Cathedralis Ecclesie in habitu Ecclesiastico, & cum candelis accensis.* Quia dispositio loquens de uno ex his duobus Sacramentis, debet habere locum etiam in alio; siquidem etiam antiquissimis temporibus ad unum, & eundem Sacerdotem spectabat porrigere infirmo Sacrum Viaticum, & ministrare Extremam Unctionem; cum hoc solo discrimine, quòd antiquitus dabatur prius Extrema Unctio, & post illam Sacra Communio per modum Viatici; ut notat Menardus in libro Sacramentorum. Sancti Gregorii pag. 334. *Vers. Deinde communicet cum Corpore, & Sanguine Domini.* Ubi sic ait: *Quod valde notandum est, quia olim ungebatur infirmus, antequam sumeret Viaticum. Corporis, & Sanguinis Domini.* Et allegat decretum Eusebii Papæ apud Burchardum lib. 18. cap. 11. & apud Ivonem lib. 15. cap. 35. quod erat hujusmodi: *Sacerdos impleat omnia sicut supra circa egrotum penitentem scriptum est; idest, Orationes dicat, & ungat eum Oleo Sancto, & Eucharistiam ei donet.* Igitur unus, & idem erat minister Unctionis Extremæ, & Sacri Viatici antiquitus; & unus, ac idem esse debet nostris temporibus, qui Episcopo morienti exhibeat Sacrosanctam Eucharistiam, & imperiet Unctionis Extremæ Sacramentum; nempe prima Dignitas de Capitulo Ecclesiæ Cathedralis.

Confirmatur exemplo S. Henrici Episcopi Lubecensis, de quo Arnoldus lib. 3. *Histor. Slavor. cap. 3.* sic scribit: *Confortatus in Domino, convocatis Fra-*

Fratribus (ideft Canoniciſ ſuæ Eccleſiæ Cathedralis, ut oſtenſum eſt ſupra Decif. X. num. 21.) dicebat, ſe jam reſolvi; & accipiens Sancti Olei Unctionem, (utique à prima Dignitate eorumdem Canoniconum manus ipſe porrigebat, pedes extendebat, cum pſallentibus pſallebat, ſumptoque Viatico Domini Corporis dixit: O Rex gloriæ veni cum pace. Concordat id, quod de Sancto Guilermo Archiepiſcopo Bituricenſi ſcribit Surius in ejus Vita die 10. Januarii; videlicet: *Fratribus convocatis* (ideſt Canoniciſ) *Extremæ Unctionis Sacramentum humiliter, ac devotè ſuſcepit. Et eo percepto etiam Sacroſanctam Euchariftiam ſibi porrigi iſtantiſſimè poſtulavit.* His addere licet exemplum S. Caroli Borromæi Archiepiſcopi Mediolanenſis, de cuius ultima infirmitate ita loquitur Jo. Petrus Juſſanus in ejus vita lib. 7. cap. 12. *Il Padre Adorno avviſò incontanente il Cardinale, e le diſſe con molte lagrime, che era giunta l' hora ſua di partirſi da queſta vita; e che il Signore lo chiamava à ſe, avviſandolo ſe voleva il Santiffimo Viatico. Riſpoſe, che lo dimandava iſtantemente; & interrogato, chi lo doveva comunicare, diſſe, l' Arciprete del Duomo. Queſti era Monſignor Giovanni Fontana hora Veſcovo di Ferrara, che era all' hora Arciprete in queſta Metropolitana.* Et ſtatim poſt acceprum Sacrum Viaticum dedit ei Sacramentum Extremæ Unctionis, ut ibidem ſubdit idem Auctor; nam ad miniſtrandum hoc Sacramentum Epicoſcopo morienti de jure vocanda eſt prima Dignitas Eccleſiæ Cathedralis, ut dictum eſt ſupra.

10 Quoad Parochum: certum eſt ad eum ſpectare ex officio adminiſtrationem huius Sacramenti ægrotantibus graviter in ſua Parochia; ſiquidem dare Extremam Unctionem infirmis eſt Jus Parochiale, prout eſt dare Sacrum Viaticum, ac ſepulturam; itaut illicitum ſit cuicunque alii Sacerdoti abſque licentia, aut expreſſa, aut tacita proprii Parochi ungere Oleo Sacro infirmos, (ex-

cepto gravis neceſſitatis caſu, abſente, vel nolente Parocho miniſtrare abſque cauſa, ut infra dicemus.) Hoc probatur per textum in Clem. Unica. de Privileg. in qua excommunicantur Regulares, qui Clericis, aut Laicis Sacramentum Unctionis, vel Eucharistiæ miniſtrare, matrimoniave ſolemnizare, non habita ſuper hiſ Parochialibus Presbyteri licentia ſpeciali &c. præſumpſerint. Ergo miniſtrare Extremam Unctionem, Sacrum Viaticum, & ſolemnizare Matrimonia ſunt officia propria Parochi, & ad Parochum de jure ſpectantia. Hinc Rituale Romanum in titulo de Viſitatione, & Cura infirmorum habet hæc verba: *Parochus in primis meminiffe debet, non poſtremas eſſe muneris ſui partes, ægrotantium curam habere.* Hæc autem obligatio curæ habendæ requirit, ut ingravescente infirmitate, præter alia Sacramenta Pœnitentiæ, & Eucharistiæ, det infirmis etiam illud Unctionis Extremæ, & ided ſub titulo de hoc Sacramento idem Rituale Romanum ait: *habeat igitur Parochus loco nido, & decenter ornato, in vaſe argenteo, diligenter cuſtoditum Sacrum Oleum infirmorum &c.*

Disputant autem Scholaſtici ſub qua obligatione Parochus teneatur miniſtrare hoc Sacramentum ſuis Parochianis graviter ægrotantibus. Et communis eſt eorum ſententia, illum teneri ex juſtitia, & ſub præcepto obligante ad peccatum mortale, ſi negligat miniſtrare Extremam Unctionem tempore opportuno vel per ſe, vel per alium idoneum Sacerdotem. Ratio eſt duplex. Una, quia Parochus recipit redditus Parochiæ, & ſtipendia Parochialia ſub hac obligatione miniſtrandi Sacramenta ſuis Parochianis. Ergo etiam Extremam Unctionem debet ex juſtitia eis dare, cum graviter ægrotant. Quod ſi facere omitat tempore opportuno, peccat contra juſtitiam, & ſic reus peccati mortalis. Altera ratio eſt, quia Parochus tenetur ex juſtitia miniſtrare

re suis Parochianis non solum Sacramenta necessaria, sed etiam illa, quæ valde profunt eorum saluti, & sunt à Christo instituta tanquam remedia valde proficua fidelibus, & tale est Sacramentum Extremæ Unionis; ita differunt Suarez in 3. part. tom. 4. disp. 44. sect. 2. Salmanticenses de Sacram. in genere tract. 7. cap. 5. punct. 2. num. 7. Barbosa de Parocho cap. 22. num. 10. & ibi Possévinus, Bonacina, Lyman, & alii idem scribentes. Gobatus de Extrem. Unct. tract. 8. num. 901. Maffius in 4. Sent. d. disp. 6. num. 139. nec non in sua Theol. Moral. disp. 22. num. 90. & Emin. Card. de Lauræa d. disp. 11. num. 131. Neque valet obiectio, quod Extrema Unctio non sit Sacramentum necessitatis; ideoque quo ad illud, prout etiam ad alia remedia utilia tantum animabus, Parochos non esse obligandos sub mortali ad illa peccentibus ministranda; aliàs eorum onus esset insupportabile, deberent enim incessanter prædicare, catecheses facere, populum non solum ad præcepta servanda, sed etiam ad consilia hortari, & sic nullam requiem haberent. Respondetur enim primò, utique onus Parochiale esse laboriosissimum, & mirandum, tot animarum Rectores otio, & recreationibus indulgere; parùm, aut nihil curando de propria, ac Parochianorum salute. Hos indefinenter increpabat sanctæ memoriæ Eminentiſs. & Reverendiſs. D. meus Cardinalis Gregorius Barbadicus, ad cujus instantiam prodiiit aureus libellus à P. Paulo Segnerio compositus, cujus titulus *Il Parocho istruito*; quem, utinam, omnes Parochi legerent, ac centies, & millies relegerent. Respondetur secundò, falsum esse, quod Parochi teneantur solum ministrare Sacramenta, & media ad salutem necessaria; nam tenentur etiam præbere ea, quæ utilia sunt, juxta præscriptum Ecclesiæ, & quando opportuno tempore petuntur; prout omnes DD. censent de Extrema Unctione. Navarrus in Man. cap. 24. num. 131. Victoria in

Summa num. 135. Suarez d. disp. 44. sect. 2. n. 1. Maltrius d. disp. 6. n. 140. & in Theol. Mor. d. disp. 22. num. 94. Quapropter sicut Parochi negligentes in docendis populis rudimenta fidei sunt graviter ab Episcopo puniendi, ut scribit Chartarius in Criminalib. Decis. 68. 14 num. 7. prout etiam quando negligunt ministrare infirmis Sacramenta Eucharistiæ, & Pœnitentiæ, ut docet Diaz in Praxi cap. 45. & ibi Salzedo in additione, ubi allegat Gioſſam in cap. Officium in Verb. Sine confessione. De officio Archipresb. & facit text. in cap. Presbyter. 15. quest. 6. & Navarrus consil. 23. sub tit. de Pœnit. Ita etiam sunt severe multandi, si negligent ministrare infirmis Sacramentum Extremæ Unionis, teste Pace Jordano tom. 1. lib. 3. tit. 5. num. 22. & 23. ubi cum ostendisset, eos mortaliter peccare, subdit, Verum etiam debent ab Episcopo severe puniri, prout generaliter contingit in omnibus Sacramentis, & in cæteris obligationibus Parochialibus; quando culpabiliter ab ipsis Parochis transcurantur. Si enim Officiales in officio delinquentes puniuntur; imò plures eorum prohibentur à tali punitione appellare. J. Nulli. Cod. Quorum appellat. non recipit. Farinac. qu. 101. num. 85. quantum magis debent puniri, qui in re tanti momenti deliquerint? His ego addo comminationem contra Parochos negligentes in cura Animarum, quam fecerunt antiquitus Canones Apostolici, ut constat in eis can. 57. alias 58. ubi ita: Episcopus, vel Presbyter, qui Cleri, vel populi curam non gerit, & eos pietatem non docet, segregetur; & si in socordia perseveret, deponatur. Et ne studioso Lectori scrupulum faciat illud nomen Presbyter, sciat, quod in veteribus Ecclesiæ canonibus Parochi simpliciter dicebantur Presbyteri. Legat cap. Presbyter. 2. qu. 5. cap. Omnis Presbyter. de Consecr. dist. 4. cap. In Dominicis diebus. de Paroch. & ibi Emanuel. Gonzales num. 3. qui in confirmationem talis denominationis alios Concilia-

tes Canones cumulat. Facit etiam consuetudo plebis nostri temporis, quæ, si quis infirmatur, ait, vocetur *Presbyter*, idest *Parochus*.

16 Sed non levis est inter Theologos disputatio, utrum Parochus tempore pestis teneatur ministrare Sacramentum Extremæ Unctionis Parochianis suis pestiferatis cum periculo propriæ vitæ? Affirmant Gabriel, & Echius, quos citat Suarez *de Extrem. Unct. d. disp. 44. sect. 3. numer. 6.* Sylvius, & Nugus, quos allegat Diana *Coordinatus tom. 2. tract. 4. resol. 26.* quæ in Diana veteri habetur *part. 3. tract. 4. resol. 173.* nec non Claudius Etpænceus apud eundem Dianam veterem *part. 8. tract. 1. resol. 21.* quæ transivit in Coordinati operis *tom. 3. tract. 1. resol. 60. num. 16.* quorum rationes sunt sequentes. *Prima*, eatenus
17 alii Sacerdotes non teneantur cum periculo vitæ Extremam Unctionem ministrare, ut infra *Decif. 12.* demonstrabimus, quia in eis est sola obligatio ex charitate. Sed in Parochis est etiam obligatio iustitiæ. Ergo ipsi censentur obligati ministrare. *Secunda*, quia tacita conventio est inter Parochos, & Parochianos, ut illi recipiant stipendia ab istis ad hoc, ut tempore mortis præbeant ipsis alimenta spiritualia. Ergo non obstante periculo vitæ tenentur Parochi hoc Sacramentum præbere. *Tertia*, aliàs tempore pestis totus populus esset destitutus ministris à quibus ex obligatione exigere posset hoc Sacramentum, quod esset magnum absurdum, & majus totius populi detrimentum. *Quarta*, quia Parochi de iustitia tenentur ministrare Sacramenta suis subditis, quandoque ea petunt. Ergo etiam tempore Pestis. *Quinta*, (& satis urgens) quia Duces militares in pugna sanguinolenta tenentur vitam suam exponere, ut alios milites juvent. Ergo etiam Duces Spirituales. Et *Sexta*, quia aliàs sequeretur, quod non essent obligati Parochi prædicti ministrare tempore pestis Sacramenta Pœnitent-

tiæ, & Eucharistiæ; dicendo sufficere contritionem cum voto horum Sacramentorum.

His tamen non obstantibus contraria Sententia Summistarum, & Theologorum prævalet; docent enim 18 communiter, non teneri Parochos cum periculo eorum vitæ ministrare Extremam Unctionem subditis suis, hoc præcipuo fundamento, quia hoc Sacramentum non est ad salutem necessarium, neque necessitate mediæ, ut Baptismus, & Pœnitentia; neque necessitate Præcepti, ut Eucharistia. Hinc inferunt, Parochos non teneri de iustitia erga suos Parochianos cum periculo vitæ nisi ad ea, quæ simpliciter sunt necessaria ad salutem; & tale non est Sacramentum Unctionis Extremæ; imò neque ex motivo charitatis in tali casu eos teneri; quia non agitur de postponenda vita temporali pro vita spirituali; sed tantum pro aliquo commodo, aut utilitate tantum. Et equidem Extrema Unctione non datur vita spiritualis infirmo, idest prima gratia; sed remouentur impedimenta, ut commodius possit infirmus consequi cœlestem gloriam, ad quam per alia devotionis remedia, & per Indulgentias potest celeriter pervenire. Ita Villalobos, Molfesius, Tannerus, & alii, quos citat, & sequitur Diana *Coordinatus d. tom. 2. tract. 4. resol. 26. & 27.* Suarez *d. disp. 44. sect. 3. num. 20.* Gobatus *tract. 8. num. 902.* Pax-Jordanus *tom. 1. lib. 3. tit. 5. numer. 21.* Bissus *Verb. Minister Sacramentorum §. 34.* Barbosa *de Parocho cap. 22. numer. 17.* Et Emin. Card. de Lauræa *d. disp. 11. num. 137. & seqq.* Hinc est quod Anno 1576. cum pestis Mediolani grassaretur, S. Carolus Archiepiscopus illius Civitatis consuluit Sacram Congregationem Concilii, ad quorum Sacramentorum ministrationem essent Parochi obligati versus Parochianos suos peste infectos? In qua concorditer dictum fuit, obligatos esse ministrare prorsus Sacramenta Baptismi, atque

19 Pœnitentiæ vel per se, vel per alios idoneos Sacerdotes: quò verò ad Sacramenta Eucharistiæ, & Extremæ Unctionis, Cardinales fuerunt discordes, & delato dubio ad Summum Pontificem Gregorium XIII. nihil voluit super hoc determinare, ut latè refert Fagnanus in cap. Clericos. numer. 40. De Clericis non residen. & fuit à mediū occasione Sacri Viatici in meis Decisionibus de Venerabili Eucharistiæ Sacramento Decis. 61. numer. 26. & 27. & dicit Diana Coordinatus eod. tom. 2. tract. 2. resol. 58.

20 In hac controversia, quia prima opinio videtur nimis rigorosa; secunda autem censetur nimis laxa; media sententia inter istas est amplectenda cum hac distinctione; videlicet, vel infirmus confessus fuit in illa ultima infirmitate, aut paulò ante; & probabiliter ex statu suo constat, eum postea non peccasse mortaliter; & in tali casu Parochus non tenetur ad exponendum se periculo vitæ, ut ipsi Sacramentum Extremæ Unctionis ministret; quia in tali casu probabiliter existimari debet, quòd sit in statu gratiæ, & quòd non sit ipsi necessarium hoc Sacramentum; quamvis enim sit utile, hoc tamen non convincit, ut teneatur Parochus sub mortali, & cum probabili vitæ periculo hoc Sacramentum ministrare. Si verò non sit confessus, aut post confessionem verisimiliter Parochus scit, ipsum infirmum mortaliter peccasse, neque posse ampliùs confiteri, ob loquelæ deperditum usum, vel delapsum in phrænesim, & in hoc casu tenetur sub mortali ei ministrare Extremam Unctionem, etiam cum propriæ vitæ periculo; ut dixi in Decisionibus de Venerabili Eucharistiæ Sacramento Decis. 61. numer. 35. quia tunc hoc Sacramentum existimatur necessarium illi infirmo; ut mediante eodem Sacramento, si habeat saltem attritionem de peccatis, consequatur remissionem eorundem, & recuperet divinam gratiam, & vitam spiritualem; est enim constans Theologorum doctrina, quòd etiam hoc Sacra-

mentum Extremæ Unctionis; si infirmus confiteri non possit. & sit attritus, habeat virtutem faciendi illum contritum. ID quos citat, & sequitur Volpi Resol. 79. numer. 10. Gobatus tract. 8. numer. 910. & 911. Et ita tenent circa dictam obligationem Parochi, ac docent Suarez in 3 part. tom. 4. d. disp. 44. sect. 3. numer. 15. Hurtadus, & Præpositus apud Dianam Coordinatum d. tom. 2. tract. 4. resol. 23. nec non Taberna, Armilla, Amicus, Tannerus, Machachus, & Franciscus de Lugo, quos allegat, & sequitur idem Diana Coordinatus tom. 3. tract. 1. resol. 60. n. 16. in fin. Gobatus ubi supra, & in d. Theol. Experim. tract. 1. à numer. 153. & seqq. Salmanticenses de Sacram. in genere tract. 7. cap. 5. numer. 8. & ibi Dicastillus, & Palaus, Abelly in medulla Theologica part. 2. tract. 1. cap. 6. sect. 4. in fine; & aliis omisiss ita distinguendo firmat Mastrius d. disp. 6. numer. 144. & 145. & in sua Theol. Moral. d. disp. 32. numer. 93. qui deinde respondet omnibus rationibus opinionis affirmatiæ, demonstrans ex iustitia Parochum teneri cum suæ vitæ periculo administrare solum Sacramenta necessaria, idest Baptismum, & Pœnitentiæ; non autem tantum utilia; nisi quando subditus confiteri non potest, & creditur, solam attritionem habere, ut supra explicatum est; ad hoc ut per alia Sacramenta sive Eucharistiam, sive Extremam Unctionem ex attrito fiat contritus, & obtineat vitam spiritualem per consecutionem gratiæ, ac remissionem mortalium. Idcirco quando infirmus probabiliter existimatur esse in gratia, non est obligatus Parochus cum periculo vitæ propriæ Extremam Unctionem ministrare; tantò minus si sit necessarius aliis per multis de sua Parochia. Notant tamen DD. quòd in casu necessariæ administrationis Olei Sacri peste infectis, debet Parochus uti omnibus possibilibus cautelis ad effugendum contagium: de quibus Bissus d. §. 34. Gobatus d. tract. 8. n. 902. & ego differam inferiùs in Decis. LXXIII. 22

Tan-

Tandem nec illud est omittendum, quod scribit Gobatus *d. tract. 1. n. 143.* his verbis: *addit Chapeauville cap. 5. qu. 7. Episcopum obligari ex iustitia, si desint alii, extremè ungere ægrotum, in eo scilicet casu, in quo Parochus; nam ipse Episcopus est vel maxime Pastor.*

Quò ad Regulares. Circa administrationem Sacramenti hujus Extremæ Unctionis distinguere oportet tres gradus, scilicet Prælatos circa suos subditos, Deputatos ad danda Sacramenta ægrotantibus in Monasterio, & Religiosos quò ad sæculares extra Monasterium infirmos. Dicendum est igitur, quòd Prælati Regulares obligati sunt ex iustitia dare Extremam Unctionem vel per se, vel per alios Sacerdotes à se deputandos suis subditis. Tamburin. *de Jure Abbatum tom. 2. disp. 7. quest. 7. Lezana tom. 3. Verb. Extrema Unctio n. 4. Pellizzarius in M. n. Regul. tom. 1. tract. 3. cap. 6. n. 2. Mastrius d. disp. 6. in 4. sent. num. 139.* qui ibidem advertit eandem obligationem incumbere Abbatibus, Guardianis, ac aliis Prælati Regularibus erga suos subditos, quam habent Parochi erga suos Parochianos; licet enim ipsi non recipiant stipendium à subditis, prout Parochi, nihilominus dum acceptant Prælaturam, constituuntur Pastores omnium degentium in Monasterio, ac conventu, & hi habent jus petendi ab eis hoc Sacramentum, ne sint peioris conditionis quàm sæculares, ac laici; nam præstant iisdem Prælati stipendia obsequii, obedientiæ, ac reverentiæ, quæ sunt altioris ordinis stipendiis pecuniarum; propterea, si Prælati prædicti in hoc deficerent, peccarent mortaliter; sunt enim strictissime obligati, ut dictum est, ex iustitia ad ministrandum hoc Sacramentum suis subditis aut per se, vel per alios, etiam tempore pestis, & cum propriæ vitæ periculo in illis casibus, in quibus tenetur Parochus ipse, vel Episcopus, ut mox fuit supra explicatum. Idem docet Suarez *d. disp. 44 sect. 3. & Gobatus in Theol.*

Exper. tract. 1. num. 137. 138. & 139.

Quòd si sermo versetur circa Regulares deputatos ad hoc Sacramentum ministrandum ægrotantibus in Monasterio; certum est ab eis esse dandum omnibus religionis professis, ac Novitiis, nec non Oblatis, & aliis habitum religiosum ibi deferentibus. Uterius possunt illud dare: Primò familiaribus suis sæcularibus, idest servitoribus, non solum servientibus toti Monasterio in communi, sed etiam alicui Prælato, Monacho, aut Religioso in particulari; tam si habitent continuò intra septa Monasterii, quàm si soliti sint extra illud in domo propria pernoctare, casu quo corripiantur lethali ægitudine in ipso Monasterio. Tamburin. *d. tom. 2. disp. 7. quest. 3. n. 9. Gobatus in Theol. Exper. d. tract. 8. num. 862. 863. & Bissus tom. 2. Verb. Minister Sacramentorum. §. 29.* qui idem affirmat de laicis servientibus in prædiis, & Grangiis eorumdem Regularium. Secundò commensalibus, idest illis, qui amicitiae causa per aliquot dies commorantes in Monasterio, ibi infirmantur; vel ad exercitia spiritualia peragenda; aut ad aliquod negotium discutiendum. Gobatus *d. tract. 8. numer. 864. & 865. Suarez tom. 4. de Relig. tract. 10. lib. 9. cap. 4. num. 16. Pellizzar. in Manuali Prælator. tom. 2. tract. 8. cap. 3. num. 326.* ubi loquitur de omnibus Hospitibus. Quintanadvenas *in Singular. tract. 5. Singular. 4. num. 9.* Tertiò mercenariis, & operariis conviventibus in claustris eorumdem Religiosorum, si fortè in eis gravi infirmitate decumbant; quorum hominum laicorum diversa ubique genera in omnibus Regularibus domibus occupantur, pro custodiendo tritico, reparandis doliis, componendis pharmacis, & his similibus laboriosis operibus, vel industriosis artificijs, prout hisce temporibus experimur in Illustrissimo Cænobio S. Justinæ hujus Civitatis, in quo Abbas, & Monachi Casinenses astringunt Nobilissimum, & verè Regium Bibliophylacium, circa quod in-

fudant tribus ab hinc annis non pauci
 fabri lignarii, pluteos ex lignis pretio-
 siffimis, librorumque receptacula affa-
 brè cum columnis, & cochleis erigen-
 tes. Quartò Regulares dant Extremam
 26 Unctionem Tertiariis moribundis, de-
 ferentibus habitum eorum Religionis,
 dummodo habitent in conventu, emis-
 sis votis saltem simplicibus paupertatis,
 castitatis, ac obedientiæ; non etiam si
 degant in propriis domibus laicalibus,
 vel in Eremitoriis separatim; hi enim
 quò ad Sacramenta tempore mortis re-
 currere debent ad proprios Parochos,
 prout docui de Pœnitentia decif. 39.
 num. 24. & idem dicendum est de Mu-
 lieribus Tertiariis, vulgò *Pizzochere*;
 quæ censentur subiectæ suis Parochiis
 sive vivant in domibus consanguineo-
 rum, sive collegialiter absque clausura
 (qui est abusus maximus) ut ostendi in
 eodem tractatu de Pœnitentia Decif. 40.
 per totam. Pellizzarius d. tract. 8. cap.
 3. num. 327. Rodriguez Q. Q. Regul.
 tom. 1. qu. 56. artic. 10. & in puncto
 Diana part. 6. tract. 8. resol. 30. quæ
 nunc posita est in opere ejus Coordinato
 tom. 7. tract. 1. resol. 351. ubi po-
 nit per extensum Epistolam S. Congre-
 gationis ad Episcopum Mutinæ diei
 17. Junii 1639. in qua inter cætera
 scribitur, ad eundem Episcopum ita:
Questi miei Eminentissimi Signori &c.
quanto al secondo, articolo della Ter-
tiarìa sono stati similmente di parere,
non haver potuto li Frati del Con-
vento sudetto, in vigore di qualsivog-
lia Privilegio dell' Ordine loro, am-
ministrare i Sacramenti della Com-
munion per Viatico, & Estrema Un-
zione, nè meno andare à levare il
cadavere di casa processionalmente,
senza intervento, & licenza del pro-
prio Parocho, essendo queste funzioni
proprie de' Curati. Quintò tandem du-
 27 *bitari potest, an Regulares præfidentes*
Seminariis, vel Collegiis studentium
erectis extrà eorum cœnobìa, possint
 dare Extremam Unctionem, simulque
 Sacrum Viaticum iisdem studentibus
 Laicis, ac famulis Laicis pariter ibi in-

fervientibus, casu quo ægrotent ad mor-
 tem? Casus iste frequens esse potest, si
 vel RR. PP. de Somaica, vel Societa-
 tis Jesu ponantur ad regimen, & instru-
 ctionem vel Seminarii Episcopalis, vel
 juvenum nobilium in aliqua particula-
 ri domo; prout jam nonnullis ab hinc
 annis servabatur Tarviti. Eminentiss.
 Cardin. de Lugo in *Rosponfis Moral.*
 lib. 4. dub. 33. ita distinguit: Vel Re-
 gulares ipsi conducunt eam domum,
 in qua recipiunt juvenes ad studen-
 dum, & convivendum; vel è contra
 domus conducta est ab Episcopo, vel
 à Decurionibus Civitatis, aut à quo-
 cunque alio pro edocendis, & bene
 educandis juvenibus, & ad eos edocen-
 dos, ac bene educandos assumuntur Re-
 gulares. Primo casu potuerunt Re-
 gulares ministrare Sacrum Viaticum, &
 Unctionem Extremam graviter decum-
 bentibus in illa domo, absque alicujus
 Parochi licentia, virtute Privilegio-
 rum, quæ ibi à prædicto Eminentissimo
 Lugone enumerantur; & ratio est,
 quia ipsi Regulares sunt domini prin-
 cipales domus illius; studentes autem,
 & conviventes sunt eorum commen-
 sales, & hospites. At in secundo casu
 minimè poterunt; nam è contra ipsi
 Regulares sunt simplices convictores,
 & famulantes iisdem studentibus in bo-
 no morum, ac litterarum instructio-
 ne, & hujusmodi sunt, (ut ait idem
 Emin. Auctor) PP. Societatis Jesu,
 qui Romæ præfident Collegiis, ac Se-
 minariis Germanico, Anglicò, Scotico,
 Maronitarum, & consimilibus;
 nullam enim in eis exercent Jurisdi-
 ctionem spirituales, neque faciunt
 officia Parochialia, ut latissimè in dicto
 dub. 33.

Quòd si loquamur de Regularibus
 pro danda Unctione Extrema sæcula-
 ribus ægrotantibus in quacunque parte
 Civitatis in propriis eorum ægrotan-
 28 tium domibus; concors est omnium
 scribentium doctrina, quòd absque li-
 centia vel Episcopi, vel Parochi, non
 possunt Regulares eosdem ægrotos, ex-
 tremè ungere; & si hoc facere præ-
 sume-

De Extrema Unctione. Decis. LXXII. 253

sumerent, incurrerent in excommunicationem contra eos latam in *Clem. 1. de Privilegiis*; quæ est Papæ reservata. Porro omnes DD. concedunt, licet à Regularibus ungi Oleo Sacro quoscunque graviter decumbentes in casu necessitatis, quæ talis censetur, si Parochus sit absens, vel irrationabiliter recuset ungere infirmum Parochianum suum. Ita Peyrinus in *Commentar. ad Const. 21. Leonis X. num. 15. Busembaum libr. 6. tract. 5. cap. 1. Quintanadven. tom. 1. tract. 5. Singul. 3. num. 7. Bissus d. Verb. Minister Sacramentor. §. 27. Volpi d. resolut. 78. num. 5. & 6. Lezana in Summa tom. 1. cap. 21. num. 10. nec non tom. 3. Verb. Extrema Unctio num. 1. Salmanticenses d. tract. 7. de Sacramentis cap. 5. num. 4. & 5. Et Diana Coordinatus alios Theologos sic docentes cumulans, tom. 2. tract. 4. resolut. 29. quæ in veteri opere jacet in part. 5. tract. 3. resolut. 82. Ratio illa est, quia præsumitur tacita licentia Summi Pontificis, ac etiam Episcopi in prædictis casibus, cum eorum mens, & intentio sit, ut fideles recipiant opportuno tempore Sacramenta à Christo Domino instituta pro ipsorum fidelium spirituali salute; & quando agitur de aliquo bono opere licitè faciendo, in quo non est necessaria Jurisdictio, sufficit præsumptus consensus Superiorum. Utrùm autem teneantur Regulares cum periculo propriæ vitæ præstare alicui moribundo sæculari extra claustra degenti Unctionem extremam; patebit ex dicendis in Decisione sequenti.*

DECISIO LXXII.

ARGUMENTUM.

Demonstratur, quando simplices Sacerdotes licitè possint ministrare Extremam Unctionem; & quòd ad eam dandam prohibiti sunt Sacerdotes Excommu-

nicati publicè denunciati, & ab officio suspensi. Examinatur ardua Quæstio, An simplices Sacerdotes, absente Parocho, obligati sint sub mortali, cum periculo propriæ vitæ, inungere infirmum Oleo Sancto? Explicatur Præceptum Charitatis, & ordo servandus in diligendo proximo, ac deciditur Quæstio affirmativè cum conditionibus, de quibus in ea. Refellitur opinio contraria Joannis Sancio, & P. Thomæ Tamburini; eorumque sinistra interpretatio doctrinæ S. Thomæ, circa obligationem dandi vitam corporalem pro salute spiritali nostri proximi. Ultimò traditur, An Medicus tempore Pestis obligatus sit mederi infirmis..

SUMMARIUM.

1. Sacerdos simplex an sit obligatus dare Extremam Unctionem cum propriæ vitæ periculo? & num. 9. & 13. & 31.
2. Sacerdos simplex licitè non dat Extremam Unctionem, etsi validè, sine licentia Episcopi, vel Parochi.
3. Clerici sæculares in odiosis non veniunt nomine Religiosorum, neque Novitii.
4. Novitius Sacerdos datus Extremam Unctionem laico non incurrit in excommunicationem.
5. Sacerdos simplex, absente Parocho, an sit obligatus dare Extremam Unctionem?
6. Excommunicatus Sacerdos publicè denunciatus an possit dare Extremam Unctionem?
7. S. Hermenegildus rectè recusavit Eucharistiam de manu Episcopi Ariani.

- 8 Ecclesia potuit privare Excommunicatos facultate ministrandi Sacramenta.
- 10 Præceptum diligendi proximum quo jure introductum?
- 11 Ordo servandus in dilectione proximi, & sui ipsius.
- 12 Bonorum tria genera, & quæ?
- 14 Corpus perdendum pro salute anime nostri proximi. Et quo in casu?
- 15 Evangelii loca præcipientia dare vitam corporalem pro spirituali proximi. Ac SS. Patrum sententia.
- 16 S. Sebastianus, & S. Vitalis miles corpus suum exposuerunt morti, pro salute spirituali proximorum.
- 17 Jo: Sancti opinio de non perdenda vita corporali pro salute spirituali proximorum. Ejus insulsa interpretatio doctrinae S. Thomæ.
- 18 Thomæ Tamburini reprehensibilis ad hæc opinio Sancti contrarie præcepto Charitatis, & omnium Theologorum doctrinae.
- 19 Sicuti dictio an importet similitudinem? & num. 26.
- 20 Debet Verbum an importet præceptum? & num. 28.
- 21 Bona spiritualia gratiora sunt Deo, quam temporalia.
- 22 Præcepti Charitatis erga proximum verus intellectus.
- 23 Cardinalis de Laurea opinio circa Præceptum Charitatis erga proximum.
- 24 Collegii Salmanticensis doctrina de eodem Præcepto.
- 25 Nicolai Baldelli Theologi Soc. Jesu doctrina de Charitate proximi.
- 26 Aequalitatem perfectionis Deus à nobis cum sua non requirit, sed imitationem.
- 27 Verba S. Jo: Et nos debemus pro fratribus animas ponere sunt de Præcepto, non de sola consilio intelligenda.
- 29 Necessitate spirituali extrema proximi cessante, non tenemur dare

nostram vitam corporalem ex charitatis præcepto.

- 30 Vita corporalis quando sit periculo exponenda pro baptizando parvulo, audienda confessione, vel Oleo Sacro ungendo moribundo.
- 32 Medicus quando sit obligatus mederi peste infectis sub pœna peccati mortalis.

Diximus in præcedenti Decisione teneri Parochum ex justitia ministrare Sacramentum Extremæ Unionis cum periculo propriæ vitæ, quando probabiliter scit infirmum Parochianum suum esse in mortali peccato, neque posse suscipere Sacramenta Pœnitentiæ, & Sacri Viatici, vel ob deperditum usum loquelæ; vel quia eum phrænesis apprehendit; ideò in præsentī non exigua est Quæstio decidenda, an in casu supradicti moribundi, si Parochus absit, obligatus sit quilibet alius simplex Sacerdos cum propriæ vitæ periculo Extremam Unionem ei dare; puta, quando Pestis grassetur in civitate, & moribundus ille sit pestiferatus?

Pro resolutione Quæstionis tria sunt præexamineda circa facultatem simplicium Sacerdotum in administrando hoc Sacramento.

Primum est, quòd licet quilibet Sacerdos valide conferat illud, eò quia non requirit actualem Jurisdictionem, prout Sacramentum Pœnitentiæ, pendet enim à potestate Ordinis Sacerdotalis; nihilominus licet ministrari non possit à Presbyteris, quibus non est commissæ cura animarum, cum ejus ministratio sit officium Parochiale; sed opus est licentia vel expressa, vel præsumpta aut Episcopi, aut proprii Parochi, ut advertunt omnes Doctores. Sotus in 4. dist. 23. q. 2. artic. 1. Sylvest. Verb. Unctio Extrema num. 4. Layman lib. 5. tract. 8. cap. 6. num. 2. Tamburin. de Jure Abbat. tom. 2. disput. 7. quæst. 1. & alii, quos cumulat Barbosa de Parocho cap. 22. num. 2. qui omnes tenent

De Extrema Unctione. Decis. LXXII. 255

stantur, quod simplex Sacerdos secularis inungens infirmum Oleo Sacro absque prædicta licentia peccat mortaliter, & est ab Episcopo puniendus; at non incurrit in poenam excommunicationis latam contra Regulares in *Clem. 1. de Privileg.* quia in odiosis Clerici Sæculares non veniunt nomine Religiosorum. Gobatus *tract. 8. num. 858. & 859.* Lezana in *Sum. tom. 3. Verb. Extrema Unctio num. 2.* Quintanadven. *Singularium tract. 5. de Extr. Unct. singul. 3. num. 3.* ubi confutat Vivaldum, Roderiquez, & Mirandam contrarium scribentes, & jure quidem, nam poenæ non sunt extendendæ. *cap. In poenis. De Reg. jur. in 6. Barbosa Axiom. 181. num. 9.* Bissus *tom. 2. Verb. Minister Sacramentorum. §. 28.* Imò si Sacerdos Novitius in aliqua Religione absque prædicta licentia Extremam Unctionem alicui sæculari ministraret, non incurreret in antedictam excommunicationem; ea ratione, quia neque Novitii in odiosis veniunt nomine Religiosorum. Suarez in *3. p. tom. 5. de Censuris disput. 22. sect. 4. num. 3.* Thomas Tamburin. *de Triplet Jure libr. 6. cap. 3. num. 2.* expulso Navarro contrarium opinante in *Manuali cap. 22. num. 102.*

Secundum est; quod simplex Sacerdos in casu necessitatis, absente, vel deficiente Parocho, non solum licite potest ungere infirmum Oleo Sacro; sed etiam ad illum ungendum tenetur ex præcepto charitatis; si id exequi potest sine gravi incommodo; itaut recusando ministrare Extremam Unctionem infirmo in extremis laboranti, peccet mortaliter, etiam si esset confessus, & communicatus in eadem infirmitate. Bissus *d. Verb. Minister Sacram. §. 27.* quævis Caramuel in *sua Fundam. Theolog. libr. 3. num. 3622.* hanc obligationem sub mortali peccati poena non admittat, nisi casu, quo infirmus non recepisset, aut recipere non posset alia Sacramenta, Poenitentia, vel Eucharistia in illa infirmitate. Porro Magistrus in *4. Sent. disp. 6. num. 141.* ex

pluribus Theologis, ibi per eum citatis distinguit, & concordat prædictas duas opiniones, videlicet, quod peccet mortaliter simplex Sacerdos recusans inungere infirmum; qui alia Sacramenta nec suscipit, nec suscipere potest in illa infirmitate; quia si sit attritus privat eum remedio remissionis mortalium culparum, quod per susceptionem Sacramenti Extremæ Unctionis reciperet. At si prædicta alia Sacramenta obtinuit, Sacerdos simplex in dicta recusatione peccet tantum venialiter, quia denegat infirmo remedium non necessarium absolutum; sed valde utile, ac proficuum animæ ejus. Ita etiam docet Layman *d. libr. 5. tract. 7. cap. 7. num. 3.* Summa Diana *Verb. Extrema Unctio. num. 27. Vers. Adverte.* Et novissimè P. Macedo *de Clavibus Petri libr. 4. cap. 3. in fine.*

Tertium præexaminandum est, an in supradicto casu absentia Parochi, vel ejus injustæ reluctantia in ministranda Extrema Unctione moribundo, possit illi eam dare simplex Sacerdos hæreticus, seu excommunicatus præcisus, idest publicè denunciatus? Affirmant Præpositus, Coninchus, Avila, & Trullench, quos citat, & sequitur Diana *part. 5. tract. 3. resol. 81. & 89.* ac etiam *ead. part. 5. tract. 10. resol. 78.* quæ repetiuntur in Diana *Coordinato tom. 2. tract. 4. resol. 30. 31. & 32.* innixi opinioni illorum, qui tenent Sacerdotes Excommunicatos publicè denunciatos, & præcisos posse in casu mortis absolvere etiam à peccatis. Sed contrarium est omnino dicendum, tum de absolutione à peccatis, quam valde dare non possunt, ut probavi *de Poenitentia Decis. 45. num. 2.* tum de hoc Sacramento Extremæ Unctionis, ut docet Suarez *tom. 4. in 3. part. disp. 44. sect. 2. num. 6.* Ochagavia *de Extr. Unct. qu. 10. num. 3.* Villalobos in *Summa tom. 1. tract. 10. difficult. 6. num. 6.* Tannerus *tom. 4. disp. 7. qu. 1. dub. 3. num. 64.* Bissus *d. tom. 2. Verb. Minister Sacramentorum §. 27.* & magistraliter

7 straliter Fagnanus in cap. Non est vobis num. 6. de Sponsalibus, ubi in puncto probat, neque Sacram Viaticum, neque Extremam Unctionem esse recipiendam ab hæreticis, vel ab excommunicatis publicè denunciatis, & citat S. Thomam in 4. dist. 19. quæst. 1. artic. 2. qu. 2. ad 3. & allegat memorabile exemplum S. Regis Hermenegildi, qui iussu Patris occisus est, eò quod noluerit Sacram Communionem recipere de manu Episcopi Arriani, ut habetur in cap. Capit. 24. qu. 1. & tandem subdit; quod sicut Christus noluit lapsis post Baptismum præbere remedium absolutionis dandum ab omni persona, prout fecit de ipso Baptismo, sed tantum ab habente characterem Sacerdotalem; nullo necessitatis casu excepto, ut ait Glossa in cap. Pastoralis. §. Præterea. Vers. Præterquam in mortis. in fin. de Offic. Ordin. ita Ecclesia ad imitationem Christi potuit disponere, ut peccantibus post Baptismum non possint dari Sacramenta Pœnitentiæ, Eucharistiæ, & Extremæ Unctionis ab Excommunicatis Sacerdotibus præcibus, neque in articulo mortis arg. cap. Significasti. in princ. de Elect. Et sic declarasse Sacram Congregationem Concilii testatur idem Fagnanus in d. cap. Non est vobis. num. 2. referens DD. antiquos tam Theologos, quam Canonistas ita sentientes, & ampliantes hanc prohibitionem etiam ad Sacerdotes suspensos ab officio. Porro hæc omnia, quæ dicta sunt de Presbyteris excommunicatis, atque suspensis, intelligi debent de illicita administratione Extremæ Unctionis; itaut nefas sit & ab illis eam recipere, & iisdem illam administrare; secus autem de validitate Sacramenti; quod, ut dictum est, cum non pendeat à Jurisdictione, sed ab Ordine Sacerdotali, Suarez d. disp. 44. Sect. 1. num. 7. asseverandum venit, validè conferri etiam ab ipsis excommunicatis, aut suspensis; itaut non sit opus reiteratione; & infirmum, si absque culpa

illud ab eis recipiat, consequi effectum Sacramenti, prout certum est de validitate consecrationis, & administrationis Eucharistiæ, quam facerent Sacerdotes excommunicati, vel suspensi.

His ita constitutis, ac præexaminatis reassumenda est principalis Questio hujus Decisionis, & respondendum, an quilibet simplex Sacerdos, 9 absente Parocho, obligatus sit sub poena peccati mortalis dare Extremam Unctionem cum periculo propriæ vitæ moribundo peste infecto, qui alia Sacramenta nec recepit, nec recipere potest in ea infirmitate? Pro responsione repetenda hic sunt duo, quæ traduntur à Theologis circa præceptum charitatis erga proximum. Unum est, dari præceptum de diligendo proximo non solum de Jure Divino scripto, de quo Christus Dominus in Evangelio Matthæi cap. 22. post relatum primum Præceptum de diligendo Deo, locutus est: dicens: Secundum etiam simile est huic, Diliges proximum tuum sicut teipsum: Sed etiam de jure positivo naturali fundatum in illis duobus principiis, lumine naturali omnibus notis; Quod tibi fieri non vis, alteri ne feceris. Et quæ tibi fieri vis, alteri facies; quod bene advertit Mastrius in Theolog. Morali disput. 10. num. 51. Alterum est, in dilectione proximi aliquem ordinem esse de præcepto servandum, ut docent S. Thomas 2. 2. qu. 26. art. 1. & Scotus in 3. dist. 29. Et quia diligere nihil aliud est, quam velle bonum; & tria sunt bonorum genera, quæ nobis, & proximo possumus velle, nimirum Spiritualia, ut gratia, virtutes, & gloria: Corporalia, ut vita, 12 & sanitas corporis: Ac temporalia, ut fama, divitiæ, & bona fortunæ: ideò ordo charitatis postulat, ut post Deum quisque diligat primò seipsum quò ad bona spiritualia, deinde proximum quò ad eadem bona. Postea seipsum quò ad bona corporalia, & subinde proximum quò ad eadem; ac deni-

denique feipfum, & deinde proximum quo ad bona temporalia; adeo ut quilibet fit obligatus ad tuenda bona fpiritualia in fe, vel in proximo, perdere bona corporalia, ac temporalia; & ad fervanda bona corporalia aut fui ipfius, aut proximi, amittere bona temporalia, ut latè difcunt, & probant Theologi, ac Summiſſi, & videri poteſt apud Summam Dianam *Verb. Vitam exponere*. Thomam Tamburin. in *Decalog. libr. 5. cap. 1. §. 2.* Baldellum *tom. 2. De Spe, & Charitate libr. 2. diſp. 19.* Maſtrium in *3. Sent. diſp. 6. à num. 563. & ſeqq.* & in prædicta ejus Theologia Morali *d. diſp. 10. num. 52.* latiffimè apud Eminentiff. Card. de Lauræa in *3. Sent. tom. 4. diſp. 10. de Ordine Charitatis art. 3. per totum.*

13 Igitur his ſtantibus propoſitæ quaſtioni reſpondendum eſt in terminis, ac circumſtantiis, in quibus ipſa proponitur, etiam ſimplicem Sacerdotem teneri cura periculo propriæ vitæ miniftrare Extremam Unctionem prædicto moribundo, qui cum ſit in peccato mortali, non poteſt alia Sacramenta percipere, & cum præſumatur ſolummodò attritus, non eſt aptus ex ſe elicere actum contritionis. Ratio reſponſionis eſt, quia talis moribundus reperitur in extrema neceſſitate ſpirituali, & manifeſto periculo animæ; pro qua ſalvanda, & ſublevanda quilibet Chriſtianus, ſi poſſit, adigitur præcepto Charitatis eam adjuvare, & ſublevare, prout facere valet ſimplex Sacerdos, abſente Parocho, miniſtrando illi Extremam Unctionem, cujus virtute ex attrito fiet contritus, recuperabit divinam gratiam, & moriens conſequetur ſalutem æternam. Hæc reſponſio probatur ex doctrina S. Thomæ *2. 2. q. 26. art. 5. in corp. ibi: Et ideo proximum quantum ad ſalutem animæ magis debemus diligere, quàm proprium corpus*. Undè Caſtopalaus *tom. 1. tradi. 6. de Charitate diſp. 2. puncti. 3. num. 3.* ita ſcribit: *In Ex-*

trema proximi neceſſitate debes non ſolum bona temporalia, ſed etiam vitam expendere, ſi tibi ſpes eſt fore futurum. Sic cum D. Thoma tradunt omnes ejus expoſitores, Cajetanus, Bannes, Aragonius, Valentia, Torres, Lorca, Azorius, Toletus, Coninch, Suarez, Bonacina.

Uterius his omnibus addendi ſunt ex recentioribus Baldellus *d. tom. 2. lib. 2. diſp. 19. num. 11.* Tamburin. in *Decalog. d. libr. 5. cap. 1. §. 2. à num. 5. & ſeqq.* Maſtrius in *Theol. Mor. d. diſp. 10. num. 52.* & Eminentiff. Card. de Lauræa *d. tom. 4. in 3. Sent. diſp. 11. de Præcepto Charitatis art. 5. num. 170.* ubi ponit hanc concluſionem his verbis: *Dico 2. Obligatione exponendi vitam pro ſpirituali ſalute proximi in quolibet fideli, non Præſato, ſeu Paſtore curam animarum habente, intelligitur extreme neceſſitatis, & quando eſt evidens damnationis periculum, nec alius adſit, cui ex officio incumbat ſuccurrere*. Talis autem neceſſitas ſupponitur in quaſtione, de qua agimus, cum moribundus ſit in peccato mortali, non receperit Sacramenta Pœnitentiæ, & Euchariſtiæ, neque illa poſſit recipere, vel obphreſim, vel deperditum uſum loquelæ; neque actum contritionis, ſed ſolius attritionis aptus ſit in corde ſuo elicere, itaut nullum aliud remaneat remedium, niſi miniſtratio Extreme Unctionis, cujus virtute ex attrito fiat contritus, & ita ſalvetur.

Probant Theologi hanc obligationem juvandi proximum in tali extrema neceſſitate ſpirituali conſtitutum etiam cum periculo vitæ in quolibet fideli ex ſequentibus rationibus, auctoritatibus, & exemplis. *Primò*: ex illis verbis in Evangelio S. Joannis *cap. 15. Verſ. 12. Hoc eſt præceptum meum, ut diligatis invicem, ſicut dilexi vos*. Sed Chriſtus dilexit nos expendendo vitam pro ſalute noſtra: Ergo & nos debemus eam expendere pro ſpirituali ſalute proximi in extrema neceſſitate conſtituti. *Secundò*: ex alio loco *Epif. 1. S. Jo. cap. 3.*

cap. 3. Vers. 16. In hoc cognovimus charitatem Dei, quia ille animam posuit pro nobis, & nos debemus pro fratribus animas ponere: quæ verba explicans S. Augustinus libr. de mandato cap. 6. inquit: Temporalem vitam suam pro æterna proximi non dubitavit Christus amittere. Tertiò, bona excellentiora, & gratiora Deo præferenda sunt cuicumque bono temporali. Sed salus animæ proximi moribundi est excellentior, & Deo gravior, quàm vita temporalis simplicis Sacerdotis. Ergo. Quartò S. Augustinus ait libr. 1. de Doctr. Christi. cap. 27. Amplius altius homo diligendus est, quàm nostrum corpus. Et Lyranus super d. Epist. 1. Joan. cap. 3. Vers. 16. subdit: Pro fratribus tenemur vitam corporalem pro spirituali eorum exponere; & hoc patet ex ordine charitatis, secundum quam Deus super omnia diligendus est, post ipsum anima propria, & tertio loco anima proximi, ultimo loco corpus. Ergo. Quintò faciunt exempla Sanctorum, præcipue S. Sebastiani, qui ut confortaret in fide Marcum, & Marcellianum fratres tormenta formidantes, exposuit vitam suam martyrio; & S. Vitalis miles SS. Gervasii, ac Protasii pater, qui cum vidisset Ursicinum medicum in tormentis ob christianam fidem titubare, exclamavit: Ursicine medice, qui alios curare solitus es, cave ne te mortis æternæ iaculo conficias. Qua voce confirmatus Ursicinus martyrium fortiter subivit; & S. Vitalis captus, equule tortus, in profundam foveam demersus fuit, ut in Brev. Rom. 28. Aprilis.

16

Cæterum huic responsioni se opponit Joannes Sancijs in Selectis disp. 10. num. 9. ubi ex Soto de Secret. membr. 2. q. 2. post. 6. concl. & ex Sà Verb. Charitas censet, neminem cum periculo vitæ teneri infantem moribundum baptizare; & foeminam gravidam, quæ filium vivum parere non potest, non esse obligatam pati incisionem ventris, ut baptizetur; & deinde ita subiungit:

17

Nec adversatur D. Thomas 2. 2. q. 26. art. 5. dicens, obficios esse nos plus proximi animam amore prosequi, quàm proprium corpus, idest vitam. Nam intelligi debet, quòd quis amore suæ conservandæ vitæ, proximo non præstet consilium patrandi scelus, sive quòd positive ad necem spiritualem ipse non concurrat; quia tunc amans vitam corporalem, æternam perdit peccato depravati consilii intercedente: at quòd non omitat providere animæ proximi ob conservandam propriam vitam, non affirmat D. Thomas, nisi fortè, quòd pactum intercessisset, de non omitenda cura animæ proximi etiam cum periculo propriæ vitæ. Et talem obligationem, ait, habere Parochos; postea concludit: Undè Doctores indistinctè loquentes de obligatione diligendi vitam spiritualem proximi, possibilia propria corporali, aberrant sanè; & quòd ipsi nequaquam exequantur, ceteros exequi esse obnoxios, docent. Hucusque Joannes Sancijs, quem non miror, ita relaxare habenas conscientiæ, & destruere præceptum charitatis, itaut doceat, quòd sit præferendum proprium corpus animæ in æternum periclitanti, nisi adjuvetur, proximi; cum plures alias nimis laxas opiniones teneat; sed valde miratus sum, Thomam Tamburinum d. libr. 5. in Decalog. cap. 1. §. 2. num. 9. post transcriptam contrariam doctrinam Castropalai innitentem innumeris Doctoribus, & Sacræ Scripturæ auctoritatibus supra recensitis, adhærere eidem Sancio, & conatum esse respondere textui Sacro dicendo, prout sequitur.

18

Ad primum illud, Sicut dilexi vos, non indicare omnimodam similitudinem, sed aliquam, juxta morem Sacræ Scripturæ, Estote perfecti, sicut Pater vester perfectus est &c. Præterea Christus Dominus expendit vitam, quamvis illa nostræ salutis non fuisset extrinsecè necessaria, poterat enim altis viis homines redimere. Cum ergo nos nemo obliget in minus necessariis, clare patet illud (sicut) non esse intelligent-

19

Ilgendum secundum omnem equiparantiam.

Illud, sic debemus animas pro fratribus ponere, notat convenientiam, & consilium, non verò præceptum, ut expendentes verbum (debet) ex more Sacrae Scripturae alibi probavimus in Opusc. de Comm. cap. 1. §. 6. num. 52. Quod si contendas notari præceptum, dic illud esse duntaxat, ne proximus ad peccatum inducatur, non autem ut à peccato abducatur, quæ est explicatio doctrinae S. Thomæ modò à Jo: Sanctio allata.

Ad Tertium neganda est consequentia absolutè, & quatenus facit contra præsentem doctrinam. Patet, quia argumentum nimis, ergo nihil probat. Posset enim quis sic arguere: Bona spiritualia, & maxime æterna sunt Deo gratiora, quàm quodlibet temporale. Sed unus adus virtutis, sed secundus, & alii consequentes gradus gratiæ sanctificantis &c. est gratior Deo. Ergo ex charitate etiam in quocunque casu vitam postponere ego pro bono quodlibet spirituali proximi deberem; quod tamen nemo dixit. Concedenda solum igitur est Castropalao consequentia in casu inductionis ad peccatum, de qua jam constat esse præceptum, non verò abduktionis ab ipso, de quo non constat; imò, ne Mutrem obliges ad patiehdam prædictam scicationem, constat non adesse. Hæc in gratiam hujus posterioris sententiæ sint dicta satis, quam benigniorem, & hominum fragilitati magis accommodam inficiabitur nemo. Hæc omnia Pater Tamburinus.

Cujus quidem adhesio opinioni Sanctianæ, & ejus corroboratio, quam facit per supradictorum objectorum evanuationem, destruit in universum communem doctrinam utriusque Scholæ Thomistarum, ac Scotistarum; nec non Sanctorum Patrum, qui ab initio Ecclesie usque ad præsens professi sunt, exare præceptum charitatis erga proximum, nec non ordinem charitatis erga illum cadere sub præcepto, quod

quidem obligat, non solum ut non inducatur proximus ad peccatum; ut astruunt Sanctius, & Tamburinus; sed etiam quod si proximus sit in mortali peccato, à quo ex se exire non valeat, & in quo cogatur mori, nisi ab alio abducatur, teneatur iste alius illum juvare, & à peccato abducere ex præcepto charitatis etiam cum sui ipsius corporis detrimento. Audiantur celebriores Theologi de hac obligatione discentes.

Eminent. Cardinalis de Lauræa solitrus à severioribus opinionibus abstinere, sed semper veram tradere doctrinam, in 3. Sent. d. 10m. 4. De Præcepto Charitatis in Deum, & proximum. disp. 11. art. 3. num. 170. ita scribit: Dico 1. Negari non potest, quòd deitur obligatio ex charitate exponendi propriam vitam pro spirituali vita, seu necessitate proximi. Et ad hoc probandum adductis verbis S. Joannis Apostoli Epist. 1. cap. 3. vers. 16. Quoniam ille (idest Christus) animam suam pro nobis posuit, & nos debemus pro fratribus animas ponere: & auctoritate S. Augustini, ac Lyrani, num. 176. subdit: Probatur 2. Si non adisset obligatio, sequitur Joannis dictum importare solum consilium. Sed hoc est falsum. Ergo. Minor probatur: primò, quia ait, Debemus, quod obligationem importat; idèoque præceptum. Secundò quia nullus Sacra Scripturae interpres explicat hunc locum pro consilio, sed omnes pro præcepto. Alioquin eluderetur divinum præceptum de diligendo proximo sicut seipsum. Quilibet enim pro salute sua spirituali tenetur vitam exponere. Ergo idem tenetur facere pro proximo; alioquin non diligeret ut seipsum; sed postponeret vitæ suæ corporali spiritualem proximi, quod pro semetipso facere non potest. En itaque quo sensu hic Eminentissimus Theologus intelligat verba Evangelii præcipientia unicuique fideli diligere proximum sicut seipsum; & ponere animam pro fratre in necessitate extrema spirituali constituto,

repto, sicut Christus posuit animam suam pro nobis. Asserere, quòd talis præcepti implementum consistat tantummodo in non inducendo proximum ad peccatum, non autem in eo abducendo, quando ex se non potest exire à peccato, est destruere Evangelium. Sed audiamus in signè Collegium Salmanticense, quomodo interpretetur idem præceptum: nam in *Cursu Theolog. tom. 8. tract. 19. de Charitate disp. 3. ubi sub num. 28.* agens de obligatione prædicti præcepti ita loquitur:

24 *Dicendum est, quòd si proximus existit in extrema necessitate spiritali, tenetur quilibet sub peccato mortali ei subvenire etiam cum dispendio propriæ vitæ. Ita communiter Doctores in præfenti; & merito, quia ut nuper vidimus, vita spiritalis proximi anteponitur secundum ordinem charitatis vitæ corporali naturæ. Sed ordo charitatis est in præcepto, ut docet D. Thomas infra 2. 2. q. 44. art. 8. Ergo non potest non obligare in isto casu, qui est omnium urgentissimus. Tum etiam quia, ut dicitur Joan. 3. Sicut Christus Dominus posuit animam suam pro nobis, ita & nos debemus pro fratribus animam ponere: Quòd ad minus intelligendum est de fratribus constitutis in extrema necessitate spiritali, ab hac enim eripuit nos Christus Dominus proprio cruore. Stat igitur hoc præceptum in actuali exhibitione propriæ vitæ corporalis, ut vita spiritalis proximi extremè indigentis à damnatione æterna eripiatur, illum, cum possimus, abducendo à peccato.*

Audiamus etiam P. Nicolaum Baldelli eximium Societatis Jesu Theologum, qui *tom. 2. Theolog. Moral. libr. 2. disp. 19. num. 8.* disserit ita: *Dixi verò non solum esse licitum, sed etiam esse debitum in aliquibus casibus, ut quis patiatur jacturam bonorum temporalium, aut corporalium, ne proximus eam patiatur in bonis spiritalibus; quia si proximus sit in extrema necessitate spiritali, est pro illo etiam vita exponenda periculo, ut patet ex*

5. Thoma 2. 2. q. 26. art. 5. ad 3. ubi asserit de necessitate charitatis non esse, ut quis exponat proprium corpus pro salute proximi, nisi in casu, quo tenetur providere illius saluti, idest in casu necessitatis extremæ, quantum est ex necessitate proximi; vel in casu, quo quis specialiter tenetur ex officio (intelligit de Episcopis, & Parochis). & 2. 2. q. 44. art. 8. ad 2. ubi asserit etiam ordinem charitatis cadere sub præcepto; & ideò unumquemque teneri diligere magis proximum, quam proprium corpus, & pro illo debere ponere etiam vitam, idest, saltem in casu extremæ necessitatis, ut exponunt DD. communiter. Cajetan. ibid. Bannes ibid. concl. 2. Valentia 2. 2. disp. 3. q. 4. p. 3. concl. 5. §. 4. dico col. 604. Suarez disput. 9. sect. 2. citum 2. & tom. 4. de Pœnitent. disp. 44. sect. 3. num. 7. Alex. part. 3. q. 189. membr. 3. Navarr. in Manuali cap. 24. num. 9. Hæc omnia P. Baldelli. Ex quibus omnibus manifestum remanet, doctrinam Sancio, & Thomæ Tamburini. suprarelatam esse prorsus proscribendam. Neque subsistunt responsa ejusdem Tamburini ad probationes contrarias adductas à Castropalao.

Non primùm, ad illa Verba, *Ut diligatis invicem, sicut dilexi vos. Jo: 15. 12.* quòd dictio *Sicut* non indicet omnimodam similitudinem; & 26 licet Christus mortuus sit pro nostra spiritali salute, non intellexerit obligare nos ipsos ad moriendum, si opus sit, pro salute spiritali proximorum. Quia imò hæc Vox *Sicut* de sui natura importat omnimodam similitudinem, & identitatem. *cap. Olim. da Verb. Signif. cop. Cum in Ecclesia. de Præbend. in 6. & stat similitudinariè, & exemplificativè, ut ait Peregrinus celeberrimus Jurisconsultus Patavinus lib. 2. conf. 32. num. 29. Barbosa de Dictionib. usufrequent. Dict. 366. num. 1. & 2. ubi, quòd idem importat Sicut, ac si diceretur Eo modo. Undè fit, quòd cum Christus Dominus*

minus dixerit Apostolis, & in Apostolis toti Ecclesie suae, ac cœtui fidelium, *Hoc est præceptum meum, ut diligatis invicem, sicut dilexi vos*; & ex motivo dilectionis ipse non recusaverit subire mortem Crucis, ut nos liberaret à morte peccati, ita velit, nos non recusare periculum mortis corporalis, si veniat casus adjuvandi proximum, ne pereat morte spirituali, à qua nisi ope nostra possit liberari, & hoc ad exemplum nostri Redemptoris. Neque obstat, quod *ly si ut* in Sacra Scriptura non sit intelligendum secundum omnem æquiparantiam, nam dicente Christo *Matth. 5. 48. Estote perfecti, sicut Pater vester cœlestis perfectus est*, quis poterit esse æqualis in perfectione cum Deo? Nam respondetur, non requirere Deum à nobis æqualitatem perfectionis, sed similitudinem, idest imitationem ejus infinitæ perfectionis, sanctitatis, ac beneficentiæ erga homines; & quamvis Christus potuisset eos redimere à morte spirituali absque ejus morte corporali; nihilominus eam subiit ob nimiam charitatem suam erga nos; ut ad similitudinem, ac exemplum ipsius parati simus ex præcepto charitatis perdere proprium corpus, si opus sit, pro proximi nostri spirituali salute, & in hoc sensu Expositores Sacrae Scripturae *in d. cap. 5. Matth. Vers. 48. inter quos Cornelius à Lapide, & Tirinus, notant, ly Sicut non denotare æqualitatem perfectionis humanæ cum Divina, sed similitudinem, idest imitationem, quò magis possumus, eminus practicandam.*

Non subsistit secundum responsum Tamburini, quòd illa verba *1. Joann. 3. 16. Et nos debemus pro fratribus animas ponere*, sint de consilio, non autem de præcepto; quia ut doctè scripsit Eminentiss. Cardin. de Lauræa *d. disp. 11. de Charitate num. 176.* hoc est falsum; nullusque ex expositoribus ausus fuit id asserere; sed omnes tam Scripturistæ, quàm Scholastici, & Morales censent verba illa S. Joannis innuere præceptum in casu extremæ ne-

cessitatis spiritualis proximi, ut supra probatum, & declaratum est. Apud Canonistas autem, & Jureperitos est luce meridiana clarius, quòd verbum *Debet* importat præceptum, & paren-di necessitatem. Barbosa, qui innumeros *text. congerit*, ac Doctores *Diff. 28. 77. à num. 1. & seqq.* novissimè Fagnanus *in cap. Qualiter num. 37. De Clericis non residet.* Sed quia P. Tamburinus in hac negatione præcepti non insistit, sed approbat erroneam illam Sancti interpretationem, quòd sit quidem præceptum ponendi pro fratribus animam; sed *dumtaxat, ne proximus ad peccatum inducatur, non autem ut à peccato abducatur*; est quid novum, & inauditum in Scholis, & apud SS. Patres, qui omnes semper professi sunt, quòd hoc præceptum urgeat, ut proximus, qui ex se exire non potest à peccato, à peccato abducatur etiam cum periculo mortis abducentis. Hinc S. Cyrillus explicans verba Christi *Joan. 13. 34. Ut diligatis invicem, sicut dilexi vos*, ait: *Ut sicut ego pro vita vestra spirituali dedi vitam meam corporalem; sic & vos pro salute animarum impendatis vitam corporis*; ut refert Cornel. à Lapide *in d. cap. 11. Vers. 34.* allegans ibidem aliorum SS. Patrum consimilem expositionem.

Tertium tandem responsum P. Tamburini est omninò frivolum, quòd scilicet, si præceptum charitatis obligaret cum periculo vitæ pro procuranda proximi, extremè indigentis, salute spirituali, essemus obligati vitam perdere etiam pro quocunque gradu gratiæ sanctificantis procurando nostris proximis, tanquam gratiori Deo, uti bono spirituali. Nam hæc est sophistica digressio à casu, in quo præceptum obligat ad dandam vitam corporalem pro vita spirituali, videlicet, quando proximus est in extrema spirituali necessitate; neque de per se potest adjuvari, neque est alius modus illud adjuvandi, nisi cum periculo nostræ vitæ corporalis. Acquisitio secundi, vel ulterioris gradus gratiæ non est necessitas extrema,

trema, in qua proximus sit perditurus vitam spirituales, & potest de se se, Deo adjuvante, proficere, & illos secundæ gratiæ gradus acquirere. Præceptum verò, de quo loquimur, concernit acquisitionem primæ gratiæ, quam proximus adipisci non potest, nisi ei alius proximus auxilietur cum periculo vitæ; ut quando agitur de baptizando parvulo moriente; vel de audienda confessione moribundi actum contritionis elicere nescientis, vel si confiteri non possit peccata sua, & probabiliter credatur attritus, per exhibitionem Sacri Viatici, aut Extremæ Unctionis valeat fieri contritus. Ideo sectio ventris materni non cadit sub præcepto, quia foetus potest salvari, & baptizari, si statim mortua matre, ejus venter secetur, ut de Julio Cæsare referunt historiæ, & de S. Raimundo. Nonnato testatur Breviarium Romanum die 31. Augusti. Et ego dixi de Baptismo. Decis. XLI.

Concludendum est igitur Præceptum charitatis erga proximum obligare non solum Parochos, sed etiam simplicem Sacerdotem sub mortali ad dandam extremam Unctionem cum propriæ vitæ periculo, si detur casus, in quo infirmus existens in peccato mortali nesciat elicere actum contritionis, sed solius attritionis, ac confiteri non possit sacramentaliter peccata sua, vel ob deperditam loquelam, vel ob lapsum in phrenesim; quia in tali casu censetur esse in extrema necessitate salutis spiritualis, cui proponenda est vita corporalis, tum Parochi, si adsit, (tam ex charitate, quam ex iustitia,) tum cujuscunque alterius Sacerdotis, Parochi absente; ut adimpleat Christi præceptum, qui dixit: Mandatum novum do vobis, ut diligatis invicem, sicut dilexi vos; ut & vos diligatis invicem. Jo: 13. 34. quod mandatum explicans idem Apostolus 1. Jo: 3. 16. dixit: In hoc ergo cognovimus charitatem Dei, quoniam ille animam suam pro nobis posuit; & nos debemus pro fratribus animas

ponere, scilicet illos abducendo à peccato; quod plenè ego demonstravi etiam in Decisionibus de Venexabili Eucharistiæ Sacramento Decis. 61. num. 29. ubi pluribus DD. allegatis probavi, quòd in defectu Parochorum simplices Sacerdotes sunt obligati ex præcepto charitatis administrare Sacramenta peste infectis, & potissimum hanc obligationem existere in Sacerdotibus Regularibus Mendicantibus, qui à Civitate aluntur elemosynis, ut latius d. Decis. 61. num. 31.

Corollarii loco addere licet ea, quæ scribit Zacchias in Q.Q. Medicolegal. tom. 2. libr. 1. consil. 71. num. 3. videlicet, quòd Medicus tenetur mederi infirmo in periculo existenti, aliàs mortaliter peccat, ut docet Ripa in tract. de Peste num. 88. maxime ubi alius Medicus non sit, cujus opera infirmis subveniri possit, quòd etiam notavit Joannes Baptista Silvaticus in suo Medic. cap. penult. & poterit ab Episcopo obligari, & compelli sub censuris ad medendum, quando infirmi in manifesto vitæ periculo sunt positi. Ripa d. num. 88. & in tali periculo esse dicuntur omnes peste infecti. Barbosa de Episc. alleg. 25. num. 52. adeò ut tempore pestis unus Medicus et si non sit à publico conductus; aliis Medicis non existentibus, cogi potest ad medendum, ut firmat Zacchias d. consil. 71. num. 26. quæ si vera sunt, prout verissima circa periculum salutis corporalis, quanto magis verificari debent circa Medicos animarum, quando in periculo salutis spiritualis sunt constituti?

D E C I S I O LXXIII.

A R G U M E N T U M.

Duo sunt cardines, super quibus voluit hæc Decisio: Causæ scilicet, ex quibus oritur Pestis: & remedia ad ipsam vel evitandam, vel fugandam. Causæ aliæ sunt naturales, aliæ super-

De Extrema Unctione. Decif. LXXIII. 263

pernatales. Illæ, corruptio aeris, & contactus rerum peste infectarum. Hæ, hominum flagitia. Aer corrumpitur novem fecundariis causis hic relatis. Contactus inficit irreparabiliter, ut ex adductis exemplis. Pestilentiam mitti à Deo ob peccata hominum probatur Scriptura Sacra, & Historiis. Remedia vel sunt humana tum ad medendum, tum ad præservandum à Peste, quorum plura notantur, præcipuè in administrandis Sacramentis peste infectis; vel sunt remedia cælestia, nempe intercessio Deiparæ, S. Sebastiani, S. Rochi, & aliorum Sanctorum, de quibus eruditiones variæ, & jucundæ. Historia Templi Sanctæ Mariæ Salutis Venetiarum, & translationis Imaginis Deiparæ in Ecclesiam P. Carmelitarum Civitatis Paduæ.

SUMMARIUM.

- 1 Aeris corruptio, & contactus rerum peste infectarum sunt causa pestis.
- 2 Pestilentia an à sola aeris corruptione procedat?
- 3 Variola, & morbilli contrahuntur à pueris ab aere corrupto.
- 4 Halitus pestiferati inficit alios peste.
- 5 Aer corrumpitur, & fit pestifer ob novem causas hic relatas.
- 6 Arbore vicini nociva vicino de jure incidenda.
- 7 Serici artifices expelli possunt à vicinis ob malum odorem.
- 8 Cadavera insepulta tam hominum, quàm brutorum causant Pestem.
- 9 Contactus rerum peste infectarum est causa pestis.
- 10 Annulis illitis venenato liquore Mediolani, ac Venetiis introducta pestis.
- 11 Mercium peste infectarum contactu pestis diffunditur.

- 12 Morbus gallicus, Phebis, & lepra contrahuntur ex contactu.
- 13 Hercules peste infectus à veste pestiferata.
- 14 Intuentes pestiferatos, vel eorum cadavera peste inficiuntur.
- 15 Panis, ac Vinum non contrahunt pestem ex contactu.
- 16 Peccata hominum causa supernaturalis pestilentia.
- 17 Pharaonis obstinatio causavit pestem in Ægypto.
- 18 Pestis tempore David ob ejus vanaglorie peccatum.
- 19 Sextilia Virginis Vestalis ob incestum pestis grassata est Roma.
- 20 Pestis in Africa anno 170. in ulsionem Sanguinis Christiani.
- 21 Pestis maxima anno 155. ob flagitia Pauperum; & alia sequentium annorum ob peccata hominum.
- 22 Sagitta missa de Cælo vulnera pestilentia infligentes, anno 190.
- 23 Remedia contra Pestem alia naturalia, alia supernaturalia.
- 24 Fuga à locis peste infectis remedium optimum.
- 25 Ignis jugiter ardens est remedium contra pestem.
- 26 Odoramenta bona tempore Pestis adhibenda.
- 27 Animalia domestica in peste non permittantur in vicinas domos transire; vel ex vicinis in proprias ades venire.
- 28 Cibi, ac potus qualitas, & quantitas attendenda tempore Pestis.
- 29 Lampreta, & Columbi comesti præservant à peste.
- 30 Aquaviva tempore pestis pessima.
- 31 Somnus, ac Vigilia non sint nimis in peste, Alvus sit fluidus.
- 32 Coitus grassante peste omnino fugiendus.
- 33 Mediocritas in omnibus observanda.
- 34 Passiones animi moderanda. Metus, ac tristitia obleganda.
- 35 Mundities in corpore, & vestibus servanda.
- 36 Frumentum, ac nutes masticata sanant bubones pestiferos.
- 37 Vena Sectio, ac sanguinis minutio an juvet peste infectos?
- 38 Caucela oculo servanda à Parochis, & Sacerdotibus in Sacramentis ministrandi tempore pestis.

- 39 *Virgula oleo sancto inuncta potest dari Extrema Unctione peste infectis.*
- 40 *Res, & donaria non recipienda tempore pestis à quocunque.*
- 41 *Deipara, ac Sanctorum intercessio imploranda, dum pestis ingruit.*
- 42 *Sancti in Cælo quomodo sciunt necessitates mortalium?*
- 43 *Exempla protectionis Deiparae in peste fugienda.*
- 44 *Joannes Palatius Venetus laudatur.*
- 45 *Venetiarum Civitas à peste liberata anno 1631. ope Deipara, cui Respublica voluit lychnum aureum, & Templum nobilissimum.*
- 46 *Padua à peste liberata anno 1576. ex Deiparae clementia; quæ suam imaginem in Templo Carmelitarum transferri voluit.*
- 47 *Gabriel Georgius Senator Venetus Procurator S. Marci laudatus.*
- 48 *S. Sebastiani Martyris protectio valida contra pestem.*
- 49 *Decurionum Romanorum annua oblatio S. Sebastiano.*
- 50 *Sancti quæ de causa excellant in adiuvandis fidelibus circa varias infirmitates?*
- 51 *S. Sebastiano cur datum à Deo protegere peste infectos?*
- 52 *S. Rochus Confessor protector tempore pestis.*
- 53 *Altare, & Ecclesia S. Rochi quando Padua constructa?*
- 54 *Monialium S. Petri Padua annuum votum solutum S. Rochi.*
- 55 *Sancti, qui contra pestem invocantur, & suam opem præstant.*

Cum egerimus supra de obligatione Parochorum, ac Sacerdotum simplicium tam Sæcularium, quàm Regularium administrandi Sacramentum Extremæ Unctionis peste infectis, non erit inutile in præsentem explicare causas, à quibus, ut plurimum, pestis procedat, & docere remedia salubriora adhibenda à quocunque, dum pestilentia grassatur. Et equidem.

Quò ad causas, hæc sunt in duplici genere, aliæ scilicet Naturales, aliæ

Supranaturales. Inter causas natura-

les recensentur à Medicis, corruptio aeris, & contactus physicus rerum peste infectarum. Aer corruptus est causa principalis, ac primaria pestilentia; etsi enim discordes in hoc sint Medici, volentes alii, quod pestis semper procedat à contagio, idest à contactu rei pestiferæ; alii verò ab aeris corruptione; hæc opinio reputatur verior, quia cum ex necessitate, ut vivamus, cogamur attrahere aerem respirando, & is tunc corruptus sit, illud in nos ipsos tanquam præsentium aliquod venenum ingerimus, ut testatur Galenus in *lib. de Theriac. ad Pison. cap. 16. class. 5. & docent Herkul. de Febr. tract. 4. cap. 1. & 3. Mercatus lib. 3. de Morb. part. 1. class. 1. quæst. 176. art. 4. num. 30. Mercurial. Præf. lib. 1. cap. 17. quibus adhæret Zacchias in *Q. Q. Medico-legal. tom. 1. lib. 8. tit. 3. q. 1. num. 12.* ubi ita scribit: *Sciendum igitur veram Pestem semper, & quodocunque ab aeris corruptione dependere, neque fieri ullo modo posse, ut ab alia causa valeat immediate originari. Quod etiam probat alia ratione, & exemplo. Ratio est, quia qui primi pestem inficiuntur, nequaquam per contagium inficiuntur, quia cum sint primi, nullus dari potest ante eos, à cuius contactu possint ipsi contrahere pestem; idcirco sequitur, quod peste inficiantur suscipiendo in seipsos purredinem aeris corrupti per respirationem. Exempla sunt de Morbillis, ac Variolis, quæ ex aeris corruptione procedentes vagantur per Civitates, & loca, plurimisque pueros interimunt, quamvis hi à quocunque contactu aliorum infectorum absterneant: & tunc cessat talis pestiferus influxus, quando aer purgatur, & purificatur; idemque frequenter experimur in morbis pestilentialibus brutorum, quos terminare absque alio remedio, nisi ex purgatione aeris, videmus. Aliud exemplum sumi potest ab illis, qui pestem contrahunt ex solo halitu infirmi contagioso morbo laborantis; siquidem per respirationem hujus inspira-**

4 spiratur aer corruptus in cor assistentium, & illum in se attrahentium; ut notat idem Zacchias *d. tom. 1. lib. 3. tit. 3. q. 2. num. 12.* qua de causa cauti esse debent Parochi, alique ministrantes infirmis viscera corrupta, ac putrida habentibus, ne eorum halitum in se attrahant, & intra se immittant; est enim quid pestilentielle, cum ex eodem halitu corrumpatur aer, quem respirando ipsi assistentes in sua pectora assumunt.

Sed dicit aliquis, corruptio aeris ex quibus procedit? & quæ sunt causæ producentes aeris corruptionem? Respondetur, eas esse sequentes. I. Cloacæ, idest loca concava colluvies magnas immunditierum recipientia, ex quibus magna copia exhalationum, & putredinosorum vaporum elevatur. II. Horrea, seu granaria frumentaria, quæ potissimum in subterraneis foveis excavantur, à quibus, cum aperiuntur, pessimus odor exhalat. III. Horti multiplicibus elevatis plantis onustis, nam ex ipsis exhalationes pravæ proficiuntur, prout etiam ex eorum stercoratione, & continua irrigatione; ex utraque enim aer fit humidior, ac nocivus, & facillimè putredinem accersit, adeo ut illum inspirantes promptissimè putridas febres concipiant, obstructions, cachexiam, hydrope, & alios hujusmodi morbos, ut observare sæpè licet in ipsis hortorum cultoribus. IV. Pomaria, si ex altitudine, & densitate arborum Solis illustratio impediatur, nam aer redditur frigidior, humidior, & propensior ad corruptionem; undè factum est, ut liceat mihi *ex l. r. ff. de arbor. cæden.* cædere te invito arbores in pomario tuo sitam, ac domui meæ umbram facientem. V. Prata quoque insalubrem aerem reddunt ob nimiam eorum humiditatem. VI. Prout etiam fornaces ad calcem excoquendam, tum quia aerem notabiliter excalefaciendo, illum æstuosum reddunt, & suffocantem, tum etiam quia evapo-

rationes à calce sublatae labefaciunt ipsum aerem, qui inspirantium pectoribus maximè noxius evadit. VII. Sterquilinia putridos vapores assidue exhalantia, & aerem graviter inficientia, quibus parum dissimilia sunt stabula, præcipuè si in eis magna fimi quantitas asservetur. VIII. Artes quædam immundæ, & malè olentes, quales sunt Coriaria, struens chordas ex animalium intestinis pro instrumentis musicis, fabricans candelas seveceas; ac etiam sericum ex bombycibus, ex quorum putrefactione, insensens exhalationum graveolentium copia elevatur, aerem ita corrumpens, ut ex hac sola ferici arte non semel excitatam esse pestem testetur ex Gratiolo Collin. Pint. *de Peste part. 1. cap. 17.* & prædictos artifices, ob malum odorem, quo vicinos offendunt, 7 posse à domibus expelli, docet Cæpoll. *de Servit. Urban. Prædior. cap. 43. num. 6.* IX. Tandem cadavera tum hominum, tum brutorum insepulta adeo aerem corrumpunt, ut ex hujusmodi causa pestis irreparabiliter insurgat, experientia teste, quæ ubi bellici conflictus inter magnos exercitus fiunt, nisi statim cadavera occisorum sepeliuntur, aerem infici ex eorum fectore, & pestilentiam sequi pluries ostendit; ut in historiis legitur, & præcipuè apud Raynald. *in Annalib. Eccles.* agentem de peste, qua in Oriente periiit exercitus S. Ludovici Regis Franciæ *Anno 1250. num. 5.* & de consimili Romæ in exercitu Friderici Imperatoris apud Spondanum *Anno 1167. num. 2.* Et quod magis est, etiam ex cadaveribus minimorum animalium (qualia sunt locustæ) insepultis per campos, aerem esse corruptum, & pestem excitatam in Africa scribat Sallianus *ad Ann. Mundi 3929. num. 4. & 5.* in qua unum millionem hominum, & ultra periisse Livius, & Orosius testantur. Quod & alibi sæpè evenisse ait Zacchias in *Q. Q. Medicoleg. tom. 2. lib. 9. tit. 6. q. Unic. n. 4.* à quo descriptæ sunt supradictæ novem causæ cor-

ruptionis aeris *tom. 1. libr. 5. tit. 4. q. 7.* ubi de iisdem copiosè differit, vocans illas pestis causas remotas.

9 Altera causa naturalis, & quidem præcipua, qua contrahitur Pestis, est contactus physicus rerum peste infectarum; ex quo pestis ipsa sortita est nomen contagii, & morbus contagiosus vocatur, ut notat Isidor. *Etymolog. lib. 4. Ripa in tract. de Peste part. 2. num. 11. Septal. eod. tract. libr. 1. cap. 28.* Et plurimi Medicorum, quos allegat Zacchias *d. tom. 1. libr. 3. tit. 3. q. 2. num. 17.* dicens, apud eosdem, Pestilens, Putridum, & Contagiosum converti, itaut non possit unum absque alio inveniri. Porro adedè vehemens est causa ista ad inducendam Pestem, ut idem Zacchias ubi supra *num. 18. & 19.* ex probatis auctoribus referat, olim excitatam fuisse sævissimam pestem Venetiis, ac Mediolani per impios, ac nefarios homines, illitis tantum venenatis, ac pestiferis medicamentis ostiorum annulis, seu pefculis, quibus contactis Pestis venenum à tangentibus hauriebatur, & ea infecti alios postmodum inficiebant: & quod magis est, idem Auctor ibidem *num. 20.* subdit, exemplum de quodam infirmo peste infecto, qui recens ovum manu apprehensum retinens, non multo post illud lividum, & putridum deponebat, & quod mirabilius est, eodem ovo in mensa appposito, & illi altero propè adjuncto, pari modo ex primo secundum, ut primum ex ægroto inficiebatur.

11 Hinc per contactum vestium peste infectarum, & aliarum rerum materialium, pestilentiam diffundi per integras urbes, ac provincias notum est, & plura testimonia refert Schenck *lib. 7. observat. tit. de Pest.* & ipsemet Zacchias *eod. tom. 1. lib. 2. tit. 2. q. 11. num. 13. & 14.* ubi hæc ait: *Dum hæc scribo, vulgatum est, Panormi pestem concitatam ex lana eò delata, quam Turcis Christiani ademerant: undè & hic Romæ communicari timent, quia eandem lanam huc mercatores*

nonnulli invuebant, nescit credo ejus rei, curarunt. Et prosequitur, hanc causam contactus confirmare exemplis morbi gallici, phthisis, ac lepræ, quibus morbis, tanquam pestilentialibus afficiuntur ii omnes, qui vestes, tegumenta, & alia utensilia infectorum, imò & cellas, & cameras, & cubicula, ante corrosos muros sibi appropriant, ac tangunt. Undè, & de Hercule narrat Ovidius *lib. 9. Metamorph.* & repræsentat Seneca in *Tragædia inscripta Hercules Oeteus*, quòd cum sacrificium Jovi celebrare vellet, & pallam à Dejanira sibi missam sanguine Nessi Centauri imbutam induisset, veneno infectus est, ob cuius sævitiam se in monte Oeta combustit. Tandem addit cit. Zacchias *d. libr. 3. tit. 3. q. 2. num. 19.* tantam esse vim contagii in inficiendo, ut non solum contactu, sed etiam ex sola inspectione, quam quis habuit in infirmum peste infectum, & alius in cadaver peste extinctum, pestem contraxerit, ex testimonio Ferneli, Cardani, & aliorum Medicorum ibi citatorum.

Unum hic repetendum censeo, (ut scripsi supra *Decif. IV. num. 10.*) quod mihi dicebat Reverendissimus Pater, ac Magister Matthæus Veglenis, venerandæ memoriæ, olim Theologiæ Scholasticæ in viam Scoti Primarius Professor in hoc publico Gymnasio Patavino, dum ejus essem discipulus, videlicet, panem, ac vinum non contrahere pestem ex contactu; idè anno 1630. grassante pestilentia in hac urbe Antenorea, ipse Theologus à servo suo recipiebat panem manu propria, & ponebat in suo canistro; vinum pariter præcipiebat infundi in proprium urceolum; itaut neque hunc, neque canistrum permetteret tangendum famulo; aiebat enim, canister, & urceolus sunt subiecti contagio; non etiam panis, ac vinum. Sic ille. An verum sit? neque affirmo, neque nego. Ita ipse practicasse asserbat, & se immunem à peste

à peste servavit. Hæc de causis naturalibus, à quibus Pestis prodire solet.

- Causæ supernaturales producentes flagellum pestilentiae sunt peccata hominum, quibus excitatur Divina iustitia ad vindictam, & ad eorundem hominum peccantium punitionem, ut scripti in meis Decisionibus Miscellaneis Decis. 17. num. 3. in fine. Plura de his habentur exempla tum in Scriptura Sacra, tum in prophanis Historiis. In illa ingens fuit pestis, qua Deus percussit animalia Aegyptiorum ob duritiem Pharaonis nolentis dimittere Hebræos juxta Dei monita; undè ipse Deus Moysi præcepit, *Exod. 9. 3.* ut diceret Pharaoni: *Ecce manus mea erit super agros tuos, & super equos, & asinos, & camelos, & boves, & oves pestis valde gravis.* Quo loci subdit Cornelius à Lapide, *Quam pestem ego manu, & potestate mea sola, non Moyses, nec Auronis immittam, insciendo aerem, & corpora; est enim Pestis venenosus quidam vapor in aere concretus, vitali spiritus inimicus.* Quam autem sæva fuerit pestis hæc inter Aegyptios notat Tirinus in *Commentar. ad Amos cap. 4. 10.* dicens: *Agente Moysse pestis exarsit tam gravis, ut ea extincti sint non modò homines, sed & equi, asini, camelus, cæteraque animalia Aegypti.*

- Aliud exemplum pestilentiae magnæ à Deo missæ narrat Scriptura Sacra 2. Reg. 24. 15. ubi in poenam vanitatis, ac superbæ Regis David, qui numerare fecerat populum sibi subditum, *Immisit Dominus pestilentiam in Israel de mane, usque ad tempus constitutum;* idest usque ad tempus immolandi jure sacrificium, hoc est ad horam prandii; adeò ut pestis grassata sit per sex tantum horas; & nihilominus per hoc breve temporis spatium, *mortui sunt ex populo, à Dan usque ad Bersabee, septuaginta millia virorum.* Sed quia David poenitebat peccati sui, *Dixitque ad Dominum, cum vidisset Angelum cadentem populum, Ego sum, qui peccavi, ego inique egi &c.*

misertus est Dominus super afflictione, & ait Angelo percutienti populum: Sufficit: nunc contine manum tuam. Angelus autem se ostendit David vultu truci, & igneo, cum stricto gladio, quasi minans adhuc populum ferire, ut ajunt Abulensis, Saliarius, & alii. Ex his itaque exemplis constat, Pestem à Deo immitti in vindictam culpæ, quæ ab hominibus absque rubore contra ejus legem committuntur. Hanc causam agnovere etiam Gentiles, ut scribit S. Augustinus libr. 3. de Civit. Dei cap. 17. quapropter Anno mundi 3778. & ante Redemptoris aduentum Anno 275. cum Sextilia Virgo Vestalis commisisset incestum, Romæ grassata est pestis, abortusque sæminarum. Ad quem annum hæc subjungit Saliarius in fine: *Observa, pie Lector, quantum flagitium Romani existimarent violatam corporum Deo consecratorum pudicitiam, quando Vestalis unius culpam tot publicis malis crederent vindicatam.*

In Historiis autem facile est studiofis reperire hoc Dei flagellum, quo ab ejus ira homines impii vapulabant. Recensere hic liceat luem magnam, ac universalem quæ totam Africam, ac Italiam vexavit Anno Christi 170. & præcipuè Romanum Imperium, in ultionem, ut ait ibidem Saliarius, sanguinis christiani, quem crudelissimi Imperatores ubique effundebant. Consumilem punitionem fecit Deus scelestorum Gentilium Anno 255. quo cœpta est immanis illa pestilentia, quæ universum serè depaleta est orbem, & vix post decennium quievit, ut narrant Scriptores tam Ethnici, quàm Catholici, quos cumulat Eminentiss. Card. Baronius ad dictum annum; qui subindè Anno Christi 484. prosequitur narrare incredibilem famem, secutamque sævissimam pestem, quæ in ultionem offensæ Divinitatis, in Wandali- ca Catholicorum persecutione, sub Hunerico crudelissimo Tyranno, Ariti Sæctatore, totam Africam una depopulatione vastavit. Subsequitur gravissima

alia Divina punitio ob scelera mortalium in illa pestilentia, quæ immissa est à Deo per Angelos malos tempore Justiniani Imperatoris, & totum orbem invasit, ac afflixit quinquaginta duos annos, ut fusè describunt Historici, & Annalium Auctores ad annum Christi 544. cui subiecta est Romæ immanis illa pestis cœlitus immissa ex ira divina, linguaria nuncupata, de qua Cardin. Barinius, & Spondanus ad annum Christi 590; in qua quidem visibiliter corripiebantur sapientæ de cœlo immis-
 22 sæ, quæ homines vulnerabant ad mortem; ut testificatus est etiam S. Gregorius Papa *Dialog. libr. 4. cap. 36.* his verbis: *In hac pestilentia, quæ hanc Urbem clade vehementissima depopulavit, in qua etiam corporali visu sagittæ cœlitus venire, & singulos quosque ferire videbantur.* Cessavit autem post assumptionem ad apicem Pontificatus ipsius Divi Gregorii Magni, qui instituit Litanias, & publicas Processiones ad Basilicam Sancti Petri; in quibus cum ipse quoque Summus Pontifex incederet, gestans imaginem Deiparæ à S. Luca depictam, vidit angelum in summitate molis Hadriani, Tiberi adjacentis, reponere suum gladium in vaginam, in reconciliati Numinis signum, ut ex eodem Card. Baronio *d. Anno 590. transcribit Cornelius à Lapide d. l. br. 2. Reg. cap. 26. Vers. 15.* ubi profèquitur referre plurimas alias pestilentias ob scelera, & iniquitates humanas à Cœlo immis-
 23 sas; est enim extra omnem controversiam, quòd licet causa naturalis pestis sit aeris corruptio, & contactus rerum infectarum; supernaturalis tamentanti flagelli causa sunt hominum flagitia. Hæc de primo puncto, idest de causis Pestilentiarum.

Quoad Secundum, nempe de Pestilentiarum remediis, hæc pariter sunt in duplici differentia; scilicet: alia naturalia, alia supernaturalia. De remediis naturalibus non pauca dixi in meis Decisionibus *De Venerab. Eucher. Sacram. Decis. 61. à num. 35. & seqq.*

ad quem locum remitto Lectorem; sed præter remedia ibi relata hæc, quæ sequuntur, non pigeat ediscere, & observare.

Primum est vel fugere ab aere corrupto, vel illum igne sollicitè purificare, ac rectificare. De fuga ita ait Zacchias *d. rom. 1. libr. 3. tit. 3. q. 4. num. 5.* *A peste igni unusquisque se immunem servabit, si ab aere pestilenti longè aufugiat; tritum enim est quod jacituri, citò ac longè fuge, & taruè redi; ut omnes Medici concludunt; quos hic allegat, nec non Ripam de peste part. penult. num. 53.* Quod si fuga sit impossibilis, subdit idem Zacchias *ibid. num. 8.* *Focus assiduo, & perenni luceat igne, cujus tanta vis in peste, ut Hippocrates, quemadmodum notissimum est, hoc uno remedio p. ssem. aliquando Athenis abegerit; & Acron eodem auxilio Agrigentum ab eadem calamitate liberaverit.* Quod repetit idem Auctor in *tom. 2. libr. 9. tit. 6. quæst. Unica num. 9.* sic scribens: *Scimus enim tempore pestilentii non alio ingenio aerem rectificare, quàm accensis per loca, & urbes ignibus; eoque ingenio Hippocratem pestem ex Æthiopia in Græciam se conferentem repulisse narrat Galenus liv. de Theriaca ad Pisonem cap. 16.* Quod etiam Acronem Agrigentum præstasse refert Aetius *serm. 5. cap. 54.*

Secundum remedium est usus bonorum odorum, quibus cerebrum per olfactum confortetur; unde subdit Zacchias *prædict. rom. 1. libr. 3. tit. 3. q. 4. num. 8.* *In ignem, si fieri possit, odoramenta nonnulla injiciantur juxta temporis qualitatem.* Et paulò post: *Ætate floribus odoriferis, aquis item odoriferis desillatis, & aceto rosaceo pavimenta irrorantur, dummodò flores corruptionem generare non vultant, cum putrescunt.* De hoc remedio differit etiam P. Menochius in *Storici part. 3. centur. 6. cap. 54.* ubi cum ostendisset abundantiam unguentorum odoriferorum, quibus utebantur anti-

antiqui, fubdit: *Che fe alcuno dimanda per qual ragione, Et à che fine foſſe introdo-to tanto, e così eſquiſto uſo de gl'unguenti, riſpondo, che per ſanità, e per delitia. Delle delite non ſi può dubitare; e quanto alla ſanità dicono li Medici, e l'eſperienza l'inſegna, che l'odore ſoave, e le ontioni, e lovande odorate, confortano il cuore, & il cervello, fortiſicano le membra, e preſervano da morbi contagioſi. Hinc Jureconſulti docent, artiſices exercentes malos odores poſſe à vicinis quocunque tempore expelli, ut ſupra notavimus num. 7. ex Cæpola De ſervit. Urban. Præd. cap. 48 num. 6.*

27 Tertium remedium eſt, non per-mittere canes, aut feles. aliave domeſtica animalia ex vicinis ædibus in proprias commeari, neque propria in vicinas tranſire; ut advertit prælaudatus Zacchias d. tom. 1. lib. 3. tit. 3. q. 4. ſub num. 8. ſubdens quod etiam conventus, & hominum frequentia, ac coetus ſunt fugiendi, & quod indifferenter, aut temerè unusquiſque in domum, aut colloquium non admittatur.

28 Quartum remedium conſiſtit in qualitate, & quantitate laudabili cibi, & potus. Cibi eſſe debent optimi nutrimenti, & concocti faciles, idèd qui facilè corruptuntur, qui pravi ſucci ſunt, vel difficilis concoctionis ſunt omninò fugiendi; eſt enim concors Medicorum, ac Jurisconſultorum ſententia, quod qui cibis malis utuntur, faciliùs peſte inſiciantur, ut ait Zacchias d. q. 4. num. 9. & 10. & ibi Ripa part. 1. num. 16. & part. 3. num. 9. ubi illud notabile, quod ſcribit Untzer libr. 1. Antidot. pet. lib. part. 2. diſt. 3. Medic. 5. num. 2. Lampretas nimirum tempore peſtis frequenter cometas, innata vè contra tam diram luem maximè efficaciſſe haberi; & quod notavit Areſius lib. 5. Impref. 146. num. 1. ex Pierio Valer. libr. 22. pullos columbarum eſſe cibum optimum ad præſervandos à peſte.

Vinum autem ad potandum debet eſſe odoris jucundi, & mediocris potentia ex eodem Zacchia d. qu. 4. num. 11. qui num. 12. exclamat, Aquamvitæ tempore peſtilenti omninò noxiam eſſe, ex maniſeſta ratione, cum hepar, & ſanguinem incendat, ac humores acuat, & exurat. Quo verò ad quantitatem tum cibi, tum potus medicritas eſt ſervanda: teſtiantur enim Medici, longum jejuni-um, aut præter morem toleratum ſummopere obſeſſe; prout è contra comedentes, ſeu hibentes cum exceſſu cruditates generare, ac obire, quamvis Savonarola de febr. cap. 9. rubr. 1. aſſerat obſervari in tribus, aut quatuor peſtilentiis, quòd pauci bibuli mortui fuerint.

Quintum remedium reſpicit moderationem ſervandam in ſimmo, nam nimius officiit; ſed & ſuperflua vigilia obſeſt Corpus quotidie ab exercementis congeſtis liberandum; quòd ſi ſpontè non operetur, leviori aliquo leniente, aut potius iſtis cibariis alvum mollientibus id procurandum; fortia enim, & frequentius uſurpata medicamenta ſunt abdicanda ex eodem Zacchia d. libr. 3. tit. 3. q. 4. num. 14. qui addit num. 15. coitum ab univerſis 32 Medicis, tempore peſtis. mirum in modum vituperari, prout à Ripa d. part. ult. pratic. 1. num. 9. & à Prævidell. part. ult. part. 15. num. 4. Siquidem præcipiunt omnes non modò in parte, ſed in totum eſſe à Venere abſtinentum; imò addunt, meretrices eo tempore eſſe à civitate arcendas, non ſolum ex timore contagionis, ſed quia incitamentum ſunt ad opera venerea, à quibus tunc temporis ſummum in modum homines debent abſtinere. In aliis quoque civilibus operibus, ac exercitiis medicritas laudatur, exceſſus reprehenditur; in illis præcipue, quæ ſanguinem magnopere caleſciunt, & acuiunt; ea ratione quia porcos rareſaciendo, & majorem reſpirandi neceſſitatem dando, in cauſa ſunt, ut multò plus circumambientis aeris in cor- 33

in corpus subeat, quàm oporteat; in pestilenti autem constitutione maximè confert, quantò minùs fieri potest, respirationis necessitatem augere; nam quantò minùs inspiratur aer corruptus, tantò minùs nocet ex Hippocrate de Natur. humana.

- Sextum remedium est, animi passiones moderari; ideò metus, & tristitia sunt præ omnibus abdicanda; nam meticulosi præ omnibus pestem faciliè incurrunt. Ripa d. part. 1. num. 15. & Zaccias d. lib. 3. tit. 3. q. 4. num. 18. & 19. prudenter suggerens, non esse de morte timendum, nisi in ordine de animæ salute, & in Deo sperandum, ut profitebatur Job 13. 15. dum agebat: *Etiamsi occiderit me, in ipso sperabo.* Addens tandem ex Plutarcho in lib. de Musc. esse hilariter vivendum cum paucis, sed honestis amicis; & ex Untzet in antidot. pest. lib. 1. part. 2. dist. 3. med. 5. num. 6. mundum corporis cultum esse servandum, & vestes sæpiùs immutandas. His, & antecedentibus remediis additipulatur Cornelius à Lapide in Commentar. Exodi cap. 9. Vers. 3. ex Marfilio Ficino Epidemiar. antidot. cap. 3. & seqq. ita loquens, & remedia assignans, videlicet: *Fugam aeris infecti, recreationem, & lætitiā, cibum solidum, potumque roborantem cor, & spiritus; cavere à cibis, qui faciliè corrumpuntur, & putrescunt; purgare sæpè humores putrescentes per aloem, myrrham, & crocum; uti theriaca, Zedoaria, citro, suffumigare juniperum, terebinthinam, thus; veses crebrò mutare, & mundas induere; os, & manus sæpè abluere aceto, & aliquando vino potente.*

Hæc hucusque dicta remedia sunt præservativa ad tuendam sanitatem tempore pestis; sed nunc aliqua assignari possunt, quæ facilia sint ad sanitatem recuperandam pro peste infectis, & quando carbunculi, seu bubones surgent in membris. Duo hic recensenda duxi, relata ab Arefio Episcopo Tortonen. lib. 6. Impres. 190. num. 62. ubi

loquens de remediis sanandi pestiferos carbunculos, & bubones ita scribit: *Io ne addurrò solamente due, per essere facilissimi. Il Primo è di frumento masticato à stomaco digiuno da 36* *buomo sano, e posto frequentemente sopra del carbone, rimedio lodatissimo dal Massa tract. 3. cap. 8. Il secondo di noce vecchia, pur masticata, delle quali dice Dioscoride, Veteres nuces masticate, & applicate sanant crassissime gangrenas, carbunculos, & fistulas lacrymales. E l'Augenio cap. 10. lib. 8. de febribus, ne forma un impiastro, che sommamente loda in questa maniera. R. Nucleos tres nucleis juglandis veteris, ac rancide, Ficum pingulum, Uvarum passulorum expurgatarum, singulorum equalis portiones; coquantur simul in vino albo, & generoso, quale est creticum, aut moscatum, donec cataplasmatilis (hoc est d'empiaastro) crassitiem acquirant; atque in fine decoctionis addito salis minutissimè contriti 3: 11. & cum refrigeratum fuerit, vitellos duos ovorum. Hucusque Episcopus Arefius, qui etiam commendat ex Medicorum dictis, remedia vim sudorem promovendi, & expellendi habentia; & se diffundit in examinanda famigerata illa Quæstione, an tempore pestis, pestiferatis expediat secare venam, & sanguinem minuere? circa quam varias refert Medicorum opiniones, regulas, ac limitationes in d. lib. 6. Impres. 190. cap. 4. & 5. à num. 52. & seqq. à curiosis videndas; circa quas ipse Episcopus Tortonen. amplectitur negativam, ostendens pluribus peste, aut pestilentialibus febribus infectis, statim ac sanguis diminutus fuit à Medicis, aperta vena, mortem oppetere contigisse.*

Porro antequam ad remedia supernaturalia transeamus, ne videamur obliiti Parochorum, aliorumve simplicium Sacerdotum, quos oporteret Oleo Sacro pestiferatos inungere, dicamus hic summam, quibus remediis ipsi uti debeant, ne morbo lethali, ac

38 contagioso afficiantur. Igitur *Primò* curet Sacerdos administraturus Extremam Unctionem peste infectis habere vestes breves, & ita eas ad se collectas, ut quàm maximè potest, non tangerent infirmum, neque ejus lectum. *Secundò*, si possibile sit, faciat ponere infirmum in loco puro, & libero. *Tertiò*, non se statuat inter ignem, & infirmum. *Quartò* muniat se præservativis judicio Medicorum, & præcipuè odoramentis, quæ cor, & cerebrum confortant, de quibus actum est supra. *Quintò* non ungat sensus infirmi pestiferati proprio digito, sed virga oblonga, lignea, vel argentea, appposito in extremitate illius bombyce bene alligato, Oleo Sancto intincto, quem bombycem, ac virgam ligneam igne postea comburet, argenteam verò benè purgabit ob reverentiam Sacramenti, ut docent Chapevilla, Sylvius, Victorellus, Marchinus, Præpositus, Mancinus, Barbosa, quos citat, & sequitur Diana antiquus *part. 3. tract. 4. res. 166. & part. 3. tract. 3. resol. 79.* Quæ nunc existunt in Diana Coordinato *tom. 2. tract. 4. resol. 34. & resol. 35.* Quibus consentiunt Gobatus *tract. 8. Theol. experim. num. 902. & 903.* Magrius in *Hierolexic. Verb. Oleum Sanctum.* ac Bissus in *Hierurg. Sacra Verb. Minister Sacramentor. num. 171. §. 34.* idcirco quæ videntur à me dicta in contrarium *de Ven. Euch. Sacram. Decis. 61. num. 28.* sunt intelligenda de Sacro Viatico porrigendo super paginam, vel cum cochleari, non autem de ungendo infirmo peste infecto, Oleo Sacro, cum virgula oblonga, ut dixi etiam supra *Decis. VII. num. 14.* *Sextò*, ad hoc Sacramentum Extremæ Unctionis ministrandum peste infectis non appropriet Sacerdos jejuno stomacho, & præcipuè, ut advertit Gobatus *tract. 4. num. 412.* declinet halitum ipsius infecti. *Septimò*, si aliquo modo tetigerit manu infirmum, vel ejus suppellectilia, statim lavet manus aceto, vel eam purget super prunis accensis, vel flamma can-

delæ; ut dixi *d. Decis. 61. de Euchar. num. 35.* *Octavò* super omnia abstineat à donariis, nec recipiat rem quancunque ab infirmo infecto, vel ab ejus domesticis, aut assistentibus, siquidem contagionem è contactu incurret, ut ostendi *d. Decis. 61. de Euchar. num. 36. & 37.* exemplo famuli R. P. Joannis Mariæ Montisrubei, exemplarissimi Sacerdotis Congregationis Oratorii hujus civitatis Paduæ in peste *Anni 1631.* Consimiles eventus tragicos ex avaritia provenientes narrat Bagatta in *Admirand. tom. 2. libr. 2. cap. 1. in Append. post §. 9. num. 24.* ubi scribit Confratres Sodalitii S. Eligii in Bethuniæ oppido Belgarum, sepeliendis defunctorum infectorum cadaveribus dedicatos ab omni contagione pestis præservari meritis ejusdem Sancti: at si quæ diripiant è domo infecta, avaritiæ studiosiores, quàm officii, & charitatis, lethalem luem contrahere. Hæc sunt remedia naturalia, quibus si Curati animarum, aliive Sacerdotes seipsos juverint, tempore pestis (quam Deus dignetur avertere) periculum contagionis, ipso Deo adjuvante, evitare facile poterint.

Supernaturalia remedia restant explicanda, à quocunque fidelium adhibenda contagioso in conspectu. Hæc sunt, intercessio humilibus precibus imploranda cum Augustissimæ Virginis, ac *41* Matris Dei MARIÆ; cum aliorum Sanctorum, præcipuè S. Sebastiani, S. Rocchi, ac S. Cajetani. Deiparam, ac Sanctos in cælo nosse necessitates orantium ad illos, tam per intuitum essentia Divinæ, in qua tanquam speculo voluntario perfectissimè repræsentantur ipsis omnia, quæ ad quemque spectant, quàm per specialem revelationem, nec non per relationem Angelo- *42* rum ultrò citroque commeantium; ac etiam per propriam inspectionem, certum est, & de fide, ut differunt Theologi, qui agunt de gloria Sanctorum; & compendiosè probat Tirinus in *Indice Controvers. Fidei, contr. 30. n. 9.* Igitur ad Deiparam Virginem, grassante pe-

te peste, precibus, ac supplicationibus est adeundum. Ita factum fuit in peste illa universalis per Orientem, imò per totum Orbem, quæ contigit Anno Christi 544. qui fuit XVIII. Justiniani Imperatoris; de qua ita scribit Cornelius à Lapide in 2. lib. Reg. cap. 26. sub Vers. 16. *Remedium fuit, imploratum B. Virginis auxilium, quo lues extincta est, unde in memoriam tanti beneficii Græci instituerunt Festum ὑπαπαντης, idest, occurfus Domini, quod nos Festum Purificationis B. Virginis nuncupamus die 2. Februarii.* Concordat Eminentiss. Cardin. Baronius in Martyrol. eadem die; & in Annalibus d. Anno 544. num. 10. Ad eandem intercessionem gloriosissimæ Virginis Matris Dei refugit S. Gregorius Magnus, grassante morbo, ut memorat in supracit. libr. 4. Dialog. cap. 36. subdit enim idem Cornelius à Lapide d. libr. 2. Reg. 26. 16. *Simile contigit in peste Romana, quæ Pelagium Pontificem sustulit; ad quam sedandam S. Gregorius publicas litanias ad Basilicam S. Petri instituit, ipseque gestabat imaginem B. Mariæ à S. Luce depictam.*

Hujusmodi Imperatricis cœlestis, fidelem populum ejus opem implorantem, dum pestilentia tereretur flagello adjuvantis, exempla innumera leguntur in Historiis; sed duo tantum me hic referre delectat, liberatæ scilicet inclitæ Venetiarum Civitatis, grassante lue Anno 1631. nec non huius Urbis Antenoreæ Anno 1576. Primum desumo ex aureo calamo Joannis Palatii Veneti, olim Juris Pontificii Professoris in hoc Publico Gymnasio Patavino; qui in Fastis Ducalibus ad Nicolaum Contarenum Venetum Duceum XCVII. d. Anno 1631. ita scribit: *Lue ad Venetos pervagante, Urbs ferè concidit tota, abissetque in sepulchrum, ni VIRGO MATER pensisset lychno, quinqueaginta auri pondi, dono recepto descendisset Audiatrix. Templum etiam Hospitatus positum, ad miraculum sub ti-*

tulo *MARIÆ SALUTIS: juxta quod suis molibus vilescebat Memphis.* Et paulò post idem eruditissimus Auctor prosequens elogium, ditissimo stylo, adinstar Thesauri, latius narrat & pestilentia stragem, & beneficium salutis à Deipara obtentum, post Reipublicæ Venetæ vota, ita dicens: *Veneritis solummodo virorum assumpta supra sexaginta millia; in Urbibus Reipublicæ supra quinquaginta millia hominum. Tanto in discrimine, præsidium sibi in Deo statuens, Templum Princeps vovit DEIPARÆ sub auspiciis SALUTIS, in Basilica D. Marci congregatis Civibus, ubi ex pulpito (in quo ostendi solent populo electi Duces) Princeps ipse vocibus, & lacrymis penitentia, Misericordiam sollicitavit supernam, exorata in Patrona Virgine Matre, cui pro donario lychnum obtulit aureum, qui in Aede Lauretana arderet inextinguibilis. Templum in Urbe, cujus primum Lapidem, post restitutam salutem, die 21. Novembris 1631. Princeps ipse, comite Senatu, posuit, Monumentum petatis, qui nos visitavit Mater Misericordiæ. Hucusque Palatius.*

Liberationem hujus Patavinæ Urbis à contagioso morbo, Anno 1576. ex Piiissimæ Virginis, ac Matris Dei clementia, indicat marmorea Tabula in Templo Carmelitarum muro affixa pedes octium, per quod ex Cœnobio aditus est in ipsum Templum, ita contestans: *Veneranda Sanctissime Dei Matris Imago, quæ in majori Ara hujus Ecclesiæ conspicitur, olim sub porticu penè Aulam Illustrissimi Præfediti posita erat, votivisque tabellis quamplurimis venerabilis reddebatur. Anno autem Christi MDLXXVI. grassante pestilentia per totum Venetorum Imperium, præcipueque Venetiis, & Patavii Sanctissima Virgo Advocata nostra piis Viris adm. Rev. Patris S. T. D. Felici Zuccolino Patavino Sacri Ordinis Carmelitarum in Provincia Veneta Administro; atque Illustris-*

Illustrissimo Senatori Veneto, ac Praefecto Patavii Aloyſio Georgio (qui peſtica ſuit Divi Marci Procurator) per quietem indicavit, eam Imaginem ex loco minus celebri in hoc auguſtiſſimum Templum transferendam, poſtque ejus translationem, piſſem & Patavii, & Venetiis eſſe ceſſaturam. Quamobrem die XII. Octobris ipſa translata eſt, ſtatimque cepit abire peſtilens morbus, ac brevi temporis ſpatio loca omnia, Imperio Veneto ſubjecta, ab ea contagione ſunt liberata. Sequitur in eadem Tabula narratio Voti huius Civitatis viſendi quotannis in die feſto Purificationis hanc Immaculatæ Dei Matris Imaginem; & donarium, quæ eadem Civitas ipſi fecit; quæ referuntur etiam à Portenario De Felicit. Paduæ libr. 9. cap. 29. Suscipe prudens Lector pietatem, ac ſanctitatem tuam Superiorum PP. Carmelitarum, tum Senatorum Venetorum Regentium Paduam, dum hiſ, & illis DEIPARA dignata ſuit innuere ſui ipſius SACRÆ Imaginis in Templum ſuum translationem; & totius ſtatus Veneti à contagioſa labe liberationem. Ex proſapia prælaudati Aloyſii Georgii tunc huius Urbis Præfecti, nunc extat Illuſtriſſimus, ac Excellentiſſimus Gabriel Georgius Senator Venetus ſapientiâ, prudentiâ, ac probitate conſpicuus, Divique Marci Procurator, Nepos ex Sorore Eminentiſſimi, ac Reverendiſſimi, Sanctæ memoriæ, Gregorii Cardinalis Barbadii, olim huius pariter Civitatis piſſimi Antiliſtis, cui ego, eſſi exiguus, per Annos 30. in officio Auditoris, ac Vicarii Generalis deſervi.

Post Sanctiſſimæ Cœlorum Reginae protectionem, tempore Peſtis pro remedio implorandum eſt auxilium Divi ſeſtiani Martyris, de quo narrat Paulus Diaconus libr. 6. cap. 2. de Geſſis Longobard. quod circa Annum Domini 682. cùm Peſtis adeo depopulata eſſet Ticinum, ut civibus inde fugientibus, herbæ, & frutices enaſcerentur in plateis, revelatum eſt

quibusdam viris, non prius peſſem abituram, quàm S. ſeſtiani Altare in Baſilica S. Petri conſtrueretur. Quod cùm eſſet executioni demandatum, lues illa quievit. Hoc idem antecedenti ſæculo factum fuiſſe narrat Eminentiſſ. Cardin. Baronius Anno 180. quando Peſtis graſſaretur Romæ, ac per alias Italiæ civitates; nam erecto Altare in honorem S. ſeſtiani Martyris in Eccleſia S. Petri ad vincula, peſtis illa omnino ceſſavit. In ipſo Altare ego celebravi Anno 1670. in feſto ejusdem Sancti, & oblationem, ejus nomine intra Miſſarum Solemnia, recepi unius auri calicis, ac patenæ à Magnificis Decurionibus Altmæ Urbis devotiſſimè impenſam. Anno à Chriſto nato 1599. Ulyſſipo tota ardebat peſtilentiâ; ſed ecce Simulacrum Divi ſeſtiani Martyris guttis, ac ſudore ampliſſimo irrigatur; quo divulgato miraculo concurrunt & ſani, & 19 peſte infecti, hique prædicto ſudore miraculoſo ſe inungunt, ſtatimque incolumes evadunt, nec ampliùs peſtis graſſata fuit; ut ſuſidus ex probatis Auctoribus narrat Bagatta de Admirand. Orbis Chriſt. d. tom. 2. lib. 2. cap. 1. §. 6. num. 19. nec non libr. 5. cap. 2. §. 9. num. 24.

Porrò non minus pia, quàm curioſa poteſt eſſe alicujus interpellatio, cur Divo ſeſtiano Martyri datum ſit à Deo tueri ſibi devotos à peſtilentiâ, eoſque à tam diro ſingello Divinæ jaſtitiz, vel præſervare, vel ſanare? Reſpondet Arefius Epiſcopus Tortonenſis ſupracitatus libr. 4. Impreſ. 67. num. 31. ex Dei beneſcentia concedi Sanctis ſuis, ut cæteris excellant in adjuvando noſtipſos mortales in illis paſſionibus, ſeu doloribus, quos ipſi fortiter ſuſtinnerunt in hac vita pro conſeſſione fidei, & Dei amore. Hinc excellens eſt S. Nicolaus adverſus] maritimas tempeſtates, S. Antonius Abbas adverſus ignem, S. Blaſius adverſus gutturis morbos, S. Lucia oculorum, S. Apollonia dentium, S. Agatha mamilla-

M in rum;

rum; & alii adversus aliorum membrorum afflictiones, quia illasmet, ut dixi, in seipsis fortiter pro Dei gloria passi fuerunt. Modò S. Sebastianus passus est sagittas, quibus impio Diocletiano jubente fuit transfixus. Lues pestifera, ac contagiosa est sagitta Divinæ justitiæ, qua ferit, & transfigit peccatores, testante Divo Gregorio in *cl. lib. 4. Dialog. cap. 36.* quòd in pestilentia sui temporis visibiliter videbantur sagittæ à cælo projectæ, quibus mortales transfixi remanebant lue infecti, & moriebantur. Has igitur sagittas pestilentialis morbi cohibere, & divertere valet S. Sebastianus ob particularem excellentiam, & specialem gratiam sibi à Deo concessam, in præmium illorum vulnerum, quæ sagittis illatis, patienter tulit in suo corpore, cùm adhuc viveret inter mortales, juxta illud: *Sancti mei, qui in carne positi, certamen habuistis, mercedem laborum ego reddam vobis.*

Hæc eadem est causa, ob quam etiam S. Rochus Confessor excellat in liberandis à peste fidelibus, qui ad ejus auxilium tanquam ad potens remedium confugiunt. Siquidem hic Sanctus non solum pro Dei amore, dum peregrinaretur Romam versus, servivit peste infectis; sed etiam domum suam reversus, præter alia tormenta fortiter superata, etiam morbum pestilentialem subiit, & læto animo sustulit, ut habetur in *Martyrol. Romano die 16. Augusti*, ac pluribus citatis auctoribus de eo scribit Ribadeineira *tom. 2. eodem die 16. Augusti.* & Bagatta de *Admirand. tom. 1. libr. 1. cap. 1. §. 5. num. 71.* prout etiam *tom. 2. libr. 2. cap. 1. §. 6. num. 2.* ubi refert, quòd post S. Rochi mortem, ad ejus latus inventa est tabula his verbis scripta: *Peste laborantes, & ad Rochi patrocinium confugientes contagionem illam truculentissimam evasuros significo.* Quapropter statim ab ejus obitu ubique terrarum altaria ipsi fuerunt erecta, capellæ, & ædes, ac vo-

ta appensa ob recepta à S. Rocho patrocinia tempore Pestis. In hac urbe Patavina constructum fuit Altare in Ecclesia Parochiali S. Lucie Anno 1468. ab ejus sodalitate, quæ subinde Anno 1525. pulcherrimam fabricavit Ecclesiam ipsius nomini dedicatam, ut legitur apud Scardeonium *libr. 3. class. 13.* & apud Portenarium *libr. 9. cap. 44. pag. 493.* Celebre est votum, quod fideliter adimplent Moniales S. Petri de Padua, nobilitate, religiositate, ac pietate Venerabiles, quæ annuatim in die festo S. Rochi 16. Augusti lautissimum prandium præstant duodecim pauperibus, ob immunitatem à Peste huic celsissimo Monasterio concessam Anno 1630. & 1631. ob intercessionem, & patrocinium ejusdem Sancti Rochi.

Sunt & alii Divorum plurimi, quibus Deus concedit excellere in tuendis devotis suis à contagioso morbo; videlicet ex antiquis S. Christophorus, S. Augustinus, S. Nicolaus de Tolentino, S. Franciscus de Paula; de recentioribus verò S. Franciscus Xavierius, S. Cajetanus, & alii, quorum sollicitam opem in prædicta pestilentiali calamitate exemplis demonstrat idem Bagatta in citato laborioso, & erudito suo opere *De Admirandis Orbis Christiani tom. 1. & tom. 2.* quæ faciliè à studiosis reperientur in copiosissimis Indicibus operis sub nominibus eorumdem Sanctorum. Et hæc dicta sint de remediis supernaturalibus tempore Pestis.

DECISIO LXXIV.

ARGUMENTUM.

Quatuor circumstantiæ servandæ à Parocho, dum ministrat Extremæ Unctionis Sacramentum: scilicet ut ipse sit in gratia, & censuris non irretitus. Sit indutus Cotta, & Stola. Recitet Orationes à Rituali Romano præ-

præscriptas ante, & post Unctionem infirmi, cui agonizanti assistere debet, donec expiret. In dando Oleo Sancto non sit nimis properus, nec nimis tardus. Circa prædicta omnia variaz, ac utiles eruditiones, doctrinaz, Historiaz, atque Exemplarum.

S U M M A R I U M.

- 1 Circumstantiæ quatuor attendendæ à ministrante Extremam Unctionem.
- 2 Ministrans Unctionem Extremam debet esse in gratia.
- 3 Rationes sex ob quas debet esse in gratia.
- 4 Peccatores arcentur à Ministerio rerum Sacrarum.
- 5 Laicus baptizans si sit in peccato mortali, an peccet mortaliter?
- 6 Sacramentalia qui consueviunt in peccato an mortaliter peccent?
- 7 Clerici exercentes officia suorum ordinum in peccato, an mortaliter peccent?
- 8 Exempla morte punitorum exercentium res sacras in peccato.
- 9 Censuris irretiti non possunt ministrare Sacramenta: alias peccant, & sunt irregulares.
- 10 Excommunicatio minor non facit ministrantem irregularem.
- 11 Vestes Sacre necessariae pro danda Extrema Unctione.
- 12 Stola Sacerdotalis vis, & mysterium, remissivæ.
- 13 Superpellicei clericali: etymologia. Et cur dicatur Cotta.
- 14 Cotta, seu superpellicea clericorum cur sint de lino albo?
- 15 Cotta lanea in diebus jejuniorum.
- 16 Cotta cum amplitudine, & longitudine quæ sit ratio?
- 17 Cotta: Usus antiquissimus, etiam tempore Davidis Regis.
- 18 Laici licitè se induunt Cotta, dum cantant in Ecclesia.

- 19 Superpellicium, & Stola adhibenda in dando Oleo Sancto infirmis. Sed an sub pœna peccati mortalis? ibid.
- 20 Orationes quæ, & quales præmittendæ Unctioni Extreme?
- 21 Fœminæ in functionibus sacris non permittuntur inservire.
- 22 Cereus accendendus in danda Extrema Unctione.
- 23 Assistere moribundis debet Parochus ob sex rationes.
- 24 Diabolus an visibilis appareat omnibus morientibus?
- 25 Monialis Capuccinæ Paduæ agonizantis terror, viso diabolo.
- 26 Diabolus timet aspectum Vestium Sacerdotalium.
- 27 Græci infirmi recipiunt Extremam Unctionem in Ecclesia. Idem antiquitus servabatur à Latinis.
- 28 Mensa, & alia paranda in cubiculo egroti recepturi Oleum Sanctum.
- 29 B. Liduvina à Christo Domino Extremam Unctionem recepit.
- 30 Parochus nec nimis properus, nec nimis tardus in Oleo Sancto dando.
- 31 Oleum Sanctum dare in infirmitate levi mortale est, & invalidum sit Sacramentum; prout illud dare in initio morbi.
- 32 Calvinus error circa ministrandam Unctionem Extremam.
- 33 Infirmus unctus Oleo Sancto in morbo levi, si fiat periculosus, & mortalis est iterum ungendus.
- 34 Tarditas Parochi in dando Oleo Sancto causat duo inconvenientia.
- 35 S. Malachie lacrymæ ob tarditatem suam in ungenda infirma, quæ obierat sine Sacramento Extreme Unctionis.
- 36 Fructus Extreme Unctionis diminuitur, si detur infirmo destituito sensibus.
- 37 Infirmi Oleo Sancto uncti, si sani fiebant, olim Deo dedicabantur.
- 38 Interdicti tempore an possint dare Extrema Unctionem?

Quæ hucusque scripsimus in quinque antecedentibus Decifionibus Miniftri perfonam, Sacramentum Extreme Unctionis dantis, concernunt, tum circa obligationem, tum circa cautelas tempore peſtis in ipſa adminiſtratione ſervandas. Cæterum antequam ad ſubjectum ejuſdem Sacramenti tranſeamus, reſtant explicandæ nonnullæ circumſtantiæ ab eodem Miniftro in actu miniſterii prædicti Sacramenti omnino attendendæ, de quibus in præſenti oportet agere; & ſunt quatuor:

1. De diſpoſitione interna ipſius Miniftri.
2. De diſpoſitione exteriori ejuſdem.
3. De loco, in quo Sacramentum hoc miniſtratur.
4. De tempore, quo miniſtrari debet.

Quo ad Primam. Diſpoſitio interna Sacerdotis miniſtrantis Extremam Unctionem in eo conſiſtit, quod ipſe ſit in gratia, & non habeat conſcientiam aliquam mortali peccato inquinatam. De hac diſpoſitione, & ſtatu gratiæ agunt Theologi, tam Scholaſtici, quàm Morales in *tractatu de Sacramentis in genere*, ubi ponunt conditiones neceſſarias in miniſtro Sacramenta conſcientie, ac miniſtrante, ad hoc ut validè, ac licitè conſciat, & miniſtret, & concludunt, ac licitè conſciendum, miniſtrandumve Sacramentum requiri ſtatum gratiæ in miniſtro, aliàs (etſi validè) illicitè tamen agit, & peccat mortaliter conſciendo, ſeu miniſtrando. Ita Cajetanus in 3. p. q. 64. art. 6. §. in reſponſione ad primum. Emin. Cardin. de Lauræa in 4. Sent. tom. 1. diſp. 10. art. 4. Maltrius in Theolog. Moral. diſp. 16. num. 42. Diana part. 10. tract. 16. reſol. 28. reſpoſita in Coordinato tom. 1. tract. 1. reſol. 11. §. 2. Gobatus in Theol. Experi. tract. 1. num. 53. & tract. 8. num. 924. Bonacina tom. 1. diſp. 1. q. 3. punct. 2. num. 2. ubi plurimos DD. cumulat. Reginaldus libr. 26. num. 57. & 58. Coronius libr. 2.

contro. 1. num. 45. Layman libr. 5. tract. 1. cap. 5. num. 7. Caſtropalaus part. 4. tract. 26. punct. 8. num. 7. & 8. Biſſus in Hierurg. tom. 2. Verb. Miniſter Sacramentor. num. 171. §. 35. & aliis omiſſis Colleziū Salmanticen. in Curſu Theol. Moralis tom. 1. de Sacram. in genere tract. 1. cap. 7. punct. 10. à num. 76. & ſeqq. Probatur huius diſpoſitionis neceſſitas ratione, auctoritate, & exemplis.

Ratio aſſignatur multiplex ab iſſdem DD. Prima: quia Sacerdos miniſtrans Sacramentum operatur ſanctitatem, & gratiam habitualem in recipiente, qui propterea ſit conſors divini naturæ. At graviffima indecentia eſt, quod Sacerdos in ſordidiſſimo ſtatu peccati exiſtens, & in inimicitia Dei, miniſtret Sacramentum, quo Dei vices gerens alios ſanctificat, reddit gratos, & filios Dei. Ita Emin. Cardin. de Lugo De Sacram. in genere diſp. 8. num. 149. Secunda: Quia miniſtrare Sacramentum eſt actio partim divina, partim humana, per quam Deus tanquam per instrumentum miniſtri producit gratiam ſanctificantem. Ergo peccat mortaliter qui cooperatur Deo in actione Divina exiſtens in peccato mortali. Ita Bernal diſp. 17. ſect. 6. §. 2. circa medium. Tertia: Sacerdotes conſcienties, ac miniſtrantes Sacramenta tenentur conformare ſe cum principali agente, cujus ſe exhibent miniſtros, ideſt Chriſto. Sed Chriſtus ſanctus eſt, & ut ait Apoſtolus ad Hebr. 7. 26. innocens, impollutus, ſegregatus à peccatoribus. Ergo etiam Sacerdotes ejus miniſtri ſancti eſſe debent, impolluti, & abſque mortali peccato, juxta illud Levit. 19. 2. Sancti eritis, quoniam ego ſanctus ſum. Et juxta illud Eccl. 10. 2. Secundum judicem populi, ſc. & Miniſtri ejus. Quod ſi tales non ſint, ob gravem injuriam, quam irrogant Deo, peccant mortaliter. Ita Salmanticenſes d. tract. 1. cap. 7. num. 78. Quarta: Maxime offenditur Princeps, ſi ſervus, quem ipſe odio haber, ut inimicum, à quo maxime fuit æſus, audeat

audeat ad intima Principis servitia se immiscere; ostendit enim magnum Principis contemptum. Vel si servus, manibus luto infectis, auderet in mensa Principis pretiosissima vina convivis fundere. Sed talis est Sacerdos existens in mortali ministrans Sacramenta; idest Deo odibilis, inimicus, & lutas manus habens. Ergo audendo ministrare peccat mortaliter. Ita Diana *Coordinatus d. tom. 1. tract. 1. resol. 10. §. 10.* quæ in veteri est *part. 6. tract. 6. resol. 33.* Quinta: Violare præcepta divina in materia gravi est peccatum mortale. Sed extat Præceptum Divinum ministrandi Sacramenta cum conscientia pura, & immunià culpa lethali; juxta illud; quod legitur in *Psal. 100. 6. Ambulans in via immaculata hic mihi ministrabat.* Ex illud 2. *Thren. 4. Recedite polluti, abite, mundum nolite tangere.* Prout etiam reprehensio illa, quæ habetur apud *Malach. 1. 7. Offeritis super Altare meum panem pollutum.* Et nemo est, qui non sentiat remurmurantem conscientiam, quoties in peccato tentat sancta tractare, ob naturale præceptum à Deo insitum in cordibus hominum ministrandi Sacramenta sanctè, & immaculatè. Ergo Sacerdos, qui audet conficere, ac ministrare ipsamet Sacramenta, existens in mortali culpa, violat præceptum Divinum, ac naturale; & sic iterum peccat mortaliter. Ita Eminentiſſi. Card. de Lau-
ræa d. disp. 10. de Sacram. in genere num. 44. & 49. à quo in antecedenti num. 43. additur Sexta ratio h's verbis: *Probaturs. ultimò communì sensu totius Ecclesiæ, docentis ministrantem in mortali, mortaliter peccare; quæ sola auctoritas, eſſi deſſet ratio, ſufficeret.* Quam rationem considerant etiam *Salmanticenses d. tract. 1. cap. 7. n. 86.* ubi eam procedere ajunt ex Apostolica traditione.

Auctoritates autem prædictæ dispositionis internæ, scilicet status gratiæ in Sacerdote Sacramenta ministrante necessitatem comprobantes, sunt: Pri-

ma *Levit. 22. 3.* ubi Deus minatur mortem filiis Aaron, si cum immunditia accesserint ad sacra ministranda, dicens: *Omnia, qui accesserint ad ea, quæ consecrata sunt, in quo est immunditia, peribit coram Domino.* Secunda legitur in *Isaia 52. 11. Mundamini, qui fortis vasa Domini.* Ex quibus ita arguit Bonacina *d. disp. 1. q. 3. punct. 2. num. 2.* In administratione Sacramentorum veteris legis requirebatur sanctitas. Ergo multò magis requiritur in administratione Sacramentorum novæ legis, quæ perfectiora sunt. Tertia habetur in *cap. Omnia 1. q. 1.* ex verbis S. Augustini dicentis: *Omnia Sacramenta cum obſint indigne tractantibus, profunt tamen per eos dignè ſumentibus.* Quarta ſumitur ex *cap. Necesse. ead. part. 1. q. 1.* & colligitur ex S. Gregorio Papa lib. 1. *regest. Epist. 24.* sic ſcribente: *Necesse est, ut eſſe munda ſtudeat manus, quæ diluere ſordes curat.* Quinta ex *cap. Quæſtum eſt. 10. De Conſecrat. clericor.* ubi Gregorius Nonus ait, Sacerdotem quemlibet pro mortali peccato quoad ſeipſum eſſe ſuſpenſum; idest indignum, ut conficiat, vel miniſtre Sacramenta. Sexta in *cap. ult. De Temporib. ordin.* ubi idem Pontifex decernit, quòd mali Sacerdotes monendi ſunt, & ſub interminatione divini judicii obreſtandi, ut in teſtimonium ſuæ damnationis in ſuſceptis etiam ordinibus non miniſtrent.

Ex quibus rationibus, & auctoritatibus inferunt DD. non ſolùm peccare Sacerdotem conficientem, vel ministrantem Sacramenta extra ſtatum gratiæ; ſed etiam Laicum baptizantem in caſu neceſſitatis, ſi ipſe ſit in peccato mortali; & non præmittat actum contritionis; imò peccant etiam tam Episcopii, 6 Parochi, & Sacerdotes facientes Sacramentalia in peccato mortali, prout eſt confecrare calices, benedicere campanas, aquamve luſtralem, candelas, & palmas; quàm alii clerici exercentes actus ſuorum ordinum, puta Diaconi cantantes Evangelium; Subdiaconi 7 ni Epi-

ni Epistolam, & sic de aliis inferioribus ordinibus; ut mordicus sustinet, ac probat Eminent. Card. de Lauræa d. disp. 10. de Sacram. in genere art. 4. quamvis huius Eminentissimi Auctoris opinio nimis rigida videatur comparata opinionibus Moralistarum, qui excusant supradictos omnes à culpa mortali, etsi in mortali peccato existentes vel Sacramentalia, vel alios actus suorum ordinum exercent. Diana Coordinatus d. tom. 1. tract. 1. resol. 11. Gobatus d. tract. 1. num. 54. & Salmanticenses d. tract. 1. cap. 7. punct. 11. à num. 100. & seqq. ubi ita DD. docentes allegantur.

8 Exempla autem Episcoporum, Sacerdotum, Diaconorum, aliorumque ministrorum Ecclesiæ tam Sacramenta, quam alios actus ordinum in peccato exercentium morte punitorum referuntur à Cornelio à Lapide ad cit. cap. 22. Levitic. Vers. 3. à Gobato d. tract. 1. num. 56. ab Emin. Card. de Lauræa d. disp. 10. num. 49. & à Joanne Baptista Matthæolo in Sylva Hissor. part. 2. lib. 8. cap. 2. tit. 29. Exempli. XI. quæ studiosum Lectorem vidisse delectabit; Parochos autem, aliosque Mystras valde cautos reddent.

9 Porro quæ dicta sunt de dispositione interna circa statum gratiæ, & indemnitate à culpa lethali in Sacerdote ministrante Extremam Unctionem, sive alia Sacramenta, extendenda sunt etiam ad immunitatem à censuris; siquidem talis Sacerdos ministrans Sacramenta debet esse liber ab excommunicatione, à suspensione, & ab interdicto Ecclesiastico, ut bene advertunt Salmanticenses d. tom. 1. de Sacram. in genere tract. 7. cap. 5. num. 11. Emin. Card. Toletus lib. 1. cap. 72. Gobatus d. tract. 8. num. 924. & Mairius in Theol. Mor. disp. 13. num. 145. & seqq. qui omnes advertunt, Sacerdotes censuris irretitos Sacramenta administrantes non solum peccare mortaliter, sed etiam incurere irregularitatem; ut sunt textus expressi de Excommunicato in cap. 2. De Cleric. excom. interd. ministr. in

cap. 1. qui. De Sent. Excom. & in cap. Illorum. eod. tit. in 6. De Suspensio in cap. 1. d. tit. de Sent. Excom. in 6. nec non in cap. 1. De Sent. & re judic. in 6. Prout de Clerico interdicto personaliter ministrante actum sui ordinis, vel in loco interdicto loquuntur iidem text. in cap. 1. qui. Et in cap. 1. qui. De Sent. Excom. in 6. faciunt etiam cap. Si quis Episcopus l. 2. 11. q. 3. & cap. Apostolicæ. De Clerico Excom. ministr. & Salmanticenses in tract. de Censuris tract. 10. cap. 8. num. 67. ubi id ampliatur, sive Sacerdos excommunicatus sit publice denunciatus, sive non; ajunt enim: Igitur qui majori excommunicatione est innodatus, qui suspensus, interdictus personaliter, vel in loco interdicto actum majoris ordinis exercet, seu qui ordini majori aut ex jure Divino, vel Ecclesiastico, vel consuetudine Ecclesiæ est annexus, sit irregularis, etiam si non sit denunciatus; quia quod toleratus sit, nihil potest quod in favorem ejus vergit; siquidem per hoc, quod ipsum toleret Ecclesia, in nullo voluit eum celebrare; ut ex Extravag. Martini V. & Concilii Constantiensis, multoties diximus. Verum & illud est attendendum, quod excommunicatus fuerit excommunicatione majori; nam si minori tantum, exercens actum ordinis, & ministrans Sacramenta, etsi peccet mortaliter, non incurrit irregularitatem. Salmanticens. d. cap. 8. n. 66. & notant mea Erotemata Edit. 2. cap. 131. num. 13. & ibi text. in cap. Si celebrat. De Cleric. excom. interd. ministr. Concludendo itaque hanc internam necessariam dispositionem Sacerdotis ministrantis Extremam Unctionem, debet ipse esse liber à censuris, & immunis à mortali peccato, quo (quod Deus avertat) si se pollutum agnoscat, oportet, ut vel Confessione Sacramentali (si potest) se purificet, vel actu perfectæ contritionis, ne ministrando Sacramentum novo peccato se coinquinet. Gobat. d. tract. 1. num. 55. Vasquez disp. 136. cap. 1. Emin. Card. de

Lugo de Sacram. in genere disp. 8. num. 145. Salmanticenses eod. cursu de Sacram. in gener. tract. 1. cap. 7. n. 94. & 95. advertentes in supposito casu maculatæ conscientiæ, sufficere contritionem, quia de actuali Confessione Sacramentali præmittenda, si præmitti possit, non extat Præceptum, nisi ubi agitur de suscipiendo Sacramento Eucharistiæ ex Concilio Trid. sess. 13. De Vener. Euchar. Sacram. Can. 11. Hæc de prima circumstantia.

- Quò ad secundam. Dispositio externa requisita in Sacerdote Extremam Unctionem daturò triplex est, *Una* antequam incipiat Sacramentum ministrare, *alia* dum ministrat; *tertia* cùm compleverit ministrare. Antequam Sacerdos ministrare incipiat hoc Sacramentum, debet induere superpelliceum, & Stolum; prout præcipit Rituale Romanum in Rubrica de Ordine Ministran. Sacram. Extr. Unctio. Quid sit Stola? quid significet? in quibus ministeriis Sacris sit adhibenda? & à quibus
- 13 personis? necesse non est hic explicare, cùm de his omnibus abundè dixerim in meis Decisionibus de Venerabili Eucharistiæ Sacramento Decif. 30. num. 12. & seqq. ubi studiosus recurat, At de superpelliceo, sive Cotta quatuor sunt scienda, *Etymologiam* nominis, *Materiam*, *Formam* & *Antiquitatem*. Superpelliceum, seu Cotta, quam induunt Sacerdotes in Sacramentis ministrandis, & alii clerici in pfallendis divinis horis, & in Ecclesiasticis functionibus peragendis, idèd vocatur *Superpelliceum*, quia, ut ait Durandus lib. 3. cap. 1. antiquitùs Deo mancipati portabant vestes pelliceas, de pellibus animalium confectas, vulgò *camozze*, ut etiam nunc induunt plures Regulares subtus tunicam, ad repræsentandum, quòd Adam post peccatum vestibus pelliceis indutus fuit, & quia desuper eadem vestes pelliceas Ecclesiastici pervefusi induebant Cottam, assumpsit ipsa hoc nomen, & etymologiam superpellicei. Magrius in *Hicrolexic. Verb. Superpelliceum*. Ubi addit, vo-

cari etiam Cotta ex Græco vocabulo *χιτών* tunicam significante: vel ex Arabico *Kittan*, quod denotat linum, ex quo superpelliceum conficitur. Materia igitur, ex qua conficiuntur Cottæ, seu superpellicea, est linum mundum, & candidum, ad denotandum, ait Magrius *ubi supra*, candidum Angelorum ¹⁴ indumentum, quorum munditiæ clerici imitari debent; quippè qui non habent, ut reliqui Religiosi, habitum Sacrum, præter hoc superpelliceum. Et hæc est causa, ob quam Monachi, & alii Regulares intrant chorum ad recitandas Divinas Horas absque Cotta, illam autem induunt Canonici, & alii Clerici Sæculares choro addicti, dum ipsum ingrediuntur, quia scilicet habitus Regularium continet in se benedictionem, ac spiritualitatem: Vestes autem clericorum sæcularium non benedicuntur. Non est autem ignorandum quod scribit Honorius in opere inscripto *Gemma lib. 1. cap. 232*. videlicet quòd in aliquibus Ecclesiis, juxta antiquissimam earum consuetudinem diebus Quadragesimæ, & jejuniorum clerici utuntur Cottis Laneis, quia ministri Ecclesiæ Regi Christo in humilitate præcipiuntur deservire. Et subdit Magrius *eodem Verb. Superpelliceum*, ¹⁵ quòd etiam Papa in Quadragesima, & quando jejunatur fert vestem candidam de lana, prout in aliis Pœnitentiæ functionibus, ut in Processionibus Jubilæi, & dum visitat septem Ecclesias, vel quatuor Patriarchales in anno Sancto.

Forma verò Cottæ consistit in latitudine, & in longitudine. Latitudo ejus est amplissima, quia, ut considerat *Gemma de Antiquis Ritib. Misse* ¹⁶ *d. lib. 1. cap. 232*. Hæc Vestis laxa est, nam clericalis vita debet esse in eleemosynis, & bonis operibus larga. Et ne interrumpatur ejus latitudo fertur absque manicis juxta antiquissimum usum Ecclesiarum, de quo testatur Magrius *ubi proxime* dicens: *In aliquibus Ecclesiis adhuc primæva superpellicei forma retinetur, nempe cum rotunditate*

tate antiquæ Planctæ sine manicis, sub qua ex lateribus brachia extolluntur. Regulares tamen omnes hinc temporibus adhibent Cottas cum manicis, ac etiam plures Capellani Prælatorum, & Cardinalium; forsan ut sint expeditiores in inferiendis ipsis, dum celebrant; sed talis forma manicata non est iuxta usum primævum, quem absque manicis fuisse testatur etiam Illustrissimus, ac Reverendissimus Episcopus Sarnellius in ejus eruditissimis Epistolis Ecclesiasticis tom. 2. Epist. 28. sub. num. 3. ubi allegat nostrum Ferrarium de Re Vestitaria, & commendat usum Cleri Secularis Patavini, Veneti, ac Neapolitani, utentis Cotta absque manicis, & ad habenda brachia expedita in functionibus Sacris, laterales extremitates ejus super humeros eleganter alligatas, & elevatas imponunt. Longitudo Cottæ antiquis temporibus descendebat usque ad talos, ideò vocabatur talaris; ut notat Emin. Card. Bona Rev. Liturgicar. lib. 1. cap. 24. in fin. ubi refert testimonium Stephani Tornacensis, qui vivebat anno Christi 1180. & in Epist. 123. quam scribit ad Albinum Cardialem ait, ei mittere *Superpellicem novum, candidum, & talare*. Successu verò temporis eadem superpellicea cœperunt decurtari, ut demonstrat Concilium Basileense celebratum anno 1431. in cujus sessione 21. decernitur, quomodo Divinum officium in Ecclesia sit celebrandum, & præcipitur Clericis, *habere tunicas mundas, & superpellicea ultra medias tibias longa*. Nunc verò adeò detruncata sunt, ut vix ad genua pertingant, ut testis est experientia, & addit idem Emin. Card. Bona; quamvis talaris longitudo esset cum Mysterio, ad denotandam perseverantiam in Sanctis operibus usque in finem, ut ait Gemma d. lib. 1. cap. 232.

De antiquitate verò Cottæ, seu superpellicei Ecclesiastici si quærimus, ea adeò vetusta est, ut non desint Auctores affirmantes, ejus usum ab Apostolis esse introductum. Audiamus Emin.

Card. Bona in cit. lib. 1. cap. 24. num. 20. sic scribentem: *Qui à temporibus Apostolorum usum superpellicei derivant, vetusta ei vocabula tribuunt; nam quidam esse Ephod contendunt, alii phelonium Græcorum, alii lacernum virrum, de quo in actis Cypriani; alii amphibalum, de quo Remigius in testamento ait, futuro Episcopo Successori meo Amphibalum album Paschalem relinquo*. Illud sanè certum est, tempore S. Hieronymi, ut ipse testatur lib. 1. adversus Pelagianos, omnem Clerum in Sacrificii consumatione candidis vestibus ministrasse. Porro Cottas, seu superpellicea ex lino albo fuisse in usu etiam apud Hebræorum Levitas, dum in Sacris functionibus occupabantur, deprehenditur ex lib. 2. Reg. cap. 6. Vers. 14. nec non ex lib. 1. Paralipom. cap. 15. Vers. 27. ubi dicitur, quòd Rex David in solemnī translatione Arcæ Domini in Sion, depositis regiis vestibus, incedebat inter Levitas, accinctus Ephod lineo; quod quidem Ephod erat in duplici differentia: Unum erat polymitum, quod vestiebatur à solo Pontifice, ut habetur Exod. 28. 30. aliud erat byssinum, idest factum ex candidissimo lino, adinstar nostrorum superpelliceorum, seu Cottarum, & isto superinduebantur omnes Levitæ, & vocabatur etiam Stola byssina, prout in d. lib. 1. Paralipom. cap. 15. Vers. 27. ibi: *Porro David erat indutus stola byssina, & universi Levitæ, qui portabant Arcam*; siquidem non erat illicitum etiam Laicis induere Ephod lineum, quo se supervestiebant ipsi Levitæ; prout nostris temporibus Laici cantores induunt se superpelliceis, seu Cottis dum cantant simul cum clericis Missas, aut Vesperas solennes, quod videmus observari hic Patavii in Basilica Divi Antonii, & Venetis in Basilica Ducali Sancti Marci. De prædictis testatur Salianus ad Annum Mundi 2990. num. 26. & ante Christum Ann. 1063. ita scribens: *Cum Levitis nulle propria Vestes divinitus assignatæ fuerint*

fuertint sicut Sacerdotibus, potuerunt laici, modò ne in contemptum Levitici status, isdem cum illis uti vestibus, utpote non sacris, quales erant stola byssina, quibus inter ministrandum, & cantandum utebantur; quælia sunt SUPERPELLICEA, quibus nunc alii præter clericos uti solent; & quidem sine culpa, aut reprehensione cuiusquam, præsertim in supplicationibus, & pompa solemniori, qualem vidimus Parisiis non semel cum Sanctæ Virginis Genovesæ ipsana à Laicis in stola byssina multo cum apparatu deferrentur. Duo ex his omnibus veniunt colligenda: Unum eruditionis, quòd usus Cottarum, seu superpelliceorum excedit annos duos mille, & septingentos, quales decursi sunt à tempore Regis Davidis: Alterum instructionis, quòd non licet Sacerdoti ministrare Sacramentum Extreme Unctionis absque Cotta, seu superpelliceo, ac stola, sub pœna peccati mortalis, ut ex Suarezio, & Naldo firmat Bonacina de Extrem. Unct. disp. 7. punct. 6. num. 9. Thomas Tamburinus de eod. Sacrament. libr. 6. cap. 1. §. 4. num. 1. & Gobatus d. tract. 8. num. 927. & 928. qui prædenter subdit: Ego quidem non excusarem à mortali, qui id faceret sine necessitate; non tamen dubito, quin, si nequeant haberi vestes, si factius ire ministratum, ministrareque sine superpelliceo, & stola, saltem in casu, quo ager non suscepisset aliquod Sacramentum, nec posset absolvi sacramentaliter, eò quòd non sciatur dedisse signa contritionis. Idem docet Quintanadvenas de Extrem. Unct. singular. 5. num. 4. cui consentit P. Tamburinus ubi proximè, reddens hanc rationem: Quia in hoc Sacramento levis iudicandus est defectus vultus, quare illæ cedere debent solidæ decumbentis utilitati. Igitur in casu necessitatis, si infirmus esset jam jam animam expiraturus, adesset Sacerdos cum Oleo Sancto, sed non haberet secum Cottam, nec Stolam, posset sine illis inungere infirmum.

Alia externa dispositio necessaria in Sacerdote eum incipit ministrare infirmo Extremam Unctionem est, ut recitet primis Orationes positas in Rituali Romano; addit idoneus minister, qui ei respondeat, & habeat cereum accensum. Quo ad Orationes, vel intelligentius de integris Psalmis Pœnitentialibus: Et horum recitatio non est de præcepto ante Unctionem Sacramentalem, sed ex consilio, si tempus, & qualitas infirmi permittat; puta si agatur de Religioso, aut de Moniali; nam adstantibus fratribus, vel sororibus prudens Confessarius potest eos invitare ad eorum Psalmorum recitationem, & Litaniam, quibus completis surget ad inungendum infirmum, seu infirmam, & ita observari in Societate Jesu à suis Religiosis testatur Gobatus d. tract. 8. num. 924. & P. Thom. Tamburinus d. lib. 6. de Extrem. Unct. cap. 1. §. 4. num. 1. at apud sæculares talis recitatio raro fieri contingit. Si verò loquamur de aliis antecedentibus orationibus, quas ponit Rituale Romanum, nempe Adjutorium nostrum &c. Introeat Domine Jesu Christe &c. Confiteor. &c. Misereatur &c. cum aliis sequentibus usque ad primam unctionem oculorum, concors est DD. opinio, quòd hæc prætermitti non possunt absque culpa mortali à Sacerdote hoc Sacramentum ministrante; nisi infirmi vita evidenter deficeret per momenta, & tempus non sufficeret ad illas recitandas; tunc enim eis ommissis licitum foret incipere ab unctione oculorum, proseguendo velociter per alios sensus. Ita Gobatus ubi supra num. 925. Tamburinus d. §. 4. num. 1. & ibi Quintanadvenas de Extrem. Unct. singular. 5. num. 4. Quo ad ministrum, seu adiutorem, is debet esse Clericus, vel etiam pius Laicus, nunquam tamen femina, neque Sanctimonialis: absolutè enim ex dispositione Sacrorum Canonum feminae arcentur à functionibus sacris, & præcipue ab inserviendo in Sacrificio Missæ, & in ministerio Sacramentorum, ut advertunt Quintanadven.

ubi supra singul. 6. Tamburinus d. libr. 6. cap. 3. §. 4. & post Suarez, ac Layman Gobatus d. tract. 8. num. 926. & à me probatum fuit De Sacram. Pœnitentiæ Decis. 27. num. 15. Ideo deficientibus Clericis, laicisve scientibus respondere orationibus Ritualis, ipse Sacerdos respondebit sibi. Excipe recitationem Confiteor &c. quam non extantibus viris, etiam scemina recitare poterunt, potissimum si infirma sit Sanctimonialis; tunc enim Abbatis illam recitabit, prout servatur in praxi, quando deferitur Sacrosancta Eucharistia Monialibus infirmis.

Quo ad cereum accensum, iste quoque est adhibendus à Sacerdote in ministrando hoc Sacramento Unctionis Extremæ; præcipit enim Rituale Romanum, quod Sacerdos parari curet apud infirmum (præter alia) ceream talem candelam, quæ deinde accensa ipsi ungenti lumen præbeat. Quapropter errat Tamburinus d. lib. 6. cap. 1. §. 4. num. 2. scribens, Hoc Sacramentum ministrare sine lumine non esse peccatum, ut notat Quintanadvenas de Extr. Unct. singul. 5. siquidem Quintanadvenas ibid. num. 1. ait: Nefas erit illud sine lumine deferre, & ministrare; subdit tamen, quod culpa erit tantum venialis; idemque asserit Possevin. de offic. Curati cap. 9. num. 12. Barbosa de Parocho cap. 22. num. 44. & Gobatus d. tract. 8. num. 927. excepto semper casu necessitatis, & deficientis cerei, ut dictum est de superpelliceo. Porro antiquis Oleum Sanctum deferbatur de Ecclesia ad domum infirmi cum lumine, ut legitur in Concilio Synodali relatis per Quintanadvenam, & Gobatum ubi supra; sed inter nos hodie id non est in usu.

Ultima externa dispositio in Sacerdote ministrante hoc Sacramentum concernit ea, quæ facere debet, cum compleverit ejus administrationem. Hæc aptem innuitur ab eodem Rituali Romano post ultimas preces Extremæ Unctionis his verbis: *Admoneat do-*

ministior, & ministros infirmi, ut si morbus ingravescat, vel infirmus incipiat agonizare, statim ipsum Parochum accersant, ut morientem adjuvet. Ex his resultat dispositio, & promptitudo, quam debet habere Parochus, post ministratam Unctionem Extremam, dum infirmus incipit agonizare, eidem assistendi, & illum adjuvandi ad bene moriendum. Quot, & quibus rationibus debeat Parochus personaliter assistere agonizantibus, & moribundis suæ Parochiæ, dictum fuit Anno 1684. in casu Prudentiali mensis Septembris; ad quem locum, & ad ea, quæ ibi scripti, utile erit recurrere. Cæterum circa hanc dispositionem, & necessitatem iterum dico: Parochum, seu Sacerdotem, à quo Extrema Unctio ministrata fuit infirmo, debere ei assistere, dum in agonia est; Primo, quia excessivum est diaboli odium, & ingens ejus conatus in puncto mortis, ut rapiat animam morientis, & ideo de ea ait Apostolorum Princeps 1. Petr. 5. 8. *Adversarius vester diabolus, tanquam leo rugiens circuit, querens quem devoret.* Et S. Joannes in Apocal. 12. 12. *Descendit ad vos diabolus habens iram magnam.* Refert Illustrissimus, ac Reverendissimus Episcopus Sperellus in lib. de Profect. Dei paræ serm. 2. num. 19. quod iter agente Sancto Antistite Anselmo cucurrit lepus ad ipsum, à canibus infectus, quem ad se recepit, & ait; sicut canes anhelant hunc leporem discerpere, sic diaboli animas morientium arripere insudant. Secundo, quia licet disputent Theologi, an omnibus morientibus visibilis diabolus appareat, ut disquirat Bartholom. Sybilla In Speculo peregr. quæst. Decad. 3. quæst. 6. cap. 10. probabilius est opinio affirmativa; ut legitur de S. Martino, qui in agonia videns diabolum ad se accedentem dixit: *Quid adhas cruenta bestia? nihil tu me functis repertes.* Idem de S. Odilone Abbate scribit Eminen. Card. Baronius Anno 1048. num. 3. nec non de Sum-

Summo Pontifice Stephano X. Anno 1058. num. 6. ac etiam de S. Eleazaro Comite Anno 1323. num. 69. Quapropter valde proficua ipsi agonizanti erit præsentia Sacerdotis, seu Parochi ad terrendum, & fugandum diabolum, ut ego testari possum de meipso, qui assistens adolescentulæ Sanctimoniali Capuccinæ agonizanti Anno 1679. vix
 25 egressus de cella, clamore magno ab ipsa revocatus fui, dicente *ab Pater? ab Pater?* horrendum Dæmonem ydeo ad me accedentem. Ego autem illicò reversus aqua benedicta eam aspersi, & confortatus fui; cadebant enim sudores magni ex ejus fronte, & tota tremebat subdens, *Vestra reverentia ingrediente diabolus aufugit.* Steti apud illam orans, & non multò post suavitè expiravit in Domino. *Tertiò*, quia etsi non omnibus agonizantibus reddat se diabolus visibilis, satagit tamen omnes tentare, vel de desperatione eos, qui malè vixerunt, vel de vanagloria illos, qui bonam vitam fecerunt, ut aliquando ipsum diabolum dixisse refert P. Paulus Segnerius in *Christiano Instruço part. 3. serm. 23. num. 15. Quartò*, quia oportet in extremo vitæ suggerere moribundis, ut saltem in corde eliciant actus Fidei, Spei, Charitatis, Humilitatis, ac conformitatis Voluntati Divinæ, ut advertit idem P. Segnerius in *Parocho Instruço c. 24.* & in his actibus promovendis præsentia Parochi, ejusque pietas, ac virtus non solum utilis, sed necessaria existimatur; Laici enim parùm callent horum virtutum vim, atque methodum. *Quintò*, quia Parochus, seu Sacerdos, qui infirmo Oleum Sanctum præbuit, ut plurimùm ejus audit confessionem, & latebras conscientie penetravit, undè aptior est ad eum defendendum à diabolicis suggestionibus vel odii, vel avaritiæ, vel impudicitie, vel alterius iniquitatis, ad quam infirmus ipse fuit propensus; siquidem ut ex Alcuino notat P. Cornelius à Lapide in *Genes. cap. 3. Vers. 15.* super illud, & tu insidiaberis cal-

caneo ejus, certi nos omnes esse debemus, quòd *Diabolus insidiatur cal-caneo nostro, quia extremum vitæ nostræ acrius oppugnat.* Tandem *Sex-tò*, quia diabolus pertimescit ipsasmet vestes Sacerdotales; & aspectus superpellicei, ac stolæ, qua adit ad indutus Parochus, seu Confessarius eidem agonizanti, fugat dæmones. Sic eleganter probat Episcopus Aresius in *tract. de Tribulatione lect. 16. num. 36.* referens fugam Angeli exterminatoris, scilicet diaboli, qui in deserto occiderat supra quatuordecim millia Hebræorum murmurantium adversus Moysem, & Aaron; fugit enim statim ac Aaron vestitus Pontificalibus indumentis inter morientes ingressus fuit; de his enim loquens Spiritus Sanctus in *lib. Sapient. cap. 18. Vers. 24.* ait: *His autem cessit, qui exterminabat, & hæc extimuit;* nempe vestibus Sacerdotalibus, ut declarat ibi Glossa ordinaria inquiens: *Vera indumenta veri Sacerdotis intellexit, & his cessit.*

Quò ad Tertiam circumstantiam principalem, observandam in Extremæ Unctionis Sacramento administrando, hæc respicit munditiem loci, in quo administratur. Idcirco non est ignorandum, quòd apud Græcos infirmi inunguntur in Templo, ad quod se deferri currant ut plurimùm, ut testatur Ivenim in *Comment. Historic. Dogmat. de Extrema Unct. q. 11. 27. quæst. 1.* allegans Goarium in *Notis ad Sancti Olei offic.* ita dicentem: *Imò & egroti plerique è plebe, aliorum manibus, & ope ad Ecclesiam se deferri student,* scilicet ut Extremæ Unctionis ibi Sacramentum recipiant. At etiam apud Latinos antiquitus erat in usu, præcipuè inter pios, ac Religiosos viros, infirmis ad Ecclesiam delatis in ea Oleum Sanctum ministrare; pro majori erga hoc Sacramentum reverentia. Hoc servatum esse à S. Malachia scribit S. Bernardus in ejus vita *cap. 31.* his verbis: *Interea jubet se (S. Malachias) Sacro Oleo ungi, exeunte conven-*

tu Fratrum, ut solemniter fieret, non sustinuit ut ad se ascenderent (& Templo in cubiculum) sed ipse descendit ad eos . Abbatem Monasterii B. Mariæ Virginis de Trappa in Gallia, hac nostra ætate, Monachis suis in Templo Extreme nam Unctionem ministrare sublit invenim ubi supra, addens, quod & ibi, prout & apud nos his temporibus, privatis in domibus administratur infirmis, & quidem in lectulo decumbentibus, si præ morbi iniquitate alio decentiore in loco iungi non possint.

Igitur circa locum administrationis procuranda sunt à Sacerdote ea omnia, quæ præcipit Rituale Romanum in d. Rubr. de Extr. Unct. in princ. his verbis: **28** Sacerdos hoc Sacramentum ministraturus, quatenus fieri poterit, paraturus apud infirmum Mensam mappam candida coopertam; itemque Vas, in quo sit bombacium, seu quid simile (puta stuppam) in septem globulos distinctum, ad abstergendas partes inundas: medullam panis ad detergendos digitos, & aquam ad abluidas Sacerdotis manus: ceream item candelam, quæ deinde accensa ipsi ungenti lumen præbeat. Denique operam dabit, ut quanta poterit munditia, ac nitore hoc Sacramentum ministraretur. Quapropter quinque debent esse in loco præparata. 1. Mensa cooperta mappa munda. 2. Vas, seu lebes cum septem globulis bombacii, seu stuppæ, deferendis postea per Sacerdotem ad Ecclesiam, & comburendis in Sacrario. 3. Medulla panis, & aqua ad abstergendos digitos Sacerdotis, ac manus lavandas. 4. Candela cerea accendenda. 5. His addenda aqua benedicta cum aspersorio ad benedicendum cubiculum, & infirmum, ut mox subdit Rituale eod. loco. Crucem quoque, seu imaginem Crucifixi ab ægroto deosculandam.

Hæc ferè omnia licet conspiciere in miraculosa Extrema Unctione per ipsum **39** Salvatorem nostrum CHRISTUM JESUM exhibitam Beatæ Liduvinæ

Virgini, quam ex Surio, & ex Ribadencira die 14. Aprilis describit Bagatta in Admirand. tom. 2. lib. 3. cap. 5. num. 2. his verbis: Moritura Beata Liduvina vidit ad se venientem Dominum JESUM cum Sanctissima Matre sua, & duodecim Apostolis, multisque & Sanctis, & Angelis. Sedit autem Christus ad lectuli ejus dexteram, Beatissima Maria ad sinistram, aliis in orbem honestissimè eam circumstantibus. Vidit etiam mensulam ornata, & in ea Sacri Olei Vasculum elegantissimum, Crucem quoque pulcherrimam, & cereum valde luculentum. Erat tum corpus Virginis innumeris angoribus à vertice usque ad pedes oppressum, & afflictum. Et ecce sensit ab ipso Salvatore Sacerdotibus induto vestibus, loca corporis sui omnia perungi, quæ in morituris Sacramento Oleo ungi solent; sed nulla audit Salvatorem verba proferentem. Inde CHRISTUS ponit in manu ejus cereum, eumque tenet cum Matre sua, Cruce illic invisibiliter permanente, donec exharet spiritum. Hæc ille. Mors utique felicissima; & notet Lector, in prædicta miraculosa Unctione, B. Liduvina non audisse Salvatorem verba proferentem: quia verba formæ hujus Sacramenti sunt deprecatoria ad Deum pro remissione peccatorum; ipse autem Salvator est qui peccata remittit, & ut ait Apostolus Joannes Epist. 1. cap. 2. Vers. 2. ipse est propitiatio pro peccatis nostris.

Quod ad Quartam, & Ultimam circumstantiam attendendam à Parochis, seu aliis Sacerdotibus in ministranda Unctione Extrema; hæc versatur circa tempus infirmitatis in quo ipse infirmus est inungendus. Debet igitur Minister hujus Sacramenti cavere à duobus extremis, videlicet ne sit nimis properus, & ne sit nimis tardus in dando Oleo Sancto. Non debet esse nimis properus, prout faciebat Parochus quidam, de quo Quintanadven. tract. 5. singul. 7. refert, quod in initio cujusvis morbi ungebat infirmum, ut se ab hac cura expedi-

- expediret. Ex hac acceleratione dandi Oleum Sanctum in principio infirmitatis etiam levis, duo oriuntur inconvenientia: *Unum* est, quod ipse Parochus peccat mortaliter, siquidem transgreditur præceptum Concilii Tridentini, ac Florentini, à quibus statuitur, ut hoc Sacramentum detur infirmis in periculo mortis existentibus; & offendit rationem ipsius Sacramenti, quod institutum est tanquam extremum remedium hominum infirmorum, & morientium, quo in gravissimo mortis periculo juventur, & ad gloriam introitum, quoad fieri potest, disponantur; & ideo sic propere inungens lethaliter peccare advertunt Suarez in 3. part. D. Thom. tom. 4. disp. 42. Sect. 2. num. 4. Sotus in 4. dist. 23. art. 2. Miranda tom. 1. quest. 49. art. 2. Quintanad ven. d. tract. 5. singul. 7. & Gobatus tract. 8. num. 874. Imò talis Parochus, aut Sacerdos, qui crederet, licitum esse inungere infirmos levi morbo laborantes Oleo Sancto, incideret in hæresim Calvinii, afferentis lib. 4. Instit. cap. 19. de ult. Unct. num. 25. S. Jacobum voluisse, omnes infirmos inungi, prout refert Diana Coordinatus tom. 2. tract. 4. resol. 37. quæ in veteri habetur part. 5. tract. 3. resol. 95.

Alterum inconveniens ex nimia hac acceleratione est, quod Sacramentum Extremæ Unctionis remanet invalidum, ut ex Suarezio, Isimberto, Granado, Palao, & aliis probat idem Diana in cit. tom. 2. Coordinato tract. 4. resol. 38. desumpta ex antiquo part. 9. tract. 6. resol. 44. in qua plura argumenta facit predicta nullitate; & præcipue, quia Extrema Unctio est Sacramentum exeuntium, & ut loquitur Concilium Tridentinum Sess. 14. in præmio de Extr. Unct. institutum est à Christo Domino, ut finem nostræ vitæ tanquam firmissimam quodam præsidio munitet adversus diaboli insidias. Ergo supponit, non esse ministrandum aliis, quàm iis, qui in fine vitæ esse creduntur. Ex quibus infert Diana d. resol. 38. in fin. cum

Quintanadven. & Amico, quod si data fuisset Extrema Unctio in principio levis infirmitatis, quæ postea transiret in periculosa, ac mortalem, deberet ægrotus iterum Oleo Sancto inungi, ex præsupposita nullitate primæ Unctionis.

Porro ex nimia tarditate Parochi in dando Oleo Sancto, sequuntur duo alia inconvenientia, quando scilicet adeo tardat, ut ægrotus sit privus, ac destitutus sensibus, rationisive usu, dum inungitur. Primum inconveniens est, quod ipse Parochus sit reus peccati mortalis ob hanc suam negligentiam, & tarditatem. Ita Catechismus Romanus, jussu B. Pii V. Papæ editus de Sacram. Extr. Unct. cap. 9. ibi: *In quo tamen gravissimè peccant, qui illud tempus ægroti ungendi observare solent, cum jam omnis salutis spe amissa, vita, & sensibus carere incipiunt.* Ita quoque mortalis culpæ reum faciunt Parochum, ut supra tardantem Naldus Verb. Extrema Unctio num. 1. Quintanadven. d. tract. 5. singular. 8. num. 3. Gobatus d. tract. 8. num. 874. in fin. & Diana Coordinatus d. tom. 2. tract. 4. resol. 36. & 37. in quarum prima prudenter notat, (quod experientia nos docet) parentes, ut plurimum, amare magis corpora, quàm animas infirmorum; & ideo, quando agitur de Extrema Unctione illis ministranda, clamant, & usque ad ultimum differre volunt. Quapropter Parochus non acquiescat negativæ parentum infirmi inungendi, cum videt eum in periculo mortis constitutum, nec fluctatur eorum contradictionibus, sed consulat suæ conscientiæ, & animæ ægroti, ipsumque hoc Sacramento muniat; obijciatque illis, quatenus opus sit, exemplum S. Malachie descriptum à S. Bernardo Abbate, & relatum tum à Surio in vita ejusdem Sancti Malachie tom. 6. die 5. Novembr. pag. 34. tum à Gobato d. tract. 8. num. 934. his verbis: 35 *Habitabat Vir nobilis in vicinia Bencho-*

cborensis Monasterii, cujus uxor cum ægrotaret ad mortem, rogatus Malachias ut descenderet, priusquam moreretur, infirmam uncturus Oleo; descendit, & intravit ad eam; & cum pararet ungere illam, visum est omnibus differendum usque mane, erat enim Vespera. Acquivit Malachias, & data benedictione super ægram exit cum his, qui secum erant. At vero post modicum subito clamor factus est, & strepitus multus per totam domum; siquidem insonuit, quod mortua esset. Accurrit Malachias tumultu audito, & secuti sunt cum discipuli ejus, & accedit ad lectum; ut vero expirasse comperit, conseruatus est animo, sibi imputans (notent Parochi) quoddam fraudata gratia Sacramenti obierit, & elevatis manibus: Obsecro Domine, inquit, insipienter egi. Ego, ego peccavi, non ista, quæ voluit. Hæc dicens contestatus est in audientia omnium, nullam se recepturum consolationem, nullam requiem daturum spiritui suo, nisi quam tulerat, liceret gratiam restituere. Prosequitur Auditor narrare, quod S. Malachias totam noctem consumpsit in lacrymis, & oratione; & mane facto, quæ fuerat mortua, aperuit oculos, ac revixit; Sacramentum Extremæ Unctionis recepit; cujus virtute etiam corporis sanitatem obtinuit. Oh quanti moriuntur, prout hæc mulier, ob tarditatem Curatorum sine Extrema Unctione, qui non resurgunt ad illam recipiendam!

Inconveniens secundum ex eadem tarditate est, quod quamvis ægroti non moriantur sine hoc Sacramento, illud tamen obtinent cum minori fructu, dum inunguntur, quando rationis usum amiserunt, & sensibus suis destituti. Plures sunt rationes hujus inconvenientis demonstrativæ. Prima, quia detrahitur reverentiæ hujus Sacramenti, cum nullam erga illud possit exercere agonizans, nesciens quid agatur. Secunda, quia privatur robore, & auxilio ad resistendum temptationibus diaboli. Tertia, quia defraudatur spe sa-

lutis corporalis; quamvis enim hoc Sacramentum supernaturaliter juvet ad recuperandam sanitatem, non tamen est consentaneum expectare tempus, in quo necessarium sit miraculum ad sanitatem obtinendam; nam hoc est quodammodo tentare Deum, & virtutem Sacramenti velle experiri. Ita Pitigianus apud Dianam Coordinatum d. tom. 2. tract. 4. resol. 36. ubi etiam Sotus in 4. Sent. dist. 23. q. 2. art. 2. & Joan. de la Cruz in direct. Conscien. part. 2. dub. 3. concl. 3. Quibus adhærent Quintanadvenas d. tract. 5. de Extrem. Unct. singular. 8. Gobatus eod. tract. 8. n. 876. & 936. ac Bonacina disp. 7. quest. Unica puncti. 5. num. 7. ubi plurimos hoc idem docentes cumulat.

Postremo corollarii gratia, circa hanc circumstantiam temporis duo scitu digna sunt obiter notanda. Unum, quod in Hispania ex Concilio Toletano XIII. Oleum Sanctum dari debet infirmis illud postulantibus, & dum essent mentis compotes, quia si superviverent, ac sani fierent, remanebant perpetuo Dei obsequio dedicati. Ita Magrius in Hierolexic. Verb. Oleum Sanctum col. 2. Alterum, quod tempore generalis, localitque Interdicti prohibita est Extrema Unctio per tex. in cap. Quod in te. De Pœnit. & Remiss. nisi infirmi sint Privilegiati, quales sunt Religiosi, & nisi non potuissent recipere Sacramentum Pœnitentiæ; in hoc enim casu, cum Extrema Unctio per solam attritionem infirmi apta sit deleere peccata etiam mortalia, consentiunt omnes Doctores, quod possit etiam hoc tempore iisdem infirmis ministrari. Suarez de Extrem. Unct. disp. 41. sect. 1. num. 19. Tamburin. eod. tract. lib. 6. cap. 4. Diana p. r. t. 3. tract. 4. resol. 170. nec non part. 5. tract. 10. resol. 78. repositis in Coordinato tom. 2. tract. 4. resol. 32. & 33. ubi alios DD. allegat.

DECISIO LXXV.

ARGUMENTUM.

Utrum Parochus moribundus, deficiente quocunque alio Presbytero, possit sibi ipsi ministrare Sacramento Extremæ Unionis? disputatur in hac Decisione. Tres rationes Dianæ pro negativa opinione. At pro Affirmativa, quæ amplectitur, rationes decem ex Theologia, Jure Canonico, Scriptura Sacra, ac Medicina desumptæ.

SUMMARIUM.

- 1 Parochus moribundus, absente omni alio Sacerdote, an sibi possit ministrare Oleum Sanctum?
- 2 Rationes pro negativa opinione. Et num. 4. pro affirmativa.
- 3 Baptizare seipsum nemo potest. Et num. 28.
- 5 Sacramentum ibi fit, ubi est debita Materia, Forma, & Minister.
- 6 Plus cui licet, non est prohibitum minus.
- 7 Eucharistiæ extra Missam de per se Sacerdos sumere potest.
- 8 Medicus ægotans an sibi ipsi possit mederi?
- 9 Asclepiadis Medici cura, & mors.
- 10 Medicina spiritualis est Extrema Unctio.
- 11 Esse primum habens debet habere primum fruct.
- 12 Executor testamentarius quando possit retinere sibi elemosynam relictam pro pauperibus?
- 13 Sacramenta sunt capitale pretiosissimum comparatum meritis Christi.
- 14 Sacerdotes sunt tanquam Executores testamentarii Christi.
- 15 Causæ, quæ possent impedire, ne Sacerdos sibi det Extremam Unionem.
- 16 Sacerdotis officium est petere à Deo veniam de peccatis.
- 17 Papa potest sumere pro seipso Indulgentiam aliis concessam.
- 18 Presbyteri sunt ministri Extremæ Unionis.
- 19 Ministri in Sacramento Matrimonii sunt ipsi sponsi. Et num. 32.
- 20 Viduæ ab Eliseo ditata Oleo mystica significatio.
- 21 Humanior sententia amplectenda, ubi Jus non contradicit.
- 22 Dubia in benigniorem partem resolvenda.
- 23 Interpretatio plenissima faciendæ est in beneficiis.
- 24 Pluralis numerus significat etiam singularem.
- 25 Latrones, id est unus ex latronibus blasphemabat Christum.
- 26 Persona una, & eadem potest gerere vicem duarum.
- 27 Extrema Unctio datur per verba deprecatoria ad Deum.
- 28 Baptizare seipsum cur nemo possit? redditur ratio.
- 29 Absolvere sacramentaliter seipsum nullus valet. Et cur?
- 30 Sacramenta consentita in usu quando requirant ministrum alium à suscipiente?
- 31 Confirmare, nec ordinare seipsum nullus potest.
- 32 Opinio damnata, de relinquenda tutiori circa Sacramenta.
- 33 Opinio tutior, & probabilior quamnam sit?
- 34 Opinio minus probabilis in extrema necessitate eligi potest.
- 35 Medicina dubia adhiberi potest ægro periclitante.

Sed antequam à causa efficiente ad suscipientem transeamus, videlicet à Ministro hujus Sacramenti ad subjectum, seu personam, cui est conferendum, resolvenda est satis curiosa quæstio attingens eundem Ministrum, quæ est hujusmodi. Parochus in montanis curam, & residentiam habens distat ab aliis Ecclesiis, per

per quatuor milliaria, & ultra. Nul-
lum habet Sacerdotem, à quo tempo-
re suæ infirmitatis Sacramenta recipiat,
nisi aliquem ex comparochis distantibus
sibi afsiccat. Hunc Parochum ex abrup-
to aggreditur mortalis morbus angu-
1. næ, seu inflammatio maxima faucium,
& laryngis; addet ut pauca post horas
moribundus efficiatur, cum totali respi-
rationis, & deglutitionis impedimen-
to. Sentiens se penitus suffocari, nec
habere tempus expectandi alium Sacer-
dotem, animam suam Deo, omni me-
liori modo, quo potest, commendat;
& habens in cubiculo Oleum Sanctum,
sibi ipsi cum illo dat Extremam Un-
ctionem, solitos sensus inungens profe-
rendo formam consuetam, *Indulgeat*
mibi Dominus, & dicendo *quidquid*
per visum, (aliosque sensus respecti-
vè, dum illos inungit) *deliqui*. Qua-
ritur, an validè, & licitè prædictus
Parochus Sacramentum Extremæ Un-
ctionis impertiat sibi? Ad hunc ca-
sum, quem solum Dianam, & Mer-
cerum ab eo citatum examinare repe-
rio, & quos refert Lezana in *Summ.*
p. 3. V. Extrema Unctio num. 18. ab
iisdem respondetur negativè, his ratio-
nibus. 1. Quia S. Jacobus satis indi-
2. cat diversas esse personas infirmi, &
Presbyteri uncturi. 2. Quia substan-
tialiter mutatur forma quoad significa-
tionem verborum, non enim idem est;
*indulgeat tibi Deus quidquid deliqui-
sti*. Et *indulgeat mibi quidquid deliqui-
sti*. Sicut esset mutatio substantialis, si
quis diceret *Baptizo me*, ut docet S.
Thomas in 3. p. q. 66. art. 5. ad 4.
3. Quia Sacramenta, quæ perficiuntur
ipso usu, requirunt ministrum à susci-
piente diversum. Ita Diana Coordina-
tus tom. 2. tract. 4. resol. 41. desumpta
ex veteri part. 5. tract. 3. resol. 95. ubi
citatur Mercerus idem docens in 3. part.
de Sacramentis quest. 32. art. 5.

His tamen non obstantibus probabi-
liorem censéo affirmativam opinionem;
4. mihi enim videtur in præmissis necessi-
tatis casu, & deficiente omni alio Sa-
cerdote, Parochum moribundum vali-

dè, ac licitè sibi ministrasse Extremæ
Unctionis Sacramentum ex sequentibus
considerationibus, ac argumentis.

Primò, quia ubi intervenit Materia,
Forma, ac Minister proprius uniuscu-
jusque Sacramenti, ibi validè, ac lici-
tè ministratur idem Sacramentum. 5
Sed in hoc casu prædicta tria inter-
veniunt; quia Parochus hic moribun-
dus utitur Oleo Sacro, profert soli-
tam formam à Rituali præscriptam; &
ipse est ex officio Minister hujus Sa-
cramenti. Ergo absentibus aliis Sacer-
dotibus, validè, & licitè illud mini-
strat sibi.

Secundò: Cui licet, quod est plus,
prohibitum non censetur quod est mi-
nus. 1. Non debet. ff. de Reg. Jur. cap. 6
Cui licet 5. cod. tit. in 6. Barbola Axiom.
180. num. 2. ubi DD. Sed Sacerdoti,
in aliorum absentia, licet sibi ministrare
Sacrosanctam Eucharistiam extra Mis-
sam, ut probavi De Venerabili Euchar.
Sacram. Decif. 29. & ibi Diana Coordi-
natus d. tom. 2. tract. 2. resol. 39.
7 collecta ex veteri part. 11. tract. 7. re-
sol. 42. Emin. Card. de Lugo de Euchar.
disp. 18. num. 28. & de Lauræa cod.
tract. disp. 24. num. 67. & 68. Ergo
etiam Sacramentum Extremæ Unctio-
nis sibi ipsi præbere licebit, potissimum
in casu extremæ necessitatis.

Tertiò: Nemo inficiatur, licitum
esse Medico sapienti, sibi, dum ægro-
tat, præscribere, ac porrigere me-
dicinam. Ita notat Zacchias in 20.
Medico leg. tom. 1. libr. 6. tit. 1.
8 quest. 7. num. 31. & ratio manifesta
est; quia qui scit, & potest mederi
aliis, non censetur prohibitus me-
deri sibi. Imò Medicus tanquam ta-
lis obligatus videtur, ad sibi ipsi me-
dendum; juxta illud adagium à divi-
no Redemptoris ore prolatum, *Medi-
ce cura te ipsum*. Luc. 4. 23. Hinc de
quodam Asclepiade Medico scribit
Plinius libr. 25. cap. 2. quòd se jacta-
bat nullius alterius Medici ope indi-
gere, & seipsum sola arte sua ab om-
ni infirmitate præservare, nec vanum
locutus, quia ad summam per-
venit

venit senectutem, & è scala prolapsus obiit non ex infirmitate, sed ex illusione capitis in terram. Sacramentum Extremæ Unctionis est medicina à Christo Domino instituta ad alleviandam animam fidelem ab infirmitate tum spiritali ob reliquias peccatorum, tum corporali urgente aliquo gravi morbo, ut declaratum est in

10 *Sacro Concilio Tridentino sess. 24. de Extr. Unct. cap. 1.* Medicus ordinarius pro hoc pharmaco cœlesti exhibendo fidelibus periculosè ægrotantibus est omnis Sacerdos quo ad characterem: & omnis Parochus quo ad officium, ac Jurisdictionem. Sicut igitur prædictus Parochus est Medicus ordinarius spiritalis pro danda hac cœlesti medicina Extremæ Unctionis omnibus suis Parochianis graviter decumbentibus, poterit etiam eandem sibi valide, & licite ministrare in extremo vitæ, postissimum absentibus aliis Medicis similibus, nempe Sacerdotibus, à quibus possit eam petere, & obtinere. Facit dictum Baldi in

11 *l. Si plures, C. de Condit. Infort. videlicet Qui habet primum esse, habere debet primum frui.* In ordine mendendi infirmis in anima, & in corpore cœlesti hoc Sacramento, primus omnium est Parochus, ut probatum est supra *Decif. XI. num. 11.* Ergo debet etiam esse primus in fruendo ejusdem Medicinæ beneficio in proposito casu, eam sibi ipsi applicando, si nullus alius reperiatur Sacerdos, qui illam porrigat.

Quartò: Si quis relinquatur Executor testamentarius cum facultate dispensandi magnam pecuniæ quantitatem pro elemosyna pauperibus, potest aliquam partem ejusdem pecuniæ sibi applicare, si verè sit pauper, & 12 indigeat, ut docet S. Thomas 2. 2. *quest. 32. art. 9. ad 3.* & ibi Cardinal. Cajetan. Navarrus, Menochius, Vega, Cardin. Toletus, & alii Theologi, Canonistæ, ac Jurisconsulti, quos citat, ac sequitur Sanchez in *Decalog. libr. 6. cap. 11. num. 54.* cui adhæret

Collegium Salmanticense. in cursu Theologiz Moralis tom. 3. tract. 14. de *Contradictib. cap. 5. de Testament. num. 168.* Hujusmodi facultatis duæ sunt principales rationes: Una, quòd ipse Executor non debet esse deterioris conditionis, quàm sint alii pauperes in recipienda ipsa elemosyna. Altera, quòd idem executor repræsentat duas personas; illam scilicet testatoris in elemosyna elargienda; & suam ipsius tanquam egeni in eadem elemosyna recipienda: *l. Unum ex familia, §. Si ne falcidia. ff. de Legat. 2. Sanchez d. num. 54.* Modò septem Sacramenta Ecclesiæ sunt capitale quoddam pretiosissimum comparatum Sanguine, ac meritis Jesu Christi Redemptoris nostri ad subveniendum indigentis spiritalibus totius Ecclesiæ, juxta illud Principis Apostolorum, *Scientes, quòd non corruptibilibus auro, vel argento redempti estis &c. Sed pretioso Sanguine quasi Agni immaculati Christi. 1. Petr. 1. 18.* Capitale hoc, seu thesaurum Christus Dominus elargiendum misericorditer animabus indigentibus consignavit Sacerdotibus, quos tanquam suos executores testamentarios ad hunc effectum constituit, dicente Apostolo Paulo: *Sic nos existimet homo ut ministros Christi, & dispensatores mysteriorum Dei. 1. Corint. 4. 1.* Igitur Parochus moribundus, de quo in casu proposito, cum summè egeat auxilio thesauri prædicti, meritorum scilicet Christi, ac ejus pretiosi Sanguinis per applicationem Sacramenti Extremæ Unctionis, cujus ex officio est distributor, poterit illud sibi applicare, quocunque alio Sacerdote deficiente, ad levamen suæ spiritalis indigentiae, ad obtinendam venialium culparum remissionem, ad corroborandam animam suam contra insultus diaboli, & ad alios saluberrimos effectus ejusdem Sacramenti consequendos: Siquidem nihil impedit, quòd duarum personarum vicem gerat: Unius tanquam Sacerdotis, & Parochi in dando sibi hoc Sacra-

mentum; alterius, uti infirmi, & in extremo vitæ constituti, illudmet recipiendo.

Quintò: Si quid obstaret ne Sacerdos in casu extremæ necessitatis neque validè, neque licitè sibi conferret Sacramentum Extremæ Unctionis, illud esset, vel ob irreverentiam Sacramenti, vel ob indecentiam status Sacerdotalis; vel ob incongruitatem verborum, quæ pro forma ejusdem Sacramenti proferuntur. Sed nullum horum dici potest intervenire, dum Sacerdos moribundus seipsum Sacramentaliter ungit. Non Sacramenti irreverentia, quia devotè illud suscipit, & illud sibi ministrat virtute characteris Sacerdotalis, & Pastoralis officii, quod habet. Non indecentia sui status, quia etiam Sacerdotibus graviter decumbentibus hoc Sacramentum conceditur. Non incongruitas in verbis formæ ejusdem Sacramenti. Per istam Sanctam Unctionem, & suam piissimam misericordiam indulget mihi Dominus quidquid &c. deliquit: tum quia hæc forma deprecatoria est, petens humiliter à Deo remissionem culparum, & levamen à pœnis debitis ob ipsas culpas; est autem officium proprium Sacerdotum Deum suppliciter petere, ut peccatoribus parcat, juxta illud: *Inter vestibulum, & altare plorabunt Sacerdotes Ministri Domini, & dicent: Parce Domine &c. Joel. 2. 17.* Imò pro propriis delictis orare, ut ait *Eccl. 39. 7. Aperiet os suum in oratione, & pro delictis suis deprecabitur;* tum etiam quia quotidie in Missa Sacerdos ex officio poscit à Deo, ut indulgeat sibi omnia peccata sua, videlicet post Confessionem ascendendo ad altare, & dum illud osculatur dicendo: *Oramus te Domine per merita Sanctorum tuorum, quorum Reliquiæ hic sunt, & omnium Sanctorum, ut indulgere digneris omnia peccata mea. Amen.* Igitur si tantquam Sacerdos vestibus Sacris indutus, incepta Missa, orat Deum, ut ei indulgeat omnia peccata sua; cur veli-

mus asserere illicitum, aut prohibitum esse eidem Sacerdoti in articulo mortis, aliis Mystis absentibus, induere Cotta, & Stola, ac sibi Sacramentum Extremæ Unctionis ministrare; cum ejus forma consistat in orando Deum, ut per illam Sanctam Unctionem, ac suam piissimam misericordiam indulgeat ei quidquid per sensus, quos linit Oleo Sacro, deliquit?

Sextò facit, quòd Pontifex, qui concedit Indulgentiam aliis, potest etiam illam sumere pro seipso, ut docent ¹⁷ S. Thomas in 4. dist. 20. art. 5. quest. 4. Eminentiss. Cardin. de Lugo de Sacram. Pœnit. disp. 27. num. 6. Gobatus in Quinario tract. 4. num. 260. scilicet jejunando, & adimplendo ea, quæ mandavit adimpleri pro consequutione illius Indulgentiæ. Ergo etiam Parochus, qui jurisdictionem habet, & facultatem impetrandi indulgentiam culparum Venialium suis Parochianis periculose decumbentibus, ministrando illis Extremam Unctionem, poterit etiam sibi graviter decumbenti eandem indulgentiam lucrari, ministrando sibi Extremæ Unctionis Sacramentum.

Septimò: S. Jacobus in promulgando hoc Sacramento genericè dixit: *Infirmatur quis in vobis? Inducat Presbyteros Ecclesia &c. ad demonstrandum, quòd qui sunt Presbyteri possunt prædictum Sacramentum ministrare; non excipiendo de aliis tantum infirmis, non verò de seipsis, casu quo gravi infirmitate detineantur. Sed prædictus Parochus est Presbyter, cui convenit hujus Sacramenti administratio ex verbis S. Jacobi Apostoli; ergo etiam sibi poterit illud ministrare: attenta regula, quòd cui conveniunt verba dispositionis, debet convenire dispositio. l. 4. §. Toties. ff. de Damno infecto.*

Octavò: Argumentum forte pro hac opinione est, quòd etiam in Sacramento Matrimonii idem sunt Ministri, ac suscipientes; siquidem Theologorum, ac Canonistarum communis,

nis, & concors opinio est, quod ipsi contrahentes sunt illi, qui sibi ministrant Matrimonii Sacramentum, etsi ipsummet Sacramentum non consistat in re permanenti, prout Eucharistia, sed conficiatur in usu; ea ratione quia nihil repugnat naturæ Sacramenti Matrimonii, ut idem sit suscipiens, ac Minister; prout latè disputant, & docent Palaus de Matr. part. 3. disp. 2. punct. 4. num. 2. Collegium Salamanticen. tract. 9. cap. 3. num. 92. Biffus in Hierurg. Sacra Verb. Minister Sacramentorum. sub num. 171. §. 71. Mastrius in 4. Sent. disp. 7. num. 60 & seqq. ac aliis omisissis Eminentijs. Cardin. de Lauraz de Matr. disp. 13. art. 4. per totum. Igitur pari ratione in Sacramento Extremæ Unctionis idem potest esse qui ministrat, ac qui suscipiat, cum nulla sit repugnantia in identitate personæ ministrantis, ac suscipientis, ex eo quod confertur per unctionem sensuum, quam commode ipse Sacerdos Parochus, etsi infirmus, sibi ipsi facere potest, & per verba deprecatoria ad Deum, quæ pariter convenienter ab eodem valeat proferri ad impetrandam indulgentiam, remissionemque culpæ venialium; qua convenientia attenta conjuges conficiunt sibi Sacramentum Matrimonii, exhibendo consensum tamquam materiam, exprimendo eundem consensum per verba, aut rursus sufficientes tanquam formam; & agendo utramque uti Ministri.

Nono Confirmatur factò viduæ, cui Eliseus miraculosè multiplicavit
 10 Oleum in vasibus. 4. Reg. 4. 7. & cùm esset onusta debitis illi: Vide, vende Oleum, & vende creditori tuo; Itaque Vidua ipsa applicuit Oleum per venditionem, & obtinuit solutionem debitorum, ac liberationem; fuitque ipsa minister liberationis ejusdem, ac suscipiens, & fruens eadem liberatione. Peccata nostra sunt debita, quæ nobis à Deo remitti quotidie in oratione Dominicali flagitamus, dantes
 Dimitte nobis debita nostra. Chri-

stus Dominus mysticus Eliseus imperavit Ecclesiæ suæ Oleum Sacramenti Extremæ Unctionis. Parochus Sacerdos, etsi infirmus, ac debitis spiritualibus oneratus repræsentans Ecclesiam applicat sibi valorem ejusdem Olei, ungendo sensus suos cum debita forma deprecatoria. Igitur reportat solutionem, ac liberationem à suis debitis, adinuat prædictæ Viduæ edoctæ ab Eliseo per Olei valorem se à debitis liberare. Satis propriè S. Augustin. in serm. 206. de Temp. quem reterit Cornel. à Lapide in 4. Reg. 4. Vers. 3. Veniente vero Eliseo Christo Domino Viduæ, hoc est Ecclesiæ, per augmentum Olei, id est donum gratiæ, & misericordiæ, vel charitatis pinguedine de peccatorum debito liberatur. His addi potest exemplum Ruth, cui Noemi ejus Socrus, ut pulchra appareret Boëz, imperavit ita: Lavare, & Ungere, & induere cultioribus vestimentis. Ruth 3. 3. Hæc Ruth est symbolum animæ Christianæ deturpatæ ob peccata: Ut pulchra reddatur Deo: lavat se in Sacramento Poenitentiae, Ungit se (si characterem Sacerdotalem habeat) Oleo Sacro in Extrema Unctione; induitque vestes Theologalium virutum.

Decimò, & ultimò facit; nullam extare legem Ecclesiasticam, vel divinam, quæ prohibeat Sacerdoti infirmo sibi ministrare Sacramentum Extremæ Unctionis; prout extat de non ministrando sibi ipsi Baptismo, ut infra demonstrabitur. Igitur in humaniorem Sententiam esse declinandum, juxta verba Honorii Papæ III. in cap. fin. de Transact. sic dicentis: In his, in quibus vis non invenitur expressum, procedas, æquitate servata, in humaniorem partem, secundum quod personas, & causas, & loca, & tempora videtur postulare. Humanior sententia est asserere, quod Parochus infirmus possit Oleum Sacrum sibi ministrare, ne perdat fructum, & effectus proficuos illius Sacramenti; attenta qualitate personæ characterem
 O a Sacer-

Sacerdotali insignitæ; tempore mortis, in quo est constituta; & loco, in quo deest quilibet alius Sacerdos; & ad quem opportunè non potest vocari. Idem etiam docet Jurisprudentia civilis, nam in *l. Semper in dubiis. ff. de Regul. Jur.* dicitur: *Semper in dubiis benigniora præferenda sunt*: & replicatur in *l. Ea quæ in partes. ff. eod. his verbis*: *In re dubia benigniorem interpretationem sequi non minus iustus, quam tutius est*. Quæ verba considerans Gobatus in *Quinario tract. 1. num. 77.* subdit: *Si tutius, ergo melius, honestius, consultius*: quod confirmatur in *l. Si fuerit. ff. De Rebus dub.* dicente: *In ambiguis rebus humaniorem sententiam sequi oportet*. Quapropter cessante quacunque irreverentia Sacramenti, & incongruitate circa ejus naturam, institutionem, atque finem, eum agatur de spiritali auxilio, ac beneficio animæ, & corporis ejusdem

²³ moribundi Parochi, probabilius est affirmare, quod possit sibi ipsi ministrare Extremam Unctionem, quia plenissima interpretatio in beneficiis est facienda. *cap. Quamvis. De Præben. in 6. l. Beneficium. ff. De Constit. Princip.*

His ita firmatis, restat respondere rationibus, quibus innixi Diana, & Mercerus amplexi sunt opinionem contrariam negativam; quamvis in puncto Juris prædictæ rationes parùm stringant, & nihil concludant. Nam

Quo ad primam rationem; quod scilicet verba S. Jacobi fatiis demonstrent, Sacerdotem ungentem Oleo Sancto infirmum esse debere alium ab eodem infirmo, non inferunt hanc necessitatem, nisi infirmus sit Laicus non habens ordinem Presbyteratus; ait enim Apostolus: *infirmatur quis in vobis? inducat Presbyteros Ecclesiæ, & orent super eum, ungentes eum oleo in nomine Domini*. *Jacob. 5. 14.* Ad hæc verba notant SS. Patres, ac DD. quos citat Bonacina *de Extr. Unct. disp. 8. quæst. Unic. punct. 4. num. 7.* per nu-

merum pluralem, quo dictum est inducendos esse Presbyteros, ut orene, & ungant infirmum, intelligi numerum singularem; itaut sensus sit, inducatur aliquis ex Presbyteris Ecclesiæ; prout in numero singulari intelligitur dictum in plurali ab Evangelista, quod latrones crucifixi cum Redemptore improperabant ei, idest non ambo, sed unus tantum eorum. *Marc. 25. 32.* ut expressè scribit S. Lucas 23. 39. ibi: *Unus autem de his qui pendebant latronibus, blasphemabat eum dicens &c.* At nemo ex SS. Patribus, aut expostitoribus Sacræ Scripturæ docet, Presbyterum ungentem esse debere diversum, & omnino alium ab infirmo, quem ungit: sed si detur infirmus, unusque habeatur Sacerdos, is possit Oleo Sancto ungere eundem infirmum periculosè decumbentem. Sequitur ergo, quod licet idem sit infirmus, ac Sacerdos, absentibus quibuscunque aliis Sacerdotibus, possit ipse vicinus morti seipsum Sacramentum Extremæ Unctionis munire; sicut potest seipsum Sacro Viatico communicare; gerit enim vicem duarum personarum, infirmi, ac Sacerdotis; hujus quidem, seipsum ungens, cum sit Sacerdos, imò, & Parochus, ad quem ex officio talis actio Sacræ Unctionis spectat; illius autem, quia vorè infirmus est, & proximus morti; & est notissimum in jure, quod una, & eadem persona potest gerere vicem duarum personarum ob diversos respectus; & exercere in se ipsa actus subjectionis, & prælationis, ut docet Glossa in *cap. Queritur. 2. q. 1.* & scribunt Abbas, & Decius in *cap. Sayè. De offic. deleg. Chassaneus in Catalog. glor. Mund. part. 11. confid. 12. in fine.* Menoch. *conf. 902. num. 71.* & Gratian. *discept. for. cap. 298. num. 2. 26. 46.* nec non *cap. 718. num. 19. & 20.* ubi jura, & DD. cumulat ostendentes, quod una, & eadem persona potest considerari, & reputari tanquam duæ personæ, ob diversas facultates, seu exercitia. ipsimet com-

competentia; prout in casu nostro Parochus infirmus proximus morti, ungit se oleo sacro, administrans sibi Sacramentum Extremæ Unctionis tamquam Parochus, & recipit idem Sacramentum tamquam infirmus graviter decumbens; omni enim infirmo graviter decumbenti competit jus, & facultas recipiendi Oleum Sanctum, & omni Parocho illud ministrandi. Et hæc duæ facultates, duæ functiones in eadem persona Parochi nullam habent incongruitatem, vel inconvenientiam, cum fiant per modum curationis, & medicinæ; nihilque sit incongruum, aut inconveniens, ut Medicus sibi ipsi infirmanti eligat, ac porrigat medicinam; eamque à seipso suscipiat, ut dictum est supra.

- Quod ad secundam rationem Dianæ afferentis, quod substantialiter mutaretur forma quo ad significationem verborum, quia non est idem dicere; *Indulgeat tibi Deus quidquid deliquisti; Et Indulgeat mihi quidquid deliqui*, sicut mutaretur in baptismo, si quis diceret *Baptizo me* &c. quo, inquam, ad hanc rationem, negatur assumptum; siquidem, ut patet ad sensum, cum hoc Sacramentum Extremæ Unctionis conficiatur per viam orationis, & per verba deprecatoria, hæc non mutant significationem substantialem formæ, quæ implorat à Deo remissionem culparum per sensus inunctos commissarum, quamvis proferantur ab ipso infirmo, si sit Sacerdos; convenit enim etiam ipsi infirmo Deum deprecari pro remissione suarum culparum. Neque adaptari potest exemplum baptismi, in quo mutatur forma substantialiter, si quis dicat *Ego baptizo me*; quandoquidem magna est differentia inter baptismum, & Extremam Unctionem quo ad unius, & alterius significationem. In baptismo significatur generatio
- 27 spiritualis; nullus autem potest generare seipsum, & ideo neque seipsum baptizare, ut ait Innocentius III. in cap. *Debitum*. 4. de Baptismo, his

verbis: *In baptismo quippe illa spiritualis generatio celebratur, de qua veritas ait; oportet vos nasci denuo; quia nisi quis renatus fuerit ex aqua, & Spiritu Sancto, non intrabit in regnum cælorum. Sicut ergo in carnali generatione, qua proles ex viro, & femina nascitur, alius est, qui carnaliter gignit, & alius qui carnaliter gignitur: sic & in Sacramentali generatione, qua soboles ex aqua, & Spiritu Sancto renascitur, alius debet esse, qui spiritualiter generet, & alius qui spiritualiter generetur: quod fuit disputatum in meis Decisionibus de Baptismo Decis. XXXVI. Et idem dicendum venit de Sacramento Pœnitentiæ, quod confertur per modum iudicii, in quo alius debet esse Iudex, & alius reus, & ideo nemo potest seipsum absolvere Sacramentaliter à peccatis, sicut non potest seipsum baptizare, ut latius differit Mastrius in 4. Sent. disp. 7. num. 63. Verum non ita argumentandum est in Sacramentis Eucharistiæ, & Extremæ Unctionis; nam cum Eucharistia ministratur per modum cibi, potest Sacerdos eam sibi ipsi ministrare, etiam extra Missam, absente alio Sacerdote, ut concedit Diana in Coordinato tom. 2. tract. 2. resol. 39. ea ratione, quia naturale est, ut quis ministret sibi alimentum, & seipsum cibet. Eadem ratione potest Sacerdos infirmus, absentibus quibuscunque aliis Presbyteris, seipsum Oleo Sancto linire; nam talis unctio fit per modum medicinæ ad sanandas reliquias peccatorum, & per viam orationis, ac deprecationis ad Deum; quilibet autem Medicus potestatem habet dandi medicinam etiam sibi ipsi ægotanti; & quilibet fidelis, præcipue Sacerdotio insignitus, habet facultatem orandi, & deprecandi Deum pro culparum propriarum remissione.*

Quo ad tertiam rationem, in qua Diana se fundat, nempe quod Sacramenta, quæ perficiuntur ipso usu requirunt Ministrum diversum à seipiente; pariter respondetur, non esse

esse veram, nisi in illis Sacramentis, quorum natura requirit præsentiam diversitatem, ut dictum est de Baptismo, & de Pœnitentia, & dici potest de Confirmatione, & de Ordine; quæ quidem duo Sacramenta sunt homogenea cum Baptismo, tum quia, & ipsa imprimunt characterem; tum etiam quia gratia sanctificans, quæ datur per Confirmationem, est ejusdem speciei cum gratia baptismali, & facit eundem habitum cum illa, ut dicitur declarat Eminentiſſ. Cardin. de Lauræa de Sacram. Confirm. disp. 3. à num. 74. & seqq. & per consequens requirit ministrum diversum à suscipiente, ut necessarium est in baptismo. Similiter Sacramentum Ordinis elevat ordinatum ad dignitatem, & potestatem Ecclesiasticam pro aliis Sacramentis respectivè conficiendis, & ministrandis; nemo autem à seipso elevatur, sed à Deo mediantibus Episcopis, Dei ministris, debet elevari juxta illud Apostoli ad Hebr. 5. 4. *Nec quisquam sumit sibi honorem, sed qui vocatur à Deo tamquam Aaron*: quem locum explicat Cornelius à Lapide dicens: *scilicet quod debeat non se ingerere, & intrudere, sed assumi, & eligi à Deo ad Sacerdotium, sicut electus est Aaron, ejusque posteri*. Igitur manifesta est ratio, cur nemo possit vel confirmare, vel ordinare seipsum; sed suscipiens Sacramenta Chrismatis, vel Ordinis debeat ea ab alio Ministro suscipere. At diversa est ratio in Sacramento Extreme Unctionis, quod ad medicandum animæ per viam deprecationis ab habente characterem Sacerdotalem confertur, & nihil implicat, quòd consistat in usu, & non in re permanente quandoquidem etiam Sacramentum Matrimonii, quod tale est, habet unam, & eandem personam pro ministro, & suscipiente. nempe conjuges ipsos contrahentes, qui sibi ipsis illud ministrant, vel murò, secundum aliquos DD. vel utrumque sibi, secundum alios Theologos, ita tamen ut ambo integrent unum mini-

strum, & verificetur in ipsis, quòd eadem est persona ministrans, & suscipiens. Matruus in 4. Sent. d. disp. 7. num. 60. & ante illum Sanchez de Matrim. lib. 2. disp. 8. quipropter incongruum non videtur, ut etiam in Sacramento Extreme Unctionis, etsi relevante suum esse in usu, aliquando eadem persona sit ministrans, ac suscipiens, veluti Parochus moribundus, destitutus assistentia cujuslibet alterius Presbyteri; si seipsum Oleo Sancto, servata forma Ritualis Romani, liniat.

Sed dicit aliquis, quomodo poterit talis Parochus ministrare sibi Extremam Unctionem iuta conscientia contra opinionem duorum Theologorum Merceri, & Dianæ, si inter Propositiones damnatas ab Innocentio Undecimo hæc prima in ordine est, quæ asserbat: *Non esse illicitum in Sacramento conferendis qui opinionem probabilis de valore Sacramenti, relicta tutore?* Respondetur, posse tuta conscientia prædictum Parochum moribundum innungere seipsum Oleo Sancto duplici motivo: Uno, quia hæc opinio affirmativa est probabilior, & tutior, siquidem falsa est pluribus, ac fortioribus rationibus, nullum continet errorem, & à nullo textu canonico est damnata; quæ tria faciunt opinionem probabilioris. Bordonus de Opin. prob. cap. 5. num. 37. non autem major numerus Doctorum. Mascard. de Probat. concl. 1142. num. 3. & 5. Thyrsus Gonzal. de Rele Uso opin. probab. differt. 13. num. 103. ubi DD. concordantes Altero, quia ipse Parochus moribundus est in extrema necessitate, eò non habet alium Sacerdotem, à quo sibi ministraretur Oleum Sanctum, & casus iste non comprehenditur in propositione de eligenda opinione tutiori. Cardenas in Cr. si Thol. differt. 2. num. 5. & Dissert. 4. num. 48. & 49. ubi reddit hanc rationem; non enim dicimur relinquere, nisi quæ possumus adhibere; idcirco absente quocunque alio Presbytero,

tero, ne moriatur absque hoc Sacramento licet illud sumit à seipso; nam in extrema necessitate etiam tenuis probabilitas opinionis sufficit, & qui cum ea ministrat Sacramentum non peccat, ait Cardenas de Probabilitate *tract. 1. disp. 15. num. 343.* Facit regula illa, quod ægro periclitanti potius est adhibere medicinam dubiam, quàm nullam, saltem si non sit obfutura. Sanchez *lib. 1. Moral. cap. 9. num. 39.* & Gobarus in *Experim. Theol. tract. 2. num. 36. & 37.* maxime cùm agatur de medicina spiritali pro anima ipsius moribundi; attendita alia regula docente, quod ibi non intervenit temeritas præsumptionis, ubi est diligentia pietatis. *cap. Si nulla. de Consecr. dist. 4.*

DECISIO LXXVI.

ARGUMENTUM.

Firmatur, quod Oleum Sanctum non est ministrandum homini mortuo, sed tantùm Viatori, ac viventi. Præmittitur definitio, ac divisio Mortis, nec non causa ejus intrinseca, nempe extinctio caloris naturalis, & humidi radicalis. Si Adam non peccasset, homines non morentur, quia edentes de fructu Ligni Vitæ positi à Deo in Paradiso terrestri, se semper fanos, ac felices servassent. Quæsitæ plura, ac curiosa de eodem Ligno Vitæ. Explicatio septem ætatum hominum. Rationes sex, ob quas Mortui sunt incapaces Extremæ Unctionis. Objecta duo, & eorum resolutio, quod olim mortui Oleo Sancto liniuntur.

SUMMARIUM.

1. Subjctum Extremæ Unctionis duplex, Proximum, & Remotum; & quale sit utrumque?

2. Conditiones quinque necessariæ in recipiente Extremam Unctionem.
3. Homini viventi datur Oleum Sanctum, non autem mortuo. Et num. 21. & 25.
4. Mortis definitio. Et quoruplex sit Mors?
5. Vita hominis consistit in calore naturali, & humido radicali.
6. Calor naturalis in homine quomodo extinguatur?
7. Humidum radicale an consumatur à calore naturali?
8. Causa mortis naturalis quanam sit in homine?
9. Clerici cur citius moriantur?
10. Adam si non peccasset, homines non morerentur. Et cur?
11. Lignum vitæ creatum à Deo, cur dictum ab hebræis Lignum Vitærum?
12. Immortales an fuissent homines esu Ligni vitæ?
13. Homo comedendo de Ligno vitæ longo tempore vixisset, sed non infinito.
14. Aeternum quid significet in Scriptura Sacra?
15. Mosayca Lex quomodo esset servanda in æternum?
16. Lignum vitæ in Terrestri Paradiso an esset unum, vel plura?
17. Etates hominum quæ? & quæ sint?
18. Senes ex parvis passionibus moriuntur.
19. Mors senum decrepitorum sine dolore.
20. Læstia ingens causas improvisam mortem.
21. Mortui ob sex rationes sunt incapaces Oleo Sancto.
22. Mortui antiquitus Oleo Sancto ungebantur. Et num. 25.
23. D. Lucas d' Achery; & D. Joannes Mabillon Monachi Congregationis S. Mauri in Gallia Auctores sæculorum Benediclinorum.
24. Mortua filia Regis Francorum liniuntur Oleo Sancto à B. Theoderico Abbate, & reviviscit.

- 25 Mortuorum unctio antiquitus non erat Sacramentalis.
- 26 Mystica significatio Unctionis mortuorum.
- 27 Infirmi olim oleo lampadarum, vel simpliciter benedictio ad solam curationem ungebantur.
- 28 Monachi, ac etiam Abbates olim Ordinibus Sacris non initiabantur.
- 29 Simile non est idem.
- 30 Facta multa Sanctorum sunt admiranda, non imitanda.
- 31 S. Edda Abbatisa, ac ejus Montales nasum, & labia fiji obtruncant, ad Virginitatem servandam.
- 32 Infirmo moriente ante completas unctiones Olei Sancti, desistendum.
- 33 Conditionaliter dandum Oleum Sacrum infirmo, quem exspirasse dubitatur.

Satis abundè hucusque egimus de Ministro Sacramenti Extremæ Unctionis; nunc differendum est de illius subjecto; quod quidem est duplex, proximum, & remotum. *Mastrius in 4. Sent. disp. 6. num. 103.* Subjectum proximum sunt ipsa sensuum organa immediate inungenda, de quibus egimus supra *Decis. LXXVI. & Decis. LXXVII.* docendo numerum, & ritum Unctionum in ministrando hoc Sacramento faciendarum. Subjectum autem remotum, secundum omnes Theologos, ac Summissas, est Homo Viator, Baptizatus, Adultæ ætatis, Infirmus, ac morti probabiliter proximus; nec non Pœnitens, & dolens de peccatis. Idem *Mastrius ubi prox. num. 104. Suarez in 3. p. D. Thom. tom. 4. disp. 42. sect. 1. Bonacina de Extr. Unct. disp. 8. quæst. Unica, punct. 5. Emin. Card. de Lauræa de cod. Sacram. disp. 11. art. 12. & passim omnes.* Igitur quæque conditiones requiruntur in homine, ut sit subjectum capax Extremæ Unctionis, videlicet, ut sit Viator, seu Vivens; ut sit Christianus, in ætate adulta, infirmus, ac probabiliter proximus morti, nec non, pœnitens, ac de peccatis dolens, de quibus omnibus specificè est differendum.

Prima itaque conditio est; ut sit Homo viator, seu vivens; non autem mortuus. Pro ornatu conditionis hujus sciendum, quod Mors est recessus Animæ à corpore secundum Aristotelem *lib. de 4. Morte: sive Mors est animæ, ac corporis dissolutio*, ut ait *Ludov. Vives apud Polyant. Verb. Mors*. Est autem duplex, Naturalis, & Violenta. Mors naturalis est, quæ causatur à principio intrinseco, hoc est, à calore consumente humidum radicale. *Arist. lib. de Juventute, & Senect. cap. 14. & ibi Maurus in Comment. tom. 4. pag. 703.* Siquidem vita hominis consistit in duratione caloris, & humidi radicalis; de quo natura providit viventem, ut eo tanquam pabulo calor naturalis conservaretur, ac foveretur, cum de per se ipse calor facilimè exhalet, & dissipetur; & dicitur radicale, quia est radix totius arboris humanæ; homo enim vocatur arbor eversta, substantiam suam attrahens ab eodem humido radicali, ut dicitur *Mastrius in lib. de Generat. & Corrupt. disp. 8. num. 120.* ubi ait, nihil aliud esse mortem, nisi extinctionem caloris naturalis; unde aliqui significaverunt vitam, & mortem duabus mundi partibus, Meridionali; quæ est calida, & Septentrionali, quæ est frigida, & *num. 121.* ubi explicat species humidi radicalis, comparans illud oleo, cujus unctuositate deficiente extinguitur ignis; idem dicens de calore naturali dum deficit humidum radicale. Violenta autem Mors illa appellatur, quæ provenit à principio extrinseco, ut sunt morbus, ferrum, venenum, influxus cœlestis, corruptio aeris, respirationis impedimentum, ut bene declarat ex Medicis *Zacchias in 22. Medicoleg. lib. 1. tit. 2. quæst. 1. & num. 41. & seqq. & ex Philosophis Mastrius d. disp. 8. num. 120.*

Disputant verò Philosophi quomodo corruptum, & pereat calor naturalis? Alii enim volunt ipsum corrumper, quia nativa complexio distemperatur ab alimentis, vel superfluis, vel malæ qualitatis, & ex eorum infectione humidum radicale amittit

- amittit suam virtutem nutritivam caloris, qui propterea necessariò extinguitur; adinstar lucernæ, cujus oleum amisit suum oleositatem, & remansit cum sola terrestritate. Alii verò ex magis communi opinione docent, quòd calor corrumpitur ob suam actionem, quam incessanter habet tum in alimentum, tum in humidum radicale. Ratio evidens est, quia *omne agens in agendo repatitur*; idcirco calor naturalis agendo in alimentum, quod aliquoties est illi contrarium, & dissimile, repatitur ab illo, & consequenter debilitatur; ac progressu temporis alimentum non convertitur in perfectam substantiam, & sic homo cogitur paulatim senescere, & mori. Pari modo calor naturalis agit incessanter in humidum radicale, & cum ipse calor ex sui natura sit subtiliativus, segregans partes subtiliores à crassioribus, destruit humidum ipsum, illud exsiccando, & terrestrius reddendo; adeò ut reducatur ineptum ad conservandum eundem calorem; qui propterea cum non reperiat amplius pabulum suum, idest humiditatem, qua alitur, & nutritur, evanescit, & anima cessat informare corpus, deficiente calore; sicque mors contingit, ut demonstrat idem Marius d. 4. sp. 8. num. 125. & seqq.
- 8 concludens, deficientiam humidi radicalis causare mortem viventis, quia calor, naturalis subsistere non potest in sola siccitate, vel in sola frigiditate; & hinc est, quòd qui majorem latitudinem humiditatis radicalis possidet, longius vivit; qui verò minorem citius moritur, & idèd colerici breviorem vitam obtinent ob nimiam
- 9 siccitatem destructivam humidi; pro ut etiam slegmatici, ac melancholici propter copiam terrestritatis existentis in humido, ob quam calor diu conservari non potest, & ab eadem suffocatur.
- 10 Porro hæc irretractabilis sententia, & inevitabilis necessitas moriendi imposita est homini post Adæ peccatum;

quandoquidem si Adam non peccasset, mortis ictum nescisset, quia conservasset jugiter, & indefinenter in se ipso calorem naturalem, ac humidum radicale comedendo de ligno vitæ, de quo ita legitur in *Genes. cap. 2. Vers. 9. Produxitque Dominus Deus de humo omne lignum pulchrum visu, & ad vescendum suave; Lignum quoque VITÆ in medio Paradisi*. Circa hoc *Lignum Vitæ*, nempe Arborem vivificam, & vitalem, notant Scripturistæ, quòd Hebræi legunt *Lignum Vitarum* ob quatuor causas. *Prima* est, quia fructus illius ligni, seu arboris reddidisset vitam hominis tam longam, quàm nunc sunt mulierum vitæ; itaut si nunc vita nostra durat centum annos, tunc edendo de fructu illius arboris vixisset homo etiam usque ad quatuor millia annorum, & sic per quadraginta vitas ævi nostri. *Secunda* causa est, quia quilibet homo dicitur habere tres vitas, vegetativam, sensitivam, & intellectivam; & quia fructus ejusdem arboris conservasset longissimas has tres vitas, ob hanc rationem dicebatur *Lignum Vitarum*. *Tertia* est, quia prædictæ arboris fructus non solum servasset perennem vitam Adæ; sed etiam ejus descendentium, ac posterorum omnium, qui ex eo comedisent. *Quarta* vero est, quia appellatione vitæ intelligitur non solum vita naturalis, sed vita humana, jucunditate, ac felicitate fruens, siquidem existentes in miseriis non dicuntur frui vitæ, sed mortem pati, juxta illud damnatorum: *Mors depascet eos*. *Psal. 48. 15.* idcirco quia fructus ligni vitæ comesti ab hominibus fecisset eos vivere vitam felicissimam, suavem, ac omni voluptate plenam, hac de causa vocabatur ab hebræis *Lignum Vitarum*. Ita eruditissimus Garzias de Londegno in sua Synopsi Sacri libri *Genesis part. 1. ad d. cap. 2. Vers. 9. quæst. 1.*

Disputant Expositores Sacræ Scripturæ, an comestio fructuum illius arboris, ac ligni vitæ fecisset homi-

nes omnino immortales? Vel tantummodo conservasset eos in vita longo tempore? Alii opinantur, quod habuisset vim conservandi vitam hominum infinito tempore; primò, quia post peccatum Adam expulsus est à Paradiso terrestri, & ejus porta data est Angelo in custodiam, ne in illum reverteretur Adam ad comedendum de ligno vitæ, & ad effugiendam mortem. *Genes. 3. 24.* Ergo si potuisset de eo comedere, vixisset in æternum. Secundò, quia si non peccasset, numquam obiisset; igitur semper in vita cibis ille eum conservasset. Tertiò fructus ejusdem arboris habebat vim fovendi calorem naturalem, acque tuendi humidum radicale juxta proportionem, ac mensuram utriusque habitam à principio in productione hominis. Ergo homo semper, & infinito tempore vixisset. Ita ratiocinantur Rupertus *libr. 3. de Trinit. cap. 30.* & Tostatus *super cap. 13. Genes. qu. 175.* E contra alii tenent, quod homo manducando fructum arboris vitæ non vixisset infinito, sed longissimo tantum tempore, quousque

13 Deus de Viatore fecisset illum Comprehensorem, scilicet assumendo illum de hac terra in cælum Empireum absque ullo dolore, aut molestia. Probant hanc opinionem. *Primò* quia opus fuisset in illa arbore virtute infinita, quam tantum quid creatum habere non poterat. *Secundò* quia natura humana est corruptibilis tum ex elementis, tum ex humoribus, quibus constat, quæ invicem pugnant, & se destrunt. *Tertiò* quia calor naturalis quotidie fit debilior agendo in alimentum, juxta regulam Philosophorum, *omnis agens agendo repatitur*. Humidum verò radicale de die in diem consumitur, & eo deficiente, vel penitus extrementitio facta, suæque unctuositate finita, calor ipse extinguatur; idè fructus illius arboris potuisset quidem servare utrumque longo, sed non infinito tempore. *Quartò* quia si habuisset virtutem conservandi vitam hominis tempore infinito, virtus illa fuisset superflua, quia

homo non erat creatus, ut semper staret in hac terra; sed post definitum à Deo tempus transiret in Cælum. Idcirco hanc opinionem amplectitur S. Thomas 1. p. qu. 97. art. 4. Et ibidem Cajetanus. Item Durandus in 2. *Sent. dist. 19. q. 1.* Pererius, ac Cornelius à Lapide in d. cap. 2. *Genes. Vers. 9.* Neque obstat, quod Deus ejiciendo Adam post peccatum de Paradiso dixerit, *Ne forte mittat manum suam, & sumat etiam de ligno vitæ, & comedat, & vivat in æternum*. Nam respondetur, quod *is in æternum* in Scriptura Sacra, & apud Hebræos, ut plurimum, non significat æternitatem; sed longum quidem, at restrictum, & determinatum tempus; prout *Genes. cap. 6. Vers. 3.* ait Dominus, *Non permanebit spiritus meus in homine in æternum*, idest longam primorum patrum ætatem, eruntque dies illius centum viginti annorum. Sic promissit Deus Abraham *Genes. 17. 8.* *Dabo tibi, & semini tuo Terram Chanaan in possessionem æternam*, idest pro longissimo tempore, sed finem habituro. Ita dictum fuit Hebræis: *Vos habebitis famulos, & hereditario Jure transmittetis ad posteros, ac possidebitis in æternum*. *Levit. 25. 46.* hoc est usque ad quinquagesimum annum, qui jubileus erat, in quo iisdem libertas erat concedenda. Simili modo dictum fuit, quod Deus posuit sibi populum Israel usque in æternum. 1. *Paral. 17. 22.* Et quod Lex data Moysi in æternum esset duratura: *Custodi verbum istud legitimum tibi, & filiis tuis usque in æternum*. *Exod. 12. 24.* videlicet donec, & quousque veniret Messias, qui novam legem Evangelicam daret cunctis gentibus, ut bene observat idem Cornelius à Lapide in *Can. 4. ante Pentateuch.* nec non in *Genes. d. c. 2. Vers. 9.* ubi allegat testimonium Jeremiæ, cujus ore Deus ait: *Ecce dies venient, dicit Dominus, & feriam domum Israel, & domum Juda sœdus novum; non secundum pactum, quod pepigi patribus vestris*. *Jer. 31. 31.*

16 Sed utrū illa arbor fuerit una tantū, vel plures numero? & an ex eadem comederit Adam, antequam eiceretur ē Paradiso? Et num ipsa haberet virtutem naturalem, vel supernaturalem conservandā vitam hominum longissimo tempore? sūnt quæstiones videndæ apud Molinam, Pererium, & Cornelium à Lapide *in d. cap. 2. Genes. Vers. 9.* apud præfatum Garziam de Londogno *in Synopsi ubi supra qu. 2.* & Maltrium *de Generat. & Corrupt. d. disp. 8. num. 135.* Satis enim hic est notare, quod ante transgressionem primorum parentum præparatum erat pharmacum in illa arbore ad vivendum cum omni sanitate, ac felicitate, longissimo tempore, & multis annorum millibus; nunc autem rari sunt qui ex hominibus perveniant ad septimam eorundem ætatem.

Sed dicit aliquis, *Quæ, & quot sunt ætates hominum?* Respondet ipse Malt. *ead. disp. 8. n. 127.* eas septem esse; Infantiam, Pueritiam, Adolescentiam, Juventutem, Virilitatem, Senectutem, & Decrepitatem. *Prima* est infantia, quæ durat ab ortu hominis usque ad annum sextum, quo tempore dicitur infans, quasi non fons, quia nascitur mutus, & usque ad dictum annum discit loqui, vocaturque Lunarum ob nimiam humiditatem, cujus præcipua causa est Luna. *Secunda* est pueritia, sic dicta à puritate, durans usque ad decimumquintum circiter annum; diciturque Mercurialis, quia tunc homines incipiunt discurre, & scientias addiscere, quibus præest Mercurius inter planetas. *Tertia* est adolescentia usque ad annum 21. in foeminis, vel 25. in maribus à verbo adoleo, quod est thus Diis incendere; siquidem in hac ætate mares, & foeminae in amorem ardent, & sibi quasi odores sacrosantos promunt, unde hæc ætas appellatur Venerea, quoniam apta sit ad generationem. *Quarta* est Juventus usque ad annum 40. & vocatur Solaris ob floriditatem membrorum. *Quinta* est virilitas usque ad annum 50. ob virium fortitudinem, & tribuitur Mar-

ti, cujus proprium est robur. *Sexta* est Senectus usque ad 65. annos; diciturque Jovialis, quia subijcitur Jovi propter gravitatem, prudentiam, & præminentiam. *Ultima* est decrepitas usque ad finem vitæ; & tribuitur Saturno, qui est causa frigiditatis, siccitatis, pigritiæ, tristitiæ, aliarumque imperfectionum, quibus decrepiti sciant. Duo tamen hic sunt notabiliter observanda, quæ dicit Aristoteles de senibus in decrepita ætate constitutis; *Unum* est, quod hi ex parvis etiam passionibus, & morbis moriuntur, ea ratione, quia hi parum caloris habent, & hic facile extinguitur. *Alterum*, quod jam fenes decrepiti moriuntur sine dolore, quandoquidem defectus caloris causat in eis quamdam insensibilitatem. Ita Arist. *in libr. de Juventute, ac Senect. cap. 14. art. 1. num. 4. & 5.* & ibi P. Sylvest. Maurus Soc. Jesu *tom. 4. pag. 704.* idemque Malt. *de Generat. & Corrupt. d. disp. 8. num. 124.* His addo *Tertium*, quod scilicet nimium gaudium, & ingens lætitia causat improvisam mortem, quia opprimit calorem naturalem. Exempla plura de mortuis ex abrupto ob nimiam lætitiā reperiet curiosus Lector apud Cornel. à Lapide *Commentar. in Lucam cap. 1. sub Vers. 47.*

His ad ornatum materiæ de morte hominum constitutis, reassumendo primam conditionem subjecti, cui ministrandum sit Oleum Sanctum, *21* ea est, ut sit Homo Viator; idest *Vivens*; nam homo mortuus non est capax Sacramenti Extremæ Unctionis. Hoc Theologi confirmant rationibus sequentibus. 1. Quia omnia Sacramenta sunt instituta ad salutem hominum viatorum. Ergo non mortuorum. 2. Quia Extrema Unctio delet venialia, augeat gratiam, & aliquando alleviat morbum corporalem; horum autem effectuum non est capax alius, nisi homo vivens. 3. Ex dispositione necessaria in ipso subjecto, nempe actus Penitentiae, quos mor-

tui elicere non valent. 4. Quia de fide definitum est in Conc. Trid. *sess. 14. de Extr. Unct. cap. 3.* solum hominem infirmum esse subiectum hujus Sacramenti. Non igitur penitus mortuum. 5. Quia hoc Sacramentum ex opere operato solvit à venialibus; mortui autem neque solvi, neque ligari possunt in peccatis. *cap. Legatur. cap. Nec quisqu. m. 24. qu. 2.* Tandem quia Sacramenta non possunt indignis conferri, incertum est autem, an homo mortuus decesserit in gratia, vel non; sit, vel non sit dignus. Ita Suarez in 3. *par. D. Thom. d. tom. 4. disp. 42. num. 1.* Magistrus in 4. *Sent. disp. 6. n. 104.* Thom. Tamburinus de Extr. Unct. *lib. 6. cap. 2. §. 1.* & Emin. Card. de Lauræa de *cod. Sacram. disp. 11. n. 143. & 144.*

Cæterum duo videntur graviter obflare huic assertioni. Unum est, quod ex auctoritate S. Dionysii Areopagitæ scribit Magistri in *Hierolexic. Verb. Oleum Sanctum col. 3.* videlicet, quod antiquitus ungebantur Oleo Sacro cadavera Sacerdotum, ac aliorum Ecclesiasticorum. Ergo Sacramentum Extreme Unctionis etiam mortuis dabatur olim, & nunc dari poterit. Verba S. Dionysii in *lib. de Eccles. Hierarch. cap. 7.* hæc sunt: Tum Antistes oleo mortuum perfundit, sanctæque precatione pro omnibus adhibita in loco honorato corpus cum aliis ejusdem ordinis sanctis corporibus reponit, & condit. Ejusdem unctionis mentionem facit etiam Cornelius à Lapide in *Comment. Epist. 1. ad Corinthios c. 9. sub Vers. 25.* ubi ex auctoritate ejusdem S. Dionysii ait, quod dabatur omnibus Christianis post eorum mortem.

Alterum, quod obstat, est factum S. Theoderici Abbatis, & discipuli S. Remigii Episcopi Rhemensis in Gallia, quod contigit Anno Christi 533. & quod legitur in *Actis Sanctorum Ordinis S. Benedicti*, collectis per D. Lucam d'Achery Monachum Congregationis S. Mauri, ac notis, & observationibus D. Joannis Mabillon ejusdem Congregationis illustratis, &

in sæculis decem distributis, in quibus, tom. 1. seu *Sæculo primo*, in Vita ejusdem S. Theoderici Abbatis *pag. 618. num. 11.* narratur, quod defuncto Clodoveo magno Rege Francorum, quem S. Remigius baptizaverat, & regnante Theoderico ejus filio, hujus filia nubilus summè dilecta cum graviter infirmaretur, jussu ejusdem Regis vocatus fuit S. Remigius ad eam invisendam, ac sua benedictione sanandam. Impeditus S. Remigius aliis gravissimis Pastoralibus curis misit ad Regem S. Theodericum discipulum suum, qui cum pervenisset ad Urbem, & ad Palatium Regis, reperit eum lugentem unà cum Regina, & omnibus Principibus suis, eò quia jam puella expiraverat, & erat mortua. Ingre-
ditur S. Theodericus puellæ defunctæ cubiculum, & genuflexus apud lectum ipsius cæpit orare ad Dominum, & post diutinam orationem, ait Auctor Historiæ, Moxque sciens se exaud-
itum, ad corpus exanime accessit, atque OLEO SANCTO in morem reconcilians quinque corporis sensus, tactu pollicis, illinit. Mirum in modum subito membra mortua in redolentem redeunt formam, oculi aperiuntur, vox reseratur, & vitæ redditam simul cum sanitate se esse Puella obtentu B. Theoderici omnibus prædicat. Prosequitur Auctor narrare Regis, ac Reginæ, Aulicorumque omnium stuporem, lætitiā, gratiarum actiones, ac munificas elemosynas à Rege ipso pro tanto miraculo elargitas. En igitur, quod antiquis illis temporibus etiam homini mortuo licebat Sacramentum Extreme Unctionis ministrare.

His tamen minimè obstantibus contrarium omnino est tenendum; siquidem solus homo Viator, & vivens est subiectum capax ejusdem Sacramenti, ut probatum est supra. Quare respondetur ad primum obiectum, quod illa unctio mortuorum, de qua scribit S. Dionysius Areopagita, non erat Sacramentalis, neque
Extre-

De Extrema Unctione. Decis. LXXVI. 301

Extremæ Unctionis Sacramentum; sed pia, ac mystica cæremonia; fiebat enim in signum pietatis juxta antiquum morem Judæorum, qui de unctorum corpora unguentis optimis ungere solebant, prout narrant Evangelistæ de Nicodemo, ac Joseph ab Arimathea, qui Sacratissimum Redemptoris Corpus, antequam sepelirent myrrhâ, & aloë unxerunt; & de Sanctis mulieribus, quæ emerunt aromata, ut eandem unctionem piissimam replicarent. Habebat ulterius unctio illa, de qua loquitur S. Dionysius, mysticam significationem expressam ab eodem Sancto, ubi supra, his verbis circa Sacerdotes defunctos: *At tum quidem olei perfusio ad sacra certamina eum, qui initiabatur, vocabat: nunc autem oleum, quod infunditur, eum, qui excessit à vita; in ipsis certaminibus certasse, ac decessisse declarat.* Circa verò reliquos fideles laicos ita dicit: *Atque tunc quidem olei unctio baptizandum avocabat ad sacra certamina; nunc autem (in morte) infusum oleum designat eum, qui defunctus est, eadem sacra exegisse certamina, sicque fuisse consummatum.* Ita transcribit Cornel. à Lapide, & Magrius locis supracitatis; ex quibus verbis colligit idem Magrius argumentum, quod etiam in primitiva Ecclesia Sacerdotes in eorum ordinatione Oleo Sacro consecrabantur, non autem sola manuum Episcopi impositione; sed de hoc infra differendum erit in Decisionibus de Sacramento Ordinis.

Ad secundum objectum de Oleo Sancto dato fillæ defunctæ Regis Francorum à discipulo S. Remigii tripliciter respondetur. *Primò*, quod Unctio illa non fuerit Sacramentalis, sed medicinalis ex mera devotione; solitum enim erat antiquitus ungere infirmos Oleo Lampadarum Ecclesiæ, vel ab aliquo Prælato ad hunc effectum benedicto, cum invocatione alicujus Sancti, cujus ope infirmus erga ipsum devotus reportabat corporalem sanitatem, ut dictum est supra *Decis. IV. num. 19.*

& *Decis. IX. num. 19.* quod advertit etiam Magrius *d. Verb. Oleum Sanctum col. 3.* cujus verba ibidem retuli; addens, quod Palladius in Lausiacâ sic de S. Macario Alexandrino loquitur: *Cujus (scilicet infirmæ) commiserans fufis precibus, & Sacro Oleo eam propriis manibus inungens, ad dies viginti immaunem à malo redditam, in Civitatem propriam dimisit.* Confirmatur, quod unctio illa B. Theoderici non fuerit Sacramentalis, quia non constat, tunc eum fuisse Sacerdotem; & eo tempore Monachi, ut plurimum, imò & Abbates ob humilitatem, quam colebant, ordinibus Sacris non initiabantur; ut legitur in iisdem sæculis Benedictinis *tom. 1. in Præfat. & tradunt Azorius tom. 1. lib. 12. cap. 19. Vers. Undecimò.* Gonzalez in cap. Episcopus. 4. de Præbend. num. 8. in fin. & Bordonus de Profess. Regul. cap. 1. num. 6. ac num. 51. & seqq. Et non obscure id innuit Historicus in narratione illius unctionis; ait enim, quod **OLEO SANCTO** in morem reconciliantis quinque corporis sensus tactu pollicis illinit. Siquidem *ly in morem reconciliantis* hunc sensum faciunt, adinstar, & ad similitudinem ministrantis. *Extremæ Unctionis Sacramentum.* At simile non est idem. *Glossa in l. Quod Nerva.* & ibi Bartolus ff. *Deposit.* Marc. Mantua Patavinus *singul.* 318. Barboza *Axiom.* 208. ubi DID. cumulat. Sed est quod fuerit Unctio Sacramentalis. *Secundò* respondetur, quod quando B. Theodericus surrexit ad puellam mortuam inungendam, obtinuerat à Deo gratiam resurrectionis ejus; sicque illius anima iterum corpus informaverat, nam Historicus dicit, *Moxque sciens se exaudtum;* & sic non mortuam, sed vivam linivit. Respondetur *Tertiò*, si puellam post Unctionem tantum revixisse credamus, factum illud fuisse mirabile, non imitabile, tanquam ex Dei speciali instinctu patratum; non autem regulis juris directum. Nemo est, qui nesciat, 30.
à San-

à Sanctis multa fieri ex particulari motione Divina, quæ à nobis sunt miranda, non imitanda; ut notavi in Decisionibus de Baptismo *Decis. LXXVII. n. 12.* ubi varia exempla retuli SS. Martyrum utriusque sexus, qui ex Spiritus Sancti interna inspiratione sibi ipsis mortem dederunt; de quibus videndus Emin. Card. de Lauræa in 3. *sent. part. 2. tom. 3. in tract. de Martyrio disp. 20. n. 96.* nec non Cornelius à Lapide *Comment. in Proverb. Salomonis cap. 31. Vers. 30.* ubi narrat ex hoc Dei interno consilio plures Virgines sibi oculis eruisse, nasos truncasse, vibicibus deformasse faciem, ut præciderent incensis tentationis animum. Et in specie, quod S. Ebba Abbatissa in Anglia Anno 870. Danis Angliam invadentibus, ut eorum lasciviam effugeret, se se cum omnibus monialibus naso, & labro superiore truncavit; quare Dani furentes cum cœnobio eas omnes concremarunt; & de his alia consimilia exempla plura ibidem. Igitur non obstante factio B. Theoderici, firma, & inconcussa conclusio esse debet, quod Sacramentum Extremæ Unctionis non potest mortuis ministrari; quia solus homo *Viator*, idest *vivens* est subjectum capax ipsius.

- Ex hac conclusione duo corollaria sunt à studiosis notanda. *Unum* est, quod si Parochus ceperit Oleum Sanctum ministrare infirmo, isque expiraverit ex abrupto antequam omnium sensuum unctiones compleantur, debet Parochus abstinere ab aliis unctionibus. Bonacina de *Extr. Unct. punct. 5. num. 8.* Gobat *tract. 8. num. 876.* Alterum est, quod ministraturus Parochus hoc Sacramentum laboranti in extremis, si dubitet, an expiraverit, nec ne; potest sub conditione, si *vivus* est, illum inungere. Suarez d. *disp. 42. num. 1.* in fine; rationem subdens, quia generale est omnibus Sacramentis; ut in casibus dubiis possint hoc modo ministrari; nam per adiunctam conditionem tollitur omne periculum irrogandi injuriam Sacramento, & ministrando Sacramentum illo modo, vi-

tatur periculum privandi proximum magno subsidio, & remedio sue salutis, cujus fortasse adhuc capax est. Concordant alii DD. inter quos Tamburinus de *Extrem. Unct. cap. 1. §. 2. num. 4.* & Mastrius in 4. *sent. d. disp. 6. num. 104.*

DECISIO LXXVII.

ARGUMENTUM.

Quia homo Viator, ut sit capax Extremæ Unctionis, debet esse baptizatus, disputatur, An Catechumena incognita linita Oleo Sancto in articulo mortis, validè receperit illud Sacramentum? Hac occasione varia, atque curiosa dubia deciduntur: videlicet, quo tempore sit institutus Baptismus à Christo Domino? An Apostoli baptizati fuerint ante, vel post Dominicam Passionem? Cornelius Centurio, cur receperit Spiritum Sanctum visibiliter, antequàm baptizaretur? Deipara, S. Petrus, & alii Apostoli à quo sint baptizati? An validè contrahant Matrimonium Catechumeni? Hi an possint excommunicari? In loco sacro sepeliri? Et accipere Indulgentias?

SUMMARIUM.

- 1 Baptizatis tantum danda est Extremæ Unctio. Et num. 3. & 18.
- 2 Baptismus est janua aliorum Sacramentorum.
- 3 Baptismus Flaminis justificat, & delet peccata.
- 4 Fides, & Charitas facit homines membra Christi.
- 5 Cornelio Centurioni datus Spiritus Sanctus ante Baptismum.

De Extrema Unctione. Decis. LXXVII. 303

- 7 Confirmationis Sacramento datur Spiritus Sanctus.
- 8 Baptismi Sacramentum quando fuerit à Christo institutum?
- 9 Apostoli an communicati, & ordinati ante Baptismum? Et num. 24.
- 10 Text. in cap. Veniens 3. de Presb. non ordin. examinatur.
- 11 Paulianistæ heretici an validè essent ordinati absque Baptismo? Et num. 34.
- 12 Judæi an olim ordinarentur? Et num. 33.
- 13 Matrimonium an esse possit inter fidelem, & infidelem ex Papæ dispensatione? Et num. 36.
- 14 Sacramenta omnia constant ex materia, forma, & intentione Ministræ. Sed inter baptizatos tantum. num. 37.
- 15 Catechumeni an possint excommunicari? Et num. 38.
- 16 Odiæ restringenda, favores ampliandi. Et an semper? num. 40.
- 17 Catechumeni an sepeliendi in loco sacro? Et num. 41.
- 18 Sacramenta non dantur Viatoribus non baptizatis.
- 19 Baptismi Fluminis, & Fluminis differentia.
- 20 Fides, & Charitas sine Baptismo non sufficit ad recipienda alia Sacramenta.
- 21 Baptismus Fluminis non est Sacramentum.
- 22 Cornelius Centurio non recepit Sacramentum Confirmationis antequam baptizatus fuerit.
- 23 Judæi putabant gentiles non esse baptizandos.
- 25 Apostoli an baptizati ante, vel post passionem Christi?
- 26 Baptismus an institutus post Christi Resurrectionem? Quod post Resurrectionem, argumenta quinque. Eorum resolutio. num. 32.
- 27 Argumenta sex quod sit institutus ante Passionem.
- 28 Christus baptizatus in Jordane; ibi instituit Sacramentum Baptismi.

- 29 Apostoli omnes baptizati ante Passionem Christi, & à quibus?
- 30 Christus baptizavit suis manibus Desparam ejus Matrem, & Petrum.
- 31 Joannes Baptista baptizatus à Christo.
- 33 Ordinari non possunt non baptizati.
- 34 Paulianistæ heretici cujus essent discipuli? Eorum errores.
- 35 Judæi olim dignitates occupabant inter Christianos.
- 36 Matrimonium ut contractus subsistere potest inter fidelem, & infidelem.
- 38 Excommunicari Catechumenus non potest.
- 39 Ecclesia cur in die Parasceve orat pro infidelibus?
- 42 Catechumeni non sunt capaces Extreme Unctionis.
- 43 Catechumeni an sint capaces Indulgentiarum?
- 44 Missa an possit celebrari pro Catechumenis?

SEcunda conditio necessaria in homine Viatore, seu vivente, ad hoc ut sit capax Sacramenti Extreme Unctionis, est, quod sit baptizatus: ratio manifesta est, siquidem qui non recepit Baptismum, non habuit ingressum in Ecclesiam; Baptismus enim est janua Ecclesiæ. cap. Præter. §. penult. dist. 32. cap. Si quis confugerit. & cap. Si quis per ignorantiam. r. qu. 1. Item cap. Veniens. De Presbyt. non baptiz. & qui non est ingressus Ecclesiam per hanc januam, non potest recipere alia Sacramenta. Hinc Eugenius IV. in Concilio Florentino in Decretis Union. ait: Primum omnium Sacramentorum locum tenet Sanctum Baptisma, quod vitæ spiritualis janua est; per ipsum enim membra Christi, ac de corpore Ecclesiæ evadimus. Et Concil. Tridentinum loquens de Sacramento hoc Extreme Unctionis sess. 14. in proem. inquit: Sacramentum Unctionis non modò Pœnitentiæ, sed totius Christiani-

ne vitæ, quæ perpetua Pœnitentia esse debet, consummativum existimatum est à Patribus. Si Christianæ vitæ consummativum; ergo qui non est Christianus, & sic qui non est baptizatus, non potest illud recipere. Facit cap. Si quis inquit. 1. q. 1. ubi, quodd Sacramenta non conferunt salutem existenti extra Ecclesiam. At qui non est baptizatus extra Ecclesiam existit. Idcirco ita concorditer docent omnes scribentes tam Theologi Scholastici, ac Morales, quàm Canonistæ. S. Thomas. 3. p. 2. q. 35. art. 3. in corpore ita scribens: Nihil potest aliquis recipere, cujus receptionem potentiam non habet: per characterem autem baptismalem efficitur homo receptivus aliorum Sacramentorum; unde qui characterem non habet, nullum aliud Sacramentum recipere potest. Et Suarez in ead. 3. p. tom. 4. disp. 42. num. 2. subdit: Indubitatum est, hoc esse de substantia Sacramenti (ut scilicet unguento Oleo Sæcto sit baptizatus) idcirco unctionem sub forma verborum faciam à Sacerdote circa hominem non baptizatum in re ipsa, etiamsi sit baptizatus in voto, & Catechumenus, fidelis, ac iustus, inane, nullumque Sacramentum esse, aut effectum ejus habere. Idem repetit, ac firmat Layman lib. 5. tract. 8. cap. 4. num. 1. Maffrius in 4. sent. disp. 6. num. 104. Emin. Cardin. de Lauræa de Extr. Unct. disp. 11. à num. 146. & seqq. Novissimè Emanuel Gonzalez in Commentar. super Decretol. ad cap. Veniens. 3. num. 4. de Presbyt. non baptizato. Et ibidem Barbosa, ubi alios Canonistas, ac Theologos cumulat.

Porrò curiosus est sequens casus, an fictus? vel factus? nescio. Quædam femina Turca in nostram Antenoream Urbem advehta, & à pio, doctoque Theologo instructa de veritate catholice fidei, firmè proposuit in corde suo Baptismum suscipere, & christianam religionem profiteri. Interim improvisa, violentaque febris oppressa, cum sit pauperrima, ad Hospitale S. Fran-

cisci defertur, ubi illam grave delirium mentis apprehendit; quod à Medicis mortale renunciatur: Reverendus Curatus pii Hospitalis credens hanc infirmam esse christianam, cum nec ejus Sacramentalem confessionem possit recipere, neque et Sacrum Viaticum valeat præbere ob delirium mentem; ministrat ipsi Extremæ Unctionis Sacramentum? Quæritur an valide? Et prima fronte videtur affirmativè, respondendum ex sequentibus.

Primò, quia hæc Catechumena Turca, cum jam proposuerit in corde suo firmè christianam religionem profiteri, & Baptismum suscipere; censetur baptizata Baptismo flaminis, & consecrata gratiam justificantem, quæ delet originale peccatum, ac mortalia. Scotus in 4. dist. 4. q. 6. & dist. 17. q. Unica. Latè Eminentiss. Cardin. de Lauræa de Baptism. disp. art. 10. per totum. Ergo valide recepit Sacramentum Extremæ Unctionis, & ejus effectum præcipuum, qui est remissio venialium.

Secundò, Extrema Unctio danda est fidelibus, qui sunt membra Christi. Sed fides, & caritas facit, quod homines sint membra Christi. Eminent. Card. de Lugo De Eucharistia disp. 13. Sess. 1. num. 3. Ergo prædicta femina Turca habens fidem, & charitatem, tanquam membrum Christi effecta, valide uncta fuit Oleo Extremæ Unctionis.

Tertiò, sola fides & caritas in corde videtur sufficere absque Baptismo ad alia Sacramenta recipienda exemplo Cornelii Centurionis, qui ex prædicatione sibi facta à Divo Petro cum credidisset in corde suo, & alii, qui cum ipso erant, receperunt statim visibiliter Spiritum Sanctum; & sic Sacramentum Confirmationis, antequam baptizarentur, ut legitur Act. 10. 44. ibi: Adhuc loquente Petro verba hæc, cecidit Spiritus Sanctus super omnes, qui audiebant verbum; & obstupuerunt ex circumfusione fideles, qui venerant cum Petro, quia & in nationes gratia

gratia Spiritus Sancti effusa est; audiebant enim illos loquentes linguis, & magnificantes Deum: Illapsus autem ille Spiritus Sancti significare videtur Sacramentum Confirmationis, cuius effectus est impertiri Spiritum Sanctum, juxta illud Act. 8. 15. Cum audissent Apostoli, qui erant Hierosolymis, quod recepisset Samaria verbum Dei, miserunt ad eos Petrum, & Joannem; qui cum venissent, oraverunt pro ipsis, ut acciperent Spiritum Sanctum, & Vers. 18. Tunc imponebant manus super illos, (id est ministrando illis Confirmationis Sacramentum) & accipiebant Spiritum Sanctum. Idemque habetur de habitantibus Ephesi, de quibus ait Scriptura Act. 19. 7. Et cum imposuisset illis manus Paulus, venit Spiritus Sanctus super eos, & loquebantur linguis, & prophetabant. Igitur Cornelius Centurio, & qui cum eo crederant, receperunt Sacramentum Confirmationis antequam baptizarentur.

Quartò. Imò omnes Apostoli antequam fuissent baptizati suscepunt Sacramentum Eucharistiae, & Ordinis secundum illam opinionem Doctorum, qui tenent, Sacramentum Baptismi fuisse institutum tantummodò à Christo Domino post ejus resurrectionem à mortuis, quando praecepit iisdem Apostolis, quòd docerent omnes gentes, baptizantes eos in Nomine Patris, & Filii, & Spiritus Sancti. Matth. 28. 19. Et tamen ipsi Apostoli fuerunt communicati, & ordinati in coena ante passionem Salvatoris. Luc. 22. 19. quam opinionem probabilem vocat S. Thomas 3. p. q. 73. art. 5. ad 4. & eam tenet Canus de Locis Theol. libr. 8. cap. 5. atque illam probat Rupertus libr. 8. in Joan. cap. 3. Ergò multò magis ante Baptismum poterit validè recipi Sacramentum Extremæ Unctionis à Catechumena, quæ iam in corde suo proposuerat suscipere Baptismum; & habebat fidem credendo articulis ejus sibi à Theologo insinuat.

Quintò. Faciunt verba Innocentii

Papæ III. relata in cit. cap. Veniens 3. De Presbyt. non ordin. quæ sunt hujusmodi: Porro cum quis non solum per Sacramentum Fidei, sed per Fidem etiam Sacramenti efficiatur procul dubio membrum Christi, & qui Christum habet per fidem, nisi Baptismus non habeat, habet utrique fundamentum, præter quod aliud poni non potest, quod est Christus JESUS, superedificari posse videtur, sicut saluifera opera, sic & qualibet Ecclesiastica Sacramenta; cum illud non sit generalitèr verum, neque de novis, neque de veteribus Sacramentis, quòd Baptismus sit fundamentum illorum, quoniam & Sacramentum conjugii, & Eucharistia à non baptizatis recipi potest. Igitur secundum verba hujus textus validè collatum censetur Sacramentum Extremæ Unctionis prædictæ mulieri catechumenz.

Sextò videntur huic opinioni favere etiam Verba Canonis 19. Concilii Niceni; cujus Canonis verba habentur in cap. Si quis confugerit. 1. qu. 1. & leguntur tom. 1. Concilior. post Conc. Carthaginen. VI. pag. mibi 882. in quo, dum decernitur, quid agendum de Paulianistis ordinatis, & non baptizatis, qui ad Ecclesiam revertuntur, præcipitur quòd rebaptizentur, deinde dicitur: Si verò examinati (ab Episcopo catholico) eos non esse aplos deprehendit, deponi eos oportet. Si itaque sunt deponendi, sequitur quòd ante Baptismum validè fuerant ordinati.

Septimò addi potest can. 14. Concilii Matisconensis. 1. (tom. 2. Concil. pag. 841.) in quo statuitur, quòd Judæi compellantur exhibere reverentiam, & honorem cunctis Clericis, ac Sacerdotibus Domini; deinde ponuntur hæc verba: Nec ante Sacerdotes confessum, nisi ordinati, habere presumant. Ergo si non possunt Judæi habere præcedentiam in sedendo supra Sacerdotes, nisi sint ordinati, dicendum venit, quòd iidem Judæi tunc temporis Ordines Ecclesiasticos suscipiebant.

Octavo facit, quod ex dispensatione Pontificia potest esse Matrimonium validum, si contrahatur inter fidelem, & infidelem. Eminentiss. Cardin. de Lugo d. disput. 13. de Sacram. Euchar. num. 6. Collegium Salmanticense de Matrimonio tract. 9. cap. 12. num. 74. Sed Matrimonium est Sacramentum; ergo sicut infidelis valide illud recipit; ita catechumena Sacramentum Extremæ Unctionis.

Nono adducitur illa regula generalis; ex definitione Conciliorum præcipue Florentino, ac Tridentino deducta, quod omnia Sacramenta ad sui validitatem tria tantum requirunt, idest materiam, formam, ac intentionem Ministri. Eminentiss. Cardin. de Laurea de Sacram. in genere disp. 11. num. 83. Sed in casu hujus Turcæ catechumenæ habetur materia, forma, & intentio ministri linientis illam Oleo Sancto, ut recipiat Sacramentum Extremæ Unctionis. Ergo videtur dicendum, quod valide recipiatur ab ipsa.

Decimo tandem urget, quod Catechumenus ex eo quia censetur habere fidem articulorum, & eos credere, reputatur unus de fidelibus, & potest excommunicari secundum probabilem opinionem Doctorum, quos allegat Suarez de Censuris disput. 5. Sect. 1. num. 25. in fin. & tradidit Archidiaconus in cap. Eos. de Consecr. dist. 4. Ergo à contrario sensu poterit catechumenus communicare cum fidelibus saltem in Sacramento Extremæ Unctionis, quod confertur per viam deprecationis, & formam precum, ac supplicationum ad Deum; Ecclesia enim orat etiam pro Catechumenis, ut in feria sexta Paræceses; eo magis quia odia, & pœnæ sunt restringendæ, favores autem, gratiæ, & animæ præsidia dilatandæ. cap. Odia de Reg. jur. in 6. Et sicut Catechumenus post mortem participat cum christianis baptizatis de eorum Ecclesiastica sepultura, ut tenent, ac docent Barbosa de Episc.

alleg. 28. num. 53. Pax Jordanus tom. 1. libr. 5. tit. 12. num. 120. Thesaurus de 17 Pontis part. 2. Verb. Sepultura. cap. 6. Vers. limita; & alii plures DD. congesti per Passerinum iidem consentientem de Pollut. Eccl. disput. 8. cap. 24. num. 4. ita antequam moriatur, poterit participare cum iidem fidelibus saltem de Sacramento Extremæ Unctionis, ut ejus anima roboretur in fide contra tentationes demonum.

His tamen minimè obstantibus firma remanet superior conclusio, quod homo Viator non baptizatus non est subiectum capax Extremæ Unctionis, 18 aliorumve Sacramentorum, quorum janua est Baptismus; & qui per hanc janua non intrat, non habet aditum ad alia Sacramenta. Neque obstat primum argumentum contrarium, quod illa Catechumena sit baptizata baptismo Fluminis, ac receperit deletionem peccati originalis, ac mortaliū; quia Baptismus Fluminis operatur quidem illos effectus justificationis, atque remissionis culparum, non autem alios, qui sunt proprii Baptismi Fluminis, videlicet impressionis characteris; aggregationis exter- 19 næ ad cœtum aliorum fidelium; ingressus visibilis in Ecclesiam; & habilitatis ad participanda alia Sacramenta; ut benedisserunt Eminentiss. Cardin. de Lugo de Euchar. d. disput. 13. num. 4. & 5. & Gonzalez in d. Comment. ad cap. Veniens. 3. num. 4. de Presbyt. non ordin.

Secundum argumentum pariter tollitur supradicta ratione, quia Fides, & Charitas facit membrum Christi quo ad intra, & ad effectum. 20 fruendi ejus meritis per consecutionem ejus invisibilis gratiæ in anima; secus autem ad extra, quo ad participationem Sacramentorum, quæ sunt signacula externa, visibilia, & sensibilia, quibus tanquam tessera aliqua fideles denotantur esse in Ecclesia; & sortiuntur communionem bonorum ejusdem: ideo qui non sunt

sunt aggregati eidem Ecclesiae per signaculum exterius, & visibile, quod est Baptismus Aquae, non possunt participare de aliis signis exterioribus, quae operantur gratiam in anima, scilicet de ceteris Sacramentis, ideo omnes Theologi notant, quod Baptismus fluminis habet vim Sacramenti quo ad internam gratiam, & remissionem culpae, ac peccatorum; sed non habet essentiam Sacramenti, siquidem non est Sacramentum, non imprimat characterem, neque omnes alios effectus operatur, quos producit Baptismus fluminis, ut bene ait Collegium Salmanticense de Baptismo tract. 2. cap. 1. num. 2. *Mastrius in 4. Sent. disput. 2. quæst. 7. art. 1. & Eminentiss. Cardin. de Lauræ de Baptismo disput. 8. art. 10.*

- Tertium non obstat, quia responderetur, Cornelium Centurionem, & eos, qui cum illo crediderunt in Christum, prædicante Divo Petro, receperunt quidem effectum Sacramenti Confirmationis præceptum, nempe Spiritum Sanctum; non autem Sacramentum ipsum Confirmationis, aliosque ejus effectus; & eo minus characterem, qui imprimitur in anima confirmati, quando recipit dictum Sacramentum: & hic notandum est, quod illapsus ille Spiritus Sancti in Cornelium ante Baptismum fuit privilegium speciale ei concessum, ut fideles de circumcisione intelligerent, etiam Gentiles vocari à Deo ad Ecclesiam, & ei esse aggregandos per Baptismum; putabant enim Judaei, se solos esse vocatos, ac legem Evangelicam esse promulgatam tantum propositis sicut factum fuerat de Moysa: Idcirco ita scribit Cornelius à Lapide *Comment. in Act. Apost. cap. 10. Vers. 44. Ita disposuit Deus, ut Judaei Petrum non possent arguere, quod eos utpote gentiles baptizasset, & Christianismo initiasset, cum vidissent in eos jam ante descendisse Spiritum Sanctum, qui suo descensu eos sibi in filios adoptabat; itaque signifi-*

cabat, eos in Ecclesiam suam esse cooptandos. Sequitur ex his, quod sicut Cornelius, & alii ejus nationis post receptum visibiliter Spiritum Sanctum fuerunt baptizati Baptismo aquae, ut denotat ibidem Scriptura Sacra, subdens quod tunc S. Petrus dixit: Nunquid aquam quis prohibere potest, ut non baptizentur hi, qui Spiritum Sanctum acceperunt, sicut & nos? Act. 10. 47. ita eosdem post receptum Baptismum, receperunt Sacramentum Confirmationis, per manum Apostoli Petri iidem datum; prout faciebant alii Apostoli, dum confirmabant fideles baptizatos, per impositionem manuum, scilicet eos Sacro Chrismate signando, ut etiam S. Paulus, & alii relati in contrario argumento.

Quartum non obstat, quia negatur, Apostolos recepisse Sacramenta Venerabilis Eucharistiae, & Ordinis Sacri antequam Baptismo fluminis baptizarentur. Pro intelligentia sciendum, controversiam fuisse apud antiquos Patres, quo tempore institutum sit à Christo Sacramentum Baptismi? Et utrum Apostoli baptizati fuerint ante Christi passionem, vel tantummodo post ejus gloriosam Resurrectionem? & equidem multi DD. opinati sunt institutionem Baptismi factam fuisse à Christo tantummodo post ejus Resurrectionem, quando dixit Apostolis *Matth. 28. 19. Euntes ergo docete omnes gentes, baptizantes eos in Nomine Patris, & Filii, & Spiritus Sancti.* Quod scripsit etiam Divus Marcus 16. 15. *Et dixit eis (scilicet Christus) Euntes in mundum universum, predicate Evangelium omni creaturae. Qui crediderit, & baptizatus fuerit, salvus erit.* Et per consequens, Apostolos ante Christi passionem non fuisse baptizatos. Probant hanc opinionem. 1. Quia dicitur *Joan. 7. 39. Nondum enim erat Spiritus datus, quia Jesus nondum erat glorificatus.* Sed per Baptismum datur Spiritus Sanctus. Ergo solum post gloriosam

riofam Refurrectionem Chrifti inftitutus eft Baptifmus. 2. Quia caulam fuam effectus non præcedit. Sed Baptifmus habet caulam, & efficaciam à Paflione Chrifti: Ergo ante illam inftitutus non fuit. 3. Baptifmus non potuit inftitui, nifi traderetur ejus forma. Sed hæc tradita eft tantùm poft Chrifti Refurrectionem, ut in fupracitatis verbis *Mattb. 28. 19.* Ergo. 4. Omnia Sacramenta fluxerunt è latere Chrifti, quod apertum fuit à lancea, dum penderet in Cruce. Igitur Baptifmus non eft inftitutus ante, fed poft ejus paflionem. 5. Baptifmus eft Sacramentum neceffitatis, quod obligat omnes. Sed hæc obligatio non incipit ante paflionem, fed poft Chrifti Refurrectionem: ibi, *Qui crediderit, & baptizatus fuerit, falvus erit; qui verò non crediderit, condemnabitur. Marc. 16. 15.* Ergo non ante paflionem, fed poft, inftitutum fuit Baptifmi Sacramentum. Ex his ita opinatus eft Tertullian. *libr. de Baptifmo cap. 11.* S. Hieronymus in *Dial. contra Luciferianos*; S. Jo. Chriftof. *Hom. 28. in Joan. & alii*, quos citat Cornelius à Lapide in *Ad. Apof. cap. 1. Verf. 5.* & Suarez de *Baptifm. difput. 19. Sect. 1.*

Alii è contra conftanter tenent, quòd licet demonftrari non poffit fcriptura, vel traditione tempus præcifum, in quo Chriftus inftituit Sacramentum Baptifmi; tamen verior, & probabilior opinio eft, quòd ante ejus paflionem fuerit inftitutum; etfi obligatio ipfum fufcipiendi non fit impofita, nifi poft Refurrectionem. Id probant: 1. Quia Circumcifio fuit inftituta multò ante promulgationem legis Moſaycæ. Ergo etiam Baptifmus figuratus in illa multò ante promulgationem legis Evangelicæ. 2. Ex *S. Joann. 3. 22.* ubi ait: *Poft hæc venit Jeſus, & difcipuli ejus in Judeam terram; & illic demorabatur cum eis, & baptizabat.* Ergo eo tempore Chriftus inftituerat Sacramentum Baptifmi. 3. Quia difcipuli Joannis Baptiftæ æmulatione

commoti propter hunc Baptifmum Chrifti, dixerunt ad illum: *Rabbi; qui eras tecum trans Jordanem, cui tu testimonium perhibuisti; ecce hic baptizat; & omnes veniunt ad eum. Joan. 3. 26.* Ergo erat à Chriſto inftitutus Baptifmus. 4. Quia ſubdit idem Evangelifta *Joan. 4. 1.* Audierunt Pharisei, quòd Jeſus plures difcipulos facit, & baptizat. Ergo ante paſſionem fuit facta Baptifmi inſtitutio. 5. Quia ſcribit S. Lucas *cap. 10. Verf. 1.* quòd Chriſtus miſit difcipulos binos ante faciem ſuam in omnem civitatem, & locum, quò erat ipſe venturus. undè S. Bonaventura in *4. diſt. 3. qu. 1.* ait: *Miſit ad prædicandum, & baptizandum, quia hoc ordine fit introitus in Eccleſiam; ſcilicet per ſuſceptionem doctrine fidei, & Baptifmi.* 6. Quia Chriſtus dixerat Nicodemo *Jo. 3. 5.* Amen, amen dico tibi, niſi quis renatus fuerit ex Aqua, & Spiritu Sancto, non poteſt introire in regnum Dei. Per hæc verba intelligebat Dominus inſinuare Nicodemo neceſſitatem Sacramenti Baptifmi, Ergo jam erat inſtitutum. Hæc, & aliis probationibus hæc opinionem tenet S. Auguſtinus *libr. de Origine Animæ cap. 9.* nec non *Epif. 108.* & *Epif. 163.* Gloſſa, Lyranus, S. Cyrillus, S. Gregorius Nazianzenus, & alii, quos citant, & ſequuntur Suarez de *Baptifmo*, ſeu in *3. p. D. Thom. tom. 3. diſp. 19. ſect. 1.* & Collegium Salmanticen. de *Sacrament. in gen. tract. 2. cap. 1. à num. 18.* & ſeqq. ubi num. 24. ex S. Thoma *3. p. qu. 66. artic. 2.* oſtendit, Baptifmi Sacramentum fuiſſe inſtitutum, quando Chriſtus voluit baptizari in Jordane à Joanne Baptiſta; tunc enim dedit virtutem Aquæ ad regenerandos homines ſpiritualiter, & eos mundandi à peccatis; & num. 33. citat Sorum, Cajetanum, Ledefmam, Candidum, Vaſquezium, Bonacinam, Gonetum, & alios ſic ſentientes. Concordant Scotus in *4. diſt. 3. qu. 4.* & ibi S. Bonaventura, Alex. de Aleſ, & alii

alii allegati ab Eminentiffis. Cardin. de Lauræa, qui pariter ita fentit *de Baptifmo difput. 12. art. ult.*

Ex his omnes Theologi, ac Scripturiftæ colligunt, SS. Apostolos uifce baptifmo Chrifti regeneratos, antequam eos communicaret in Cœna, ordinaret Sacerdotes, ac Epifcopos, daretque eis potestatem remittendi peccata; ex certa, & inconcuffa regula, quòd Baptifmus est janua, & fundamentum aliorum Sacramentorum, quorum nullum validè recipi poteit, nifi priùs receptum fit Baptifma. Et ad hunc propofitum hæc fcribit Cornelius à Lapide in *d. Comment. Ad. Apofol. cap. 1. Verf. 5.* (Et idem docet Suarez in *3. p. D. Thom. tom. 2. difput. 18. feft. 3.*) videlicet: Quocirca S. Evodius fuffeffor S. Petri in Cathedra Antiochenfi, Epiftola, qua infcribitur *ad eos, idest Lumen, offerit, Chriftum fuis manibus baptizaffe ex mulieribus folam Virginem Matrem fuam; ex viris folum Petrum: Petrum autem baptizaffe Andream, Jacobum, & Joannem, & hos tres baptizaffe reliquos Apostolos.* Idem fcripfit in *Comment. in Matth. 3. 14.* addens, ad illa verba S. Joannis Baptiftæ, qui dixerat Chrifto petenti baptifmum in Jordane: *Ego à te debes baptizari, & tu venis ad me?* Hinc nonnulli colligunt, Baptifmam paulò poft à Chrifto fuiffe baptizatum. Adftipulatur his omnibus Suarez *d. difput. 19. feft. 2.* confirmandus, quòd licet fit de fide, Sacramentum Baptifmi fuiffe institutum à Chrifto Domino ex Concil. Trident. *feft. 7. Can. 1. de Sacramentis*, tempus tamen hujufcemodi institutionis non effe dogma fidei; fed ferè omnes SS. Patres, ac DD. quos ibi allegat, docere, quòd Chriftus illud instituit ante fuam paffionem, etfi noluerit, ad ipfum homines effe præcisè obligatos, nifi poft fuam Afcenfionem in Cœlum.

Argumenta verò in contrarium facta facilè tolluntur: nam ad 1. Rfponderur, quòd Spiritus Sanctus nondum erat datus vifibiliter prout in

die Pentecoftes; fecus autem per internam gratiam, & remiffionem peccatorum, prout datus fuit Magdalene; ac ita dabatur iis, qui recipiebant baptifmum Chrifti ante ejus Paffionem, & Refurrexionem. Ad 2. Quòd Baptifmus habebat fuam efficaciam à Paffione prævifa, ac futura Chrifti; nec non ab initio ejus vitæ, quæ tota fuit continuum facrificium, & Paffio, habens merita infinita ad falfandos peccatores. Ad 3. Quòd forma baptifmi tradita fuit à Chrifto, quando ante Paffionem docuit difcipulos fuos baptizare homines, ut tenet S. Thomas in *4. dift. 3. art. 5. quæftiunc. 2.* Ad 4. Quòd Sacramenta fluxerunt è latere Chrifti ob completam ejus Paffionem dum miles lancea ejus latus aperuit; fed cœperunt habere fuam efficaciam etiam ante ejus Paffionem, ut de Euchariftia in Cœna, quæ illam præceffit. Ad 5. Verum effe, quòd præceptum baptifmi non obligaverit, nifi poft Refurrexionem Chrifti, fed ejufdem institutio facta fuit ante Paffionem; ut probatum effe fuprà rationibus, & DD. auctoritate.

Quintum principale argumentum contrarium defumptum ex verbis Innoc. III. in *cap. Veniens. 3. De Presb. non ordin. non fubfiftit*, quia Papa refert tantum verba illorum, qui opinabantur, receptum fuiffe validè Ordinis Sacramentum à non baptizato; fed non approbat eorum opinionem; imò ibi amplectitur contrariam, & fic tacitè illam reprobat; nam ordinari non poteft non baptizatus.

Sextum argumentum cadit; quia Canon ille Concilii Niceni vel loquitur de depositione lato modo fumpta, idest de non admiffione ad ordines illorum, qui fuerunt hæretici Paulianiftæ; quamvis poftea rebaptizati. Sciat ftudiofus Lector, quòd Paulianiftæ erant difcipuli Pauli Samofateni hærefiarchæ, qui negabat perfonas Sanctiffimæ Trinitatis, & docebat, baptifmum dari in nomine Dei;

Dei; idèò invalidè: propterea in Concilio Nicæno decretum fuit, ut ipfi hæretici Paulianiftæ venientes ad gremium Ecclesiæ rebaptizarentur, ut latius differit Eminentiſſ. Cardin. Baron. in *Annalib. ad Ann. 265.* & ibi Spondan. nec non Salelles de *S. Inquiſit. lib. 3. regul. 232. num. 168.* Itaque præcepit Concilium Nicænum, quòd Paulianiftæ rebaptizati non initiarentur ordinibus. Vel dici poteſt, quòd mandaverit eos deponi, ſi fortè poſt rebaptizationem fuiſſent ab aliquo Epifcopo ordinati, & non eſſent apti ad exercitium ordinum. Ita ex Theodoro Baſamone reſpondet Gonzalez in *Comment. ad d. cap. Veniens. de Presb. non Ord. num. 5.*

Septimum de Judæis ordinatis non ſubſiſtit, quia non loquitur Concilium de ordinibus Eccleſiaſticis, qui Sacramentum ſunt, receptis in Judaismo; ſed vel de ordinibus laicis, idèſt Præſbiteris, dignitatibus, ſeu aliis gradibus, ad quos Judæi, pecunia mediante, aſcendiſſent, ut illis temporibus, ac regionibus erat tunc in uſu; quorum graduum prætextu federe audebant ſupra Clericos, ac Sacerdotes. Vel niſi poſt ſuſceptum baptiſmum ipſi Judæi fuiſſent ordinati. Aut tertio per ly *Ordinati* Concilium intellexerit, quòd Judæi non auderent federe coram Sacerdotibus, niſi ipſi ex benignitate ordinarent, idèſt innuerent ut ſederent: quod ego verius puto, ultra ea, quæ dicit Gonzalez *ibid. num. 5.*

Octavum pariter tollitur reſpondendo, quòd Matrimonium illud cenſetur validum quo ad infidelem in genere contractus, non autem in genere Sacramenti, cujus non eſt capax infidelis, qui nondum recepit baptiſmum. Ita S. Thomas in *4. diſt. 39. quæſt. Unica art. 1. ad 5. & quæſt. 59. art. 1. ad 5.* Bonacina, & alii apud ipſum Collegium Salmanticens. *d. tract. 9. de Matrim. cap. 12. num. 73.* noviffimè Juſtus de *Diſpenſat. Matrim. cap. 15. num. 3.* & ibi Sanchez de *Matrim. lib. 2. diſp. 8.* Hinc ſi baptizatus contraheret Matrimonium cum catechumena eſſet

invalidum. Idem Sanchez *diſput. 71. lib. 7. & Riccioli. de Perſ. extragrem. Eccl. lib. 2. cap. 2. num. 9.*

Nonum cadit, quia regula illa locum habet inter fideles ſuſcipientes Sacramenta; ſecus cum infidelibus, qui ante ſuſceptum baptiſmum Fluminis ſunt incapaces aliorum Sacramentorum, ut ſupra probatum eſt.

Decimum, & ultimum argumentum plura dicte, ſed nihil concludit. Nam quòd Catechumenus poſſit excommunicari, non eſt verum, ut ait Suarez de *Cenſuris d. diſput. 5. ſect. 1. num. 25.* ubi reprobatur Archidiaconum abſque fundamento id aſſerentem. Ratio eſt manifeſta, quia præcipuus effectus excommunicationis eſt privare participatione paſſiva Sacramentorum; Catechumenus autem non participat de Sacramentis. Quòd Eccleſia ore pro ipſis in die Paraſceves, hoc facit, quia ea die Chriſtus in Cruce pro omnibus oravit, ut ex Alcuino notat Gavantus in *Rubr. Miſſæ. part. 4. tit. 9. num. 9.* Quòd favores ſint ampliandi eſt regula habens locum; quando Jus publicum non reſiſtit, ut ait Dynus *num. 3. ad illam.* Sed Jus publicum Divinum, ac Eccleſiaſticum non permittit, ut Sacramenta dentur non baptizatis. Quò verò ad Eccleſiaſticam ſepulturam, quæ ſecundum opinionem Paſſerini conceditur ab Eccleſia Catechumenis, eò quia ſunt in utero ejus edendi per baptiſmum. *l. 3. Cod. Ne Sacrum baptiſ. ſecundum alios DD. contrarium tenendum, ut videre eſt apud Ricciolum de Perſonis extra Eccl. grem. lib. 3. cap. 4. num. 35. & cap. 8. num. 9.* Sed quidquid fit de ſepultura, ex hoc actu maternæ pietatis in illos; non poteſt inferri ad Jus conſequendi etiam Sacramentum Extreme Unctionis, ſi ante mortem non obtinuerint Sacrum Lavacrum Baptiſmi, quia nondum ſunt ingreſſi Eccleſiam ipſam per januam Sacramentorum, & ſic remanent poſt mortem in cœmeterio quo ad ſepulturam ex ſpeciali favore, ut diſſerunt DD. quos cumulat ipſemet Paſſerinus de Pol-

De Extrema Unctione. Decif. LXXVIII. 311

- 42 *de Pollut. Eccl. d. disput. 8. cap. 24. num. 4.* Quapropter conclusio firma, & inconcussa remanet, quod Catechumenus, de qua in hypothesis, invalide ministratum fuit Oleum Sanctum; sique Curatus Hospitalis eam agnovisset, omnino abstinendum erat per eum ab administratione illius Sacramenti, & ejus loco debebat, illam Sacramento baptismi ad spirituales vitam regenerare; attento ejus firmo proposito suscipiendi baptismum, & Religionem christianam proficendi. Porro post datum baptismum, potuisse illam Oleo Sancto inungere concedit Tambur. *de Extrem. Unct. libr. 6. cap. 2. num. 3. & Gobat tract. 8. num. 821. & alii DD.* plurimi apud Dianam Coordin. *tom. 2. tract. 4. resol. 46. & 47.* sed utrum animæ ejusdem Catechumenæ possent applicari Indulgentiæ per modum suffragii? Affirmat Navarrus in *Comment. de Jubilæo notab. 31. num. 48. & notab. 32. num. 10.* Henriquez *de Indulg. lib. 7. cap. 20. num. 8.* Sed negant Suarez in 3. p. D. Thom. *d. tom. 4. disput. 53. sect. 4. num. 8.* Sanchez in *Decal. lib. 4. cap. 37. num. 36. & 37.* S. Anton. & Turrecrem. quos citat, & sequitur idem Riccius *lib. 3. de Personis extra Eccl. grem. existen. cap. 6.* qui antea *cap. 5.* probaverat, neque Missam esse celebrandam pro Catechumenis defunctis: quamvis extra Missam liceat pro eis orare; cum ob baptismum flammis, quo censentur salvi, possint à pœnis ob aliquam negligentiam purgandis in alia vita, per orationes privatas fidelium sublevari.

DECISIO LXXVIII.

ARGUMENTUM.

Discutitur pulchra Quæstio, An infantes, & pueri ante usum rationis valide recipiant Sacramentum Extremæ Unctionis? Argumenta tria pro opinione affirmativa, quæ rejicitur; & red-

duntur rationes pro negativa. An DEIPARA receperit Extremam Unctionem? Motiva, ac Doctores hinc inde. Usus rationis in pueris quo anno præsumendus ad effectum, eos ungendi Oleo Sancto? Morientibus eodem tempore Adulto, ac Pueri septenni, cui prius sit ministranda Extrema Unctio?

SUMMARYUM.

- 1 Infantes, & pueri usum rationis non habentes sunt incapaces Extremæ Unctionis. Et cur? num. 11.
- 2 Pueri, & infantes valide confirmantur, & initiantur Ordinibus.
- 3 Pueri, & infantes an capaces gratiæ Sacramenti Extremæ Unctionis? Et num. 6. & num. 9.
- 4 MARIA Virgo Mater Dei an receperit Extremam Unctionem; Et num. 14. & 16.
- 5 Differentia inter effectus Extremæ Unctionis, ac Confirmationis, & Ordinis.
- 6 Baptismus valide datur etiam non habenti peccata. Et cur? num. 12.
- 7 Extrema Unctio valide confertur homini sancto peccata non habenti.
- 8 Gratia, quæ datur in Sacramentis, est ad peculiare effectus eorum.
- 9 Gratia in Sacramentis est ejusdem speciei; non eorundem effectuum.
- 10 Pueri, & infantes cur non sint capaces Extremæ Unctionis?
- 11 Extrema Unctio quid proferat hominibus justis?
- 12 MARIA Virgo mater Dei non obiit ex morbo, sed ex nimio Dei amore.
- 13 Ætas puerorum pro danda illis Extrema Unctione.

312 De Extrema Unctione. Decis. LXXVIII.

- 18 Pueris danda Extrema Unctio sub conditione, si capaces.
 19 Adulto morienti, an puero agonizanti sit prius danda à Parocho Extrema Unctio.
 20 Succurrendum prius est magis indigenti.

Tertia conditio necessaria in Subiecto recepturo Extremæ Unctionis Sacramentum, adhuc ut sit capax, est, quod in adulta ætate sit constitutus; siquidem infantes, & pueri, qui ad usum rationis non pervenerunt, incapaces sunt huius Sacramenti, ut concorditer docent omnes Doctores infra citandi. Hujus autem necessariæ conditionis plures ab eisdem DD. assignantur rationes. 1. Quia Sacramentum hoc est consummativum Pœnitentiæ, ut patet ex Concilio Tridentino sess. 14. de Sacram. Extr. Unct. in princ. Sed infantibus, & pueris ante usum rationis dari non potest Sacramentum Pœnitentiæ. Ergo neque Extrema Unctio. 2. Quia præcipuus effectus huius Sacramenti est remittere venialia. Sed infantes, ac pueri prædicti neque venialiter peccasse præsumuntur. 3. Quia Extrema Unctio datur ad præbendum robur animæ adversus diaboli tentationes. Sed has pati non possunt, qui usum rationis non habent. 4. Ad hoc Sacramentum recipiendum requiritur aliqua devotio, aut actualis, aut virtualis; aut præsens, aut præterita. Sed pueri non habentes usum rationis, seu infantes eam elicere non valent. 5. Quia etiam petitio huius Sacramenti vel expressa, vel saltem tacita videtur requiri ad illud recipiendum; cum dicat Apostolus *Infirmarum quis in vobis? inducat Presbyteros Ecclesiæ*, idest petat, advocet, deprecetur, ut vos Oleo Sancto inungant. Igitur ex his rationibus, infantes, & pueros in ætate adulta non constitutos, incapaces esse Sacramenti Extremæ Unctionis firman-
 Suarez in 3. part. tom. 4. disput. 42. sect. 1. num. 2. Thomas Tamburin. libr. 6. de Extrem. Unct. cap. 2. §. 3.

Bonacina de eod. Sacram. disput. 8. quest. Unic. punct. 3. num. 1. Layman libr. 3. tract. 8. cap. 4. num. 2. Mastrius in 4. sent. disput. 6. num. 105. & Eminentiss. Cardin. de Lauræa in 4. tom. 3. de Extrem. Unct. disput. 11. num. 151.

Sed contra prædictam conclusionem tria obstat videntur. Primum est, quod pueri, & infantes si de facto confirmantur, vel ordinibus inidentur, validè recipiunt tum Sacramentum Confirmationis, tum Sacramentum Ordinis. Mastrius d. disput. 6. num. 107. Eminentiss. Cardin. de Lauræa d. tom. 3. disput. 9. num. 15. & 16. Ergo validè recipere possunt etiam Sacramentum Extremæ Unctionis. Secundum est; quavis parvuli non sint capaces deleitionis peccatorum, tamen capaces sunt gratiæ, & augmenti ejus provenientis ex Extremæ Unctionis Sacramento. Ergo validè possunt illud recipere. Tertium
 Deipara nullum unquam commisit peccatum, neque originale, neque actuale, & tamen in fine vitæ linitam fuisse Extremæ Unctionis Sacramento testantur Albertus Magnus, quem citat, & sequitur S. Antonius 3. p. tit. 14. cap. 8. §. 3. Bernardinus de Busto, Canisius, Sylvester, & alii, quos allegant, & quibus adhærent Suarez in 3. part. tom. 2. disput. 18. sect. 3. Cornelius à Lapide Comment. in Epist. D. Jacobi cap. 5. Vers. 2. & Barradas in Evangel. tom. 1. lib. 10. cap. 6.

His tamen minimè obstantibus inconcussa remanet antedicta conditio de necessitate usus rationis, seu adultæ ætatis in subiecto recepturo Extremæ Unctionem; & ad primum argumentum contrarium respondetur negando paritatem inter hoc Sacramentum, & illa Confirmationis, & Ordinis: siquidem Confirmatio, & Ordo imprimunt characterem; atque ideo nullum est inconveniens, quod pueri, & infantes possint hæc Sacramenta validè suscipere; simulque eorum gratiam Sacramentalem. Illa enim tribuit jus ad habenda quædam auxilia pro ritè exercendis eorum

De Extrema Unctione. Decis. LXXVIII. 313

rum actibus tempore opportuno: & quamvis pro illo statu infantes, puerivē non sint capaces exercendi huiusmodi actus, possunt tamen eis validē prædicta Sacramenta conferri, quia per se sunt in via perveniendi ad ætatem adultam, in qua poterunt actus illos exercere, ratione utriusque characteris in eis indelebiter impressi. At verò Sacramentum *Extremæ Unctionis* non imprimit characterem, ratione cuius sit irreiterabile, & conferat jus ad auxilia quædam habenda pro certis actibus futuro tempore exercendis; quorum in præsentī ipsi infantes non sunt capaces. Præterquàm quod *Extrema Unctio* datur infirmis præcipuē in remedium eorum peccatorum, quæ jam ab eis commissa sunt; sed iidem infantes hoc remedium non egent, cum nulla commiserint peccata; unde in illis neque posset verificari forma Sacramenti huius, scilicet *Indulgeat tibi Dominus quicquid deliquisti*. Ita Maltrius d. disp. 6. num. 107.

Secundum argumentum contrarium difficilior est, quàm appareat, ut ait Emin. Cardin. de Lauræa d. disp. 11. de *Extr. Unct.* num. 153: quia negari non potest, effectum communem Sacramentorum esse gratiam; ideoque parū refert, quod parvuli non habeant venialia delenda, dummodo recipientes *Extremam Unctionem* recipiant gratiam. Augetur difficultas, quia idem dicendum esset de Baptismo respectu ejus, cui per vehementem contritionem, & baptismum in voto fuisset deletum originale, & tamen si huic conferatur, est verum Sacramentum, & suum producit effectum. Imò addere possumus, quod idem absurdum sæpè sequeretur in ipsamet *Unctione Extrema*, cū ministratur homini pio, & innocenti, confesso, ac contrito, carenti etiam venialibus; vel quia submisit ea clavibus, vel quia aliis mediis poenitentiae ea expiavit; siquidem in hoc pio homine non essent venialia per *Extremam Unctionem* delenda, & tamen ei ministrata esset verum Sacramentum.

Oportet igitur pro resolutione argumenti recurrere ad institutionem Sacramentorum; & advertere, quod Sacramenta sunt quidem instituta ad causandam gratiam, non quomodocunque, sed gratiam necessariam ad aliquid peculiarem effectum proprium illius Sacramenti. Verbi gratia: Baptismus datus est ad causandam gratiam, qua deletur originale, & reliqua actualia. Poenitentia ad causandam gratiam, qua delentur sola actualia. Confirmatio ad causandam gratiam, cum qua datur robur, seu jus ad illud pro opportuno tempore ad fidem profuturam, & ita de reliquis; adeo ut, etsi gratia causata ab omnibus Sacramentis sit ejusdem speciei, tamen ipsa non operetur in omnibus Sacramentis eodemmet effectus, sed illos distinctos, qui sunt proprii unicuique Sacramenti. Hoc ergo stante respondetur ad argumentum contrarium dicendo, quod *Extrema Unctio* instituta est ad causandam gratiam secundum se deletivam venialium ab homine capaci; ad confortandum illum contra tentationes, & ad alleviandam animam, ut constat ex Verbis Divi Jacobi Apostoli, & Concilii Tridentini d. sess. 14. in *Proem. Extr. Unct.* Cū itaque infantes, & pueri non sint capaces Venialium, neque tentationum, neque conflictus cum dæmone in articulo mortis; per consequens neque capaces sunt recipiendi gratiam Sacramenti *Extremæ Unctionis*; nam hoc Sacramentum tribuit illam gratiam tantū, quæ operatur prædictos effectus deletivos venialium, confortativos contra insidias dæmonum, & alleviativos infirmi quo ad terrores conscientie; ab iisdem dæmonibus excitatos, & per consequens Sacramentum *Extremæ Unctionis* non est institutum pro parvulis, aut infantibus usum rationis non habentibus; quibus si daretur, esset omnino frustratorium. Neque siringit exemplum de Baptismo, si adultus illum recipiens jam delevisset originale, & actualia per sus-

R r ficien-

- ficientem dolorem cum baptismo in-
 12 to; quia per accidens est, quod non re-
 periantur peccata delenda, & interim
 imprimit characterem in anima, qui est
 alius effectus proprius baptismi. Pari
 modo Extrema Unctio data homini pio,
 & sancto, si non reperit peccata delenda
 in ipso, ipsum tamen munit adversus
 tentationes diaboli, & alleviat ejus ani-
 13 mam in conflictu illo cum morte, & sic
 non est frustratoria, & causat effectus
 proprios gratiæ, quæ ei datur in ipsa Ex-
 tremæ Unctione. Ita Eminen. Card. de
 Lauræa d. disp. 11. num. 154. & 155. &
 Mastrius d. disp. 6. num. 106.

Ad Tertium argumentum responde-
 tur, non deesse alios DD. præter cita-
 tos in illo, qui opinantur, Sanctissi-
 14 mam Virginem MARIAM Matrem
 Dei non fuisse linitam Oleo Sancto in
 Extremo Vitæ, & non suscepisse hoc
 Sacramentum Extremæ Unctionis.

1. Quia cùm sit institutum ad delendas
 reliquias peccatorum, Deipara eo non
 indigebat, quia nunquam peccaverat.
 2. Quia in ipsa non poterat verificari
 forma hujus Sacramenti, & fuisset in-
 decentia dicere, *Indulgeat tibi Domi-
 nus quidquid per Visum, aliosve sen-
 sus deliquisti.* 3. Quia Deipara non ti-
 mebat tentationes diaboli; qui imò con-
 tra eam stare non poterat, quæ erat Ter-
 ribilis, ut *Castorum acies ordinata.*

- Cantic. 16. 9.* 4. Quia Mater Dei non
 15 eguit confortatione, aut alleviatione in
 morbo; siquidem obiit sine morbo, &
 expiravit ex amore, & desiderio fruendi
 Christo Filio suo. En ejus verba ad
 S. Birgittam in *Revelat. libr. 6. cap. 62.*
*Cùm quadam die, lapsis aliquibus an-
 nis post Ascensionem Filii mei multum
 anxiarer de desiderio perveniendi ad
 eundem Filium meum; vidi Angelum
 fulgentem, sicut antea videram, qui
 dixit mihi: Filius tuus, qui est Deus,
 & Dominus noster, misit me nuntiare
 tibi, quod tempus jam est, quo corpo-
 raliter venies ad eum: ad recipiendam
 coronam Tibi preparatam. Et
 paulò infra: Cùmque quadam die ani-
 mus meus suspensus esset in admiratio-*

*ne Divinæ charitatis, tunc anima mea
 in ipsa contemplatione repleta fuit
 tanta exultatione, quod vix se capere
 poterat, & in ipsa consideratione Ani-
 ma mea à corpore fuit soluta. Igitur
 Deiparam nec eguisse Sacramento Ex-
 tremæ Unctionis, nec illud recepisse
 opinati sunt Paludan. in 4. disp. 23. q. 3.
 art. 2. Gabriel in *Supplem. q. 1. dub. 3.*
 & Victoria in *Summa num. 222.* qui-
 bus addendi sunt ex modernis Sancius
 in *Selectis disp. 27. num. 20.* Vasquez
 tom. 2. in 3. part. disp. 119. cap. 8. Nar-
 bona de *Etate ad Annum 90. n. 3.* Col-
 legium Salmanticen. de *Sacram. in gen-
 trali. 7. cap. 4. n. 5.* ubi alios Theologos
 citat, & Mastrius d. disp. 6. num. 115.*

Nihilominus quidquid sit de his opi-
 nionibus; cùm utraque probabilis cen-
 seatur à Thoma Tamburino d. libr. 6.
 de *Extr. Unct. cap. 2. §. 3.* Rationes
 pro affirmativa sunt, quod licet San-
 ctissima Virgo Mater Dei non indiguerit
 hoc Sacramento pro remissione cul-
 parum, à quibus omnino fuit immunis,
 neque ad roborandam animam contra
 tentationes diaboli, aut alleviandam in
 infirmitate, quam non habuit; nihilo-
 minus voluerit devotè ipsum suscipere
 16 præberet fidelibus exemplum humilita-
 tis; tum ut frueretur meritis Christi
 Filii sui, à quo fuit institutum hoc Sa-
 cramentum, quo utique capax erat
 tanquam creatura humana, etsi San-
 ctissima, & expers cujuscunque pecca-
 ti; satis enim est ad capacitatem, ut
 ex humana conditione potuerit peccare,
 tentari, & infirmitate urgeri;
 quamvis ex sublimi prærogativa suæ
 Dignitatis, & ex superabundantia Di-
 vinæ gratiæ, ac donorum Spiritus San-
 cti subiecta non fuerit hujuscemodi mi-
 serii animæ, vel corporis, ut latius
 differunt DD. in tertio argumento al-
 legati; & in specie Suarez d. tom. 2.
 disp. 18. sect. 3. Cornelius à Lapide d.
 Comment. in Epist. D. Jacobi cap. 5.
 sub Vers. 2. Et Emin. Cardin. de Lauræa
 d. disp. 11. de *Extrem. Unct. num. 176.*
 ubi etiam reddit rationem, propter
 quam

quam ipsamet Sanctissima Virgo receperit Baptifmum, quo non egebat, cūm effet concepta abſque peccato originali, & ſemper ſervata innocens, ac libera ab omni culpa actuali. Nec facit amaritudinem forma Sacramenti Extremæ Unctionis; nam ajunt DD. prædicti, quod verba *Quidquid deliquisti*, intelligenda veniunt ſub conditione, ſcilicet: *ſi deliquisti*. Igitur reaſſumendo materiam, firma conſiſtit illa tertia conditio, quod pueris non eſt miniſtranda Extrema Unctio, antequam pervernerint ad adultam ætatem, & aſſecuti ſint Uſum Rationis.

17 Sed dicet aliquis, in qua ætate Pueri cenſendi ſunt habere uſum rationis, & eſſe capaces Sacramenti Extremæ Unctionis? Huic quæſito reſpondens Narbona de *Ætate Ann. 7. q. 8.* ait duas eſſe opiniones Theologorum: *Una*, quod tunc cenſentur habiles ad recipiendam Extremam Unctionem, quando reputantur tales ad ſumendam Sacroſanctam Euchariftiam, videlicet poſt duodecim ſaltem annum. Ita Sotus in *4. Sent. diſt. 23. q. 2. art. 2. col. ult. Verſ. ſi quæras*. Vivaldus in *Candelabr. Aur. De Extr. Unct. cap. de Suſcipiente num. 7.* Et alii plures, quos cumulat Narbona *d. quæſt. 8. num. 2.* & Diana Coordinatus *tom. 2. traſt. 4. reſ. 44.* quæ in inordinato, ſeu Diana veteri exiſtit in *part. 3. traſt. 6. reſol. 89.* Altera opinio eſt, attendendam illam ætatem, in qua pueri ſunt capaces Sacramenti Pœnitentiæ, & incipiunt confiteri culpas ſuas eſſi veniales; ideſt in ſexto, vel ſeptimo anno ſecundum majorem, vel minorem vivacitatem intellectus eorumdem; ob illam manifeſtam rationem, quod Sacramentum Extremæ Unctionis eſt conſummativum Pœnitentiæ, & cui hæc miniſtratur, eò magis illud dari poeſt, ut ſuſtinent Layman *d. lib. 6. traſt. 7. cap. 4. n. 2.* Melchior, Zambranus *De Caſib. occurr. temp. mort.* Et alii apud Dianam Coordinatum *d. tom. 2. traſt. 4. reſol. 44. & 45.* Idem docet Narbona de *Ætate d. Anno VII. quæſt. 8. num. 3.* alios DD.

modernos cumulans; & Saneius in *ſeſſis d. diſp. 27. num. 15.* Et hæc ſecondæ opinio eſt amplectenda, quam etiam docet Gobat *d. traſt. 8. num. 822.*

Duo autem ſunt notatu digna, quæ ſupradicti DD. dicunt circa Extremam Unctionem pueris dandam. *Unum* eſt, quod ſi Parochus ſit dubius, an puer habeat uſum rationis, & an ſit capax, 18 vel non hujus Sacramenti? debet illud ei miniſtrare ſub conditione, *ſi capax eſt*? Ita Saneius *d. diſp. 27. num. 17.* Diana Coordinatus *d. tom. 2. traſt. 4. reſol. 43. & reſol. 45.* Et Emin. Cardin. de Lugo de *Euchariftia diſp. 13. ſect. 4. num. 41.* ubi idem eſſe ſervandum circa Sacrum Viaticum eidem puero exhibendum. *Alterum* eſt, quod ſi uno, & eodem tempore Parochus vocetur ad dandum Oleum Sanctum tum adulto 19 agonizanti, qui conſeſſus, & communicatus fuit; tum puero in agonia pariter conſtituto, qui neque conſeſſionem, neque communionem fecit, tenetur Parochus prius miniſtrare Sacramentum Extremæ Unctionis huic puero annorum ſex, vel ſeptem, qui Sacramenta Pœnitentiæ, ac Euchariftiæ non potuit recipere; quàm adulto prædicto; ea ratione quia iſte puer, (qui ex defectu loquelæ ſupponitur non poſſe confiteri, neque Sacrum Viaticum recipere) cenſetur magis indigere auxilio Sacramenti Extremæ Unctionis tum ad delenda venialia, tum ad robur animæ in eo mortis articulo; quàm ille adultus, qui alia Sacramenta recepit, & plus indigenti 20 eſt prius ſuccurrendum. S. Thom. 2. 2. q. 32. & 33. ut ſuſius diſſerit Saneius *d. diſp. 27. num. 11. & 12.*

DECISIO LXXIX.

ARGUMENTUM.

Quia Extrema Unctio miniſtranda eſt tantummodò infirmis gravi morbo, non autem levi laborantibus, proponuntur, ac reſolvuntur objecta de S. Hedu-

316 De Extrema Unctione. Decif. LXXIX.

vige, de S. Malachia, & de Græcis, qui etiam sanos, aut levi dolore afflictos Oleo Sancto unguunt. Ostenditur, Unctiones illas Græcorum non esse Sacramentum, sed Sacramentalia. Referuntur plures casus, in quibus ob improvisa accidentia danda est Extrema Unctio, nempe in fluxu sanguinis è naribus, in puerperio, morsu viperæ, deliquio, timore apoplexiæ. Docetur, quando eadem sit ministranda Ebriosis, Phthisicis, Hydropticis, pestiferatis, ac senibus. Tandem notantur duo Casus, in quibus etiam Rei damnati ad mortem Oleo Sancto possunt liniri.

S U M M A R I U M.

1. *Infirmis ex morbo periculoso danda Unctio Extrema.*
2. *Sanis hominibus nec licitè, nec validdè datur Extrema Unctio.*
3. *Infirmis tantum cur. Extrema Unctio datur?*
4. *Infirmi levi ægitudine non unguuntur Oleo Sancto.*
5. *Sæcula Benedictina, quæ sunt in Monasterio S. Justinae de Padua, laudata.*
6. *S. Heduvigi Ducissæ Poloniæ cur data Extrema Unctio sine infirmitate?*
7. *S. Malachias cur dedit Extremam Unctionem puellæ resuscitatæ? & num. 14.*
8. *Græci inungunt Oleo Sancto. etiam sanos.*
9. *Græci intelligunt Verba S. Jacobi Infirmatur quis in vobis &c. etiam de animæ infirmitate, idest de peccatis. Sed male. num. 19.*
10. *Sanctorum plura facta admiranda, non imitanda.*
11. *Proximè accingendus habetur pro accinso.*

12. *Sponsæ fundus dicitur fundus dotalis.*
13. *S. Heduvigi an Confessarius debuit credere, circa petitionem Olei Sancti?*
15. *Græcorum Unctiones cum Oleo Sancto non sunt Sacramenta, sed Sacramentalia.*
16. *Innocentii VIII. Bulla cur. non prohibeat Græcis ungere sanos Oleo Sancto?*
17. *Oleo Sancto antiquitus tanquam Sacramentali etiam Latini utebantur.*
18. *S. Gotardus Episcopus adhibet Oleum Sacrum pro dolore oculorum.*
20. *Deipara an receperit Extremam Unctionem?*
21. *Sanguinis fluxus magnus è naribus sufficit pro dando Oleo Sancto.*
22. *Puerperæ quando possit dari Extrema Unctio?*
23. *Vulnere mortali sauciati Oleo Sancto sunt liniendi.*
24. *Viperæ morsus est mortalis, & sufficiens. pro danda Extrema Unctione.*
25. *Felis pili si deglutiantur, sunt venenosi, ac mortales.*
26. *Deliquio oppressis an. dandum Oleum Sanctum?*
27. *Apoplexiam timentes an Oleo Sancto muniendi?*
28. *Ebrietate pereuntibus an danda Unctio Extrema?*
29. *Sal in vino causat ebrietatem.*
30. *Ebriosi an Sacramenta ministranda?*
31. *Ebriosi casus curiosus, ad quem Oleo Sancto unguendum Auctor vocatus fuit.*
32. *Phthisici, ac hydroptici quando sint unguendi Oleo Sancto? Item posse afflicti, & nimio senio confecti?*
33. *Mori:uri per manus Carnificis non ministratur Extrema Unctio.*
34. *Rei à Carnifice trucidandi in duobus casibus Oleo Sacro unguendi.*
35. *Rota ferro armata conquassantur, & trucidantur homicidæ in Germania, & Francia.*

36 *Offragio Reis decumbentibus Extrema Unctio ministranda.*

37 *Mulier, quæ aliam occiderat, rotata à Carnifice. Tormentum rotæ antiquissimum.*

Quartæ conditio necessaria in homine Viatore, baptizato, ac adulto, Sacramentum Extremæ Unctionis recepturo, est, ut ipse sit infirmus, ac probabiliter morti proximus, ob periculofam infirmitatem. Quapropter occasione hujus quartæ conditionis de tribus generibus personarum disputant Doctores, an iis Extrema Unctio sit ministranda? Videlicet

1 *De Sanis morali mortis periculo se exponentibus?*

2 *De Morlentibus non ex intrinseca corporis ægitudine; sed ex extrinseco mortale accedente?*

3 *De Reis morte plectendis per manum Carnificis.*

Quo ad Primum. Sanis, seu personis in sanitate corporali constitutis Extrema Unctio, nec licite, nec valide ministrari potest, ut concorditer docent DD. infra citandi, qui exemplificant de illis, qui longæ, ac periculosæ navigationi se exponerent, vel in magna maris tempestate, ac vicino naufragio reperirentur; sive periculofum prælium intrarent, in quo probabiliter sint morituri. Ratio, propter quam nullus horum Oleo Sancto potest liniri, est; quia hoc Sacramentum institutum est pro morituris ex infirmitate, ut ait Divus. Jacobus cap. 5. Vers. 2. ibi: *Infirmatur quis in vobis. Unde Concilium Florentinum ait: Hoc Sacramentum nisi infirmo, de cujus morte timetur, dari non debet.* Et Concilium Tridentinum: *Non nisi infirmis, qui in exitu vitæ constituti videantur.* Si igitur infirmis, ergo non sanis; & ratio rationis est, cur infirmis tantum naturaliter, non autem aliis violenter ex hac vita, qui sanitate pollent, discessuris paratum fue-

rit hoc remedium; quia per ægitudinis molestias corporis sensus adeo doloribus, & anxietatibus opprimi solent, ut facili infirmus laberetur in desperationem; & satis difficulter resisteret tentationibus diaboli, nisi hoc cœlesti remedio adjuvaretur, animam alleviante, & confortante. Hæc incommoda in sanis, etsi decessuris, prorsus cessant, cum integris sensibus, & pleno usu rationis moriantur; quare divina gratia suffulti ex opere operantis his omnibus incommodis possunt occurrere. Ita ex Scholasticis S. Thomas in *Supplem.* 3. p. q. 32. art. 1. & 2. Magistrus in 4. Sent. disp. 6. num. 112. Eminen. Card. de Lauræa de *Extr. Unct.* disp. 11. num. 162. Ex Moralibus autem Thom. Tamburinus de *Triplet Jure lib.* 6. cap. 12. §. 5. & Gobatus in *Experim. Theol. tract.* 8. à num. 833. Et seqq. ubi alios citat.

Porro advertendum est, dum hoc dicimus Sacramentum Unctionis Extremæ non esse dandum sanis, sed tantum infirmis; quod non omnibus infirmis, levi ægitudine gravatis est ministrandum; sed tantummodò infirmis periculose decumbentibus, ut ex verbis utriusque Concilii Florentini, ac Tridentini supra relatis colligitur, & notant antedicti Doctores. Siquidem Lutherus fuit, qui causam convitiandi catholicos quæritans, in *libr. de Captivitat. Babyl.* quibuscumque etiam leviter infirmantibus Sacramentum hoc Extremæ Unctionis dandum scripsit: *Apostolus (inquiens) in hoc ungit, & orari præcipit, ut infirmus sanetur, & allevietur, hoc est, non moriatur.* Illi contra dicunt, non esse dandam Unctionem nisi decessuris, hoc est, ut non salventur, & allevientur. Lutherum sequutus est in hoc errore Calvinus, (ut diximus supra Decis. 74. num. 32.) qui *libr. 4. Instit. cap. 19.* hæc contra Catholicos effutens ait: *Jacobus omnes infirmos vult inungi: isti non infirmos, sed semimortua cadavera sua pinguedi-*
ne in-

318 De Extrema Unctione. Decis. LXXIX.

ne inficunt, cum jamjam anima in primoribus labris laborat, vel, ut ipsi loquuntur, in extremis. Utriusque verba supradicta refert Ivenim in *Comment. Hifor. & Dogm. De Sacram. Extreme Unction. quæst. 7. cap. 1. tom. 2.* Cæterum calumniæ sunt horum hæresiarum; quia Ecclesia Catholica semper in usu habuit ministrare hoc Sacramentum non leviter ægrotantibus, sed graviter decumbentibus, & quando morbus ex prudenti Medicorum, ac Parochorum judicio periculosus reputatur; ut manifestè constat ex vitis Sanctorum, collectis tum per Laurentium Surium, tum per doctissimum Bollandum; ac recentissimè per eruditissimos Monachos Congregationis S. Mauri D. Lucam d'Achery, & D. Joannem Mabillon in *Seculis Benedictinis*, impressis *Letitæ Parisiorum Anno 1669.* in nobilissima Bibliotheca Monasterii S. Justinæ de Padua existentibus, in quibus frequenter legitur, ab Anno Christi 500. usque in præsentem diem, quod Sancti Episcopi, Abbates, Prælati, ac animarum Pastores præbebant Sacramentum Extreme Unctionis infirmis, & ab his flagitabatur, non in initio morbi, aut levis infirmitatis; sed quando ægrotudo ita urgebat, ut vicinam esse mortem designaret, & exempla plura hujus veritatis transcribit ex SS. Patribus Ivenim in *d. Commentar. Hifor. & Dogmat. quæst. 9. cap. 2. concl. 2.* Hinc ferè omnes D.D. docent, quod si ungatur Oleo Sancto infirmus, de cujus infirmitate nullum sit periculum nec in re, nec in prudenti assistentium opinione, Unctio ipsa non solum sit illicita, sed etiam invalida, ut bene demonstrat Suarez *tom. 4. in 3. par. D. Thomæ disp. 42. sect. 2.* Gobatus *d. tract. 8. num. 834.* Castropalaus de *Extr. Unct. disp. unic. punct. 6. num. 13.* Tamburin. *d. lib. 6. cap. 12. §. 5.* Mastrius *d. disp. 6. num. 114.* Et Emin. Cardin. de Lauræa *d. disp. 11. num. 165.* præter alios Theologos Morales, quos citat, & sequitur Diana *part. 9. tract. 6. resol. 44.* Quæ residet

in Coordinati operis *tom. 3. tract. 4. resol. 38.* ubi concludentes rationes adducit pro expectando periculo infirmitatis, ad hoc ut valide conferatur hoc Sacramentum.

Sed contra hanc doctrinam objiciet aliquis. *Primò* exemplum S. Heduvigis Ducissæ Poloniæ relatum tum à Surio 6 in ejus vita *die 15. Octobris cap. 8.* tum à P. Gobato *d. tract. 8. de Extr. Unct. num. 855.* his verbis: *Præusquam Sancta Heduvigis Ducissa Poloniæ ullo morbo tentaretur, cognito tamen divitiis, & morbum, & mortem imminere, petiit ungi extremè. Et satisfactum est ejus desiderio, & Oleo Sancto uncta est.* Igitur non tam infirmis periculosè decumbentibus, quàm etiam sanis potest Unctio Extrema ministrari. *Secundò* exemplum S. Malachias, de quo supra *Decis. 74. num. 35.* relatum ab eodem Gobato *d. tract. 8. num. 935.* Et ab Ivenim de *Extr. Unct. quæst. 9. d. cap. 2. col. 6.* Ipse enim Sanctus Malachias Episcopus cùm suis lacrymis, ac precibus obtinisset à Deo resurrectionem de morte ad vi- 7 tam Matronæ unius, quæ decesserat absque Sacramento Extreme Unctionis; *Mane facto* (sunt verba S. Bernardi Abbatis factum S. Malachias referentis) *aperuit oculos; quæ fuerat mortua, & agnito Malachia, inclinans devotè salutat eum; & verso luctu in gaudium, supor apprehendit omnes; & UNXIT eam nihilominus, sciens in hoc Sacramento remitti peccata; & quòd Oratio fidei salvat infirmum.* Si igitur resurrexerat, quæ fuerat mortua; non erat amplius infirma; reddita erat ad vitam, restituta ad sapientem; & nihilominus eam UNXIT S. Malachias. Ergo etiam sanis, vel saltem ubi non est periculum mortis ministrari potest Extrema Unctio. *Tertiò* objicitur exemplum Græcorum, ac Ecclesiæ Orientalis, in qua confertur Sacramentum Extreme Unctionis personis in bona sanitate constitutis, tum feria quinta in Cæna Domini statim post consecrationem, 8

tionem Oleorum: tum ad libitum Sacerdotis, quando pœnitentes confessi sunt peccata sua; applicando Unctionem illam in partem pœnitentiæ; tum etiam in quacunq; levi ægitudine, & minimo dolore capitis. De primis ait Goar in notis ad Officium S. Olei: *Unumquemque Oleo Sancto ab Episcopo benedicto se se in Ecclesia Orientali ungendum offerre Feria V. in Cœna Domini: unctionemque hujusmodi, ut peccatorum antidotum, & Sancti-
satis largitricem Sacra Communione præviā Episcoporum manu suscipere. Et Leo Allatius de Eccl. Occident. & Orient. perpet. consens. cap. 16. hæc habet: Non tantum infirmos, sed sanos quoque homines Extrema Unctione, & sæpius (Græci) inungunt. De secundis idem Goar ubi proximè ita subdit: Ritus, quo gravioribus subditi peccatis, licet sint ex omni parte sani, quia tamen egrotorum delicta Sanctam Unctionem curare noverunt, illam deinceps pro canone, idest pro pœnitentia acceptant; & à Sacerdotibus tota precum harum serie se expiandos, & infirmorum unctione velut adversa animæ valetudine affectos, & medendos offerunt. Quippè*
 9 Græci ea verba S. Jacobi *Infirmitur quis in vobis &c.* interpretantur non tantum de infirmitate corporis, quantum de ægitudine animæ, quæ sunt peccata; quare etiam Job Monachus in *Contemplat. Septem Myster. Eccl.* scribit: *Tempus autem, quo oporteat suscipere Eucheleon, (idest Olei Sancti Sacramentum) tota est mortalium vita post peccatum ad extremum usque spatium. De tertiis antedictus Goar pariter testatur: Officio peracto, (scilicet dum moribundus Oleo Sancto est inunctus) ex-adsstantibus plerique, vel spiritualis benedictionis obtinentiæ, vel levis alicujus doloris eos affligentis leniendi gratia, Unctionis medela se curari exoptant; quod postea Sacerdotes, eadem oratione ac super egros recitata complent. En itaque quod Græci Oleo Sancto li-*

niunt, & sanos, & levi morbo affectos, ut latius differit prælaudatus Ivenim d. *quest. 7. cap. 2. Quare obijci potest, quod dictum est supra de DEIPARA Decis. LXXVIII. num. 14. & 15. Eam, etsi nullam corporis ægitudinem passam, Olei Sacri mysterium suscepisse.*

Sed his objectionibus non obstantibus subsistit quarta conditio, de qua agimus, ad validam ministratorem Sacramenti Extremæ Unctionis; quod scilicet illud recepturus non sit sanus, sed gravi, ac periculosa corporis infirmitate laboret; & ad primum objectum, seu Exemplum S. Heduvigis respondetur, multa Sanctorum facta esse admiranda, non imitanda, ut dictum est paulò ante *Decis. LXXVI. n. 30. & advertunt Lessius de Just. & Jur. libr. 2. cap. 9. num. 23. Emin. Card. de Lugo cod. tract. disp. 10. num. 16. & Gobatus tract. 2. num. 631. idcirco S. Heduvigis sicut divinius agnoverat, se brevi infirmam, ac morituram, ita divino instinctu petiit, se Sacra Unctione muniri. Nisi ulterius dicamus, quod jam certior facta à Deo de imminente corporis morbo, poterat infirma reputari juxta regulam: Proximè accingendus habetur pro accincto. l. penult. ff. de Milit. testam. Jaf. in Auth. Si qua mulier. C. de Sacrosanct. Eccl. num. 23. Illustrissimus Comes Jacobus Caimus Utinensis, (olim Primarius Lector Juris Civilis in hoc Publico Gymnasio Patavino, eloquentia, ac Jurisprudentiæ sydz præfulgens, Præceptor meus, ac ad Lauream mei Doctoratus Promotor humanissimus) in suis *Lucubrat. Var. ad Rubr. ff. Solut. Matrim.* ubi ex hac regula probat, fundum, ac prædium sponsæ reputari dotale ob proximitatem futuri Matrimonii; idcirco etiam Sancta Heduvigis, cum proxima esset ejus mortalis infirmitas, potuit tanquam infirma Oleo Sacro liniri. At P. Gobatus d. *tract. 8. num. 873. scribit, quod Sacerdos non tenebatur credere S. Heduvigi eam à Spiritu Sancto insti-**

instigari ad petendum quidpiam repugnans divinis litteris, sensuique totius Christianitatis; quamvis illum excuset, cum eo tempore non esset tam clare definitum, prout postea in Concilio Florentino, hoc Sacramentum non esse conferendum nisi actu infirmis. Ad factum S. Malachiae idemmet Gobarus *cod. tract. 8. num. 937.* respondet, Sanctum illum Antistitem credidisse, mox iterum Matronam resuscitatam esse morituram, vel quod Christus dispensavit in eo casu, ut etiam non infirmæ Sacramentum Extremæ Unctionis ministraret, & hanc suam dispensationem eidem Sancto manifestarit. Dicendum puro, quod S. Malachias reputarit ipsam periculoso morbo adhuc detineri; ait enim Historia (cujus Auctor censetur mellissus S. Bernardus) quod S. Malachias eam Oleo Sancto unxit; *Et post hæc abiit, & illa convalescit.* Ergo si post convaleuit, tunc non erat sana; si sana non erat, utique adhuc erat infirma.

Tertio objecto de Unctionibus, quas ministrant Græci eum Oleo Sancto personis sanitate pollentibus in tribus illis casibus, seu temporibus supra consideratis, respondet eruditissimus Theologus, ac Canonista simul, Dominus
15 Jacobus Pignatellus in *suar. Consult. tom. 8. consult. 84. num. 29. & seqq.* quod Unctiones illæ non sunt Sacramenta, sed Sacramentalia, quæ sunt personis sanis illas petentibus, tanquam benedictiones quædam, habentes virtutem expiandi venialia; sicut in usu est apud nos Latinos benedictio cum Aqua benedicta, & hujus responsionis auctorem nominat Arcudium *libr. 5. de Sacram. cap. 4.* ut etiam notavi supra *Decis. LXX. num. 31. & 32.* ubi retuli hanc responsionem Pignatelli. Nec impropria reputari debet hæc responsio; quod Oleum Sanctum infirmorum sit materia Sacramenti, & materia Sacramentalium apud Græcos; siquidem etiam in Ecclesia Latina Olea Sacra deserviunt non solum pro materia Sacramentorum, sed etiam

pro materia Sacramentalium; nam ut dixi de *Confirmatione Decis. LIV. num. 8. & supra Decis. LXX. num. 32.* Sacrum Chrisma est materia Sacramenti Confirmationis, dum Episcopus illud ministrat; & est materia Sacramentalium, quando eodem Chrismate Sacro unguuntur Altaria, Ecclesiæ, & Calices; necnon dum statim post datum Baptismum pueri baptizati caput in vertice linitur; quæ omnes Unctiones non sunt Sacramenta, sed quædam Sacramentalia, & benedictiones ab Ecclesia institutæ.

Hinc desumere licet causam, propter quam Innocentius Papa VIII. in sua Constitutione circa Ritus Græcorum, quæ incipit: *Sub Catholice* 16
professione Fidei (quæ extat in primo tomo Bullarii Romani inter illas ejusdem Innocentii VIII. *Constit. XIV.* & apud Quarantam in *Summa Bullar. Verb. Græcorum Ritus*) Innocentius inquam VIII. non proscripsit, nec damnavit unctionem, quam imponunt Græci poenitentia iis, qui confessi sunt peccata sua; sed tantum ordinavit, ne Unctio solummodo pro satisfactione poenitentia per Confessores iungatur; quapropter si simul cum Unctione Olei Sancti alia opera satisfactoria poenitentia fuerint iuncta, ipsa Unctio toleretur; Scilicet quia est quid Sacramentale habens aliquam vim satisfaciendi; ut latius disserit Pignatellus *d. consult. 84. n. 32. & 33. tom. 8.* cujus interpretatio est satis congrua; quamvis alii moderni Canonistæ, ac Theologi eam non admittant, & prædictas Græcorum Unctiones tanquam manifestos abusus non approbent; & Gonzalez in *Comment. ad cap. Quæst. 14. de Verb. Significat. sub n. 2.* ita scribit: *Improbanda est falsa Pietas quorundam Græcorum, qui hoc Sacramentum conferunt bene valentibus, si illud flagitaverint in remissionem peccatorum; ut tradit Franciscus Richardus libr. de Expedit. ad Insulam S. Irenæi cap. 12. quam heteroscle-*
fis

De Extrema Unctione. Decis. LXXIX. 321

fin refert, & reprehendit Theophilus Raynaud. tom. 16. in Heterocl. punct. 12. fol. 164.

Porro adhuc ego cenſeo, non eſſe reputandas illicitas antedictas Unctiones Græcas etiam ſanis perſonis, vel modico aliquo dolore agitatſ impertitas; dummodò eis non abutantur, ſed cum debita reverentia illas excipiant, uti Sacramentalia Eccleſiæ; ea ratione quia etiam in Eccleſia Latina antiquitùs erant in uſu, ut teſtatur ex teſtimonio Arcudii ipſemet Pignatellus *in cit. tom. 8. conſult. 84. num. 30.* his verbis: *Conſtat, quòd Oleum benedictum ſolveret diſtribui etiam in medicinam corporalem; quòd cum in abuſum tenderet, fuit prohibitum in Concilio Moguntino ſub Carolo Magno can. 24. his verbis: Presbyteri ſub ſigillo cuſtodiant Chriſma, & nulli ſub prætextu medicine, vel maleficii donare inde præſumant; quòd ſi fecerint, honore priventur.* Allegat deinde Arcudium *lib. 3. de Sacram. cap. 4.* referentem exempla Sanctorum, qui Oleum Sanctum adhibebant pro medicina alicujus doloris, vel levis infirmitatis; & præcipuè celebre factum

18 S. Gotardi Epifcopi apud Surium *tom. 7. die 4. Maii.* Qui juſſit Presbytero, ut Sacro Oleo, quòd infirmorum dicitur, ejus ungeret oculos, quæ quidem Unctio, & Sancti Viri preces ab illo dolore uſque ad vitæ finem eam (mulierem doliſificam) immunem conſervavit. Hujusmodi exempla plura ſtudioſus Lector reperiet in Sæculis Benediſtiniſ in *Indice Morali Verb. Unctio*. Sed recordetur eorum, quæ ſcripſimus ſupra *Decis. LXIX. num. 19.* nempè, ut plurimùm Oleum, quò Sancti utebantur pro medicina ad curandos dolores, ſeu leves infirmitates, non fuiſſe Oleum Sacram ab Epifcopo ſolemni ritu in Feria quinta Cœnæ Domini; ſed Oleum ſimpliciter benedictum; quòd ob reverentiam vocabatur Sacrum. Stat igitur, Unctiones Olei Sacras, quas Græci impertunt ſanis, vel pœni-

tentibus, non eſſe Sacramenta; ſed benedictiones Sacramentalis, nulliusque ponderis eſſe rationem eorundem Græcorum, quòd verba D. Jacobi *infirmatur quis in vobis?* ſint intelligenda tam de infirmitate corporis, quàm de infirmitate animæ, quæ eſt peccatum; ſiquidem de ſola corporis gravi ægitudine eſſe ſumenda conſtat ex textu Græco tum Evangelii, tum Epiftole S. Jacobi; in utriſque enim Interpres ponit idem verbum, quò uſus eſt ad denotandam infirmitatem Lazari *Joan. 11.* quæ certè fuerat corporalis, ut doctè probat Gobatus *d. tract. 8. numer. 836. & 837.* ubi alii Interpretes S. Scripturæ ita ſentientes referuntur.

Quarto tandem obſecto reſpondeatur, utique Deiparam migraviſſe ex hac vita non ex morbo aliquo, ſed ex vehementiſſima charitate in Deum, ut dictum eſt antecedenti *Decis. LXXVIII. num. 19.* & hac de cauſa plurimi DD. opinantur, eam non recepiſſe hoc Sacramentum Extremæ Unctionis. Sed eſt illud receperit, cùm jam certa facta eſſet ab Angelo de proximo ejus exitu ex hac vita, ritè potuit illud ſuſcipere ex regula præcitata *num. 11.* & ex dicendis infra de ſenio confeſtis, ac aliis, qui probabiliter reputantur de die in diem morituri ob nimiam corporis debilitatem, de quibus Gobatus *cod. tract. 8. num. 840. & num. 852.*

Quo ad Secundum genus perſonarum, quæ validdè, ac licitè Sacramentò Extremæ Unctionis veniunt muniendæ, illæ ſunt, quibus mors imminet non ex intrinſeca corporis ægitudine; ſed ex aliquo extrinſeco mortali accidente. De his perſonis Doctores dant exempla ſequentia. Primò de illis, qui ob fluxum ſanguinis è naribus verſantur in discrimine vitæ. Gobat. *d. tract. 8. num. 842. & num. 852.* Secundò de Puerpera, quæ ob partus difficultatem, ac nimios, & diuturnos dolores con-

Sſ
Ritu.

- ftituta eft in probabili periculo vitæ .
*Vivald. in Candelabr. de Extr. Unct. §. de Sufcipientibus num. 3. Reginaldus lib. 38. num. 68. Diana part. 10. tract. 12. refol. 9. reposita in Coordinato tom. 2. tract. 4. refol. 49. ubi concordantes allegat . Gobatus in tract. 2. de Baptifmo num. 57. 247. & 260. nec non in cit. tract. 8. à num. 843. & feqq. ubi advertit, quòd non eft ungen-
 da Oleo Sacro parturiens in ordinario partus periculo; fed ubi illud fit ingens, & ex judicio Medicorum agatur de difcrimine vitæ. Tertiò de quibuscunque mortaliter vulneratis, & de his fre-
 23 quentes funt cafus in hac Urbe Patavina; ac non femel ego necesse habui Sa-
 cro Oleo linire vulneratos ab eorum inimicis, dum juvenis coadjuvabam R. D. Antonium Pulcheri de Castro-
 franco Virum pietate, ac prudentia exi-
 mium Parochum S. Petri educatorem meum; de his advertit Gobatus cit. tract. 8. num. 853. Quartò de illis, quos
 24 Vipera momordit, & ex veneno mors imminet. Gobat. *ibid.* ea ratione, quia omnia venena funt exititialia, & potiffimum viperarum, ut ostendit Zacchias in *Q. Q. Medicoleg. lib. 2. tit. 2. quest. 4. per totam*, in qua refert va-
 25 ria venenorum genera; & inter ea pilos felis, qui assumpti in stomachum funt venenosi, ac mortales. Quintò de oppressis gravi aliquo deliquio, qui sensus amisere. Idem Gobat *d. tract. 8. num. 894. & feqq.* Sed attendendum judicium Medicorum, vel ab ex-
 26 perto Parochò observandus pulsus ejusdem decumbentis; non enim omnia deliquia funt mortalia, præcipuè in mulieribus; ut sæpè in praxi ego observavi. Sextò de timentibus propin-
 27 quam apoplexiam; si tamen non levi, ac continuo morbo afficiantur; sed si sola dispositione corporis ad illud supremum malum; de quo si vehemens suspicio habeatur, satius erit, infernum petere. ac desiderare hoc Sacramentum; sed differre ejus ministra-
 tionem, vel ad tempus apoplexiæ, vel donec majora ejus indicia habeantur, ut differendo pro utraque opinio-
 ne concludit idem Gobatus *d. tract. 8. num. 875. & 876.* Septimò de pereun-
 tibus ob ebrietatem inadventer contractam. Dixi inadvertenter, quia si aliquis voluntariè, aut ex habitu se inebriasset, & in mortis periculum incidisset, neque Sacro Viatico, neque Oleo Sancto esset dignus, ut fuscè tractat Gobatus *de Sacra Commun. tract. 4. num. 194. & feqq.* & etiam *de Extr. Unct. tract. 8. num. 832. & 833.* nec non in *Quinario tract. 5. cap. 50. ubi num. 4. reddit rationem*; scilicet quia talis ebrius voluntarius est in peccato mortali, & si à Vino suffocetur, privandus est Ecclesiastica sepultura, *ex text. & DD. ibi allegatis.* Vice versa si ebrietas contracta fuit involuntariè, & inculpabiliter, puta quia combibones Vino immiscuerunt salem, ut notat Julius Clar. in *Praxi Crimin. lib. 5. §. fin. quest. 60. num. 11. & ibi Bajardus num. 41.* aut bibit vinum generosum, vel meracum putans aqua mixtum, ut considerat idem Gobatus *d. tract. 4. num. 196.* in his casibus urgente discrimine vitæ, Oleo Sancto liniendus, ac si confiteri possit, audiendus, absolvendusque est; cessanteque periculo vomitus communicandus, & si obeat, in loco Sacro sepeliendus. Gobatus in *Quinario d. tract. 5. cap. 50. num. 5. & de Communione tract. 4. num. 197.* ubi subdit, quòd in dubio præsumitur ebrietas esse involuntaria, quando accidit illi, qui nunquam, aut vix unquam fuit vino deditus; nam de nullo debemus faciliè præsumere delictum. *l. Meritò. ff. Pro Socio.* Certè cum ebriosus opus est in Parochò magna prudentia, ne de facili præbeat Sacramenta cum eorum contemptu, irreverentia, vel nullitate, & è contrario, ne desit adjutorio etiam ebriosorum. In primis annis mei Sacerdotii quodam Vespere vocatus fui ad ministranda Sacramenta coquo N. N. Nobilis Veneti habitans in hac Parochia S. Petri; aſſerebant enim confervi eum mori, Cucur-*

Cucurri, reperi eum in lecto gemitibus animam ferè exhalantem. Clamabant conservi prædicti: citò ungatur Oleo Sancto, quia moritur. Ego steti strenuè, & interrogavi Coquum, an ultra solitum bibisset? Ille amuit. Ego addidi: mitte digitum in gutture. Ita fecit; & ecce copiosius vomitus magnæ quantitatis vini, quo ejectione à stomacho, cessavit infirmitas, & instantia Extremæ Unctionis. Ultimò

32 ungendi veniunt Oleo Sancto tum Phthisici, ac Hydropici, cùm difficilis in eis sit respiratio; tum peste afflati, sive nimio senio confecti; quia in his omnibus periculum est improvise mortis, & insperatæ suffocationis. Gobatus d. tract. 8. de Extr. Unct. n. 851. 852. & 853.

Quò ad Tertium genus, morientium scilicet per manus carnificis, prout Reis accidit per Judices morti damnatis, Regula est à Doctoribus, & universali consuetudine approbata; quòd his Extrema Unctio non est ministranda; quia licet sint excentes ex hoc mundo, tamen non sunt infirmi, pro quibus hoc Sacramentum fuit institutum. S. Thom. in 4. dist. 23. q. 2. art. 2. Layman libr. 5. tract. 8. cap. 4. num. 4. Tamburin. de Extr. Unct. lib. 6. cap. 12. §. 5. num. 2. Eminen. Cardin. de Lauræa d. disp. 11. n. 169. Gonzalez in cap. Quæsit. num. 2. de Verb. Signific. tom. 5. & Mastrius d. disp. 6. num. 104.

Duo tamen casus notat Gobatus d. tract. 8. num. 847. & 848. in quibus etiam infelices Rei à carnifice trucidandi liniri possunt Oleo Sacro, & muniri hoc Sacramento. Primus casus est, si publicata mortis sententia, & adveniente die executionis ejus, Reus vel obtruncandus, vel suspendendus mortali febre, aliove gravissimo morbo afficiatur; tunc enim ultra Sacramenta Confessionis, & Eucharistiæ, etiam hoc Extremæ Unctionis debet eidem ministrari; verè enim est infirmus, ac infirmitate periculosa laborat, ut ait. Escobar Problem. 30.

quem laudat, ac sequitur Gobatus ibidem num. 847. Alter casus est, quando Reorum, præcipuè homicidarum, artus, brachia, femora, tibie, ac pedes franguntur rota ferro prominente armata. In hac carnificina, quæ legibus, & moribus Germanorum; ac Francorum recepta est, ac practicitur cum homicidis voluntariis, aliisque publicis latronibus, & viarum grassatoribus, sæpè accidit, ut Reus fractis ossibus implexus rotæ post illam horrificam contractionem diu vivat, & à spectantibus haustum aquæ frigidæ petat; adeò ut etiam per triduum animam agat, antequam expiret. In hoc casu sicut licitum est tam sæcularibus, quàm Religiosis solari miserimum illum patientem; ita non censetur prohibitum eidem poenitenti, & hoc Sacramentum Extremæ Unctionis flagitanti, illud pie ministrare, etsi suæ rotæ alligato; ea ratione, quia in tali casu superviventia post fracturam ossium Reus ipse morti proximus est ob vulnera suscepta, & ob ossifragium; ut considerant Palaus, ac Tannerus, 36 quos citat, & sequitur ipse Gobatus d. tract. 8. d. num. 848. cum duobus sequentibus; subdus in nihilo offendi reverentiam Sacramenti exhibiti in illo patibuli loco, quia nullus plane locus determinatus est pro hac unctione; neque Magistratum sæcularem posse id prohibere; cùm sit actio merè spiritualis, nihil præjudicans publicæ justitiæ. Tali carnificina, ait P. Gobatus, vidisse puniri mulierem la- 37 certosam, quæ aliam in domo propria ex insidiis trucidaverat, cremio in caput impacto. Perantiquum fuisse rotarum supplicium docet Cælius Rhodigin. Lect. antiquar. libr. 10. cap. 5. & multiplicis generis rotas fuisse notat Emin. Cardin. Baronius in Martyrológ. Rom. die 13. Aprilis.

DECISIO LXXX.

ARGUMENTUM.

Ostenditur, quòd infirmus priusquam ungatur Oleo Sancto debet Sacramentaliter confiteri peccata sua; discutitur utilis Quæstio, quid agendum à Parrocho, si infirmus sensibus sit destitutus? vel in amentiam prolapsus, itaut non possit confiteri? Refertur duplex stultitia: Una spiritualis, & meritoria, quam Servi Dei affectarunt, inter quos B. Simon Salo, B. Jacoponus, & S. Philippus Neri: altera naturalis, & miserrima, cujus septemdecim species dignæ scitu numerantur. Tandem resolvitur, Extremam Unctionem esse dandam infirmis amentibus, qui antea habuerunt usum rationis; non etiam stultis à nativitate, nisi sub conditione: si aliquo modo deliquisti.

SUMMARIUM.

- 1 Dolor de peccatis requiritur in infirmo, ut Oleum Sanctum recipiat.
- 2 Confessio mortalium debet præcedere Extremam Unctionem.
- 3 Publicus Pœnitens non inungitur Oleo Sancto ante reconciliationem.
- 4 Excommunicatus est prius absolvendus, dein Oleo Sancto ungendus.
- 5 Sensibus destitutus infirmus an inungendus?
- 6 Peccatori notorio sensibus destituto an Extrema Unctio sit danda?
- 7 Argumentum à denegata sepultura Ecclesiastica ad denegationem Sacramentorum non valet.

- 8 Amentibus, seu furiosis an danda sit Extrema Unctio.
- 9 Stultitia duplex, spiritualis, & Sancta: naturalis & miserrima.
- 10 Servi Dei se stultos fingunt.
- 11 B. Simonis Salo fida stultitia.
- 12 B. Jacoponi Tudertini sanctissima dementia.
- 13 Cornelii à Lapide encomium stultitiæ Sanctæ.
- 14 S. Philippus Neri demens reputari curabat.
- 15 Amentes undè didici?
- 16 Stultitiæ naturalis causa quænam sit;
- 17 Species plurimæ stultitiæ naturalis.
- 18 Ira est species dementiæ.
- 19 Metus gravis causat dementiam.
- 20 Luxuria impetus facit insanire.
- 21 Amor nimius dementia est.
- 22 Ebrii dicuntur insani.
- 23 Dormientes loquendo, ac deambulando sunt dementes.
- 24 Sopore gravi oppressi reputantur amentes.
- 25 Apoplexia aufert rationis usum.
- 26 Epileptici censentur dementes.
- 27 Phræncis species stultitiæ.
- 28 Ecstatici vocantur dementes.
- 29 Lycanthropia species stultitiæ. Et quæ?
- 30 Hidrophobi qui sint? Et quomodo amentes?
- 31 Dæmoniaci, ac Fanatici qui dicuntur?
- 32 Tarantule morsus facit insanire.
- 33 Morti proximi insanire solent.
- 34 Hypochondriaci dicuntur dementes.
- 35 Uterinus furor in mulieribus causat insaniam.
- 36 Extrema Unctio requiritur devotionem in suscipiente.
- 37 Sacramentum non datur, ubi ejus effectus non operatur.
- 38 Moriendi modus, quempius Vir dicebat eligendum sibi.
- 39 Amentes, qui antea usum rationis habebant, ungenti Oleo Sancto.
- 40 Amentibus à nativitate num. danda sit Extrema Unctio?

- 41 *Amentes à nativitate cur nullum peccatum committant?*
 42 *Stulti à nativitate an saltem ventiler peccare possint?*
 43 *Diaboli temptationibus an dementes possint consentire?*
 44 *Stulto à nativitate Extrema Unctio dari potest sub conditione, Si aliquando deliquisti.*

Quinta, & ultima conditio necessaria in homine Viatore, Baptizato, Usum rationis habente, ac infirmo, mortique probabiliter proximo, ut validè, ac licitè recipere possit Sacramentum Extremæ Unctionis est, ut sit poenitens, ac dolens de suis peccatis. Ex hac conditione deducitur, debere Parochum antequam hoc Sacramentum ministrat infirmo, ejus Confessionem Sacramentalem audire, & absolutionem dare; potissimum si in illa infirmitate ipsemet infirmus non fuisset confessus peccata sua: adeo ut spectet ad Parochum ipsum advertere, ut nemo conficius peccati mortalis Extremam a Unctionem recipiat, nisi prius animam per confessionem emundaverit. Hæc obligatio probatur: Primò ex Concilio Moguntino celebrato Anno 847. in quo cap. 26 sic statutum fuit: *Ab infirmis in mortis periculo positis per Presbyteros pura inquirenda est confessio, & ideo secundum canonicam auctoritatem, cum Unctione Dei animati, secundum statuta SS. Patrum communionem Viatici resciantur.* Secundò, quia sic legitur dispositum in antiquissimis Ritualibus, quos allegat Ivenim d. *Comment. de Extrema Unct. quest. 10.* ubi Codex Siculus Barberinus, & vetus Pontificale Anglicanum. Tertiò ex Ritu conferendæ Unctionis Extremæ ex Codice Tiliiano relato per Menardum in *Notis ad lib. Sacramentor. S. Gregorii Papæ pag. 340.* Ubi hæc habet: *Antequam ungatur infirmus, confiteatur omnimodis Deo, & Sacerdoti suo puriter omnia peccata sua, & reconciliationem ab eo percipiat plenam: ut ulceribus vitiorum*

per confessionem purgatus, adaper-tis, dignius proficiat ei unctio spiri-talis medendo nequitiarum putredinem interius latitantem. Quartò, quia Extrema Unctio sicut dari non potest publico poenitenti, nisi prius reconcilietur, ut ex cap. 8. *Concilii Regiaticini*, quod citatur ab Emin. Card. de Lauræa in *Epitome Canonum Verb. Extr. Unct. in fine*, neque excommunicato, nisi prius absolvatur ab ex-communicatione, ex DD. allegatis per Salmanticenses *de Sacrament. in gen. tract. 7. cap. 4. num. 7.* & per Tambur. *de Extr. Unct. cap. 2. § 4. num. 5.* ita impertiri non debet peccatori, nisi præmittat suam Sacramentalem Confessionem. Quintò, quia sic etiam ordinavit S. Carolus Borromeus in suis Conciliis Provincialibus *Ad. part. 4. in Instrucl. de Extrem. Unct.* his verbis: *Quoniam nihil Sacramenti gratiam magis impedit, quam mortalis alicujus peccati conscientia; idcirco in eo ministrando usum, consuetudinemque hanc tenebis, ut si fieri potest, infirmum non ante ungas, quam peccata confessus sit.* Ex his doctrinis colligendæ sunt responsiones, quæ dari debent duabus sequentibus instantiis.

Prima est, quomodo gerere se debeat Parochus ex improvise vocatus ad inungendum Oleo Sancto infirmum, qui jam sensibus est destitutus ob repentinum symptoma Apoplexiæ, aut alterius mortiferi accidentis? In hoc enim casu distinguere oportet: vel moribundus ille, qui amisit sensus, erat hominimoratus, & saltem in Paschate antea-cto confessus, ac Sacra Eucharistia refectus fuerat? & in hoc casu Parochus debet eum absolvere Sacramentaliter sub conditione *si capax es*, & subindè ei ministrare Sacramentum Extremæ Unctionis ex illo fundamento, quod ego firmavi in meis Decisionibus de Sacramento Poenitentiae *Decis. 32. sub num. 7.* videlicet, de quocunque Christiano præsumi prudenter posse, in periculo, ac articulo mortis constituto,

stituto, quod interius in corde suo doleat de peccatis, flagitet omnia Sacramenta Ecclesie, ut æternam salutem animæ ejus consequatur; quæ præsumptio sufficiens reputatur à Theologis pro ministrandis eidem in extremo laboranti prædicta Sacramenta, ut docent Salmanticenses ubi supra *tract. 6. cap. 8. num. 153.* Pellizzarius in *Mm. Regul. tom. 1. tract. 5. cap. 3. num. 60.* & *tom. 2. tract. 8. cap. 3. num. 114.* Tamburinus in *Methodo Exped. Confess. lib. 2. cap. 10. §. 1. num. 11.* ac alii plures, quos congerit, ac sequitur Diana *part. 9. tract. 6. resol. 20.* quæ reposita invenitur in opere Coordinato *tom. 1. tract. 4. resol. 65.* Vel ipse moribundus est notorius peccator, puta quia deperditis erat moribus, vivens vel in concubinato, aut in adulterio, aut in inimicitis, similibusque flagitiis; & in hoc casu secundum plurimos DD. quos cumulat Diana *part. 3. tract. 3. resol. 8. à num. 5. & seqq.* collocata in Coordinato *tom. 1. tract. 4. resol. 63.* absque Sacramento est omnino dimitendus; quod rigorose sustinent alii allegari à Gobato in *Theol. Experim. tract. 7. num. 602.* ubi ait, *Negandum est, licet, valide absolvi eum, de quo constat non edidisse ulla signa penitentis absolutionem, esse confes- sisse virum bonum.* Unde multò minus si laboret infamia malæ vitæ. Nihilominus etiam tali homini, & in tali casu absolutionem Sacramentalem sub conditione prædicta *scapax es*; & subinde Unctionem Extremam esse ministrandam concedunt plurimi, ac magnæ auctoritatis Doctores congesti à Diana, qui recessit à prima sua contraria opinione *part. 9. tract. 6. resol. 20.* existente nunc in Coordinato *d. tom. 1. tract. 4. resol. 65.* Imò Tamburin. *d. lib. 2. de Exped. Confess. cap. 10. §. 1. num. 12.* non esse illicitam Sacramentorum ministrationem prædicto moribundo asserit, quamvis destitueretur sensibus actualiter peccando; est enim piè credendum, quod etiam pessimus peccator sentiens se vicinum morti con-

tur actus saltem attritionis in corde efficere, ut salvetur. Et idè Oleo Sacrosancti inungendum tenet *d. cap. 2. §. 4. num. 2.* & ibi Coninch *de Extr. Unct. disp. 19. à num. 19.* & Suarez *disp. 42. sect. 1. num. 10.* Porro P. Gobatus subdit *d. tract. 7. num. 603.* id non esse penitus impossibile; sed nescire, quomodo possit practicari eum eo, qui obiret vulneratus in duello, aut blasphemando, vel aliquid grave facinus committendo, prout si moriens esset publicus Usurarius, aut alius similis, cui Ecclesia denegat Ecclesiasticam sepulturam; ut latè probat Samuëlius *de Eccles. Sepult. tract. 2. contro. 7. conclus. 7. conclus. 17.* nec non *contro. 8: conclus. 1. 2. & seq.* Sed est advertendum, non valere argumentum à denegata sepultura Ecclesiastica ad denegationem Sacramentorum, siquidem illa non conceditur in prænam tantum; hæc non denegatur, si sint signa; vel præsumptio penitentis facinorum, quorum causa in foro exteriori extra locum Sacrum morientes in isdem sunt tumulandi, ut notant etiam DD. citati à Samuëlio, ubi supra.

Altera instantia est, quomodo se gerere debeat Parochus, qui vocatur ad dandum hoc Sacramentum Extremæ 8: Unctionis infirmo amentis, seu dementi, furioso, phrenetico, sive omnimoda stultitia detento? Pro intelligentia hujus instantiæ præmittere oportet, quod duplex est dementia, seu stultitia in homine. Una spiritualis, & sancta; secunda naturalis, ac miserima.

Stultitia sancta, ac spiritualis est plurimorum, ne dicam omnium, servorum Dei, qui ad occultandam suam perfectionem, ac sanctitatem simulant mores absurdos, & quamvis sint sapientissimi, ac multiplici scientia excellent, fingunt se indoctos; imò et si perfectissimè fruuntur rationis bono, demonstrant factis, ac dictis se esse dementes, ac laborare stultitia in sui ipsorum ludibrium, humiliationem, ac contemptum; freti doctrina D. Pauli 12:

Apo.

Apostoli scribentis: *Qui videtur inter vos Sapiens esse in hoc seculo, stultus fiat, ut sit sapiens.* 1. Cor. 3. 18. Hujusmodi spiritalis, sanctæque stultitiæ tria sunt magnifica exempla in Historiis Ecclesiasticis, antiquo, medio, ac moderno temporibus. Antiquitudo excelluit B. Simon Salo, qui post asperam in deserto pœnitentiam pluribus annis ractam, sic à Deo inspiratus ad sæculum reversus tanquam stultus inter gentes vivebat; ab omnibus despectus, irritus, ac frequenter verberibus impetrus, & nihilominus gratia miraculorum, prophetiæ dono, secretarumque cogitationum hominum cognitione illustrabatur, ut videre est legendi ejus vitam relatam à Surio tom. 4. die prima Julii, nec non à P. Stefano Menochio in *Storess* centur. 3. cap. 86.

Medio tempore eximius sanctæ stultitiæ professor fuit B. Jacoponus Tuderinus; qui cum esset nobilis, ac Civis primarius, Vir eruditissimus in Philosophia, Theologia, ac Utrouque Jure, cumque ejus uxor pulcherrima in juvenili ætate, ex obedientia mariti, in choreis existens, solario domus præcipiti effecto, occubuisse, & vestibus exuta, reperta fuerit asperrimum cilicium super nudum corpus habere, hoc exemplo in tantum pœnitentiæ desiderium exarsit, ac sui ipsius, mundi-que contemptum, ut per decem continuos annos, se tanquam stultum in Civitate, ac plateis gerens, ab omnibus irrideretur, & ludibrii nomine Jacoponus diceretur, post multas, ac magnas sanctæ stultitiæ actiones Religionem Fratrum Minorum S. Francisci ingressus, in eadem doctissima, ac mystica carmina sermone Italico composuit, & in altissimam Redemptoris charitatem ascendit, ut latius legitur in ejus vita, quam è Chronicis Sancti Francisci transcripsit piissimus Fr. Alexius Segalla Capuccinus in *Cartena Aurea* part. 1. in die 20. Mensis. De his duobus Sanctissimis Viris, stultitiæ, ac demeritiam publicè ob Dei

amorem professis, ita loquitur Cornelius à Lapide in *Comment.* 1. Cor. cap. 1. Vers. 25.

„Simeon Salus, Franciscus, & maxi-
„mi Sancti quæsierunt stulti haberi
„à mundo, ut Deo magis placerent;
„adedque Religiones nonnullæ hunc
„quasi apicem perfectionis, & sapien-
„tiæ Christianæ suis præscribunt, ut
„tantum ament, cupiant, ample-
„ctantur sui contemptum, irrisiones,
„opprobria, injurias, quin & stulti
„haberi exoptent, quantum munda-
„ni sectantur sapientiæ famam, hono-
„rem, nominis celebritatem. Idque
„1. Hac de causa, ut sic mundum
„perfectè contemnant. 2. Ut se ipsos
„maximè humilient, & innatum glo-
„riæ, laudis, honoris, ac celestiu-
„dinis appetitum extirpent. 3. Ut
„magis conformentur Christo, ejus-
„que vestibus, & insignibus induan-
„tur, qui propter nos, & ut darec
„nobis exemplum virtutis, & per-
„fectionis, hæc ipsa elegit, voluit
„haberi stultus, factus est opprobrium
„hominum, & abjectio plebis. Di-
„cunt ergo ipsi cum Paulo: *Mibi ab-*
„*sit gloriari nisi in Cruce Domini No-*
„*stri JESU CHRISTI, per quem*
„*mibi mundus crucifixus est.* & ego
„mundo. Hæc omnia docet Crux
„Christi, si eam sæpè contempleris;
„nimirum Crux est fons sapientiæ.
„S. Bonaventura rogatus, unde tan-
„tam hausisset sapientiam, crucifixum
„ostendit oculis penè attritum. B. Ja-
„coponus Vir nobilis, & Littera-
„tus, cum ex Cruce Christi didicisset
„mundo stultescere, rogatus à Chri-
„sto sibi apparente amico, & familia-
„riter, cur hanc stultitiam ita ada-
„maret? respondit pio lepore, ut so-
„lebat: *Quia stultior me fuisse, Do-*
„mine.

Modernis temporibus sanctissimam hanc stultitiam professus fuit S. Philip-
pus Nerus, qui in alma Urbe vivens
ad occultandam sanctitatem suam, ac
specialium gratiarum dona, quibus
eum Deus decoraverat, & homines,

Prælati, ac Cardinales venerabantur, frequenter verba, gestus, actusque faciebat, qui stultitiam in eo indicabant, quos congerit in ejus vita Petr. Jacob. Bacci lib. 2. cap. 18. ac Menochius in *Storais cit. Centur. 3. cap. 87.* nec non novissimè Joannes Marcius in *Hiflor. Congr. Oratorit lib. 2. cap. 16.* & de hac sancta, ac provida dementia egregiè scripsit Emin. Cardin. Federicus Borromæus Archiepiscopus Mediolani in *Opuscul. de Vera, & occulta Sanctitate lib. 3. cap. 13. cum duob. seqq.* ubi excellentiam hujus spiritalis sciæ insipientiæ commendat, ac alios sui temporis professores ipsius virtutis commemorat.

Stultitia autem naturalis, ac miserrima illa est, qua laborant homines, quorum mens, seu rationis usus
15 à pravis affectibus est læsus; amentes enim dicuntur quasi sine mente; nam etsi plurimi Medicorum, Philosophorum, ac Jurisprudentum opinentur, amentiam, dementia[m]ve, aut stultitiam incurri cum oblieditur, ac depravatur sola imaginatio. Galenus de *Loc. affect. & de Symptom. diff. Celsus lib. 3. cap. 17.* & Menochius
16 *confil. 82. num. 221. vol. 1.* verior tamen est opinio, homines amentes, demones, stultosve fieri; cum eorum mentium Ratio læditur; hæc autem læsio contingit ex depravatione spirituum, quando scilicet vel in totum, vel secundum partem pravi sunt, crassi, turbidi, seu melancholici; & tunc hi recipientes quasdam falsas rerum species à phantasia oblatas, eas pertinaciter retinent, & super iisdem intellectus incipit discurre, ac paulò post assentiri, & hinc oritur stultitia, atque dementia, ut doctè, ac diffusè probat Zacchias in *Q. Q. Medicolegal. tom. 1. lib. 2. tit. 1. qu. 4. per totam ubi num. 33.* exemplificat de stultis illis, qui nolunt comedere, dicentes, mortui sumus: vel qui egredi recusant è cubiculo asserentes habere nasum oblongum; vel quia putant pavementum esse vitreum, aut

alias ob similes falsas intellectus læsi ratiocinationes, de quibus differit etiam Arelius lib. 3. *Impres. 29. disc. 3. pag. 416. & 417.*

Et quoniam, ut ait Scriptura Sacra stultorum infinitus est numerus, *Eccl. 1. 15.* innumeræ propemodum sunt species stultitiæ; inter quas secundum Philosophorum, Medicorum, ac Jurisprudentum observationes frequentes sunt præcipuæ. I. Est in iracundis; ira enim rationem ita lædit, ut intellectus non sit sui juris, & talis, ac tantus sit impetus iræ, ut nihil ab infania, aut furore differre differit Galenus de *Cognoscen. & curan. anim. morb. cap. 5. class. 2.* & Thesaurus
18 *decif. 168. num. 3.* Ideò iram à culpa exculare ait Glossa in *l. Divortium. ff. de Divort. Petrus Gerardus Singul. 19 16. n. 2. II.* Est in timore gravissimi imminentis, cujus causa passiones subitæ, ac vehementes rationem omnino turbant, & confundunt. Zacchias d. *lib. 2. tit. 1. quæst. 7. num. 52.* III. Est in impetu luxuriæ, qui sic est violentus præcipuè in mulieribus, ut
20 eas rationis usu prorsus privet, & factuas reddat. Matth. Matteifilus *Singul. 102. num. 8. in annot.* Hinc mulierem amasio suo de se copiam facientem non effici infamem tradunt Riccius in *Praxi part. 1. resol. 424. num. 8.* & Farinaccius de *Delictis carnis q. 136. à num. 87. & seqq. IV.* Idcirco infania manifesta est nimius amor. Barbosa in
21 *cap. Cum in juventute. n. 5. de Præsumpt. Tiraquell. de Pænis temperan. cap. 4. num. 1.* siquidem Amor reputatur vehementissima passio cordis, ex qua læditur cerebrum, & subinde ipsa ratio; amans enim rectè ratiocinari nequit, perdit propriæ voluntatis libertatem; & sensus etiam corporeos, & externos, præter internos corruptit, & idè quisquis amat, hallucinatur, & cæcutit in eo, quod amat, ut ex Platone, Galeno, & aliis Medicis, Philosophis, ac Poetis demonstrat idem Zacchias d. *lib. 2. tit. 1. quæst. 10. num. 32. & seqq.* qua de causa, ait, antiqui pinxerunt

- tunt Amorem sine oculis. V. Species
 22 insaniz est ebrietas, quando scilicet
 vino potenti in magna quantitate in
 stomachum demisso, ex eo plurimi
 vapores ad caput irrepunt, cerebrum
 invadunt, & omnem rationis usum
 adimunt, ut ex Menoch. *Resol. crimin.*
Jud. cas. 326. ex Caball. *Resol. crimin.*
cas. 297. ac ex aliis multis DD. ostendit
 idem Zacchias *d. tit. 1. quest. 11. per totam*,
 in qua plene de hac dementia tractat.
 VI. Stultitia consideratur in dormientibus,
 qui de negotiis suis loquuntur, ac etiam in Noctambulis;
 23 illis scilicet, qui dormientes à lecto
 exurgunt, fores aperiant, vestes induunt,
 arma quoque capeiunt, & obvios quosque,
 quos vel inimicos imaginantur, vel cum quibus
 rixari se putant, offendant; de quibus Barcol.
in l. Ut vin. num. 5. ff. de Just. & Jur.
Delirius Disq. Magic. lib. 1. q. 3. & And.
 Laurentius *lib. 4. Anatom. q. 12.* ubi reddit
 causam hujusmodi dementiae. VII. Illa est,
 quam Medici considerant in Lethargiis, Comato-
 sis, Carocicis, & aliis Somnuculosis,
 qui sopore oppressi, etsi ab aliis excitentur,
 24 non cessant dormire, & eorum somnus
 morbosus vocatur insania. Zacchias *d. lib. 2. tit. 1. q. 13.*
 VIII. Est, quæ provenit ab Apoplexia,
 25 per quam oppressus hoc malo amittit omnes
 facultates intellectus ob obstructionem nervorum,
 per quos interdictus est transitus à cerebro
 ad alias partes vitales; & de Apoplecticis
 legendus est Forestus *lib. 10. observ. 74. & seqq.*
 in quibus disserit de duplici Apoplexiæ
 specie, forti, & levi. IX. Stultitia
 26 consistit in Epilepsia, quæ est convulsio
 totius corporis cum mentis, & sensuum ablatione. Galenus
lib. 3. de Loc. aff. cap. 7. classe 4. & hæc
 pariter vel est fortis, vel levis, & de utraque
 bene tractat Vinc. Alfarius *lib. 6. de morb. capit. lect. 31.*
 Zacchias *d. tit. 1. quest. 14. ubi num. 26.* notat, quod Epileptici vocantur
 etiam Lunatici, quia vel in novilunio, vel
 in plenilunioprehenduntur hoc pa-

roxysmo. X. Dementia, ac stultitia est
 Phreneticorum. Phrenesis verò est perpetuum
 delirium cum febre, ex 27 cerebri, ejusque membranarum inflammatione
 originem ducens. Galenus *Comm. 2. in prim. Epidem. text. 3.*
 & ex J. C. Menochius *consil. 82. num. 198.*
 Appellatione autem phreneticorum veniunt etiam
 furiosi, ac maniaci, quia hi omnes dementia laborant,
 & usum rationis non habent. Zacchias
d. lib. 2. tit. 1. quest. 16. num. 19.
 XI. Amentia est Ecclasiacorum; tumitur autem Ecclasis pro 28
 pteu quodam mentis, qui privat hominem
 sensu, & motu; acciditque vel in hominibus
 Sacerdotis, dum rapiuntur ad contemplanda
 cœlestia: vel in infirmis ex morbo opprimente
 cerebrum, & auferente rationis usum. Hollerius
Comment. 7. aphorism. 5. & Marcell. Donatus
lib. 2. Hist. Mirabil. cap. 1.
 XII. Species stultitiz est Lycantropia, vel
 29 Cynantropia, insania lupina appellata: videlicet
 quando ægri hoc morbo affecti horrida, & inculta
 loca, luporum, aut canum more perlustrant,
 & cadavera ferarum, & hominum è sentinis,
 ac sepulchris eruere, ac rapere conantur, circa
 hæc miserabiliter insipientes; unde finxerunt
 antiqui Poetæ plures à Diis conversos fuisse
 in beluas; imo Nabuchodonosor Regem
 Babyloniz hoc morbo ex Divina permissione
 laborasse tenent Valesius *de Sacra Philo-
 soph. cap. 80.* Mercurialis *lib. 1. de præ-
 præst. cap. 12.* & Martin. Delirius *Disq. Magic. quest. 18.*
 XIII. dementia est in Hydrophobis, nempe
 30 hominibus rabiosis ob morsum canis rabidi;
 quibus nisi celere remedium adhibeatur,
 lædatur rationis usus, & in aquæ timorem,
 ac odium incidunt, itaut eam aspicere non
 valeant; & hoc morbo, ac insania obiisse Baldum
 Jurisconsultum notant plures Medici apud
 Forestum *lib. 10. Observat. 27.* & Zacchiam
ubi supra quest. 17. advertentem, Hydrophobiam,
 insaniam scilicet ob rabiem contrahi etiam

- etiam ex morfu luporum, aque serpentum. XIV. Stultitiæ species est in Dæmoniis, ac Fanaticis, in quibus etsi causa infantiæ sit supernaturalis, nempe Dæmonium corpus obsidens, tamen præcedit semper quædam corporis dispositio ex melancholia, seu atra bile prædominante, ac turgente, quæ hominem ad infaniam concitat. Forellus *libr. 10. Observ. 19. in Schol.* Delrius *Disquis. Magic. libr. 2. q. 29. sect. 3.* Zacchias *d. libr. 2. art. 1. quæst. 18.* observans, quod hujusmodi infani homines præter exorcismos Ecclesiæ, etiam medicamentis naturalibus indigent, ut melancholia temperetur, & ipsi ad mentem redeant: addens prædictis esse similes Lymphaticos, Præstigiatos, Enthusiasticos, & Engastrimythos, qui morbum in ventre portantes, præsumuntur ibi habere etiam Dæmonium, & utroque impellente patiuntur alienationem mentis, & vaticinari solent, nescientes quid loquantur. XV. Dementia est eorum, qui à Tarantula commorisi sunt; hi enim ab infania excusari non possunt ob saltationes, quas sine temporis, vel loci exceptione assument, denotantes mentem lætam habere; de quibus videndus Matthiolus *in Dioscor. libr. 2. cap. 56.* & Ardoinus *de Venenis libr. 8. cap. 5.* XVI. Amentia est in mortis proximis, nam ex deficientia sensuum, deficit sæpè intellectus, sicque multi in agonia positi insanire solent, loquentes inania, ac futilia, & de his Fœnutius *de Mom. temp. cap. 5.* & Zacchias *d. tit. 1. q. 19.* XVII. Alia est etiam stultitia in hypochondriacis, resultans ex melancholia gravi, qua ipsi sunt affecti, & in mentis alienationem trahuntur. De his Forellus *libr. 10. Observ. 11. in schol.* XVIII. Et ultima species infantiæ est in mulieribus, præcipuè Virginibus, patientibus uterinum furorem. De hac infania, & causa ipsius ita loquitur Zacchias *d. libr. 2. tit. 1. q. 22. num. 11.* Est uteri ipsius excelsio cum delirio circa Venerem, & ad eam pertinentia; in eam enim adeò acutus stimulus

exagitantur, ut in furorem agantur, garrule enim evadunt, & circa Venerem quamplurima effutunt. De hoc furore videndi Hucherius *de Sterilit. lib. 2. cap. propr.* & Varandus *lib. 1. de Morbis mulier. cap. 5.* Scio Sanctimonialem, etsi Anglicæ vitæ, ac purissimæ conscientiæ, diù hoc uterino furore correptam; quæ eo ferrescente, ita corpus suum contorcebat, ut pedibus humeros tangeret, pluraque verba loqueretur indecentia; ac astantes famulas morderet, nesciens quid ageret, aut diceret. Cumque cessato furore usum rationis reassumeret, sentiens quid fecisset, amare desiebat, ac veniam ab omnibus postulabat.

Hæ sunt præcipuæ, ac frequentiores infantiæ, dementiæ, ac stultitiæ species; quibus nos miseri homines ob peccatum Adæ frequenter affligimur, & quas non raro Pastores animarum, alique Confessarii conspiciunt, dum ad visitandos infirmos vocantur. Igitur, convertentes calamus ad secundam instantiam supra propositam, nunc decidere oportet, quomodo se gerere debeat Parochus, dum reperit infirmum dementem, circa ministrandam eidem Extremam Unctionem. Et eundem videat prima fronte dicendum, quod abstinerere debeat ab hoc Sacramento ipsi dementi ministrando. Primò ex doctrina D. Thomæ *in Supplem. 3. p. q. 32. art. 3.* ubi habetur, quod Extrema Unctio non est conferenda nisi iis, qui actualiter usum rationis habent; ita ut cognoscant, & cum devotione hoc Sacramentum suscipiant. Sed qui sunt in stultitia, amentia, vel dementia actuali, ne agnoscunt, quid recipiant, neque devotionem habent. Ergo non videntur inungendi. Secundò, quia Extrema Unctio dari non debet illi, in quo operari non potest suum primum effectum, qui quidem est roborare animum infirmi, ut valeat resistere demonis temptationibus. Sed infirmus detentus infania, furore, vel delirio non subiacet temptationibus diaboli. Ergo neque capax est roboris, ad resistendum illis.

Hinc

Hinc quidam pius vir dicebat, si Deus eidem concessisset, ut sibi modum moriendi eligeret, hunc esse electurum; videlicet ut receptis devotè Sacramentis Ecclesiæ, delirio, aut dementia afficeretur, ac sic delirans, & demens expiraret, nam, aiebat, nihil in medibolus posset tentationibus suis. Terriò, quia ad recipiendum hoc Sacramentum debet præcedere instantia infirmi, & vocatio Presbyteri juxta D. Jacobi verba: *Infirmatur quis in vobis; inducat Presbyteros Ecclesiæ*. Et quartò, quia Extrema Unctio confert suum effectum mediante motu, & devotione suscipientis; & utraque deficit in amente, ac delirante.

His tamen non obstantibus pro resolutione instantiæ distinguere solent DD. duos casus. *Unus* est, si infirmus dementia, delirio, vel furore detentus, ante hujusmodi miserabilem statum, ante hujusmodi miserabilem statum, potitus fuerit usu rationis, & petierit saltem virtualiter Sacramenta Ecclesiæ, quæ ministrantur decessariis ex hac vita; Et in hoc casu conveniunt omnes Theologi, ac Canonistæ, esse ei ministrandam Extremam Unctionem, etiamsi hic, & nunc sanam mentem non habeat; nullumque rationis indicium ostendat, & deducunt hanc conclusionem. *ex cap. Qui recedunt. ex cap. His, qui. & ex cap. Agnovimus. 26. q. 6.* in quibus dicitur, quòd si infirmus Baptismum petat, vel Sacramentum Pœnitentiæ, deinde obmutescat, nec possit amplius loqui, aut petere, est baptizandus, & absolvendus. Ergo idem dicendum est de amentibus, & furiosis in iisdem Sacramentis recipiendis, ac etiam in Extrema Unctione; in eo enim statu moraliter judicantur, in quo erant ante amentiam; non enim Divinæ pietati consentaneum est, ut in tali misero statu priventur tanto beneficio. Accedit, quòd primarius Extremæ Unctionis effectus est non solum roborare contra tentationes diaboli, & ad tolerandas infirmitatis difficultates, sed præcipue remittere peccata venialia præteritæ vi-

tæ; nec non mortalia inculpabiliter oblita, ut probavi supra Decif. 71. num. 21. & hujus effectus amentes capaces sunt, estò quòd solum attritionis actum ante amentiam emisierint de propriis peccatis. Ita Mastrius in 4. Sent. d. disp. 6. n. 109. & n. 126. ubi plures DD. citat, & Diana Coordinatus tom. 2. tract. 4. resol. 50. ubi alios cumulat; desumpta ex veteri part. 5. tract. 3. resol. 84. Barbosa de Pæro ho cap. 22. num. 31. quibus adhæret P. Gobatus d. tract. 8. à n. 825. & seqq. & Tamburin. de Extr. Unct. cap. 2. §. 3. num. 4. Neque obstant argumenta supra in contrarium facta: non primum, quia quantum fieri potest expectanda est devotio in infirmo, ut cum reverentia recipiat hoc Sacramentum; sed ubi non est spes ut redeat ad mentem, non est privandus tanto bono, adeò ut si fureretur, posset etiam ligari, ne aliquod inconveniens committeret in Sacerdotem, ut ajunt Diana ubi supra, & Mastrius num. 110. Non secundum, quia ut dictum est, si Extrema Unctio non operatur in amente robor contra tentationes diaboli, delere potest peccata venialia, ac etiam mortalia inculpabiliter non confessa. Non tertium, quia sufficit virtualis instantia, & desiderium hujus Sacramenti. Non quantum, quia motus devotionis actualis valet ad uberiorem fructum Sacramenti consequendum, non autem ex necessitate, ut Sacramentum subsistat; quapropter in omnibus supradictis infantiæ speciebus, si timor sit mortis, & spes deficiat, quòd infirmus recuperet usum rationis, est ei ministranda Extrema Unctio ex cordi consensu omnium Doctorum.

Alter casus, quem DD. considerant, est, ubi infirmi sunt amentes, dementes, ac penitus stulti à nativitate; ita ut nullo umquam tempore habuerint usum rationis; & in hoc casu omnes concorditer tenent, non esse ministrandam Extremam Unctionem hujusmodi demetibus, ac stultis; ea ratione quia, cum nullum peccatum censeantur commisisse, neque subiacere tenta-

tionibus diaboli possint, nullum effectum in eis operaretur hoc Sacramentum, videlicet neque remissionem venialium, neque robur contra tentationes. Gobatus *d. tract. 8. num. 825.* & Mastrius *d. disp. 6. num. 111.* ubi ita scribit: Patet discrimen inter adultos perpetuo amentes, & alios, qui aliquando rationis usum habuerunt; quoniam illi nullius horum effectuum, qui hujus Sacramenti sunt præcipui, capaces existunt, sicut isti. Non debet autem hoc Sacramentum illis conferri propter solum effectum secundarium, qui est corporis sanitas; siquidem non semper confertur, quando etiam adest rationis usus. Idem docet Layman *libr. 5. tract. 8. cap. 4. num. 3. in fine. Vers. Ille porò.*

- Quod autem stulti à nativitate, atque perpetuo amentes, qui nunquam potiti sunt usu rationis, nullum peccatum censeantur commississe, patet ex Scholasticorum doctrina, docentium, nullum esse peccatum nisi voluntarium; ac perpetuo amentes deficientes in eis ratione, ac intellectu, non habent liberam voluntatem, qua possint peccare; ut docet probant Salmanticenses in *Curso Theologico tom. 4. de Virtutibus, & peccatis tract. 13. disp. 10. dub. 2.* Neque officit, quod stulti, & amentes etiam à nativitate, ac perpetui videantur habere saltem imperfectam voluntatem, quam demonstrant in edendo, sedendo, sibi grata acceptando, poenalia refugiendo; & sic possint saltem peccare venialiter. Nam respondent iidem Salmanticenses *d. dub. 2. num. 68.* his verbis: *Illam (libertas voluntatis) quæ apparet in actionibus amentium, & puerorum ante usum rationis, nequaquam est vera libertas, sed similitudinaria, & apparent, ut quæ cernitur in actionibus aliquorum irrationabilium. Vera enim libertas sive physica, sive moralis, requirit, ut suppositum, in quo est, habeat verum dominium supra actionem liberam: sive hoc dominium sit in ipsa potentia elicitiva actionis.*

suam in alia. Verum autem dominium non potest inveniri sine judicio deliberato rationis, quod vel actu datur, vel saltem in potentia suo modo proxima, & expedita. Cum igitur amentes, pueri, & bruta neque habeant tale judicium, neque potentiam expeditam ad illud eliciendum, consequens est, ut nullatenus vera libertate gaudeant; unde quidquid agunt, quantumvis ordinatum, & artificiosum videatur, agunt sine electione, ex solo instinctu naturæ, quod sequi, vel non sequi non subest eorum potestati; sed ubi apprehendunt aliquid ut bonum, & conveniens suæ naturæ, V. G. manducare, sedere, &c. necessariò in id ferantur: ubi verò apprehendunt aliquid ut malum, & disconveniens, necessariò id refugunt. Nec concedenda est illis aliqua aliorum cognitio, aut magis discretiva inter bonum, & malum, quam prædictus instinctus; qui sicut non est indifferens in proponendo, sed determinatus à natura, ita non potest esse radix alicujus veræ libertatis. Igitur cum perpetuo amentes non habeant judicii libertatem, neque liberam voluntatem circa actiones, nullum committere possunt peccatum; cumque peccata non habeant eis remittenda, Sacramentum Extremæ Unionis non est eis conferendum, cujus proprius, ac principalis effectus est reliquias peccatorum delere.

Similiter ex defectu libertatis judicii, & carentia usus rationis non possunt amentes consentire tentationibus diaboli; quia ex doctrina S. Thomæ *1. 2. q. 80. art. 3.* Diabolus propria virtute, nisi refrænetur à Deo, potest aliquem inducere ex necessitate ad faciendum aliquem actum, qui de suo genere peccatum est, non autem potest inducere necessitatem peccandi; quod patet ex hoc, quod homo moritur ad peccandum non refficit, nisi per rationem, cujus usum totaliter impedit potest movendo imaginationem, & appetitum sensitivum, sicut in arreptis

his patet; sed tunc ratione sic ligata (notet studiosus) quicquid homo agat, non imputatur ei ad peccatum; sed si ratio non sit totaliter ligata, ex ea parte, qua est libera, potest resistere peccato, sicut supra dictum est. Unde manifestum est, quod diabolus nullo modo potest necessitatem inducere ad peccandum.

44 Porro quia difficile est reperiri amentem à nativitate, qui totaliter careat libertate mentis, & usurationis, plures enim aliquando talem qualem ostendunt capacitate mentis, quæ sufficere videtur saltem ad aliquod veniale peccatum committendum; putarem non inconveniens sequi opinionem Majoris, quem citat Gobatus d. tract. 8. num. 823. concedentis, posse ministrari Extremam Unctionem etiam perpetuamentibus, ac stultis à nativitate; quod ego ad praxim deducere sub conditione, si aliquam culpam in vite sue decursu commisisti; sicut enim sub hac conditione potest dementibus dari absolutio Sacramentalis, si capax es; nullaque irrogatur injuria Sacramento, Gobatus de Sacram. Pœnit. tract. 7. à num. 600. & seqq. ita poterit iisdem ministrari Sacramentum istud; & eò magis, si in amentiam incidissent in pupillari ætate, ut ratiocinatur idem Gobatus tract. 8. num. 828. de puella ingressa stultitiam anno decimo ætatis suæ, quæ in ea continuavit usque ad septimum decimum annum, quo demens obiit; circa quam, etsi habito consilio prudentum, Parochus decreverit, non esse Oleo Sancto inungendam, subdit Gobatus, huiusmodi consilium sibi non placuisse; sed contrarium debuisse praticari pro illius animæ potentiori auxilio; quia, ut contestatur Joan. Sancius in Select. disp. 17. n. 17. quando vertitur dubium, an quis post baptismum fuerit adeptus aliquem usum rationis, seu aliquam cognitionem rerum supernaturalium, potest & ad augmentum gratiæ, & ad præliandum prælia Domini muniri hæc spiritualibus armis; cujus Sancii opinionem lau-

dat etiam Tamburinus d. cap. 2. de Extr. Unct. §. 3. sub num. 3. Vers. Si dubitetur.

DECISIO LXXXI.

ARGUMENTUM.

Disputatur, quomodo contingat infirmos peccare, vel ex nimia negligentia, vel ex magna devotione erga Oleum Sanctum? Duo contraria Quæsitæ examinantur: Unum, an extet Præceptum obligans sub mortali recipere Extremam Unctionem in periculosa infirmitate? Alterum, an sit licitum in eadem infirmitate pluries reiterare ipsam Unctionem Extremam? Primum Quæsitum resolvitur negativè, tribus casibus exceptis. Secundum, perpenso prius Antiquorum usu, quatuor conclusionibus declaratur.

SUMMARIUM.

1. Præceptum an detur de suscipienda Extrema Unctione.
2. Verba D. Jacobi Infirmatur quis, &c. an sint præceptiva? Et num. 17.
3. Theodori Archiepiscopi Cantuariensis Anno 668. decretum de Extrema Unctione.
4. Cabilonensis Concilii decretum pro Unctione Extrema.
5. Debet esse verbum Præceptivum.
6. Sepultura Ecclesiastica privantur non inuncti Oleo Sancto.
7. Tridentini Concilii Consuetudo contemptorum Extremæ Unctionis.
8. Consuetudo universalis fidelium in unguendis infirmis Oleo Sancto.
9. Bedæ Ven. Unctio Extrema, & Mors.

334 De Extrema Unctione. Decif. LXXXI.

- 10 *S. Hunegundis Extrema Unctio, Mors, & Sepultura.*
- 11 *Utilia animæ suæ quisque debet providere.*
- 12 *Extremæ Unctionis Sacramentum est proprium remedium pro moribundis.*
- 13 *Tentare Deum est expectare Messem, & non seminare.*
- 14 *Peccatum mortale est negligere Extremam Unctionem. Contrarium num. 15.*
- 16 *Interdicit tempore non datur Extrema Unctio.*
- 18 *Obligatio Extremæ Unctionis afficit Parochos, non Parochianos.*
- 19 *Consuetudo quando inducat obligationem?*
- 20 *Mediæ necessaria ad salutem sunt de præcepto; non etiam solum utilia.*
- 21 *Contemnens Extremam Unctionem peccat mortaliter.*
- 22 *Dictio Vel sonat Et.*
- 23 *Scandalum si resultet ex omiſſa Extrema Unctione, est mortale.*
- 24 *Confiteri si non posset infirmus tenetur recipere Oleum Sanctum.*
- 25 *Attentus sit contritus virtute Extremæ Unctionis.*
- 26 *Mortis timore recusans Oleum Sanctum an peccet?*
- 27 *Rupertus. Rex Romanorum recusabat inungi, timens statim mori.*
- 28 *Parochorum obligatio instruendi infirmos circa Oleum Sanctum.*
- 29 *Puella recusans Oleum Sanctum, ne prohibita esset saltare.*
- 30 *Antecineralla quid sint?*
- 31 *Palatini Oleo Sancto inuncti calceos non induunt.*
- 32 *Venialis culpa recusare Extremam Unctionem ex levi causa.*
- 33 *Purgatorii penis additus qui Oleo Sancto noluit liniri.*
- 34 *Antiquitus an repeteretur pluries Extrema Unctio?*
- 35 *Menardi opinio affirmativa.*
- 36 *S. Rembertus. Episcopus pluribus continuatis diebus, Oleo Sancto inunctus.*
- 37 *Unctiones antiquitus continuatæ ad infirmos non erant Sacramentum.*
- 38 *Matthæi Galeni opinio, quod non fuerint Sacramentum.*
- 39 *Clothildis Reginæ Francorum obitus.*
- 40 *Reiterare Extremam Unctionem in eadem infirmitate illicitum.*
- 41 *Nisi cessato periculo, iterum fiat periculosa.*
- 42 *Temporis distantia notabilis pro reiteranda Extrema Unctione.*
- 43 *Iteranda Extrema Unctio si iterentur infirmitates.*

ANtequam discedamus à subjecto hujus Sacramenti Extremæ Unctionis, quod, ut dictum fuit, est homo Christianus, adultus, poenitens, ac periculose ægrotans, restat examinare, atque resolvere duo dubia fatis utilia, ac scitu digna: *Unum* est, an contingat infirmum peccare ob negligentiam in petendo, recipiendoque hoc Sacramento? *Alterum* est, An vice versa possit incurrere in peccatum ob nimiam devotionem erga hoc Sacramentum, illud scilicet pluries recipiendo in eadem infirmitate?

Circa primum dubium: Quærunt Theologi, Utrum sit de præcepto sumere Extremam Unctionem in periculosa infirmitate? adeo ut si infirmus negligat eam petere, & recipere, peccet mortaliter? Et equidem non pauci opinati sunt, omissionem ex sola negligentia esse peccatum mortale ex sequentibus.

Primò: Quia, quæ de Præcepto sunt, omitti non possunt absque peccato. Sed suscepio hujus Sacramenti in periculosa infirmitate censetur de præcepto; verba enim Divi Jacobi: *Infirmatur quis in vobis? Inducat Presbyteros Ecclesiæ &c.* quibus promulgatum est hoc Sacramentum, debent habere eandem necessitatem quoad ejus suscepcionem, quam continent circa materiam, & circa formam ejusdem Sacramenti. Sed sic est, quod verba prædi-

De Extrema Unctione. Decis. LXXXI. 335

prædicti Apostoli indicant necessitatem in materia, ut scilicet sit Oleum; ac etiam in forma, ut sit deprecatoria, & per viam orationis; ita ut si alia vel materia, vel forma ab Apostolo indicata adhiberetur, peccatum esset mortale. Ergo etiam inductio, id est vocatio Presbyteri, ab infirmo periculose agitante facienda, ut sibi Extremam Unctionem ministret, juxta verba ejusdem Apostoli, reputanda est ex necessitate, & ex præcepto; ita ut omisso sit peccatum mortale.

Secundò: Confirmatur hæc necessitas, ac præceptum ex libro Pœnitentiali Theodori Archiepiscopi Cantuariensis, electi à Vitaliano Papa Anno 668. in quo differens de Extrema Unctione infirmis graviter decumbentibus danda ita ait: *Idèò secundum auctoritatem Canoniam, ne illis janua pietatis clausa videatur, orationibus, & consolationibus Ecclesiasticis, Sacra Unctione Olei inuncti secundum Statuta Sanctorum Patrum communione Viatici reficiantur.* Ex his verbis dupliciter probatur præceptum recipiendi Extremam Unctionem; primò in illis: *Secundum auctoritatem Canoniam*, quæ referri non possunt, nisi ad Epistolam Divi Jacobi habentem circa hoc Sacramentum vim præcepti: Secundò, ex conjunctione hujus Sacramenti, tum Sacro Viatico; quia sicut hoc est de præcepto sumendum à constitutis in discrimine vitæ, ita illud. Quam unionem Olei Sancti cum Viatico ponit etiam Capitulare Caroli Magni, ita jubendo: *Si infirmitate quis depressus fuerit, vitam sine communione non finiat, nec unctione sacrati Olei careat.*

Tertiò: facit Concilium Cabilonense II. (Cabillonum est Urbs Galliæ Celticæ, ampla, & probè culta ad Ararim fluvium, vulgò dicta *Chalon*) in quo Concilio celebrato sub Leone III. & Carolo Magno Imperatore cap. 48. sic legitur definitum: *Secundum B. Apostoli Jacobi documentum, cui etiam decreta Patrum consonant, Infirmi Oleo, quod ab Episcopis benedicitur,*

à Presbyteris ungi debent. Porro non semel ostensum, & probatum fuit, verbum *debent* inducere necessitatem, ac vim præcepti habere. *l. Sapè. ff. De Offic. Presb. Fagnanus in cap. Qualiter, num. 37. De Cleric. non residen. tom. 4. pag. 62. Eminent. Cardin. de Lauræa supr. Decis. LXXII. num. 23.*

Quartò: accedit Concilium Colonien-
se sub Paulo III. Anno 1549. celebratum, in quo ita legitur de Extrema Unctione recipienda: *Statuimus, ut si quis Sacramentum illud nobis ab Apostolo Jacobo tantoperè commendatum contempserit, Ecclesiastica careat sepultura.* Sed privatio Sepulturæ Ecclesiasticæ est pœna gravis, quæ non imponitur, nisi ob enorme peccatum; cap. 1. de Hæretic. Clem. 1. de Sepultur. Thesaurus de Pœnis Eccles. par. 2. Verb. Sepultura. cap. 5. Samuellius de Sepultur. tract. 2. Contròv. 4. & 5. Ergo hæc pœna inflicta in negligentem Extremæ Unctionis susceptionem indicat, negligentiam ipsam esse culpam gravem, ac mortalem.

Quintò: urgent verba Concilii Tridentini de Extr. Unct. cap. 3. quibus confutat asserentes hoc Sacramentum non esse mandatum Dei; & eos, qui hanc Extremam Unctionem à fidelibus sine peccato contemni posse affirmant.

Sextò: accedit inveterata, & semper observata consuetudo Ecclesiæ, quæ sanè communissima viget, & in omni præterito sæculo viguit tam ex parte infirmorum in hoc Sacramento suscipiendo, quam Pastorum in ipso sollicitè ministrando; ac etiam familiarium infirmi uniuscujusque, studentium suadere eadem, ut Extremam Unctionem recipiat, & satagentium vocare Parochum; ut opportunè illam ministret, prout ex exemplis antiquorum relatis supra in Decis. LXX. quibus addendum est id, quod de Venerabili Beda (vita functo parùm post Annum 730.) scribit Guilielmus Malmesburiensis libr. 1. Hist. cap. 3. nempe: *Ac-*
cita

cita Congregatione inunctus est, & communicatus; die verò Ascensionis Spiritum efflavit. Et quod apud Surium habetur de S. Huneunde, die 25. Augusti. Illa conversa ad eos, qui illi assidebant Presbyteros, Sacrae Unctionis Oleum, & Eucharistiam sibi petiti ministravit. Floruit hæc S. Virgo Anno 660. sub S. Eligio Episcopo Noviomenfe; cumque diu fuisset incognita ejus sepultura, revelata fuit, & magnis miraculis decorata Anno 754. de quibus etiam Spondanus in *Epitom. Annal. d. ann. num. 6.*

Septimò: concurrit generalis regula, quòd unusquisque obligatur ex charitate erga seipsum consulere suæ salutis quantum potest, & præsertim in mortis articulo; in quo hoc Sacramentum est medium validissimum adversus molestias infirmitatis, ac diaboli tentationes.

Octavò: Eò magis, quia pro dicto tempore non sunt instituta alia media propria, & determinata pro reprimendis prædictis molestiis, & tentationibus; nec non ad recuperandam corporis sanitatem, nisi Sacramentum Extremæ Unctionis. Idcirco illud negligere, & non recipere est tentare Deum; prout tentaret homo, qui panem expectaret à terra, negligens in ea triticum seminare; cum ab ipso Deo ordinata sit seminatio, pro colligendis bladis ad panem conficiendum, & vivendum. Tentatio autem Dei est mortale peccatum, ut dixi in *meis Erotemat. cap. 11. quæst. 6.* ex Emin. Card. Tolet. *lib. 4. cap. 29. num. 7.* His præcipuis rationibus, & argumentis Extremam Unctionem esse recipiendam ex præcepto, ejusque omissionem ex negligentia esse peccatum mortale voluerunt Magister Sententiarum in 4. *dist. 23. ibi: Si ex contemptu, vel negligentia Sacramentum hoc prætermittitur, periculosum est, & damnabile;* nec non Petrus Soto, Turrianus, Pontius, & alii, quos citat Mastrius in 4. *Sent. disp. 6. num. 119. & num. 122.*

His tamen non obstantibus commu-

nis, ac receptissima Theologorum, & Summistarum sententia est, hujus Sacramenti susceptionem per se loquendo non cadere sub obligatione, & præcepto; sed esse tantum de consilio; ita ut nisi per accidens in tribus infra notandis casibus ob ejus omissionem incurratur peccatum mortale. Fundamentum hujus opinionis est, quia nulli constet de obligatione prædicta sub præcepto; siquidem hoc Sacramentum non est medium necessarium ad salutem, sed tantum utile, & ad melius esse, quia infirmi possunt sufficienter per Sacramenta Pœnitentiæ, & Eucharistiæ sanctificari, & salvari. Adjungitur dispositio textus in cap. *Quod in te. De Pœnitent. & Remiss.* in quo prohibita est ministratio hujus Sacramenti Extremæ Unctionis tempore interdicti, ut dixi supra *Decif. LXXXIV. num. 38.* certum est autem, quòd Ecclesia nunquam prohibuit, aut prohibere intendit ea, quæ sunt homini necessaria ad salutem. Quapropter ita tenent, ac docent DD. quos citat, & sequitur Diana *part. 3. tract. 4. resol. 169.* nec non *part. 5. tract. 3. resol. 97.* Quæ nunc leguntur collocari in ejus opere *Coordinato tom. 1. tract. 4. resol. 24. & resol. 25.* & plenius, ac diffusius de hoc dubio agit idem Diana, stans pro exclusionem prædictæ obligationis, ac præcepti in *part. 8. tract. 1. resol. 58.* reposita in eodem *Coordinato opere tom. 3. tract. 1. resol. 57.* cui novissime consentiunt Gonet. *de Extr. Unct. tom. 5. disp. 3. num. 19.* Collegium Salmanticen. *tract. 7. cap. 4. num. 10.* Mastrius *d. disp. 6. num. 120.* & Ivenim in suo *Comment. Historic. Dogmat. de Extr. Unct. quæst. 9. cap. 2.* qui omnes respondent argumentis contrariis supra adductis, & ostendunt, ea non concludere, & non ob stare; non Primum, quia D. Jacobus Apostolus promulgando hoc Sacramentum monuit, non autem præcepit ejus susceptionem. Non Secundum, neque Tertium, quia ibi præceptum dirigitur in animarum Pastores, ut sciant, se obli-

se obligatos esse ministrare hoc Sacramentum infirmis; non verò in ipsos infirmos, quibus præcisa obligatio illud recipiendi non incumbit. Non *Quartum*, quod procedit ubi non reciperetur ex contemptu, de quo paulò infra dicemus. Non *Quintum*, quia Tridentinum intelligit de negantibus institutionem hujus Sacramenti, ipsamque contemnentibus.

19 Non *Sextum*, quia sola consuetudo, & usus alicujus rei non inducit obligationem, nisi præcesserit titulus obligatorius. Non *Septimum*, & *Octavum*; quia satisfcit præcepto charitatis

20 erga seipsum utendo mediis necessariis ad salutem, qualia sunt Sacramenta Pœnitentiæ, & Eucharistiæ; secus si omittatur medium ad melius esse, nempe Unctio Extrema, ut plenè respondent Diana Coordinatus d. tom. 3. tract. 1. resol. 57. & Magistrus d. disput. 6. à num. 120. usque ad num. 123.

Tres tamen casus excipiuntur per supracitatos omnes DD. in quibus omisio Extremæ Unctionis esset peccatum mortale, & gravi culpa infirmus oneraretur.

21 Primus casus est, si omitteret hoc Sacramentum ex contemptu; idest de eo nihil faciens, aut putans esse quid puerile, aut parùm decens; quot notavit Tridentinum in cit. cap. in illis verbis: *Necque verò tanti Sacramenti contemptus absque ingenti scelere, & ipsius Spiritus Sancti injuria esse possit.* Et de hoc casu locutum esse Magistrum Sententiarum in 4. cit. diff. 23. interpretatur S. Bonaventura, ubi exponit *ly Vel*, pro *Et*; itaut sensus Magistri sit, esse periculosum, ac damnabile, si prætermittatur hoc Sacramentum ex contemptu, & negligentia. Secundus casus est, si ex omissione hujus Sacramenti resularet

22 grave scandalum; vel quia infirmus daret suspensionem, quòd non crederet in ipsum, vel moveret adstantes ad parvisaciendum idem Sacramentum malo sui exemplo. Tertius

casus est, si infirmus detineretur aliqua culpa mortali, quam confiteri non posset, & non esset certus se habere veram contritionem; nam tunc perderet auxilium hujus Sacramenti, cujus virtute ex attrito fieri potest contritus, & obtinere remissionem illius culpæ; & per consequens æternam salutem tunc perderet, non recipiendo Unctionem Extremam. Ita notant omnes præfati Doctores, & aliis citatis firmant Salmanticenses d. tract. 7. cap. 4. num. 11. 12. & 13.

Sed interrogabit aliquis; peccaretne infirmus, qui renueret accipere hoc Sacramentum, opinatus, quòd omnes, qui Sacro Oleo ununtur, paulò post unctionem sunt morituri? Hunc casum accidisse insigni Parocho paulculis ab hinc annis scribit Gobatus de Extrem. Unct. tract. 8. num. 315. his verbis: *Virum quendam similiter aggressum, tamen vita periclitantem, constanter dicam? an perniciatiter recusasse hoc Sacramentum, allata hac unica ratione: semper audivi esse moriendum illi, qui se ungi permittit.* Consimilem resistentiam, ac contradictionem in Extrema Unctione recipienda, ob timorem proximæ subsecuturæ mortis habuisse etiam Rupertum Regem Romanorum narrat Joannes Nider celebris Sveviæ Doctor in suo Formicario lib. 4. cap. 11. & ex eo refert idem Gobatus eod. tract. 8. num. 881. qui propterea examinando, utrùm hæc resistentia ob dictum timorem mortis sit peccatum? sub num. 318. firmavit, ob evidentem errorem in fide, qualis est, quòd hoc Sacramentum acceleret mortem, eam esse mortale peccatum; subdens: *Quare si Parochus animadverteret, hoc Sacramentum ab infirmo respui, seu negligi ex contemptu, vel vilipensione ipsius, tenetur omni ratione eum adducere ad estimationem, & venerationem; negatque ipsi tanquam merito suspecto de errore in fide beneficium absolutionis, nisi muta-*

res prorum illum animum. Et generatim censeo, si probe perpendantur omnes circumstantie, non reperiri quemquam, qui volens ex deliberata animi sententia mori sine hoc Sacramento, non peccet, saltem per accidens, aliquantulum graviter; talis enim aut conjicit suos domesticos in magnas sollicitudines, maroresque; aut dat occasionem, ut homines pejus de ipso loquantur; habet sanè illa deliberata omisso juxta communem aut apprehensionem, aut judicium speciem mali: ergo semper est mala malitia scandalum. S. Thomas

28 2. 2. qu. 43. artic. 2. in Corp. Ideo prudentes, sed ferventes debent esse Parochi in suis Parochianis suadendis, ne admittant in se falsum hunc timorem celerioris mortis, Sacram Unctionem Extremam recipientes, cum sit error in fide; nam imò ipsa Sacra Unctio juvat ad sanitatem corporis recuperandam, ut in sequenti Decisione demonstrabimus.

Sed quid dicendum, si infirmus renuerit ungi Sacro Oleo, non ex prædicto errore, sed ex aliqua ridicula causa ex his, quæ leguntur apud eundem Gobatum d. tract. 8. num. 814 & 815. videlicet de quadam puella, quæ recusabat recipere Oleum Sanctum, etsi in extremis laboraret; Quia (ajebat) semper ex majoribus meis audivi, esse choreis duceudis interdictum his, qui, aut quæ Unctionem acceperunt: imminet autem Anticentralia (nota nomen carnif-
30 privii) quibus saltare de more cogito, si convalesco. Deinde isdem, ut sepe inauditi, vetitum est sertum capite gestare, aut nudis pedibus terram contingere. Aut etiam de hoc alio motivo his verbis per ipsum Gobatum expressio: Francos aliquot sunt ejus opinionis, quod extremæ unctis nefas sit saltare. Palatini nefas induere
31 calceos. Utique in his, ac similibus inanibus, ac inutilibus causis spectat ad Parochum ponderoso sermone infirmum ad eas contemnendas hortari; qui si obstinatus in illis noluerit Sacramentum hoc recipere, dicendum est saltem ve-

nialiter peccare, quia absque ratione agit contra debitum propriæ charitatis, tam salutiferum animæ remedium in occasione ita periculosa negligendo. Palaus tract. 26. puncti. 8. num. 2. Gobatus d. num. 818. & Salmanticenses, qui alios DD. ita determinantes referunt d. tract. 7. cap. 4. num. 11. Hinc notandus casus relatus ab ipso Gobato d. tract. 8. num. 883. his verbis: Nicolaus de Nisa Ordinis Minorum in Gemma Prædicatorum scribit, quemdam magni ceteroquæ meriti interrogatum, an vellet Oleo Sancto ungi? renuisse. Nolite, inquebat, obsecro, quia omnes, qui unguuntur, moriuntur: atque in iis verbis obisse. Cum verò linteaminibus involveretur, aperuisse oculos, & hæc dixisse: Quia Extremæ Unctionis Sacramentum obherruit, centum annis in Purgatorio, iusto Dei iudicio, torquebor. Si undus fuisset, de ægritudine convalescens; & his dictis iterum exprobrasse. Hæc omnia non me piguit transcribere ex his approbatis auctoribus, ne Curatis desint rationes, & exempla ad suadendos infirmos, ut pie, ac devotè, cum in discrimine vitæ versantur, Oleum Sanctum petant, ac recipiant.

Alterum dubium principale resolvendum est, an infirmus peccare possit ob nimiam devotionem erga hoc Sacramentum; illud scilicet pluries recipiendo in eadem infirmitate? Pro resolutione hujus dubii attendantur à studio Lectore quatuor sequentes conclusiones.

Prima Conclusio: Nonnulli Scriptores de Ritibus antiquis in Sacramentorum administratione solliciti notant, quod ab hinc ante mille annos Extrema Unctio dabatur infirmis per plures sequentes dies continuos; idque colligunt ex libro Sacramentorum Sancti Gregorii Papæ, (quem Hugo Menardus Monachus Benedictinus notis illustravit:) nam in eodem libro, inter orationes pro visitatione, & unctione infirmorum
34 pag. 253.

pag. 333. ita dicitur post completas
 Unctiones: Deinde communicee cum
 Corpore, & Sanguine Domini: & sic
 faciant illi per septem dies, si neces-
 sitas fuerit, tam de Communione, quam
 35 de alio officio: unde idem Menardus in
 notis pag. 335. ait: T. de alio officio
 significatur de Unctione; & pag. 336.
 subdit: Et quomvis hodie in eodem
 morbo non repetatur hoc Sacramentum;
 si tamen antiquus valeret usus, id non
 esset absurdum; quia non cessante mor-
 bo, homine adhuc existente in pecca-
 tis, ob peccata saltem venialia, quæ
 nobis quotidie obrepunt, quia (septies
 in die cadit iustus) jure posset hoc Sa-
 cramentum sæpius in eodem morbo re-
 peti. Successivè ipsemet Menardus in
 notis ad Antiquum Extremæ Unctio-
 nis conferendæ Ritus ex Codice M. S.
 Ratoldi Abbatis pag. 358. Vers. 13.
 ita advertit: Nota continuationem Un-
 ctionis per septem, & plures dies,
 quæ etiam extat in Sacramentario S.
 Eligii. Confirmari potest hæc opinio
 Menardi ex relatione, quam faciunt
 Sæcula Benedictina, seu Acta San-
 ctorum Ordinis S. Benedicti, in qui-
 bus Sæculo IV. part. 2. Anno 888. in
 vita S. Remberti Episcopi Hamma-
 burgensis pag. 483. hæc habentur: Se-
 36 ptimo ante obitum die ministerium Sa-
 cræ Unctionis cum Oleo Sancto ei si ri
 cepit, & unâ cum Communione Corpo-
 ris, & Sanguinis Domini usque in diem
 animæ exeuntis de corpore hoc saluta-
 re remedium omni die periecit. Quo
 in loco Joannes Mabillon Monachus
 Congregationis S. Mauri, Vir celsissi-
 mæ eruditionis; lit. B. sic notat: Nam-
 que mos olim in Ecclesia vigeat, ut Un-
 ctio infirmorum, quæ Viatico præmitte-
 batur, per plures dies à pluribus Pres-
 byteris repeteretur.

Ego tamen (pace, ac reverentia
 tantorum Virorum semper salva)
 contendo, supradictas reiteratas Un-
 37 ctiones non fuisse reiterationem Sa-
 cramenti Extremæ Unctionis, sed
 simplices Unctiones curativas pro
 devotione infirmi iteratò ei impen-

fas ex rationibus, quas consideravi
 supra Decis. LXX. num. 28. & 29. ibi
 iterùm à studiosis legendas; & per
 ea, quæ dixi in Decis. LXXXIX. à
 num. 15. & seqq. ubi ex doctrina ce-
 lebrissimi Jacobi Pignatelli Juriscon-
 sulti Romani ostendi reiteratas Un-
 ctiones, quæ à græcis exhibentur
 cum Oleo Sacro, non esse Sacramen-
 ta, sed Sacramentalia, ad curandos
 languores, & dolores alicujus mem-
 bri liniendos vim habentia; ideò
 que hoc idem est interpretandum de
 Unctionibus antiquorum, quæ re-
 plicabantur ob devotionem infirmi
 pericolosè decumbentis, post datum
 eidem Sacramentum Unctionis Extre-
 mæ. Favet huic meæ opinioni Mat-
 thæus Galenus in Promptuario Theo-
 logico Catechesi 182: hoc idem sen-
 tiens, & ejus verba refert etiam Me-
 nardus in Notis d. pag. 335. quæ sunt
 hujusmodi: Ad hæc non fiebat illud
 38 (Unctionem scilicet reiterationum offi-
 cium) perfunctoriè, & propter; sed
 ubi æger non convalescebat, re-
 dibant eodem Sacerdotes per Sep-
 tiduum ungentes: non quidem Sacra-
 mentum (notet Lector) toties repre-
 sentantes, sed statim præcibus unctio-
 nibus curantes laborantis membra, præ-
 bentesque Sanctam Eucharistiam. Ul-
 teriùs si per septem continuos dies Sa-
 cramentum Extremæ Unctionis uni-
 cuique infirmo solitum fuisset ministra-
 ri, de unoquoque infirmo, præcipuè
 sublimis conditionis, hujus repetiti Sa-
 cramenti Historiæ meminissent. At
 hoc non narrant, nisi de aliquibus;
 siquidem præter exempla Ven. Bedæ,
 & S. Huneburgis, de quibus supra
 num. 9. & 10. ut hoc unum aliud
 exemplum adducam loco plurium alio-
 rum, in iisdem Actis Sacri Ordinis
 S. Benedicti sæculo primo Anno 545.
 pag. 102. De Clotilde, (aliàs Chro-
 tilda) Regina Francorum, in ejus
 mortis narratione legitur ita: Corpo-
 39 rali ægritudine gravata lecto decu-
 buit. Tricesimo itaque die vocationis
 suæ secundum Apostolum truncta à Sa-

cerdotibus Oleo Sancto, & Sacri Corporis, & Sanguinis Christi percepto Viatico in Confessione SS. Trinitatis corpus exiit. En mentio singularis, non reiteratæ Unctionis per plures dies. Cæterum quidquid in usu fuerit antiquis sæculis illis; est, quod tunc Sacramentum Unctionis Extremæ eodem periculo infirmitatis durante reiteraretur per septem, aut plures dies; sit

Secunda Conclusio: Illicitum est reiterare Extremam Unctionem eidem infirmo, durante ipsomet discrimine vitæ, in quo Oleo Sancto fuit inunctus. Probat hęc conclusio ex doctrina S. Thomæ in 4. dist. 23. qu. 1. artic. 4. à Catechismo Romano de Sacram. Extr. Unct. sess. 11. ubi ita dicitur: *Illud observare oportet, in una eademque egrotatione, cum eger in eodem vitæ periculo positus est, semel tantum unguendum esse. Quod quidem non obscure definitum fuit à Tridentino Concilio de Extrem. Unct. cap. 13. in illis verbis: Quod si infirmi post susceptam hanc Unctionem convalescerint, iterum hujus Sacramenti subsidio juvvari poterunt, cum in aliud simile vitæ discrimen inciderint. Ergo si non convalescerint post susceptam Sacram Unctionem, non sunt iterum unguendi. Hoc idem expresse prohibet Rubrica Ritualis Romani de eod. Sacram. Extrem. Unct. ibi: In eadem infirmitate hoc Sacramentum iterari non debet. Ratio autem hujus prohibitionis est, ut infirmi majori cum devotione, ac Spiritus fervore suscipiant hoc Sacramentum, & uberiores ex eo colligant fructus, scientes semel tantum in eadem infirmitate ipsum esse recepturos, & ita docent Ivenim de Extrem. Unct. quæst. 9. cap. 1. in fine. Diana part. 5. tract. 3. resol. 96. necnon part. 10. tract. 11. resol. 11. Quæ existunt in Opere ejus Coordinato tom. 2. tract. 4. resol. 39. & 40. Salmanticenses cit. tract. 7. cap. 4. num. 9. Maffrius d. disput. 6. in 4. Sentent. num. 59. & Tamburin. de Extrem.*

Unct. lib. 6. cap. 2. §. 6. num. 1.

Tertia conclusio. Ex communi Doctorum placito in eadem infirmitate potest idem infirmus rursus Oleo Sancto liniri, quando ipsa infirmitas, quæ erat periculosa, facta fuit sine periculo; sed deinde iterum facta est periculosa. S. Thom. in 4. dist. 23. qu. 1. art. 4. & S. Bonaventura ead. dist. 23. part. 2. qu. 4. in fine. Maffrius d. disput. 6. num. 60. hæc scribens: Si infirmus graviter laborans hoc Sacramentum semel suscepit, si postea periculum evasit, & ob morbi diuturnitatem, ut hydropisis v. g. vel thysi, varietur notabiliter morbi status; & rursus in simile vitæ periculum incidat, hoc Sacramentum repetere poterit, quia in tali casu novus censetur morbus, novaque necessitas. At paulò post subdit: Advertunt tamen Doctores inter unam, & aliam Unctionem, notabilem temporis distantiam interponi debere, ut ita verè constet, & appareat, periculum mortis fuisse verè renovatum. Ita Suarez, Nugnus, &c. quibus adherent Diana Coordinatus d. tom. 2. tract. 4. resol. 39. & 40. Salmanticenses d. cap. 4. num. 9. Tamburin. d. §. 6. à num. 3. & segg. & Gobatus d. tract. 8. de Extrem. Unct. num. 887. & segg. qui admissim examinat, quando censenda sit sufficiens morbi mutatio de periculoso in non periculosum; & è contra? ac idè in praxi à Parochis consulendus & legendus.

Quarta, & Ultima Conclusio est; si infirmus Oleo Sancto inunctus convalescit ab illa infirmitate, & sanus factus extiterit; si deinde in aliam incidit mortalem infirmitatem; liniri poterit Sacramento Extremæ Unctionis; & hoc expressit Catechismus Romanus d. sect. 11. in illis verbis: *Quod si post susceptam hanc Unctionem eger convalescit, quoties postea in id vitæ discrimen incidit, toties ejusdem Sacramenti subsidium ei poterit adhiberi.* Et hoc concorditer docent omnes Theologi, ac Canonistæ allegantes Constitutionem XIX. Eugene.

De Extrema Unctione. Decis. LXXXII. 341

Eugenii IV. *Incipien. Exultate Deo &c.* in qua §. 9. in fine ait, Extremæ Unctionis Sacramentum esse unum de illis quatuor, quæ non imprimunt characterem, & reiterationem admittunt. Diana (Coordinatus d. tom. 2. tract. 4. resol. 39. & 40. Cotonius lib. 2. Controv. 13. num. 40. Salmanticenses d. tract. 7. cap. 4. num. 9. Eminentiss. Cardin. de Lauræa de Extrem. Unct. disp. 11. num. 193. Mastrius d. disput. 6. in 4. Sentent. num. 59. ubi ponit verba Concilii Tridentini sess. 14. cap. 3. hanc reiterationem in nova infirmitate concedentis. Gobatus eod. tract. 8. à num. 886. & seqq. & Barbosa de Parocho cap. 22. num. 38. ubi alios DD. allegat.

DECISIO LXXXII.

ARGUMENTUM.

Effectus quinque, quos operatur Extrema Unctio, declarat præsens Decisio. Hi sunt gratiæ augmentum, & aliquando gratia prima. Venialium remissio quo ad culpam, & quo ad partem pænæ. Delectio reliquiarum peccatorum. Levamen conscientie. Robur contra tentationes Dæmonis: & Sanitas corporis, si expediat animæ salutis. Innuuntur tres Theologicæ Quæstiones de Præcellentia dictorum Effectuum. De tempore, quo producuntur; & de eorum influxu post sublatum obicem, cum quo fuerat collatum Sacramentum.

SUMMARIUM.

- 1 Scholastici obscuro, circa effectus Extremæ Unctionis.
- 2 Effectus Extremæ Unct. quinque.
- 3 Gratia sanctificans est Olei Sancti primus effectus.

- 4 Gratia prima aliquando infunditur in Extrema Unctione.
- 5 Venialia delentur per Extremam Unctionem.
- 6 Ex opere operato Oleum Sanctum delet Venialia.
- 7 Differentia inter Sacramentum Pœnitentiæ, & Extremam Unctionis.
- 8 Pœna debita pro Venialibus remittitur in Oleo Sancto.
- 9 Reliquiæ peccatorum deletæ per Extremam Unctionem quid sint?
- 10 Diaboli assus contra moribundos.
- 11 Theodori, Chrysostomi, ac Monachi Iconensis exempla.
- 12 Tentationes Diaboli superantur in morte virtute Extr. Unctionis.
- 13 B. Mariæ Ogiacensis visio circa Oleum Sanctum.
- 14 Athletæ pugnaturi Oleo se ungebant.
- 15 Sanitas corporis ex Extrema Unctione quando datur?
- 16 Judicia Dei adoranda non perscrutanda.
- 17 Exempla sanatorum cum Extrema Unctione.
- 18 Primarius effectus quisnam sit Olei Sancti?
- 19 Tempore quo producuntur in infirmo effectus Extremæ Unctionis?
- 20 Sacramentum Extremæ Unctionis, an possit esse validum, & informis?
- 21 Obice peccati ablato effectus Olei Sancti producuntur.
- 22 Attritio sola in infirmo quando tollat obicem peccati?

Restat pro complemento hujus tractatus de Extrema Unctione, ut effectus, quos ipsa producit, ostendamus. Illud autem est in primis advertendum, quod notant Eminentiss. Cardin. de Lauræa de Extr. Unct. disput. 11. art. 16. & Mastrius in 4. Sent. disput. 6. num. 61. modernos scilicet Theologos ita confusè loqui de effectibus hujus Sacramenti, ut nullibi reperitur apud ipsos clara, & concors doctrina, quæ studiosorum animum instruat; ac è con-

contra potius non leves difficultates gignat, ac dubia irresoluta relinquat, etsi non obscure insinuentur effectus ipsi à Tridentino Concilio cap. 2. de *Extrem. Unct. sess. 14.* his verbis: *Res porro, & effectus hujus Sacramenti illis verbis explicatur* (Jac. r. Et oratio fidei salvabit infirmum, & alleviabit eum Dominus: & si in peccatis sit, dimittentur ei.) *Res etenim hæc gratia est Spiritus Sancti; cujus Unctio delicta, si quæ sint adduc expianda, ac peccati reliquias abstergit, & egroti animam alleviat, & confirmat; magnam in eo Divinæ Misericordiæ fiduciam excitando, qua infirmus sublevatus, & morbi incommoda, ac labores levius fert, & tentationibus dæmonis, calcaneo insidiantis, facilius resistit, & sanitatem corporis interdum, ubi salutis animæ expeditur, consequitur.*

Itaque ex his verbis Concilii, & ex communi Theologorum placito, quiaque colliguntur effectus Sacramenti Extremæ Unctionis. *Primus* est collatio gratiæ sanctificantis. *Secundus* est remissio peccatorum venialium. *Tertius* est abstergere reliquias eorumdem peccatorum. *Quartus* est alleviare animam infirmi excitando spem, & confortando adversus insidias diaboli. *Quintus* est conferre corporis sanitatem, si hæc animæ salutis expediat. Ita pluribus DD. citatis colligit Gobarus d. tract. 8. de *Extrem. Unct. num. 909.* Salmanticenses de cod. *Sacr. tract. 7. cap. 3. punct. 1.* Mastrius d. *disput. 6. num. 62.* & Eminentiss. Cardin. de Lauræa d. *disput. 11. artic. 16. per totum*, & de his omnibus effectibus quæ magis essentia sunt, ac scitu digna, breviter hic dixi colligenda, & in gratiam Parochorum narranda.

Primus itaque effectus Extremæ Unctionis est gratia habitualis, seu sanctificans; quæ quidem duplici modo producit in anima infirmi Oleo Sancto inuncti, virtute hujus Sacramenti. *Uno*, per augmentum ejusdem gratiæ, si infirmus, illud suscipiens sit in gratia, ut esse præsumitur ex præmissa Confes-

sione Sacramentali, & absolutione obtentâ; ac ex Sanctissimæ perceptione Eucharistiæ, ut mos est apud omnes fideles gravi morbo laborantes, & apud Parochos sollicitos de salute suorum Parochianorum. Ratio hujus augmenti gratiæ sanctificantis est, quia omnibus Sacramentis, quæ appellantur vivorum, quale est hoc Extremæ Unctionis, commune est producere hunc effectum; nisi suscipientes obicem ponant. *Altero* modo, per infusionem primæ gratiæ; quæ quidem prima gratia infunditur, si infirmus bona fide credat, se esse in gratia, sed re vera sit in peccato mortali; puta quia non recordetur inculpabiliter de uno, vel pluribus peccatis mortalibus; vel aliquo alio modo habeat conscientiam maculatam aliqua gravi culpa, de qua confiteri non possit quia usum amisit loquelæ; tunc enim dum ungitur Oleo Sancto, licet solam attritionem eliciat de suis peccatis, consequitur primam gratiam, & remissionem eorumdem virtute hujus Sacramenti Extremæ Unctionis. Ita S. Thom. *part. 3. in Supplem. qu. 30. artic. 1.* Dicastillus de *Extrem. Unct. dub. 6. numer. 8.* S. Antoninus, Sotus, Suarez, & alii, quos citat, & sequitur Gobatus d. *tract. 8. num. 910. & 911.* & concordant Palus de *Sacrament. Extrem. Unct. disput. Unica punct. 5. num. 7.* Aversa *sect. 6. & Salmanticenses d. tract. 7. cap. 3. num. 2.* ac consentit doctissimus Mastrius in 4. *Sentent. d. disput. 6. num. 70. & 74.* etsi Scotistæ, quorum ipse est coriphæus, videantur contrarium sentire; addit tamen hanc limitationem, quod scilicet prima gratia infundatur ab hoc Extremæ Unctionis Sacramento, non principaliter, & ex ejus institutione; sed per accidens, ac secundariò, de quibus loquendum terminis, quibus Theologi utuntur in Scholis, parùm interest disputare in praxi; cùm Parochis, ac animarum Recto-ribus satis sit scire certitudinem hujus effectus collativi etiam primæ gratiæ, ut dictum est supra.

Secundus effectus Extremæ Unctionis est delere in infirmo peccata Venialia.

nialia. Gonetus de Extr. Unct. disput. 2. art. 1. num. 1. ubi allegat S. Bonaventuram, Scotum, Durandum, & alios DD. antiquos ita docentes. Concordat Sà Verb. Extrema Unctio num. 16. Navarrus in Summa cap. 22. & Gobatus d. tract. 8. num. 913. Facitque Catechismus Romanus de Extr. Unct. sect. 14. in illis verbis: *Docebunt igitur Pastores, hoc Sacramento gratiam tribui, quæ peccata, & in primis quidem leviora, & ut communi nomine appellantur, venialia remittit.* Et manifestè deducitur talis effectus tum ex verbis Divi Jacobi, *& si in peccatis sit, remittentur ei*, tum ex forma hujus Sacramenti *Indulgeat tibi Dominus quidquid &c. deliquisti*; & utrumque ponit etiam Consilium Tridentinum d. sess. 14. de Extr. Unct. cap. 2. Porro circa hunc effectum duo sunt valde notanda, & tanquam dignissima scitu, studioso meo memoranda. *Unum* est, quòd hanc remissionem Venialium operatur Sacramentum Extremæ Unctionis ex opere operato; quod est dicere, absque ulla cooperatione ipsius infirmi, itaut sicut Baptismus ex opere operato, & ex sui institutione delet culpam originalem in pueris absque ulla dispositione subiecti tunc existentis in infantili ætate: ita servata proportionem facit hoc Sacramentum Extremæ Unctionis, & ideo quamvis detur phræneticis, amentibus, & aliis, qui usum rationis perdiderunt, remittit eis peccata venialia, etsi nullum actum doloris tunc eliciant; sufficit enim quòd in eis non habeant complacentiam formalem; & hoc ex majori Dei misericordia; ut bene differit, ac probat Maftrius d. disput. 6. num. 70. ubi subtiliter advertit, hanc esse differentiam inter Sacramentum Pœnitentiæ, & Sacramentum Extremæ Unctionis; quòd in illo requiritur dolor de peccatis tanquam ejus pars essentialis, & sine quo non fieret Sacramentum; at in hoc non est necessarius dolor, quia essentia Extremæ Unctionis non pendet ex actibus suscipientis; siquidem sine ulla ejus prævia disposi-

tione Venialia remittuntur ex opere operato, & immediatè virtute ejusdem Sacramenti Unctionis Extremæ. Aliud notabile scitu dignum est, quòd hoc Sacramentum non solum delet venialia quo ad culpam; sed etiam quo ad pœnam temporalem, quam infirmus luiturus esset in Purgatorio pro iisdem venialibus; etsi non omnem, sed in tanta portione, quæ Divinæ Clementiæ magis placet, ut observant Salmanticenses d. tract. 7. cap. 3. num. 5. & ipse Maftrius ead. disput. 6. num. 64. subdens hoc Sacramentum esse institutum ad tollenda impedimenta retardativa consequutionis gloriæ; idcirco congruum est, ut tollat non solum venialia quo ad culpam, sed etiam quo ad pœnam, ne Viator diceffurus ab hac vita nimis retardetur ad habendum ingressum ad gloriam ob peccata venialia; quæ quasi continuo, ac etiam in extremo vitæ ex humana fragilitate committuntur.

Tertius effectus hujus Sacramenti est absolvere reliquias peccatorum. Cæterum DD. satis discordes sunt in demonstrando quid sit intelligendum pro reliquiis peccatorum; ut disputando demonstrat Eminentiſſ. Cardin. de Lauræa de Extr. Unct. d. disput. 11. art. 16 §. 3. per totum. Magis tamen communis Theologorum opinio est, quòd nomine reliquiarum peccati intelligere debeamus animi languorem, teporem, mororem, tristitiam, fastidium, anxietatem, & alias similes animi passionem, quæ ex peccatis præteritis, eorumque recordatione oriri solent; & quæ quodammodò impellunt infirmum ad desperationem, & nimium timorem mortis; idèque virtus hujus Sacramenti, ut ait Apostolus Jacobus, *alleuat infirmum præstando ei internam fiduciam erga misericordiam Divinam, & exhilarando ejus spiritum*, itaut constanter oppetat mortem. Ita ex doctrina S. Thomæ in 4. dist. 23. qu. 1. art. 2. colligit Maftrius d. disput. 6. num. 63. Eminentiſſ. Cardin. de Lauræa d. §. 3. Gonetus d. disp. 2. art. 1. §. 1. Salmanticen-

ticeses d. cap. 3. num. 4. & Gobatus d. tract. 3. num. 914.

Quartus effectus est præbere robur infirmo, & auxilia, ut possit resistere tentationibus diaboli. De insidiis, terroribus, ac versutiis, quibus utitur diabolus, dum homo fidelis appropinquat morti, dixi supra Decis. LXXXIV. à num. 23. & seqq. & in meo libello: *la Prima Età del Mondo* serm. 4. De illis ita protestatur Tridentinum Concilium De Extr. Und. sess. 14. in princ. *Esti Adversarius noster occasiones per omnem vitam quarat, & capiet, ut devorare animas nostras quoquo modo possit; nullum tamen tempus est, quo vehementius ille omnes sue versutiae nervos intendat ad perdendos nos penitus, & à fiducia etiam, si possit, Divinae misericordiae deturbandos, quam cum impendere nobis exitum vite perspicit. At ut subjungit idem Concilium ibidem cap. 2. Divina Pietas Redemptoris Nostri instituit Sacramentum hoc Unionis Extremæ, Qua infirmus sublevatur, & morbi incommoda, ac labores levius fert, & tentationibus demonis, calcaneo insidians facilius resistit.* Hæc Sacra Unctio est illa armatura, de qua dicebat Apostolus ad Ephesios cap. 6. Vers. 11. *Induite vos armaturam Dei, ut possitis stare adversus insidias diaboli.* Hæc autem insidias tendit contra nos tempore mortis, nam, ut ait Alcuinus, seu Albinus, quem allegavi in d. Decis. 74. num. 25. in fin. & quem refert Cornelius à Lapide in Genes. 3. 15. *Diabolus insidiatur calcaneo nostro, quia extremum vite nostre acrius oppugnat.* Quapropter idem Cornelius in Comment. in Epist. S. Judæ Apostoli Vers. 9. super illis verbis: *Cum Michael Archangelus cum diabolo disputans altercaretur de Moyse corpore: ita subdit: Hinc collige, si diabolus ita certat pro corpore Sanctorum in morte, quanto magis certat pro eorum anima? Et vicissim si Michael, & Angeli ita defendunt corpora Sanctorum morientium, multo magis defendent eorundem animas.* Sic certant Dæmones pro ani-

ma Theodori, & Chrysostomi clamantis, Inducias uique manè; ac Monachi Iconiensis, uti narrat S. Gregorius 4. Dialog. 38. *Hinc diabolus multis in morte apparet, ut eos percellat, & in desperationem, aliudve peccatum adigat: unde S. Martinus moriens, eo viso, Quid hic, ait, assas cruenta bestia, nihil in me funestum invenies.*

Et ne Lectorem lateat, quid egerint dæmones in morte supranominatorum Theodori, Chrysostomi, & Monachi Iconiensis, sciat id, quod fusiùs narrat de iisdem S. Gregorius Papa in cit. lib. 4. Dialog. cap. 37. & cap. 38. videlicet, cum Theodorus prædictus inter Monachos vitam ageret, sed monasticam disciplinam despiceret, peste percussus, in agoniam actus, orantibus Monachis ad ejus lectum clamare cepit: *Recedite, recedite. Ecce draconi ad devorandum datus sum, qui propter vestram presentiam devorare me non potest.* Sed Monachis ferventiùs orantibus, & cum ut signo Sanctæ Crucis muniret suadentibus, compunctus corde, veniamque postulans à Deo in pace quievit. Chrysostomus autem erat vir sæcularis, ut idem, Sanctus Pontifex scribit, tantum plenus vitiis, quantum rebus, superbia tumidus, carnis sue voluptatibus subditus, & in acquirendis rebus avaritiæ facibus accensus. Is, in extremo vite constitutus apertis oculis vidit terribissimos viros, & nigerrimos spiritus coram se asfistere, & vehementer invenire, ut ad inferni claustrâ cum raperent. *Cæpit tremere, pallefcere, sudare, & magnis vocibus inducias petere.* Sed cum hæc clamaret, in ipsi vocibus de habitaculo sue carnis evulsus est. Subdit postea ipse S. Gregorius, Iconii fuisse Monasterium, in quo plurimi Monachi sanctè vivebant; ac eorum unus hypocritam vitam ducens, cum ad extremum vite pervenisset fratribus ad se convocatis dixit: *Quando me vobiscum credebatis jejunare, oculis comedebam: & ecce nunc ad devorandum.* Draco-

Draconi traditus sum, qui cauda sua mea genua, pedesque colligavit. Et hæc proferens impoenitens occubuit.

- Certum est itaque omnem conatum fieri à dæmonibus, ut animas in desperationem inducant, in earum exitu à corporibus: at Extremæ Unctionis Sacramentum eas corroborat, & fortes reddit, ut resistent tentationibus eundis; ac fidentes Divinæ Misericordiæ æternam salutem consequantur, ut piè differit P. Segnerius in *Christ. Instrucl. part. 3. disc. 23. numer. 10.* ubi subdit, B. Mariam Ogniacensem narrasse Jacobo Cardinali de Vitriaco Confessori suo, se vidisse Christum Dominum magna cum Sanctorum, ac Sanctarum caterva assistentem cuidam agonizanti, dum Oleo Sancto liniretur, ut eum in spem suæ salvationis erigeret, ac dæmones tentatores sua divina præsentia fugaret. De hoc quarto effectu scribunt Eminentes Cardin. de Lauræa *d. disp. 11. art. 16. §. 4.* Mastrius *d. disp. 6. num. 64.* Ivenim de *Extr. Unct. qu. 8. cap. 4. concl. 2.* addens, quod ex eo Patres vocaverunt Extremam Unctionem *Spes Sacramentum*, quod scilicet innuerent, per eam infirmum erigi, ut fortius cum hoste in exitu dimicet. Salmanticenses *d. tract. 7. cap. 3. num. 4.* Gobatus *d. tract. 8. num. 915.* & Gonetus *d. tom. 5. disp. 2. de Extr. Unct. num. 10.* ubi doctè advertit, hunc effectum corroborandi infirmum, ut pugnet contra diabolum desumptum ex materia huius Sacramenti, tum ex forma antiqua Ecclesiæ Mediolanensis, & Venetæ. Ex materia quidem, quæ est Oleum, quia sicut olim Athletæ oleo ungebantur, ut ad luctam, & certamen se præpararent; de quibus Tolosan. *Syntagm. Jur. libr. 39. cap. 5. num. 3.* Et Cornelius à Lapide in *1. Cor. 19. 25.* ita infirmi ad pugnandum cum hoste antiquo Sacra hac Unctione Olei disponuntur. Ex forma verò per vetusta illarum Ecclesiarum, quæ talis erat: *Ungo te Oleo sanctificante in nomine Patris, & Filii, & Spiritus*

Sancti, ut more militis uncti præparatus ad certamen, æreas possis superare potestates, quam formam retuli supra Decis. LXVIII. num. 6.

Quintus effectus Unctionis Extremæ est concedere sanitatem etiam corporis, si hæc expediat ad salutem animæ; ut ait Concilium Tridentinum de *Extr. Unct. Sacram. d. cap. 2. sess. 14. ibi: Et sanitatem corporis interdum, ubi saluti animæ expedierit, (infirmus) consequitur.* Ex prout scriptum reliquit S. Thomas *3. p. in Supplem. qu. 30. art. 2.* his verbis: *Ex hoc Sacramento non semper sequitur corporis sanatio, sed quando expedit ad spiritualem sanationem, & tunc semper eam inducit, dummodo non sit impedimentum ex parte recipientis.* Et ex hoc deducit Gobatus *d. tract. 8. n. 917.* quod in sensu composito affirmari potest, infirmos aliquando impedire, ne sanatio corporalis impertita per Extremam Unctionem cedat actualiter in bonum animæ; unde fit, ut aliquando Oleo Sancto inuncti, & sanati postea malam mortem subeant, qui si statim post Sacram Unctionem decessissent, sanctissimè obiissent, ut disputando differit Tannerus *disp. 7. q. 1. dub. 2. num. 45. & seqq.* Sed hæc sunt judicia Dei inscrutabilia à nobis adoranda, non investiganda, ut exclamat Apostolus *ad Rom. 11. 33.* O altitudo divitiarum sapientiæ, & scientiæ Dei, quàm incomprehensibilia sunt judicia ejus, & investigabiles viæ ejus! unde notavit S. Augustinus in *Psalm. 32.* Putas, nos perscrutari posse, quod Apostolus beatus expavit? De ratione imperscrutabilium horum Dei judiciorum, quæ sunt absque multa, legat studiosus, ne dicam curiosus, Antonium Glielmum Presbyterum Congregationis Oratorii in *tract. Le Grandezze della SS. Trinità disc. 48.* ubi doctè, piè, ac eruditè de his, & aliis titrendis, ac tremendis judiciis divinis agit.

Cæterum de sanitate corporis per Sacramentum Extremæ Unctionis graviter decumbentibus præstita, ipsemet

femet Gobatus *d. tract. 8. à num. 905.* hæc affert exempla . 1. De infirmo, qui urgente morbo de potestate mentis exierat, cui Curatus dedit Sacrum Oleum, quod priusquam infaniret, postulaverat, subdens : *Mira dictu, visque res ! simul atque Sacro ritè inunctus est Oleo, mentis sanitatem, paulò etiam post corporis valetudinem recuperavit.* 2. De Ruperto Romanorum Rege, de quo supra *Decis. 81. num. 27.* qui recepta Unctione Extrema, de qua tantum timebat, sanus evasit. 3. De infirmo è dysenteria in Collegio Monacensi, quem uterque ordinarius Medicus Collegii desperatum dederat, & tamen perceptione hujus Sacri alexipharmaci sanitatem obtinuit. 4. De puella ad agonem ex infirmitate deducta, quæ Oleo Sacro inungi expavebat, dubitans statim mori; sed à Confessario, ut piè crederet, eam Unctionem esse medicinam etiam corpori sanando paratam suasa, permisit se ungi; & statim *lenius respiravit, & postera luce inuisenti ad se Confessario vegeta, & incoluntis ultro occurrit.* At de his eventibus plures casus Parochi viderint in praxi, quam ego colligere valeam in theorica. Testis sum ego ipse de hoc quinto effectû; qui in primis Sacerdotii mei diebus scio, me Oleo Sacro duos Mansionarios hujus Ecclesiæ Cathedralis Patavinæ ad extremum vitæ ex gravissimo morbo deductos linisse; R. Andream Vighettum unum, alterum Joannem Mariam Tavellinum, & uterque sanitatè donatus ope hujus Sacramenti diurnam vitam, & felices annos iterum obtinuit.

Tres autem Quæstiones circa hos effectus agitantur à Theologis in Scholis, quas attingisse sufficiet pro coronide, ac conclusione hujus tractatus, ne eas studiosos lateat, & ut possint de iisdem se plenius instruire apud DD. infra citandos. *Prima* est, quisnam sit primarius, ac præcipuus effectus ex quinque suprarelatis? Alii volunt, esse remissionem

venialium; alii collationem gratiæ sanctificantis; alii allevationem animi ipsius ægri; & alii concessionem roboris, ac auxilii ad pugnandum contra diaboli tentationes; ut huiusmodi disputant ex Thomistis Gonetius *de Extr. Unct. d. disp. 2. per totam.* Ex Scotistis autem Mastrus *tit. disp. 6. quæst. 4. à num. 61. usque ad 86.* Altercatio quidem magna est; sed satis nobis sit, omnes prædictos effectus explicuisse, & eos omnes sive primarios, sive secundarios inter se suspicere, ac venerari. Secunda quæstio est, *Quandonam Extrema Unctio producat prædictos effectus?* quod est ¹⁹ quærere, an collatio gratiæ, remissio venialium, concessio levaminis, roboris, ac auxiliorum spiritualium in anima infirmi, fiat in quacunque Unctione sensuum, incipiendo à prima usque ad ultimam? vel tantum completa ultima Unctione? De hac quæstione variz sunt Theologorum opiniones, ut demonstravi supra in *Decis. LXVI. num. 13.* & videre potest studiosus Lector in Diana *Coordinato tom. 2. tract. 4. resol. 20. excerpta ex Veteri part. 3. tract. 4. resol. 178.* In Salmaticensibus *d. tract. 7. de Sacramentis cap. 3. punct. 2.* In Mastris *d. disp. 6. quæst. 5. per totam, & in Emin. Cardin. de Lauræa d. disp. 11. art. 16. §. 6. ubi plenè, ac copiosè disputatur hæc quæstio, & referuntur opiniones DD. quorum plurimi volunt, hos effectus produci in complemento ultimæ Unctionis; alii non minoris numeri, ac auctoritatē tenent ad omnem Unctionem impertiri partialem effectum juxta formam Sacramenti, quam profert Sacerdos ungens quemcunque sensum infirmi, ne verba ejusdem formæ in quocunque sensu inungendo prolata videantur sterilia, inutilia, ac otiosa; & hanc opinionem amplectitur Gobatus *d. tract. 8. num. 921.**

Tertia tandem Quæstio est, *An hoc Sacramentum possit esse validum, &* ²⁰ *informe;* itaut si infirmus habeat obicem

cem peccati mortalis, dum ei confer-
tur, neque fit attritus, aut contritus,
& nullam gratiam tunc consequatur,
ac nullum alium effectum; si postea au-
feratur obex, vel per contritionem, vel
per confessionem, eiusdem infirmi, pro-
ducantur in ejus anima effectus ipsius
Sacramenti Extremæ Unctionis in antea
eidem ministrati? Tractant hanc Quæ-
stionem Suarez in 3. p. D. Thom. tom. 4.
disp. 41. num. 24. Dicastillus de Extr.
Unct. disp. 1. dub. 8. num. 117. Pa-
laus disp. Unica punct. 5. n. 14. Aversa
Sed. 7. & alii, quos citant Salmanti-
censes d. tract. 7. cap. 3. punct. 3.
num. 10. ubi respondent ad illam affir-
mative; docentes, quod si perseveran-
te eodem morbo, & periculo obex pec-
cati mortalis sublatus fuerit per contri-
tionem, aut Sacramentalem confessio-
nem ipsius infirmi, qui cum dicto obice
fuerat Oleo Sancto inunctus; statim
effectus ejusdem Olei Sancti producun-
tur in anima ejusdem infirmi. Ratio

est, quia cum hoc Sacramentum in eo-
dem morbo, & periculo iterari non pos-
sit, debet habere locum illa regula,
quæ in Sacramentis irreiterabilibus con-
cedit eorum effectum dari ei, qui cum
obice illa receperat, statim obice abla-
to; & hoc ne infirmus remaneat in per-
petuum absque dictis effectibus. Imò si
recepisset Extremam Unctionem cum
obice, sed inculpabiliter, putà quia erat
sensibus destitutus, sufficeret, recupe-
rato rationis usu, eodem morbo duran-
te, solus attritionis actus, (quem eli-
ceret) ad tollendum obicem, & ad con-
sequendos ejusdem Extremæ Unctionis
effectus. At si obex tolleretur finito
morbo, & adepta sanitate, in hoc casu
solam gratiam Sanctificantem per eum,
qui fuerat infirmus, consequi ipsi DD.
concedunt, non etiam alios effectus,
seu auxilia; de his enim rem esse du-
biam dicunt, & hanc eandem opinio-
nem tenet Gobatus d. tract. 8. de Extr.
Unct. num. 922.



F I N I S.

I N D E X

VERBORUM, AC RERUM

MAGIS NOTABILIVM,

QUÆ IN HIS DECISIONIBUS LXXXII.

De Sacramentis in genere, de Sacramentalibus,
de Sacramento Baptismi, Confirmationis,
atque Extremæ Unctionis continentur,

Alphabetica ordine digestus.

Prior numerus significat Decisionem: secundus Decisionis numerum:
tertius Paginam.

A



- | | |
|---|--|
| <p>Ablutio an unica, vel trina
esse debeat in Baptismo? Decif. 29. num. 6. pag. 85.</p> <p>Ablutio in qua parte corporis baptizandi fit facienda? Decif. 29. n. 8. 86</p> <p>Ablutio capillorum an sufficiat in Baptismo? Decif. 29. num. 9. 86</p> <p>Acephali qui sint? Decif. 47. num. 5. 137.</p> <p>Actus non operantur ultra agentium intentionem. Decif. 38. n. 3. 108</p> <p>Adam qua hora creatus sit? & qua hora peccaverit? Decif. 4. num. 2. 9.</p> <p>Adam si non peccasset, an data essent Sacramenta? Decif. 4. num. 4. 10.</p> <p>Adæ durante innocentia an fuerint Sacramenta? Decif. 4. num. 3. 9.</p> <p>Adam si non peccasset, homines non morerentur. Et cur? Decif. 76. num. 10. 297.</p> <p>Adversitates depellit Aqua benedicta. Decif. 39. num. 12. 113.</p> <p>Adultus non dolens de peccatis in baptismo, an recipiat gratiam. Decif. 18. num. 2. & 5. 46.</p> | <p>Adultus baptizandus quanto tempore differre possit Baptismum? Decif. 23. num. 10. pag. 63.</p> <p>Adultus baptizari non potest sine licentia Episcopi. Decif. 23. num. 11. 64.</p> <p>Adultus non baptizatus an possit obtinere gratiam justificantem? Decif. 26. num. 2. 72.</p> <p>Adultus si sit in agonia, ac etiam puer Septennius, cui prius horum sit à Parochq danda Extrema Unctio? Decif. 78. num. 19. 315.</p> <p>Æqualitatem perfectionis nostræ cum sua Deus à nobis non requirit, sed imitationem ejus. Decif. 72. num. 26. 260.</p> <p>Aeris corruptio, & contactus rerum peste infectarum, sunt causa pestis. Decif. 73. num. 1. 264.</p> <p>Aer corrumpitur, & fit pestifer ob novem causas hic relatas. Decif. 73. num. 5. 265.</p> <p>Ætas quæ sufficiat pro pueris confirmandis. Decif. 58. num. 8. 170.</p> <p>Ætates Hominum quæ? & quot sint? Decif. 76. num. 17. 299.</p> <p>Ætas puerorum pro danda lisdem Extrema</p> |
|---|--|

Ac Rerum magis Notabilium.

- trema Unctione ? Decif. 78. num.
 17. pag. 315
Eternum quid significet in Scriptura Sa-
 cra? Decif. 76. num. 14. 298
 Agni cerei cur consecrentur à Papa in
 festis Paschalibus ? Decif. 45. num.
 10. 129
 Altare, & Ecclesia S. Rocchi quando
 Paduæ constructa ? Decif. 73. num.
 53. 274
 Ambrosiana forma antiqua in Extre-
 mæ Unctionis Sacramento. Et an
 esset deprecatoria, vel indicativa ?
 Decif. 68. num. 6. & 14. 219
 nec non 222
 Amentibus, seu furiosis, an danda sit
 Extrema Unctio ? Decif. 80. num.
 8. 326
 Amentes undè dicti ? Decif. 80. num.
 15. 328
 Amentibus danda Extrema Unctio,
 si antea habuerunt usum rationis :
 secùs si tales fuerint à nativitate.
 Et cur ? Decif. 80. num. 39. 40. 41.
 & 42. 331
 Amenti à nativitate an dari possit Ex-
 trema Unctio sub conditione ? Decif.
 80. num. 42. & 44. 333
 Amor in Deum triplex ; Complacen-
 tiæ, Benevolentia, & Appretiationis.
 Decif. 27. num. 5. 75
 Amor nimis dementia est? Decif. 80.
 num. 21. 328
 Androgyni, & Hermaphroditæ qui
 sint ? & undè dicantur ? Decif. 46.
 num. 8. 135
 Angeli an possint ministrare Sacramen-
 ta ? Decif. 12. num. 2. & 3. 30
 Angeli an possint baptizare ? Decif. 35.
 num. 8. 101
 Animalia domestica in peste in alienas
 domos non permittantur transire ;
 vel ex vicinis in proprias ades veni-
 re. Decif. 83. num. 27. 269
 Animæ nostræ operationes duæ. Una
 per organa, alia sine. Decif. 67.
 num. 8. 215
 Annulis ostiorum illitis venenato li-
 quore olim Mediolori, & Venetiis
 introducta Pestis. Decif. 83. num.
 10. 266
 Antecineralia quid sint ? Decif. 81. num.
 30. pag. 338
 Antepositio verborum an obstat validi-
 tati formæ ? Decif. 10. num. 2. &
 7. 24
 Antiqui undè sumerent nomina im-
 ponenda pueris ? Decif. 44. num.
 2. 124
 Antiquitas an uno ungente infirmum,
 alter proferret formam ? Decif. 70.
 num. 27. 238
 Antiquitas an pluries repeteretur Ex-
 trema Unctio in eadem infirmitate ?
 Decif. 81. num. 34. 338
 Apoplexia aufert rationis usum. De-
 cif. 80. num. 25. 329
 Apoplexiam timentes an Oleo Sancto
 muniendi ? Decif. 79. n. 27. 322
 Apostoli qua methodo baptizarent ? De-
 cif. 29. num. 12. 87
 Apostoli an uterentur Chrismate in dan-
 do Sacramento Confirmationis ? De-
 cif. 54. num. 4. 157
 Apostoli quando sint ordinati Sacer-
 dotes ? & quando consecrati Epi-
 scopi ? Decif. 63. num. 4. & 10. 187
 & 189
 Apostoli nondum ordinati Sacerdotes
 ungebant infirmos ; & an illæ Un-
 ctiones essent Sacramentum ? Decif.
 69. num. 5. & 15. 225. & 228
 Apostoli an communicati, & ordinati
 ante Baptismum ? Decif. 77. num. 9.
 & 24. 305. & 307
 Apostoli quando fuerint baptizati ? De-
 cif. 77. n. 25. & 29. 307. & 309
 Aqua est materia remota Baptismi. Et
 an si sit miraculosa ? vel artificialis ?
 Decif. 29. num. 3. 4. 5. 84
 Aqua non benedicta cur sit materia apta
 Baptismi ? Decif. 54. n. 9. 160
 Aquæ benedictæ usus antiquus in do-
 mibus Christianorum, & remittit
 Venialia. Decif. 39. num. 5. 6. 110
 Cur servetur in ingressu Ecclesiæ,
 & ejus aspersio fiat in Choro ? De-
 cif. 39. num. 7. 111
 Eadem fugantur Dæmones, ibid. num.
 9. Solvuntur maleficia, sanantur in-
 firmitates, & depelluntur adversita-
 tes, num. 10. 11. 12. 112
 Aqua.

Index Verborum,

- A**
- Aquavitæ tempore Pestis pessima. Decif. 73. num. 30. pag. 269
- Arbores vicinorum nociuæ vicinis incidendæ sunt de Jure. Decif. 73. num. 6. 265
- Argumentum de forma unius Sacramenti ad formam alterius Sacramenti non valet. Decif. 68. num. 18. 221
- Argumenta sex quod Baptismus sit institutus à Christo ante ejus Passiorem. Decif. 77. num. 27. 308
- Argumentum non valet à denegata sepultura ad denegationem Sacramentorum. Decif. 80. n. 7. 326
- Aromata cum vino ponuntur à Græcis in Chrismate. Decif. 54. num. 2. 157
- Articuli Fidei alii habentur à Scriptura Sacra, & alii à Traditione. Decif. 62. num. 14. 183
- Asclepiadis Medici cura, & mors. Decif. 75. num. 9. 288
- Assistere moribundis Parochus debet ob sex rationes. Decif. 74. num. 23. 282
- Astomi, Brachistomi, & Elingues qui sint. Decif. 47. num. 3. 137
- Athletæ pugnaturi cur oleo se ungerent? Decif. 82. num. 14. 345
- Attritio an sufficiat ad salutem in Baptismo Flaminis? Decif. 26. num. 5. 73
- Attritio sola in infirmo. quando tollat obicem peccati? Decif. 82. num. 22. 347
- Attritus sit contritus virtute Extremæ Unctionis. Decif. 81. num. 25. 337
- Auriti homines. qui sint? Decif. 47. num. 2. 137
- B**
- B**alsamum materia remota Sacramenti Confirmationis ubi nascatur? Decif. 54. num. 1. & 3. 157
- Baptismi verba quæ sint de ejus forma. Decif. 9. num. 1. 23
- Baptismus an sit validus. interrupta forma per alia verba? Decif. 10. num. 3. 25
- An verbum *Et* sit de ejus forma? ibid. num. 8. pag. 26
- Et quid si dicatur in *Nomine Patris* &c. Decif. 13. num. 1. 32
- Baptismus, ac etiam Pœnitentia, quando possit recipi ab indignis? Decif. 15. num. 2. 36
- Baptismus quid sit? Hæc vox an apud nationes sit in usu? Decif. 21. num. 1. & seqq. 56
- Baptismi S. Jo: Baptistæ, & nostri differentia. Decif. 22. n. 1. 57
- Forma illius Baptismi quænam esset? ibid. num. 10. 60
- Baptismus filii quanto tempore differri possit ab ejus genitoribus? Decif. 23. num. 1. & seqq. 61
- Baptismi quot sint species? Decif. 24. per totam. 65
- Baptismus Fluminis quotuplex sit? quando institutus? quot modis dari possit? Decif. 25. per totam. 69
- Baptismata Flaminis, & Sanguinis an sint Sacramenta? ibid. num. 2. Flaminis quid requirat ad sui validitatem? Decif. 26. num. 1. & seqq. 71
- Baptismus Sanguinis quinam sit? Quæ ad ipsum necessaria? Decif. 27. per totam. 74
- Baptismus, ac Pœnitentia qua necessitate sint necessaria? Decif. 32. per totam. 92
- Baptismi, ac Confirmationis forma indicativa. Decif. 68. num. 3. 218
- Baptismus an validus, si unus abluit, alter dicat Verba formæ? Decif. 70. num. 24. 237
- Baptismus janna aliorum Sacramentorum. Decif. 77. num. 2. Quando institutus à Christo? num. 8. & 26. Flaminis non est Sacramentum. num. 21. Ejus differentia cum illo Fluminis. num. 19. pag. 303. 304. 305. & seqq.
- Baptismus an validè detur non habenti peccata? Decif. 78. num. 7. & 12. 313
- Baptizandus non credens, aut non dolens de peccatis an validè baptizetur? Decif. 33. num. 6. 96
- Baptizare plures unica actione an liceat? Decif. 34. num. 1. 97
- Bapti-

Ac Rerum magis Notabilium.

- Baptizans si sit reus peccati mortalis an mortaliter peccet? Decif. 34. num. 4. pag. 98
- Baptizare quis possit? & quis inter plures personas ordo servandus? Decif. 35. per totam. 99
- Baptizatis tantum danda est Extrema Unctio. Decif. 77. num. 1. 3. 18. pag. 303. 304. & 306
- Bedæ Venerabilis extrema Unctio, & mors. Decif. 81. num. 9. 335
- Bellua incuba an generet cum muliere succuba? Et è contra an bellua succuba cum homine incubo? Decif. 50. num. 1. & 4. 146
- Benedictio data Jacobo ab Isaaco Patre suo an fuerit valida? Decif. 11. num. 5. 29
- Benedictio Episcopalis an sit de essentia Chrismatis? Decif. 54. num. 8. 160
- Et an de essentia Olei pro Extrema Unctione? Decif. 65. n. 6. 198
- Beneficium cap: Odoardus. De Solutionib. denegatur in 20. casibus. Decif. 28. num. 10. 82
- Bibliophylacium nobilissimum Monasterii S. Justinae de Padua. Decif. 71. num. 25. 252
- Bonorum tria genera, & quæ? Decif. 72. num. 12. 256
- Bona spiritalia gratiora sunt Deo, quam temporalia. Decif. 72. num. 21. 259
- C
- Cabilonensis Concilii decretum pro Extrema Unctione. Decif. 81. num. 4. 335
- Cadavera Sacerdotum Oleo Sacro à Græcis unguuntur. Decif. 61. num. 4. 179
- Cadavera insepulta tam hominum, quam bestiarum causant Pestem. Decif. 73. num. 8. 265
- Calor naturalis in homine quomodo extinguitur? Decif. 76. n. 6. 296
- Calvinistæ, ac Lutherani negant Sacramentum Extremæ Unctionis. Decif. 62. num. 1. 180
- Calvini error circa ministrandam Extremam Unctionem. Decif. 74. num. 32. pag. 285
- Calvinus irridet benedictionem Oleorum Sacrorum. Uxorem duxit, spreto voto suo castitatis solemn. Decif. 65. num. 7. 198
- Campanæ cur dicuntur baptizari? Earum nomina diversa. Quis primus auctor ipsarum? Campanarum officia sex. Pullandæ à clericis Cotta indutis. Decif. 24. num. 1. & seqq. 66
- Campanæ ad signum Angelicæ Salvationis, eam recitantibus concessa Indulgentia. Decif. 24. num. 8. 67
- Candela accensa cur detur tangenda baptizato? Decif. 45. n. 6. 128
- Candela accensa est adhibenda à Sacerdote in ministranda Extrema Unctione. Decif. 74. num. 22. 282
- Capillorum ablutio tantum an sufficiat in Baptismo? Decif. 29. num. 9. 86
- Capitilavium antiquitatis quid esset? Decif. 45. num. 2. 127
- Cap. fin. de Cognat. Spirit. in 6. an sit correctum? Decif. 60. n. 3. 175
- Cap. Odoardus, de Solut. non attenditur in 20. casibus relatis in Decif. 28. num. 10. 82
- Capituli Dignitati primæ competit ungere Oleo Sancto Episcopum morientem. Decif. 71. num. 6. 246
- Cardinalis de Nores Cœnotaphia Pisana commendata. Decif. 64. num. 12. 193
- Cardinalis de Lauræa opinio circa Præceptum Charitatis erga proximum. Decif. 72. num. 23. 259
- Carolus Magnus Imperator an receperit Extremam Unctionem à pluribus Episcopis simul, & eodem tempore? Decif. 70. num. 5. 233
- Catechismi impedimentum quid, & quale sit? An sit sublatum à Concilio Tridentino? An dirimat, vel impediat Matrimonium? Decif. 37. num. 13. 14. 15. 106
- Catechumenus mortuus an sepeliendus in loco sacro? Decif. 33. num. 5. 96

Index Verborum,

- Et Decif. 77. num. 17. & 41. pag. 310
 Cathecumeni Matrimonium cum fi-
 deli an poffint contrahere? Indul-
 gentiaſve recipere? An excom-
 municari? Decif. 77. à num. 13. &
 ſeqq. 306
 Cathecumeni an ſint capaces Extre-
 mæ Unctionis? Decif. 77. num. 4.
 & 42. 304
 Caudati homines, naſcentes cum cau-
 da adinſtar canum, an dentur? De-
 cif. 47. num. 1. 136
 Cauſæ, quæ poſſent impedire, ne Sa-
 cerdos det ſibi ipſi Extremam Un-
 ctionem? Decif. 75. n. 15. 290
 Cautelæ octo ſervandæ tempore peſtis
 in miniſtranda Extrema Unctione.
 Decif. 73. num. 38. 271
 Cœnotaphia Cardinalis de Nores
 commendata. Decif. 64. num.
 12. 193
 Cæcus à nativitate illuminatus à Chri-
 ſto quis fuerit? & ubi obierit? De-
 cif. 67. num. 3. 214
 Cæci plurimi à nativitate doctiſſimi,
 inter quos Dydimus. Decif. 67. num.
 2. & 3. 214
 Cenſuris irretiti, ſi miniſtrent Sacra-
 menta, peccant, & ſunt irregulares.
 Decif. 74. num. 9. 278
 Centauri qui ſint? & an dentur? De-
 cif. 46. num. 1. 230
 Cæremoniæ Saerarum in Baptiſmo
 quæ ſint myſteria? Decif. 45. num.
 1. 127
 Cereus accendendus in danda Extre-
 ma Unctione. Decif. 74. num.
 22. 282
 Character quid ſit? & quid ſignificet?
 in qua parte animæ imprimatur?
 A quibus Sacramentis? Quinam
 ejus effectus? Decif. 19. num. 1. &
 ſeqq. 47
 Character in anima eſt primus effectus
 Sacramenti Confirmationis. Decif.
 58. num. 2. 169
 Chriſma cur confeſcretur feria V. in
 Cœna Domini? Decif. 53. num.
 6. 155
 Chriſmatis confeſcratio an ſit delega-
 bilis ſimplici Preſbytero? Decif.
 54. num. 10. pag. 161
 Quod ſit facta eo anno an ſit de
 eſſentia Sacramenti? ibidem num.
 12. 162
 Chriſmare quid ſignificet? Decif. 61.
 num. 2. 178
 Chriſma an poſſit eſſe materia Extre-
 mæ Unctionis? Decif. 65. num.
 15. 203
 Chriſtus non determinavit in ſpecie for-
 mas Confirmationis, & Ordinis. De-
 cif. 55. num. 3. 163
 Chriſtus baptizavit ſuis manibus Dei-
 param, & Petrum. Decif. 77. num.
 30. 309
 Chryſaori tentatio in morte. Decif. 82.
 num. 17. 344
 Cibi, ac potus qualitas, & quantitas
 attendenda tempore Peſtis. Decif. 73.
 num. 28. 269
 Circumſtantie quatuor attendendæ à
 Miniſtrante Extremam Unctionem.
 Decif. 74. num. 1. 276
 Clerici ſæculares in odioſis non ve-
 niunt nomine Religioſorum; pro-
 ut neque Novitii. Decif. 72. num.
 3. 255
 Clerici exercentes officia ſuorum Or-
 dinum citra Sacerdotium an pec-
 cent mortaliter? Decif. 74. num.
 7. 277
 Clinicius quis ſit? & cur irregularis ha-
 beatur? Decif. 23. n. 12. 64
 Clotildis Reginæ Francorum Extre-
 ma Unctio, & obitus. Decif. 81.
 num. 39. 339
 Cognatio Spiritualis an contrahatur
 ab infideli baptizante? Et carnalis
 coeunte cum fideli? Decif. 36. num.
 4. & 5. 103
 Cognatio Spiritualis an contrahant in-
 ter ſe Maritus, & Uxor tenentes
 eundem infantem in Baptiſmo? De-
 cif. 37. num. 8. 105
 Cognatio Spiritualis an contrahatur
 à Patrino in Baptiſmo privato, in
 caſu neceſſitatis dato? Decif. 37.
 num. 9. 105
 Et an ſi interveniat tantum dum
 ſupplentur cæremoniæ? ibidem num.
 12. 106

Ac Rerum magis Notabilium.

Cognatio Spirituality in Baptismo an contrahatur à Procuratore, qui tenet infantem, vel ab eo, qui mittit Procuratorem? Decif. 40. num. 1. pag. 114.

Cognatio Spirituality ob confirmationem quas personas afficiat? Decif. 58. num. 5. 169.

Coitus grassante Peste omnino evitandus. Decif. 73. num. 32. 269.

Colerici citius moriuntur, & cur? Decif. 76. num. 9. 297.

Collegii Salmanticensis doctrina de Præcepto Charitatis erga proximum. Decif. 72. num. 24. 260.

Communio an recipienda à Sacerdote concubinario? Decif. 16. n. 1. 40.

Conceptio factus in utero materno descripta. Decif. 48. num. 3. 140.

Concilii Tridentini *Sess. 24. de Ref. Matrim. cap. 2.* verus sensus. Decif. 60. n. 4. 174.

Concilia antiqua loquentia de Sacramento Extremæ Unctionis. Decif. 62. num. 13. 183.

Concilium confirmatum à Papa est regula Fidei. Decif. 62. n. 19. 184.

Concubini asserentes non amplius carnaliter se tangere an absolvendi, & communicandi? Decif. 16. num. 2. 3. & 4. 41.

Conditionaliter dandum est Oleum Sanctum infirmo, quem expirasse dubitatur. Decif. 76. num. 33. 302.

Et stulto à nativitate. Decif. 80. num. 44. 333.

Conditiones quinque necessariæ in recipiente Extremam Unctionem. Et quæ? Decif. 76. num. 2. 296.

Confessarius absolvens à reservatis qua poena puniendus? Decif. 16. num. 5. 42.

Confessarii præmittendi per Diocesim, in qua administrandum est Sacramentum Christma. Decif. 58. num. 10. 170.

Confessio Fidei fieri potest voce, scripto, & facto. Decif. 52. num. 7. 153.

Confessio mortalium debet præcedere Extremæ Unctionis Sacramentum. Decif. 80. num. 2. 325.

Confiteri si non possit infirmus, tenetur

recipere Oleum Sanctum. Decif. 81. num. 24. pag. 337.

Confirmare, aut ordinare seipsum nullus potest. Decif. 75. num. 31. 294.

Confirmationis Sacramenti nomina plura. Eius existentia, institutio, atque definitio. Decif. 53. num. 1. 4. 5. 7. 154.

Confirmationis Sacramentum an sit de necessitate? De eo Præceptum divinum, & Ecclesiasticum. Decif. 60. num. 12. & 13. 177.

Confirmationis forma indicativa. Decif. 68. num. 3. 218.

Confirmationis Sacramento datur Spiritus Sanctus. Decif. 77. num. 7. 305.

Confraternitas, & Compaternitas in Baptismo, & in Confirmatione est ablata. Decif. 60. num. 7. 175.

S. Congregationis sententia circa cognitionem Spiritualem si plures Patrium eundem filium teneant in Baptismo, vel in Confirmatione. Decif. 60. num. 8. 176.

S. Congregationis discordia circa Extremam Unctionem dandam à Parochis tempore Pestis, S. Carolo Borromeo requirente. Decif. 81. num. 19. 250.

Congruentia Instituti Extremæ Unctionis Sacramentum. Decif. 62. num. 7. 182.

Conjuges si ambo teneant eundem infantem ad Baptismum, an priventur jure petendi debitum? Decif. 37. num. 17. 107.

Consecratio Oleorum an quacunque die fieri possit ab Episcopo? Decif. 65. num. 11. 201.

Consuetudo universalis inter fideles ungendi infirmos Oleo Sancto. Decif. 81. num. 8. 335.

Consuetudo quando inducat obligationem? Decif. 81. num. 19. 337.

Contactus rerum peste infectarum est causa pestis. Decif. 73. n. 9. 266.

Contemnens Extremam Unctionem peccat mortaliter. Decif. 81. num. 21. 337.

Cornelio Centurioni datus Spiritus

Index Verborum,

- Sanctus ante Baptismum . Decif. 77. num. 6. pag. 304.
 At Sacramentum Confirmationis non recepit ante Baptismum . ibid. num. 22. 307.
 Cornelii à Lapide encomium de stultitia Sanctorum . Decif. 80. num. 13. 327.
 Corporis materni nimium incommodum gignit monstra . Decif. 48. num. 6. 141.
 Corpus nostrum perdendum pro salute animæ nostri proximi . Et quo in casu? Decif. 72. num. 14. 257.
 Cottæ Clericorum cur fiant de lino albo? laneæ in die jejuniorum . Earum amplitudinis, & longitudinis ratio . Decif. 74. num. 14. 15. 16. 279.
 Earum usus antiquissimus; nec laicis prohibitus . ibid. n. 17. & 18. 280.
 Crux ad collum appensa jugiter delata à Moschis . Decif. 45. num. 9. 129.
 Crucis signum in ungendo infirmum Oleo Sancto an sit de essentia Sacramenti? vel de solo præcepto Ecclesiæ? Decif. 66. num. 14. & 17. 211.
 Ejus signi omisio est mortale . ibid. num. 18. 212.
 Crucis signum in benedictionibus, & in Sacramentis ex Apostolica traditione est à Christo . Decif. 66. num. 15. 211.
 Crucis signo diabolus contremiscit, & fugatur . Decif. 66. num. 16. 211.
 Cynocephali qui sint? Decif. 46. num. 5. 133.
 D
 Anorum Regum origo ab Urso, qui Virginem compressit . Decif. 50. num. 2. 146.
 Debet Verbum importat necessitatem . Decif. 66. num. 20. 212.
 Inducit Præceptum . Decif. 72. num. 20. & 28. & Decif. 81. n. 5. pag. 261. & 335.
 Debata baptizandi ex contractu, vel ex delicto, an ei remittantur in baptismo . Decif. 33. num. 2. 94.
 Decima debetur Parocho de Oleo olivarum noviter plantatarum . Decif. 64. num. 13. 193.
 Decurionum Romanorum annua oblatio Sancto Sebastiano . Decif. 73. num. 49. pag. 273.
 Defectus naturales genitorum an transeant in filios? Decif. 50. n. 6. 148.
 Definitio Sacramenti Confirmationis duplex . Decif. 53. num. 7. 156.
 Definitiones aliæ Physicæ, aliæ Metaphysicæ, aliæ Quietativæ, aliæ Quid-ditativæ . Decif. 64. n. 1. 191.
 Definitio Extremæ Unctionis ibid. n. 2. ead. 191.
 DEIPARA an ministraverit Extremam Unctionem B. Reginaldo? Decif. 12. n. 4. & Decif. 69. n. 9. & 21. pag. 31. 226. & 230.
 DEIPARA, & S. Joan: Baptista à quibus sint baptizati? Decif. 25. n. 4. 69.
 DEIPARÆ, ac Sanctorum intercessio imploranda tempore Pestis . Decif. 73. num. 41. 271.
 DEIPARA an receperit Extremam Unctionem? Decif. 79. n. 20. 321.
 Deliquio oppressis an dandum Oleum Sanctum? Decif. 79. n. 26. 322.
 Dæmones fugantur aqua benedicta . Exemplum de hoc . Decif. 39. n. 9. 112.
 Dæmones incubi, vel succubi an generent monstra? An dentur Dæmones incubi cum mulieribus? An succubi cum viris? Decif. 49. per totam. 143.
 Dæmoniaci, seu Fanatici homines qui dicantur? Decif. 80. num. 31. 330.
 Deprecativa an debeat esse forma Extremæ Unctionis? Decif. 68. num. 2. & 7. 218.
 Deprecatoria forma Unctionis Extremæ habet effectum infallibilem ex Dei promissione . Decif. 68. num. 13. 221.
 Dereliquisti Verbum in forma Extremæ Unctionis an æqualeat verbo; Dereliquisti? Decif. 68. num. 19. 224.
 Desertum, in quo habitabat S. Joannes Baptista, ubi esset? Decif. 22. num. 3. 58.
 Diabolus an possit baptizare? Decif. 35. num. 8. 101.
 Diabolus quot, & quibus modis mutet homines in bestias? Decif. 47. num. 8. 138.
 Dia-

Ac Rerum magis Notabilium.

- Diabolus contremiscit ad signum S. Crucis.** Decif. 66. n. 16. pag. 211.
- Diabolus an visibilis appareat omnibus morientibus?** Apparuit Moniali Capuccinæ de Padua agonizanti, cui Auctor assistebat. Timet aspectum Vestium Sacerdotalium. Decif. 74. num. 24. 25. 26. 282.
- Diaboli tentationibus an dementes possint consentire?** Decif. 80. num. 43. 332.
- Ejus astus contra moribundos.** Decif. 82. num. 10. 344.
- Diaconi an dare possint Eucharistiam?** Decif. 14. num. 4. 35.
- An possint baptizare vel privatè, vel solemniter.** Decif. 28. n. 1. & 2. 81.
- & Decif. 35. num. 4. 100.**
- Differentia Sacramentorum Legis novæ, & Legis veteris.** Decif. 1. n. 5. 2.
- Inter Baptismum solemnem, & privatum.** Decif. 25. num. 8. 70.
- Differentia in Baptismo cum verbis Latinis, & cum Italicis.** Decif. 30. num. 4. 88.
- Differentia Infantium, & Adultorum: quo ad necessitatem Baptismi.** Decif. 32. num. 5. 93.
- Differentia inter Sacramentum Pœnitentiæ, & Extremæ Unctionis.** Decif. 70. num. 25. 237.
- Differentia inter effectus Unctionis Extremæ, Confirmationis, & Ordinis.** Decif. 78. num. 5. 312.
- Item.** Decif. 82. num. 7. 343.
- Digitis aqua madefactis an licitè, & validè baptizetur?** Decif. 41. num. 1. & 2. 116.
- Digitò indice an validè detur Chrisma?** Decif. 56. n. 5. & an licitè n. 6. 165.
- Digitus pollicis virtus, & mystica significatio; acaliorum dignitatum: manus hominis nomina, & symbola.** Decif. 56. num. 7. & seqq. 165.
- Digitus pollice manus sinistræ an possit dari Chrisma? & an Pennicillo?** Decif. 56. num. 11. & 12. 166.
- Dilatio inter Confessionem, & absolutionem quanta possit esse?** Decif. 7. num. 1. 18.
- Displicentia Venialium est necessaria ad eorum remissionem.** Decif. 20. num. 3. pag. 52.
- Nec non Decif. 39. num. 8. 112.**
- Dispositio quæ, & quotuplex: necessaria sit in confirmando?** Decif. 58. num. 6. 170.
- Distinctio circa obligationem ungendi infirmos à Parocho tempore Pestis.** Decif. 71. num. 20. 250.
- Dolor de peccatis requiritur in infirmo, ut Oleum Sanctum recipiat.** Decif. 80. num. 1. 325.
- Donaria non recipienda tempore Pestis à quocunque.** Decif. 73. n. 40. 271.
- Dormientes, simulque deambulando, acloquendo dementia laborant.** Decif. 80. num. 23. 329.
- Dubia in benigniorem partem resolvenda.** Decif. 75. num. 22. 292.
- Dydimus cæcus Scriptor Ecclesiasticus.** Decif. 67. num. 3. 214.
- E.**
- S. Ebbæ Abbatiæ, & ejus Moniales nasum sibi obtruncarunt.** Decif. 76. num. 3. 302.
- Ebrietate pereuntibus an danda Unctio: Extrema.** Decif. 79. num. 28. & 30. 322.
- Ebriosi casus curiosus.** d. Decif. 79. num. 31. 323.
- Ebrii dicuntur dementes, & insani.** Decif. 80. num. 22. 329.
- Ecclesia an polluat per sepulturam filii non baptizati?** Decif. 9. n. 4. 24.
- Ecclesia Latina est Magistra veritatis.** Decif. 56. num. 4. 165.
- Ecclesia potuit privare Excommunicatos facultate ministrandi Sacramenta.** Decif. 72. num. 8. 256.
- Ecclesia S. Rochi Paduæ quando constructa?** Decif. 73. num. 53. 274.
- Ecclesia cur in die Parasceve oret pro infidelibus?** Decif. 77. num. 39. 310.
- Ecstatici reputantur dementes.** Decif. 80. num. 28. 329.
- Effectus Sacramentorum qui, & quot sint?** Decif. 17. num. 1. 43.
- Effectus Baptismi sunt duodecim.** Decif. 33. num. 1. 94.
- Effectus Confirmationis: qui, & quot?** Decif. 58. num. 1. 169.

Index Verborum,

- Effectus Extremæ Unctionis. Decif. 62. num. 17. pag. 184.
De iisdem effectibus Decif. 82. per totam. 341.
- Episcopus an possit condere Leges? Decif. 23. num. 9. 63.
- Episcopus in tota sua Diœcesi potest baptizare. Decif. 35. num. 2. 99.
Item dare Chrisma. Et quomodo ad illud dandum debeat se præparare? Et an possit recipere Procuracionem? Decif. 57. num. 6. & seqq. 168.
- Episcopus an possit alienos subditos in sua Diœcesi confirmare? Decif. 58. num. 12. 171.
- Episcopus est Parochus Parochorum. Dat omnia Sacramenta in sua Diœcesi; ac etiam Extremam Unctionem: Imò ad eam dandam tenetur in defunctu Parochorum. Decif. 71. num. 2. 3. & 22. pag. 245. nec non 251.
- Episcopus moriturus recipere debet Sacramenta à prima Dignitate sui Capituli. Decif. 71. num. 6. & 9. 256.
- Epistola Divi Jacobi Apostoli an sit vera, vel ficta? Decif. 62. num. 5. & 18. 181.
- Epistolæ Divi Pauli ad Romanos, item Divi Petri, Divi Jacobi, ac Divi Joannis quo tempore sint conscriptæ. Decif. 62. num. 22. 186.
- Epileptici censentur dementes. Decif. 80. num. 26. 329.
- Eremitæ Laici ungebant infirmos Oleo Sancto, sed quomodo erat Sanctum. Decif. 69. num. 8. & 19. 226.
- Error communis quando det Jurisdictionem. Decif. 2. num. 7. 6.
- Errores hæreticorum circa formam baptismi. Decif. 30. num. 2. 88.
- Esse primum habens debet habere primum frui. Decif. 75. num. 11. 289.
- Evangelii loca præcipientia dare vitam corporalem pro spiritali proximi. Decif. 72. num. 15. 257.
- Evangelistæ cur non meminerint expressè Sacramenti Extremæ Unctionis? Decif. 63. num. 11. 189.
- Eucharistia quando sit deneganda peccatori occulto? Decif. 15. num. 5. 38.
- Eucharistiam qui ministrat in peccato, mortaliter peccat. Decif. 19. num. 7. pag. 49.
- Eucharistia olim statim post baptismum etiam pueris dabatur. Decif. 45. num. 8. 128.
- Eucharistiam extra Missam an de per se Sacerdos sumere possit. Decif. 75. num. 7. 288.
- Euchologium liber est Ritualis Græcorum. Decif. 70. num. 8. 233.
- Excommunicatio minor non facit ministrantem Sacramenta irregularem. Decif. 74. num. 10. 278.
- Excommunicari an Catechumenus possit? Decif. 77. num. 15. & 38. 306.
- Excommunicatus Sacerdos publicè denunciatus non potest dare Extremam Unctionem. Decif. 72. num. 6. 255.
- Excommunicatus est prius absolvendus, deindè Oleo Sancto ungendus. Decif. 80. num. 4. 325.
- Executor testamentarius quando possit retinere sibi elemosynam relictam pro pauperibus? Decif. 75. num. 12. 289.
- Exempla Sacramentorum à cœlestibus spiritibus ministratorum. Decif. 12. num. 3. 30.
- Exemplum Sacerdotis errantis in sensu verborum consecrationis Eucharistiæ. Decif. 13. num. 1. 31.
- Exemplum quinque fratrum cæso ventre matris editorum. Decif. 41. num. 6. 117.
- Exempla monstrorum à mulieribus editorum, & de causis eorum. Decif. 48. num. 5. 7. 11. 141.
- Dæmonum cum mulieribus incuborum. Decif. 49. num. 4. 144.
- Hominum coeuntium cum bestiis. Decif. 50. num. 4. 147.
- Exempla infirmorum Oleo Sancto unctorum ab Episcopis. Decif. 71. num. 4. 245.
- Episcoporum inunctorum à suis Canonici. Decif. 71. num. 9. 246.
- Exempla protectionis Deiparæ in Peste fugienda. Decif. 73. num. 43. 272.
- Morte punitorum exercitum in pec-

Ac Rerum magis Notabilium.

- peccato res Sacras . Decif. 74. num. 8. pag. 278.
- Exempla tentatorum à diabolo in articulo mortis .** Decif. 82. num. 11. 344.
- Sanatorum cum Extrema Unctione .** Ibid. num. 17. 346.
- Existentia Sacramenti Confirmationis .** Decif. 53. num. 4. 155.
- & Sacramenti Unctionis Extremæ .** Decif. 62. per totam. 180.
- Exorcismi , & aliæ orationes in baptismo unica vice super pluribus baptizandis fieri possunt .** Decif. 34. num. 2. 97.
- Extrema Unctio an interrumpi possit , si velit infirmus confiteri aliquod peccatum ?** Decif. 7. num. 3. 18.
- Ejus unctiones quot esse debeant ? quando repetendæ ? quando omiffæ supplendæ ?** ibid. num. 5. & seqq. 19.
- Extremæ Unctionis nomina diversa .** Decif. 61. num. 1. 178.
- Existentia .** Decif. 62. num. 2. 180.
- Non est danda impœnitentibus .** ibid. num. 10. 183.
- Extremæ Unctionis Sacramentum ubi , & quando fit institutum ?** Decif. 63. num. 1. & 8. 187.
- Facit de attrito contritum .** Decif. 71. num. 21. 250.
- Datur per verba deprecatoria ad Deum .** Decif. 75. num. 27. 293.
- Extrema Unctio an validè conferatur hominibus Sanctis , & quid eis profit .** Decif. 78. num. 8. & 13. 313.
- Requirat devotionem in fufcipiente .** Decif. 80. num. 36. 330.
- Est proprium remedium pro moribundis .** Decif. 81. num. 12. 336.
- Eam contemnens peccat mortaliter .** ibid. num. 21. 337.
- Extremæ Unctionis Sacramentum an possit esse validum , & informe ?** Decif. 82. num. 20. 346.
- F
- Acta multa Sanctorum admiranda non imitanda .** Decif. 76. num. 30. 302.
- Fanatici qui dicantur ?** Decif. 80. num. 31. 330.
- Fauni , Satyri , ac homines pilosi an dentur ?** Decif. 46. num. 2. pag. 131.
- Felis pili si deglutiantur , sunt venenosi , ac mortales .** Decif. 79. num. 25. 322.
- Fenestræ animæ sunt sensus corporis .** Decif. 66. num. 8. 208.
- Feræ diversarum specierum simul coeuntes quid generent ?** Decif. 50. num. 7. 148.
- Fictione recedente an Sacramentum cum ea fufceptum producat gratiam ?** Decif. 18. num. 3. 46.
- Fictio triplex in adulto fufcipiente baptismum .** Decif. 18. num. 4. 46.
- Fides exercetur tum in credendis , tum in agendis .** Decif. 27. num. 10. 78.
- Fides parentum an juvet infantes non baptizatos ?** Decif. 32. num. 7. 93.
- Fides non solo corde tenenda , sed ore confitenda .** Decif. 52. num. 2. 151.
- Fides , & charitas facit homines membra Christi , sed non fufficit sine baptismo ad recipienda alia Sacramenta .** Decif. 77. num. 5. & 20. 304.
- Filii Hæreticorum , Apostatarum , & Schismaticorum an invitis parentibus possint baptizari ?** Decif. 42. num. 3. 119.
- At infidelium non licet secundùm Thomistas : licet secundùm Scotistas .** d. Decif. 42. num. 4. 5. 6. 119.
- Filius natus extra Parochiam suorum genitorum à quo Parocho fit baptizandus ?** Decif. 43. num. 1. & 4. 122.
- Florum , & arborum nomina sæpe posita Filiis in baptismo .** Decif. 44. n. 3. 125.
- Fœminæ quæ , & quot Sacramenta possint ministrare ?** Decif. 12. num. 5. & 6. 31.
- In functionibus Sacris non permittuntur infervire .** Decif. 74. num. 21. 281.
- Fœtus in ventre Matris mortuus cum ea , an in loco sacro sepeliatur ?** Decif. 9. num. 3. 23.
- Formæ Sacramenti variatio quando destruat ipsum ?** Octo modis fieri potest .
- Verba formæ solo corde prolata an fufficiant ?** Decif. 8. per totam. 21.
- Formæ verborum interruptio , aut antepositio in Sacramentis , quando ea destruat ?** Decif. 10. per totam. 24.

Index Verborum,

Forma baptismi quænam sit? An omnia
verba ejus sint de essentia? An ob sit,
ea mutare in similia, vel invertere?
Decif. 30. per totam. pag. 87.
Forma Confirmationis, quænam sit? An
ejus omnia verba de essentia? An à
Christo determinata in specie? Decif.
55. per totam. 163.
Forma Extremæ Unctionis: *Quidquid
deliquisti. per. visum*, quomodo ve-
rificetur in cæco à nativitate? De-
cif. 67. num. 10. 216.
Forma Extremæ Unctionis quænam sit?
an esse debeat deprecatoria? Quid de
Ambrosiana, & Veneta, quæ videntur
esse indicativæ? Ejus verba posita
in Rituali Romano sunt omnia de
Præcepto. Decif. 68. num. 1. 2. 6. &
seqq. 218.
Tria: verò tantum de Præcepto; &
quæ? ibid. num. 18. 223.
Forma benedicendi oleum in Rituali
Veneto vetustissimo. Decif. 69. num.
20. 229.
Forma Extremæ Unctionis prolata ab
altero quàm ab ungente, an Sacra-
mentum sit validum? Decif. 70. num.
23. 237.
Quid si à pluribus, simul proferatur?
ibid. num. 37. 242.
Forma Sacramentorum debet innuere
effectus, eorundem. Decif. 70. num.
30. 240.
Francorum Reges Oleo supernaturali
inaugurantur. Decif. 64. n. 18. 195.
Fratres Episcopi nominantur Canonici.
Decif. 70. num. 21. 236.
Fratres quinque extracti è ventre Matris
inciso. Decif. 41. num. 6. 117.
Frontis unctio est de essentia Sacramenti
Confirmationis. Decif. 56. n. 2. 164.
Fructus Extremæ Unctionis diminuitur,
si detur infirmo sensibus destituto. De-
cif. 74. num. 36. 286.
Frumentum, ac nuces masticatæ sanant
bubones pestiferos. Decif. 73. num.
36. 270.
Fuga à locis peste infectis, remedium
optimum. Decif. 73. num. 24. 268.

G

Abriel. Georgius Senator Venetus.
Procurator S. Marci laudatus.
Decif. 73. num. 47. pag. 273.
Gemerium quid sit. Decif. 68. n. 9. 220.
Generare an possit diabolus incubus cum
muliere? Decif. 49. num. 5. 144.
Genitores designant, & imponunt nomen
filiis suis. Decif. 44. num. 9. 126.
S. Genovesa an ministraverit Oleum
Sanctum infirmis? Decif. 67. num. 7.
& 17. 226.
Georgii Cornelii Episcopi Patavini cha-
ritas, in ministranda Extrema Un-
ctione de nocte infirmo pauperi, loco
Parochi. Decif. 71. num. 5. 245.
Ejusdem munificentia erga Aucto-
rem. ibid.
Germani admittunt in Paternos etiam
hæreticos. Decif. 40. num. 3. 115.
Gigantes an dentur? ubi, & quomodo
generentur? Decif. 46. num. 7. 134.
Gladius cur semper occideret Martyres?
Decif. 27. num. 17. 80.
Glossio albo cur abstergatur caput ba-
ptizati unctum Chrismate? Decif. 45.
num. 5. 128.
Gratia divina quid sit? & Quotuplex?
De ipsa divisiones variz. Decif. 17.
per totam. 43.
Gratiam primam an recipiat communi-
cans cum mortali ignorato? Decif. 18.
num. 1. & seqq. 45.
Gratia, quæ datur in Baptismo, an sit
æqualis omnibus? Decif. 33. n. 7. 96.
Gratia prima, an aliquando detur in Sa-
cramento Confirmationis? Decif. 58.
num. 4. & 11. 169.
Gratia, quæ datur in Sacramentis est
ejusdem speciei, sed non ad eosdem
effectus. Decif. 78. n. 9. & 10. 313.
Gratia sanctificans est præcipuus effectus
Extremæ Unctionis; in qua aliquan-
do datur etiam prima gratia. Decif.
82. num. 3. & 4. 342.
Gravida mulier, an ultimo supplicio ple-
tenda? Decif. 41. num. 4. 116.
S. Gregorii Magni ordo consecrandi
oleum infirmorum. Decif. 62. num.
11. 183.
Græci in Sacramento Confirmationis
inun-

Ac Rerum magis Notabilium.

inungunt aures, nares, & os. Decif. 56. num. 3. pag. 164.
 Græci Oleo Sancto inungunt cadavera Sacerdotum. Decif. 61. n. 4. 179.
 Græci Presbyteri benedicunt oleum infirmorum statim ac sunt illud ministraturi infirmis. Decif. 65. n. 10. 200.
 Ungunt faciem infirmi. Decif. 66. num. 6. 207.
 Græcorum forma in Sacramento Extremæ Unctionis. Decif. 68. n. 10. 220.
 Numerus septem Sacerdotum intervenit apud illos in eo ministrando. Decif. 70. num. 7. 233.
 Græca Ecclesia debet discere à Latina; non e contra. Decif. 70. n. 34. 241.
 Eorum Ritus qui, & quales ab Innocentio IV. & Clemente VIII. approbati? ibid. num. 35. 242.
 Græci infirmi recipiunt Extremam Unctionem in Ecclesia. Decif. 74. num. 27. 283.
 Græci inungunt Oleo Sancto infirmorum etiam sanos. Quomodo intelligant Verba S. Jacobi: infirmatur quis in vobis? Prædictæ Unctiones non sunt Sacramentum; sed Sacramentalia. Decif. 79. num. 8. 9. & 15. 318.
 S. Gotardus Episcopus adhibet Oleum Sanctum pro dolore oculorum. Decif. 79. num. 18. 321.
 S. Guilielmus Extrema Unctione moriturus inunctus. Decif. 70. n. 20. 236.

H

H Alitus pestiferati inficit alios peste. Decif. 73. num. 4. 265.
 Hebræorum nomina an imponenda filiis baptizandis? Decif. 44. num. 10. 126.
 S. Heduvigi cur data Extrema Unctio sine infirmitate? Decif. 79. n. 6. 318.
 Ejus Confessarius an eidem Sanctæ debuerit credere? ibid. num. 14. 319.
 Hercules peste infectus à veste pestiferata. Decif. 73. num. 13. 266.
 Hæreticorum errores circa materiam Baptismi. Decif. 29. num. 2. 82.
 Eorundem circa formam. Decif. 30. num. 2. 88.
 Ac circa necessitatem Baptismi. Decif. 32. num. 8. 93.
 Hæreticorum filii an invitis parentibus

possint baptizari? Decif. 42. num. 3. pag. 119.
 Hæretici, qui negarunt Sacramentum Confirmationis. Decif. 53. n. 3. 154.
 Hæreticorum confessio, quod Ecclesia non erravit primis quinque Sæculis. Decif. 62. num. 12. 183.
 Hermaphroditæ quis sint; & undè sic dicantur? Decif. 46. num. 8. 135.
 S. Hermenegildus rectè recusavit communionem ab Episcopo Ariano. Decif. 72. num. 7. 256.
 Hispalensis Archiepiscopi instantia de addendo oleo non benedicto. Decif. 65. num. 14. 203.
 Homines an possint mutari in belluas? Decif. 47. num. 7. 138.
 Homo ex dæmone succubo an nasci possit? Decif. 49. num. 8. 145.
 Et an ex Matre humana, & Patre bellua? Decif. 50. num. 3. & 4. 146.
 Homines sine brachiis, & manibus miræ facientes. Et alii cum tribus, ac quatuor brachiis. Decif. 67. n. 5. & 6. 214.
 Homini viventi, non autem mortuo dandum est Unctionis Extremæ Sacramentum. Decif. 76. num. 3. 21.
 & 25. 296.
 Hortamur verbum dictum à Superiore in re gravi est præceptivum. Decif. 66. num. 21. 212.
 Humanior sententia amplectenda, ubi jus non contradicit. Decif. 75. num. 21. 291.
 Humidum radicale an consumetur à calore naturali? Decif. 76. num. 7. 297.
 S. Hune Gundis Extrema Unctio, Mors, & Sepultura. Decif. 81. n. 10. 336.
 Hydrophobi qui sint, & an laborent amentia. Decif. 80. num. 30. 329.
 Hypochondriaci dicuntur dementes. Decif. 80. num. 34. 330.

I

Iacobus promulgator Extremæ Unctionis, non autem institutor. Decif. 62. num. 21. 185.
 S. Jacobi verba Inducant Presbyteros declarata. Decif. 70. num. 15. 235.
 B. Jacoponi Tudertini Sanctissima demencia. Decif. 80. num. 12. 327.
 Ignis jugiter ardens est remedium contra

Index Verborum,

- tra Pestem. Decif. 73. n. 25. pag. 268.
- Ignorantia invincibilis de peccato removeret obicem gratiæ. Decif. 18. n. 6. 47.
- Ignorantes rudimenta fidei non sunt admittendi in Patrilios. Dec. 40. n. 5. 115.
- Illicitum est ungere Oleo Sancto eundem infirmum à pluribus Sacerdotibus. Decif. 70. num. 39. 242.
- Imaginatio genitorum causa solet esse monstrorum. Decif. 48. n. 7. 141.
- Immersione capitis pueri in aqua Baptisterii an liceat puerum baptizare? Decif. 39. num. 1. 109.
- Impotentia solvendi debita, ob quam est suspensus à divinis, an eum excuset, si baptizet? Decif. 28. num. 9. 82.
- Incruentum Martyrium quodnam sit? Decif. 27. num. 7. 76.
- Indignis à ministris quando liceat petere Sacramenta? Et iisdem illa ministrare? Decif. 15. num. 3. & 4. 37.
- Indulgentia Plenaria concessa recitantibus *Ave Maria*, dum eam pulsant campana. Decif. 24. num. 8. 67.
- Infantes, & usum rationis non habentes, sunt incapaces Extremæ Unctionis. Decif. 78. per totam. 311.
- Infantes sunt baptizandi ex traditione Apostolica. Decif. 23. num. 2. 61.
- Infantes inclusi in secundina, vel nondum egressi de utero Matris, an possint baptizari? Decif. 29. n. 10. & 11. 86.
- Infantes sine baptismo in re; vel sine Martyrio salvari non possunt. D. 32. n. 6. 39.
- Infantes plures an unica actione baptizare liceat? Decif. 34. num. 1. 97.
- Infantis non baptizati mors potius permittenda, quam mortaliter peccare. ibid. num. 5. 98.
- Infantes infidelium an licite possint baptizari, eorum parentibus invitis? Decif. 42. per totam. 119.
- Infantes olim confirmabantur. Decif. 58. num. 7. 170.
- Infemale oleum, quo Strygæ, ac Sagæ se ungunt. Exempla de his. Decif. 64. num. 21. 195.
- Infidelis baptizans an contrahat cognationem spiritualem? & an carnalem, si coeat cum fidei? Decif. 36. num. 4. & 5. 103.
- Infirmities sanantur Aqua benedicta. Decif. 39. num. 11. pag. 113.
- Infirmum oppressum in aliena Parochia à quo recipiat Sacramenta? Decif. 43. num. 3. 122.
- Infirmus carens aliquo sensu quomodo Oleo Sancto unguendus? Decif. 67. num. 1. & 7. 213.
- Infirmus inunctus Oleo Sancto in morbo levi, si fiat periculosus, an sit iterum unguendus? Decif. 74. num. 33. 285.
- Infirmi Oleo Sancto inuncti, si sani fiebant, olim Deo dedicabantur. Decif. 74. num. 37. 286.
- Infirmi lampadarum Ecclesiæ oleo, vel simpliciter benedicto antiquitus utebantur ad curandas infirmitates. Decif. 76. num. 27. 301.
- Infirmum moriente ante completas omnes Olei Sancti Unctiones, ab eis est abstinentum. Decif. 76. n. 32. 302.
- Infirmis ex morbo periculoso danda est Extrema Unctio; non autem ex levi. Et cur? Decif. 316. num. 1. & 4. 317.
- Innocentii I. verba circa ministros Extremæ Unctionis. Decif. 69. num. 6. & 16. 226.
- Innocentii VIII. Bulla circa ritus Græcorum. Decif. 79. num. 16. 320.
- Institutio Sacramenti Confirmationis quando fit facta? Decif. 53. n. 5. 155.
- Quando Sacramenti Baptismi? Decif. 77 n. 8. & n. 26. & 27. 305.
- Et quando Sacramenti Extremæ Unctionis. Decif. 63. per totam. 187.
- Intentio Ministri necessaria ad faciendum Sacramentum. Quid sit? Et Quotuplex? Decif. 11. num. 1. 2. & 3. 26.
- Suscipienti Sacramentum an sit necessaria? Decif. 14. num. 1. 33.
- Item Decif. 58. num. 9. 170.
- Interdictum Ecclesiasticum quid sit? & quotuplex? Quorum Sacramentorum administrationem prohibeat? Decif. 3. per totam. 7.
- Interd. et tempore an dari possit Extrema Unctio? Decif. 74. num. 38. 286.
- Et Decif. 81. num. 16. 336.
- Interpretatio plenissima facienda est in beneficiis. Decif. 287. num. 23. 292.
- Joan. Sanci opinio de non danda vita tem-

Ac Rerum Magis Notabilium.

- temporali pro salute spirituali proximi reprobata. Decif. 72. num. 17. pag. 258.
- Ira est species dementiae. Decif. 80. num. 18. 328.
- Irregularis an fiat, qui reiterat Sacramentum Confirmationis? Decif. 58. num. 3. 163.
- Irregularitates omnes tolluntur à Baptismo, sed non Bigamiae. Decif. 33. num. 3. 95.
- Iteranda Extrema Unctio si iterentur infirmitates. Decif. 81. num. 43. 340.
- Judaei sunt infensi Christianis. Votum Judaei occidendi Christianos octo. Decif. 52. num. 5. & 6. 153.
- Judaei an olim ordinarentur? Decif. 77. num. 12. 305.
- Putabant Gentiles non esse baptizandos. ibid. num. 23. 307.
- Dignitates occupabant inter Christianos. num. 35. 310.
- Judicia Dei adoranda, non perscrutanda. Decif. 82. num. 16. 345.
- B. Juniperi inobedientia erga S. Franciscum. Decif. 44. num. 4. 125.
- Jurisdictionis Parochialis est dare Extremam Unctionem, Sacrum Viaticum, & Sepulturam Parochianis. Decif. 71. num. 10. 247.
- Jus antiquum quid disponderet circa Patrimonios. Decif. 60. num. 2. 174.
- L
- L**aicus invalide administrat Sacramenta, excepto baptismo; & quas poenas incurrat? Decif. 2. per totam. 4.
- Laici absentibus Sacerdotibus, an possint seipso de per se communicare? Decif. 14. num. 5. 35.
- Laici an possint ministrare Extremam Unctionem? Decif. 69. per totam. 225.
- Laicus baptizans si sit in peccato mortali, an mortaliter peccet. Decif. 74. num. 5. 277.
- Laici licite induunt se Cotta, dum canunt in Ecclesia. Decif. 74. num. 18. 280.
- Lampretae, & columbi comesti tem-
- pore Pestis praeservant ab illa. Decif. 73. num. 29. pag. 269.
- Latrones, idest unus ex latronibus blasphemabant Christum in Cruce. Decif. 75. num. 25. 292.
- Lætitia ingens causat improvisam mortem. Decif. 76. num. 20. 299.
- Lex Ecclesiastica obligat in conscientia, & sub poena peccati mortalis. Decif. 23. num. 8. 63.
- Lex Moysa quomodo dicebatur servanda in æternum? Decif. 76. num. 15. 298.
- Liberorum appellatione veniunt Nepotes, pronepotes, & alii descendentes ab eis. Decif. 30. num. 10. 90.
- Libri Sacramentorum D. Gregorii Papae ordo circa Extremam Unctionem. Decif. 70. num. 1. 232.
- B. Liduvina Unctionem Extremam recepit à Christo Domino. Decif. 74. num. 29. 284.
- Lignum Vitæ creatum à Deo in Paradiso Terrestri an esset unum, vel plura? Ejus esus an fecisset homines immortales? Decif. 76. num. 11. 12. 13. 14. 297.
- Locus dandi baptismum est Ecclesia. Quibus ministrari possit domi? Decif. 30. num. 9. 89.
- Locus, in quo ministrari potest Sacramentum Confirmationis. Decif. 57. num. 9. 168.
- Locus, in quo ministranda est Extrema Unctio, quomodo sit praeparandus? Decif. 74. num. 28. & 29. 284.
- Lucas de Achery Monachus S. Benedicti Auctor Sæculorum Benedictinorum. Decif. 76. num. 23. 300.
- Lucernæ Antiquorum inextinguibiles. Exempla earundem. Decif. 64. num. 16. 194.
- Ludovicus Lantgravius Thuringiae infirmus à quibus fuerit Oleo Sancto inunctus? Decif. 70. num. 6. 233.
- Lutherani, atque Calvinistæ negant Sacramentum Extremæ Unctionis. Decif. 62. num. 1. 180.

Index Verborum,

Lutheri Hæresiarchæ ortus ; vita , & mors. Decif. 62. num. 20. pag. 185.
Luxuriæ impetus facit insanire. Decif. 80. num. 20. 328.
Lycanthropia est species Stultitiæ . In quo consistat ? Decif. 80. num. 29. 329.

M

MAhometis adventus præfagium in Thracia. Decif. 48. num. 9. 142.
S. Malachias unctus Unctione Extremæ. Decif. 70. num. 20. 236.
Ejus lacrimæ ob tarditatem suam in ungenda Puella infirma , quæ obiit sine hoc Sacramento. Decif. 74. num. 35. 285.
Eidem Puellæ resuscitatæ quo jure dederit Sacramentum Extremæ Unctionis ? Decif. 79. num. 7. & 14. 318.
Maleficia solvuntur Aqua benedicta. Decif. 39. num. 10. 113.
Manuum impositio in Scriptura Sacra multiplex. Et quæ ? Decif. 53. num. 2. 154.
MARIA Virgo Mater Dei Thesauraria Divinæ beneficentiæ. Decif. 69. num. 21. 230.
Ipsa à quo fuerit baptizata ? Decif. 25. num. 4. 69.
An receperit Sacramentum Extremæ Unctionis ? Decif. 78. num. 4. 14 & 16. 312.
An unctio per EAM data B. Reginaldo ægrotanti fuerit Sacramentum ? Decif. 69. num. 9. & 21. 226.
Item Decif. 12. num. 4. 31.
B. Mariæ Ogniacensis visio circa Oleum Sanctum. Decif. 82. num. 13. 345.
Mancia infidelium possessa à Christianis possunt baptizari invitis genitoribus. Decif. 119. num. 8. 121.
Maritus , & Uxor tenentes simul ad baptismum eundem infantem an contrahant inter se cognationem spirituales ? Decif. 37. num. 8. 105.
Martini Lutheri ortus , vitæ ac mortis compendiosa relatio. Decif. 62.

num. 20. pag. 185.
Martini Papæ V. Extravagans quid permittat circa excommunicatos , & interdictos ? Decif. 3. num. 4. 8.
Martyres cur olim dicerentur Confessores ? Decif. 27. num. 3. 75.
Martyres qui fuerint ob fidem in agendis ? ibid. num. 11. 78.
Ipsi necessaria est perseverantia in tormentis. ibid. num. 15. 79.
Martyrium quid , & quotuplex sit ? Quando licitè procuretur ? Decif. 27. per totam. 74.
Martyrizandi si sint in peccato , & non possint confiteri , an sufficiat eis Attribitio ? vel sit necessaria contritio ? d. Decif. 27. num. 13. 79.
Non debent recalcitrare contra tortores. ibid. num. 14. 79.
Masculus si baptizetur , & credatur femina , vel è contra , An baptismus sit validus ? Decif. 30. num. 7. 89.
Mater si parere non possit , an teneatur pati incisionem ventris ? Decif. 41. num. 3. 116.
Ejus ventri sectio quando sit licita ? ibidem. num. 5. & 8. 117.
Matris vita quando præferenda sit vitæ fœtus ? Decif. 41. num. 9. 118.
Materia quæ sit apta , & quæ inepta in quocunque Sacramento ? Decif. 6. per totam. 13.
Materia Baptismi quæ , & quotuplex sit ? Et an Aqua artificialis , vel miraculosa sit sufficiens ? Decif. 29. per totam. 83.
Materia remota Confirmationis quænam sit ? Et quæ proxima ? Decif. 54. per totam. 157.
Materia remota Sacramenti Extremæ Unctionis quæ ? & qualis esse debeat ? Decif. 65. num. 1. & seqq. 197.
Materia proxima ejusdem Extremæ Unctionis quænam sit ? Quot Unctiones requiratur ? Et an faciendæ in signum Crucis ? Decif. 66. per totam. 205.
Materia in uno , eodemque Sacramento pluries an applicari possit ? Decif. 70. num. 36. 242.
Ma-

Ac Rerum Magis Notabilium.

- Matrimonii materia, & forma quænam sit? Decif. 70. num. 26. pag. 237.
- Matrimonium an esse possit inter fidelem, & infidelem ex Papæ dispensatione? Decif. 77. num. 13. & 36. 306.
- Matthæus Veglenfis Ord. Min. Conven. Theologus Publicus in Gymnasio Patavino laudatus. Decif. 64. num. 10. 192.
- Matthæi Galeni opinio, quod Unctio Extrema reiterata pluribus diebus eidem infirmo antiquitùs non erat Sacramentum, Decif. 81. num. 38. 339.
- Media ad salutem necessaria sunt de Præcepto; secus quæ tantum utilia. Decif. 81. num. 20. 337.
- Medicina spiritualis est Extrema Unctio. Decif. 75. num. 10. 289.
- Medicina dubia adhiberi potest ægrotò periclitante. Decif. 75. num. 35. 294.
- Medicus quando sit obligatus sub pœna peccati mortalis mederi pectè infectis? Decif. 72. num. 32. 262.
- Medicus ægrotans an sibi ipsi possit mederi. Decif. 75. num. 8. 288.
- Mediocritas servanda est in omnibus rebus tempore Pestis. Decif. 73. num. 33. 269.
- Menardi opinio, quod antiquitùs Sacramentum Extremæ Unctionis replicaretur eidem infirmo pluribus diebus? Decif. 81. num. 35. 339.
- Mensa, & alia paranda in cubiculo ægroti recepturi Extremam Unctionem. Decif. 74. num. 28. 284.
- Mercium peste infectarum contactu Pestis diffunditur. Decif. 73. num. 11. 266.
- Metus gravis causat dementiam. Decif. 80. num. 19. 328.
- Minister Sacramentorum quis sit? Et an Cœlestes Spiritus possint ea ministrare? Decif. 12. per totam. 30.
- Minister in baptismo unicus esse debet. Si plures nihil agunt, Decif. 31. per totam. 90.
- Minister Sacramenti Confirmationis quis sit tam Ordinarius, quàm Extraordinarius? Decif. 57. num. 1. & 6. pag. 167.
- Minister Extremæ Unctionis quis sit? Decif. 69. per totam. 225.
- Et an plures esse possint in ea ministranda eidem infirmo? Decif. 70. num. 11. 234.
- Ministrorum Extremæ Unctionis genera quinque. Decif. 71. per totam. 245.
- Ministri in Sacramento Matrimonii sunt ipsi Sponsi. Decif. 75. num. 19. & 32. 290.
- Ministrans Extremam Unctionem debet esse in gratia. Decif. 74. num. 2. 276.
- Missæ an possit celebrari pro defunctis Catechumenis? Decif. 77. num. 44. 311.
- Mitio Apostolorum ad ungendos, & sanandos infirmos, de qua, Marc. 6. 13. an fuerit institutio Sacramenti Extremæ Unctionis? Decif. 63. per totam. 187.
- Monachi, etiam Abbates olim Sacris ordinibus non initiabantur? Decif. 76. num. 28. 301.
- Monachi Iconiensis tentatio in morte, & damnatio. Decif. 82. num. 11. 344.
- Monialis in confessione fingens se puellam laicam, an valide absolvatur? Decif. 11. num. 4. 28.
- Moniales, ac Religiosi in Germania non unguuntur Oleo Sancto in pedibus. Decif. 66. num. 4. 206.
- Moniales S. Petri de Padua annuatim piè solvunt Votum S. Rocho factum tempore Pestis. Decif. 73. num. 54. 274.
- Monialis Capuccinæ de Padua agonizantis terror, viso diabolo. Decif. 74. num. 25. 283.
- Monoculi unum tantummodò oculum in fronte gestantes. Decif. 47. num. 4. 137.
- Monstra ex quot? & ex quibus causis nascantur? Decif. 48. per totam. 140.
- Ex eis præsagium malorum, ibid. num. 8. & seqq. 143.

Index Verborum,

Moralistis quando non est standum? Decif. 23. num. 7. pag. 63.
 Morbus gallicus, phthisis, & lepra contrahuntur ex contactu. Decif. 73. num. 12. 266.
 Morituri per manus carnificis non est danda Extrema Unctio; nisi in duabus casibus hic relatis. Decif. 79. num. 33. & 34. 323.
 Morituri in fine solent insanire. Decif. 80. num. 33. 330.
 Mori cupiebat insanus ejus Vir. ibid. num. 38. 331.
 Mors infantis non baptizati potius permittenda, quam peccare. Decif. 34. num. 5. 98.
 Mors quid sit? & quotuplex? Decif. 76. num. 4. 296.
 Mortis naturalis causa quænam sit in homine? ibid. num. 8. 297.
 Mortes decrepitorum senum sine dolore. ibid. num. 19. 299.
 Mortis timore qui recusat Oleum Sanctum, An peccet? Decif. 81. num. 26. 337.
 Mortui incapaces Extremæ Unctionis ob sex rationes? Decif. 76. num. 21. 299.
 Antiquitus ungebantur Oleo Sancto. ibid. num. 22. & 25. 300.
 Mortua filia Regis Francorum linita fuit Oleo Sancto à B. Theodorico Abbate, & revixit. ibidem num. 24. 300.
 Mortuorum antiqua Unctio cum Oleo Sancto non erat Sacramentum. d. Decif. 76. num. 25. 301.
 Mosayca lex quomodo dicebatur servanda in æternum? Decif. 76. num. 15. 298.
 Mulieres quæ Sacramenta possint ministrare. Et an Eucharistiam? Decif. 12. num. 5. & 6. 31.
 Saltem sibi ipsis? Decif. 14. num. 5. 35.
 Mulieres barbatæ. Doctrina, ac sapientia illustres. Vassæ, & vitiose. Audientes confessiones Sacramentales. Decif. 51. à num. 2. & seqq. 149.
 Mulier quæ contraxit 22. Matrimo-

nia. ibid. num. 7.
 Mulier rotata à carnifice ob scemini-
 cidium proditorium. Decif. 79. num. 37. 323.
 Mundities in vestibus, & in corpore servanda tempore Pettis. Decif. 73. num. 35. 270.
 Mutatio materiæ Sacramentorum an ea destruat? Decif. 6. num. 1. 13.
 Mystica significatio antiquæ Unctionis mortuorum cum Oleo Sancto. Decif. 76. num. 26. 301.

N

N Abuchodonosor quomodo fuerit mutatus in bestiam? Decif. 47. num. 9. 137.
 Nani, Pigmei, & Pumili homines An? & ubi existant? Decif. 46. num. 6. 133.
 Nardino Oleo, ac balsamo lampades Ecclesiarum olim ardebant. Decif. 64. num. 15. 193.
 Natus extra Parochiam, sed in loco distanti, à quo sit baptizandus? Decif. 43. num. 4. 123.
 Necessitas, quid, & quotuplex sit? Et an eadem in infantibus, ac in adultis quoad Baptismum? Decif. 32. per totam. 92.
 Necessitatis in casu quilibet baptizare potest. Decif. 35. num. 6. 100.
 An tunc requiratur Patrinus? Et si interveniat, an contrahat cognationem spirituales? Decif. 37. num. 9. 105.
 Necessitatis in casu an plures Sacerdotes possint eodem tempore ungere eundem infirmum Oleo Sancto? Decif. 70. num. 12. 234.
 Necessitate spirituali extrema proximi cessante non tenemur dare nostram vitam corporalem ex charitatis præcepto. Decif. 72. num. 29. 261.
 Nicolai Baldelli Theologi Soc. Jesu doctrina de charitate proximi. Decif. 72. num. 25. 260.
 Nomina profana non imponenda filiis in baptismo; sed nomina Sanctorum. Usus circa nomina. Et ad quem spectet ea imponere? Decif. 81. 301.

Ac Rerum Magis Notabilium.

cif. 44. per totam. pag. 124.

Novitius si sit Sacerdos, & ungat

Oleo Sancto laicum, non incurrit ex-
communicationem latam in Regula-
res. Decif. 72. num. 4. 253.

Nullus sanatus à Christo in corpore, qui
non fuerit prius sanatus in anima.
Decif. 63. num. 3. 187.

Nullus pluralis sonat pro singulari in sa-
cra scriptura. Exempla de hoc. De-
cif. 70. num. 16. 235.

Nymphæ, Nereides, Sirenes, seu mu-
lieres marinæ, an dentur? Decif. 46.
num. 4. 132.

O

O Bice peccati ablato effectus Olei
Sancti producantur; Decif. 82.
num. 21. 348.

Obligem peccati quando sola Attritio
tollat in infirmo? ibid. n. 22. 348.

Obligatio Extremæ Unctionis afficit
Parochos, non Parochianos. Decif.
81. num. 18. 336.

Occisi in odium fidei sunt Martyres, &
baptizati in eorum sanguine. Decif.
52. num. 3. 152.

Occultum dicitur dupliciter. Et quomo-
do? Decif. 15. num. 6. 39.

Octo diebus tantum differre licet ba-
ptisma parvulorum. Decif. 23.
num. 5. 62.

Odia restringenda, & favores amplian-
di. Et an semper? Decif. 77. num.
16. & 40. 306.

Odoramenta bona tempore Pestis adhi-
benda. Decif. 73. num. 26. 268.

Officium Parochiale est dare Extre-
mam Unctionem, Sacrum Viati-
cum, & sepulturam. Decif. 71.
num. 10. 247.

Oleum nucum, piscium, & alia-
rum rerum an possit esse Materia
Confirmationis? Decif. 54. num.
5. 158.

Oleorum genera sex; & quæ? Oleo-
rum artificialium species innumeræ.
Olei virtutes. Decif. 64. per to-
tam. 191.

Oleum ex olivis benedictum est Ma-
teria Extremæ Unctionis. Decif. 64.
num. 22. 196.

Olei Sancti dispensatio spectat ad
Ecclesiam Cathedralam. Decif. 64.
num. 23. pag. 196.

Oleum Olivarum ab Episcopo bene-
dictum cur sit Materia remota Ex-
tremæ Unctionis? Decif. 65. num. 1.
2. 3. 4. 197.

An benedici possit à simplici Sacerdo-
te? ibid. num. 9. 200.

Qua die ejus consecratio fieri debet?
d. Decif. 65. num. 11. 201.

An consecrato aliud non conse-
cratum addi possit? ibid. num. 12.
& 14. 202.

An anni decursi sit Materia apta?
Decif. 65. num. 16. 204.

Oleorum sanctorum pro dispensatio-
ne nulla merces, aut donum re-
cipi potest. Decif. 65. numer.
17. 204.

Danda sunt non solum Parochis,
sed etiam Regularibus, & Moniali-
bus. ibid. num. 17.

Oleum Sacrum antiquitùs dabatur et-
iam pro sola medicina corporali. De-
cif. 70. num. 31. 240.

Est materia non tantum Sacramenti,
sed aliorum Sacramentalium. ibid.
num. 32. 241.

Oleum Sanctum dare infirmo in infir-
mitate levi, vel in initio infirmitatis
nec licet, nec valide potest, & ef-
fet mortale peccatum. Decif. 74.
num. 31. 285.

Oleum Sanctum antiquitùs etiam in
Ecclesia Latina adhibebatur pro
Sacramentali, seu corporali tan-
tum medicina. Decif. 79. num.
17. 321.

Olii Fluminis descriptio, & ejusdem
piscis. Decif. 64. num. 5. 191.

Omittere aliquas Unctiones in Sacra-
mento Extremæ Unctionis quando
liceat? Decif. 66. num. 10. 209.

ex Opere operato Oleum Sanctum
delet Venialia. Decif. 82. num.
6. 243.

Opinionem probabilem sequi, relicta
probabiliiori in Sacramentis est Pro-
positio damnata ab Innocentio XI.
Decif. 65. num. 13. 202.

Item

Index Verborum,

- Item Decif. 75. num. 32. & 33. ubi
quænam dicatur probabilior. 294.
- Opinio minus probabilis in extrema
necessitate eligi potest. ibid. num.
35. pag. 295.
- Opiniones quinque circa numerum
Unctionum faciendarum in Extre-
ma Unctione. Decif. 66. num.
7. 207.
- Ex his, quæ sequenda. ibid. num.
9. 209.
- Oratio fidei quid importet in Un-
ctione Extrema? Decif. 62. num.
16. 184.
- Oratio requirit attentionem internam
ad Deum. Decif. 68. num. 4. 219.
- Orationis efficacia in Extrema Un-
ctione non est ex opere operantis,
sed ex opere operato. Decif. 68.
num. 12. 221.
- Oratio ad Deum dirigitur ut plurimum
indicativo, & imperativo modo.
ibid. num. 15. 222.
- Orationes quæ? & quales præmit-
tendæ Extremæ Unctionis? Decif. 74.
num. 20. 221.
- Ordinare, aut confirmare seipsum
nullus potest. Et cur? Decif. 75.
num. 31. 294.
- Ordinatus Sacerdos ministrans Sacra-
menta in mortali quot peccata com-
mittat? Decif. 19. num. 6. 49.
- Ordo servandus inter personas in bap-
tismo ob casum necessitatis? Decif. 35.
num. 7. 100.
- Ordo servandus in Unctionibus, dum
datur Oleum Sanctum. Decif. 67.
num. 12. 216.
- Ordo servandus in dilectione proxi-
mi, ac sui ipsius. Decif. 72. num.
11. 256.
- Ordinis Sacramentum, ac Eucharistia
quando admittant plures Ministros.
Decif. 70. num. 13. 235.
- Ornatus animæ causatus à quolibet
Sacramento quid sit? Decif. 19.
num. 9. 50.
- Osculum olim dabatur baptizato. De-
cif. 45. num. 7. 128.
- Ossifragio Reis decumbentibus, à
carnifice iisdem illato, Extrema
Unctio dari potest. Decif. 79. num.
36. pag. 323.
- P
- P'Aduæ cur per Octavam Paschæ
Parochi non baptizent? Decif. 23.
num. 4. 62.
- Paduæ Civitas à Peste liberata anno
1576. ex clementia Desparæ, cujus
Imago, ea imperante, delata fuit in
Templum PP. Carmelitarum. De-
cif. 73. num. 46. 272.
- Palatini Oleo Sancto inuncti amplius
calceos non induunt. Decif. 81.
num. 31. 338.
- Panis; & Vinum non contrahunt
Pestem ex contactu. Decif. 73.
num. 15. 266.
- Papa est minister Sacramentorum in
toto mundo. Decif. 35. num. 1. 99.
- Potest delegare simplici Sacerdo-
ti ministrationem Sacramenti Con-
firmationis. Decif. 57. num. 2. &
3. 167.
- Papa potest sumere pro seipso Indul-
gentiam aliis concessam. Decif. 75.
num. 17. 290.
- Parentum fides an juvet infantes
non baptizatos? Decif. 32. num.
7. 93.
- Parochiale officium est dare Sa-
crum Viaticum, Extremam Un-
ctionem, & sepulturam. Decif. 71.
num. 10. 247.
- Parochiale onus laboriosissimum. De-
cif. 71. num. 12. 248.
- Parochi assiduitas quanta esse debeat
in ministrandis Sacramentis. De-
cif. 5. per totam. 11.
- Et an tempore Pestis teneantur pro-
priis manibus ea ministrare? ibid.
num. 3.
- Parochi licentia est necessaria ad bap-
tizandum extra necessitatem. Decif.
28. num. 3. 81.
- Parochi suspensi à Divinis an possint ba-
ptizare? ibid. num. 4. & 7.
- Parochi duo eundem infantem simul
an validè baptizent? Decif. 31.
num. 3. 91.
- Parochus nondum Sacerdos an possit
baptizare? Decif. 35. num. 5. 100.
- Pa-

Ac Rerum Magis Notabilium.

- Parochus tempore Pestis an teneatur ministrare Extremam Unctionem? Decif. 67. num. 14. pag. 217.
- Parochus tenetur ex iustitia Extremam Unctionem suis Parochianis graviter ægrotantibus ministrare. Decif. 71. num. 11. 247.
- Aliàs peccat mortaliter; & est puniendus ab Episcopo. ibid. num. 14.
- Parochus nec nimis properus, nec nimis tardus esse debet in ministranda Extrema Unctione. Decif. 74. num. 30. 284.
- Parochus moribundus, absente omni alio Sacerdote, an possit sibi ipsi ministrare Extremam Unctionem? Decif. 75. per totam. 287.
- Parochorum obligatio instruendi infirmos circa virtutem Sacramenti Extremæ Unctionis. Decif. 81. num. 338.
- Parochorum officium assistendi agonizantibus post ministrata eis Sacramenta, donec expirent Ratione sex huius assistentiæ. Decif. 74. num. 23. 282.
- Partus numerosi Mulierum an dentur de his exempla. Decif. 47. n. 10. 139.
- Passiones animi moderandæ tempore Pestis. Merus, ac Tristitia ableganda. Decif. 73. num. 34. 270.
- Pater quanto tempore possit differre Baptismum Filii sui? Decif. 23. num. 1. 61.
- Pater, & Mater infantis quando licite possint esse Patrini in ejus baptismo? Decif. 37. num. 11. 105.
- Pater, qui levavit filium suum de fonte, an petat debitum à secunda Uxore? Decif. 37. num. 16. 107.
- Pater, & Mater designant nomen imponendum filiis in baptismo. Decif. 44. num. 9. 126.
- Patrinus non baptizatus an contrahat cognationem spiritualement? Decif. 36. num. 3. 102.
- Patrini an adhibendi in baptismo privato? Et quatenus adhibeantur, an contrahant cognationem spiritualement? Decif. 37. num. 1. & 9. 103.
- Patrinorum varia nomina, officium, & conditiones. ibidem num. 2. 3. 4. pag. 104.
- Patrinus unus tantum admittendus, vel unus, & una. At si plures admittantur, utrum omnes contrahant cognationem spiritualement? Decif. 37. n. 5. 6. 7. 104.
- Patrinus tenens tantummodò dum suppletur cærimoniam Baptismi, an contrahat spiritualement cognationem? ibid. num. 12. 106.
- Patrinus quando sit obligatus instruere filium in Fide, & Lege Divina? Et quando eum alere in egestate? Decif. 38. per totam. 108.
- Patrini qui non possint esse in Baptismo? Decif. 40. num. 2. 115.
- Patrini qui prohibeantur tenere in Confirmatione? & an non confirmati, & qui sunt prohibiti tenere, & tenent, contrahant cognationem? Decif. 39. per totam. 171.
- Patrini duo, vel plures si suscipiant eundem Confirmandum, an omnes contrahant spiritualement cognationem? Decif. 60. per totam. 174.
- Pauli Segnerii libellus, *U Parocho sfruito*, ad cuius instantiam in lucem prodiit? Decif. 71. num. 13. 248.
- Paulianistæ hæretici an essent valide ordinati absque baptismo? Decif. 77. num. 11. & 34. 305.
- Peccatum est baptizare solemniter sine Patrino. Decif. 37. num. 10. 105.
- Peccatum est digitis tantum aqua madefactis puerum tangendo baptizare. Decif. 41. num. 1. & 2. 116.
- Peccata hominum causant Pestilentiam. Decif. 73. num. 16. 267.
- Peccatum an mortale sit negligere Extremam Unctionem? Decif. 81. num. 14. & 15. 336.
- Peccatores arcentur à ministerio rerum Sacrarum. Decif. 74. num. 4. 277.
- Peccatori notorio sensibus destituito an Extrema Unctio sit ministranda? Decif. 80. num. 6. 326.
- Pennicillo an liceat confirmationis Sa-

Index Verborum,

- Sacramentum dare? Decif. 56. num. 12. pag. 166.
- Periculo infirmitatis ablato, si iterum fiat periculosa, iterum dari potest Extrema Unctio. Decif. 81. num. 41. 340.
- Perseverantia necessaria est Martyri in tormentis. Decif. 27. num. 15. 79.
- Persona una, & eadem gerere potest vicem duarum. Decif. 75. num. 25. 292.
- Pestilentia an à sola aeris corruptione procedat? Decif. 73. num. 2. 264.
- Pestis tempore an Parochi teneantur residere, & personaliter Sacramenta ministrare? Decif. 5. num. 3. 12.
- Pestis tempore an teneantur Parochi ministrare Extremam Unctionem cum periculo vitæ? Decif. 71. num. 16. 17. & 18. 249.
- Pestis ob flagitia hominum. Exempla, & Historiæ diversæ. Decif. 73. num. 18. 19. 20. & seqq. 267.
- Petri de Luna Schisma quomodo prænuntiandum? Decif. 48. num. 10. 142.
- Pharaonis obstinatio causavit Pestem in Ægypto. Decif. 73. num. 17. 267.
- S. Philippi Neri sollicitudo, ut demens reputaretur. Decif. 80. num. 14. 327.
- Phrænesis est species stultitiæ. Decif. 80. num. 27. 329.
- Phrænetica Catechumena moribunda an baptizanda? Decif. 43. num. 6. 123.
- Phthisici ac hydropici quando sint ungendi Oleo Sancto? Decif. 79. num. 32. 323.
- Pluralis numerus aliquando significat singularem. Decif. 75. num. 24. 292.
- Plures Sacerdotes olim vocabantur ad orandum super infirmum. Decif. 70. num. 18. 236.
- Plures Sacerdotes simul an valide ungant Unctione Extrema eundem sentum? d. Decif. 70. num. 33. 241.
- Plus cui licet, minus non debet prohibitum esse. Decif. 71. num. 6. pag. 288.
- Pœna debita pro Venialibus remittitur Oleo Sancto. Decif. 82. num. 8. 343.
- Pœnitentiæ Sacramentum datur per modum iudicii. Decif. 7. num. 2. 18.
- Pœnitentiæ Sacramentum quando liceat recipere à Sacerdote indigno? Decif. 15. num. 2. 36.
- Pollice Sacerdotis an sit ungendus infirmus, vel etiam aliqua virgula Oleo Sancto intincta? Decif. 67. num. 13. 217.
- Policephali qui sint? & quomodo baptizandi? Decif. 47. num. 6. 137.
- Pontifices Summi possunt delegare simplicii Sacerdoti ministrationem Sacramenti Confirmationis. Decif. 37. num. 3. & 4. 167.
- Præceptum Divinum, ac etiam Ecclesiasticum de suscipiendo Confirmationis Sacramento. Decif. 60. num. 13. 177.
- Præceptum diligendi proximum quo Jure introductum? Decif. 72. num. 10. 256.
- Præceptum an detur de suscipienda Extrema Unctione? Decif. 81. num. 1. 334.
- Prælati Regulares an sint obligati ministrare Extremam Unctionem suis subditis? Decif. 71. num. 23. 251.
- Presbyter Græcæ, Latine dicitur senior. Decif. 69. num. 3. 225.
- Presbyteri nomine post publicatum Evangelium intelliguntur Sacerdotes. Decif. 69. num. 11. 227.
- Presbyteri an plures sint vocandi ex D. Jacobo ad dandum Extremam Unctionem? Decif. 70. num. 1. & 24. 232.
- Presbyteri nomine antiquitus denotabatur Parochus. Decif. 71. num. 15. 248.
- Presbyteri sunt ministri Sacramenti Extremæ Unctionis. Decif. 75. num. 18. 290.
- Primarius effectus quisnam sit Olei Sancti? Decif. 82. num. 18. 346.

Ac Rerum magis Notabilium.

Propositio damnata de materia minus probabili in Sacramentis non procedit; ubi materia probabilior haberi non potest. Decif. 66. num. 12. pag. 209

Proximè accingendus habetur pro accincto. Decif. 79. num. 11. 319

Publicus Pœnitens non inungitur Oleo Sancto ante reconciliationem. Decif. 60. num. 3. 325

Puella cœca concupiscebat Vittas cocineas, ac purpureas. Decif. 67. num. 11. 216

Puella recusabat Oleum Sanctum, ne facta sana prohiberetur saltare. Decif. 81. num. 29. 338

Puer projectus in puteo cum prolatione formæ baptismi an sit baptizatus? Decif. 29. num. 7. 85

Pueri usum rationis non habentes incapaces sunt Sacramenti Extremæ Unionis. Decif. 78. per totam. Et cur? 312

Pueri ante usum rationis validè recipiunt Sacramenta Confirmationis, & Ordinis. Et cur? Decif. 78. num. 2. & 5. 312

Pueris danda est Extrema Unctio sub conditione, si capax es, quando dubitatur, An habeant usum rationis? Decif. 78. num. 18. 315

Puerperæ scilicet in ventre, salva earum vita. Decif. 41. num. 7. 117

Puerperæ quando dari possit Extrema Unctio? Decif. 79. n. 22. 321

Punitionis causâ nascuntur monstra. Decif. 48. num. 11. 142

Purgatorii poenis addictus qui noluit Oleum Sanctum recipere. Decif. 81. num. 33. 338

Pyctacium quid sit? Decif. 38. num. 5. 308

R

Rationes sex ob quas minister Extremæ Unionis debet esse ingratia. Decif. 74. num. 3. 276

Reginaldus Ordin. Prædic. ægrotans ungitur oleo à Deipara. Decif. 69. num. 9. 220

Ejusdem obitus; & ad eum pia precatiuncula. ibid. num. 22. 230

Regulares non possunt esse Patrini in Baptismo, aut Confirmatione; & cur? Decif. 40. num. 4. pag. 115

Regulares ministrant Extremam Unionem degentibus in Monasterio, Familiaribus, Hospitibus, ac Mercenariis. Decif. 71. num. 24. 251

Regulares Præsidentes Seminariis, aut Collegiis Scholarium Laicorum, an dent Extremam Unionem Alumnis graviter in eis ægrotantibus? d. Decif. 71. num. 27. 252

Regulares quando possint dare Extremam Unionem in alienis Parochiis. ibidem num. 28. 253

Regulæ servandæ pro baptizandis monastriis. Decif. 51. num. 5. 150

Remedia contra Pestem alia naturalia, alia supernaturalia. Decif. 73. num. 23. 268

Rei à carnifice trucidandi non ungantur Oleo Sancto, nisi in duobus casibus. Et qui sint? Decif. 79. num. 34. 323

Reiterare Extremam Unionem in eadem infirmitate illicitum. Decif. 81. num. 40. 340

Reliquiæ peccatorum, quæ deleatur Oleo Sancto, quid sint? Decif. 82. num. 9. 343

S. Rembertus Episcopus pluribus continuatis diebus Oleo Sancto inunctus. Decif. 81. num. 36. 339

Res, aut donaria non recipienda tempore Pestis à quocunque. Decif. 73. num. 40. 271

Responsio ad auctoritates, & exempla plurium ministrantium simul Extremam Unionem. Decif. 70. num. 17. 236

Riculphi Episcopi Sveffionensis Constitutiones de anno 889. circa ministrandam Extremam Unionem. Decif. 70. num. 3. 232

Ritualis Rubricæ sunt de Præcepto, & obligant sub mortali. Decif. 34. num. 3. 97

Ritualis Romani monitio ad Parochos circa nomen baptizandorum. Decif. 44. num. 5. 125

Aaa

Ritua-

Index Verborum,

Rituale Romanum quot Unctiones præscribat in dando Oleo Sancto ? Decif. 66. num. 3. pag. 206

Rituale Romanum habet vim legis, & obligat sub Præcepto. Decif. 66. num. 19. 212

Ritus Ecclesiæ Romanæ in Sacramentis ministrandis servandi, & non immutandi sub poena mortalis peccati. Decif. 25. num. 7. 70

Ritus baptizandi per infusionem aquæ non est immutandus. Decif. 39. n. 2. & 3. 110

Ritus Sacramentorum immutantibus Anathematis poena est inflicta. Decif. 66. num. 11. 209

S. Rochus Confessor Protector fidelium tempore Pestis. Decif. 73. num. 52. 274

Rotæ ferro armatæ tormento conquassantur, & trucidantur homicidæ in Germania, & Francia. Decif. 79. num. 35. 323

Rupertus Rex Romanus recusabat liniri Oleo Sancto, credens se statim esse postea moriturum. Decif. 81. num. 27. 337

S

Sacerdos an consecret vinum, quod aliàs proposuerat non consecrare ? Decif. 11. num. 6. 29

Sacerdos extra Missam an possit sibi Eucharistiam ministrare. Decif. 14. num. 3. 34

Sacerdos bonus baptizans an magis proficiat baptizato, quàm malus ? Decif. 33. num. 4. 95

Sacerdos vocatus ad obstetricandum, quid agat ? Decif. 43. n. 5. 123

Sacerdotis consecratio cum Oleo Sancto quàm sit antiqua ? Decif. 61. num. 5. 179

Sacerdos simplex, quando licet det Extremam Unctionem ? Quando teneatur eam dare absente Parocho. Etiam cum periculo vitæ ? Decif. 72. per totam. 254

Sacerdotes sunt tamquam Executores testamentarii Christi. Decif. 75. num. 14. 289

Eorum officium petere à Deo veniam

de peccatis. ibid. num. 16. pag. 290
Sacerdotes sunt Ministri Extremæ Unctionis d. Decif. 75. num. 18. 290

Sacramenti definitiones variae, ac divisiones. Sacramenta quot sint ? ex quibus consistit. Quomodo differant à Sacramentis legis Moysaycæ ? Decif. 1. per totam. 1

Sacramenta utrùm fuerint in lege Naturæ ? Et quæ in lege Moysis ? Decif. 4. num. 6. & 7. 9

Sacramenta an petenda à ministris indignis ? Decif. 15. num. 1. 36

Sacramentum Extremæ Unctionis ubi, & quando sit à Christo Domino institutum ? Decif. 63. num. 1. & 8. 187

Sacramenta non dantur non baptizatis. ibid. num. 7. 188

Sacramentum ibi sit, ubi est debita Materia, Forma, & Minister. Decif. 75. num. 5. 288

Sacramenta sunt capitale pretiosissimum comparatum meritis Christi. Decif. 75. num. 13. 289

Sacramenta consistentia in usu quando requirant Ministerium alium à suscipiente. Decif. 75. num. 30. 294

Sacramenta omnia constant ex Materia, Forma, & Intentione Ministri ; sed inter baptizatos. Decif. 77. num. 14. & 37. 306

Ideo non dantur non baptizatis. ibid. num. 18. 306

Sacramenta non dantur, ubi eorum effectus non sperantur. Decif. 80. num. 37. 330

Sacramentum Extremæ Unctionis an possit esse validum, sed informe ? Decif. 82. num. 20. 346

Sacramentalia quæ, & quot sint ? Decif. 20. num. 1. 50

An remittant Venialia ? & an ex opere operato, vel ex opere operantis ? ibid. 2. 5. 6. 52

Sacramentalia faciens in peccato mortali, An mortaliter peccet ? d. Decif. 20. num. 10. 55

Item Decif. 74. num. 6. 277

Sacramentale Oleum in quanta veneratione olim apud fideles ; & odio apud

Ac Rerum magis Notabilium.

- apud hæreticos . Decif. 64. num. 23. pag. 196
- Sagittæ missæ de Cœlo , & vulnera mortalia infigentes in peste Anni 590. Decif. 73. num. 22. 268
- Sal in Vino causat ebrietatem . Decif. 79. num. 29. 322
- Samaritani baptizati à Philippo , cur ab eo non confirmati ? Decif. 57. num. 2. 167
- Sanguinis Baptismus quid sit ? Et quid in baptizando requiratur ? Decif. 27. per totam. 74
- Sanguinis fluxus magnus è naribus an sufficiat pro ministranda Extrema Unctione ? Decif. 79. num. 21. 321
- Sanitas corporis concessa à Sacramento Baptismi ? Decif. 33. n. 2. 94
- Sanitas corporis ab Extrema Unctione quando detur ? Decif. 82. num. 15. 345
- Scandalum si resultet ex omissione Extremæ Unctionis , hæc omisso est culpa mortalis . Decif. 81. num. 23. 337
- Schisma Petri de Luna , aliàs Benedicti XIII. anno 1389. prænuntiatur . Decif. 48. num. 10. 142
- Scholastici obscuro circa effectus Extremæ Unctionis . Decif. 82. num. 1. 341
- S. Sebastianus corpus suum morti exposuit pro proximi spiritali salute . Decif. 72. num. 16. 258
- Ejus valida protectio tempore Pestis . Decif. 73. num. 48. 273
- Cur huic Sancto datum à Deo protegere Peste infectos ? ibidem num. 51. 274
- Sectio ventris Materni pro extrahendo foetu quando licita ? Decif. 41. num. 5. & 8. 117
- Secula Benedictina , quæ sunt in Nobilissimo Monasterio S. Justinæ de Padua , laudata . Decif. 79. num. 5. 318
- Sedes Apostolica Romana non potest errare in fide . Decif. 57. n. 5. 167
- Seminis humani superfluitas generat Monstra : prout etiam debilitas . Decif. 48. num. 2. 140
- Item si semen humanum misceatur cum semine bestiarum . ibidem num. 4. pag. 141
- Senes ex parvis passionibus moriuntur . Decif. 76. num. 18. 299
- Senes decrepiti moriuntur sine dolore . Decif. 76. n. 19. 299
- Sensibus infirmo destituto an danda Extrema Unctio ? Decif. 80. num. 5. 325
- Septenarii numeri Sacerdotum ministrantium Extremam Unctionem Mysterium . Decif. 70 n. 9. 233
- Sepultura Ecclesiastica privatur contemnens Extremam Unctionem . Decif. 81. num. 6. 335
- Serici artifices expelli possunt à vicinis ob malum odorem . Decif. 73. num. 7. 265
- Servi Dei se stultos fingunt , ut parvipendantur . Decif. 80. n. 10. 326
- Servi Dei in Cœlo quomodo fiant necessitates nostras ? Decif. 73. num. 42. 272
- Qua de causa ipsi excellant in adiuvando fideles circa aliquas infirmitates ? ibid. num. 50. 273
- Qui præcipue invocandi tempore Pestis . d. Decif. 73. n. 55. 274
- Servorum Dei plura facta admiranda , at non imitanda . Decif. 79. num. 10. 319
- Sextilæ Virginis Vestalis ob incestum Pestis grassata est Romæ . Decif. 73. num. 19. 267
- Si dictio est conditionalis . Decif. 7. num. 10. 20
- Si sanis hominibus detur Extrema Unctio invalidum est Sacramentum . Decif. 79. num. 2. 317
- Sicut dictio an importet similitudinem . Decif. 72. n. 19. & 26. 258
- Signa rei Sacræ non omnia sunt Sacramenta . Decif. 1. n. 2. 1
- Signorum genera tria . ibid. n. 4. 2
- Simile non est idem . Decif. 76. num. 29. 301
- B. Simonis Saloficta stultitia . Decif. 80. num. 11. 327
- Solemnis Baptismus quis sit ? Decif. 25. num. 6. 70

Index Verborum,

Soli Episcopi, & Sacerdotes sunt Ministri Extremæ Unctionis. Decif. 69. num. 10. pag. 226
 Somnus, aut Vigilia non sint nimii tempore Pestis: & Alvus fluidus. Decif. 73. num. 31. 269
 Sopore gravi oppressi reputantur amictus. Decif. 80. n. 24. 329
 Speciei diversæ an feræ coeant? Et quid tunc generent? Decif. 50. num. 7. 180
 Species plurimæ stultitiæ naturalis. Decif. 80. num. 17. & seqq. 328
 Sponsæ fundus dicitur fundus dotalis. Decif. 79. num. 12. 319
 Status tres hominum ante legem Evangelicam. Decif. 4. n. 1. 9
 Statim significat modicum intervallum temporis. Decif. 7. n. 9. 20
 Stillecidium an faciat Baptismum validum? Decif. 39. num. 4. 110
 Stipulatio interrupta an valeat? Decif. 10. num. 4. 25
 Stola Sacerdotalis vis, & mysterium. Decif. 74. num. 12. 279
 Stola, ac superpelliceum induat ministrans Extremam Unctionem. Decif. 74. num. 19. 281
 Stulti à nativitate an saltem venialiter peccare possint? Decif. 80. num. 42. 332
 Stulti à nativitate an dari possit Extrema Unctio? ibid. num. 44. 333
 Stultitia duplex, Spirituális, & Sancta: Naturalis, & miserrima. Decif. 80. num. 9. 326
 Stultitiæ naturalis causæ, atque species. Decif. 80. n. 16. & 17. 328
 Subjectum Extremæ Unctionis duplex. Unum proximum, idest sensus ungendi. Aliud remotum, nempe homo Christianus viator, graviter ægrotans. Decif. 76. num. 1. & seqq. 296
 Succurrendum est prius magis indigenti. Decif. 78. num. 20. 315
 Summi Pontifices, qui delegarunt simplici Sacerdoti ministrationem Confirmationis. Decif. 57. num. 3. 167
 Superpellicei clericalis etymologia. Et

cur dicatur *Cotta*? Decif. 74. num. 13. pag. 279
 Superpelliceum cum Stola adhibendum in danda Extrema Unctione. Et an sub peccato mortali? Decif. 74. num. 19. 281
 Suscipiens Sacramenta an debeat esse alius à Ministro? Decif. 14. num. 2. 34
 Suspendio à Divinis quæ, & quotuplex? Decif. 28. num. 5. 81
 Suspendus Parochus à Divinis an possit baptizare? Decif. 28. n. 4. 7. 8. 81
 Synodales Constitutiones de Baptismo sollicitè infantibus dando loquentes. Decif. 23. num. 6. 62

T

Tarantulæ morsus facit insanire. Decif. 80. num. 32. 330
 Tarditas Parochi in dando Oleo Sancto causat duo inconvenientia. Et quæ? Decif. 74. num. 34. 285
 Tempore quo producantur in infirmo effectus Unctionis Extremæ? Decif. 82. num. 19. 346
 Tentare Deum est expectare Messiem, & non seminasse. Decif. 81. num. 13. 336
 Tentationes Diaboli superantur in morte virtute Extremæ Unctionis. Decif. 82. num. 12. 345
 Tertiarium, ac Tertiarie à quibus recipiant Extremam Unctionem. Decif. 71. num. 26. 252
 Testamentum interruptum an sustineatur? Decif. 10. n. 5. 25
 Testimonia SS. Patrum de veritate Sacramenti Extremæ Unctionis. Decif. 62. num. 9. 182
 Theodori Archiepiscopi Cantuariensis Anno 668. decretum de Extrema Unctione. Decif. 81. n. 3. 335
 Theodori Monachi tentatio in morte. Decif. 82. num. 12. 344
 Thomæ Tamburini opinio explosa circa Præceptum charitatis erga proximum. Decif. 72. num. 18. 258
 Tilianus Codex de pluritudine ministrationum Extremam Unctionem. Decif. 70. num. 4. 232
 Tormentum gratia dicebat. Consecrarius

Ac Rerum magis Notabilium.

- rius ignarus in danda absolutione .
Decif. 68. num. 20. pag. 224
- T**raditio triplex, Divina, Apostolica,
& Ecclesiastica, ac de ejus vi. Decif.
62. num. 8. & 15. 284
- T**ransumptis libri Sacramentorum S.
Gregorii non est in omnibus creden-
dum. Decif. 70. num. 28. 238
- T**ridentini Concilii censura in contem-
ptores Extremæ Unctionis. Decif. 81.
num. 7. 335
- T**RINITAS Sanctissima assimilata tri-
bus primis digitis. Et quare? Decif.
56. num. 10. 166
- T**ritones, seu Homines marini an repe-
riantur? Decif. 46. num. 3. 132
- V
- V**alidum an sit Sacramentum da-
tum à pluribus ministris simul? Decif.
70. num. 22. 237
- V**ariatio formæ quando destruat Sacra-
mentum? Decif. 8. per totam. 21
- V**ariolæ, ac morbili contrahuntur in
pueris ab aere corrupto. Decif. 73.
num. 3. 264
- V**el dictio sonat ET. Decif. 81. num.
22. 337
- V**enæ sectio, ac sanguinis minutio an
juvet tempore Pestis? Decif. 73. num.
37. 270
- S.** Venerandus Martyr baptizatus à
Christo Domino. Decif. 33. num.
8. 96
- V**enetis olim Unctio Extrema dabatur
etiam in capite, in pectore, & in
scapulis. Decif. 66. num. 5. 207
- V**enera forma Extremæ Unctionis an-
tiqua an esset deprecativa. Decif. 68.
num. 6. & 14. 219
- V**enetiarum Civitas anno 1631. à Peste
liberata opè DEIPARÆ. Decif. 73.
num. 45. 272
- V**enialia habens, & non dolens de eis,
an peccet suscipiendo Sacramenta?
Decif. 29. num. 7. 49
- V**enialia quomodo deleantur per Sa-
cramentalia? Decif. 20. per to-
tam. 50
- V**enialis est culpa recusare Extremam
Unctionem ex levi causa. Decif. 81.
num. 32. 338
- V**enialia delentur per Extremam Un-
ctionem ex opere operato. Decif. 82.
num. 5. & 6. pag. 342
- V**erba formæ solo corde prolata an fa-
ciant Sacramentum. Decif. 8. num.
3. 22
- V**erba formæ Baptismi quæ sint de es-
sentia? Decif. 30. per tot. 87
- V**erba *Non potest* irritant actum. Decif.
59. num. 6. 173
- V**erba formæ Sacramenti Confirmatio-
nis quæ sint de essentia? Decif. 55.
per totam. 163
- V**erba formæ Extremæ Unctionis, quæ
sint de essentia? & quæ de Præcepto?
Decif. 68. per totam. 218
- V**erba S. Joannis, *Et nos dedemus pro*
fratribus animas ponere; sunt de
Præcepto. Decif. 72. n. 27. 261
- V**erba D. Jacobi, *Infirmatur quis in*
vobis? An sint præceptiva? Decif.
81. num. 2. & 17. 334
- V**estibus albis induebantur baptizati.
Et quot diebus? Decif. 45. num. 32
& 4. 128
- V**estis Sacræ necessariæ in ministran-
da Extrema Unctione. Decif. 74.
num. 11. 279
- V**iatum olim non dabatur infirmo, nisi
post datam ei Extremam Unctionem.
Decif. 70. num. 29. 236
- V**iatum, & Extrema Unctio ad eum-
dem ministrum spectat dare. Decif.
71. num. 7. 246
- V**iduae Elisei Olei mysterium. Decif. 75.
num. 20. 292
- V**iperæ morsus est mortalis, sufficiens
pro danda Extrema Unctione. Decif.
79. num. 24. 322
- V**irgula dari potest Oleum Sanctum
Pestis tempore. Decif. 73. num.
39. 275
- V**ita Matris quando sit præferenda vi-
tæ foetus, vel e contra? Decif. 41.
num. 9. 118
- V**ita corporalis quando sit periculo ex-
ponenda, vel pro baptizando parvu-
lo, vel confessione audienda, aut Ex-
trema Unctione danda moribundis?
Decif. 72. num. 30. 262
- V**ita hominis consistit in calore natura-
li, &c.

Index Verborum, ac Rerum, &c.

- li, & humido radicali . Decif. 76.
num. 5. pag. 296
- S. Vitalis miles se morti exposuit, con-
fortando Ursicinum Medicum in fide.
Decif. 72. num. 16. 258
- Unctiões Sacrae decem, & quæ? De-
cif. 53. num. 8. 156
- Unctio in fronte materia proxima
Confirmationis . Decif. 54. num.
13. 162
- Est de essentia, ut fiat in fronte .
Decif. 56. num. 2. 164
- Unctiões octo, quæ sunt in usu in
Ecclesia. Decif. 61. n. 3. 178
- Unctio Olei, quam faciebant Apostoli
Marc. 6. 13. an esset Sacramentum?
Decif. 63. num. 5. 188
- Unctiões quot esse debeant de essen-
tia Extremæ Unctiões? Decif. 66.
num. 2. 206
- Unctiões, de quibus in libr. Sacram.
S. Gregorii, non erant Sacramentum .
Decif. 70. n. 29. 239
- Unctiões à pluribus Sacerdotibus suc-
cessivè factæ complent Sacramentum .
ibid. num. 42. 243
- Unctiq. Extrema olim data ante S. Via-
ticum. Decif. 71. num. 8. pag. 246
- Unctiões infirmi cum Oleo Sancto
continuatur olim multis diebus non
erant Sacramentum, sed curativæ
ex devotione . Decif. 81. numer.
37. 339
- Unum Sacramentum quomodo sit Ex-
trema Unctio cum pluribus Unctio-
nibus? Decif. 76. n. 13. 210
- Vocabula dubia secundum communem
usum loquentium sunt intelligenda .
Decif. 65. num. 3. 197
- Vocis *Sacramenti* significationes variae.
Decif. 1. num. 1. 1
- Volitionis, ac Nolitiois an detur Neu-
trum? Decif. 52. n. 1. 151
- Voluntatis veræ quæ sint vera signa,
Decif. 52. num. 4. 152
- U^t est particula optativi modi significans
Utinam. Decif. 68. n. 16. 223
- Uterinus furor in mulieribus facit eas
insanire . Decif. 80. n. 35. 330
- Utilia animæ suæ quisque debet provi-
dere . Decif. 81. n. 11. 336
- Vulnere mortali fauciatis Extrema
Unctio est ministranda . Decif. 79-
num. 23. 322

F I N I S.